

This is a reproduction of a library book that was digitized by Google as part of an ongoing effort to preserve the information in books and make it universally accessible.


GoogleTM books

<https://books.google.com>



2^o a lat 6 1/2

1610.



● VALERE LE GRAND
EN FRANCOYS, OV SONT COMPRINS
les faictz & dictz dignes de memoire, tant des vertueux per-
sonnaiges que des vitieux, affin que les hommes par la splendeur
& beaulté des vertuz, soiét enflâmez à les ensuiuir: pareillemēt
par la turpitude & reproche des vices, soient incitez à fuir &
auoir horreur d'iceux, Ensemble le dixiesme liure dudi & Vale-
re, qui au parauant n'auoit esté mis en lumiere, Translaté
nouuellement de Latin en Frâçoys, par maistre Iehan
le Blond, & dedié au Treschrestien Roy
Henry, deuxiesme de ce nom.

Auec priuilege Royal.

1 5 4 8

110.

Les semblables sont a vendre au Palais à Paris au
premier pillier de la grand salle, en la boutique de
Charles l'Angelier deuant la chapelle
de meſieurs les Presidens.

LES ANGELIERS

Le priuilege Royal.



Lest permis au translateur de ce present liure de Valere, par lettres patentes du Roy nostre sire, dōnées à saint Germain en Laye, le dixiesme iour de May, mil cinq cens quarante sept signées par le Roy, Robillart, & seellées du grant scel, sur simple queue de cire iaune, faire imprimer le dict Valere en Francoys, & est deffendu de par le Roy nostre dict seigneur à tous Libraires & Imprimeurs, & autres marchantz telz quilz soyent, de non imprimer ne vendre en ce Royaume ladiete translation: ne autres translations quelconques, sans le gré & consentement de ccluy qui a eu la charge de le faire imprimer par ledict translateur, sur peine de confiscation des liures & d'amende arbitraire, & ce iusques à cinq ans finis & accomplis, à conter du iour que le dict liure sera acheué d'imprimer, & fut acheué ledict liure d'imprimer le cinquiesme iour d'Apuril, mil cinq cens quarantehuiet.

La vie de Valere le Grand,

FAICTE A L'ABREGÉ.



VALERE le Grand, citoyen Romain, gentilhomme, donna toute son enfance, & grande partie de sa jeunesse, aux lettres & honnestes artz. Puis quand fut parvenu en aage d'homme, s'appliqua à hâter les armes: ou quelque temps fut souldard, & feit le nauigage d'Asie, avec Sextus Pompeius. Luy reuenu, voyant qu'il pouoit apporter fruit à son pays, tant en bien disant, qu'en bien

Valere le
Grand citoyé
Romain.

faisant, retourna à l'estude, dont il auoit esté destourné, par le desir de veoir la guerre: & delibera d'escrire les faitz & dictz dignes de memoire des Romains, & nations estranges, ainsi comme luy mesme le confesse. Ce qu'il feit eusement & avec grand honneur. Cestuy fut en fleur & bruit du temps de l'empereur Tibere: & soubz son regne composa ceste histoire. duquel il inuoke la diuinité en son exorde. Certes quand les empereurs Romains gouuernoient l'empire bien & iustement, ilz estoient celebres & festoyez d'honneur diuin, & mesmes estoient colloquez au renc des dieux: parquoy encore de present nous appellons les Cefars sacrez & saintz. Cestuy Valere du costé paternel estoit descédu de la noble maison des Valeres, & du costé maternel de la lignée des Fabiens. Dont de l'une & l'autre race print son nom de Valere le Grand. De la mort duquel on n'en peult

Valere estoit
du temps de
l'empereur
Tibere.

Les Cefars ap-
pellez sacrez
& saintz.
La progenie
de Valere.

parler au certain.

¶

¶ ii

Les chapitres des neuf li-

VRES DE VALERE LE GRAND.

¶ Les chapitres du premier Liure.

Du cultiueement des dieux	Chap. i
De religion contemnée	Chap. ii.
De religion feine	Chap. iii.
Des auspices, c'est à dire des consultations qui se faisoient, ains que commencer quelque chose: par le regard des oyseaux, en contemplant leur vol, leur chant & s'ilz mangeoyent bien ou mal	Chap. iiii
Des presages bons & mauuais	Chap. v
Des signes admirables	Chap. vi
Des songes	Chap. vii
Des merueilles	Chap. viii

¶ Chapitres du second liure.

Des statutz anciens	Chap. i
De la maniere de guerroyer	Chap. ii
Du droit de triumphe	Chap. iii
De reprinse & reproche	Chap. iiii
De dignité	Chap. v

¶ Chapitres du tiers liure.

De bonne nature	Chap. i
De force	Chap. ii
De patience	Chap. iii
De ceulx qui sont venuz de petit lieu en hault estat	Chap. iiii
De ceulx qui ont degeneré des meurs de leurs nobles parens	Chap. v
De ceulx qui ont esté trop pompeux	Chap. vi
De la trop grande confiance de soy	Chap. vii
De constance	Chap. viii

¶ Chapitres du quatrieme liure.

D'atrempance d'esprit	Chap. i
De ceulx qui d'ennemys ont esté amys	Chap. ii
De temperance & continence	Chap. iii
De pource	Chap. iiii
De honte	Chap. v
D'amour entre gens mariez	Chap. vi
D'amitié	Chap. vii
De liberalité	Chap. viii

¶ Chapitres

¶ *Chapitres du cinquieme liure.*

D'humanité	Chap.	i
De ceulx qui ont recongneu les bienfaictz	Chap.	ii
Des ingratz	Chap.	iii
De la debonaireté, honneur & reuerence qu'on doit auoir enuers son prochain	Chap.	iiii
De la debonaireté entre freres	Chap.	v
De la debonaireté enuers le pays	Chap.	vi
De l'amour de pere & de mere enuers leurs enfans, & du bandon qu'ilz leur donnerent	Chap.	vii
De la feuerité de pere & de mere enuers leurs enfans	Chap.	viii
De l'atrempance des parens enuers leurs enfans dont ilz auoyent soupçon	Chap.	ix
Des peres qui ont porté patiemment la mort de leurs enfans	Chap.	x

¶ *Les chapitres du sixieme liure.*

De chasteté	Chap.	i
Les choses qui sont dictes & faictes franchement	Chap.	ii
De feuerité	Chap.	iii
Les dictz & faictz de grauité	Chap.	iiii
De iustice	Chap.	v
De foy publique	Chap.	vi
De la foy des femmes enuers leurs marys	Chap.	vii
De la foy des seruiteurs enuers leurs maistres	Chap.	viii
De la mutation des meurs, & de fortune	Chap.	ix
De ceulx qui de bas estat sont venuz à haultesse	Chap.	x
De la varieté & aduentures de Fortune	Chap.	xi

¶ *Les chapitres du septieme liure.*

De felicité	Chap.	i
Ce qu'on a dict & faict sagement	Chap.	ii
Ce qu'on a dict & faict finement	Chap.	iii
D'astuce	Chap.	iiii
Des refus	Chap.	v
De nécessité	Chap.	vi
Des testamens retrenchez	Chap.	vii
Des testamens qui demourerent en leur entier	Chap.	viii
De ceulx qui esleurent heritiers qu'on n'eust pas ainsi pensé	Chap.	ix

¶ *Le chapitres du huitieme liure.*

Pour quelles causes furent absoulz, ou condemnez les criminels	Chap.	i
Des iugemens priuez	Chap.	ii
Quelles femmes menerent causes pour elles, ou pour autrui	Chap.	iii
	¶ iii	Des

Des questions	Chap.	xiii
Des tesmoings	Chap.	v
Qui furent ceulx qui commirent l'offense, laquelle ilz punirent en autruy	Chap.	vi
D'estude & industrie	Chap.	vii
D'oisiueté & requoy	Chap.	viii
Combien est grande la force d'eloquence	Chap.	ix
Combien a d'efficace pronontiation, & conuenable mouuement de corps	Chap.	x
Combien est grand l'effect des artz & sciences	Chap.	xi
Aucunes choses sont qui ne peuuent estre faictes par artifice	Chap.	xii
Gens de sçauoir doiuent plus faire compte de la science d'autruy, que de la leur propre	Chap.	xiii
De vieillesse	Chap.	xiiii
De conuoitise de gloire	Chap.	xv
De ceulx à qui aduindrent grandz honneurs & magnificences	Chap.	xvi

¶ Les chapitres du neuſieme liure.

De superfluité	Chap.	i
De cruauté	Chap.	ii
D'ire & haine	Chap.	iii
D'auarice	Chap.	iiii
D'orgueil & impuissance	Chap.	v
De trahison	Chap.	vi
De violence & sedition du peuple Romain	Chap.	vii
De temerité	Chap.	viii
Combien a de puissance ignorance & mesgarde	Chap.	ix
De vengeance	Chap.	x
Parolles meschantes, & faictz vicieux	Chap.	xi
Des mortz non communes	Chap.	xii
De conuoitise de viure	Chap.	xiii
Combien se sont diligemment gardez ceulx qui auoyent souſpeçon de leurs domestiques	Chap.	xiiii
De ſemblance de forme	Chap.	xv
De ceulx qui estoient extraictz de bas lieu, & se sont efforcez par menterie ſ'allier & vnir aux nobles familles	Chap.	xvi

Valerius in linguam Gallam versus sese dedicat
Christianissimo regi, Henrico secundo.

*Terrarum quondam princeps clarissima Roma
Non sum (ne iactes) amplius ipse tuus.
Scriptori flauo nuper me vertere iussit
In linguam gentis Gallia docta sua.
Quantumcunque voles tu contristare Tyberi,
Oblitus latii, Gallicus hospes ero.
Vrbes quas habitem, vel quanta palatia quæris?
Quem defensorem, quemq; habeam dominum?
Hæc referam paucis, mea Roma Lutetia nunc est:
Henricus mihi rex, & mihi Cæsar erit.*

*Dedication de ce present liure, au roy treschre-
stien Henry, deuxiesme de ce nom.*

Ne prens plus gloire en moy, plus ne suis tien
Romme qui fus la princesse du monde.
France m'a fait par vn escriuain sien,
Puis peu de iours tourner en sa faconde.
Si ton Tybere en murmure ou en gronde,
Il ne m'en chault: Francoys ores me nomme.
Et si tu quiers de quel sieur me renomme,
La ville ausi, ou ie me veulx tenir:
Ie te respons que Paris cest ma Romme,
Et mon Cæsar, Henry, pour l'aduenir.

*Le lieutenant le Meſtayer d'Eureux, au le-
cteur beneuole.*

Ce feroit peu, ô lecteur amyable,
Gouster bon fruit, qui proffit n'en prendroit.
De lire autheur fameux & desirable,
Qui le subiect en son cœur n'apprendroit.
Moins feroit il, que cil qui contendroit
Clorre en sa retz le vent qui par tout vole.
Ne fais pas donc ton estude friuole,
Quand tu liras cest autheur tant insigne,
Nommé le grand Valere, le tant digne,
Qui t'acquerra de ton scauoir louange,
Et te fera entre scauants vn cigne
Dit en tous lieux esprit diuin, ou ange.

Luy, de son amy le blond tradu-
cteur de ce liure.

Vn iouuenceau de blondeur reluisant
Des Muses fut esleu dès sa naissance,
L'ayants preueu pour elles bien duisant,
De tous scauoirs luy ont faiçt cognoissance,
Tant qu'Apollo le print en sa puissance:
Qu'il l'a nourry de son fruit dulcoré,
Puis de Laurier a son chef decoré,
Dont les rameaux iusqu'au ciel ont haulteur.
Cest le mien blond à iamais honoré,
Lequel tant bien a traduit cest autheur.

Idem suo blondulo, nec minus cæteris.

*Quid præstent homini fasces, audacia, fastus,
Quidve dolus, nummi, regnandi umbratilis ardor,
Ultio, quid cædes, aurata palatia, luxus,
Spretaq; religio, & legum contempta potestas,
Quid violata fides, sed quid mala cætera, tandem
Quid virtutis amor, legis reuerentia, mores,
Iustitiæ & pacis studium, mens libera, sacra,
Vnanimi directæ manu res publica, quiduis
Consilii, vrbs purgata malis, vbi floret honestas,
Inter & vnitos victrix concordia ciues:
In promptu referat magnus, mihi maximus author,
Blondule, quem Gallis traducens floribus ornas.*

Idem cuius lectori.

*Emeris ingentes librorum lector aceruos,
Si semel hoc tantum (crede) volumen habes.*

Le premier liure de Va-

LERÉ LE GRAND, DES FAICTZ

& dictz memorables, dedié à L'Empereur

Tybere.

LE PROLOCVE.



A Y delibéré de segreger & mettre à part les faictz ensemble les dictz dignes de memoire, des Rommains, & nations estranges, esleuz des illustres autheurs, qui sont ailleurs si largement respâduz, qu'a grande peine pourroyent ilz estre congneuz briuemét: afin que ceulx qui y voudront prendre exemple, n'ayent pas si grâd trauail à les aller chercher. Non pas que ie vueille tout comprendre. Qui est celuy qui pourroit assembler les gestes de tout aage, en petit nombre de volumes: ou qui est celuy (s'il est sage) qui voulsist entreprendre, & peust esperer de bailler aux hômes, la suyte des histoires domestiques & estrâgeres, (composée iadis & faicte du copieux & second stile de noz superieurs) plus facondement & songneusement, que n'ont faict iceulx? Donc à ceste entreprinse, souverain Cesar, ie t'inuoque, qui es la seule esperance & certain salut du pays, & auquel le commun accord des hommes & des dieux a voulu le regime de la terre & de la mer estre baillé: par la celeste prouidence duquel, les vertuz desquelles ie vueil parler, sont tresbenignement entretenues & soustenues, & les vices rigoureusement puniz & corrigez. Or si les anciens orateurs, à leurs commencemens implorerent l'aide de Iuppiter tresgrand & tresbon, si les excellens poetes en leurs exordes reclamerent quelque diuinité, ma petiteffe certes par plusiuste droit, aura recours à ta faueur: pource que touchant les autres dieux, vray est que nous croyons ce que nous en auôs ouy dire: & à raison que ne les auons veuz, nous n'en sommes asseurez: mais quant à ta deité, qui est egale à la splendeur de ton ayenl Iules Cesar, & de ton pere Auguste, nous n'en sommes en doubte. Car nous la voyons deuant noz yeulx par certaine credence. Certainement la refulgence d'iceulx a donné beaucoup d'accroissance de clarté à noz sacrifices. Quant est des autres dieux, nous les auôs receuz & empruntez des peuples estrangers: mais de nousmesmes auons les Cesars. La terre Rommaine les a produictz. Et pource que i'ay proposé commencer au cultiement des dieux, i'escriray sommairement de la maniere & estat d'iceluy.

A

Le premier Liure
¶ DV CULTIVEMENT DES DIEUX. CHAP. I.

Aquoy estoÿt
anciennement
ordonnez les
prestres & au-
tres d'autre es-
tat.



Oz maieurs voulurēt, que les sacrifices constituez à certain iour & solennelz fussent expliquez & declarez au peuple, par le sçauoir des prelatz : & que touchant les entreprinſes des guerres & haultz affaires par les cōsulz & autres chefz, on eust recours aux deuins, pour congnoistre l'issue eueuse ou maleueuse d'icelles besongnes. Semblablement que les vaticinations & propheties d'Apollo fussent exposées par les liures des Sybilles & religieuses femmes, faisant demeure au temple dudit Apollo. Finablement que les escriptz defenduz qu'auoyent semé aucuns magiciens en Italie, touchant aucuns signes espouentables & friuolles, fussent pareillement elucidez, afin qu'on ne tombast en telz erreurs. Et toutes ces choses precedentes furent obseruées selon la mode des Hetrusques, peuple d'Italie, qui fut grandement studieux du cultiuemét des dieux. On faisoit aussi sacrifices à la maniere des anciens : c'est asçauoir quand on vouloit commencer guerre, on recommandoit l'exercite Rommain par prieres & oraisons adressées aux dieux, quand on demandoit victoire cōtre ses ennemis, on faisoit tout plein de veuz : quand la victoire estoit acquise, on accomplissoit ce qu'on auoit promis en ce resiouyſſant de la bonne fortune. Aussi quād il estoit question que les dieux estoÿt courrouceez, on s'enqueroit pour quelle cause, en regardant les entrailles des bestes occises pour sacrifier, ou en faisant quelque sort. si les entrailles estoient tristes, ou palles, ou mutilées, c'estoit signe que les dieux estoÿt marris. & si d'autre part elles estoient saines & entieres, c'estoit vn presage que les dieux estoient appeſez. Mais pour les pacifier, on sacrifioit solennellement, semblablement par sacrifice on destournoit le mal qui estoit denoncé à la republique Rommaine, par les fouldres, tōnoirres, & autres signes espouentables.

Hetrusques &
Toscans nation
d'Italie.

Les signes par
lesquelz les an-
ciens congnoiſ-
soÿt les dieux
estre marris,
ou appeſez, &
la maniere de
les appeſer.

¶ La maniere d'appeſer la deesse Cerēs.

Tant furent songneux les anciens, non seulement d'observer la religion, mais aussi de l'amplifier: que lors qu'estoit Rōme tresopulēte & tresflourissante, par la deliberation du ſenat, furent enuoyez dix enfans des plus principaulx, à chacune ville de Heturie, pour apprendre le rit des sacrifices. Et afin qu'ilz ne fussent sans vne abbessē & dame de religion, qui sceust l'ancienne mode de sacrifier à Cerēs, ilz feirent venir vne religieuse nommée Chalcitane, ou Caliphene, de Velia, ville de Lucanie. or Velia n'auoit encore nom de ville. Les Rommains lors auoyent en leur ville vn tresbeau temple, dedié en l'honneur de Cerēs: mais pource qu'il auoit esté pollū par le meurtre de Gracchus, ilz furent admonestez par les liures des sybilles, d'appeſer l'ancienne Cerēs. ce qu'ilz entreprirent à faire: & enuoyerent quinze hommes à la ville d'Enna pour pacifier ladicte deesse, à raison qu'ilz croyoyent que ses sacrifices auoyēt esté extraictz de ladicte ville. Conſequemment noz chefz de guerre, apres leurs victoires, souuent s'en sont allez à Pessinunt, ville de Phrigie, rendre & accomplir leurs veuz à Cybelle, mere des dieux.

Pessinunt ville
de Phrigie.
Enna,

¶ De Metellus grand prestre.

Metellus grād
prestre.

Metellus grand euesque defendit à Posthumius consul & prestre de Mars, qui auoit

qui auoit entreprin^s de faire la guerre en Aphrique, que sur peine d'estre puny il ne partist de la ville ains qu'auoir fait sacrifice, & l'estre enquis aux deuins, si c'estoit le vouloir de dieu, que bataille fust faicte en ce lieu. Ainsi veoit on que grâde puissance Romaine d'onoit lieu à religiô: par ce que Posthumius ne menoit seurement la guerre, qui est l'office de Mars, sans premierement faire sacrifice à iceluy.

¶ De Tyberius Gracchus.

L'obeyssance du consul Posthumius à la religion, fut grandement louable: mais encore fut plus prisee en semblable chose, celle des deux cōsulz, Caius Figulus, & Scipio Nasica. Tyberius Gracch⁹ cōsul extraordinaire, qui auoit creé les fust^z, estâs en vne prouince d'Asie, enuoya lettres au college des deuins, p^r lesquelles il leur signifioit cōme il lisoit les liures traitâs des sacrifices du peuple, il considéra qu'il auoit touché le tabernacle estât en la court, faicte par luy pour creer les consulz, ains qu'auoir consulté les deuins: & que les predictz consulz n'estoyét pas bien crreez. Ce qui fut par les augures & deuins reporté au senat: puis par le commandemēt d'iceluy senat, Caius Figulus reuint des Gaulles, en Romme, & Scipio Nasica, de l'isle de Corse: & se desmirent de la dignité consulaire, à raison qu'ilz auoyent esté mal establis.

Caius Figulus & Scipio Nasica se desmirent d'estre consulz, pour n'auoir esté bien establis.

¶ De Publius Celius, & Marcus Cornelius.

Pour semblable raison parapres, Publius Celius, Marc Cornelius, Marc Cethegus, & Caius Claudius, en diuers temps, & diuerses guerres, furēt priuez de leur prestise, par cōtrainte: à cause qu'ilz auoyét fait oblation peu songneusement des entrailles des bestes aux autelz des dieux immortelz.

Qui furēt deposez de prestise, & pourquoy.

¶ De Sulpice.

Sulpice fut depose de sa dignité sacerdotale, pource qu'en sacrifiant, le coupeau de son bonnet cheut.

Pourquoy fut Sulpice depose.

¶ De Fabius Maximus.

Fabius Maxim⁹ fut priué de sa dictature, & Caius Flaminius du gouuernemēt des gés de cheual: pource que cōe ilz sacrifioyét on oyt vne souris piper.

Pourquoy fut Fabius Maximus depose de sa dictature.

¶ De Publius Licinius.

Il fault adiouster cest exemple aux precedens. Publius Licinius grand euesque condemna vne vierge vestale à estre fessée: pource que quelque nuit elle auoit laissée exteindre le feu, qui souloit tousiours estre allumé.

Pourquoy vne vierge Vestale fut fessée.

¶ De la uierge Emilie.

La deesse Vesta rendit exempt de toute reprehension vne dame nouvellement professe, à laquelle Emilie auoit donné la charge de garder le feu du tēple au lieu d'elle. Ladicte Emilie voyāt le feu exteint, se iecta deuāt l'image de Vesta, faisāt son oraisō: puis print vn voile qu'elle auoit de fin lin, & le iecta alendroit ou estoit le feu, qui soudain s'enflamma & se raluma.

¶ De Marcell, & du temple d'Honneur & de Vertu.

Ce n'est dōc de merueille si les dieux par cōtinuel support ont tousiours veillé à augmēter & garder nostre empire Romain, veu que le peuple estoit si songneux & curieux de prédre garde à si petite mutatiō de religiô: cōme au chāt des souris, & à la cheute du fil de laine q est au coupeau des bōnetz des p̄stres: brief nostre ville ne fut iamais veue auoir destourné l'oeil de l'hōneur & reue-

Le peuple Romain fort curieux de religion.

Le premier Liure

rece des sacrifices. Côme Marcel, qui pour la cinquieme fois estoit cōsul, apres auoir prins d'assault Clastide ville de la Gaule Cisalpine, & cōsequēmēt Syracuse, pource qu'il auoit faict veu verbal que s'il prenoit lesdictes villes, il dedieroit & consacrerait vn temple au nom d'Hōneur & Vertu: adonc voulant accomplir sa promesse, fut empesché par la communauté des prelatz, disans qu'il n'estoit licite dedier vn seul temple à deux dieux: pource que si d'adventure il aduenoit quelque prodige en cestuy temple, on ne congnoistroit point auquel des deux deuroit estre faict sacrifice, & qu'on n'auoit point accoustumé à Rōme de faire vn tēple à deux, fors à certains dieux, comme à Castor & Pollux, à Apollo & Diane & autres. Par l'aduertissement de seldictz prelatz fut faict, que Marcel cōstruiroit deux tēples, & en iceulx mettroit les simulachres d'Hōneur & Vertu separez l'vn de l'autre, & l'autorité d'vn si grand personnage, cōme estoit Marcellus, n'empescha point le college des prelatz, ne le coust ne destourba ledict Marcel, que l'ordre de la religion ne fust gardée comme il appartenoit.

Deux temples
dediez au nom
d'Honneur &
de Vertu, par
qui, cōment &
pourquoy.

¶ De Lucius Furius Bibaculus.

Lucius Furius Bibaculus n'a pas grand lustre, au regard de tant de nobles personnages deuant alleguez, qui tous furent consulz, & à grande peine trouue il lieu d'exemple apres Marcel. Mais ne doit pourtant estre fraudé de sa louenge, pource qu'il se monstra de coeur obeissant enuers son pere, & religieux enuers les dieux. Cestuy estant preteur, obeit à son pere, qui lors estoit maistre du college des prestres de Mars, & porta parmy la ville, accompagné de ses six sergens cheminans deuant luy, les sacrez boucliers, qui estoient les armes de Mars: combien qu'il n'y fust subiect, à raison de son office de preture. Certes nostre cité Rommaine estimoit toutes choses deuoir estre postposées à la religion, mesmes le souuerain honneur, & supreme magistrat, qui estoit le consulat & preture. Pourtant ne doubterent les consulz & preteurs se monstrier obeissans aux choses saintes: par cela estimoyent pouoir facilement paruenir à estre rois, & auoir le gouuernement des choses humaines. Si bien & constamment se monstroyent seruiables à la puissance diuine: gens priuez de dignitez & offices ont eu ceste mesme phantasie. Apres que la ville de Romme fut prinse des François, comme le prestre de Romulus, & les dames Vestales, portoyent chascun leur part des choses saintes: & apres auoir passé le pont Sublice, & la coste qui tend au Ianicule, voulant descēdre, voyāt cecy Lucius Aluanus, qui pour lors auoit chargé sa femme & ses enfans dedās vn chariot, ayāt plus d'esgard à publique religion, qu'à charité priuée, & à ses amis plus prochains, cōmanda qu'il descendissent du chariot, & en cestuy mist les choses sacrées, & les vierges Vestales, & se destournant de son chemin, les mena iusques à la ville de Cerete: ou furent receuz avec grande reuerence, & donnent tesmoignage par memoire louable iusques à ce tempsicy de l'humanité hospitale dont furent recueilliz. Et de cela fut estably que les sacrifices seroyent appelez cerimonies: pource que les Ceretains leur porterent ausi grand honneur en estat d'aduersité, comme en tēps de prosperité. Pourtant ce chariot agreste & de petite estoppe qui receut en tēps ces choses sacrées pouoit estre egal, & mesme surmonter la gloire & honneur de tous chariotz de triumphe,

Toutes choses
postposées à re
ligion par les
Romains.

Lucius Aluanus
prefera re
ligion à chari
té priuée.

Les sacrifices
appelez ceri
monies.

triumphe, qui avec si grande pompe porterent les triumphateurs iusques au capitolé.

¶ De Caius Fabius.

En ce mesme temps d'aduersité Caius Fabius Dorso donna exemple memorable de religion bien gardée. Or comme les François auoyent assiegé le capitolé, cestuy ceint & acoustré à la mode des Gabins, afin que le sacrifice establi par la famille Fabienne ne fust delaisné, passa tout à trauers des ennemis, portant entre ses mains, & sus ses espauls les choses saintes, vint iusques à la montaigne Quirinale, ou on souloit sacrifier en l'honneur de Romulus: auquel lieu son sacrifice solennellement accomply, & apres auoir fait honneur aux dieux, reuint au capitolé franchement & hardiment, comme s'il eust obtenu victoire des ennemis.

La hardiesse
de Caius Fabi,
en faueur de
religion.

¶ De Publius Cornelius, & Bebius Pampbilus consulz.

Dū temps de noz maieurs, Publius Cornelius, & Bebius Pampbilus furent grandement soucieux de garder la religion: aduint que au territoire de Lucius Petilius secretaire soubz le Ianicule, qu'on appelle de present le bourg saint Pierre, quelques laboureurs cultiuerent la terre plusauant qu'ilz n'auoyent de coustume, & trouuerent deux coffres de pierre: En l'un estoit escript que dedans reposito le corps de Numa Pompilius, en l'autre, qu'il y auoit des liures cachez. On y trouua sept liures Latins du droit canon, & autāt de liures Grecz parlans de sagesse. Les liures Latins furent ferrez songneusement. Les Grecz, (pource qu'ilz faisoient aucunement mention d'abolir la religion) Petilius lieutenant ciuil par l'autorité du senat, fait commadement aux seruiteurs des sacrifices, de les brusler deuant le peuple. Les anciens Rommains ne voulurent iamais en ceste ville garder quelque chose qui destournast la pensée des hommes du cultiement des dieux.

Sept liures La-
tins, & autant
en Grec comē
furēt trouuez:
& qu'en fut
fait.

¶ Du roy Tarquin.

Le roy Tarquin commanda qu'on coufist dans vne peau de loup, & qu'on iectast en la mer Marc Tulle duumir, pource que iceluy corrompu par pecune, bailla à escrire à Petronius Sabinus, le liure contenant les secretz des sacrifices ciuilz, qui luy auoit esté baillé en garde. Et ceste maniere de punition fut parapres imposée à ceulx qui tuoyent leur pere ou leur mere. Certes ce fut fait iustement, car on doibt punir de semblable peine offense faite aux parés & aux dieux.

Griue puni-
tion imposée à
Marc Tulle du-
umir, & pour
quoy.
A qui ladicte
punition.

¶ De Marc Regulus Attilius.

Mais touchant ce qui appartient à la garde de religion, ie ne sçay si Marc Attilius doibt surpasser tous les humains: lequel apres auoir obtenu triumphante victoire, par la finesse de Hasdrubal & de Xáthippe capitaine de Lacedemone, fut prisonnier: puis enuoyé soubz sa foy comme ambassadeur deuers le senat & peuple Romain, afin que fussent renduz plusieurs ieunes Carthaginois captifz, pour luy estant seul & ia vieillard: or accomplit il sa legation, fut le premier d'opinion qu'on ne rendist les prisonniers de Carthage. Retourna tost apres, bien congnoissant combien estoiet cruelz les ennemis ou il faisoit retour: mais pource qu'il leur auoit promis sa foy, si les captifz n'estoiet renduz, qu'il retourneroit, ce qu'il feit. Certes les dieux pouoyent bien mitiger la

La fidelité de
Marc Attilius,
enuers les Car-
thaginois.

Le premier Liure

Ordonnance
du parlement
Romain pour
différer les sa-
crifices accou-
stumez.

cruauté brutale des Carthaginois : mais souffrirent que iceulx vlassent de leurs meurs accoustumées, afin que la gloire d'Attilius fust plus clere . Or feirent ilz la iuste vengeance, au troisieme combat Punique de la cruauté exercée enuers vn personnage tant fidele & religieus, par la destruction meritée de leur ville, qui fut rasée à fleur de terre. Combien le parlement de nostre cité se monstra il deuot & reuerend enuers les dieux: qui apres la deffaiete de Cannes ordonna que les femmes Rommaines ne portassent le dueil de leurs amis mortz, plus-oultre que tréte iours: afin que par icelles les sacrifices de Ceres peussent estre accompliz. Veritablement presque la plus grande partie des forces Rommaines estoit renuersée & mise bas: si que nulle maison n'estoit exempte de tristesse. Donc les meres & filles, femmes & seurs des occiz nouvellement, osterent leurs robes de dueil, & torcherent leurs yeulx, & vestirent le blanc acoustrement, & furent constreintes de donner de l'encens aux autelz des dieux: par ceste constance de bien garder religion, iceulx dieux eurent honte de plus monstrer leur cruauté alencôtre de ceste nation, qui ne peut estre destournée & diuertie de leur cultiement par aigreur aucune d'iniures & tort.

¶ De la religion des Persans enuers Apollo.

Reuerce des
Persans à reli-
gion.

Les Persans avec mille nauires furent iectez du vent en l'isle de Delos, ou estoit le tēple d'Apollo, mais au lieu de raur & piller les richesses qui y estoiet, porterent honneur au dieu, & s'en abstindrent.

¶ De la religion des Atheniens disputans irreueremment de ladiete religion.

Reuerce des
Atheniens à re-
ligion.

Les Atheniens deiecterent de leur ville Diagoras philosophe, pource qu'il auoit osé escrire, qu'il ignoroit s'il estoit des dieux: & si d'aduenture il en estoit, quelz ilz estoient. Iceulx mesmes condamnerent Socrates, pource qu'il sembloit qu'il voulsist introduire vne nouvelle religion. Ilz tolererent le peintre Phidias, tandis qu'il fut d'opinion qu'il estoit plus conuenable de faire Minerue de marbre, que d'iuoire, pource qu'elle reluiroit plus lógument: mais apres qu'il eut dict qu'elle ne seroit pas si sumptueuse, luy commanderent qu'il se teust.

¶ DE RE-

DE RELIGION CONTEMNEE. CHAPI. II.

De la bataille du consul Varro, contre les Carthaginois.

N'estime que le consul Varro perdit la iournée à Cannes, contre les Chartaginois, non pour autre cause, sinon pour l'indignation de Iuno : Car luy estant Edile, ou Escheuin, fait faire les ieuз Circenses : & mit pour tenir eschauguette au temple de Iuppiter, vn beau ieune enfant, ioueur de farces : & pource qu'il estoit de seruile condition, on auoit phantasie que les dieux en fussent courroucez. Ce que congnoissans par apres les Rommains, purgerent le faict par sacrifice.

Iuno offensée par Varro.

¶ De Potitius, n'observant le rit des sacrifices.

On dit que Hercules print vengeance terrible & manifeste, pource qu'on auoit diminué sa religion. Or comme les Potitz eussent obtenu par le don dudit Hercules, pour eulx & pour leurs hoirs, comme par droit hereditaire, faire ses sacrifices, iceulx transporterent ledit sacrifice à personnes seruiles, pour estre faict par lesditz serfz par l'inuention d'Appius censeur : pour ceste cause tous ceulx de leur race, estans audessus de quatorze ans, qui estoient en nombre plus de trente, moururent en vn an : & le nom des Potitz, diuise en douze familles, fut quasi exteinct. Et Appius, qui auoit esté du conseil, auengla.

Hercules offensé par les Potitz, par l'inuention d'Appius.

Vengeance.

¶ D'Apollo, se uengeant du sacrilege à luy faict.

Apollo aussi fut aspre vengeur de sa diuinité : lequel despouillé d'un ornement d'or, dont il estoit vestu, quand Carthage fut sacagée des Rommains. Cestuy fait que les mains du sacrilege, qui l'auoit desrobé, demourerent tirées du corps, & furent trouuées entre les bordures de la robe. Brennus capitaine des François pilla le temple d'Apollo en Delphos, & par la volonté de de dieu il se tua luy mesme. Esculape filz dudit Apollo ne print pas moindre vengeance pour sa religion conténée : lequel marry pource que Turule lieutenant des guerres pour Antoine, auoit faict couper pour la pluigrade partie, vn bois dédié à son temple, pour faire des nauires à l'usage dudit Antoine : parquoy ledit Turule, pendant que les ouriers faisoient ce meschef d'abatre ledit bois, fut desconfy avec la gendarmerie d'Antoine, & condamné à mort, de l'empereur Octouian, & fut tiré par la volonté dudit Esculape, au mesme lieu qu'il auoit violé, puis occy en cedit bois, par les soudardz de Cesar : afin qu'il portast peine des arbres abatuz, & que pour l'aduenir il fust cause que nul n'encourust ceste peine, pour mettre bas ce qui restoit encore. Par ce ledit dieu Esculape augmenta son adoration : laquelle auoit esté tousiours tresgrande enuers ses adorateurs.

L'offense faicte contre Apollo.

Vengeance.

¶ De Quintus Fuluius.

Quintus Fuluius Flaccus ne demoura pas impuny, pource que luy estant censeur auoit prins la tuile de marbre, dont estoit couuert le temple de Iuno Lacinie, & l'auoit transporté au temple de Fortune, estant pourtraicte à cheual, lequel faisoit faire à Romme. Et dit on que depuis cest acte il ne fut disposé de l'esprit, & mesmes atteint de vehemete douleur & perturbation de pen-

L'offense faicte contre Iuno Lacinie.

A iiii see

Le premier Liure

see & de corps mourut : apres auoir entendu que de deux filz qu'il auoit, qui estoient en la guerre d'Esclauonie, l'un estoit mort, l'autre fort malade : de laquelle aduenture le senat grandement esmeu, pensa de faire reporter la tuile en Locres : & ordonna que le meschef de ce censeur seroit aboly & effacé par tresprudente sainteté enuers les dieux.

¶ De Pleminius ambassadeur de Scipion.

Pleminius ravit le tresor de proserpine.

La vengeance de Proserpine, contre Pirrh.

Ainsi comme le senat auoit sceu appaiser la faulte de Quintus Fuluius, aussi sceut il bien venger par droicturiere punition l'avarice damnée de Pleminius ambassadeur de Scipion, qui auoit rauy le tresor de Proserpine. Or comme cestuy senat eust ordonné que ledict ambassadeur fust mené lié en Romme, auant qu'on prononçast son arrest, fut mangé de poulx en la prison. Et rendit on au double l'argent à ladicte deesse. Or quant est de la meschanceté de Pleminius, les senateurs en feirent tresbonne punition : mais quant à l'avarice du roy Pirrhus, ladicte deesse s'en sauua & defendit par effect & puissamment. Donc comme ceulx de Locres fussent constrainctz de bailler audict roy grande quantité de pecune, du tresor de Proserpine, apres qu'iceluy fust chargé, entra en ses nauires, voulant paracheuer son nauigage, par fortune de vent, au riuage voisin de la deesse, toutes ses nauires furent arrestées : & audict riuage fut trouuée la pecune entiere, & remise au saint tresor.

¶ Exemples des estrangers.

Du roy Masinissa.

La fidelité de Masinissa envers la deesse Iano.

Semblable ne fut à Pirrhus Masinissa roy des Numides. Comme son lieutenant eust encre en Melita, isle de Sicile, print au temple de Iuno des dents de l'elephant de merueilleuse grandeur : puis à son retour en fait present audict Masinissa : lequel congnoissant d'ou elles auoyent esté apportées, les renuoya par mer en Melita : & fut songneux de les faire remettre au temple de Iuno. Et y auoit escript dessus en lettres Aphricanes comme il ne scauoit premierement d'ou elles estoient venues, & comme il les rendoit volontairement à ladicte deesse. L'acte de Masinissa fut tant noble & magnifique, qu'il surpassa le naturel de la nation Carthaginoise : iacoit ce qu'il ne soit mestier de iuger les meurs pour la nation dequoy peult estre l'homme. Cestuy roy qui estoit né en vn pays barbare & inhumain, emenda la faulte du sacrilege commis par autrui.

¶ De Denys de Syracuse.

L'iniure & moquerie faite au dieu Iuppiter par Denys de Syracuse.

Denys le tyran, natif de Syracuse, ville tant bien moriginée, prenoit plaisir à raconter de tant de sacrileges qu'il auoit commis, qui estoient congneuz partout le monde. Apres que cestuy eust despouillé le temple de Proserpine à Locres, se voyant auoir vent prospere en son nauigage, en riant commença à dire à ses familiers : Mais voyez comme les dieux immortelz fortunent bien le voyage des sacrileges. Cestuy pareillement osta vn manteau d'or de grande pesanteur à Iuppiter Olympius, que Hiero le tyran auoit eu au butin des Carthaginiens, & en auoit orné ledict Iuppiter. Mais Denys de Syracuse luy en bailla vn de drap au lieu, disant : En esté vn manteau d'or luy seroit trop pesant, en yuer trop froid : pourtant vn de drap luy sera plus conuenable en l'une & l'autre saison. Par semblable fait oster au dieu Esculape, estant en Epidaure

daure, sa barbe d'or, affermant qu'il n'estoit conuenable que son pere Apollo fust sans barbe, & qu'il fust barbu, luy. Consequemment il rauit maintes contretables d'argét & d'or aux temples, esquelles estoit escript (selon la mode des Grecz) qu'elles estoient dediées au nom des bons dieux. Apres la lecture d'icelles, ce tyran disoit, qu'il falloit qu'il se sentist de la bonté des dieux. Pareillement il desroboit les enseignes & statues d'or, que les chefz de guerre auoyent offert aux tēples apres la victoire de leurs ennemys: mesmes les hanaps & couronnes qui estoient entre les mains des simulachres. Et pource qu'il sembloit iceulx images à bras estenduz, les presenter aux humains, cestuy disoit qu'il ne les ostoit pas, mais qu'on les luy presentoit, se fondant en raison, & allegāt que c'estoit vne chose bien folle, de ne vouloir prendre vn bien, offert de ceulx ausquelz nous en demandons tous les iours. Et combien que le fustdict tyran en sa vie ne fust puny comme il auoit meritē: ce neantmoins apres la mort par le deshonneur qui aduint à son filz, porta punition. Certes l'ire de dieu procede aucunes fois lentement à faire la vengeance d'un meffait: mais elle se recompense de la longue demeure, en punissant plus grieuement.

Rauissement
faict en plu-
sieurs temples
des dieux, par
Denys Syracu-
se.

L'ire de dieu
plus différée,
ameine plus-
griue punitiō

¶ De Thymasithée prince des Liparitains.

De crainte de tōber en l'ire diuine, Thymasithée prince des Liparitains pour ueut bien autrement à foy & à tout le pays, par conseil & vtile exemple, que ne fait Denys de Syracuse. Par ses citoyens, qui estoient pirates & escumeurs de mer, fut prinse vne tasse d'or de grande pelanteur: & comme le peuple fust incité & esmeu pour la diuiser, ledict Thymasithée aduertit qu'elle estoit p les Romains par droit de disme dediée & consacrée à Apollo, il fut songneux de l'enuoyer en Delphos.

Thymasithée
prince des Li-
paritains ex-
ple de crainte
de dieu.

¶ De la uengeance de Cerēs exercée enuers les souldardz d'Alexandre.

Apres que la ville de Milete fust prinse d'Alexandre, la deesse Cerēs, qui illec estoit adorée, par flamme iectée, fait aueugles les souldardz, qui estoient entrez pour piller son temple.

La vengeance
de Cerēs.

¶ De Diomedon.

Diomedon l'un des dix capitaines qui par vne mesme bataille acquirent aux Atheniens victoire, & à eulx cōdemnation & mort: comme iceluy estoit mené pour souffrir la peine meritée, ne dit iamais autre chose, fors que les veuz qu'il auoit faictz de parole pour la sauueté de l'exercite, fussent accompliz.

¶ DE RELIGION FEINCTE. CHAP. III.

¶ De Numa Pompilius.



Fin que Numa Pompilius rendist le peuple Romain plus astringé à l'honneur diuin, il vouloit aller de nuit avec la deesse AEgerie, & qu'il instituait par l'admonestement d'icelle, les sacrifices & ceremonies qui estoient agreables aux dieux immortels.

Numa Pompe-
lius.

¶ De Scipion l'Aphricain.

Iamais Scipion l'aphricain n'entreprendoit chose publique ne priuée, que premierement il n'entrast au conclaue de Iuppiter Capitolin: & pourtant disoit

Scipio l'Aphri-
can.

A v on qu'il

Le premier Liure

on qu'il estoit filz de Iuppiter.

¶ De Lucius Sylla.

Lucius Sylla. Toutes les fois que Lucius Sylla deliberoit de faire la guerre, en la presence de ses souldardz il embrassoit vne petite image d'Apollo, qu'il auoit eu en Delphos: & luy prioit qu'il luy tint la promesse qu'il luy auoit faicte.

¶ De Quintus Sertorius.

Quintus Sertorius. Quintus Sertorius faisoit mener vne biche blâche avec luy parmy les aspres costes de Portugal: & disoit que par icelle il estoit aduertý de ce qu'il deuoit faire ou fuyr.

Exemples des estrangers.

¶ De Minos roy de l'isle de Crete, maintenant Candie.

Minos roy des Cretensois. Minos roy des Cretensois, de neuf ans en neuf ans il souloit se retirer dedás vne fort profonde cauerne, dediée & consacrée d'ancienne religion. Et estant en icelle quelque temps, s'attribuoit l'honneur, que les ordonnances qu'il faisoit à son peuple, luy estoýét baillées par Iuppiter: duquel racontoit estre engendré.

¶ De Pisistratus tyrant d'Athenes.

Pisistratus. Pisistratus, pour recouurer la tyrannie qu'il auoit perdue, feignoit que Minerve le remenoit en sa tour, & deceuoit les Atheniens, en leur monstrant vne femme incongneue, qu'il auoit faict acoustrer en habit de deesse: laquelle on appelloit Phia.

¶ De Lycurgus legislateur des Lacedemoniens.

Lycurgus. Lycurgus mit en teste au peuple d'Athenes, que les loix qu'il faisoit estoýét par le conseil d'Apollo.

¶ De Zeleuchus.

Soubz Zeleuchus furent instituez sacrifices à Bacchus. Zeleuchus, soubz le nom de Minerve, fut tenu tresprudent chez ceulx de Locres. Soubz luy furent instituez les sacrifices de Bacchus: mais quand on commença à en abuser, ilz furent retrenchez.

¶ DES AVSPICES.

CHAP. IIII.

¶ De Lucatius.

Lucatius.
L'opinion du
senat pour le
gouuernemēt
de la republi-
que.



L fut defendu par le sénat à Lucface, qui fait la premiere guerre Punique, d'aller au conseil aux sortz de Fortune Preneste. Cestuy senat estoit d'opiniō qu'on deuoit administrer la republique par consultations du pays, & non par l'aide des estrangers.

¶ De Caius Cornelius Hispalus.

Les Chaldees,
pour leurs
mauuais artz,
furent chassiez
de Romme &
d'Italie.

Caius Cornelius Hispalus lieutenant à Romme, pour faire droit aux estrangers, du temps qu'estoyét consulz Marc Pompile Lenat, & Luce Calpurnius, par edict public commanda que les Chaldeens, dix iours apres la publication, vuidassent de Romme & d'Italie: disant que par leurs mauuais artz & deceptiue interpretation des influences celestes, semoyét par leurs mengeries vn trouble entre les hommes, tant seulement pour viure & practiquer. Cestuy mesme constreignit de faire retour à leur pays, ceulx qui s'efforçoyét de gaster & rompre les meurs des Rómaines, ostant la maniere d'adorer Iuppiter Sabazius.

¶ De Lucius

¶ De Lucius Emilius Paulus.

Lucius Emilius Paulus consul, apres que le senat eust decreté qu'on deuoit Lucius Emilius Paulus. demolir les temples de Isis & Seraphis: combien que aucun ouurier n'y osast toucher, cestuy Emille despouilla sa robe d'escarlate, print vne coignée & vint frapper aux portes du temple.

¶ De Lucius Tarquinius.

Lucius Tarquinius roy voulant adiouter quelques bendes de gens de che- Lucius Tarquinius esprouua la science de Nauius deuin. ual, à celles qu'auoit institué Romulus par cōsultatiō des auspices, fut épesché par Decius Accius Nauius deuin: dōt course interroqua ledict deuin, asçauoir mon si ce qu'il auoit pensé se pouoit faire. lors respondit Nauius, que ouy. Adonc Tarquin luy commanda qu'il coupast vne queue d'un raioir: laquelle fut présentée audict deuin, & fait ce que Tarquin n'eust iamais creu, car il la coupa dudit raioir: par ce monstra l'effect de sa science deuant les yeulx de cestuy roy.

¶ De Tiberius Gracchus.

Comme Tiberius Gracchus fut appareillé de faire quelques choses nouuelles, dès le matin en sa maison fait consultation, & cōsidera le vol, le chant & la contenance des oyseaux, pour congnoistre si son entreprinse seroit eueuse, ou maleueuse: mais il peult voir clerement, que la fortune ne luy promettoit nulle felicité. Or incontinent qu'il fust party de sa porte, il se bleça si bien le pié, qu'il se despouilla vn orteil. Consequemment trois corbeaux luy predi- La mort de Tiberius Gracchus. sans par leur chant son aduersité future, luy laisserent cheoir deuant luy vne tuile brisée: ce neantmoins ne tint compte de tout cela. Ce que voyant Scipion Nasica grand euesque, le despouilla de l'honneur qu'il auoit au capitol, puis attainct & touché d'une piece d'un siege, tomba mort.

¶ De Publius Claudius.

Comme Publius Claudius voulsist commencer vn ost sus mer en la premiere bataille Punique, & comme il vouloit consulter les auspices, selon la coustume de noz maieurs: lors celuy qui auoit la charge des poulletz en sa maison dict qu'ilz ne vouloyent partir de la mue pour venir manger. Adonc Claudius commanda qu'on les iectast en la mer: puis, dict il, qu'ilz ne veulent manger, boient.

¶ De Lucius Iunius.

Pource que Lucius Iunius compagnon de Claudius, contemna les auspices, La mort de Lucius Iunius. il perdit ses nauires par tēpeste de mer & se tua volontairement, ains que d'attendre condemnation.

¶ De Metellus.

Cōme le grad euesque Metellus s'en alloit à la Toscanelle, deux corbeaux se vindrent presenter deuant son visage, & luy empeschoyēt le chemin: mais ilz ne le sçauoyent tant destourber qu'il voulsist à grand peine reuenir à la maison. La nuit ensuyuant le temple de Vesta fut brulé: ce que voyant Metellus, se iecta parmy le feu, & sauua le Palladium.

¶ De Marc Tullus Cicero.

La mort fut predite à Marc Cicero par auspice: cōme il estoit en vn village de Presage de la mort de Cicero. Galette, vn corbeau en sa presence va tirer le marteau d'une horloge, & le mit bas,

Le premier liure.

bas, puis se vint adresser à luy, & mordit la coupure du bas de sa longue robe, & la tint du bec, iusques à ce que son seruiteur luy annōça, que certains soudardz estoient arriuez pour le tuer.

¶ De Marc Brutus.

Comme Marc Brutus eust mis aux champs le demourant de son exercite contre Cesar & Antoine, deux aigles aduolerēt l'un du costé de Brutus, & l'autre du costé de Cesar & Antoine, & combattirent ensemble: celui qui estoit venu du party de Brutus fut fort blecé & s'enfuyt.

¶ Exemple des estrangers.

¶ Du roy Alexandre.

Presage des oyseaux qui mangent la colle du peintre Democrates,

Comme le roy Alexandre vouloit faire edifier vne ville en Egypte, Democrates architecte n'ayant pour lors de la croye pour la signer, print de la colle faicte de farine, puis quand l'eust merquée, vint vne grand' volée d'oyseaux d'un lac prochain, qui mangea ladicte colle. Par ce les prestres d'Egypte supposèrent, que ladicte ville seroit suffisante assez pour nourrir les estrangers.

¶ Du roy Deiotare.

Le regard d'un aigle fut proufitable au roy Deiotare, qui ne faisoit quasi rien sans auspice: lequel apres auoir veu ledict aigle ne voulut entrer en son palais, qui fut la nuit ensuyuante ruyné à fleur de terre.

DES PRESAGES.

CHAPI. V.

On se doit au cunesfois arrester aux presages.



Voir esgard aux presages, cest à dire aux propos que les hommes aucunesfois cōçoient en leur pēsee, & les diuulguēt, & en voit on l'effect veritable. Cela concerne la religion, pource qu'on estime que la chose ne vient point par vn motif fortuit, mais par la prouidence & vouloir diuin: comme on en peult veoir l'exemple, quand Romme

Veiente ville de Heturie,

fut prinse des François, les senateurs deliberoient s'il estoit bon de laisser Romme, & aller demourer à la ville de Veiente, cité de Heturie, que les Romains auoyent prinse: ou s'il estoit decent de reparer les murs de Rōme: d'aduenture en ce temps les compagnies Rommaines reuēnoient de leurs garnisons, lors leur coronal en plaine court commença à dire haultement: port'enseigne, plante icy ton estādart, nous serons mieulx icy qu'en vn autre endroit. Ceste parolle oye par le senat, fut prinse pour presage, & delaisa son propos, de vouloir habiter Veiente. O que l'estat du domicile & siege du souuerain empire du monde fut confermé en peu de parolles! Le pense que les dieux estimeront chose indigne, que le nom de Romme, qui estoit procedé de si eueux auspices (cest asçauoir quād Rem⁹ & Romulus eurent debat à qui la nōmeroit, & fut determiné que celui qui verroit pl⁹ d'oyseaux luy dōneroit le nom) fust chargé & qu'on l'appellast Veiente, & que l'hōneur de si belle victoire qu'auoyent acquis les Rōmains, fust meslé avec les ruines d'une ville qui estoit pour lors tant deprimée. De ce glorieux acte fut autheur Camillus, lequel apres la victoire acquise des Veiētois, leua les maīs au ciel, & pria les dieux, que si la felicité des Rōmains sembloit trop grāde, & qu'aucun en eust enuie, & qu'il en vult fust mal au peuple Rōmain, que le mal tōbast sur luy seul, apres ceste raisō ledict Camille cheut à terre tout plat: qui fut vn presage de son infelicité future: car

Camillus.

Oraison de Camille.

par apres

par apres fut enuoyé en exil. Or en cest endroit on est en doubte, asçauoirmon
 s'il merita plus grande louenge pour sa triumpante victoire, ou pour la de-
 la bonnaireté & courtoisie enuers son pays, quand il feist son oraison aux
 dieux. C'est aussi grâde vertu d'auoir augmenté le bien du pays, comme auoir
 voulu porter le mal qui pouoit aduenir audict pays par l'ennie des dieux.

Notable dict.

¶ De Lucius Paulus, & de sa fille.

Ce qui aduint à Lucius Paulus consul, n'est il point aussi digne de memoire,
 comme ce qui aduint à Camille? Par fort luy escheut, qu'il deuoit faire la guer-
 re au roy Persa, & luy retourné de la court en sa maison, vint à baisser sa petite
 fille nommée Tertia, laquelle luy sembla triste & marrie, dont luy demanda
 pourquoy elle faisoit si piteuse chere. Adóc elle respód, que Persa estoit mort.
 Or auoit elle vn petit chien qui luy faisoit passer le temps, nommé Persa. Donc
 cest affaire Paul prit vn presage, & de ce dict fortuit, cöceut en son cœur, quasi
 vne certaine esperance d'vn singulier triumphe contre le roy Persa.

Persa nom de
roy.Persa nom de
chien.

¶ De Cecille femme de Metellus.

Comme Cecille femme de Metellus, eust mené la fille de sa sœur estant en
 aage de marier dedans vne chappelle de nuit, lors que les hômes sont en leur
 premier somme, ainsi que cestoit la coustume du viel temps, pour auoir mary,
 aduint vn presage. Quand ceste Cecille eust esté quelque temps en ceste chappel-
 le assise, & qu'elle n'eust oy voix aucune correspondante à son propos, la fille
 lassée d'estre si longuement debout, pria sa tante qu'elle luy prestast vn peu le
 lieu pour se reposer, lors dict la tante: tresuoluntiers ie te quitte mon siege: la-
 quelle parolle procedée de benignité & douceur, vint à effect de certain pre-
 sage: pource que Metellus, soudain apres que Cecille fust decedée, eust en ma-
 riage ceste pucelle dequoy ie parle.

Presage par
ne paro.le.¶ De Caius Marius, & de l'esgard
 qu'il eust en un presage.

L'aduis qu'eust Caius Marius à vn presage, le sauua, du temps qu'il estoit
 ennemy des Rommains, fut condamné & decreté par le senat, qu'il seroit mis
 prisonnier en la maison d'vne femme nommée Fania demourât à Minturnes.
 Lors estant captif en cediect lieu, veit vn asne à qui on bailloit à manger, mais
 nen tint compte, & courut à l'eau, ce que voyant Marius, pensa que la pro-
 uidence diuine par ce spectacle luy presentoit ce qu'il falloit qu'il feist & en-
 suyust, d'autre part il estoit tresbon deuin. Or impetra il de quelques trou-
 pes, qui luy estoient venues à secours, qu'il fust mené sur la mer, adonc entra
 dedans vne nef, & fut transporté en Aphrique, ainsi euita il Sylla qui estoit de-
 mouré vainqueur.

Presage de
voir vn asne
ne voulant ma-
ger.

¶ De pompée le grand.

Pompée le grâd vaincu par Cesar en la iournée Pharsalique, cherchât son sa-
 lut à la fuite dressa ses nauires en l'isle de cypre, afin qu'e ce lieu il eust quelque
 renfort: lors entré à la ville de Paphus, contépla au riuage on bel edifice, & de-
 manda au gouuerneur de cestuy lieu comme il s'appelloit: luy respódit qu'il se
 nommoit Cacobasilea, qui est interpreté en François Mausciour. Ceste parolle
 luy dimi-

Paphus.

Presage par vn
nom de ville.

Le premier Liure

luy diminua le reste de son esperance, combien qu'elle fust petite : & ne peut dissimuler cela : ainçois soudain destourna sa veue de ce palais, & manifesta par plaintes & delos la douleur qu'il auoit cōceue, disant qu'il tomberoit entre les mains de quelque roy, qui le traiteroit mal.

¶ De Marc Brutus.

L'adventure maleureuse bien digne & meritée, pour le meurdre de Cesar, pere du pays, fut signifiée à Marc Brutus par presage. Veritablement apres ce meschāt acte, Brutus celebrāt le iour de sa natiuité, cōme il vouloit exprimer vn vers Grec, en faisant ses prieres vint à auoir en son entēdemēt cestuy d'Homere : Le sort miserable, & le filz de Latone m'ont perdu. lequel dieu, c'est asçauoir Apollo filz de la deesse Latone, Auguste Cesar & Antoine auoyent tousiours en leur enseigne en la bataille Philippense, quād Brutus fut deffaict : & cestuy dieu lascha ses traitz contre ledi Brutus.

¶ De Caius Cassius.

Par semblable raison Fortune se mōstra fort courroucée contre Caius Cassius : laquelle permit qu'il respondist aux Rhodiens (les priant n'estre priuez & despouillez de to⁹ les images des dieux) qu'il laissoit le soleil, afin qu'icelle Fortune augmētast, p^r arrogāce de parolle, l'orgueil du tresauaritieux vainqueur. Or aduint que cestuy Cassius fut vaincu en la guerre Macedonique, & lors ne laissa l'effigie du soleil, qu'il auoit promis de laisser aux Rhodiens : mais veritablement le soleil : car il se tua luy mesme.

¶ De Petilius.

Ce presage aussi est digne d'estre noté, soubz lequel Petilius consul fut occy, comme il faisoit la guerre au pays de Gennes en Itake. Or comme il vouloit assaillir quelque ville estant en vne montaigne nommée Letum, qui vault autant à dire comme mort, diēt en admonnestant ses soudardz : le prédray au iourdhuy Letum. Puis en bataillant indiscretement feit que sa parolle fut conforme à l'adventure qui sensuyuit, c'est asçauoir à sa mort.

¶ Des presages des estrangers.

Deux exemples estranges d'une mesme sorte, peuuent estre conuenablement adioustées aux nostres. Les Hamiens quelque fois demanderēt secours à ceulx de Priene, contre les Carres. Or lesdiētz citoyés de Priene esmeuz d'arrogāce, par maniere de mocquerie au lieu de nauires & exercite leur enuoyerent vne sybille. laquelle receurēt ioyeusement, considerāt que c'estoit vn aide diuinement donné : ilz vserent de son conseil, & en la fin par elle furent victorieux.

¶ Du presage des Apolloniates.

Les Apolloniates ne se repentirent de leur entreprinse : lesquelz pressez de la guerre des Esclauonnois, prièrent les Epidannes qu'ilz leur dōnassent aide. Lors les Epidannes promirent d'enuoyer à leurs secours la ruiere d'Eante leur voisine. Adonc respondirent les Apolloniates, que de bon coeur prenoyent l'offre : & establirent le premier lieu en la bataille à cediēt fleue, comme à leur capitaine. Aduint que par fortune, ce que lon n'esperoit, leurs ennemiz furent vaincuz : lors attribuerent toute leur felicité au presage, & sacrifierent au fleue Eante, comme si ce fust vn dieu : & par apres delibererent d'vser d'iceluy en toutes leurs guerres, comme de leur capitaine.

¶ DES

¶ DES PRODIGES ET SIGNES MERVEILLEUX,
predisans les choses futures. CHAP. VI.

¶ De Seruius Tullus.



Le recit des prodiges, qui sont signes merueilleux, predisans les choses aduenir, bonnes & mauuaises, n'est eslongné de nostre propos. Comme Seruius Tullus encore petit enfant dormoit, ceulx de la maison veirent vne flamme reluyre autour de sa teste. Voyant ce merueilleux signe Tanaquel, femme du roy Tarquin l'ancien, s'en esbahit fort, & le fait nourrir tout ainsi comme son filz : & mesme l'esleua en dignité royalle, combien qu'il eust esté nay d'une chambriere.

Le prodige aduenu à Seruius Tullus.

¶ De Martius.

Le feu qui tomba du chef de Martius en faisant sa harengue, n'apporta pas moins eueuse aduenture audiect Martius, que la flamme de Tullus. Cestuy Martius fut capitaine des deux bendes que tenoyent en leur viuant Publius Scipion, & Cneus Scipion, lesquelles auoyent esté fort debilitées en Espagne, apres la mort desdictz Scipions. Or les soudardz de Martius voyans ce feu, s'en esmerueillerent : mais furent admonnestez que par cela recouueroyent leur premiere force, ce qui aduint : car ilz occirent trentehuit mille de leurs ennemiz, eurent grand nombre de prisonniers, & prindrent deux ostz des Africains tous pleins de richesses.

De Martius.

¶ Du lac Albanois.

Aduint que les Rommains feirét aspre & longue guerre contre les Veientois, si que lesdictz Veientois furent constreintz de s'enclorre dedans leurs murailles, & ne pouoyét estre prins, en sorte que le long demeure n'estoit pas moindre fort à porter aux assiegeans, qu'aux assiegez. Lors les dieux immortelz manifesterent par merueilleux prodige, le chemin de victoire desirée aux Rommains. Or le lac Albanois en vn instant se va grossir & enfler oultre la coustume des estangs, combien qu'il ne fust tombé aucune pluye d'enhaut, ne desbordé aucun fleuve, qui eust causé ceste inundation. Adonc les Rommains (voulans scauoir la cause) enuoyerent ambassadeurs en Delphos, ou estoit l'oracle d'Apollo : lesquelz rapporterent que les sortz comandoyent que les Rommains espádissent l'eau de ce lac parmy les chéps, & qu'en ceste sorte les Veientois viendroyét en la puissance Romaine. Mais ainçois que les ambassadeurs eussent recité cecy, fut prins vn deuin de Veiente, (lors estoient absens noz augures & deuins) & mené au camp, qui predict l'aduéture. Donc le senat aduertit doublement, quasi en vn mesme temps fait le commandement d'Apollo, & ioyt de la ville de ses ennemis les Veientois. L'exemple ensuyuant ne demontre pas aduenture de petite prosperité.

Le lac Albanois enfla.

¶ De Lucius Sylla consul.

Lucius Sylla consul en la bataille sociale, en sacrifiant deuant le pretoire, au territoire de Nola soudain veit vn serpet cheu d'un costé de l'autel : & apres l'auoir veu, par le conseil de Posthumius deuin, incontinent ordóna ses gens en bataille, & print le camp des Sannites, qui estoit fort à merueilles. Laquelle victoire fut fondement de sa tresample puissance aduenir.

De Lucius Sylla la consul.

¶ De Caius

Le premier Liure

¶ De Caius Volumnius, & Seruius Sulpitius.

Vne vache a
parlé, & plu-
eurs merveil-
les furent veuz
comme verras
par ceste lectu-
re.

Les prodiges qui aduindrent du temps de Volumnius & Sulpitius consulz, au commencement des guerres, deuant que les François vinssent à Romme, furent de grande admiration. Vne vache qui souloit mugir, commença à parler humainement : ce qui espouenta grandement les espritz des oyans, pour la nouveauté de ce mōstre. Il plut des pieces de chair menues comme pluye, que mangerēt pour la plus grande partie les oiseaux, par le vol desquelz nous congnouissōns les choses futures : le demourant fut par quelque temps sur la terre, & n'estoit empiré ne plus laid qu'au commencement. Autres semblables monstres furent veuz, ausquelz on adiousta foy pour la seconde fois : car au premier on ne croyoit à ceulx qui estoient aduenuz. Vn enfant de six mois, au marché de Boaire, cria à haulte voix, Triumphe. Vn autre nasquit avec vne teste d'elephant. En Picene region d'Italie, ou est Ancone, il pleut des pierres. En Gaule, vn loup tira l'espée du fourreau d'un qui faisoit le guet. En Sicile, deux boucliers fuerent sang. aussi il tomba des espicz sanglans dans les corbeilles de quelques aousterons. Au pays de Cerites, les eaues couloyent mêlées de sang. Il est notoire que du temps de la seconde bataille Punique, vne vache dist à Cneus Domitius ces parolles: Garde toy Romme.

¶ De Caius Flaminius.

La temerité
de Caius Fla-
minius.

Comme Caius Flaminius, faict consul à force & à faulx tiltre, s'en allast faire la guerre contre Hannibal au lac Perusin, commanda qu'on leuast les enseignes fichées dans terre, pour partir, son cheual cheut, & tomba ledict consul sur la teste. Adonc aucuns deuins & sages Rommains l'aduertirēt, que c'estoit mauuais signe : & que pour le iour ne deuoit faire guerre. Toutefois ne tint cōpte de ce prodige, & menaça fort les port'enseignes, qui disoyēt ne pouoir arracher leurs estandardz, s'ilz ne fouyssoyent en terre, pour auoir lesdictes bannieres. Mais pleust à dieu que cestuy consul eust esté tresgriueusement puny tout seul, pour sa temerité & folle hardiesse : & que le peuple Romain, qui n'en pouoit mais, n'eust participé au maleur. Certainement en ceste iournée furent occiz quinze mille Rommains, six mille prisonniers, & vingt mille mis en fuite. Le corps de ce consul, ayant la teste hors, fut cherché par Hannibal, pour estre ensepulturé : lequel Hannibal auoit enseuely & aneanty l'empire Romain autant qu'il auoit peu.

¶ De Caius Hostilius Mancinus.

Les poulletz
s'enuollerent.

Vne voix fut
oye.

Vn serpent fut
veu.

Caius Hostilius ne fut pas moins obstiné, en son audace & folle, que Flaminius : auquel ces signes merueilleux aduindrent, estant consul, lors qu'il alloit faire la guerre en Espagne contre les Numantins. Or comme il vouloit faire sacrifice aux dieux à Lanuue, les poulletz qui estoient enfermez aux cages furent mis dehors, pour considerer l'Auspice : mais soudain, ne tenans compte de mâger, s'enuollerent en vn bois prochain, puis furent songneusement cherchez, mais ne furent trouuez. Dauantage, comme cestuy entroit en sa nauire au port de Hercules, ou il estoit allé à pié, vne voix fut oye, que luy mesme entendit, disant : Mancine, demeure. De laquelle estant espouenté, se destourna de son chemin, & vint à Genes, entra dedans vne barquette : lors partit de deuant luy vn serpent de merueilleuse grandeur. Dont aduint que ledict Mancinus re-

nus receut maleur & infortune egal au nombre des signes qu'il auoit veuz. A luy estoient apparuz trois sortes de prodiges, aussi encourut il en triple calamité. Premièrement fut vaincu maleureusement, consequemment fait pact avec les Numantins au detrimement de la republique Romaine: puis par le consentement du senat fut baillé aux ennemis.

Trois sortes de calamitez aduindrent à Mâcin², selon le nombre des prodiges.

¶ Autre exemple de Titus Gracchus.

L'adventure maleureuse de Titus Gracchus citoyen Rommain tresprudent & tresconstant, denoncée par prodige, & qui ne peut estre euitée par le conseil des deuins, fait qu'on ne se doit pas tant esbahir de la temerité de Caius Hostilius homme imprudent. Or comme cestuy Gracchus estoit consul extraordinaire de la prouince de Lucanie en la seconde bataille Punique, & comme il faisoit sacrifice aux dieux, deux serpens sailliz de quelque lieu secret, apres auoir mangé le iuisier de la beste qui auoit esté immolée, se retirerent en leurs creuz. Et pour ce cas adueni, fallut renouveler le sacrifice: mais tost apres feirent le semblable. Pour la troisieme fois on tua vne beste, & gardoit on curieusement les entrailles, de paour que lesdictz serpens n'en feissent comme aux autres fois: ce neantmoins on ne sceut chasser lesdictz serpens, ny empêcher qu'ilz n'en feissent comme ilz auoyent fait. Et combien que les deuins eussent aduerty ledict Gracchus capitaine Rommain, qu'il se gardast de trahison: toutefois ne sceut eiter que par la fraude de son hoste Flavius, ne fust mené au lieu, auquel estoit Mago capitaine des Carthaginois, caché & embuché avec gens armez, ou iceluy Gracchus desarmé avec petit train fut occy.

La folie de Gracchus.

¶ De Marcel.

Pource que Titus Gracchus auoit esté autrefois compagnon de Marcel à la dignité consulaire, & que les deux par semblable fortune auoyent esté trompez & trahiz, & receu mort pareille de leurs ennemis: cela est cause de me tirer à la memoire de Marcel, apres auoir fait record de Gracchus. Cestuy Marcel enflambé de gloire pour la prise nouuelle de Syracuse, & pource qu'il auoit constreint Hannibal de leuer son ost de deuant la muraille de Nola, s'efforça de toute sa puissance, ou de deffaire l'exercite des Carthaginois en Italie, ou de le vider hors dudit pays: & pource par solennel sacrifice voulut il esprouuer la volonté des dieux: mais la premiere oblation qui fut faite d'une beste immolée deuant le foyer ou on auoit accoustumé de brusler lesdictes oblations, fut trouuée ayant iuisier, mais n'y auoit de commencement, & n'estoit entier. La seconde auoit le iuisier plus que entier: ce que voyant le deuin, commença à estre triste & melencolique, disant que telles entrailles ne luy plaisoyent point: pource que les premiers estoient inutiles & laides, les secondes trop abodates & belles. Adonc Marcel ainsi admonesté par les deuins, afin qu'il ne feist rié follemēt, la nuit ensuyuāt avec peu de ses souldardz alla pour espier l'ost de Hannibal, mais dedās vn bois fut enclos à Bruces d'une compagnie d'ennemis, & illec tué, dont sa mort n'apporta pas moins de dommage à son pays, que de regret.

La mort de Marcel.

¶ Du consul Ostouien.

Combien que le consul Ostouien craignist vn signe merueilleux & cruel, veu par luy, si ne sceut il eiter qu'il ne tombast à la fortune qu'il pensoit luy aduenir. Or comme ilz estoient ennemis son compagnon Cinna & luy, il

B veit que

Le premier Liure

veit que du simulachre d'Apollo la teste s'estoit rompue de foy, sans que aucun luy feist violence, & s'afficha si fort en terre, qu'on ne l'eust peu retirer: par ce cas il pensa à soy-mesme que cela signifioit l'adventure ou il deuoit tomber, en laquelle il escheut, car il fut tué de Cinna: puis apres sa mort, la teste de l'idole d'Apollo qui estoit auparauant immobile, se peust retirer de terre, & la remit on sur le corps dudit simulachre.

La mort d'O-
Gonien.

¶ De Marc Crassus.

Plusieurs prefa-
ges aduindrés
à cestuy Cras-
sus.
Le premier.
Deuxieme.

Troisieme.

Quatrieme.

Ce que luy ad-
uint pour n'a-
creu ausdictz
presages.

La mort de son
filz.
Luy occy.

Exemples de
vengeance.

Marc Crassus, digne d'estre nombré entre les plus grandes pertes que receut iamais l'empire Rommain, ne permet qu'on se taise de luy en ce lieu. Cestuy fut deuant sa ruine aduertty par visions de monstres & prodiges. Comme il tiroit son exercite de Carres pour aller contre les Parthes, on luy presenta vn casquin noir, consideré qu'on souloit tousiours bailler vn blanc, ou de pourpre à ceulx qui partoyent pour faire la guerre. Pour le second prodige, les soudardz qui deuoyent estre mis à la poincte, vindrent ensemble taciturnes & melencoliques, lesquelz deuoyent accourir par vn cry prompt & deliberé selon l'institution ancienne. Consequemment à grande difficulté peut estre arachée de la terre l'enseigne (ou estoit figurée l'aigle) par le port'enseigne de la premiere bende. L'autre enseigne par semblable à plus grande peine fut tirée, puis se tourna à rebours. Certes ce furent là de grandz signes, mais l'interest fut bien plus grand. Tant de belles legions furent deffaites, tant d'enseignes prinſes par les ennemys, la fleur de la cheualerie Rommaine aneantie par les gendarmes Barbares, les yeulx de Crassus mouillez du sang de son filz tant bien né, & de si bonne nature: & finalement le corps dudit capitaine Crassus, couché entre les corps mortz des soudardz & autres, pour estre proye aux oiseaux & bestes. Pleust il à dieu que ie peusse reciter ceste histoire en plus gracieux termes, mais ie suis constreint d'en dire la verité. Voyla comme les dieux se courroucent qu'ilz nous ont monstré les signes, par lesquelz ilz signifient que ce que nous voulons entreprendre ne leur plait. Voyla comme le conseil humain est chastié, quand il est preferé au vouloir celeste.

¶ Du Grand Pompée.

Dyrrhaq ville
de Macedone.
Entens icy, le-
Gueur, & confi-
dere en cest en-
droit, que Va-
lere parle de
destinée selon
l'opinion des
Stoiques, q est
contraire à no-
stre religion
chrestienne: car
en vain nous
seroit baillé li-
beral arbitre, si
les destinées
estoyent inui-
cibles.

Iuppiter le toutpuissant auoit admonesté suffisamment Pompée, qu'il ne s'efforçast d'experimenter avec Cesar la derniere fortune de guerre, derniere d'Isie, pource que les deux contendoyent à qui appartiendrait la haultesse imperiale: & quand l'un fut deffait, il n'estoit plus question de mettre gendarmes sus champs: car toute la puissance de l'un & l'autre y estoit assemblée. Pompée party de Dyrrhaque ville de Macedone, ledit Iuppiter ne cessoit d'infester par son tonnerre & foudre les bendes dudit Pompée, mesmes on veoit grandz exiens de mouches à miel voler autour de ses bannieres en les ofusquant. Sa gendarmerie estoit toute melencolique, tout plein de terreurs nocturnes la molestoyent, & les bestes qu'on vouloit immoler pour faire sacrifices s'enfuyoyent. Mais les destinées inuincibles ne sceurent endurer que ce personnage icy (qui tousiours auoit esté prudent, fors en cest endroit) considerast diligemment & pesast en la balance de raison tous ces signes & prodiges. Donc lors que cestuy Pompée comença à deprimer l'autorité tresample du senat, qui estoit d'opinion qu'il ne deuoit guerroyer avec Cesar, & qu'il mist au hazard

au hazard ses grandes richesses, qui estoient trop plus excessiues qu'il n'appartenoit à vn citoyen; à ceste heure là perdit il en vn iour tout l'honneur qu'il auoit acquis en sa ieunesse: & non sans enuie des autres citoyens, car ainçois que il fust consul, auoit triumphe d'Aphrique, ce qu'à nul Romain n'auoit esté iamais permis. Il est manifeste qu'apres icelles entreprinſes par vn despit mesmes les simulachres des idoles en maintz temples se tournoient de leur bon gré à l'opposite qu'ilz auoyent accoustumé d'estre. Semblablement en Antioche, & Ptolemaide fut oy vn cry de gendarmes, & vn bruit d'armes merueilleux; si qu'vnchascun couroit pour defendre ses murailles. En Pergame ville d'Asie dedans les temples plus eslongnez du tumulte mondain, fut entendu le son des tabourins. Et en Trales, au tēple de Victoire, soubz la statue de Cesar, on trouua vne belle palme toute verte en parfaite grandeur d'arbre, qui estoit faillie d'entre le paué dudit temple. Par lesquelles choses il appert que le vouloir des dieux fauorisoit à la gloire de Cesar, & qu'il vouloit retrencher la faulte de Pompée, afin qu'il ne s'abandonnast à Fortune. Or en cest endroit ie me prosterne à deux genoux deuant ton autel en ton saint temple sacré Iules, te priant que par ta fauorable deité tu tolères & souffres les aduentures de tant grāds & excellens personnages estre cachées soubz la sauuegarde & defense de ton exemple. Certainement nous auons entendu, que le iour mesme que tu fus vestu de vestement triumphal, & que tu residas en siege d'or, afin que tu ne fus ses veu contemner l'honneur exquis que t'auoit préparé par grande curiosité le senat: & ainçois que tu monstresses ta desirée face à tes citoyens Romaines, tu mis ton estude à honorer les dieux, à la compagnie desquelz deuois en peu d'heure assister: Lors feis immoler vn tres bon boeuf, mais entre ses entrailles on ne trouua point de coeur: & te fut respondu par Spurina deuin, que ce prodige & signe admirable te predisoit que tu deuois prendre garde au salut de ta vie, & vser de bon conseil: pource que l'un & l'autre, c'est ascauoir la vie & le conseil consistent au coeur: puis soudain apres faillirent en violence les homicides & meurtriers conspirateurs du pere du pays, qui pensans te mettre hors du nombre des hommes, t'adioignirent au consistoire & reng des dieux. Donc soit clos de cest exemple le recit de telz monstres & visions horribles, qui ont esté predictz à ceulx de nostre nation: afin que si derechef ie narroye exemples Rommains, ie fusse veu comme d'un saint temple descendre aux maisons prophanes & priuées. Pourtant ie toucheray aux exemples des estrangers, lesquels sont meslez avec les escriptz & histoires Latines, iacoit ce qu'ilz ayent moins d'autorité, si pourront ilz auoir quelque grace pour la varieté & diuersité.

Pergame ville
d'Asie.

Le presage de
Iules Cesar.

Au sacrifice de
Cesar ne fut
point trouué
de coeur, & q
cela signifie,

¶ Exemples d'estrangers.

¶ D'une iument qui poullena un lieue.

En l'ost de Xerxes, qu'il auoit assemblé pour guerroyer Grece, il n'est rien si certain qu'une iument produisit vn lieue, par lequel monstre fut signifiée l'issue de si grand appareil de guerre cōme auoit Xerxes, qui estoit de quatre mil-

Le premier Liure

le deux cens nauires, & dix cens mille soudardz. Or cestuy qui auoit couuert la mer de nauires, & la terre d'exercite pedestre, ainsi comme vne craintieue & fuitiue beste, fut contrainct de retourner en son royaume en paour & frayeur. A cestuy mesme Xerces aduint vn signe merueilleux en soupant : apres auoir passé la montaigne d'Athos pres d'Ide, auant qu'il destruisist Athenes, delibera d'inuader Lacedemone. Lors en sa table, apres qu'on luy eut versé à boire, le vin se mua en sang, non seulement vne fois, mais iusques à la troisieme. Parquoy enuoya aux deuins, lesquels donnerent response qu'il se deuoit destourner de son entreprinse. Et si il y eust eu quelque prudence en son fol entendement, il se pouoit garder : car auparauant auoit il esté aduertie suffisamment par l'exemple du roy Leonidas & des Spartains, qui furent opprimez, pource qu'ilz estoient trop grand nombre.

Le vin versé à Xerces pour boire, fut mué en sang.

¶ De Midas.

Les fourmis amasserent du blé en la bouche de Midas, & que denote cela.

Comme Midas roy de Phrigie estoit encore petit enfant, en dormant les fourmis luy amasserent des grains de blé dedans la bouche. Lors ses parens firent diligence de s'enquerir que denotoit ce signe, mais les deuins respondirent que pour l'aduenir il seroit le plus riche de tous les hommes : & la prophetie ne fut point vaine, car Midas surpassa d'abondance de pecune, les richesses presque de tous les autres rois, & luy chargé d'or & d'argent recompensa de grandes richesses son enfance, à laquelle les dieux auoyent eslargy de leurs dons frumentaulx qui sont necessaires & vtils à la vie humaine.

¶ De Platon autre cas merueilleux.

Les mouches amasserent leur miel entre les leures de Platon, avec l'interpretation.

Mont Hymetus.

Mont Helicó.

A iuste droit ie prefereray les mouches de Platon aux formis de Midas : car les formis sont bestes caduques & fragiles : mais les mouches demonstrent signe de ferme & eternelle felicité, qui distilerent leur miel entre les leures dudit Platon petit enfant dormant en son berceau : laquelle chose entendue, les deuins predirent que c'estoit signe que pour l'aduenir il partiroit de sa bouche vne singuliere douceur d'eloquence. Et ainsi que ie voy, ces mouches icy ne prindrent pas le miel qu'elles presenterent à Platon au mont Hymetus en la region Attique, sentant bon pour l'abondance des fleurs du thim, qui y croissent : mais au mont Helicon dedié aux muses, verdoyant en toute espeece de doctrine par l'instinct desdictes deesses : & respendirent le doux nourrissemēt de souueraine eloquence au singulier esprit dudit Platon.

¶ DES SONGES.

CHAP. VII.

Le songe d'Attorius medecin d'Auguste Cesar.



R pource que i'ay touché icy deuant, qu'à Midas en dormant luy furent signifiées richesses aduenir, & à Platon beau parler, & excellente faconde : maintenant ie reciteray cōme les visions de plusieurs en reposant n'ont point esté vaines & friuoles, mais veritables & certaines. Et pour mon commencement ie narreray ce qui aduint à Auguste Cesar. Comme Attorius medecin dudit empereur reposoit en son lit, la nuit precedēte que les exercites Rommains, c'estasçauoir l'ost d'Auguste &

ste & Antoine d'une part, & les bendes de Brutus & Cassius d'autre, deuoyent auoir la bataille aux champs Philippiques, l'image de Pallas vint apparostre audict medecin, & luy commanda de dire à Auguste, que ce nonobstant qu'il fust fort malade, ce neantmoins pour sa maladie ne laissast à se trouuer au conflict. Ce que voyant Cesar, s'y feit porter en vne litiere, & abandonna sa tente, ou plutostre qu'il ne pouoit trauailla & veilla pour auoir la victoire : mais les gens de Brutus prindrent ses pauillons. Et iacoit ce que ledict Auguste eust déterminé de ne bouger de sa tente pour sa maladie, ce neantmoins par l'aduertissement dudit medecin s'en estoit iecté hors, parquoy sauua sa vie : car les soudardz de Brutus ne faillirent à y entrer, & misrent tout à sac, pensans qu'il reposast dedans. Or fut il garanty de mort par le don des dieux, afin que iceluy ia destiné à immortalité ne sentist la violence de Fortune indigne à son celeste esprit. Et oultre encore qu'il fust subtil, prudent & aduisé en tous ses affaires, l'exemple de son pere Iules encore tout recét, l'induisit à obeir au songe de son medecin Artorius. Or auoit il entendu que Calphurine femme de sondict pere adoptif, auoit veu en son dormant la derniere nuit que Iules resida sur la terre, comme iceluy estoit gisant entre ses bras, nauré de plusieurs playes, & pour l'horrible songe comme icelle l'auoit instamment prie de ne se trouuer ce iour à la court. Mais afin qu'il ne fust veu prester l'oreille au songe d'une femme, ayma mieulx obeir aux senateurs, qui luy preparoyent l'honneur de triumphe, & se transporta au parlement ou il fut mis à mort. Il n'est licite de faire comparaison entre le pere & le filz, pource que tous deux sont parsonniers de diuinité. Iules par ses oeuvres vertueux auoit desia fait son entrée au ciel : & à Cesar Auguste restoit encore long chemin, & vn grand monde de vertuz terrestres à passer. Pourtant les dieux immortelz voulurent que de Iules fust cogueu à l'heure l'instabilité de Fortune, & combien estoit inconstant l'estat des choses mondaines : & à l'autre en fut differée la congnoissance, afin qu'une nouuelle beauté fust promptement donnée au ciel, & l'autre promise pour l'aduenir.

¶ De Publius Decius, & Manlius Torquatus
consulz.

La vision qui apparut en dormant tout en vne mesme nuit à Publius Decius, & Manlius Torquatus, fut de grâde admiration & d'issue manifeste. Lors que ces deux consulz planterent leur camp pres du pié du mont Vesuee en Campagne en la bataille Latine : c'estasçauoir quand les Latins laisserent le party des Rommains : lequel conflict fut horrible & perilleux : à vnchascun des deux consulz se presenta vn grand homme en dormant, & leur predict que d'un ost leur capitaine deuoit estre tué, & que de l'autre la gendarmerie deuoit estre deffaite. Mais le chef de l'exercite qui iroit assaillir les bendes des ennemis, & se voueroit & delibereroit souffrir la mort pour ses gens, auroit la victoire. Oyans ces nouuelles lesdictz consulz, le iour d'apres se preparerent à faire sacrifice aux dieux, pour experimenter, ou s'ilz pourroyent destourner l'ire d'iceulx, ou pour sçauoir si la vision estoit par leur admonestement. Et veritablement ilz trouuerent en contemplant les entrailles des bestes im-

Le soge de Publius Decius & Manlius Torquatus.

Le premier Liure

Le pact fait entre les deux consulz pour l'expérience du songe. molées, que la chose estoit conforme à leur songe. Or feirent ilz vn pact ensemble, que le costé de celuy qui le premier seroit veu ployer soubz le faix de la bataille, le capitaine de ceste troupe debilitée mettroit sa vie pour le pays.

Decius fut occy en approuuant le songe. Et combien que l'un ne l'autre ne craignissent telle aduenture, toutefois les destinées tomberent sus Decius, car ses bendes commencerent à perdre coeur: ce que voyant Decius se iecta au myliu de ses ennemis l'espée au poing, & fut occy. Ainsi eurent les Rommains contre les Latins triumpante & desirée victoire par la mort d'un de leurs chefs de guerre. Il sensuit vn songe aussi convenable & pertinent à la religion des dieux, comme le precedent. Or comme quelque pere de famille eut batu de verges vn sien seruiteur portant vne fourche par infamie dedans le circq ou enclos Flaminien ou se faisoient les ieuз du peuple, autrement appelez Rommains ou Circenses, ainçois que la pompe desdictz mysteres fust introduicte, Iuppiter commanda à vn payfant d'Italie en son dormant, qu'il dist aux consulz, que le ioueur qui dançoit deuant que les ieuз Circenses fussent commencez (lesquelz auoyent este faitz de bien nouveau) ne luy plaisoit point, & qui ne trouueroit maniere de l'appaiser, en renouvelant curieusement lesdictz demonstremés, mal en viendrait

L'aduenture aduenue à vn payfant, pour n'auoir creu à vn songe.

à la ville de Romme. Cestuy payfant craignant qu'il n'empeschast les consulz & senateurs par ceste reuelation, & qu'il ne luy en vinst quelque dommage, se teust: mais tout soudain par maladie subite son filz mourut. Puis fut interrogué par ledict Iuppiter derechef en reposant, s'il auoit esté assez puny pour la negligence du commandement qu'il luy auoit fait, perseuerant en son propos: & par le conseil de ses amis fut finalement porté en vne litiere en la court des consulz, consequemment au parlement. Puis leur declara par ordre toute la verité du cas, & avec grande admiration de tous, recouura sa santé pristine, & s'en retourna à pié en sa maison.

¶ De Marc Tullies Cicero.

Le songe de Cicero.

Pareillement ne fault passer soubz silence le songe de Cicero. Comme Marc Cicero estoit deiecté de Romme par la conspiration de ses ennemis, se diuertit en vn village prochain d'Atin, montaigne de Campaigne en Italie, & luy fut aduis en dormant qu'en vagant par lieux desers, & pays inhabité, rencontra le consul Marius, avec tous ses fatalites, qui luy demanda pourquoy il estoit si melencolique, & à raison dequoy il tenoit les champs, & s'estoit transporté en chemin incongneu. Puis apres auoir entendu les raisons & l'infortune dudit Cicero, le print par la dextre, & donna charge au plus principal de ses officiers, de le cōduire iusques en sa chapelle, disant qu'en ce lieu pourroit auoir quelque ioyeuse nouuelle de la recouurance de son estat: & la chose aduint en telle sorte. Car en la chapelle que Marius auoit fait bastir en l'honneur de Iuppiter, les seigneurs de parlement traicterent du retour de Cicero.

¶ De Caius Gracchus.

L'enormité du cas eminent qui aduint à Caius Gracchus, luy fut denoncée apertement

apertement & publiquement en son repos. Or comme il dormoit, veit l'effigie de son frere Tybere, disât qu'en nulle sorte ne pourroit euitier qu'il ne fust tué, comme il auoit esté. Plusieurs oyrent faire ce compte à Caius Gracchus mesme, auant qu'il eust la dignité de tribun, en laquelle il receut mort semblable à son frere. Pareillement Celius historien Rommain certain & veritable, en oyt faire le recit audiât Gracchus luy encore viuât.

L'horrible songe de Gracch^e

Celius historien Rommain.

¶ De Cassius Parmensis.

Ceste visio icy qui senluit, est bié plus horrible & espouétable, que celle qui apparut à C. Gracchus. Apres que Marc Antoine fut deffaict par Octouie au mont Actien, Cassius Parmensis soudard, qui auoit suiuy le party d'Antoine, s'enfuit en Athenes: auquel lieu estant en son premier somme couché au list, exempt de soucy & toute sollicitude, songea qu'il vint à luy vn grand hōme à merueilles, noir, portant barbe mal acoustrée & mal pignée, & cheueulx pendans: lors luy demanda Parmensis qui il estoit: Cestuy respondit que c'estoit le diable. Adonc espouenté de si horrible veue & nom tant espouentable, appella les seruiteurs, & les interroga s'ilz auoyent point veu entrer ou issir de la chambre vn homme acoustré en la sorte qu'il auoit veu: respondirent que non: parquoy se rendormit: mais apres qu'il commença à reposer, veit derechef ce personnage. Par cela se resueilla, & fit apporter de la lumiere, & defendit que les enfans ne partissent de la chambre. Or entre ceste nuit & le suplice dont il fut puny par le commandement de Cesar, c'estasçauoir d'auoir la teste coupée, il y eut bien petit de temps.

Autre & plus horrible songe

¶ D'un nommé Atterius le Roux.

Iaçoit ce que le songe que i'ay recité deuant, fut déclaré par certaines admonitions: cestuy cy, d'Atterius le Roux cheualier Rommain fut annoncé encore plus certainemēt par le cas qui s'en ensuyuit. Cōme quelqu'un faisoit tenir à Syracuse vn ieu de prix, qui estoit vn combat en l'honneur de son pere defunct: cestuy Atterius songea la nuit de deuant qu'un porteur de retz ou pescheur le tuoit: le iour d'apres se trouua au combat, & recita son songe aux assisens. Il aduint incontinent apres, que pres du lieu ou estoit ledict Atterius, on vint introduire deux combatans, dont l'un portoit en sa deuise vn poisson sur son heaume: l'autre estoit armé à la mode Gaulloise. Or quand Atterius veit ce pescheur, portant ce poisson, luy diât: Le pensoye que tu m'eusses tué ceste nuit, & pour ceste raison se voulut retirer: mais le pescheur luy donna parole d'asseurance. par semblable l'autre cōbatant: mais qu'aduint il? Certes en ce mesme lieu le pescheur abatit son compagnon Gaullois, & en le pensant ferir de son espée, le coup se destourna, & vint tomber sus Atterius, & le tua.

Le songe d'Atterius le Roux fort merueilleux.

¶ Exemples d'estrangers.

¶ De Hannibal.

Tout ainsi que le songe de Hannibal fut à estre detesté & maudit de la nation Rommaine, aussi aduint il pour certain, comme il estoit predict. Lequel Hannibal n'apporta seulement à nostre empire dommage en veillant, mais aussi en dormant: car en son repos il veit vne effigie conforme à ses entreprin-

Le songe de Hannibal, touchant la destruction d'Italie.

Le premier liure

ses & souhaitz: C'estaſcauoir vn ange enuoyé de Iuppiter pour le conduire & ayder à inuader l'Italie, & l'admonneſta qu'il le ſuiuſt, & ne tournast ailleurs ſes yeulx pour regarder: puis apres curieux, à la maniere de leſprit humain, de ſcauoir & ſ'enquerir, & voir les choſes prohibées, regarda derriere luy, & veit vn grand ſerpent, q̄ui par impetuoſité & violence briſoit tout ce qu'il trouuoit, & apres luy venoit vne ſouldre qui rompoit arbres & edifices, puis vn tonnerre & pluye impetueuſe, ſi qu'il ſembloit que le iour fuſt nuit. Lors Hånibal effrayé, interroguå ceſt ange que ſignifioit ceſte viſion. Adonc reſpõdit: Je ſuis celuy qui te doit conduire, & ceſte tempeſte que vois, c'eſt la deſtruction d'Italie: pourtant ne ſonne mot, & laiſſe faire les deſtinées.

¶ D'Alexandre.

Le ſonge d'Alexandre, pour euitier la malice de Caſſander.

Tant bien auoit eſté admonneſté Alexandre roy de Macedone en ſon dormir, qu'il print garde à ſa vie, ſi fortune euſt voulu permettre qu'il euſt vſé de conſeil à euitier le peril. Veritablement il congneut par ſonge que la main de Caſſander luy eſtoit venimeuſe, auāt qu'il euſt aperceu par eſſect: & creut que il deuoit eſtre occy d'iceluy, auant l'auoir veu. Puis par trait de tēps apres que il fut venu en ſa court, & que l'effigie de la crainte nocturne fuſt manifeſtée, quand il congneut que ceſtuy Caſſander eſtoit filz d'Antipater, ſ'ayda d'un vers Grec, qui dit qu'on ne doit adiouſter foy en ſonges, & par ainſi oſta toute ſouſpeçon, & ne creut que Caſſander le vouliſt empoifonner: combien que fuſt deſia preparée la poiſon pour le faire mourir.

¶ Du poete Simonides.

Pour auoir creu l'eſprit du corps mort, Simonides eut la vie ſauue.

Les dieux furent bien pluſ fauorables à Simonides, qu'à Alexandre, qui l'aduertirent en dormant de ſon ſalut. Or comme ceſtuy eſtoit à vn port voulant faire quelque voyage par mer avec ſes compagnons, trouua vn corps mort ſans ſepulture, lequel par pitié enſeuellit. la nuit prochaine fut conſeillé en reſpoſant par l'eſprit de ce corps, qu'il ne ſe miſt ſur la mer: ce qu'il feit, & demoura ſur terre: ſes compagnons au contraire voulurent faire le voyage, mais en la preſence de Simonides par tempeſte & tormente furent noyez. Ceſtuy ſe reſiouit qu'il auoit mieulx aymé bailler en garde ſa vie à vn ſonge qu'à vne nauire. Et reconnoiſſant le bienſaict par vers elegans, rendit ſon bienſaict eur immortel, luy eſtabliffant meilleur ſepulchre & plus de durée en la memoire des hommes, que celuy qui luy eſtoit preparé en lieu deſert, & entre les ſablõs incongneuz.

¶ De Crefus.

Le ſonge qui premierement mit en treſgrande crainte l'eſprit du roy Crefus, & qui finalement le conduiſit en triſteſſe & dueil, fut de grande force & efficace. Ceſtuy roy ſongea que de deux filz qu'il auoit, le pluſ parfait & excellent, qui ſe nommoit Atys, deſtiné & deſuté pour auoir la couronne apres luy, ſeroit tué par fer. Pourtant tout ce qui appartenoit à euitier l'aigreur & inhumanité de ceſte occiſion denoncée, on ne ceſſa de le deſtourner en tous moyes par la diligence & ſoing du pere. Ce ieune prince auoit accouſtumé de aller à la guerre, il fut detenu à la maiſon: il auoit vne chambre garnie de tous inſtrumens de guerre, Crefus commanda qu'on luy oſtaſt. Il auoit compagnie bien embaſtonnée, on feit cõmandement qu'elle n'approchaſt de luy.

Toutefois

Toutefois en la fin les destinées donnerent entrée de plainte & dueil. Or est il certain qu'en la montaigne d'Olympus y auoit vn senglier merueilleusement grand: qui gastoit les labeurs du pays, & mesme meurtrissoit & tuoit les payfans: parquoy on eust recours pour ce mal inusité, au roy Cresus, & luy demanderent ayde les rustiques: lors ce ieune enfant royal Atys feit tant à son pere, qu'il y fust enuoyé pour le tuer, & ledict pere n'en feit pas grande difficulté, pource qu'il pensa que ce senglier icy ne portoit point de fer, & n'auoit que ses dentz pour toutes armes. Mais ainsi que tous estoient assemblez, deliberez d'un courage fort & aspre à occir le pourceau, fortune qui persistoit à la male aduenture de ce ieune prince, destourna vn espieu qui estoit lancé contre la beste, & adressa le coup droit à luy, & voulut que la dextre de celuy à qui le roy auoit donné la charge de son enfant, fut ensanglantée du crime du meurtre detestable: laçoit ce que cestuy roy craignant les dieux, qui sont faciles & misericordieux, eust purgé par sacrifice & rendu absoulz au parauant ce gouuerneur qui se nommoit Adrastus, filz du roy Adrastus, qui estoit retiré vers Cresus, pource qu'il auoit tiré son frere non volontairement, mais par cas de fortune.

Comme pour nulle diligence pour obuier à ce triste songe ne peut estre euité.

¶ De Cyrus.

Cyrus premier de ce nom ne fut pas petit enseignement de l'ordonnance fatale. Astyages oncle de cestuy du costé maternel, pensa aneantir deux presages qu'il auoit eu en dormant, touchant la natiuité dudit Cyrus qui deuoit estre roy de toute l'Asie, mais ce fut en vain. Premièrement il auoit songé que sa fille Mandane de son vrine auoit couuert toutes les régions Asiatiques, pour tant delibera de ne la donner en mariage à quelque grand personnage de Mede, afin que le royaume ne paruint à sa famille, mais à quelque homme de bas estat du pays de Perse: & oultre si tost qu'elle auroit enfant, le faire occir, car par semblable luy auoit esté aduis en dormant qu'il veoit faillir de la partie genitale de sadicte fille Mandane, vne vigne, qui vmbrageoit toutes les parties de son domaine. Or toutes ses entreprises furent frustratoires & friuoles, de cuider empescher par humain conseil, la felicité de son neveu destruire par le iugement des espritz celestes.

Astyages cuy da empescher l'effect de deux songes, mais peut.

¶ De Denys de Syracuse.

Auant que Denys de Syracuse fust roy des Syracusais: il fut aduis à vne gentefemme nommée Himere, qu'en dormant elle monta en paradis: & apres auoir en ce lieu contemplé les sieges de tous les dieux: elle veit vn homme excellent, & de grande aduantage, rousseau, la face lentilleuse, qui estoit enchainé de chaines de fer au throne de Iuppiter, soubz les piedz d'iceluy dieu. Adonc ladicte damoiselle s'enquit à vn iuenceau, qui l'auoit guidée en sa phantazie pour veoir le ciel, qui estoit cest homme: lors elle entendit d'iceluy, que c'estoit la dure & cruelle destinée d'Italie, & Sicile: & qu'apres qu'il seroit deschainé apporterait mauuaise aduenture à maintes villes. Lequel songe, ladicte noble femme le iour d'apres publia, & declara. Puis quand fortune parapres, ennemye de la liberté des Syracusais, & voulant mal aux gens de bien, & de vertu, eust deliuré de captiuité & prison ledict Denys, & poussa en estat royal, & par despit iecté, ainsi que fouldre & tempeste, pour dissiper le requoy & tranquil-

Le songe merueilleux & veritable sur le regne de Denys de Syracuse.

Le premier livre.

Denys de Syracuse
fit occire Himera, pour
ce qu'elle déclara
qu'elle estoit de luy
qu'elle auoit songé.
Autre songe de la mere
du dict Denys de Syracuse.

lité de la republique. Himera lors estant presente, avec grande multitude de peuple, dont les vns estoient empeschés à faire honneur audit roy à son entrée, les autres y estoient venuz pour veoir le triumphe: sus ces entrefaites comença à crier à haulte voix & dire, que c'estoit celuy qu'elle auoit veu en son songe. Or quand le tyran eust entendu l'affaire, commanda faire mourir ladicte Himera. La mere de ce mesme tyran songea vn songe, qui ne luy apporta pas si grand peril, comme fait le songe d'Himera. Comme icelle estoit enceinte de son filz Denys, en son dormant luy fut aduis qu'elle enfantoit vn petit satyre, cest asçauoir vn demy dieu terrestre: cela fait se trāsporta aux deuins, par lesquelz luy fut respōdu, que cestuy enfant seroit vn des plus nobles & puissās du sang de Grece, de quoy elle eust certaine experience: car il fut dominateur de Sicile, & d'une partie d'Italie.

¶ D'Amilcar.

Amilcar fut de
ceux de son ioy
eux songe.

Quand Amilcar capitaine des Carthaginois eust assiegé Syracuse, en dormant pensa auoir oy vne voix, qui luy annonçoit, que le iour d'apres soupperoit en ladicte ville de Syracuse: parquoy se resioissant, comme si diuinement la victoire luy eust esté promise, va dresser son ost, pour dōner l'assault: mais sus ces entrefaites noise se meut entre les Carthaginois, & aucuns Siciliés, qui auoyent fuiuy son party. ce pendant les Syracuses font saillie de leur ville, & sacagerent la gendarmerie du dict Amilcar, & le menerent lié prisonnier en leur cité: donc s'ensuyuit que cestuy fut frustré & deceu, plus de son esperance, que de son songe: car il souppa à Syracuse comme captif, & nō comme vainqueur, ainsi qu'il auoit pensé.

¶ D'Alcibiades.

Le pitieux son-
ge d'Alcibiades.

Alcibiades ne fut point trompé de la pitiable aduenture qu'il songea luy de- uoir aduenir. En son dormir cestuy auoit veu comme il estoit couuert de la robe de son amoureuse. ce qui aduit, car le roy Pharnabazus à l'appetit de Lysander le fait tuer pres d'une loge ou il estoit couché avec sadicte amoureuse, puis quand elle veit mort le couurit de ladicte robe, & le brūla du feu mesme qui auoit esté mis en sa loge.

¶ De deux Arcades amys.

Megare ville
de Grece.

Combien que ce songe icy soit vn peu plus long que le precedent si est il bien digne de n'estre omis pour sa certitude & euidence, vn iour deux amys d'Arcadie cheminans ensemble, vindrēt à Megare ville de Grece: desquelz l'un se retira à quelque maison de congnoissance, qu'il auoit à ladicte ville: l'autre se va loger à vne tauerne, celuy qui s'estoit diuertty au logis de quelque sien familier, en dormant songea que son compagnon luy faisoit requeste, qu'il le secourust, pource que le tauerneier l'auoit assailly, & que si legieremēt il se tran- sportoit au lieu, pouoit estre deliuré du peril eminent ou il estoit. Apres ceste vision, il s'esueille, sault hors du liēt, & se met en chemin pour aller à ladicte tauerne: puis quand fut à my voye, pensa que c'estoit resuerie, changea de propos (las qu'il portoit grand secours à la destinée mortelle de son amy) & soudain retourna à son liēt pour reposer. Lors son compagnō nauré à mort par ledict hoste, s'apparut à luy, & luy pria, puis qu'il auoit esté nonchalant de le secourir en la vie, à tout le moins qu'il ne luy deniaist la vengeance de sa mort, & que son corps

son corps meurdry & mutilé p sondict hoste estoit mené droit à la porte de la ville, couuert de fiés dans vne charrette. Adóc le cōpagnon couché en son liēt, tāt importuné par les requestes de son amy mort, se leua tout soudai, & courut à la porte, & trouue la charrette qu'il auoit veue en dormāt, & le corps de son amy trāsŷ. puis met la main au tauernier, & le liure entre les maïs de iustice, lequel attainct du cas, eust la teste trenchée.

Experiēce que ce songe estoit veritable, & admirable.

¶ DES MERVEILLES.

CHAPI. VIII.



Aintes choses sont aduenues de iour à gens qui estoŷēt esueillez, ausi bien que de nuit à ceulx qui dormoyent. Lesquelles choses pource qu'il est bien difficile de congnoistre d'ou elles procedoyēt ou pour quelle raison elles estoŷent faictes, par iuste droit sont appellées merueilles: desquelles, entre vn grand tas ceste cy premieremēt s'offre. Du temps que Aulus Posthumius dictateur, & Manilius Octau⁹ capitaine des Toscs eurent la guerre ensemble trespas au lac Regille, en sorte qu'on ne scauoit ou s'inclinoit la victoire. Castor & Pollux furent veuz batailler pour les Rommains, & deffirent les bendes ennemyes des Toscs.

Pourquoy est dict ce mot, merueilles.

Lac Regille.

¶ De Publius Vatinius.

Consequemment durant la guerre de Macedone, vn personnage de la preuosté de Reate, nommé Publius Vatinius, en allant à Romme de nuit, r'encōtra deux iuenceaux d'excellente beauté montez sus cheuaulx blancz: qui luy dirent que le iour de deuāt Perŷes roy de Macedone auoit esté prins prisonnier par Paule Emile, ce qu'il recita au ŷenat: mais les ŷenateurs, pensant que c'estoit vn bailleur de bourdes, se mocquant de leur maieŷté & excellence, le feirent mettre en prison: mais apres qu'il fut cōgneu par le rescript dudit Paul Emile que ce meŷme iour Perŷes auoit esté captif, ledict Vatinius fut deliuré, ensemble on luy donna vne terre, & le feit on exempt de tous tributz. Or les deux adoleŷcens qu'il veit en son chemin, estoŷent Castor & Pollux freres de la belle Heleine, qui lors estoŷent ŷtelligiez. En ce temps on aperceut qu'iceulx meŷmes dieux auoyent esté vigilās pour l'empire du peuple Rōmain: cōme au lac de Iuturne, ou ilz furent veuz lauer leur ŷueur, & celle ausi de leurs cheuaulx: & leur temple qui est ioignant de la fontaine Iuturne fut trouuē ouuert, sans qu'homme viuant y eust mis la main.

La viŷiō de Publius Vatinius de la captiō de Paul Emile, & ce qui en aduint.

Castor & Pollux freres de la belle Heleine.

Le temple de Castor & Pollux fut trouuē ouuert.

¶ De pestilence.

Mais afin que nous pourŷuyons en nostre narrē, les autres dieux qui ont grandement fauorisē à ceste ville Rommaine. Lors que icelle fut par trois ans continuz vexēe de peste, & comme on veit que fin n'estoit mise ne par la misericorde des dieux, ne par ayde & secours humain, à si longue maladie, & tant grand encombrier: on confidera par l'aduertissement des grandz prestres, qui auoyent reuoluē les liures des Sibylles, qu'on ne recouurerōit point autrement la ŷantē priŷtine, que premierement ne fuŷt faict venir Eŷculape, de la ville d'Epidaure, en Romme: porquoy on y enuoya certains ambassadeurs: & par cela penserēt les Rommains, pour leur autoritē qui ia estoit trespample en la terre, qu'ilz impetrerōient aide de remede ŷalutaire: & ne furent frustrez de leur opinion.

Comme par le moyē du dieu Eŷculape de la ville d'Epidaure, fut la peste cessēe en Rōme.

Le premier Liure

Le dieu Esculape, serpent.

Antium ville Rommaine.

opinió. Car les Epidauriens leur promirét secours d'aussi bon coeur, qu'iceulx le demanderent. Or quand l'ambassade Rommaine fut arriüée au temple d'Esculape, qui est distant de la ville d'Epidaure enuiron deux lieues & demie: les Epidauriens la semonnirent benignemét de prendre à son plaisir tout ce qu'il le estimeroit apporter santé au pays d'Italie. Et l'ensuiuit que le dieu Esculape ne donna pas moins au peuple Rómain, que les Epidauriens luy auoyent donné. veritablement ce serpent que lesdictz Epidauriens adoroyét ainsi qu'Esculape, qui se monstroit à iceulx bien à tard, mais iamais sans leur apporter grád bien, commença à se trainer doucement par les lieux les plus hantez de la ville, avec vn regard amyable & debónaire, & par trois iours fut veu en ce point, non sans admiration & reuerence de tous, monstrant à ses gestes qu'il estoit ioyeux & deliberé de se transporter en plus noble lieu, comme en la ville de Romme. pourtant se va il iecter dedans la galere des Rommains, dont furent grandement estónez les mathelortz pour ce spectacle inacoustumé: puis monta au chasteau de Prore, ou se tenoit Quintus Ogulinus chef de la legation, & en ce lieu se va lier & tourner faisant plusieurs tours par grand requoy. Adonc les ambassadeurs, ainsi comme ioyssans de la chose desirée, apres auoir rendu graces au dieu Esculape, & veneration faicte par les plussages audict serpent, leuerent leurs ancrs du haure d'Epidaure, tous ioyeux & vauguerent eureusement par la marine: puis quand eurent prins port à la ville d'Antium, cité de la depéndice des Rómaines, ce serpent qui au nauigage tousiours estoit demouré en la nef, deuala au portail du temple d'Esculape: deuant lequel estoit vn mirte espex de branches, & soudain se va lier à la plus haulte branche estant de grande haulteur, & y fut par trois iours, ou on luy bailloit ce qu'il auoit acoustumé de manger, non pas sans grande crainte des ambassadeurs, qui auoyent belle paour qu'il ne vouldist r'entrer en la galere. Or quand il eust esté l'espace de ce temps logé au temple d'Antium, en la fin retourna en ladicte galere pour estre apporté en nostre cité Rommaine, & apres que lesdictz legatz furent à la riue du Tybre, il passa en l'isle, ou le temple d'Esculape est dedié. Ainsi par son aduenement osta la peste, pour laquelle il auoit esté quis, comme souuerain & seul remede.

¶ De Furius Camillus.

Le simulachre de Iuno parla.

Iuno ne desira pas moins estre translatée en nostre ville Rommaine qu'Esculape. apresque la ville de Veiente fust prinse par Camille, les soudardz par le commandement dudiect Camille leur capitaine s'efforçans d'oster le simulachre de Iuno Moneta, de son siege, qui en ce lieu estoit exquisitement adoré, pour le transporter à Romme. sus ces entrefaictes vn d'entre eulx demanda par ieu à la deesse, si elle vouloit venir à Romme. lors respondit que ouy. Ceste responce oye: le ieu tourna en admiration. Adonc les Rommains estimans porter non l'image de Iuno, mais icelle mesme demandée du ciel, la colloquerent avec grande ioye en ceste partie du mont Auentin, ou maintenant voyons son temple.

¶ Du Si-

¶ Du Simulacbre de Fortune.

Il est certain que l'image de fortune muliebre (ainsi appelé, pource que les femmes auoyent esté mieulx fortunées à deliurer le pays que les hommes, de la fureur de Coriolá) parla deux fois: à la premiere fois dict, de bone, heure m'auez vous veue femmes, & bien auez fait de m'auoir dedié vn temple. lequel temple est situé oultre le Tybre sus vn chemin de la Rommaine, à deux lieues pres de Romme, & fut consacré avec l'image du temps que par les prieres des femmes fut destourné Coriolan de saccager Romme.

Situation du temple de Fortune.

¶ De Valere Publicole.

Du temps que Valere Publicole estoit consul, fait la guerre aux Veientois & Toscans, apres que les rois furent expulsez de Romme. Or lesdictz Veientois & Toscans affectoyét de remettre Tarquin en sa pristine dignité royale: & les Rommains s'efforçoient de garder leur liberté nouvellement acquise. Aduint qu'en la fin les Toscans & Tarquin faisant le costé dextre aux aelles, se trouuerent les plussortz en cediect conflict, mais leur suruint si grande terreur, que combien qu'ilz fussent vainqueurs, ce neantmoins commencerent à fuyr, & attirerent avec eulx les Veietoï parsonniers de leur frayeur. En tesmoignage de ce, fut fait vne merueille. Tout soudain fut ouye vne voix partant de la bouche de Syluanus, en la forest Arsie tresprochaine, qui dict ces parolles. Des Toscans il en mourra vn dauátage que des Rommains, & la cheualerie Rommaine sera victorieuse. Les morts comptez tant d'un costé que d'autre, donnerent foy à la parole.

La parole que dict Syluanus en la bataille des Rommains, & des Veientois & Toscans

¶ De Caius Fabritius.

N'appartient il pas bien de rememorer l'aide de Mars, parquoy les Rómaines eurent victoire? comme ceulx de Bruce, & les Lucaniens eussent determiné par vne haine mortelle de tout leur pouoir destruire la ville de Turin, en Calabre, d'autre part Caius Fabritius Lucinius consul par grande vigilance s'estudioit à la garder. Or quand les deux ostz furent assemblez en vn lieu, chascun estoit en doubte ou le fort deuoit tomber. Les Rommains n'osoient faillir de leur fort pour donner la bataille. Lors vn iuenceau de grandeur excellente, premierement commença à les enhorter à prendre courage: puis quand il les veit estre trop tardifz, print des eschelles, passe par le mylieu des ennemys, vint iusques à leurs rampartz, dressa lesdictes eschelles, & monta contre leurs munitions: consequéent va crier à haulte voix, que le degré de victoire estoit fait. Et ainsi induisit il noz gens à entrer dedans le camp des aduers, & ceulx de Bruce, & Lucaniens à soy defendre. Or quand ilz furent meslez, on estoit en doubte ou s'inclinerait la victoire: mais cestuy mesme adolescent par l'impetuosité de ses armes rendit les ennemys en la puissance des Rómaines, pour estre par iceulx tuez & pris, si qu'il y en eust vingt mille d'occis, cinq mille de prisonniers, avec Statius Statilius capitaine des Brutiens & Lucaniens, & vingt & trois enseignes prinſes. Le iour ensuyuant le consul voulant salarier ceulx qui s'estoyent

Turin en Calabre.

Vn iuenceau enhortoit les Rommains à faire la guerre

Le premier liure.

Le iuenceau
cherché, ne fut
point trouué. s'estoyent montrez vaillans en ce conflict, s'enquerroit ou estoit celuy qui auoit dressé les eschelles contre le fort des ennemys, pour luy presenter la couronne d'herbe, mais ne trouua aucun qui la demandast: par cela on congneut que ce auoit esté le dieu Mars, qui auoit donné secours à son peuple, & en tesmoignage de ceste chose, l'armet à deux sortes de plumatz, dequoy il auoit le chef couuert donna matiere de croire que cestoit Mars. Qui estoit le-
di & iuenceau Donc par edict public Fabritius commanda de faire prieres en l'honneur dudit Mars: ou graces luy furent rendues avec grâde ioye & triumphe par les souldardz tous portans au chef chapeau de laurier.

¶ Des dieux Troyens, cas merueilleux.

Les dieux de
Eneas. Maintenant ie reciteray vne chose admirable, de laquelle eurent certitude & pleine cōgnoissance, ceulx qui pour lors viuoyent quand elle aduint. Et en est le recit d'aage en aage paruenue en la memoire des homes: & finablement couché es liures des nobles escriuains. Eneas apres le feu de Troye apporta ses dieux familiers en Italie, & les colloqua à Lauine: puis furent translatez par Ascanius son filz en la ville d'Alba, laquelle ledit Ascanius auoit construite: mais on fut tout estonné, qu'on les retrouua dans leur premier sacraire de Lauine: & pource qu'on eust peu estimer, que la chose eust esté faite par l'inuention de quelques vns, furent reportez en la cité d'Alba: mais à la secōde translation declarerent leur vouloir, & qu'ilz ne se plaisoyent point en ce lieu, parquoy retournerent. Les dieux de
Eneas p deux
fois traïportez
ont parlé, & ce
qu'ilz ont dit. Le sçay bien, touchant ces choses, comme des visions, apparitions, translations, & voix des dieux immortelz, qui ont esté veues & entendues des humains, qu'aucuns pēseront possible qu'elles peuēt estre veritables: mais pour autant qu'elles ne sont point dictes comme nouuelles, ains recitées d'autres escriuains, croye à iceulx qui voudra: il me suffit de n'auoir continué, comme fables, & friuoles ce qu'ont laissé par escript les excellens auteurs.

¶ Du sacré & saint empereur Iules Cesar.

La vision de
Caius Casius,
touchant Iules
Cesar. Apres auoir fait mention de la ville d'Alba, de laquelle nostre cité Rōmaine a prins son commencement, le sacré empereur Iules Cesar, l'eureuse lignée & nourriture d'icelle Alba, s'offre à ma plume, lequel Caius Casius (qu'on ne doit iamais nommer, sans premierelement l'appeller meurdrier public) vit en estat plus excellent qu'il ne conuenoit à homme, reuestu d'un casacquin d'escarlate, le menassant, & donnant des esperons à son cheual, pour luy courir sus: lors que ledit Casius faisoit la guerre à Auguste Cesar aux chāps Philippiques. de laquelle vision fut tellemēt espouenté celuy Casius, qu'il tourna le dos à son ennemy: en disant à haulte voix ces parolles: S'il te semble peu de chose d'auoir mis à mort Iules Cesar, que luy pourras tu faire dauantage? mais veritablement, o Casius, tu n'auois occy Cesar: car vne diuinité ne se peult esteindre. Mais en luy faisant violence, lors qu'il possedoit encore de son corps mortel: tu meritas auoir vn dieu, qui te soit ennemy, & qui te persecute.

¶ De Lu-

¶ De Lucius Lentulus.

Lucius Lentulus faisant vn voyage de mer, d'adventure passa pres du riuage de l'isle de Cypre: ou auoit esté tué Pompée le grand, par la trahyson du roy Ptolomée: & comme il estoit illec, n'ayant cōgnoissance du cas, vit comme on brusloit le corps dudit pompée du bois d'une meschante nauire qui auoit esté submergée: qui estoit pour vray vn feu, dont fortune deuoit auoir honte, considéré que le corps d'un si grand seigneur estoit brulé d'un si meschant bois. Lors commença à dire à ses compagnons: que sçauons nous quel feu c'est la? possible est ce Pompée le grand qu'on brusle en ce lieu. Ceste parolle fut diuinement prononcée, & de la bouche d'un homme: qui est chose admirable, car il estoit ainsi. Au contraire Le prognostic d'Appius Rommain qui luy auoit esté signifié deuant sa mort, fut prononcé de la bouche d'Apollo. Cestuy Appius durant la guerre ciuile (par laquelle Pompée auoit delaisé l'amitié de Iules Cesar, par vn conseil qui fut mortel, & gueres vtilité à la republique Romaine) voulant esprouuer quel party il ensuyuroit plussieurement: & cōgnoistre l'issue de cest aspre conflict (or estoit ledit Appius lieutenant de la prouince d'Achaie) s'en va au temple d'Apollo, & fait descendre la principale deuine dans le trou sacré dudit temple: dont on receuoit certains petis buletins & escriptz, ou estoit comprins la responce de ce qu'on demandoit. Et en ce lieu tant plus estoient remplies les deuines d'esprit maling, qui leur donnoit à cōgnoistre les choses passées, & aduenir, tant plus estoient lassées & debilitées par apres, quand ledit esprit cessoit en icelles. Donc ceste deuine esmeue des reuelations des espritz malingz, par vn son de voix horrible plein d'ambiguité va prophetizer la mort d'Appius, en disant: Seigneur Rommain, tu n'as que faire de te mesler de ceste guerre, Tu obtiēdras le repositoire d'Euboye. adonc cestuy pensant que par le conseil d'Apollo ne se deuoit trouuer en ce combat, se retira en ceste region qui se nomme le repositoire d'Euboye: laquelle est entre Rhamnunte noble partie de la terre Attique, & de la ville de Cariste voisine de la mer Chalcidique: ou il fut consumé par maladie, auāt la bataille Pharsalique, & ainsi eut il pour sepulture le lieu qui luy auoit esté predict p' Apollo. On peult aussi reciter comme merueilles les choses sequentes. Quand le sacraire des prestres de Mars fut brulé: on trouua la verge de Romulus entiere, de laquelle il se seruoit aux presages. Quand le temple de Fortune fut ars, la statue de Seruius Tullius demoura en son entier. Quand le temple de la mere des dieux fut par deux fois mis en feu, premierement du temps que P. Nasica Scipion, & Lucius Bestia furent consulz. Secondement durant le consulat de Marc Seruilius, & Luce Lamia, l'image de Quinta Claudia située au portail du dit temple n'eust nul mal, & fut conseruée sus son entrepié.

La parolle de Lucius Lentulus sur la mort de Pompée le grand.

La mort d'Appius luy fut predict par vne deuine du temple d'Apollo

Les deuines réplies d'espritz malins.

La vergede Romulus demoura entiere au feu du temple de Mars. Autre merueille.

Autre.

¶ D'Attilius.

On s'esbahit en Romme, quand le corps d'Attilius Auiola fut brulé. Les domestiques de cestuy & les medecins qui l'auoyent pensé durant sa maladie estimans qu'il fut mort, considéré que quelque temps auoit esté couché sur la terre: puis porté pour estre mis en cendre, selon la coustume d'adonc: apresque le feu eust touché le corps d'iceluy, il commença à crier, & dire qu'il estoit encore en vie,

Attilius qu'on cuidoit estre mort, & ne l'estoit point, fut neantmoins brulé.

Le premier Liure

Ainsi aduint à
Lamia.

core en vie, & pria son pedagogue, qui estoit en ce lieu demouré seul, qu'il le secourust: mais pource que la flamme l'auoit desia enuironé, ne peut estre sauué. Autant en aduint à Lucius Lamia, qui autrefois auoit fait l'office de iuge.

¶ Exemples des estrangers.

L'aduenture de
Erus, qui reues-
cut apres sa
mort, & racôta
plusieurs mer-
ueilles.

Vn home sca-
uât d'Athenes
pour vn coup
de pierre en la
teste oublia sa
science, & retint
toutes autres
choses.

On fut bien plus esmerueillé de l'aduenture d'Erus de Pamphile soudard. Lequel (ainsi comme dit Platon) apres vn conflict fut gylant entre les mortz par l'espace de dix iours: & deux iours apres qu'il fut enleué de ce lieu, on mit son corps au feu, qui estoit mort passé à douze iours: mais il reuesquit, & racompta choses merueilleuses, qu'il auoit veues durant sa mort. Et pource que nous sommes tombez sur le propos des estrangers, nous en ferons icy vn compte d'un personnage trescauant estant en Athenes: lequel de hazard eut vn coup de pierre en la teste, mais apres le coup oublia totalement la science qu'il auoit aprinse, & retint toutes les autres choses d'une memoire tresbonne. O cruelle & maligne playe, qui n'auras l'esprit du poure homme: il semble que tout de gré entre les autres sens allasses chercher celuy auquel plus il prenoit de recreation, par vn mauuais vouloir de luy nuire, en amortissant, & mettant à neant la singuliere doctrine de cest homme. Las, s'il ne luy estoit permis d'auoir pour l'aduenir delectation de ses labeurs & estude, mieulx luy eust valu ne s'y estre iamais rōpu la teste, qu'apres auoir tāt de lettres aprinles, estre priué de sa douleur d'icelles.

¶ De la femme de Nansimenes.

De l'aduenture
de la femme de
Nansimenes,
& de ses deux
enfans.

Le recit de ceste aduenture subsequente est encore plus admirable. Comme la femme de Nansimenes d'Athenes eust, sans se deffier de la chose, trouué son filz avec sa fille en acte de lubricité, fut si esbahie de veoir ce cas non esperé, qu'elle en perdit la parole, qui luy eust seruy à l'heure pour se courroucer & reprendre ses enfans, & pour l'aduenir à exprimer ce qu'elle auoit à l'entendement. Lesdictz enfans se tuerent volontairement, & recōpēserent de mort leur meschanceté. voila comme fortune estat en cholere, osta la voix à la mere, & la vie aux enfans, & au contraire se montrant amye & fauorable à cestuy que maintenant ie reciteray, luy rendit la parole.

¶ D'Egles de l'isle de Samos.

D'Egles muet,
qui recouura
la parole.

Egles Samien champion muet, estant en quelque ieu de prix, gagna la victoire. Et comme on le vouloit frustrer de son honneur & loyer enflammé d'ire, recouura la parole.

¶ De Gorgias Epirote.

Cestuy fut nay
apres la mort
de sa mere.

La natiuité de Gorgias Epirote, personnage noble & magnanime, constreignit d'arrester ceulx qui portoyent la litiere, ou gisoit morte sa mere: car luy yssant du ventre de sadiete mere, donna par son cry vn spectacle nouveau au pays, si que par les funerailles de sa mere, non seulement fut possesseur de la vie, ains aussi y gagna vn berseau. Et en vn mesme instant la mere defuncte enfanta: Et le filz fut porté en pompe funebre, ains qu'il fust né.

¶ De quel-

¶ De quelque personnage nommé Iason.

De bonne fortune quelqu'un ayant cestuy Iason Phereen, luy donna un coup de glaive en trahyson. & luy rompit une apostume interieure qu'il avoit dans le corps, que nul medecin n'avoit sceu jamais guerir: ainsi deliura l'homme de mal mortel le pensant occir.

Cestuy en le pensant occir, fut guery.

¶ Du poete Simonides.

Autant fut accepté des dieux immortelz Simonides, comme ceulx desquelz nous avons fait mention: car iceulx dieux le retirerent d'une ruyne & peril eminent, comme ledict Simonides soupoit chez Scopas tailleur de marbre en Cranon ville de Theffalie, on luy vint dire que deux iuenceaux le demandoient à la porte de Scopas: & le prioient grandement, qu'il allast pler à eulx soudain, ce qu'il fit: mais ne trouua personne en ce lieu. On tient que c'estoit Castor & Pollux. or cependant qu'il estoit party, en un mesme moment de temps la sale ou soupoit ledict Scopas tomba, & tua iceluy Scopas, & toz ceulx qui soupyent avec luy. O combien fut eueux le poete Simonides, lequel la mer & la terre ne peurent en leur fureur exteindre?

Grand ville de Theffalie. De l'adventu de Scopas, & comme Simonides eschapa.

¶ De Daphida.

A cestuy Simonides ie ioin Bray tresvolutiers Daphida, afin que nul n'ignore cobien il y a de difference de bien dire des dieux, & de mal parler d'iceulx. Cestuy Daphida estoit sophiste, qui par astuce & subtilité s'efforçoit de montrer ce qui estoit faulx estre vray, & en son opinion mordoit follement un chascun. quelque fois s'en alla en Delphos pour se conseiller à Apollo par maniere de mocquerie, & demanda s'il pouoit trouver son cheual qu'il avoit perdu, iacoit qu'il n'en eust point: mais on luy respōdit qu'il le retrouveroit, & que ledict cheual le feroit cheoir de dessus luy, & le tueroit. puis en s'en retournant se mocquoit de la promesse que luy avoit faite Apollo, & du sort qu'il luy estoit escheu. Mais en chemin tomba entre les mains d'Attalus Roy d'Asie: & pource que maintefois avoit denigré l'honneur dudit roy en son absence, commanda que du hault d'un rocher, qui se nommoit Cheual fust precepité. Ainsi ce fol qui s'estoit non seulement mocqué des hommes, ains aussi avoit trompé les dieux, fut puny de iuste recompense.

Daphida sophiste.

La punition de Daphida, pour s'estre mocqué des dieux. Cheual, mont.

¶ Du roy Philippe.

Par le mesme oracle d' Apollo fut admonesté Philippe roy des Macedoniens, qu'il se gardast, & qu'il estoit en danger d'estre tué d'une charrette: parquoy commanda qu'on ostast toutes les charrettes & chariotz de son royaume, & mesmes euita ce lieu qui est en Beotie, lequel se nomme charrette, toutes fois ne peust fuyr le peril, qui luy avoit esté denoncé. Pausanias portoit au manche de son espée une charrete gravée, de laquelle espée ledict Philippe fut occy.

De quelle charrette fut tué Philippe.

¶ De Calamus.

Il semble que ce fust une chose necessaire, & constreinte que le roy Philippe, & son filz Alexandre eussent semblable destinée: C'estasçavoir qu'ilz fussent tous

C.

sont tous

Le second Livre

sent tous deux tuez. Calanus philosophe d'Indie apres auoir longuement vescu volontairement s'offrit au feu pour estre consumé: mais ainçois qu'il fust at-
tain& de la flamme, Alexandre luy demanda, s'il vouloit rien dire, ou donner
aucune charge. Nenny, dit le philosophe, car ie te voirray de bref en Babylo-
ne, ce qui aduint: car apres fut ledict Alexadre empoisonné, & mourut en Ba-
bylone.

Alexandre filz
de Philippe fut
empoisonné se-
lon la parolle de
ce Calanus.

¶ De quelque Matbelot estant au riuage du Tbir.

L'aduenture de ce marinier est aussi admirable, que la mort de ces deux roys,
dequoy nous auons parlé. Cestuy nautonnier en vuidant l'eau de la basse par-
tie d'une nauire, le flot le iecta hors de la nauire: mais tout soudain vint un au-
tre flot contraire qui le repoussa dedans. parquoy suruint en un moment à ce
poure maleureux & eueux ensemble, matiere de resiouissance, meslée avec
plaincte.

De Prusias filz du roy de Bitbynie.

Prusias, pour
vne rengée de
dents auoit vn
os.

Nature en forgeant les corps humains, se ioue aucunes fois & passe le temps
en les faisant, mais s'il y a quelque mocquerie, on la tolere, moyennant qu'elle
ne soit pntieuse & domageuse à quelqu'un. Or sont ces choses dignes d'estre
comptées du nombre des merueilles: entre lesquelles nous ferons recit de Pru-
sias filz du roy de Bythinie nommé come sondict filz: le quel au lieu d'une ren-
gée de dents sus la machoire d'enhaut, auoit un os estendu, qui cōtinuoit tout
du long: & n'en estoit point plus laid, mesmes n'en laissoit à manger.

¶ De la fille de Mitbridates roy de Pont.

La fille de Mi-
thridates auoit
double rengée
de dents.

La fille du roy Mithridates, royne de Laodice Dripetine, c'est adire pays plan-
té d'oliues, naquit avec double rengée de dents, qui luy seoit mal. Ceste cy a-
compaigna son pere en sa fuite, quand fut vaincu par Pompée.

¶ De Lynceus, & Aristomenes.

Lynceus veoit
soixante sept
lieues loing.

Ce ne fut pas peu de merueille de cestuy Lynceus qu'on appelloit autremēt
Strabo: qui eut si bonne veue, qu'il veoit du haure de Lilybée iusques en Car-
thage, ylsir les nauires Carthaginoises, ou il y auoit enuiron soixante & sept
lieues. Le coeur d'Aristomenes Messenius estoit encore plusdigne d'admiratiō.
Les Atheniens auoyent eu longuement la guerre contre les Messeniens, dont
estoit chef cestuy Aristomenes qui souuentefoys les auoit deceuz, & l'auoyent
pris quelque foys, mais par cautele & subtrillité estoit eschappé: finablement fut
captif & mis à mort, puis on l'ouurit, & trouuit on que son coeur estoit barbu.

Aristomenes
uoit le coeur
barbu.

¶ Du poete Antipater.

Cestuy auoit
par chascun an
le iour de sa na-
tuité, la fièvre
dont mourut.

Le poete Antipater de Sidoine, tous les ans, seulement un iour, auquel il a-
uoit esté né, estoit agité de la fièvre: Et quand il paruint à la fin de son aage, ce
mesme iour, de mesme maladie mourut.

¶ De Polistratus, & Hippoclides.

telle naissance
telle vie, telle
mort.

Il me semble que ce sera bien fait en cest endroit faire recit, de Polistratus,
& Hippoclides philosophes soubz un mesme precepteur de la secte Epicurien-
ne, vesquirēt de leur patrimoine ensemble, s'en entretindrent aux escholes en
semble, puis quand furent vieulx moururēt en un mesme temps, qui est cestuy
là qui ne pēst, que tant egale cōpagnie d'estat, ensemblē d'amytiē, ne fut engē-
drée, nourrie, cōsequēmēt ne prist fin, au gyrō de dame cōcorde deesse du ciel:
Or de l'en-

Or de s'enquerir pourquoy telles merueilles ont esté en la fille de Mithridates ^{Icy deusse des} roy trespouissant, ou à Prusias prince trefnoble, ou à Antipater poëte trefloris ^{faictz estranges} fant, ou à ces trefdoctes philosophes Polistratus & Hippoclides, ou à Lynceus ^{de Nature,} homme incongneu : nature mesme, qui est seconde ouuriere, & forge les matieres de toutes bonnes choses & mauuaises, n'en scauroit dōner autre raison, sinon qu'ainsi luy plaist. De demander à nature pourquoy elle a tant aymé les biches, ou cheureux siluestres de Crete, qu'il semble qu'elle cōuoye lesdictes bestes de lès mains propres, au remede d'une herbe nommée dictamus, quand sont naurées de dardz. Et fait icelle nature, qu'apres que lesdictes biches ont mangé la susdicte herbe, elle a la propriété de iecter les fleches & la violée du venin hors de la playe. De s'enquerir pour quelle cause elle fait ces choses, n'y a autre raison, sinon que c'est son plaisir. Comme il soit ainsi que toutes bestes par tout estanchent leur soif communément de iour en iour buuant de l'eau : nature a faict toutefois qu'en l'isle de Cephallenie y a des bestes qui pour la plus ^{Des bestes qui} grande part de l'année sont sus haultz rochiers la gueulle ouuerte à humer le ^{hument le vent} vent, & ainsi appaisent leur soif. De s'enquerir pourquoy nature a faict qu'à ^{pour la soif.} Crotone ville de Calabre au temple de Iuno Lacinie y a vn autel exposé à tous ventz sans abry, & toutefois le feu & la cendre ne sont en nulle sorte espartiz. ^{Crotone ville} De s'enquerir pourquoy nature a voulu, qu'en Macedone, & au territoire de ^{de Calabre,} Calene en Campagne y a des eaux, qui ont la propriété du vin, & desquelles ^{Eau ayant pro} les hommes s'enyurent, c'est temps perdu. Nous ne nous en deuons point ^{priété de vin.} esmerueiller, ains en auoir memoire, veu que nous cōgnoissons que celle ou consisté infiny trauail de procreer toutes choses, peult prendre telle licence, & liberté qu'il luy plaist.

**¶ De la merueilleuse grandeur,
& longueur d'un serpent.**

Pource que nous auons touché icy deuant des choses qui excédēt la forme & maniere acoustumée : en ce passage, aussi nous ferons mention d'un serpent de quoy a parlé Tite Liue, par grāde curiosité, & elegāce, disant qu'en Aphrique y auoit vn serpent en la riuere de Bagrada, de si grande magnitude, qu'il empeschoit l'exercite d'Attilius Regulus d'auoir l'usage de ladicte riuere : mesme auoit de sa grāde gueulle desia attrappé plusieurs soudardz, & plusieurs dissipez & deschirez de sa queue. Et comme il ne peust estre penetré de coups de dardz, en la fin fut assailly de machines, & le desfit on à force de grosses pierres de faix. veritablemēt ceste beste donna, plus grāde crainte & terreur aux legiōs ^{Comme fut tué} Romaines, que ne fait Carthage. de son sang les fosses de la riuere en furēt ^{ce terrible ser-} arrousees, & de son allaine pestilēte la region voisine pollue, & infectée, & furēt ^{pent.} cōstreintz les Rōmains d'oster leur camp de cest endroit. L'autheur dessus allegué dit, que le cuir de ce serpent fut porté à Romme : & auoit six vingtz piedz de long.

Le second liure de VALE- RE LE GRAND.

¶ DES COVSTVMES ANCIENNES. CHAPI. I.



Pres auoir enquis au chapitre precedent de la puissance de nature, & parlé des merueilles, qui sefont en elle: Je commenceray à descrire des anciennes coustumes, & maniere de viure, dignes de memoire, tant de nostre ville Rommaine, que des autres nations. Certes il est bien requis de congnoistre, quel à esté le commencement de ce present regne, ou nous sommes, & viuons eureusement, soubz vn tant debonnaire prince, & empereur Tybere: afin que les exemples des maieurs, pour leur autorité, puissent apporter fruit, aux meurs de ce present temps.

¶ Des nopces.

Comme pre-
noient ancien-
nemēt les fem-
mes leur refe-
ction avec les
hommes.

Les anciens n'entreprenoient rien, ne publiquemēt, ne particulieremēt, que premieremēt ne feissent cōsultatiō, par le regard des oyseaux, car p cela, il se di-
soyēt entēdre ce qui plaisoit ou desplaisoit aux dieux. Dōt il est aduenū que de
ceste coustume on à ecore de present des auspices, c'est adire paramymphes &
guides, qui vont deuāt le marié & la mariée: lesquelz cōbien qu'ilz ayēt desistē
à se conseiller, & adiouster foy au chāt, ou vol des oyseaux: ce neantmoins ont
retenu le nom de ceste vieille coustume: & sont encore appelez auspices. Les
femmes anciennemēt prenoient leur refection avec les hōmes: mais lesdictes
fēmes estoient assises, & les hōmes couchez sus les liētz. Ce qui fut aboly petit
à petit: & ceste maniere, & coustume de viure fut trāslatée aux dieux, & dees-
ses. Car à la salle de Iuppiter, qui estoit au capitol, ou on auoit acoustré trois
liētz, & trois tables, l'image de Iuppiter estoit au liēt, Iuno, & Minerue estoient
assises, & par les Rommains, qui illec faisoient grande chere, dieux, & deesses
estoient sēmons à assister en leurs banquetz. Et ceste coustume icy, pource
qu'elle ne sembloit belle ny honneste, fut aneantie, si qu'ilz furent plus diligēs
de la garder au capitol, qu'en leurs maisons, de crainte de desplaire aux dieux:
car l'exēple des deesses à plus d'autorité, que l'exēple des femmes. Les femmes
qui se cōtentoyent d'un mary, estoient honorées de la courōne de chasteté. Et
estimoit on, que la fēme qui ne se remarioit apres les premieres nopces, estoit
fidele & honneste. mais celle qui auoit experience de plusieurs marys, estoit
reputée incontinente: & cela donnoit signe d'intemperance: toutefois legiti-
me & permise, car legitiment se pouoyent remarier les femmes plusieurs
fois.

Quelles fēmes
estoyent repu-
tées chastes.

La reputation
des femmes.

¶ Du premier diuorce.

On n'oyt

On n'oyt point parler, qu'il y eust diuorce entre l'homme & la femme, depuis la fondation de Romme, iusques à cinq cens vingt ans apres. Le premier qui repudia sa femme, à raison qu'elle estoit sterile, fut Spurius Carbilus. Lequel combien qu'il eust iuste raison, toutefois en fut repris: pource qu'on alloit qu'il ne deuoit preposer le desir d'auoir des enfans, à la foy de mariage: mais afin que l'honneur de la dame fust gardé, à elle & à toutes les autres qu'on faisoit conuenir deuant le iuge, ne permirent que les sages femmes touchassent à leur corps: ny seulement à leur robe: mais bien touchoyent à celles qui disoient qu'il n'y auoit faulte de leur costé.

Cestuy Spurius fut le premier qui repudia la femme.

¶ De l'usage du uin defendu aux femmes Rommaines.

L'usage du vin au temps passé, estoit incongneu aux femmes Rommaines, de crainte qu'elles ne tombassent en quelque deshonneur: car l'excès du vin, induit facilement à lubricité, & amour desordonné. Mais afin qu'il n'y eust trop grande austerité de chasteté, & qu'on les tint trop subiectes, ceste seuerité fut temperée, par vne honeste maniere de facilité: Car par la permission de leurs marys, pour recompense, porterent chaines d'or, & robes de scarlate, & toutes sortes de foye: Et aussi afin qu'elles fussent plus belles, songneusemēt iaunissoient leurs cheueux de lexiue. On ne craignoit point en ce temps les adulteres. Ces deux choses estoient gardées par honeste hôte reciproque & mutuelle, c'est asçauoir, qu'elles veoyent, & estoient veues sans concupiscence, & desir charnel.

L'honnesteté obseruée par les mariz éuier les femmes, en recompense qu'elles ne buoyent point de vin.

¶ De la chappelle de la deesse Viriplaque.

Toutefois qu'il y auoit noise entre l'homme & la femme, ilz se transportoyent à la chappelle de la deesse Viriplaque, qui estoit au palais, & en ce lieu parloient ensēble, ce que bon leur sembloit: puis toute hayne ostée, s'en retournoyent amys. Ceste deesse estoit nommée Viriplaque, pource qu'elle appaisoit les marys avec leurs femmes. O qu'on luy deuoit faire grand honneur, & reuerence: veu qu'elle estoit gardienne de la paix domestique, & quotidienne: c'est adire que bien souuent, & presque tous les iours y a dissension en mariage. Certes on peult entendre que par son nom elle honore grandement ceste condition maritale, qui doit estre pareille en amour: car au commencement de son appellation y a viri, qui est prins pour l'homme: & à la fin y a, placa, qui est de femenin genre, qui est prins pour la femme: ainsi elle rend à l'homme, ce qui est deu à sa maiesté: & à la femme honneur. Ceste honneste honte, qui est entre gens mariez, n'est elle point conuenable entre amys, & parens: certes si est. par ce petit exemple, ie demonstreray sa tresgrande puissance: Anciennement, par quelque espace de temps, le pere n'alloit aux estuues avec le filz ayāt quatorze ans passés, ne le beau pere avec le gendre. Il est donc manifeste, qu'on faisoit autant de reuerence à son paréage & affinité, qu'aux dieux immortels: Car on estimoit chose aussi illicite de se despouiller deuant ce sacré lyen d'amitié, c'est asçauoir deuant parés, & affins: comme dedans vn lieu saint. Noz maieurs pareillement instituerent vn banquet solennel, & le nommerent Charistia en Grec, qui est en Latin gratificatio, & en François bienfais: auquel nulles personnes ne s'y trouuoient, fors les parens & affins: afin que s'il y auoit quelque different entre les amys, en la table, ce pendāt que ceste ioyeuse assemblée y assistoit, fust apoitée par iuges & arbitres deleguez à ceste charge.

Par quel moyē s'appaisoit la noise d'entre le mary & la femme.

Du nom de la deesse Viriplaque, & qu'il signifie.

L'honnesteté obseruée entre parens.

Comme se void doit le different entre amis.

Le second Liure.

¶ De l'honneur que faisoient les ieunes aux anciens.

La reuerence
obseruée par
les ieunes en-
uers les anciens.

Les ieunes faisoient aussi si grand hōneur aux anciens, comme s'ilz eussent esté leurs propres peres: Et quand il aduenoit qu'on plaidoit en parlement, & qu'ilz auoyent conduit iusques en ce lieu quelque sénateur, ou aucun de leurs peres, ilz attendoyent comme s'ilz eussent esté fichez aux portes, iusques à ce qu'ilz les eussent remenez en leurs maisons. par ceste attente là volontaire, ilz endurecissoient & fortifioient leurs corps, & leurs entendemens, à soustenir à l'aduenir plus promptement les charges publiques. Et n'estoyent pas longuement, qu'ilz n'enseignassent leurs vertus, par exercice de labour acquises, lors qu'il estoit temps de les manifester. Quand ilz estoient inuitez à boire & manger, s'enqueroient diligēment qui se deuoit trouuer au conuiue, afin qu'ilz ne s'assissent deuant quelque ancien: finalement aussi tost qu'on auoit desleruy, se leuoyent les premiers, & s'en alloient: parquoy il est manifeste cōment les anciens auoyent de coustume de parler sobrement, & modestement en table, en la presence des ieunes.

¶ Des anciens donnans exemple de uertu aux ieunes.

Beaux exēples
& obediēce re-
ciproques ob-
seruez entre
les vielz & ie-
unes du temps
passé.

Quintus Fabi^{us}
Maximus fut
blamé pour
auoir reuelé le
secret du senat

Les anciens aux conuiues, & banquetz chantoyent à la fluste les gestes de leurs posterieurs redigez en metre, afin qu'ilz rédissent les ieunes plus prōptz & deliberez à les imiter. Lesquelz estriuoyent ensemble, à qui le premier honorerait vieillesse. O que estoit il plus beau & vtile que cest estrif? adolescence rendoit l'hōneur deu aux chanuz & viellardz, & les viellardz donnoyēt port & faueur aux ieunes, qui commençoeyēt à prendre la charge de la republique. Les Atheniens, les escholes des philoſophes, & autres estudes d'estrange pays, ont ilz meritē estre preferez au bon ordre, police, & discipline des Rōmains? Non certes. de ceste tāt exquisite doctrine, naissoyent maintz Camilles, Scipiōs, Fabrices, Marcelz, & Fabins: Et afin que ie ne soye trop long, en faisant discours de tous les personnages d'excelēce & bruit de nostre empire, i'ameneray au nombre de ceulx cy, les sacrez Cēsars (vne partie tresclere du ciel) qui ont prins leur refulgence de ceste discipline. Ilz aymoyent le pays par si grande amour, que nul des sénateurs, par longz ans, ne reuela le conseil estroit, qui estoit tenu au parlement. Quintus Fabius Maximus en allant aux champs par mesgarde & ignorance tant seulement racompta en chemin à Publius Crass^{us}, retournant à sa maison, comme on deuoit denoncer aux Carthaginois pour la troisiēme fois la guerre: ce qui auoit esté dict en secret à la court: & cestuy Fabius auoit bien memoire que ledict Crassus auoit esté au parauant trois ans que fteur, ou tresorier: mais il ne sçauoit pas qu'il n'auoit encore esté esleu par les censeurs en l'ordre des conseillers, qui estoit la maniere d'adonc, c'estaſcauoir quand vn personnage auoit esté trois ans questeur, il estoit fait apres cōseiller. Ce neantmoins que la faulte fust supportable, toutefois en fut blasmé grandement des consulz ou presidens, lesquelz ne vouloyent qu'un secret (qui estoit le tresseur lyen de la republique) fust pour rien descellé.

¶ D'Eume-

¶ D'Eumenes roy d'Asie.

Après que Eumenes roy d'Asie, grand amy des Rommains, eut denoncé au senat que Perſes ſe preparoit à leur faire guerre, iamais on ne ſceut ſçauoir qui menoit ceſtuy roy en Romme, ne la reſponſe que luy auoyent faite les ſenateurs, iuſques à ce qu'on congneut que Perſes eſtoit priſonnier. Or eſtoit la court Romaine la fidele poiſtrine de la republique, garnie & remparée de tous coſtez de ſoing & ſilence: Et ceulx qui y faiſoyent entrée, ſe deſpouloyēt d'amour priué, & ſe reueſtoyēt d'un zele & affection publique. Et ce qui eſtoit dict & publié deuant ſi gros nombre de perſonage, ſembloit que nul ne l'eût entendu. Et ſi ont veult ſçauoir comme les officiers du temps paſſé ſe gouuernoyent, & comme ilz eſtoient graues: on le pourra congnoiſtre à cecy, qu'il obſeruoient perſeueramment, & avec grâde granité, c'eſtaſçauoir que iamais ne donnoyent reſpoſe aux Grecz, ſinon en leur language Latin: cōbien qu'ilz euſſent bien peu reſpondre en Grec. Et iacoit ce que les Grecz fuſſent grandz parleurs, & tournaiſſent leur langue promptement au gré de leur vouloir, ce nonobſtant n'en faiſoyent compte, & les conſtreignoient d'interpreter leurs harengues par truchement. Et non point en Romme ſeulement, mais auſſi en Grece, & en Aſie: afin que l'honneur de la langue Latine fuſt en reuerēce & en bruyt par toutes les nations. Sur ce propos on pourroit dire que les Rommains n'auoyent la congnoiſſance du language Grec. certes ſi auoyent tresbien, mais ilz penſoyent que le caſaquin, dequoy vſoyent les philoſophes de Grece, ne deuoit eſtre preferé à la togue, c'eſt adire longue robe, que veſtoient les gens lettrez de Romme, eſtimans eſtre indigne que le faix & authorité de l'empire Romain cedast à la douceur & eloquence Greque.

La diſpoſition de ceulx qui uenoyent à eſtre de la court Romaine.

Louēge de la langue Latine.

¶ De Caius Marius.

Pourtant ne doit on blaſmer de ruſſicité Caius Marius, lequel aucuns contemnoyent pource qu'il ne ſ'adonnoit aux lettres, mais nonobſtant triompha pour la victoire qu'il eust de la prouince de Numidie cōtre Iugnetha, & pareillement fut couronné en ſa vieillesſe de couronne de laurier, quand fut vainqueur des Allemans. Ce neantmoins ne voulut iamais eſtre enſeigné ny eſtre fait pluſeloquent en la ſcience Greque, dont les pluſſçauans eſtoient ſubie&z & tributaires aux Rommains, afin que luy meſme ne fuſt veu eſtre ſerf en apprenant, & comme Romain renyé, laiſſant les couſtumes du pays. Qui à eſté donc ceſtuy la, qui à ouuert la porte à ceſte couſtume, c'eſtaſçauoir qu'on plaidast les cauſes en langue Greque, dont la court maintenant en a les oreilles aſſourdies? Ce fut, ce peſe ie, Molo rethoricien de Rhodes, qui fut precepteur de Cicero aux lettres Greques, lequel mena les cauſes en la court Romaine le premier de tous les eſtrangers en language Grec, & fut ouy ſans truchemēt: & non ſans cauſe luy ſeint on ceſt honneur, pource qu'il auoit eſté cauſe d'augmenter la faconde Romaine. O que fut de grand vtilité à la republique l'un & l'autre perſonage de la ville d'Arpinas. C'eſt adire ce triomphāt cōſul Marius, ſeul cōtempteur des lettres entre les Rommains, & pareillement Cicero la fontaine abondante de tout ſçauoir. Leſquelz, tous deux eſtoient natifz de ladiſte ville d'Arpinas, qui eſtoit de la bourgeoisie de Romme, & receuoit les honneurs d'icelle ainſi que ſes propres citoyens.

Louēge de Caius Marius.

Molo, duquel Cicero fut diſciple: & le premier plaidant les cauſes en la court Romaine en langue Greque.

Marius & Cicero natifz de la ville d'Arpinas

Le premier Liure

¶ De la coustume que gardoyent les anciens en la uille de Romme.

Louenge de
Quintus Fabi^{us}

Suessette cité de
Campagne.

Quintus Fa-
bius à son filz
Fabius cōsul.

Les anciens songneusement retindrent ceste coustume: C'est à sçauoir, que nul quelque officier qu'il fust ne marchast entre le consul, & le plus prochain estaphier. Deuant le consul cheminoyent vingt quatre listeurs ou estaphiers avec masses ou estoient empreintes certaines pongnées de verges liées avec des congnées. Seulement estoit donnée puissance à vn enfant du consul marcher deuant son pere, laquelle coustume fut si estroitement gardée, que Quintus Fabius Maximus, cinq fois consul, personnage qui auoit au parauant esté en grande autorité, & pour lors fort ancien, prié de son filz nommé Fabius Gurges consul adonc, qu'il marchast entre luy & son estaphier, afin qu'il ne fust pressé de la tourbe des Sannites, ausquelz ilz vouloyent parleméter pour faire quelque traité de paix avec lesdictz Sannites, qui auoyent esté desconfitz par les Rômains: mais ledict Fabius ne voulut faire ce que son filz luy disoit. Cestuy mesme Fabius fut par les Rommains quelque autrefois enuoyé en ambassade vers sondict filz en la ville de Suessette, citée de Campagne. Et quand le filz sceut que son pere venoit vers luy, partit hors de la ville pour aller au deuant, luy faire honneur: mais Fabius voyant que nul des estaphiers ne luy auoit annoncé de descendre de dessus son cheual pour faire la reuerence à sondict filz consul, fut grandement courcé, & ne daigna deualer de dessus son cheual: mais quand le filz congneut que le pere en estoit fort marry, pource qu'il ne gardoit pas la coustume Romaine, lors dit à vn de ses estaphiers, qu'il le somma de se mettre à pié: ce qu'il fit volontairement, & par cela appaisa & contenta sondict pere, disant: Mon filz, ie n'ay pas conténé ton autorité, mais i'ay bien voulu experimenter si tu sçauois bien faire l'office de consul. Je ne suis pas à congnoistre, combien on doit d'honneur & reuerence à pere & mere: mais cest honneur doit estre postposé à la dignité consulaire.

¶ De la merueilleuse constance des Ambassadeurs Rommains.

Tarente cité
de Calabre.

L'iniure faicte
aux ambassa-
deurs en la vil-
le de Tarente

Après auoir faict recit des louenges de Quintus Fabius, certains personnages d'incroyable cōstance se presentent à ma plume: lesquelz furent enuoyez par les Rommains en ambassade à Tarente (aultrefois ville capitale de Calabre & Pouille) pour reconuer aucunes nauires chargées de froment: mais on les iniuria grieuement, si qu'un d'iceulx souffrit qu'on iectast de l'vrine sur luy. Finablement furent introduictz en vn theatre (ainsi que pour lors estoit la coustume de Grece. Anciennement ce pays d'Italie estoit nommé la grande Grece) ou sommairement feirent recit de leur legation, sans faire mention de l'iniure faicte à leurs personnes, afin qu'ilz ne parlassent plusoultre qu'il ne leur estoit en chargé. Et l'esgard qu'ilz auoyent à la coustume ancienne, ne peut d'esraciner de leur coeur la douleur qu'ilz sentoient du tort à eulx faict. Et ne dirent rien oultre, que ce qu'il leur estoit commandé. Par ce tort à l'ambassade Romain, tu as quis la fin de tes grâdes richesses, dont tu abusois, ville Tarentine, & desquelles tu auois afflayé long iours, nō l'as enuie de tesvoysins qui te hayoyent pour t'orgueil: car lors que tu estois en prosperité, tu deuis fier, & enflée, & cōmenças à cōtemner la puissance des Rommains, acquise par trauail & labeur, & si bien munie de foy, qu'elle n'auoit que faire de querir l'aide des estrangers. parquoy ainsi folle & aueuglée, presumas d'aissaillir lesdictz Rommains trop fortz pour

fortz pour toy. Mais afin que, apres auoir parlé de la vie des Tarétins, gastée & perdue par trop grande superfluité de biés, ie retourne à l'estroicte maniere de faire de noz anciens. Au temps passé les cōseillers se tenoyent assiduellement en ce lieu, que pour le iourdhuy on appelle le cenacle: & n'attendoient iceulx estre constreintz par edict, pour assister en cest endroit: mais incōtinent que ilz estoient citez, l'y trouuoient volontairement, & venoyent à la court, estimans que le citoyen, qui ne faisoit son deuoir du bon du coeur vers la republique Rommaine, n'estoit pas beaucoup à priser, quand par constreinte faisoit son office: Car de ce qui est fait par force, on en doit sçauoir gré, non à celuy qui le fait, mais à celuy qui le fait faire.

Obedience volontaire.

D'un bien fait par force, le bien est à celuy qui le fait faire.

¶ Autre ordonnance contre les tribuns du peuple.

Il fault faire mention en cest endroit, qu'il n'estoit permis aux tribuns du peuple, c'est adire protecteurs & defenseurs, entrer en la court. Deuât les portes de ladicte court y auoit sieges ou estoient assis lesdictz tribuns, lesquelz visitoyent songneusement les ordonnances des senateurs ou conseillers, & ce qu'ilz reprouuoient n'estoit ratifié par lesdictz conseillers. Parquoy anciennement aux statutz de la court, les tribuns y souloyent passer, & auoyent de coustume d'escrire en bas vn T. qui donnoit à entendre que les tribuns auoyent approuué la chose: lesquelz iacoit ce qu'ilz veillaient à l'vtilité du peuple, & qu'ilz fussent occupez à retrécher les abuz qu'eussent peu commettre les gouuerneurs de la republique: toutefois souffroyet que lesdictz gouuerneurs eussent des deniers du commun, vaisselle d'argent en leurs maisons, & qu'ilz portassent bagues, & aneaux d'or: afin que par l'vsage de telles choses, l'autorité desdictz magistratz fust plus honorable, desquelz, tout ainsi que la maiesté estoit amplifiée d'honneurs, aussi veilloit on qu'ilz ne feissent tort à aucun, & qu'ilz ne s'enrichissent du bien commun. Les entrailles des bestes qui par iceulx estoient immolées au sacrifice des dieux, se portoyent aux receueurs des deniers publiques, & les vendoyent au proufit de la communauté: & par ainsi on trouuoit en cest affaire que l'honneur des dieux estoit gardé, & temperance humaine diligemment obseruée. Qui estoit vne leçon de noz gouuerneurs & lieutenans de guerres, ou ilz pouoyent apprendre, sur l'autel des dieux, comme ilz deuoient auoir les mains droictes, innocentes, & incorrompables, & ne les souiller du bien d'autrui. Les Romains feirent tant d'estime de la vertu de temperance, que le senat acquitoit les debtes de ceulx qui auoyent loyaument & sans reproche gouverné les prouinces, pensans que c'estoit chose deshonnestes & difforme, de laisser aneantir & dechoir à la maison la dignité de ceulx qui par leur industrie & trauail loing du pays auoyent mis en bruit l'autorité publique.

Les tribuns approuuoient ce qui estoit fait par les senateurs & conseillers.

Humanité obseruée entre les Romains envers leurs gouuerneurs.

¶ De l'ordre de cheualerie.

Les filz des cheualiers tous les ans deux fois faisoient leurs monstres parmy la ville avec gens d'autorité, qui auoyent la charge d'iceulx. Premièrement le iour des Lupercaulx, c'est adire quand on solennisoit la feste de Pan dieu des pasteurs: & pour la seconde fois quand les cheualiers faisoient leurs monstres. La coustume des ieuz Lupercaulx fut commencé par Romulus & Remus en

Les Lupercaulx auoyent esté instituez par Romulus & Remus.

Le second Liure

Le mont Palatin.

La solennité de la feste du dieu Pan.

Ordonnance de Quintus Fabius touchant les chevaliers.

Italie: & fut ordonné que les ioueurs avec grand bandon & licence se resiouissent, pour la memoire de ce que Numitor roy des Albanois, leur grand pere leur auoit permis de construire la ville de Romme, au propre lieu ou ilz auoyent esté nourriz soubz le mont Palatin, par l'enhortement de son pasteur Faustulus, lequel mont auoit esté consacré par Euander Grec. Or apres que le sacrifice estoit fait en l'honneur du dieu Pan, & que les cheures estoient occises, lesdictz ioueurs se remplissoient de vins & viandes: puis se diuisoyent en deux parties, se despouilloient de leurs habillemens, & ceignoient en partie les peaux des bestes immolées, l'autre partie la tenoyent en la main, & en courant fessoyent l'un sur l'autre. Lequel ieu se faisoit tous les ans, par passe temps & esbat à la feste de Pan. Quintus Fabius ordonna aussi que les chevaliers feroient leurs monstres, le premier iour des ides de Iuillet, & que sur leurs acoustremens porteroient le manteau d'honneur pourfilé de pourpre, qu'on nommoit Prætexta. Cestuy estant censeur ou reformateur, pour mettre fin au discord, meu avec Publius Decius, pource qu'un chascun, de quelque bas estat que il fust, pouoit opiner en la conuention publique, & dire ses raisons, comme le plus grand: aussi le poure payoit autant comme le riche, & estoient cotisez par teste: ce qui auoit esté fait par la finesse des nobles, pour supporter leur reuenue: parquoy Fabius diuisa des nobles tout le menu peuple de la court, c'est-à-scauoir clientz, tabellions, & ceulx qui autrefois auoyent esté serfs, & pour lors estoient affranchiz, & en fait quatre bendes seulement: & les nomma ben des ciuiles, pour les contenter: à cause dequoy, fut nommé du peuple Romain, Maximus, c'est adire Grand, combien qu'il eust fait en la guerre d'autres actes d'excellence.

¶ De Caius Marius.

Les Romains s'offroyent eux-mêmes pour aller en la guerre.

La maniere de C. Marius de eslire gés pour faire la guerre.

Comment est entée due vertu.

Le peuple Rommain est à louer, qui de crainte de faire quelque chose dont il fust repris, au temps passé se presentoit promptement aux trauaux, & perilz de guerre, & donnoit ordre à ce que les capitaines n'eussent nécessité d'enroller aucuns pources compagnons, & les faire iurer deuant leurs dieux, de loyaument seruir la republique Rommaine. Desquelz la trop grande poreté estoit suspecte: parquoy n'estoyent admis à guerroyer, car de leger eussent peu faire quelque meschant tour. Mais Caius Marius rompit ceste coustume, qui auoit duré long temps, car il cueillit tout plein de pources aduenturiers, cōbien que ledict Marius fust en autres affaires, citoyen braue & magnifique: mais pource qu'il cōgnoissoit estre venu de bas estat, en haulte dignité: luy print en phantasie d'abolir la maniere ancienne: estimant que s'il aduenoit que les soudardz riches & opulens, estans lasches & couardz, contemnassent les compagnons pources & indigens, ce neantmoins preuz & hardiz, il pourroit luy-mesme, par quelqu'un qui ne scauroit que c'est que vertu, estre appelé pource aduenturier. Pourtant aux exercites Rommains voulut il aneantir ce discrime plein d'orgueil, & son plaisir fut qu'on tint compte d'un homme de vertu, sans auoir esgard au lieu, ou à la race dont il estoit descendu: afin que ceste note ne deprimast son honneur.

¶ De Publius Rutilius, & Caius Mallius consulz.

L'exercitation des armes fut inuentée par Rutilius consul compagnon de Mallius,

Mallius, & baillée aux ieunes soudardz Rommains. Cestuy ne l'auoit apprius d'aucun capitaine qui fust deuant luy, mais des ieuz funebres de Caius Aurelius Scaurus, fait venir des maistres ioueurs d'espée, qui enseignerent la ieunesse Rommaine. Ainsi cestuy Rutilius leur produisit vne plussubtile maniere d'euer les coups, & d'en donner aussi par ce ieu & artifice: si qu'il mesla l'art avec le coeur & la vertu, & le coeur avec l'art: afin que l'art par l'impetuosité du courage fut pluspuissant, & le coeur par la science du ieu, fut pluscaut & prouide à se garder.

Rutilius inuen-
teur de ieuz
gladiatoires.

¶ De l'usage des dardz trouué premie-
rement.

L'usage des ieuteurs de dardz fut premierement trouué en ceste guerre, où le capitaine Fuluius Flaccus assiegea Capes. Comme noz gens de cheual ne pouoyent resister à la cheualerie des Campagnois, qui souuent faisoient des courtes sus eulx, & aussi que nosdictz gendarmes n'estoyent si grand nombre comme noz ennemis. Quintus Neuius centenier va choisir vne troupe de pie-
tons des plusagiles, les arma chascun de iept dardz courtz & roides, & d'un petit pauois, les apprenant à se iecter d'un sault leger derriere noz gens de cheual, puis deualer soudain quand le conflict estoit commencé, afin qu'en ce point peussent de leurs dardz infester les gens de pié, & cheuaults des aduersaires. Ceste nouuelle maniere de guerroyer debilita moult la cheualerie de Campagne, qui s'estoit reuoltée avec Hannibal, laissant le party des Rommains. Et iusques à ce iourd'hui en est demouré l'honneur à celuy qui en fut auteur. Nous auons parlé des guerres qui se font aux champs: maintenant nous fault toucher des conflicts qui se font en la ville: c'estasçauoir sus theatres & eschaufaux, qui ne sont pas fort estranges des autres: car souuent on a veu par ire sus les theatres faire à bon escient: tant qu'il y a eu du sang respandu, & maintz personnages occiz. Cesdictz ieuz gladiatoires furent inuentez en l'honneur des dieux, & pour donner recreation aux hommes: mais souuentefois ont souillé de sang ciuil la delectation des hommes, & la religion des dieux, à la grande confusion & honte de paix: car c'estoit vne chose monstrueuse, de veoir esleuer citoyen cōtre citoyen. Ces choses icy furent cōmencées par Messala, & Cassius censeurs, mais tout l'appareil de leur ouurage fut vendu au plus offrant par le conseil de Scipion Nasica pour les abuz qui s'y faisoient. Pareillement fut defendu par le senat, que nul de la ville de Rome, ne de demie lieue alentour, n'usast de sieges en voyant les ieuz qui se faisoient sus les eschaufaux: afin qu'à la recreation fust ioinct vn exercice de se tenir debout: car c'estoit le naturel des Rommains, d'endurer choses difficiles.

Quint' Neui'
inuenta les
dardz.

Des ieuz qui se
font es theatres
ou eschaufaux

Messala & Cas-
sius censeurs cō-
mencerent les-
dictz ieuz.

La maniere de
oster les abuz
esdictz ieuz.

¶ La coustume des ieuz.

Par l'espace de cinq cens cinquante & huit ans les conseillers furent meslez avec le peuple en voyant les ieuz: mais Atilius Seranus, & Lucius Scribonius escheuins, faisans les ieuz en l'honneur de la mere des dieux, lesquels ieuz on ap-
pelloit Megaleses, en suyuant l'opinion de Scipion l'Aphricain premier, rompi-
rent ceste

Les ieuz Me-
galeses.

Le second Liure

Le commence-
ment des ieux.

Comme s'ap-
pelloient les
ieux Circens
premierement
La statue de
Neptune ap-
pellée Cōsus.

Les Toscans
extraictz des
Curetes peu-
ple de Grece.

Commencemēt
de metres ou
satyres.

L'ulus Andro-
nicus faiseur &
ioueur de co-
medies.

Ceux d'Ate-
les bōs ioueurs
de comedies.

Les ieux, pour
quoy sont ap-
pellez secu-
liers.

rent ceste coustume: & separerent le senat d'avec le peuple, ce qui mist Scipion hors de grace dudit peuple. En cest endroit ie feray recit de l'occasion d'instituer les ieux, & de leur commencement. Du temps du consulat de C. Sulpitius Beticus, & C. Licinius Stolon, vne grande pestilence inuada nostre ville, pour lors sequestrée de toute guerre: car le soucy de ceste maladie intestine & domestique l'empeschoit assez: & auoit on plus d'esperance d'obtenir aide & remede des dieux, que des hommes: parquoy on composa certains hymnes en l'honneur des dieux pour appaiser leur ire, lesquelles on recita & chanta deuant le peuple. Iusques à ce temps là les Rommains s'estoyēt contentez, & n'auoyent eu autres ieux que les ieux Circenses, lesquels Romulus premierement auoit fait faire, quand les filles des Sabins furent rauies, & auoit nommé lesdictz ieux Consuaulx, qui estoient interpretez conseil dieu: car apres qu'il eut trouué la statue de Neptune estant à cheual, luy vint en phantasie de raur lesdictes filles, & pensa que c'estoit par l'enhorremēt de cestuy dieu, & nōma ceste image Cōsus cestadire cōseil, qui fut posée soubz terre, pour denoter qu'un cōseil doit estre secret. Mais pour reuenir aux hymnes chantez en l'honneur des dieux, c'est la coustume des humains, quand quelque nouualité est cōmencée, de la poursuivre & augmenter de plus en plus. Les ieunes gens de Romme adonc s'estudierent de faire certains vers en la reuerence de leurs dieux, & ne les chanterent seulement, ains apprirent à les danser assez lourdement pour le commencement. Et ceste chose là fut occasion de faire venir de Heturie ou Toscane vn ioueur, duquel la legereté tant bien seäte, qu'il auoit appris de la vieille coustume des Curetes & Lydes, & desquelz furent extraictz les Toscans, tant pleut aux Rommains pour sa nouueauté, que volontairement y prindrent passe-temps. Et pource que Ludius en langue Rommaine, estoit en Toscan nommé Hystrion, tous ioueurs de farces, mysteres & demonstremens furent nommez Hystrions. Ceste science de iouer, parapres vint à se dilater iusques aux Satyres, c'estadire metres ou estoient comprinses reprehensions & mordacitez. Et de ces satyres, le poete Liuius Andronicus diuertit le coeur & les yeulx du peuple Rommain, & l'induisit à voir iouer matieres de fables & tragedies leiquelles il faisoit & iouoit luy mesme: mais pource que le peuple s'y delectoit grandement, souuent les recommençoit, parquoy gasta sa voix, & fut constreint de les faire chanter à vn enfant, avec certains menestriers qui sonnoient des flustes, & il dansoit sans parler. Les Osques, dictz autrement Campagnois, firent venir d'une de leurs villes nommée Atelles, quelques ioueurs de comedies, qui en scauoient plus que les Rommains, laquelle recreation pource qu'elle estoit vn peu lasciuue, fut moderée par la grauité Italique: pource ne fut elle point vituperable, en sorte que les ioueurs d'icelles n'estoyent repudiez, mais honnorez, iusques à estre mis du reng des bendes militaires. Et pource qu'il est assez congneu, dont les autres ieux ont prins leur nom, Il sera pertinent de dire d'ou sont venuz les ieux appelez Seculiers, desquelz la congnoissance n'est pas vulgaire. Les ieux Seculiers furent dictz du nom du siecle: siecle est le tēps de cent ans, pource que de cent ans en cent ans estoient renouellez.

¶ D'un paysant nommé Valois, & d'ou vindrent les ieux Seculiers.

Comme la ville de Romme, & le pays d'entour, fussent grandement gastez de peste,

de peste, vn nommé Valois riche payfant, auoit deux filz & vne fille malades si grieuement qu'ilz estoient abandonez des medecins, & n'auoit on espoir de leur salut. Et pource qu'ilz appetoyent boire de l'eau chaulde, pour oster leur alteration: le pere allumant le feu pour leur en faire chauffer, se va prosterner à deux genoux deuant quelques idoles qu'il auoit en sa maison, & leur pria que le mal qu'enduroyēt ses enfans tournast sur luy. soudain apres son oraison faite, oyt vne voix, qui luy dict, s'il portoit sesdictz enfans de la riuere du Tybre en Tarente: & si en ce lieu il faisoit chauffer de l'eau sus l'autel de Pluto & de Proserpine (laquelle auoyent desiré ses enfans) seroyent sauuez, & en ce point restaureroit leur santé. De ceste responce fut le pere grandement perplex: pource que le nauigage iusques à Tarente estoit long & perilleux: Toutefois la crainte qu'il auoit que ses enfans ne mourussent, fut succombée par esperance incertaine, & sans plus targer, les va porter au riuage du Tybre. Or cestuy Valois demouroit en vn village tout ioignant d'une ville nommée Herete voisine du pays des Sabins. Estant donc à la riuie du Tybre, se met en vn bateau, & passa à la ville d'Hostie à quatre lieues de Romme: puis enuiron le temps que les hommes sont en leur premier somme, print port, & arriua à Campo Martio. Adonc desirant secourir les pources patiens, en leur alteratiō, pource qu'il n'y auoit feu assez suffisant au bateau, & le batelier luy dict qu'il mist pié à terre, & que pres de là, en vn lieu qui se nommoit Tarente, ou il veoit de la fumée, il pourroit recouurer du feu: lors soudain print vn hanap, puisa de l'eau du Tybre, & se transporta vn peu plus loyeux qu'il ne souloit, au lieu qui fumoit, estimant qu'il auoit desia trouué par la grace des dieux, commencement de remede, au lieu ou il y auoit plus de fumée, que d'estincelles de feu. Considerant ce presage, assembla de petites buchettes & feuilles seiches, qui s'estoyent offertes à luy de hazard, & en tira de la flamme: puis fait chauffer son eau & en bailla à boire à ses enfans, lesquels apres l'auoir beu, reposerēt en santé, & furent deliurez de maladie: puis annōcerēt à leur pere, qu'en dormāt auoyent veu quelque vn des dieux, qui essuyoit leurs corps d'une esponge, & leur auoit commandé qu'on immolast des bestes noires sus l'autel de Pluto & Proserpine, d'ou le bruage duquel ilz estoient gueriz auoit esté apporté: & mesmes qu'on acoustrast en ce lieu vn conclaue, ou fussent posez des lietz ainsi qu'estoit de coustume pour lors, & qu'on feist des ieux nocturnes. Cestuy Valois, qui n'auoit point veu d'autel en ce lieu, pensoit que les dieux voulsissent qu'il en feist faire vn: adonc soudain s'en va à la ville de Romme pour en acheter, & laissa certains ouuriers qui fouissoient la terre iusques au tuc pour faire les fondemens: mais quand ilz eurent fouy bien vingt piedz en auant, trouuerent vn autel ou estoit le tiltre de Pluto & Proserpine. Apres que le seruiteur de Valois eut cecy reuelé, ledict Valois n'eut plus de soucy d'acheter vn autel, mais immola des vaches & boeufz noirs au lieu de Tarente, qui estoit sur le bord du Tybre, & non pas à la ville de Tarente, qui est sus la mer de Toscane. Consequemment celebra des ieux par l'espace de trois nuitz continues, à raison que autant de ses enfans auoyent esté deliurez de peril. Et ces ieux furent appelez Seculiers, pource que de cent ans en cent ans estoient renouuelez. Mesmes fait en ce lieu construire salles, ou estoient

La responce des idoles de Valois.

Comme furēt gueris les enfans de Valois.

Valois voulant faire faire vn autel, en trouuayn tout fait ou il sacrifia à Pluto & à Proserpine.

Le second Liure

estoyét certains lietz, ou on couchoit les images des dieux susditz, & en l'honneur d'eulx faisoit on grande chere.

¶ De P. Valere Publicole.

Valere Publicole, qui fut vn des premiers consulz desirant donner aux citoyens de Romme secours de la peste, suyuit l'exemple de Valois. Et apres auoir fait veu aux susditz autelz publiquement, fait sacrifice de vaches & boeufz noirs. Les boeufz furent immolez à Pluto, & les vaches à Proserpine. pareillement fait construire vn cenacle, & celebra ieu par trois nuitz continuelles. Finablement fait recouurer l'autel de terre, ainsi qu'il estoit auparavant.

Valere Publicole imitateur de Valois, fait recouurer l'autel.

¶ De Quintus Catule.

Après auoir fait les ieu en l'honneur des dieux, quand les richesses creurent, on les celebra à la recreation des humains. A l'exemple de Valere Publicole. Quintus Fabius imitant la façon des Campagnois, qui estoient magnifiques & sumptueux en leurs entreprises, fut le premier qui recouurit le theatre de tapisserie, pour rabatre le soleil.

Cestuy Quintus fait couvrir le theatre de tapisserie.

¶ De Cneus Pompeius.

Pompée fut le premier qui fait courir les ruisseaux d'eau parmy le theatre, pour refrigerer & diminuer la chaleur de l'esté.

Cestuy fait courir les ruisseaux d'eau.

¶ De Claude le Bel.

Claude le Bel fait reuestir de diuersité de peintures le lieu ou estoient les ioueurs en ieu, qui auparavant estoit tédus d'air sans peinture. Caius Antonius couurit ladicte tente d'argent: Petreius d'or, Quintus Catulus d'iuoir: Lucius & Cinna la feirent en sorte qu'elle se pouoit tourner par engins. Publius Lentulus Spinther l'enrichit d'appareilz argétez, & Marcus Scaurus introduisit en icelle vn ornement d'exquise vesture, auparavant elle estoit reuestue de draps de pourpre, dont la couleur en auoit esté transportée d'Aphrique. Les cobatz, autrement appelez ieu funebres, qui se faisoient en l'honneur des trespassez, furent premierement introduitz à Romme au marché aux boeufz. Cependant qu'estoyent consulz Appius Claudius & Quintus Fuluius: & les premiers qui les commencerent, furent Marc & Decius filz de Brutus, pour honorer les funeraïles de leur pere.

Qu'y fait cestuy Claude. Petreius. Quintus.

Le commencement des ieu funebres, & pour qui se faisoient.

¶ Des lucteurs.

Le combat des Lucteurs vint de la magnificence de Marc Scaure.

¶ De la premiere statue d'or en Italie.

On n'auoit point veu à Rome, ny en aucun lieu d'Italie image d'or, iusques à ce que Marc Attilius Glabrio en posast vne à cheual au temple de Pitié, en l'honneur de son pere. Cestuy Attilius du temps de Cornelius Lentulus, & Marc Bebius Pamphilus consulz, fait veu que s'il auoit la victoire contre Antiochus au destroid de la montaigne d'Oeta nommé Thermopiles, ou il y a des baingz chaudz, il cōsacreroit ledict temple: ce qu'il fait, aussi surmonta il ledict Antiochus.

Marc Attilius mit la premiere statue d'or au temple de pitié en Italie.

La monteigne de Thermopiles, ou font les baingz chaudz.

¶ De

¶ De Cneus Flavius qui exposa publiquement le droit civil.

Le droit civil par longue espace d'ans fut caché en la secretainerie des temples: en sorte que les euesques seulz en auoyent la congnoissance. Mais Cneus Flavius escriuain, filz d'un pere qui autrefois auoit esté serf, & fait escheuin curule, au grand dueil des gentilzhommes, le promulga, & exposa presque par toute la court le liure des fastes, c'est adire les iours ausquelz estoit licite aux citoyens de faire quelques oeuvres & traphiques. Et durant ce temps on plaidoit. Comme cestuy Flavius quelque fois alloit voir son collegue estant malade, entrant en la chambre trouua tout plein de gentilzhommes assis, qui ne luy feirent aucune reuerence, & ne le prierent de ce seoir: adonc enuoya querir un siege d'honneur, ou les plus grandz officiers auoyent coustume de seoir, qui se nommoit selle curule, & s'y assist: par ainsi fut il vengé de son honneur, & du contemnement qu'on luy faisoit.

* Autrement, Liberin.

Que c'est à dire, fastes.

¶ Des empoisonnemens faitz à Romme.

Il n'auoit point esté question de poisons à Romme, & la chose estoit incongneue aux meurs & loix Rommaines, iusques à ce que la meschanseté de aucunes femmes fust manifestée par vne chambriere: lesquelles auoyent fait mourir leurs mariz par poison, & en fut decapité huit vingt & dix.

Les femmes furent inuentrices des poisons en R^{ome}, & en fut decapité 170. pour auoir empoisonné leurs mariz

¶ Des menestriers, & inuention de masques.

Le peuple a de coustume de s'assembler aux carrefourz & lieux publiques, pour voir passer la compagnie des menestriers, qui se transportant aux temples, quand on fait sacrifices en particulier ou en public, & decorent lesdictes solennitez des sacrifices par leurs doux accordz & harmonies, vsant de masques, & reuestuz de vestemens de liurée: & ceste licence & bandon leur est maintenant permis. Vray est que le temps passé on leur auoit defendu de faire leurs banquetz en l'eglise de Iuppiter, ce qu'auparauant auoyent tousiours accoustumé, suyuant la mode ancienne, dont grandement furent despitez: se partirent de Romme, & s'en allerent à la ville de Tybur, à huit lieues de R^{ome}: dequoy le senat fut marry, pource qu'ilz n'assistoient plus aux sacrifices. Donc enuoyerent aux Tyburois ambassadeurs, priant qu'ilz les renuoyassent à ce ne se voulurent consentir lesdictz menestriers, & s'obstinerent disans que ilz n'en feroient rien: parquoy les Tyburois pour mieulx en cheuir, faignirēt faire un gros banquet, ou furēt inuitez lesdictz menestriers, & s'acoustrerēt si bien de boire & de manger, qu'ilz descongnoissoient l'un l'autre, si qu'ilz ne demandoient qu'à dormir. Lors les Tyburois de nuit les vont tous charger en chariotz, & ainsi acoustrez qu'ilz estoient, se trouuerent le matin à Romme confuz & honteuz: & apres estre reconciliez avec les senateurs, furent restituez en leur pristin honneur, furent autorisez de faire ce qu'ilz auoyent accoustumé, & mesmes impetrerent qu'en cheminant parmy les rues de Romme porteroient masques, à raison qu'ilz estoient encore tous hôteux de s'estre enyurez, & ne vouloyent estre congneuz du peuple: & voyla le commencement des masques.

Le subtil moyē des Tyburois, de renuoyer les menestriers qui s'estoyēt absentez de R^{ome}, & d'oū vindrēt les masques.

¶ De la

Le second Liure

¶ De la maniere de boire & manger des anciens.

La simplicité que gardoyent les anciens, en prenant leur refection, estoit vn certain indice d'attempance, honnesteté & humanité. Certes les grandz mes-
saires n'auoyent honte de disner & souper en public, & n'auoyent viandes que
Les Romains ilz craignissent que le peuple les veist. Ilz estoient si sobres, que pluscommu-
vsoient anci- nément ilz vsoient de boullie que de pain. Et encore maintenant aux sacrifi-
enemēt de bou- ces & festes qui sont celebrées du iour de la natiuité d'vnchascun, on vse d'vne
lie. matiere qui se nomme en Latin Mola, qui est faicte de farine, de sel & d'eau,
qu'on cuit au feu: & de cela sont semées les entrailles des bestes immolées: &
aussi aux poulletz enclos dans les mues, qui seruent aux auspices, diuinateurs
& presages, on leur donne de ceste maniere de paste cuicte: quand ilz en man-
gent, en sorte qu'il en chet vne partie à terre, c'est bon signe: s'ilz la refusent,
Le sacrifice des c'est mauuais signe. Au commencement les Romains respandoyent la pre-
primices. miere partie de leurs viures au feu en l'honneur des dieux, & ainsi pensoient
ilz les appaiser: ilz adoroyent les vns, afin qu'ilz les prosperassent, les autres de
crainte qu'ilz ne leur fussent nuisibles, comme la fieur, l'image de laquelle ilz
L'image de la auoyent posée en maintz temples, comme en vn qui est au palais, l'autre en v-
fieur estoit en ne place qui est deuant la chapelle que fait faire Marius en l'honneur de Iuppi-
plusieurs lieux ter, & l'autre qui est au hault de la longue rue: & en ces temps, apres que les pa-
adorée en Ro- tiens estoient gueriz, y portoyent de petis rouleaux & escripteaux qu'ilz a-
me. uoyent penduz au col, ou en autre partie de leur corps, ce pendant qu'ilz e-
stoient malades, & les presentoyent deuant le simulacre de la fieur. Ces cho-
ses icy furent inuentées pour appaiser les ardeurs des febricitans: avec quel-
que autre remede de conseruer la santé, c'est adire sobrieté. Les anciens pareil-
lement estoient curieux de garder leur santé, par quelque honneste exercice
& trauail: & entre autres choses estimoyent que frugalité ou sobrieté estoit le
Sobrieté mere plussouuerain remede, & la disoyent estre mere de l'embompoinct, ennemie de
de l'embom- gourmandise & lubricité.
poinct.

¶ Exemples des estrangers.

¶ De la uille de Lacedemone.

La fragilité des La ville de Sparte ou Lacedemone conforme à noz ancestres en constance
anciens. & grauité, ayma temperance & sobrieté: fut obeissante, & garda les loix e-
stroictes & assez austeres de Lycurgus, & mesmes par l'espace de sept cens ans
& plus, destourna ses citoyens de frequenter & hanter avec ceulx d'Asie: afin
que par l'alechement de leurs delices, ne tombassent en vne maniere de viure
plus delicate. On leur auoit donné à entendre, que dudi& pays estoient proce-
dées magnificences de viandes & d'acoustremens, sumptuositez, grandes des-
penses, & toutes sortes de bombans & menuz plaisirs, non necessaires à la vie
humaine. Pareillement auoyent entendu que les Ioniques les premiers trou-
Les Ioniques uerent la coustume des eaux de senteurs ou odeurs aromatiques pour lauer le
inuenteurs de corps humain, mesmes inuenterent l'usage des couronnes qui se presentoyent
seateurs & per aux banquetz, & le dessert, comme frui&z, tartes, darioles, & choses sembla-
fums, desserts bles, qu'on
& autres super
fluites.

bles, qu'on a de coustume, servir en la fin des conuiues, qui ne sont pas petis aiguillons & incitations à superfluité & gourmandise. Il n'est de merueilles si telz personnages qui se resiouissent à trauail & tolerance, n'endurerent leur coustume de viure estroite & austere, estre relaschée par la vie dissolue des estrangers. Consideré qu'il est trop plus facile de faire entrée de vertu à vice, que de vice à vertu.

Il est plus facile d'entrer de vertu en vice, que de vice en vertu.

¶ De Pausanias.

Pausanias, vn de leurs chefz de guerre, monstra bien parapres que lesdictz Lacedemoniens n'auoyent tort de craindre à frequenter l'Asie: pource que apres que cestuy capitaine eut fait tout plein de beaux actes & prouesses, incōtinent par le hant des Asiatiques, lascha la bride à volupté & intemperance: parquoy deuint effeminé & nonchalant de vertu & vaillantise.

¶ D'icelle mesme uille de Lacedemone.

Les bendes de ladicte ville ne descendoient iamais en bataille, que premierement pour les encourager on ne iouast du fistre: & à l'entrée les ioueurs sonnoient deux morz brefs, & le dernier long, en la maniere d'un pié qu'on appelle Anapeste, qui a les deux premieres syllabes breues, & la derniere longue: qui signifioit qu'ilz deuoyēt à l'arriuee fraper dru & menu sur leurs ennemis, & en la fin perseuerer à combattre vaillamment. Lesdictz Lacedemoniens en guerre vsoyēt de vestemens d'escarlata, afin qu'on n'apperceust leur sang, quād estoient blecez: non pas qu'ilz craignissent & eussent frayeur, mais afin que leurs ennemis de cela ne prinsissent coeur, voyant l'effusion dudit sang.

La maniere de faire iouer les fistres, par les Lacedemoniens

Les Lacedemoniens vestoyēt escarlata, afin qu'on n'apperceust leur sang.

¶ Des Atheniens.

Tout ainsi que les Lacedemoniens furent excellens aux armes, ausi furent les Atheniens à conseruer & entretenir la paix: qui n'est pas moindre vertu. Chez lesquelz lascheté & paresse portant visage flestry & languent estoit tirée de quelque cabaret & lieu caché, & menée en la court comme criminelle, & là honteusement accusée.

Comme gens oisieux & lasches estoient puniz chez les Atheniens.

¶ De la court d'Athenes dicte Areopagus.

Les conseillers d'Athenes, gens de bien & de vertu, souloyent s'enquerir diligemment que faisoient les citoyens, & de quel mestier ilz gaignoyent leur vie: afin qu'iceulx suyussent honnesteté, & qu'ilz fussent recordz de rendre compte de leur vie.

¶ D'icelle mesme uille d'Athenes.

En Athenes on auoit coustume de courōner les bons citoyens qui auoyēt aidé la republique: ainsi qu'il est notoire de Pericles, auquel on presenta vne courōne entrelacée de deux rameaux d'oliue. O louable ordōnacē quāt au fait, & ausi à la personne! Veritablemēt hōneur est le singulier nourrissemēt & entretien de vertu. Et certes Pericles auoit biē meritē, que ceulx qui viēdroyēt aps luy prinsēt de luy cōmencemēt d'hōnorer les vertueux. Ceste ordōnacē ausi en Athenes est digne de memoire: c'est ascauoir si vn cliēt estoit cōuaincu d'auoir esté ingrat enuers son patrō, estoit despouillé du droit de liberté: & estoynet les parolles du patrō enuers le cliēt telles: Or ie me passe de t'aduouer pour citoyen, puis que tu en prises si peu l'office: on ne me pourroit mettre en teste, que tu peusses porter quelque fruit à la cité, puis que ie te voy mauuais à la maison. Va ten donc, & sois serf cōme auparauāt, puis que tu n'as sceu viure en liberté.

Cestuy Pericles auoit par xl. ans gouuerné Athenes.

Les parolles d'un patrō de Athenes à son cliēt, pour son ingratitude enuers son patrō

D

¶ De

Le second Liure

¶ De ceulx de Marseille.

La coustume
des Mafiliens
touchât les ser-
uiteurs ingrats.

L'honnesteté
gardée être les
Mafiliens es
ieuz.

Les feintifz &
oifeux n'esto-
yent bien ve-
nuz en Mar-
seille.

L'espée qui si-
gnifioit l'anciē
ne coustume.

Le peuple de Marseille, qui grandement aymoît les Rommains, tint ceste maniere d'austerité, que tenoyent les Atheniens, en obseruant l'ancienne coustume: c'estasçauoir si quelque patrō eust trouué son seruiteur ingrat, apres l'auoir mis en liberté, iusques à la troisieme fois pouoit estre puny du vice d'ingratitude. Mais si apres la troisieme fois ledi& patron le remettoit en liberté, c'estadire le faisoit personne libre & franche, il n'auoit plus de droit sus ledi& client ou seruiteur: car par sa faulte le client estoit recidiuē à luy faire iniure: qui tant de fois l'auoit receu à mercy. Les Mafiliens pareillement tenoyent ceste austerité & estroicte maniere de faire: c'estasçauoir que ilz ne donnoyent entrée sus les eschaufaux à badins & ioueurs de farces, si leurs comedies faisoient recit de stupres & deflorations: afin que les regardans par accoustumance de voir telles lubricitez, ne prinsissent ce bandon & licence de les imiter. Leurs huis estoient fermez à toutes gens qui soubz feinte religion, cherchoyent estre nourriz en paresse & oisiveté, estimans qu'on deuoit exterminer, & abolir ces manieres de superstitions & vanitez qui apparoissent par dehors estre quelque saincteté, mais sont menteuses, faulces, & pleines de feint & semblant. Quant au reste, dès le commencement de la fondation de leur ville, en quelque lieu eminent fut pendue vne espée, dont les criminelz estoient decapitez, qui par tant d'ans fut gardée, qu'elle estoit toute rouillée, & ne pouoit plus seruir, mais c'estoit vn demonstrement & exemple, que mesmes es choses de petite importance il falloit garder la memoire des coustumes anciennes.

¶ De deux coffres, ou bieres.

L'ordre d'en-
uoir les fran-
cz & les serfs, &
aussi des fune-
railles.

Va venin e-
stait gardé en
Marseille.

Notable.

Il y auoit aussi deux coffres deuant la porte de leur ville, l'une seruoit à mettre les corps des personnages fran-
cz, pour porter en sepulture avec vne charrette: l'autre pour mettre les corps des seruiteurs. Le iour des funerailles se faisoit sans lamentations, sans percutions de poitrines, & sans porter draps de dueil: mais le sacrifice se faisoit aux dieux domestiques, avec vn banquet, auquel estoient traictez les affins, parens & amis. Mais à quoy sert augmenter la douleur, & nous mettre en la male grace de dieu, cōme si nous le vouliōs blasmer qu'il ne nous a fait personniers en ce monde de son immortalité? En Marseille estoit vne potion gardée publiquement meslée de cegue qui est mortifere, laquelle estoit présentée à ceulx qui se descouroyent au senat qui estoit de fix-cens conseillers, & alleguoyent les occasions pour lesquelles deuoyent appeter la mort. Combien que la court auoit esgard si aucuns se presentoyent à vouloir souffrir la mort par vne legereté & follie: & ceulx là estoient empeschez par ladi&te court: mais ceulx qui vouloyēt mourir pour iuste raison, leur estoit permis de prendre ledi& bruuage: comme ceulx qui estoient en trop grande misere, ou ceulx qui estoient en trop grande felicité, l'une & l'autre estoient occasion de mettre fin à la vie par louable aduenture. Misere induisoit l'homme à vouloir mourir, de crainte qu'elle ne perseuerast: Felicité, de paour qu'elle ne delaisast la personne, & qu'il tombast en maleur. Laquelle coustume ie n'estime auoir prins son commencement en Gaule, mais ie croy qu'elle auoit esté apportée de Grece, pource que ie la vey vne fois practiquer en l'isle de Cea,

de Cea, du tóps que i'alloye en Asie avec Pópée en la ville de Iulide, aduint à ceste heure là, qu'en ceste dicte ville auoit vne femme de gráde authorité, mais fort vieille, qui denota aux citoyens qu'il estoit raisonnable qu'elle auançast sa vie, & qu'elle auoit deliberé finer icelle p venin, estimát sa mort estre bié plus-
 hōnorable, s'il aduenoit qu'elle mourust en la presence de Pópée. Or ne fust frit ledict Pópée que la requeste de ceste femme fust mise à mépris, ainsi que l'hōme oultre ce qu'il estoit adōné à toutes vertuz, fust de nature humaine & courtoise. Donc vint il pardeuers elle, s'efforçant de destourner le propos de ladicte femme, d'une parolle tant facōde, qui partoit de sa bouche, cōme d'une pleine & parfaicte fontaine d'eloquēce. Et cōbien que lōguemēt l'eust presché, si fut-ce en vain: parquoy finablement luy laissa faire sa destinée. Ceste notable creature ayāt passé l'aage de quatre vingtz & dix ans, avec netteré de corps & d'ame, couchée en son liēt, mieulx paré que de coustume, appuyée sus vn coude, cōmença à dire ces parolles: Seigneur Pópée, les dieux que ie delaisse, plus-tost que ceulx ou ie tēdz, te vueillēt rēdre grāces, que tu n'as contētié à me solliciter de prolonger ma vie, & delaisse à asister à ma mort: quāt au demourāt, moy qui ay eu tousiours l'experience du ioyeux visage de Fortune, afin que par conuoitise de viure ie ne soye constreinte d'essayer sa triste facē, ie dōne le demourant de mon esprit à prospere fin, en delaisant deux filles, & vn troupeau d'heritiers & successeurs tous en vie. Apres ces parolles dictes, la bonne dame admonnesta les siens de viure en paix, leur distribua son patrimoine, vestemēs, vtenfiles, & autres meubles. Conséquēment dōna la charge des choses sainctes à sa fille aīnée, pour faire sacrifice aux dieux domestiques, & puis print le brusage mixtionné de cegue, d'une main hardie & constante. Lors feit sacrifier au dieu Mercure qui auoit charge de cōduire les ames, & se recōmanda à luy, afin qu'il la conduisist par le beau chemin en la meilleure partie du siege d'enfer, c'est adire aux champs Elisées: & soudain apres but tout d'un trait la mortelle potion, dōnant à cōgnoistre aux asistens, cōme la poison auoit premierement occupé ses piedz, puis luy estoit mōtée aux genoux. Et quand elle sentoit qu'elle auoit ia asiegé les entrailles & le coeur, appella ses filles pour luy clorre les yeulx, quant aux miens (iaçoit ce qu'ilz fussent grandement estōnez de voir cas si nouueau) si les laissa elle tous pleins de larmes.

L'isle de Cea.
 Iulide ville de Cea.
 Vne femme de Iulide demāda à boire ledict venin.

L'aage de ladicte femme.

La constance de ladicte femme.

¶ Du rit & coustume des Marsiliens.

Mais afin que ie reuiēne à parler de la ville de Marseille, dont i'auoye faict digression: il n'estoit permis à aucun d'entrer en icelle avec baston: tousiours y auoit quelqu'un, qui à l'entrée receuoit les bastons des passans, & à l'issue les rendoit. Et pource qu'ilz se monstroyent fort humains à faire recueil aux aduenans, par semblable vouloyent ilz estre asseurez d'iceulx.

Nul n'entroit en Marseille portant bastō.

¶ De la maniere de faire des Gaullois.

A l'issue du recit de Marseille, la vieille coustume des Gaullois se presēte, lesquelz ainsi comme il est mention, bailloyent argent l'un à l'autre, soubz condition que la debte leur seroit rendue aux enfers, pource qu'ilz croyoyent les ames estre immortelles, & sentoient deslors qu'en l'autre monde vn bienfaict

Vn Chrestien faisant bié aux pources en ce monde, en est salarid' en l'autre.

D ii

se ren-

Le second Liure

se rendoit. Je blasmeroye leur folle, si les Gaullois Narboniques n'en eussent autant estimé: & Pythagoras philosophe de courte robe, par semblable.

¶ Des Gaullois.

La sagesse desditz Gaullois estoit fondée en avarice, & vsure: celle des Allemans & Espagnolz en magnanimité & resiouyffance: pource qu'ilz se resiouissoient de mourir en guerre, disant que telle mort estoit eueuse & honorable. Au contraire se lamentoyent quand ilz estoient malades, estimant la mort des honnestes de mourir en son li.

¶ Des Espagnolz.

La fidelité des
des Espagnolz
& Allemans.

Les Espagnolz pensoient estre chose abominable, de demourer vif en la bataille, quand celuy pour lequel vouloyent mourir, estoit occy en icelle. La magnanimité de ces deux natiōs, c'estasçauoir Allemans & Espagnolz est à louer: pource que l'une exposoit sa vie pour le salut de son pays, & l'autre, pour garder constamment fidelité à son amy.

¶ De Thrace.

Les Thraciens
à la natiuité se
contristée, à la
mort se resiouy-
ssent.

La nation de Thrace à iuste droit se peult attribuer honneur de sagesse, qui meine grād dueil à la natiuité des hommes, & aux funerailles se resiouit: ce qu'elle fait naturellement, sans y auoir esté enseignée par quelques maistres & docteurs, ains par consideration de l'estat humain, qui n'est que misere. Donc soit contemnée la douceur naturelle de viure de tous animaux, qui contrainct faire & souffrir maintes choses reprochables & laides: si elle defaillant, la fin en est trouuée plusieurs & parfaite.

¶ Des meurs & coustume des Lyciens.

Contēnement
de la mort des
Lyciens.

Pourtant font tres bien les Lyciens, peuple de la Natolie, quand quelqu'un d'entre eux se meurt, les hommes se reueillent aux funerailles, de la robe d'une femme: afin que par ceste difformité d'habit, soyent admōnestez de meilleure heure mettre soubz piedz leurs folles plaintes.

¶ Des femmes d'Inde.

Cecy des In-
doises, ne doit
passer oultre le
lecteur, sans re-
gard: car la mo-
de est fort es-
trange, & differe
beaucoup à
la mode de ce
pays.

Mais pourquoy donne-ie tant de gloire aux preux hommes susditz, pour auoir prudemment contemnē la mort? ayons esgard aux femmes des Indois, qui selon la coustume du pays, plusieurs estoient mariées à un seul: apres la mort de leur mary, contendoyent asçauoir laquelle estoit la mieulx aymée. Celle qu'on trouuoit que le mary aymoient mieulx, auoit la victoire sus les autres, & estoit menée par ces amis monstrant face ioyeuse, se iectoient sur le feu de son mary, & se tenoit bienheureuse d'estre bruslée avec luy: les autres qui auoyent esté vaincues par ceste cy, demouroient en tristesse & desplaisir le demourant de leur vie. Mettons sus le bureau la prouesse des Allemans deuant alleguée. Faisons venir en compte la fidelité des Espagnolz en amytie. Parlons de la richesse vertueuse des Thraces: meslons avec ceulx cy, la subtile mode qu'auoyent les Lyciens d'oster leur dueil en la mort de leurs defunz, & nous trouuerons que nul de tous ceulx là n'emporteront le prix deuant les femmes Moresques: lesquelles montoyent pour estre bruslées au feu de leurs mariz aussi deliberement comme si elles eussent monté à leur li: la premiere nuit de leurs nopces.

¶ Des femmes d'Apbrique, & du temple de Venus.

Le mes-

Le melleray avec l'honneur des precedentes, la vilenie des femmes Aphricanes, afin que par ceste cōparaïson leur ordure soit plus apparente. En la ville de Sicé est le temple de Venus, ou les filles se transportoyent, ains qu'elles fussent bonnes à marier: en ce lieu tenoyent bordeau à tous venans, & gaignoyent leur mariage, puis se marioyent, & viuoyent chastement avec leurs mariz. Certes ce commencement là estoit bien deshonnesté, pour paruenir à vn estat si honorable & estimé.

Les filles d'Aphrique gaignoyent leur mariage au bordeau.

¶ De la louable coustume des Persans.

La mode des Persans fut à priser, pource qu'ilz ne veoyent iamais leurs petis enfans, iusques à ce qu'ilz eussent sept ans: afin qu'ilz portassent plus patiemment leur mort, si d'aduenture ilz mouroyent.

Pourquoy les Persans ne veoyent leurs enfans qu'ilz ne eussent vii. ans.

¶ Des Numides.

Les rois Numides n'estoyent à blasmer, si par la coustume de leur nation, ne baisoyent iamais homme ne femme. Quiconque est constitué en hault estat, se doit garder d'estre trop familier, afin qu'il soit mieulx honoré.

Hôte de grand estat ne doit estre trop familier.

¶ DE DISCIPLINE DE CHEVALERIE. CHAP. II.



Pres auoir traité des meurs & coustumes anciennes, maintenant me fault venir au principal honneur & fondement de l'empire Romain, gardé entier & sauue, iusques à ce temps icy, par vne perfection proufitable & salutaire, c'est asçauoir discipline de chevalerie, qui est le tressort lien des royaumes: au gyron & tutele de laquelle, l'estat d'eureuse paix repose serein & tranquille.

Discipline de chevalerie est le lien des royaumes.

¶ De Scipion.

Publius Cornelius Scipion, auquel Carthage destruite donna le surnom de Aphrican, comme à son ayeul, fut enuoyé en Espagne estant consul, pour reformer les meurs de la gendarmerie qui estoit allée à Numance, laquelle auoit esté gastée par le trop grand bandon que luy auoyent donné les capitaines precedens. Or aussi tost qu'il vint arriuer au camp, feit vn edict que toutes choses qui donnoyent occasion de plaisir & delices, fussent ostées. Et deslors se retirerent grand nombre de regratiers, viuandiers, chaircuietiers, porteurs d'eau, avec bien deux mille paillardes, & autres marchas & negociateurs, qui tous ensemble sont appelez bagage. Noz routes euacuées de ceste infection & ordure, lesquelles vn peu deuant par crainte de mourir, auoyent fait paix avec les ennemis laschement & meschamment, apres auoir reprins coeur, & restauré leur vertu, bruslerét, ruinerét, & raserét à fleur de terre la ville de Numace puissante & forte. Et ainsi la reddition honteuse & miserable du capitaine Mancinus, donna bien à congnoistre qu'il n'y auoit ordre, police, ny arroy en la gendarmerie des Rommains. Et le reestablishement d'icelle police fut cause du beau triumphe que obtint Scipion des Numantins.

Occasion de plaisir ostée par l'edict de Pub. Cornelius.

¶ De Metellus.

Metellus en cest affaire suyuit Scipion, quand luy estat consul, print la charge de l'ost Romain en Aphrique pour guerroyer contre Iugurtha, lequel ost auoit esté gasté & perdu par la trop grande licence que luy auoit donné Spurius Albinus: mais s'efforça de toute sa puissance de remettre sus la discipline

Louange de Metellus, pour auoir ensuyuy Cornelius.

Police en guer
re.

de cheualerie.: & n'y besongna lentement, ains soudain la redigea toute en son estat premier. Il feit partir du camp les porteurs d'eau, & defendit qu'on ne vendist viandes cuites, aussi qu'en tout l'exercite les soudardz n'eussent seruiteurs ne cheuaulx, afin qu'eulxmesmes portassent leurs armes & viures. Il remua souuent son camp, pour donner exercice de cheminer à sa gendarmerie: fortifia tres bien son camp de fosses & rempars, comme si Iugurtha eust esté tousiours prochain. Voyla comme on peult voir de quoy sert temperance restaurée & industrie restablie: de quoy s'en ensuyuirét maintes victoires, & plusieurs triumphes sus les ennemis, qui n'auoyét iamais tourné le dos ioubz Spurius Albinus capitaine ambitieux, qui ne taschoit seulement qu'à complaire à ses soudardz. Ceulx là pareillemét ont bien aymé la police de guerre, qui sans auoir esgard à amitié & consanguinité, n'ont point craint faire la punition de ceulx qui la rompoient. Publius Rutilius consul en la bataille qu'il eut en Sicile contre les seruiteurs fugitifs, deposa de son office Quintus Fabius son gendre, pource que par sa negligence il auoit perdu le chasteau de Tauromine.

tauromine est
vne mörigne
en Sicile.

¶ Du capitaine Cotta.

Messane.

Lipareille de
Aeolie.

Cotta punit le
lieutenant & pa
rent Pu. Aure
le, & pour
quoy.

C. Cotta chef de la cheualerie Rommaine, qui s'en deuoit retourner, & passer par Messane ville de Sicile, pour refaire la consultation des auspices, à raison qu'elle ne luy sembloit bien faicte, feit Pu. Aurele, surnomé Argentcourt, qui estoit de sa consanguinité, son lieutenant, pour mettre le siege deuant Lipare isle d'Aeolie. Mais ledict Cotta reuenu, entendant qu'une partie des rempars & closture du camp auoit esté bruslée de ceulx de la ville, par la faulte du dict lieutenant: & ledict camp presque prins, le feit battre de verges, & rabaisser du reng des hommes d'armes, iusques à l'estat des gens de pie.

¶ De Quintus Fuluius.

Q. Fuluius de
poia son frere
Fuluius cöseil
ler, & pour
quoy.

Les Romains
n'auoyent re
gard à paren
tage.

Quintus Fuluius Flaccus pour lors cöseur, deposa de la dignité de conseiller son frere Fuluius étant capitaine, pource qu'il auoit osé delaisser vne des cohortes de sa legion sans le commandement du consul. telz exéples tant excellens ne seroyent par moy recitez si briueement, si autres cas ne s'offroyent de plus grande importance: qu'est il plus estrange que de denoncer à vn sien parent, faire retour à son pays, avec deshonneur & infamie? ou faire fustiguer vn sien affin, ou vser de rigueur enuers son frere mesme: si maintes villes de renom gardoyent seulement vn de ces exéples, on diroit qu'elles seroyent bien instruites en la police de guerre.

¶ De Posthumus Tiburte, & T. Manlius

Torquatus.

De ceulx cy (le
seur) Valere
(pour auoir
postposé l'ami
tié prinée à l'a
mitié & vilité
publiq) parle
& les loue d'af
fection, car au
si ont ilz meri
té par leurs ver
tueux exéples
louenges im
mortelles.

Nostre ville Rommaine, qui a remply toute la terre de toutes sortes d'admirables exéples de vertu, receut ses chefs de guerre, encore senglens du sang de ses propres enfans: afin que la punition d'auoir troublé l'ordre de leur gendarmerie ne fust omise. ladicte ville leur feit recueil moitié triste & moitié ioyeux: ioyeux quant au bien public, car ilz retournoient victorieux: triste quant au bien particulier, car ilz auoyent occy leurs propres enfans: parquoy estoit en doubte s'elle deuoit plourer ou s'esioyr. en ce point ie me trouue perplex de faire recit de vous, Posthume Tiburte, & Mälie Torquat, qui auez esté gardiens trefrigoureux des loix & ordonnances des armes: car ie considere & crains

crains, qu'en voulant declarer l'honneur qu'auiez merité, ie ne demeure soubz le faix, & que ie ne descouure plustost l'imbécillité de mon entendement, que vostre vertu telle qu'elle est. O Posthume, toy estant dictateur, commandas que lon coupast la teste à ton filz Aulus Posthume vainqueur, pource qu'il estoit issu de son fort sans ton commandement, mais de son gré, & auoit deffait ses ennemis. Lequel tu auois engendré pour estre ton heritier, pour multiplier ta race, & auoir la charge du sacraire de ta maison, cōme filz aîné, auquel tu auois eu tant de passetemps en son enfance, le prenant en ton gyron, & le baysant: lequel en ieunesse auois instruit es lettres, en adolescence es armes, tant bien conditionné, tant preux, tant amoureux de toy & du pays. Comme as tu peu commander que tes officiers feissent faire vn tel massacre? La voix du pere a elle seruy de faire punir si rigoureusement son enfant, & de faire telle iustice? Combien que ta bouche l'ait commandé, si fusie certain que tes yeulx qui veoyent tant cler, furent destournez, & ne peurent voir ce supplice, iacoit ce que ce fust vn acte de grannde vertu. Le semblable feis tu, Mālius Torquat, toy estant consul, quand tu cōmandas que ton filz fust prins par tes officiers, & occy cōme vne beste qu'on tue pour sacrifier, pource que Geminius Metius capitaine des Toskans en la bataille Latine l'auoit deffié, & sommé de guerroyer, & à raison que sans ton sceu s'estoit hazardé, & mesmes emporté la victoire, si estimas tu qu'il estoit plus decent qu'vn pere fust priué de son filz tant preux & vaillant, que le pays deffaillist de discipline de cheualerie.

Fort notable,

Bel exemple,

Bel exemple,

¶ De Lucius Quintius Cincinnatus.

Or confyderons la prouesse de quoy vsa Luce Quintius Cincinnat dictateur, du temps que les Equicoles peuples voisins de Romme, furent vaincuz & mis soubz le ioug & seruitude des Rommains, & que Lucius Minutius fut depose de son consulat, pource que lesdictz Equicoles ennemis auoyent mis siege deuant le cap dudict Minutius. Cestuy Cincinnat disoit pour raison que l'homme estoit indigne de grande charge, qui asseuroit sa gendarmerie de fosses & rempars, & non de sa vertu, & qui n'auoit eu honte que l'exercite Romain tremblant de paour, fust enclos & enuironné de portes closes. Par cela nous voyons que les consulz, qui estoient le supreme honneur des senateurs, de la cheualerie & de tout le peuple, & au plaisir & vouloir desquelz, Romme & toute la puissance d'Italie estoit gouuernée, si leur vertu estoit rompue, se presentoyent à receuoir punition des dictateurs. Et afin que l'honneur militaire ne demourast impuny, le consul qui auoit autorité de punir tout crime, estoit luy mesme corrigé par ces manieres de punitions. O dieu Mars, qui es pere des Rommains, ta diuinité estoit appaisée, quand on te faisoit quelque offense, c'est asçauoir par le reproche qu'on donnoit à ses parens & affins, en les punissant rigoureusement par le meindre de ses freres & filz, & par la priuation aussi des consulz deiectez de leurs dignitez ignominieusement.

Equicoles.

Le dict de Cincinat fort notable.

Les consulz & autres gouuerneurs Rômais estoient puniz, quand ilz auoient offensé.

¶ De Papirius.

L'exemple qui ensuit n'est disforme au precedent. Comme Quintus Fabius Rutilianus maistre de la cheualerie Romaine, ainsi que nous disons vn comestable en France, eut contre le commandement de Papirius dictateur, fait renger en bataille ladicte cheualerie, pour combattre les Sānites, qui furent par

D iiii

luy def-

L'obedience & humilité de Q. Fab. au dict. leur Papirius.

La rigoureuse persécution de Papirius en la punition de Rutilian.

luy deffaiſt: puis ſe retira à ſon fort, ainſi qu'eſtoit au commencement: toutes fois le dict. dictateur, qui eſtoit le ſouuerain magiſtrat à Rome, non eſmeu de la proueſſe, ny du bon eur, ny de la nobleſſe de Rutilianus, commanda acouſſir des verges pour le barre, & le feit deſpouiller. O ſpectacle merueilleux! Cestuy Rutilian maistre des cheualiers & vainqueur, ſon acouſtrement coupé, le corps deſpouillé ſe preſenta à eſtre dechiré par les coups de verge que luy donnoient les licteurs, afin que les cicatrices des coups qu'il auoit receuz au conſict, fuſſent renouuellées par les fouetz pleins de neuz, & qu'il reſpandist le titre & louenge de ſes belles victoires nouuellement acquies. Or ceſtuy dictateur fut alors prié des gédarmes, qu'il luy pluſt differer la punition au iour d'après, qui fut l'occeſion que Rutilian craignât la peine, eſchapa en vne nuit & ſe retourna à Rome, ou il demanda l'ayde de la court de parlement: mais ce fut en vain, car Papirius perſeuerâ à vouloir faire ceſte punition, parquoy le pere de Rutilian, qui autrefois auoit eſté dictateur, & trois fois conſul, fut conſtreint d'auoir recours au peuple, & par ſupplication ſolliciter les tribuns du dict. peuple pour ſon filz. Ce neantmoins toutes ces choſes ne peurent deſtourner la rigueur de Papirius. Finablement quand fut prié de tous les bourgeois, & tribuns du peuple, protesta qu'il ne pardonnoit à Fabius la peine meritée, ainſi qu'il donoit au peuple Rômain, & à la puiſſance des tribuns la punition.

¶ De Lucius Calphurnius.

La punition de Titus pour ſ'eu eſtre fuy en la guerre des ſeuſ fuytifs de Rome.

Quand Lucius Calphurnius Piſo eſtant conſul, auoit la guerre en Sicile cōtre les ſeruiteurs de Rome fugitifz, & que pour l'heure Titus eſtoit lieutenant des gens de cheual: ceſtuy Titus circonuenu par les fugitifz, fut conſtreint de quitter les armes, & ſe ſauuer avec ſes gendarmes. Dont aduint que le dict. cōſul conſiderant la lâcheté de Titus, commanda luy faire ceſte infamie, c'eſtaſcauoir qu'iceluy porterait la toge ou longue robe, dont les bandes ou bordures en ſeroient coupées & oſtees, & ſon ſaye deſceint, & auſſi qu'il ſeroit depuis le matin iuſques au ſoir nudz piez à l'auârgarde tout le réps qu'on ſeroit à la guerre. Luy deſendit pareillement de boire & manger avec les autres, ne ſe trouuer aux eſtues & baingz, ne frequenter les compagnies dont auoit eu la charge: conſequemment le priua de ſes cheualx & gages, & le mit au reng de ceulx qui ieſtoient pierres ou petis bouletz avec fondes cōtre les ennemis: certes c'eſtoit grand deſhonneur au pays, mais ce reproche fut puny au grand honneur de Piſo, pource qu'iceluy feit que ceulx qui auoyent delibéré pour ſauuer leur vie, donner le triumphe d'eulxmeſmes à pendardz & varietz fugitifz, & qui n'auoyent eu honte d'abandonner leur liber. e entre les mains de telle canaille, & gens ſerfz, experimentaffent vne maniere de viure pluſgrieue que la mort: parquoy deſiroient icelle mort courageuſement, laquelle auparauint auoyent craint laſchement.

¶ De Quintus Metellus.

Cōtrebie ville d'Eſpagne.

Quintus Metellus ne fut pas moins rigoureux que Piſo: lequel comme il y eut quelque differend à Contrebie ville d'Eſpagne, auoit mis cinq cohortes pour garder vne place: la cohorte eſtoit de cinq cens cinquante & cinq pietons, & ſoixante & ſix hommes de cheual, & la legion contenoit dix cohortes: & pource que leſdictes cohortes auoyent eſté repouſſées hors de ce lieu par la force

force des ennemys, leur commanda retourner: non qu'il eust esperance que lesdictes bandes recoutraissent ladicte place perdue, mais afin qu'il punist leur lascheté, en les exposant en ce peril manifeste. Apres ces choses fait edict, que si on trouuoit aucun de ceulx là fuyant, & retournant au camp, que sans remission fust mis à mort cōme ennemy. Lesquelz par ceste rigueur estreintz, combien qu'ilz fussent grandemēt trauailliez, & en desespoir de leur vie, toutefois reprindrent la place fort angoustieuse & difficile, & deffierent leurs ennemys. Certes necessité est vn vray endurcissement, & fortification de la foiblesse humaine.

Edict rigoureux, toutefois iuste & necessaire.

Le credit de necessité.

¶ De Quintus Fabius.

Fabius Maximus pour lors lieutenant en ceste prouince d'Espagne, qui l'auoit presque toute assubiectie à l'empire Romain, desirant amollir les coeurs de ceste gent tant cruelle & inhumaine: contreignit son esprit, qui naturellement estoit doux & traictable, de se destituer de sa clemence pour quelque temps, & vser d'austerité plus rigoureuse. Il fit couper les bras, à tous ceulx qu'on peut prendre, qui des guarnisons Romaines partoyent, pour suyuir le party des ennemys, afin qu'en les voyant ainsi manquez, donnassent crainte aux autres, de faire acte semblable. Ceulx qui estoient rebelles, par semblable on leur coupoit les mains, & les leuoit on sur la terre senglente, pour donner exemple à ceulx qui eussent osé faire cas pareil.

Clemence de-laissee pour rigueur, necessaire.

De Scipion L'aphrican, premier.

Il n'estoit rien plus doux que Scipion l'Aphrican, premier: cestuy toutefois pour confermer la discipline de cheualerie, iugea estre bon d'emprunter à tēps quelque chose de cruauté barbare & estrange, & changer son naturel. Apres auoir prins Carthage & mis en la puissance des Romains, tous ceulx qui des nostre s'estoyent retirez vers les Carthaginois, punit plusgriueusement les Romains abandonnans leurs pays, que les Latins. Il fit pendre les Latins, cōme gens qui s'estoyent absentez de leurs pays, decapiter les Romains cōme trahistres. Je ne parleray point plus oultre de c'est affaire, pource que c'est vn des actes de Scipion qui tant estoit courtois & humain: & ausi qu'il n'est licite de se gaber de la nation Romaine, iagoit ce que iustement elle eust merité estre punie de punition seruite. Or donc est cōuenable de m'appliquer à faire recit des punitions qui ont esté faictes des estrangers.

Juste punition.

¶ De Scipion l'Aphrican dernier.

Après que le dernier Aphrican eust desolé Carthage, fait presenter aux bestes cruelles deuant le peuple, les estrangers qui auoyent abandonné les Romains, pour suyuir les Carthaginois. Et Paul Emile apres auoir deffait le roy Perses, fait mettre deuant les Elephans telles maneres de gens coupables, & de sectueux, qui estoit tresutile & fructueux exemple. Les chefs & capitaines de guerre, s'ilz punissent leurs soudardz, negligens de garder les loix & ordonnances de cheualerie, iagoit ce qu'ilz facent iustement & equitablement, toutefois on iugera qu'ilz feront la chose par insolence & presumption: pource que le crime ne vient point en iugement: mais ausi tost qu'il est perpetré, est corrigé. ce qu'il me semble bien faict: car si la correction en estoit differée, ce pendant croistroit

La punition de ceulx qui se reuolent.

Note Populaire de Valere.

croistroit, & s'augmenteroit la licence de mal faire des foudardz. Parquoy est nécessairement requis à l'estat de la guerre faire brieue & aspre justice: car gés ramassez se fortifient, & facilement peuuent mouoir sedition & debartz: & depuis qu'ilz sont desuoyez du droit chemin, si soudain ne sont opprimez, pourront faire beaucoup de mal.

¶ Du capitaine Lucius Martius.

L'audace de
Martius suppor
tée,

Le statut du se
nat cōtre les ca
ptifs renduz p
Pirrhus.

La recompēse
de Pirrhus d'a
voir rendu les
prisonniers.

La prudence re
spōse du senat
à Marcellus,
touchant les
coudardz baniz

Il est temps de faire mention des actes qui ont esté faitz, non d'vnchascun capitaine en particulier, ains de tout le senat, pour defendre & garder la coustume des armes. Apresque Lucius Martius capitaine de la gendarmerie Romaine, eust recueilly par merueilleuse vertu le demourant des deux exercites de Publius, & Cneus surnommez Scipions, lequel auoit esté mis en dispersion, & les dessusdictz ostz desconfitz par les Carthaginois en Espagne, cestuy Martius fut esleu chef par ladicte gendarmerie. Lors rescriuit au senat de ses actes & emprinses, & au commencement de sa lettre mit ce tiltre, Lucius Martius capitaine extraordinaire. Ce qui ne fut agreable audict senat: pource qu'il vsurpoit cest honneur. car les capitaines souloyent estre creez, non par les gés de guerre, ains par le peuple. Toutefois à raison du mauuais temps qui couroit pour lors, & pour subuenir au grand interest & dommage de la republique Romaine, on le tolera, & permit on qu'il demourast esleu chef. Et aussi pource que luy seul auoit reformé l'estat de toute la cité. Mais nulles deffaites, nulles victoires, nulz bienfaitz, ne sont à equiparer à la bonne police & reigle que les Rômainz gardoyent en guerre. Il leur souuenoit encore de la grande rigueur, dequoy auoyent vſe leurs maieurs, dufaut la bataille des Tarétins, en laquelle, apres auoir esté grandement debilitéz par lesdictz Tarentins, & receu grand nombre de leurs citoyens prisonniers, renuoyez volontairement sans rançon par le roy Pirrhus, firent vn statut desdictz captifz, cestasçauoir: que ceulx qui estoient au parauant hommes d'armes, seroyent faitz pietons: & ceulx qui auoyent esté gens de pié, seroyent mis au reng des iecteurs de pierre à la fonde. Pareillemēt que nulz d'iceulx n'eust tente au camp, & que leurs loges ne fussent fortifiées de fossez ou rampartz, ne leurs pavillons tenduz de cuirs, ains de simple toille & hors du camp, & ne leur fust permis estre reſtabliz en leur premier ordre, iusques à ce qu'vn chascun d'iceulx eust pris deux prisonniers ennemys. Donc ainsi aſtreintz par ces rigoureuses & austeres ordonnances les foudardz Rommains, paruindrent à estre ennemys mortelz de Pirrhus, qui au parauāt auoyent esté par luy donnez liberalemēt, & desquelz il auoit fait present pas de grande value. De semblable rigueur vſa le senat enuers ceulx qui auoyent perdu la iournée à Cannes. Lesquelz furent puniz de peine plusgrieue que la mort, ilz furent enuoyez en exil en Sicile: & comme Marc Marcellus eust rescript audict senat qu'il luy pleust permettre qu'il vſast de l'aide desdictz baniz pour debeller les Syracusans, ledict senat donna responce, qu'iceulx n'estoyent dignes d'estre receu au camp, mais quād au reste qu'il permettoit audict Marcel de faire ce qu'il pensoit estre expedient à la republique: mais si daduenture il vſoit d'iceulx, que ce fust par condition, qu'ilz n'eussent loisir de soy raffreschir, ains qu'ilz eussent tousiours le harnois sur le dos, & aussi si quelqu'vn d'eulx faisoit de hazard quelque acte de prouesse, qu'il ne fust guerdonné

guerdonné, & qu'on leur defendist mettre le pié en Italie tandis que les ennemys Carthaginois y assisoyent. Voila cōme les gens de vertu & prouesse ont de coustume de hayr, les laches, & couartz.

Les vertueuz
hayent les laches
& couars,

Du Consul Petilius.

Or disons combien fut mal content le senat de ce que la compagnie du consul Petilius le laissa tuer laschement, lors qu'il batailleoit vertueusement contre les Geneuois. Ledit senat ordōna, que la legion qui conduisoit iceluy Petilius, fut cassée, & qu'on ne la payast de ses gages, ne du passé, ne de l'aduenir, pour ne s'estre mise au deuant des coups des ennemys, pour sauuer son capitaine. Certainement l'arrest de ceste tant honorable compagnie de senateurs, seruit audit consul de sumptueux & perpetuel sepulchre: soubz lequel reposent ses os celebres & honorez pour sa mort en guerre, & pour la punition de ses benides que le parlement en feit à la court. De semblable magnanimité vīa le senat quand apres la deffaiete de Cannes, ne daigna redimer six mille Rōmains, que Hannibal tenoit prisonniers: combien que ledit Hannibal se monstrest gracieux aux rançons desdictz captifz: ce neantmoins n'en tint compte la court, disant pour raison, que si telle troupe de ieunes gens armez eussent voulu mourir honnestement, n'eussent peu estre prins laschement & villainement, & ne sçay lequel fut plus grand del' honneur à eulx, de ce que le pays n'eut aucune esperance en iceulx, ou que les ennemys n'eurent crainte de la susdicte legion. Il ne chaloit aux Rommains si lesdictz prisonniers pour l'aduenir batailleoyent pour eulx: pareillement les ennemys en les voulant deliurer mōstroyent assez qu'ilz ne les doubtoient pas beaucoup. Combien que la court fust tousiours vigilante pour faire garder les loix & ordonnances d'armes, rigoureusement & estroitement, si estce que iamais ne se monstra plus affectée, qu'alors qu'elle feit serrer es prisons les legions qui auoyent sacagé la ville de Rezo sans le cōmandement de leur chef: puis apres la mort de leur capitaine Bubelius, pour leur plaisir eslirēt Marc Cesi⁹ son secretaire. Et cōbien qu'apres cest emprisonnement Marcus Furius Flaccus tribun du peuple feit defenses à ladicte court qu'elle n'eust à punir les citoyens Rommains contre la coustume des maieurs, toutefois si feit elle ce qu'elle auoit en pensēe. Et afin que la chose fust paracheuée, avec moīdre inhumanitē, tous les iours en faisoit fesser cinquāte, puis leur coupoit on la teste: & apres l'execution, on ne mettoit les corps en sepulture, ny n'en menoit on dueil.

Noteicy le le-
teur, que l'af-
fection du se-
nat estoit fort
rigoureuse,
toutefois iuste
& raisonnable,

¶ Exemples des estrangers.

La court Romaine s'est monstrée benigne es punitions des soudardz, quāt à lesgard de l'austeritē & rigueur que tenoit le senat Carthaginois au faict des armes. si leurs capitaines entreprenoyent le guerre sans son conseil, combien que la victoire sen ensuyuist, ilz les faisoit pendre: attribuant la felicitē de ladicte victoire à layde des dieux immortelz, & la presumption d'entreprendre, à la coulpe desdictz capitaines.

Le senat de
Carthage plus
rigoureux que
celuy des Ro-
mains.

¶ Du capitaine Clearchus.

Clearchus capitaine des Lacedemoniens, en vn propos qu'il auoit acoustumē de dire souuent à ses soudardz, comprenoit entieremēt toute la discipline de cheualerie, c'estasçauoir, qu'il falloir plus craindre son dūcteur que les ennemys.

Ledit de Cle-
archus, admi-
rable.

Le second Livre

Noter icy.

Delaissant les
estrangers, re-
tourne à par-
ler des Rom-
mains.

nemys. Par lequel dict, leur donnoit à congnoistre manifestement, qu'ilz se tinssent pour certains, que s'ilz faisoient difficulté d'exposer leur vie à bataille honnestement, ilz perdroyent icelle villainement par punition. Certes ilz ne s'esbahissoient pas beaucoup de ceste parolle, pource qu'ilz estoient encore recordz des doulces parolles que leurs meres leur auoyét tenu au departir, les admonnestant, qu'ilz reuinssent en vie avec leurs armes, ou qu'ilz fussent r'apportez mortz sus icelles. Donc les soudardz de Lacedemone apres auoir receu c'est admonnestement en leurs maisons, s'en alloyent à la guerre. A tant fuffise d'auoir prins seulement cest exemple des estrangers, veu que nous pouons prendre gloire à ceulx du pays, qui se trouuent en plus grande abondance, & là ou il y a plus de fruit. Le bon ordre le decent arroy, la belle police que les Rommains ont gardé sur le doigt, ont acquis & adioinct la principaulté d'Italie à leur empire, & octroyé le regime de maintes villes, de puissans rois, & cheualereuses nations: l'estroite reigle de discipline militaire a descouuert les destroi&tz du pays de Pontus, qui est comprins soubz la Natolie, & faict entrée & passage par les Alpes, & les montz de Taurus en Arménie, qu'on appelle maintenant Cocaz, & fait finablement la petite loge & Case ou Romulus print son origine, le sommet & haultesse de toute la terre. Du gyron de laquelle, pource que tous triumphes sont partiz, le commenceray à descrire du droit de triumpher.

¶ D U D R O I T D E T R I V M P H E R.

CHAPI. III.

Edict à q tri-
pheroit.



Autre edict
touchant le
droit de trium-
pher.

Pource que aucunes fois, à raison de petites, & legeres victoires acquises, quelques chefs de guerre vouloyent qu'on leur establist le triumphe. pour y obuier, on feit vne loy, ou il estoit dict que nul ne triumpheroit, s'il n'auoit deffaict en vne bataille cinq mille ennemys. Certes noz maieurs pensoient, que l'honneur de nostre ville pour l'aduenir seroit bien plus exaulsé, par la gloire des triumphes, que pour le nombre des ennemys occis. Mais afin que ceste tant belle ordonnance, ne se peust quelque fois abolir, par trop grande conuoitise, & ambition d'obtenir la couronne de laurier, qui se presentoit au triumpheateur: pource qu'il eust peu possible augmenter le nombre des mortz, pour plustost paruenir à cest honneur, on establit vne autre loy qui corrobora la precedente: que Lucius Marius, & Marc Cathon tribuns du peuple feirent: ou estoit declarée la punition des capitaines, qui feroient faulx recit par lettres au senat, du nombre des ennemys tuez en la guerre, & des citoyens perduz. Pareillement estoit inseré en ceste dicté loy, qu'incontinét que lesdictz chefs de guerre arriuoyét à la ville, s'en allassent deuant les iuges criminelz pour estre iurez, asçauoir mon s'ilz auoyent veritablement rescript au senat du nombre des ennemys, & de noz gens aussi.

Après ces

Après ces ordonnances, sera fait mention du différent & contention qui s'en suivirent, touchant le droit de triûpher, entre certains personnages de grande noblesse & autorité: ce qui en fut fait, & les arrestz qui en furent donnez. Lucatius cõsul, & le bailly Quintus Valerius, auoyet descõfit vne grãde bẽde de Carthaginois, enuiron le pays de Sicile, à raison de quoy le senat disposa le triûphe au consul Lucatius. Et cõme le bailly Valere pareillemẽt vouloit auoir cest honneur, Lucace luy contreuint, & dist qu'il ne se deuoit ainsi faire, afin qu'en l'honneur du triûphe, l'autorité du bailly ne fust faite egalle, à la haultesse du consul. La querele d'entre ces deux continua, & prindrent procès en sorte que Valere fonda, & mit entre les mains de iustice grãde pecune, voulant prouuer que par sa bonne prudence ladiẽte compagnie des Carthaginois auoit esté opprimée: & qu'il renonçoit au triûphe s'il n'estoit ainsi. au cõtraire Lucace refonda, & acceptèrent pour iuge Attilius Calatinus: deuant lequel plaida en ce poinẽt Valere, bien est il vray, iuge droiturier, que ce consul durant la bataille, estoit couché malade en sa litiere, mais quant à moy, ie travailloy autant qu'il fust possible en ce conflĩt, & fey l'acte & office que doit faire de toute sa puissance vn cheualereux & vaillat capitaine. Lors le iuge à la fin va dire, ainçois que Lucace eust cõmencé à respõdre: Or ie te demãde Valere, si vo⁹ eussiez eĩte vous deux d'opinions cõtraires ou de batailler, ou de ne batailler point, auquel eust on obtéperé? Le ne debatz point, & ne suis en difficulté, qu'on n'eust fait le commandement du consul, respondit Valere. dy moy, de rechef dist Calatin, si vous deux eussiez fait, ains que cõmencer la guerre, consultation au cõtraire l'vn de l'autre, à qui se fust on arresté? au consul, respondit Valere. Comme il soit ainsi donc, dist Calatin, que i'aye entrepris le plaidoyé d'entre vous deux, t'interrogant lequel auoit le plus d'audiui & credit, & que tu ayes confessé ton aduersaire estre ton superieur, en ces deux choses prealléguées, le ne fay plus difficulté du demourant. Or donc Lucace, iacõit ce que tu te soys iusques à present teu, i'ordonne que tu triûphes seul. O que feist merueilleusemẽt bien le iuge, qui en vn affaire si cler, ne souffrit qu'on perdĩt temps. La cause de Lucace, qui constamment defendoit le droit d'vn si grand honneur, estoit meilleure, car il estoit columnal, & Valere ne fait pas mal de de mander loyer d'auoir ainsi vaillamment & eurement guerroyé, dont il estoit digne, mais ne luy estoit deu par les ordõnances Rommaines, ains au consul Lucace.

Contention entre deux, pour le droit de triûpher.

Les raisons de Q. Valere deuant le iuge.

Sentence tres-iuste.

¶ De Cneus Fuluius Flaccus.

Que deuoit faire la court à Fluius Flaccus, qui contemna, & repudia l'honneur du triûphe, qui luy estoit ordonné par ladiẽte court pour ses prouesses, lequel honneur souhaitoyent tant les autres cheffz de guerre? Certes il gyroit bien au coeur de cestuy Flaccus, de tout ce qu'il luy estoit à venir après le triûphe, si de hazard l'eust receu, parquoy n'en fait compte. Or aussi tost qu'il fust retourné à Romme, fut mené à la court, examiné, son procès fait, & banny: afin qu'il fust puny de l'insolence faite par luy contre dieu & raison. c'esta scauoir entre autres beaux actes, comme il auoit la guerre aux Aetoles mit le siege deuant vne de leurs villes nommée Ambrace, & y fut longuement: finalement les

L'insolence de Cn. Fuluius, pour laquelle fut banny.

Le second Liure

ment les citoyens constreindz par nécessité, supplierent à ce consul Flaccus, qu'il les voulsist prendre à mercy, & qu'ilz se rendoyent à luy, ce qu'il ne voulut: & si le senat ny eust pourueu, ilz les eust mis à feu & sang, parquoy la court voyant son inhumanité, l'exila.

¶ De Quintus Fuluius.

Grande diligence du senat de conseruer le droit de triumpher.

L'autorité de Valere.

Quintus Fuluius, apres auoir prins Capes: & Lucius Opimius apres auoir constreindz les Fregelás de soy rendre, se monstrerét pluſſages: pource qu'ilz demanderent congé au senat de triumpher. Et combien que l'un & l'autre eussent fait beaucoup d'armes, & de magnificences à la guerre, toutefois n'obtinrent ce qu'ilz demandoyent. non que les conseillers leur portassent enuie, à laquelle ne voulurent iamais faire entrée en leur court: mais par grande curiosité d'observer le droit & la loy, ou il estoit ordonné, qu'il seroit permis de triumpher à ceulx qui augmenteroient l'empire, & non à ceulx qui recourent les choses alienées dudit empire. car ie trouue autant de difference, entre adiouter quelque chose à un royaume, & restituer ce qui en a esté osté, comme commencer à bienfaire, & cessé de faire tort.

¶ De Publius Scipion, & Marc Marcel.

Le droit droit de triumpher, dequoy ie parle, fut si bien gardé, que le triumphe ne fut permis à Scipion, pour auoir recouré les Espagnes, ny à Marcel, pour auoir prins Syracuse: pource qu'ilz auoyent entrepris l'affaire sans le consentement d'aucun officier. Or que maintenant on extolle les conducteurs & capitaines trop conuoiteux de gloire qui pour auoir eu la victoire de gens de nulle resistance, auoyent occupé lieux deserts & inhabitez, prins nauires de pirates & escumeurs de mer, ont voulu cueillir les petis rameaux de laurier, dont estoit faite la couronne des triumphateurs, pour en orner leur chef par trop grande ambition. Espagne conquise, & separée de l'empire des Carthaginois, & Syracuse ville capitale de Sicile, mise hors de leur puissance, & faite tributaire aux Rommains, ne sceurent ioindre & atteller les chariotz de triumphe pour porter ceulx qui l'auoyent tant bien merité. quelz personages estoient ce? Certes c'estoit Scipion & Marcel, les noms desquelz mesmes leur pouoyent seruir de triumphe eternal. Et iacoit ce que le senat desirast moult contempler ces haultz personages, auteurs de vertu, vraye & massiue, portans sur leurs espaulles le salut du pays, couronnés de laurier, en magnificence, toutefois si les reserua il pour l'aduenir à pluſiuste triumphe. l'adiousteray à ces choses icy ce qui s'ensuyt. La coustume estoit des chez de guerre qui deuoient triumpher, inuiter les consulz à un báquet, puis les faire prier qu'ilz n'y vinssent, afin que nul pour ce iour n'assistast audit conuiue, de plus grande autorité, que celui qui deuoit triumpher. Et iacoit ce que maintz capitaines feissent beaucoup d'armes es batailles ciuiles, & actes fructueux au peuple Romain, toutefois si n'eurent ilz le nom de capitaines, on ne disposa processions apres leurs victoires, ny aussi on ne permettoit qu'ilz triuphassent en chariot, ny sus cheualx: pource que telles victoires, iacoit ce qu'elles fussent necessaires, si estoient elles piteuses & tristes: car elles estoient acquises par effusion de sang du pays, & non estranger, siccome il est apparent de Nascica & Opimius

Les Romains au temps passé ordonnoient supplications, que no^s appellons processions, en l'honneur de leurs dieux.

& Opimius, qui opprimerent les ligues & factions de Tyberius Gracchus, & non sans grand meurtre, & de la nation Romaine.

¶ De Quintus Catulus.

Quintus Catulus consul, apresque son compaignon Marcus Lepidus fut tué, avec toutes les bendes des seditieux, retourna à Rome portant visage moitié triste & moitié ioyeux. Pareillement Antoine vainqueur de Catilina, feit effuyer les espées de ses souldardz, senglétée du sang des Rommains, ains qu'il reuint en son camp, ayant en abomination, la tuerie des cytoyens.

¶ De Cinna.

Lucius Cinna, & Caius Marius conuoiteux de meurtre apres auoir occy tât de citoyens Rommains, eurent horreur d'entrer aux temples. Conséquemment Lucius Sylla, qui feit beaucoup de batailles ciuiles, dont l'ysue en fut tresorgueilleuse & cruelle, en son triumphe accôpaigné d'une puissance accôplie & bié equipée, iacoit ce que audiât triumphe il eust fait mettre en peinture plusieurs villes de Grece & d'Asie, si ny en eust il aucune du tenement de l'Italie. Il suis faiché & ennuyé de faire recit plus oultre de la tuerie des citoyens Rommains. Le senat ne donna à aucun la couronne de laurier, ny hôme ne la desira auoir quand on cōgnoissoit qu'il y auoit vne partie des citoyens marriz. Quand au reste laissons le laurier, & mettons la main au chesne, duquel on faisoit couronne, à ceulx qui auoyent sauué vn citoyen, & dont les portaux de la maison de Iules Cesar, triumphent en perdurable gloire.

¶ DE NOTE OV REPROCHE DES
Censeurs. CHAPI. IIII.



Pres auoir parlé de la police & bô ordre d'un camp, qui est le trefort lyen du mestier des armes, le suis admonesté de faire passage au traicté de censure, c'est adire reprise on reformation des meurs qui est la gardienne & maistresse de paix. Ce rtainement tout ainsi comme les richesses du peuple Romain venoyent en accroissance, par les prouesses des bons capitaines, & chefs de guerre: en ce point tenoit on la bride aux vices, & par les Censeurs souuent estoit faite inquisition de la bonté & preudhommie des Rommains, qui estoit vn oeuvre digne d'estre autant colaudé qu'un bel acte fait en la guerre, que proufite il estre vaillant & preux de hors, si on vit mal en la maison. Iacoit ce que on oppugne maintes villes, qu'on face prise de plusieurs nations, & qu'on occupe royaumes & prouinces, si la republique toutefois n'est gouvernée sagement & iustement, posé ores qu'on ait fait vn amas de cōquestes aussi haultes que le ciel, la chose ne sera de durée. Donc pour suyuir nostre propos, est besoing de congnoistre & faire record comme se porterent les censeurs iadis enuers les Rommains, & comme ilz vserent de leur puissance.

Reformation
des meurs, gar-
dienne de paix

Le graue dict
de Valere.

¶ De Camille, & posthume.

Camille & posthume estans censeurs, punirent ceulx d'amende pecuniaire, qui par auarice estoient paruenz iusques en vieillesse sans se marier, & les constreignirent de desbouser grosse somme de deniers, & la mettre au trefor public.

Comme estoit
procedé cōtre
les vieilz anar-
tieux, qui n'e-
stoyent point
mariez.

Le second Liure

Paroles dorées

public. Et s'il aduenoit que lesdictz vieillards feissent plainte de ceste tant iuste ordonnance, derechef estoient punis, & les reprenoit on, en parolle telles: Tout ainsi que nature vous à donné loy d'estre produictz, par semblable icelle vous à octroyé liberté d'engendrer. Et voz peres en vous nourrissant, vous ont obligé à nourrir aussi voz enfans & successeurs, s'il y a en vous quelque bôté. D'auantage fortune vous à donné assez longue espace de temps de produire enfans: mais ce pendant n'en auez tenu compte, & auez laissé passer voz ans, sans estre appelez mariz & peres. Donc retirez vous, & desliez voz bourses que nouées auez si estroitement par chicheté, & payez la somme taxée assez suffisante à entretenir grand nombre de ceulx qui viendront apres vous.

¶ De Marc Valere le Grand, & C. Iunius.

Lucius Antonius, pour auoir repudié sa femme, fut priué de la court.

Marc Valere le Grand, & Iunius Brutus surnommé le bouvier censeurs, furent imitateurs de l'austerité & rigueur des precedens censeurs, en semblable maniere de punition. Lesdictz censeurs priuerent Lucius Antonius du parlement: pource qu'il auoit repudié sans le conseil de piece de ses amys vne ieune damoiselle qu'il auoit espousée. Je suis en doubte si le crime dudit Antoine est plus grand que celuy que nous auons recité au susdict exemple, auquel estoit seulement contemnne le sacrement de mariage, & en cestuy cy ledict Antoine s'y estoit mal gouverné. Parquoy ie dy que les censeurs par sentence trefuiste, l'estimerent indigne de faire entrée à la court.

De Porcius Caton.

En Lu. Flaminius estoit double maniere de coulpe.

En ce point fait Porcius Caton, qui osta du nombre des senateurs Lucius Flaminius: pource que estant en vne prouince de Gaule, auoit fait couper la teste à vn pource criminel, afin que quelque femme qu'il aymoit p amour desordonné, en eust le passetemps & plaisir: ce que luy pouoit estre denié, s'il eust esté homme de bien, & ne fust ce que pour l'honneur de la dignité de consul, que ledict Flaminius auoit autre foys obtenu, & aussi pour l'honneur de l'autorité de son frere Titus Flaminius, qui auoit occupé vne partie du royaume du roy Philippe de Macedone. Mais Caton doublemēt censeur, tant pour son office, que pour ses meurs, ordonna qu'on luy feist plus grande infamie, pource qu'il auoit souillé & pollué d'un cas si vilain, la maiesté d'une si ample dignité, comme la dignité de consul. Et n'auoit point eu de consideration, que c'estoit vne chose indigne, qu'on imputast à deux gentils hommes d'une mesme maison, & freres, à l'un vn acte d'infamie, comme pour le passetemps d'une paillarderie faire trencher la teste à vn pource criminel: & à l'autre vn acte de prouesse, comme d'auoir mis le roy Philippe en son obeissance.

¶ De Fabritius Lucinus.

Cornelius pour auoir vesselle d'argent trop exquise fut bla mé de la court

Que dirayie de ce que fait Fabritius Lucinus estant censeur? Il en a esté mention, & sera pour iamais. Cestuy pria de la court de parlemēt vn appelé Cornelius Ruffin, qui auoit esté deux fois cōsul, & vne fois dictateur: pource qu'il auoit acheté de la vaisselle d'argent chascune piece pesant dix liures: voulant dire qu'il donnoit mauuais exemple de superfluité, & trop grande magnificence. Les escriptz de nostre temps sont veuz estre estōnez, de faire recit de si grande rigueur que les Romains tenoyent pour lors: & craignent qu'on ne dise que telz

que telz actes ne sont actes des Rommains, ains plustost de gens barbares & estrangers, pour leur tresgrande austerité. car en vne mesme ville comme Rome, à grande peine peult on croire que les Rommains feissent tant de difficulté, qu'un citoyen eust vesselle d'argent pesant dix liures, veu que poureté sur toutes choses leur estoit odieuse.

¶ De Marc Antoine, & Lucius Flaccus.

Marc Antoine, & Lucius Flaccus censeurs bannirent du senat Duronius, pource que luy estat tribun du peuple, destruisit la loy qui auoit esté ordonnée pour restreindre les sumptuositez des banquetz : & l'occasion estoit trefutile de le prier. Cestuy Duronius, hōme effronté, n'ayant deuant les yeulx aucune honnesteté, monta au temple qui estoit deuant la court, dict Rostre : pource qu'on y auoit pendu & fiché tout plein de poinctes de nauires prinſes des ennemis, en signe de victoire : & fait en ce lieu vne harengue en telles parolles; Seigneurs Rommains, on nous veult bailler vn frein, que nous ne deuons tolerer en aucune sorte. veritablement vous estes astreintz du facheux lien de seruitude. La loy est promulguée, par laquelle nous est commandé de viure plussobrement. Soyons infracteurs de ceste vieille mode ancienne toute moiesie. Dequoy nous seruira plus liberté, s'il n'est permis au bon plaisir d'vnchacun de faire de son bien comme il voudra, & l'employer à faire bonne chere, & se tenir bien aise?

Duronius, pour ce qu'il vouloit enfreindre la loy, fut priué du senat.

¶ De Claude Nero, & Linius le Saulnier.

Claude Nero, & Linius le Saulnier, deux pſonnages qui auoyēt fait beaucoup d'armes pour la republique, qui auoyent esté consulz & censeurs ensemble, & qui estoient le ferme apuy du bien commun du temps de la bataille Punique : ce neantmoins par haine & enuie rigoureusement reprindrent l'un l'autre. Or comme ces deux estans censeurs faisoient reueue des centuries des cheualiers, & eulxmesmes fussent du nombre d'icelles (pource qu'ilz estoient encore en leur force & vertu) quand on vint à la bande nommée Pollia, apres que le notaire eust leu le nom du Saulnier, la trompette fut en doubte de l'appeller ou non, de crainte de desplaire à si grand personnage. Ce que congnoissant Nero, commanda qu'on l'appellast promptement, combien qu'il fust son compagnon : & pareillement qu'on vendist ses armes & son cheual : pource qu'il auoit esté condamné par le iugement du peuple, apres son premier consulat, durant lequel auoit fait vne ordonnance, que nul ne vendist du sel : fors à la gabelle : combien qu'au parauant chascun en vendist qui vouloit. Laquelle chose sembla estre fort greuable au populaire : parquoy fut condamné & deslors nommé le Saulnier. Cecy considerant ledict Saulnier, condamna Nero à semblable peine, à raison qu'il auoit permis apres l'arrest du peuple, qu'il fust reuenue en grace à faulx tiltre. C'est asçauoir que Nero auoit toléré que ledict Saulnier ne fust puny, & mesmes auoit enduré qu'il fust constitué en dignité de cōsul & censeur. Si aucū des dieux eust reuelé à ces deux pſonnages que pour l'aduenir leurs races, deduites de pere en filz, eussent deu estre alliées & jointes en la natiuité de nostre debonnaire prince Tybere, qui est descendu des deux maisons : du costé paternel, de Claude Nero : & du costé maternel, des Liniens : ilz eussent cessé leurs inimitiez, & eussent traité amour ensemble.

Note du debat de ces deux censeurs, & cōme l'un reprime l'autre par vne affection simulee.

E ble

Le second Liure

La cantele du
Saulnier.

Constance du
Saulnier.

ble, laissant le pays conserué par eulx, donnant exemple à leur lignée, c'est assçavoir Tybere & Nero empereur, de le garder par semblable. Liuius le Saulnier ne fait difficulté de punir d'amende pecuniaire, & rendre tributaire au tresor public, trente quatre bendes de la gendarmerie Rommaine: pource que apres qu'ilz l'eurent condemné, sans le punir, le firent consul & censeur. Il couloura sa cause en ce point, disant qu'il estoit de necessité que lesdictes bendes l'eussent condemné iustement, ou iniustement. Si iniustement, elles estoient dignes de punition: si iustement, elles estoient pariures de l'auoir fait consul & censeur: car il estoit indigne d'auoir l'administration de la republique: & elles auoyent iuré d'eslire gens idoines & capables. Cestuy Liuius Salinator delassa tant seulement vne bende nommée Metia, à punir: laquelle quād vint à dire son opinion touchant le fait dudit Salinator, le iugea n'estre digne de condemnation, ne de receuoir honneur ausi, ne de consulat, ne de censeur. Combien pensons nous que cest homme icy fut magnanime & constant, qui ne peut estre constreint par aucune peine & reprise, ne alleché par haultesse d'honneurs, de se monstrier plusdoux au gouuernement de la republique?

¶ De Marc Valere, & Lucius Sempronius

Quatre cens ieunes homes, qui estoient la plusgrāde & meilleure partie de l'ordre des cheualiers, souffrirēt patiemēt estre repris & puniz des censeurs. Lesquelz ieunes soudardz Marc Valere, & Lucius Sempronius, apres les auoir priez de leurs cheualx & gages, les misrent au nombre des tributaires & endebtez au tresor public: pource que durant la bataille seruile en Sicile, on leur auoit commandé d'estendre les munitions par les monteignes, afin de enclorre lesdictz seruiteurs, & furent negligens de ce faire.

¶ De Marc Attilius Regulus, & Lucius Furius.

Les Romains
estimoyent be
aucoup leur
foy.

Pareillement les censeurs avec grande rigueur declarerent infames ceulx qu'on trouuoit timides & couardz. Marc Attilius Regulus, & Lucius Furius Philippus, furent diligens de priuer de cheualx & gages, & mettre au renc des obligez au tresor de la ville, Marc Metellus receueur, & plusieurs gens de cheual Rommains. Lesquelz apres la maleureuse iournée de Cannes, luy auoyent iuré & promis de partir de l'Italie, & s'en aller avec luy. Ceulx cy, apres estre venuz en la puissance de Hannibal, par luy furent enuoyez comme ambassadeurs soubz leur foy au senat Rommain, pour traicter de la punition des prisonniers Rommains, avec les captifz de Carthage. Et comme ainsi fust qu'ilz n'impetrassent ce que demandoit Hannibal, ne retournerēt ainsi qu'ilz auoyent promis & iuré, & demourerent en Rome. Ce que voyāt Marc Attilius Regulus censeur, les declara trahistres & pariures: pource qu'il estoit cōuenable à la nation Rommaine de garder sa foy. Comme nous auōs exēple du pere dudit Regulus, qui ayma mieulx mourir cruellemēt, que de tromper les Carthaginois. Ceste correction des censeurs, apres auoir cōmencé à reformer les meurs & la vie de la court Rommaine, se mesla d'auoir esgard sur l'estat de la gendarmerie: lequel office ne voulut qu'on craignist, ne qu'on deceust son ennemy. Ensuuyent deux exemples de mesmes, lesquelz suffira seulement adioindre à ceulx cy. Apresque Geta fut par L. Metellus, & Cneus Domitius censeurs,

seurs, mis hors du reng des senateurs, fut consequemment fait censeur.

¶ De Marc Valere.

Aprésque Marc Valere Messala fut condamné d'infamie, fut erigé censeur en puissance de censeur. L'ignominie & opprobre de ceulx cy les aguisa & subtilia à vertu: & pour la honte de ce deshonneur furent tellement esmeuz, que de toute leur force s'employèrent, afin qu'ilz fussent veuz estre dignes de porter le nom de citoyens, auquelz fust donnée la correction censuroire pour administrer, & non imputée pour estre puniz.

*Ignominie al-
guise vertu,*

¶ DE MAIESTE. CHAP. V.

Tout ainsi que censure est vn office public, maiesté en ce point est vne dignité particuliere, qui rend l'homme honoré & prisé. Et fault entendre que maiesté est vne excellence de bonté & vertu, qu'on voit naturellement reluire en vn personnage, qui peut de soy garder sa prerogative & grandeur, sans office, sans estre esleué es haultz sieges, & sans grosse troupe de satellites & seruiteurs. Elle est infuse es entendemens des hommes, par vne entrée agreable & delectable: pource qu'elle plaît & delecte les contemplas, voilée & conuerte du manteau d'admiration: pource que les hommes s'esmerueillent de voir le personnage à qui dieu donne telle grace. On peut dire à droictement l'interpreter, que c'est vn honneur perpetuel: car il dure autant que la vie, & si est sans office. Eust on sceu plus faire de honneur à vn consul, qu'on feist à Metellus, accusé d'auoir esté paillard, ce pendant qu'il fut gouverneur de la prouince de Numidie? Or comme cestuy replichoit contre ceulx qui l'auoyent accusé, ainsi que lesdictz accusateurs vouloyent produire vn libelle, ou estoient comprins les articles de son accusation, tout le conseil destourna ses yeulx de la visitation dudit libelle, afin qu'il ne fust veu doubter aucunement des choses dedans escriptes: & pensa qu'il estoit bien plus conuenable de voir & lire en la vie de Metellus, qu'aux tablettes ou estoient ses accusations: le bon gouvernement & fidele administration, de quoy auoit vsé iceluy en la prouince Numidique: & que ce n'eust esté chose honneste de peser l'integrité d'un si vertueux personnage, contre vn petit de cire, & petit nombre de lettres dont estoient le temps passé faictes les tablettes, deuant l'usage du papier & parchemin.

*Diffinition de
maiesté.*

Notable.

¶ Du roy Antiochus, & du premier Aphrican.

Se doit on esbahir si les citoyens Rommains ont fait honneur à Metellus, veu que les ennemis n'ont doubté porter si grande reuerence à Scipion l'Aphrican premier? Veritablemēt le roy Antiochus luy renuoya son filz prins en vne bataille qu'il auoit contre lesdictz Rommains, le traita honorablemēt, & luy fait present de dons appartenans à rois & princes: iacoit ce que ledict Scipion feist tout plein de conquestes sur luy, toutefois cestuy prouoqué à guerre, ayma mieulx reuerer la maiesté d'un tant excellent personnage, que de prendre vengeance de son dueil.

*Maiesté hono-
rée par Antio-
chus.*

Le second Livre

¶ Du mesme Aphrican.

Maieité reue-
rée par courai-
res & pillardz,
en offrant dons
& presens à
Scipion.

Loué de ma-
ieité.

Comme cestuy Aphrican fust exilé par les Romains, & demourast en vn village nommé Linternin, plusieurs capitaines de pirates & escumeurs de mer vindrent en ce lieu pour le veoir : mais ledict Scipion peniant qu'ilz vinssent pour luy faire violence & rudesse, fait vn amas de soudardz pour se fortifier. Et comme il y estoit luy mesme empesché, lesdictz coursaies & pillardz voyans qu'il se deshoit d'eulx, firent retirer leurs bendes, & armures : & approcherent de la porte, & crierent à haulte voix, qu'ilz ne venoyent pour luy faire nuisance, ains pour luy faire honneur à cause de ses vertuz & excellences, desirans la veue & communication d'un si grand personnage : comme si ce fust vne chose celeste & diuine. pourtant luy plaist prendre assurance de nous, & nous donner entrée en son logis. Apres que ses domestiques luy eurent reporté telles parolles, commanda qu'on ouurist les portes, & qu'on les feist entrer. Lesquelz en entrant faisoient la reuerence aux portaulx, comme si c'eust esté vn temple saint, ou autel sacré. Conséquemment prindrent la main dudit Scipion, & ne se pouoyent rassasier de la baiser. puis desployerent deuant le porche de sa maison dons & presens, telz qu'on a de coustume de consacrer aux dieux immortelz. Merueilleusement resiouyz d'auoir veu Scipion, s'en retournerent en leur pays. Qu'est il plus magnifique & haultain que ce fruit de maieité? & qu'est il au monde plus delectable? Le roy Antiochus ennemy appaisa son ire par l'admiration qu'il auoit dudit Aphrican. La veue de luy donna grand esbahissement aux pirates, qui se resiouyrent de le veoir. Si les astres tomboyent du ciel, & s'offroyent aux humains, on ne leur feroit pas plus d'honneur & de veneration.

¶ De Paul Emille.

On fait grand honneur à Scipion en son viuant, & à Paul Emille apres sa mort. Ainsi comme on dispoist de sa pompe funebre, & pour lors d'aduenture fussent en Romme certains grandz seigneurs de Macedone, soubz tiltre d'ambassade: se presenterent de franc vouloir à porter son liest funebre. ce que on doit encore plus estimer : pource que ledict liest estoit paré par deuant de riches draps, & nobles peintures, on estoit exprimé le triumphe & victoire, que ledict seigneur auoit obtenu de Perse roy de Macedone. Or fault il bien dire, qu'ilz faisoient grand compte dudit Paul, veu qu'ilz n'auoyent crainte de porter publiquement les enseignes des deffaites de leur nation. Lequel demonstration fut adiousté à sa pompe funebre, ainsi qu'une sorte d'un autre triumphe. O seigneur Paul, Macedone demonstra deux fois ta noblesse à nostre ville Rommaine: en ton viuât, quand tu triumphas d'elle: & apres ta mort, lors qu'elle te porta sur ses espaulles.

¶ De Scipion filz d'Emille, adopté du premier Scipion.

On ne reuera pas peu la maieité de ton filz Scipion Emilian, seigneur Paul, lequel donnas par adoption au premier Scipion: & voulus qu'il fust l'honneur de deux familles & maisons de Rôme: c'est asçauoir des Scipions, & Emilles. Côme cestuy encore enfant, estoit avec Luculus consul en Espagne, ledict Luculus l'enuoya en Aphrique aux Carthaginois, qui lors estoient tributaires aux Romains.

Romains, pour leur demâder secours. Et ainsi cômme le roy Masinissa, & lesdictz Carthaginois estoient en different, voyant ce ieune gentil hôme, le constituerent leur iuge & arbitre, comme si ce fust vn consul ou capitaine. Haha Carthage, pour lors tu estois ignorante de tes dures destinées. Cestuy Scipion, l'honneur de la ieunesse d'Orient, qui estoit le bienuoulu des hommes & des dieux, estoit nourry pour te destruire. Et qu'il soit ainsi, les deux Scipions qui isirent de la maison & race des Corneliens, prindrent le surnom d'Aphrican de toy. Le premier, pour t'auoir prinse & rendue tributaire: le dernier, pour te auoir saccagée & rasée à fleur de terre.

D'ou prindrent les Scipions leur surnom d'Aphrican.

¶ De Publius Rutilius.

Qu'est il pluschetif & miserable qu'estre condamné & banny? toutefois cela ne peut oster l'autorité de Publius Rutilius. Lequel estant tresorier du pays d'Asie, & voyant que les publicains (c'est adire ceulx qui cueilloient les deniers du tribut, comme commissaires & autres) faisoient beaucoup d'exactions sur les villes, les retrécha, & refrena leurs larcins & pilleries. Parquoy à son retour en Romme conspirerent contre luy, & l'accuserent de lese maiesté: l'accusation vint à effect, & fut banny en Asie. Lors quand ceulx d'Asie sceurent l'affaire, enuoyerent pour luy faire honneur audeuant de luy ambassadeurs, pour le recevoir & traicter honorablement par chascune ville, en sorte qu'on eust iugé, voyant telz appareilz, que ledict Rutilius eust esté là pour triumphez, plustost que pour estre banny.

Rutilius banny en Asie, y fut receu triumphez.

¶ De Marius.

Caius Marius descendu au profond de ses dernières miseres, pource qu'il auoit esté déclaré ennemy du pays: fuyant la fureur de Sylla, vint à la ville de Minturne, & se cacha dans des marecz: mais fut trouué d'aucuns sondardz de Sylla, par la parole d'un pasteur qui l'enseigna. Lors fut tiré & mis en garde en la maison d'une femme nommée Fannia. Puis tost après fut enuoyé un valet Allemand pour l'occir: mais cestuy valet voyant Marius ia vieil, sans armures, & plain de crasse, tenant l'espée desgainée, prest à le tuer: toutefois son coeur ne sceut souffrir: mais aueuglé de la clarté & refulgèce de vertu, qu'il veoit reluire en tel personnage, iecta son espée: & tout tremblant & estonné, s'enfuyt. Certes la lumiere qu'il auoit veue resplendir en Marius, ne l'auoit destourné de son propos à l'occir: mais pource qu'il auoit encore memoire que ledict Marius auoit fait grand degast à sa nation: ce qui luy esblouit les yeulx, & la desconfiture de son pays luy rabaisa le courage. Avec ce que ie pense que les dieux estimoyent Marius n'auoir merité estre occy d'un de la nation, laquelle il auoit destruite. Ceulx de Minturne donc voyant Marius en extreme necessité, pour l'honneur & reuerence de sa maiesté le sauuerent. Ilz ne craignirent de permettre qu'il s'en allast, veu qu'ilz veoyent que Sylla estoit vainqueur. Pareillement pouoyent considerer combien il leur pouoit aduenir de dommage de le garder, veu qu'il estoit tant affligé, & en si piteuse fortune: car on leur eut peu reprocher leur inhumanité & cruauté.

Un valet Allemand fut enuoyé pour occir Marius.

Le second Liure

De Marc Porcius Caton.

Les receueurs
des tributz des
provinces alle-
gans qu'ilz te-
noient le tri-
but à trop
hault prix.

La vertueuse vie de Marc Caton donna tant d'admiration au senat, que quand vint à plaider la cause cōtre les publicais, ou receueurs, qui vouloyēt qu'on les relachast du tribut Rōmain, maugrē Caius Cesar cōsul vouloit faire durer son oraison tout le iour pour empeschier, que cedit iour le senat n'ordonnast rien contre la republique. Et pour ceste raison ledict Cesar cōmanda l'enuoyer en prison. Ce que voyant le senat, luy voulut tenir cōpagnie, qui fut cause de destourner Cesar (hōme de diuin esprit) de son entreprinse.

¶ Du mesme Caton.

La grande re-
uerence faicte
à Caton.

Le peuple Rommain eust honte de demander que les paillardes seruans de passetemps & badinerie, se despoulassent aux ieuZ Floraulx, que faisoit faire Messius escheuin en l'honneur de Flora: pource que Caton y estoit present. la quelle chose cōgnoissant ledict Caton, p'l'aduertissemēt d'un sien amy nōmé Fauonius, seāt pres de luy, partist du theatre, afin que sa presence n'empeschast qu'on ne feist cōme on auoit acoustumē esdictz ieuZ. Lors quand le peuple le vit party, s'en resiouyt grādement, & feit iouer ainsi qu'on souloit à la mode ancienne: confessant par cela, qu'il faisoit plus de reuerēce à la maiestē & auctorité de Caton seul, qu'à tous les autres ensemble. A qui fait on iamais cest honneur, quelque riche p'sonnage que ce fust, fust ce vn empereur, tant fust il victorieux, & digne de triūphe? Les petis biens, la sobrietē & estroictē tēperāce, le petit nōbre de seruiteurs, la maison biē riglée, & sans ambition, la petite noblesse, l'austerité & seuerité, & la vertu parfaicte en toutes ses parties d'iceluy Caton, firent, que si aucun vouloit faire compte d'un vertueux & noble citoyen, acomply & parfaict, il le diffiniroit soubz le nom de Caton.

¶ Exemples des estrangers. ¶ De Harmodius, & Aristogiton freres.

Il nous fault toucher vn peu des exemples des estrangers, & leur dōner quel que petit de place en noz escriptz: afin que quand on les voirra meslez avec les nostres, ilz apportent delectation pour la diuersité. Le roy Xerxes, apres auoir prins Athenes, feit porter en son royaume les statues de cuyure, de Harmodius & Aristogiton, qui s'estoyent efforcez de deliurer ladicte ville de tyrānie. Long tēps apres Seleucus roy d'Asie donna charge de remener lesdictes statues en leur premier lieu: & comme elles estoient transportées par Rhodes, les Rhodiens les receurent humainemēt, & les colloquerent en leurs tēples pour reposer sus liētz parez, aisi qu'anciēnemēt on faisoit aux simulachres des dieux. Rien n'est pluseureux que ceste memoire, laquelle en si peu de metal, posseda autant d'honneur & reuerence, qu'on faisoit aux immortelz.

De Xenocrates.

Cōbien fait on d'honneur en Athenes à Xenocrates, personnage sçauant & vertueux, quand cestuy vint approcher d'un autel pour porter tēmoignage? Or en ceste dicte ville on auoit acoustumē apres auoir depōsé, de iurer sus vn autel, qu'on auoit dict verité. Mais lors que Xenocrates se presenta audict autel pour iurer, tous les iuges se leuerent, & luy dirent, qu'il ne iurast, & qu'on adioustoit assez de foy à sa sainteté sans iurer. Certes ceditz iuges dōnerēt pl⁹ de bandon à la vertueuse vie dudit Xenocrates, qu'ilz n'eussent sceu faire à eulx mesmes: car apres que les tēmoins auoyēt iuré, les iuges iuroyent qu'ilz feroient leur arrest iustement, sans donner faueur à nulle des parties.

Le tiers

Le tiers liure de Vale- RE LE GRAND.

¶ Des signes & coniectures de bonté & uertu future
qu'on uoit d'un enfant. CHAPI. I.



Aintenant ie toucheray des signes & coniectures de bon-
té, uertu, & noblesse de coeur, disposées & commencées
pour l'aduenir, qu'on voit en vn enfât, par les gestes, c'est
asçauoir la maniere de faire & dire, que nature à inserez
à son esprit, qui par traitt de téps paruient à estre exaul-
sé en hault honneur : ainsi côme on en a de iour en iour
certaine experience.

¶ D'Emilius Lepidus.

Emilius Lepidus estant encore enfant, fut mené en la guerre, ou il occit vn
ennemy, & sauua la vie à vn citoyé Romain: en memoire de ce bel acte, par
l'ordonnance de parlement, fut erigée au capitolé vne statue d'un ieune enfant
ayant au col vne bague d'or pée en façon de coeur, qui luy deualoit iusques
deuant la poitrine, & vne robe de pourpre desceinte. Ledit sénat pensoit
qu'on feroit tort audit Emilius d'estimer qu'il ne fut encore temps de luy fai-
re cest honneur, veu que ia estoit en maturité de meurs & de uertu. Donc ce-
stuy Lepidus auça son aage viril, par legereté de prouesse: & reporta double
louenge de ceste bataille, laquelle veoir seulement, sa grande ieunesse eust deu
pour lors auoir horreur. veritablement tous ieunes enfans communément sont
effrayez, quand contemplét l'appareil de deux ostz cōtraires, les espées tirées,
bastons voller en laer, le bruyt & clicquettis des hommes d'armes & l'impe-
tuosité des combatans. Entre toutes lesquelles choses, cest enfant Lepidus, de-
scendu de la race des Emilles, pour sa vaillance merita la couronne, & retour-
na en Romme chargé des despouilles de son ennemy.

Vne statue fut
esleuee pour
la prouesse de
Lepidus.

¶ De Marc Caton.

Marc Caton en son enfance eut ce noble courage, côme il estoit nourry ieu-
ne en la maison de son oncle Marc Drusus, pour lors tribun du peuple: & ain-
si que les Latins estoient venuz par deuers luy, pour impetrer estre bourgeois
de Rome, cestuy Marc Catō fut prié par Quint⁹ Popedius prince desdictz La-
tins, à ceste heure là logé en la maison de Drusus, d'interceder enuers son oncle
que la requeste desdictz Latins compagnons & alliez des Romains fust ac-
cordée. Ledit Caton respondit constamment, qu'il n'en feroit rien. Derechef,
& par plusieurs foys fut encore prié, mais demoura à son propos. Lors Pope-
di⁹ mōta à vne haulte ptie de la maison, & dict à Catō qu'il se laisseroit cheoir,
s'il n'obeyssoit à sa requeste: ce neâtmoins ne peut estre destourné ledit Catō
de sa phantasie. Parquoy cōmencerēt à dire lesdictz requérās: entre no⁹ Latins;
confederez auec le peuple Rōmains, nous deuōs bien remercier dieu, que ce-
stuy est encore enfant: car s'il estoit sénateur, il ne no⁹ fauldroit esperer d'obte-
nir ce que nous demādons. Donc Caton estat encore en sa tendreur de ieunes-
se, aprint à toute la court, de tenir grauité & cōstance: & par sa perseuerâce, es-
cōdit les Latins, demādant ioyr des priuileges & libertez de nostre cité:

La cōstance de
Caton.

¶ D'iceluy mesme Caton.

E iiii

¶ Dice-

Le tiers Liure

Sarpedon pedagogue de Caton.

La hardiesse de Caton.

Comme cestuy portant robe de pourpre (qui estoit la coustume des nobles enfans de Romme) fust venu en la maison de Sylla, pour le saluer, voyât en la salle dudit Sylla les testes des banniz, qui auoyent esté apportées, esmeu de ceste cruauté, demanda à son pedagogue, nommé Sarpedon, pourquoy on ne trouoit quelqu'un qui occist ce tant inhumain tyran. Lors luy respôdit Sarpedon. Plusieurs en ont bien le vouloir, mais la puissance leur default, pour ce que cestuy Sylla a tousiours force de soudardz pour sa garde. Adonc Caton repliqua, & pria qu'on luy baillast vne espée, & que facilement le tueroit, pour ce qu'il auoit acoustumé de se seoir avec luy sus son liêt pour dîner. Le pedagogue entendit le courage de Caton, & eust horreur de son propos. Toutefois en le menant veoir Sylla, luy demandoit tousiours s'il auoit quelque baston pour l'occir. Or n'estoit il rien plus admirable, cest enfant enclos dedâs la salle dudit tyran qui estoit vne droite boutique de cruauté, n'eust crainte de ce vainqueur, qui faisoit mourir consulz, gens confederez, & ioyssans des libertez de la bourgeoisie Rommaine, legions, & la plusgrande partie de l'ordre des cheualiers. Certes si quelqu'un eust fait venir en ce lieu Marius, qui estoit chef de guerre asseuré & preux, il eust plustost tasché à se sauuer, qu'il n'eust pensé de la mort de Sylla.

¶ De Caius Cassius.

Caton ieune enfant donna vn coup de poing au filz de Sylla.

Caius cassius estant à l'eschole avec Fauste, filz de Sylla, luy oyât louer son pere, & disant qu'il auoit bien fait d'envoyer en exil les plusprincipaulx de Romme, & que s'il estoit en aage qu'il en feroit autant: luy donna vn coup de poing. O que ce fut dommage que ceste main là fust pollue & contaminée du sang de Iules Cesar, qui estoit le pere du pays.

Exemples des estrangers.

Et afin que nous prenons quelque chose des Grecz, icy ferons mention d'Alcibiades, la ieunesse duquel apportoit grande esperance aux citoyens d'Athenes: mais ie ne sçay lesquels, ou de ses vices, ou de ses vertuz, furent plusd'omageux aux pais. Par ses vertus & graces, comme noblesse, esprit, beau parler, richesses, beaulté, faueur, & grande puissance, il deceut lesdictz citoyens: car à son comencemēt ilz esperoyent beaucoup de luy. Par ses vices & imperfections, cōme lubricité, ambition, cōuoitise de dominer, orgueil & arrogance, il affligea & psecuta grandemēt lesdictz Atheniens. Or cestuy estant encore enfant vne fois vint veoir son oncle Pericles, & le trouua en vn lieu secret assis, tout triste & melencolique. Le voyant ainsi, luy demâda pourquoy il estoit en ce point pensif & fâché. Ledit pericles luy respond, que par le cōmandement de la ville, il auoit fait edifier les portaulx de la tour de Minerue, & qu'il y auoit despêdu grande somme de deniers, & ne sçauoit bonemēt cōment il en rendroit cōpte, & que c'estoit ce qui le mettoit en soucy. Adōc Alcibiades dict à son oncle, cherche plustost la maniere, que les Atheniens n'ayent loisir d'oyr tes cōptes. parquoy ce grand seigneur Pericles estant au bout de son sens touchât cest affaire, combien qu'il fust tresprudent, neantmoins vîa du cōseil de son neueu Alcibiades encore enfant, & feist que les Atheniens empeschez à la guerre cōtte leurs voisins, n'eurent tēps d'oyr ses cōptes. Or voye maintenāt Athenes, si elle se doit lamenter pour les vices d'Alcibiades, ou glorifier pour ses vertuz.

pource

pource qu'on est en doubte, s'il estoit plus vertueux que vitieux, & si on doit plus detester & auoir horreur de ses imperfections, que soy esmerveiller de ses graces. pource que i'ay entamé à parler du commencement & indice de vertu qu'on voit en ieunes enfans, nous en poursuurons l'effect, qui consiste singulierement en prouesse.

¶ DE PROUESSE.

CHAP. II.

¶ De Horace Cocles.

E ne fay pas difficulté, ô sire Romulus, fondateur de nostre ville Rommaine, qu'on ne te doive donner la prerogative & preeminence de cest honneur, mais il plaira à ta maïesté, que Cocles aille deuant, auquel tu es aucunement tenu, pource que par sa prouesse il a fait que Romme, qui est ton excellent & tant noble ouurage, ne fust destruit. Lors que les Hetrusques, maintenât dictz Toscans ou Florétins, vouloyent faire entrée en ladicte ville par le pont Sublice. Horace Cocles tint cōtre, au bout dudit pont: & soustint sans se lasser toutes les bandes desdictz Toscans, iusques à ce que le pont fust rompu derrière luy: puis quand il veit le pays deliuré de peril eminent, tout armé se iecta dans le Tybre: de la prouesse duquel s'esmerueillans les dieux immortelz, le sauuerent entierement. Certes cestuy ne fut ne rompu ne brisé d'estre cheu de si hault, opprimé ne foulé par la pesanteur de ses armes, ny agité d'aucuns gouffres ou abysses creuz, ne blessé de coups de dardz, qui de toutes partz s'assembloyent autour de luy: brief il passa à noue seurement ledict fleuve, & amusa les yeulx de tant de citoyens & ennemis à contempler vn seul personnage. Les ennemis s'esbahissoient, & esmerueilloient de sa prouesse, les citoyens Rommains se resioüissoient pour la deliurance de leur ville: & d'autre part craignoyēt que ce personnage n'eust mal en nageant. Cestuy seul diuisa & departit deux exercites meslez ensemble en bataille tresaspre, en repoussant l'vn & defendant l'autre. Finablement cestuy seul fortifia autant nostre ville par son bouclier, que le Tybre par son canal & cours: parquoy les Toscans à la partie du lieu pouoyent dire: Nous auōs vaincu les Rommains, & Horace nous a vaincu.

L'autheur fait icy son excuse à Romulus.

Louange tresgrande d'Horace.

Homere tout armé se iecta dans le Tybre sans se faire aucun mal.

Ce que disoyēt les Toscans.

¶ De la pucelle Chlelie.

Chlelie me fait quasi oublier mon propos, pource que i'auoye promis cy dessus, ne parler que de Cocles deuant Romulus. En vn mesme temps, contre vn mesme ennemy, & en vn mesme endroit, c'estasçauoir au fleuve du Tybre, ladicte Chlelie osa faire vn acte digne de gloire. Or cōme entre autres pucelles elle eut esté baillée en ostage par les Rommains à Porsena chef des Toscans, qui auoit mis le siege deuant Romme, eschapa de nuit sans le sceu des gardes, mōta sus vn dextrier, passa tout à trauers du Tybre, & deliura le pays non seulement de crainte, ains aussi du siege. O coeur gentil, combien que tu sois d'vne simple & tendre vierge, si es tu certes à preferer par ta prouesse aux hommes.

La magnanimité de la pucelle Chlelie

¶ De Romulus.

Je reuiens maintenant à Romulus, duquel i'auoye promis de parler. Cestuy Romulus vne fois fut deffié par Acron capitaine des Ceninenſes, de recevoir le combat sa personne à la sienne: & combien que ledict Romulus fust le plus

E v

fort,

Le tiers Liure

Romulus presenta la despouille d'Acron à Iuppiter Feretrius.

fort, tant en nôbre qu'en courage de soudardz, & que plussieurement eust peu combattre son ennemy en troupe, que seul à seul: toutefois se fia tant en sa dextre, que son coeur luy dict, que par ce point il remporteroit la victoire: & ne fut deceu de son penier, car il tua Acron, deffait toutes ses routes, & emporta riche proye dudit capitaine, laquelle presenta au tēple de Iuppiter Feretrius. Atant me tairay dudit Romulus, & ne le hault loueray plusoultre, pource que luy estant translaté au reng des dieux, n'a que faire de ma louenge particuliere, car de soy mesme reçoit abondante & ample collaudation: puis est adoré & reueré publiquement.

¶ De Cornelius Cossus.

Cossus imitateur de Romulus.

Cornelius Cossus fut le second apres Romulus, qui offrit les despouilles de son ennemy au tēple de Iuppiter Feretrius. Luy estant maistre des cheualiers, descendit en bataille contre Lartès chef des Fidenates, & l'occit, & fait oblation audit temple, du butin de son ennemy. Romulus fut le premier inuentif de faire telz honneurs aux temples des dieux: & Cossus merita beaucoup de gloire, d'auoir ensuyuy ledit Roy en cest affaire.

¶ De Marc Marcel.

Nous ne deuons point passer soubz silence, & n'eslongner Marc Marcel de ces exemples icy: lequel fut de si grand coeur, qu'il osa avec seulement cinq cens hommes d'armes, assaillir pres du Pau, le roy des Gaullois Insubres, que lon dit à present Milannois, accôpagné presque de dix mille soudardz, & coupa la teste audit Roy nommé Viridomarius, ou, comme disent les autres, Britomarus: puis le despouilla de ses armes, qui estoient d'or & d'argent, & les dedia à Iuppiter Feretrius.

¶ De T. Manlius Torquatus, & Scipion Emilian.

Intercace ville d'Espagne.

Manlius Torquatus, Valerius Coruinus, & Scipion Emilian vserent de semblable combat & prouesse. Ceulx cy occirent certains capitaines ennemis, qui de leur gré les auoyent deffiez: mais pource qu'en cest affaire auoyent réclamé à leur aide autres dieux que Iuppiter Feretrius, ilz ne misrent les despouilles de leurs aduers au temple dudit Feretrius. Lors que Scipion Emilian estoit en Espagne soubz le capitaine Lucullus, au siege d'Intercace forte ville: cestuy fut le premier qui monta la muraille. Il n'y auoit gendarme à la compagnie, dequoy on deust auoir plusgrand paour qu'il n'eust mal, que dudit Scipion, tant pour sa noblesse, sa bonne nature & actes futurs. A ceste heure là les plus nobles ieunes gentilzhommes voyans la prouesse dudit Scipion, commencerent à traualier, & se mettre aux dangers, pour garder & accroistre leur pays: estimans estre deshonnestes que ceulx lesquelz surpassoyent de race & noblesse, les surmontassent de vertu & prouesse. A ceste raison Scipion Emilian à toutes fins cherchoit ceste maniere de guerroyer, cestasçauoir d'occir ses ennemis, & monter sus les murailles, pource qu'il veoit que les autres n'en vouloyent approcher pour la grande difficulté.

¶ De Marc Attilius.

De la guerre des Gaullois, contre les Romains.

Entre ces exemples icy, nous en reciterons vn de l'ancien temps, qui est de grande magnanimité. Du temps que les Romains furent deffaitz par les Gaullois

Gaullois au fleuve d'Allia, comme lesdictz Rommains se fussent retirez au capitolé, & au chasteau, & ne peussent estre tous logez en ces costes, fut delibéré qu'il estoit de necessité de laisser les plus anciens aux places vuides de la ville, & en plains carrefourz, afin que plusaisément les ieunes gens de Romme defendissent le reste de l'empire. Et combien que l'estat de ladicte ville fust en grande destresse, misere & calamité, toutefois si n'oublia elle point sa vertu. Certes ceulx qui auoyent autrefois esté en honneur & dignité, ouurirent les portes, se seirent en plains carrefourz dans les chaires d'honneur & de triumphe, reuestuz d'ornemens royaulx, comme de robes de pourpre, & portans le sceptre d'iuoir, & autres vestemens sacrez, desquelz ilz auoyent vſé, ce pendant qu'ilz estoient en office & dignité: afin qu'au dernier de ces iours, retinsent, les acoustremens, & magnificence de leur vie passée: & qu'ilz esmeussent le peuple à soustenir la fortune plus patiemment. De prime front lesdictz Rommains ainsi en ordre, donnerent occasion aux Gaullois ennemis, de leur faire reuerence, & pour la nouveauté du cas, pour la pompe de leurs habitz, & leur hardiesse d'estre ainsi desarmez ce pendant qu'on saccageoit leur ville: cela esmeut aucunement lesdictz Gaullois: mais ceste admiration tourna en derision & moquerie: car iceulx fiers de leur nature, pour la victoire deuindrent encore plus insolens, & commuerent tout cela en iniure & opprobre. Or ne peut endurer le temps qu'on luy feist tort Caius Attilius, & comme quelque Gaullois luy applanioit la barbe, luy donna de son baston vn moult grand coup sur la teste, & pour la douleur que ce Gaullois sentoit & l'angoisse, s'esuertua de le tuer, mais s'offrit à la mort ledict Attilius plus volontairement que l'autre ne pésoit. Certes l'homme plein de la vertu de force, combien que son corps soit prié & meurdry, si ne peut perir sa vertu: vertu n'a point esgard à l'ignominie & infamie que le corps peut endurer, & estime estre chose plus facheuse de succomber à fortune, que d'endurer toutes les mortz du monde: qui ainsi meurt (si nous voulôs dire que gens de vertu meurent) cestuy personnage mourant avec vertu ne meurt point, mais acquiert renommée perpetuelle, qui le fait viure.

Les Romains
estoyent vestuz
de leurs habits
sacrez pendant
qu'on les sac-
cageoit.

Vertu n'a point
d'esgard
à l'ignominie
que le corps
peut endurer.

Qui meurt avec
vertu, ne
meurt point,
mais vit.

¶ De Caius Sempronius.

En cest endroit me fault faire honneur (comme leur est bien deu) aux ieunes gendarmes Rommains pour leur prouesse. Du temps que Quintus Catulus Sempronius Atracinius estoit cōsul, mena la guerre à la ville de Verugine contre les Volsques assez maleureusement: & afin que noz routes qui ia succomboient, ne fussent deffaictes, lesdictz ieunes gens de cheual misrent tous pié à terre, abandonnerent leurs cheuals, & se iecterent avec les gens de pié, font entrée dans l'exercite des ennemis, soustindrent le faix, & passent tout à trauers de l'armée. Puis apres le choc, voyas estre enclos desdictz ennemis, passent oultre, & se retirent au long d'une coste, & se mettent en rond. Ainsi firent par leur grande vaillantise & hardiesse, que tout l'ost desdictz Volsques s'amusa à eulx: & ce pendant les legions Rommaines se remirent en ordre, & reprindrent coeur. Et comme lesdictz ennemis disposassent desia de leur triumphe, la nuit vint, qui rompit la bataille: ainsi sonnerent retraicte, estans en doute s'ilz estoient vainqueurs ou vaincus.

Bonne fin esse

¶ De Fa-

Le tiers Liure

¶ De Fabius Maximus.

La gentillesse
& prouesse des
deux ieune gē
tilz hommes.

Que feit vn
soudard Rom
main.

Ces ieunes gentilzhommes Rômainz, qui estoient la fleur pour lors de l'ordre des cheualiers, ne sont pas à mettre en oubly: par la merueilleuse prouesse desquelz, Fabius Maximus Rutilianus, lieutenant des guerres, fut soulagé du blasme qu'il eut d'auoir mal ordonné son exercite, en la bataille qu'il auoit cōtre les Samnites. Cestuy Rutilian fut mis en la place de Papyrius cursor, ce pendant que ledict cursor estoit retourné à Romme pour refaire la consultation des auspices: & luy bailla l'on la charge du camp. Certes il auoit esté defendu audict Rutilian, de ne bailler ne receuoir iournée: ce neantmoins feit marcher l'ost en bataille, non pas si eueusement que follement: car pour certain il estoit deffait, si n'eussent esté les hommes d'armes & ieunes cheualiers pleins de noblesse de coeur, qui deualerent de dessus leurs cheuaux, mirent les brides bas, & les conciterent par grande impetuosité, de marcher vers les ennemis. Par ainsi eurent ilz à force par leur magnanimité, la victoire qui s'enclinoit aux Samnites, & avec elle restaurerent l'esperance de Rutilian, qu'il auoit perdue. Combien aussi furent preux & cheualereux les soudardz Rommains, qui à grandz coups de rames en vne bataille nauale mirent en fuitte les galeres Carthaginoises, puis se mirent à nager aussi asseurement en l'eau, cōme si ce fussent pietons marchans sur terre, & ramenerent lesdictes nauires au riuage. En ce mesme temps fut vn soudard Rommain qui merita pareille louenge en la iournée de Cannes, en laquelle Hannibal rompit plustost les forces Rommaines que les courages. Cestuy soudard gisant entre les mortz, apres auoir receu grand nombre de playes, si qu'il fut constreint d'abandonner l'espée & les armes, pource qu'il auoit les mains toutes tailladées & balafrées, & ne se pouoit plus aider. Alors vint vn Numide, qui s'efforça de le despouiller: ce que voyant ledict soudard Rommain le va embrasser par le col, & à belles dentz luy arracha le nez & les oreilles: & en ce point mourut avec la végeance de son ennemy. Or sans l'accident qu'auoit eu ledict soudard en la guerre, combien estimeriez vous qu'il fust plus courageux que celuy qui le tua? Le Carthaginois ainsi estreint, combien qu'il fust victorieux, apporta grande consolation au mourant: & le Rommain à la fin de ses iours eut vengeance de sa mort.

¶ De Pu. Crassus.

Smirna & Elea
villes d'Asie la
grande.

La mort inuénée
de Crassus,
par laquelle il
fut deliuré de
la seruitude de
Aristonique.

Le coeur de ce soudard dont i'ay maintenant parlé, fut trouué en fortune aduersé aussi noble & vertueux, comme cil de ce capitaine qui maintenant se offre. Pu. Crassus capitaine & euesque menant la guerre en Asie contre Aristonique, fut prins par finesse des Thraciens, entre les villes de Smirna & Elea: lesquelz estoient venuz au secours dudit Aristonique. Mais afin que ledict Crassus ne vint en la puissance d'Aristonique, euita le deshonneur de seruitude, par vne maniere de mort inuentée de luy. Cestuy portoit communément vne verge pour dompter son cheual, lors adressa ladicte verge droit à l'oeil de l'un de ces soudardz estrangers qui le menoyent, & luy poscha. Parquoy ledict soudard enflambé pour la grande douleur qu'il sentoit, tira sa dague, & luy en donna au costé: & en se vengeant de son oeil perdu, deliura le capitaine Rommain de la honte & vilenie qu'il eust peu encourir, pour sa dignité perdue.

perdue. Adonc ledict Craffus capitaine & euesque, monstra à fortune qu'il ne auoit pas meritè d'endurer si grande iniure & infamie, c'estasçauoir d'estre mis en la subiection d'Aristonique: par quoy prudemment & courageusement, rōpit les miserables lacz, qu'elle auoit tendu, pour y faire tomber sa liberté: & luy qui ia estoit liuré & offert, audiect Aristonique, ou autant valoit, ainsi comme auoyent ce vouloir ceulx qui le menoyent, par mort se restitua en sa dignité.

¶ De Scipion.

Scipion fait le semblable. Apres que les routes de Pompée gendre dudiect Scipion furent rompues en Aphrique aux champs Philippiques par Cesar. La mort de Scipion. ledict Scipion se sauuant, se mit en des galeres, & print le chemin d'Espagne: mais de hazard fut prinse de ses aduersaires, la galere ou il estoit: ce que voyant, se donna d'un glaive parmy le coeur, puis cheut: & comme les soudardz de Cesar s'enqueroient en la galere ou estoit le capitaine, il respondit: Le capitaine se porte bien: & luy donnerent les dieux la grace de parler, tant qu'il portast tesmoignage de sa magnanimité, qui estoit assez pour acquerir louenge eternelle.

De Caton.

La ville d'Vtique est encore la memoire de ta tresexcellente mort, seigneur La mort de Caton. Caton: en laquelle sortit de tes playes, plus d'honneur & gloire, que de sang. Veritablement en t'appuyant constamment sur ton glaive, donnas bel enseignement aux hommes, que mieulx estoit seant aux bons & vertueux, mourir en honneur, que viure en honte.

¶ De Porcie fille dudiect Caton, & femme de Brutus.

Porcie fille dudiect Caton, ne fut pas trouuée auoit coeur féminin: laquelle quād eut entendu que son mary Brutus auoit deliberé de tuer Iules Cesar: ceste mesme nuit (dequoy le iour d'apres fut perpetré ce detestable esclandre) lors que ledict Brutus fut retiré en sa chambre, elle demanda vn rasoir, feignāt vouloir rongner ses vngles, & s'en bleça tout à escient, disant qu'il y estoit eschapé. Adonc au cry des chambrières Brutus vint voir que c'estoit, & cōmença à tanser & reprēdre ladiect Porcie, de ce qu'elle auoit vsurpé l'office de barbier: lors ladiect Porcie va respondre en secret: Certes mon amy, ie n'ay fait cecy par folie & legereté, mais en l'estat ou nous sommes, est vn indice & dem La parole de Porcie à son mary Brutus. onstrement trefasseur de mon amour enuers toy. Veritablement i'ay bien voulu faire l'experience, si d'aduenture il te prenoit mal, pour cest acte que tu veu lx executer, comme i'endureroye patiemment la mort, en me tuant moy-mesme par glaive.

¶ De Caton l'ancien.

Caton l'aîné, duquel fut extraicte la famille & race des Porciens, fut mieulx fortuné que sa lignée. Cestuy estant soubz Paul Emile en la bataille Macedonique, en grand peril de sa vie, son espée luy tomba du fourreau: & apres qu'il en fut aduertty, deualla de dessus son cheual, se couurant de son bouclier, voyant que ladiect espée estoit soubz la presse des combatans, & pissée des piedz des enne: mis: ce neantmoins persista d'un coeur constant & hardy, & la recouura aussi

Le tiers Liure

ura aussi facilement & sans crainte, comme s'il n'eust esté en danger. Ce que voyant les ennemis, estonnez du cas, le iour d'apres vindrent par deuers luy, demandans la paix en humble requeste.

¶ De Scipion Nasica.

Le dict de Scipion.

Il fault mesler la force & prouesse des gens de paix, avec celle des gens de guerre : car soit faicte ou en la court, ou au camp, elle merite pareille louenge. Du temps que Tybere Gracchus estant en l'office de tribunat, opprimoit la republique, pour la grace qu'il auoit acquise du peuple, par ses prodigalitez & trop excessiues munificences : & qu'il disoit en public, qu'il falloit mettre à mort le senat : & que c'estoit au peuple à pourueoir à tous les affaires : les senateurs furent conuoquez au temple de foy publique, par le consul Mutius Sceuola, pour sçauoir qu'il estoit bon de faire en tel desordre & emotion. Tous furent d'opinion que le consul y deuoit remedier par armes, & defendre le bien public à l'espée. Sceuola lors respondit, qu'il n'y besongneroit par force. Adóc Scipion va dire : Donc ce pendant que le consul y procedera par iustice, & selon les loix & ordonnances, en ces entrefaictes l'empire Rommain avec ses statutz sera ruiné : quant à moy, qui n'ay office ne charge, ie me presente à faire vostre vouloir, pour estre la conduite & le chef de toutes voz entreprinſes. Et de ceste heure là ledict Nasica va trousser sa longue robe autour de sa main senestre, & l'espée au poing leua la dextre, disant à voix haulte & clere : Ceulx qui voudront le salut de la republique, si me suyuent. Par ceste parolle les gens de bien & vertueux bourgeois sequestrent d'eulx toute dilation & musardie, & payerent sur le champ Gracchus & ses meschantes ligue, de la deſſerte meritée, & les punirent comme ilz auoyent tres bien deſſeruy.

¶ De Caius Marius estant uieil.

Lors que Saturnin & Equitius estoient tribuns du peuple, & Glaucia preteur, lesdictz officiers esmeurent beaucoup de troubles & seditions en nostre ville, & n'y auoit qui s'opposast à l'emotion du peuple, fors seulement Marc Emille Scaurus : qui premierement en aduertit Marius, pour la sixieme fois estant consul : & l'admonesta de defendre par voye de faict la liberté & ordonnances Rommaines, ce que fait ledict Marius. Et soudain commanda qu'on luy apportast ses armes : desquelles vestit son corps ia passé de vieillesse & creppy : puis se transporta deuant les portes de parlement, ou s'arresta appuyé sus vn dard : & fait par sa prouesse & vertu que la republique, qui presque estoit exteincte, reuint en conualescence. Par sa magnanimité ledict Marius poussa le senat & la cheualerie à faire la punition des seditieux & conspirateurs.

¶ Du sacré empereur Iules Cesar.

La prouesse de Iules Cesar.

Y cy dessus nous auons, fait mention de la prouesse & force des gens de guerre, & des gens de paix : maintenant s'offre Iules Cesar l'honneur des Astres, stellifié & mis au reng des dieux : lequel en son viuant fut le simulachre de vraye vertu. Comme cestuy veit quelque fois sa gendarmerie succomber au pays des Tournisiens pour la grande multitude & impetuosité des Gaullois, comme Allemands, Liegeois, Bourguignons, Brabâçons, Hennuyers, & Tournisiens, qui illec estoient assemblez, bien soixante mille contre les Romains, ledict Cesar va oster le bouclier à vn de ses souldardz, qui batailleoit assez laschement, & en

en crainte: puis quand se fut couuert dudit boucher, commença à guerroyer moult vaillamment: par lequel acte reprindrent coeur les routes de Cesar, par sa vaillantise plus diuine que humaine, destourna le maleureux sort de guerre, qui estoit prest de tomber sus l'ost Romain. Cestuy mesme en vne autre guerre contre Scipion beaupere du Grand Pompée, voyant le port'enseigne de la legion Martie, qui ia auoit tourné le doz pour s'enfuir, le va prédre par le col, & le tourne droit vers les ennemis, estendant le bras directement ou ilz estoient, & disant: Ou vas tu paillard? regarde, voila ceulx avec lesquelz nous guerroyons: ainsi par le signe qu'il feit de sa main, chastia la couardise de ce soudard: & par cest admonestement tant aigre, osta la paour de toutes ses legions, & monstra ausdictes legions qui estoient presque vaincues, la maniere de vaincre leurs aduersaires.

¶ De Vibius Aceus, & Valere Flaccus, & du capitaine Pedanius.

Mais afin que ie perseuere à poursuyuir ce que j'ay commencé, apres auoir fait mention des prouesses de Iules Cesar, qui sembloient estre plus diuines que humaines, ores ie declareray vn acte d'humaine vertu. du temps que Hannibal auoit assiegé Capes, dans laquelle estoit la gendarmerie Rommaine, Vibius Aceus lieutenant de la cohorte Peligne, print son enseigne, & la iecta dedans la barriere des Charthaginois, maudissant & detestant soy & ses compagnons, si les ennemis en auoyent la ioyssance: parquoy à recouurer ladicte enseigne, se met le premier à escarmoucher l'ost de Hannibal, puis le suyurent les soudardz de la mentionnée cohorte, & effondrerent la closture dudit camp Carthaginois. Ce que voyant Valere Flaccus, capitaine de la tierce legion, se tournant vers ses soudardz, va dire: Nous sommes venuz, ainsi que ie voy, en ce lieu, pour regarder ceulx qui besongnent bien seulement, & ne faire rien de nous. Haa ia ne vueillent les dieux que ce reproche tombe sur ceulx de nostre contrée, & que les Pelignes, qui sont Latins, emportent l'honneur deuant les Rommains. Et quant à moy, ie mourray honnestement en ce conflit, ou ie viendray au dessus de mon entreprinse, & y deusse- ie aller tout seul. Ces choses oyés, Pedanius centenier met la main à l'estandart, qui estoit tiré de terre, ou il auoit esté planté, & dit: Ie ne cesseray iusques à ce que avec ceste enseigne ie soye entré dans le camp des aduersaires: pourtant suyuent ceulx qui voudront qu'elle ne soit prinse. Tant feit ledict centenier par sa prouesse, qu'il feit entrée en l'ost des Carthaginois: & tira avec soy toute la legion. Ainsi la cheualereuse audace de ces trois gendarmes fut cause que Hannibal, qui vn peu deuant esperoit auoir la ioyssance de Capes, ne ioyt mesme de son camp.

¶ De Quintus Cotius.

Quintus Cotius ne fut pas moins valeureux que les dessus mentionnez: qui pour sa prouesse fut surnommé Achilles. Certes ie seroye trop long, si ie vouloye narrer tous ses gestes: mais seulement feray recit de deux de ses actes: parquoy on pourra considerer combien il estoit bon gendarme. Du temps que Quintus Metellus estoit consul, ledict Coce fut fait lieutenant soubz ledict Metellus en la guerre d'Espagne: & comme quelque fois vn ieune Espagnol luy eust annoncé le combat homme à homme: combien que sa table fust dressée,

Vibius par sa hardiesse iecta son enseigne dans le camp de Hannibal: & par sa prouesse la recouura.

Valere Flaccus vaillant imitateur dudit Vibius.

Cestuy Coce vainquit deux Espagnolz qui luy auoyent demandé le combat.

Le tiers Liure

lée, & qu'on l'inuitast à dîner, n'en fait ce neantmoins compte. Si commanda qu'on luy apportast secretemēt ses armures, & qu'on amenast son cheual hors la barriere celément, afin que Metellus ne l'empeschast: ce qui fut fait. Si escarmoucha si fierement & vertueusement le dessus mentionné Espagnol, penadant & brauant par grand orgueil & insolence, que finablement le tua. Puis tout chargé de ses despouilles & riche butin, s'en reuint ioyeuſemēt & triumpamment au camp. Cestuy meſme conqueſta vn autre gentilhomme Espagnol nommé Pireſius, le pluſnoble & preux de toute la nation: qui l'auoit prouqué à combattre. Puis apres la victoire acquiſe, lediſt ieune gentilhomme de hault coeur n'eut honte, deuant les deux oitz, faire preſent de ſon eſpée & ſa cote d'armes audiſt Coce: & le pria d'eſtre ſon amy & familier pour l'aduenir, apres que la paix ſeroit traitée entre les Rommains & Espagnolz.

¶ D'Attilius.

Attilius retint
vne nauire, &
la fait couler
de ſa main gau-
che, aps ſa dex-
tre auoir eſté
coupée.

Je ne puis paſſer oultre ſans faire mention d'Attilius: lequel eſtant ſoudard en la dixieſme legion, tenant le party de Iules Ceſar, lors qu'il auoit guerre nauale deuant Marſeille. Cestuy Attilius auoit mis la main dextre ſus vne nauire des Marſiliens, laquelle luy fut coupée: puis ieſta la gauche ſur ladiſte nauire, & ne la laiſcha iamais iuſques à ce qu'elle fuſt coulée bas. Certes ie n'ay pas rememoré l'affaire ſi elegamment & largement, comme bien le meritoit.

¶ De Cynegire.

Grece, qui a eſté touſiours grande languarde & vantereſſe, à extoller ceulx de ſa nation, a fait que ceſtuy Cynegire (qui auoit vſe de ſemblable pertinacité comme Attilius, à pourſuyuir ſes ennemis) demourera celebré en la bouche des hommes pour iamais, par le recit qu'en ont fait ſes nobles eſcriuains.

¶ De Marc Sceua, & Sceuola.

La grāde prou-
eſſe de Marc
Sceuola.

Marc Sceua capitaine de gens de pié ſoubz Iules Ceſar, n'acquit gueres moins d'honneur ſur terre, qu'Attilius ſur mer. Comme ceſtuy euſt la commiſſion de par lediſt empereur de garder vn chasteau, & le lieutenant de Pompée fuſt enuoyé pour en diligence faire la prinſe dudiſt chasteau, avec gros nombre de ſoudardz: autant qu'il en approchoit, lediſt Sceua les mettoit à mort: & ſans faire retour à ladiſte place, lediſt Scena ſe mit à pié pour cōbatre: puis finablement blecé à mort, tomba ſus vn grand monceau d'ennemis, qu'il auoit en ce lieu meurdrez & occiz. Conſequemment fut trouué entre les mortz, ayant la teſte naurée, pluſieurs coups en l'eſpaulle, la cuiſſe blecée, vn oeil arraché, & ſa targe percée en ſix vingtz endroiſtz. Telz ſoudardz nourriſſoit Iules Ceſar en ſon camp: deſquelz l'un apres auoir perdu la main, ne craignit point à ſe mettre en la preſſe des ennemis: ny l'autre, apres auoir l'oeil poché. Le premier, c'eſt aſcauoir Attilius deſſus mentionné, apres l'accident de ſa main fut vainqueur: le dernier, dont maintenant nous parlions, apres ſon oeil perdu, ne fut pourtant vaincu, car le chasteau demoura ſauf. Comment pourrayie exprimer aſſez ſuffiſamment en mes eſcriptz ton inuincible courage, gentil Sceuola? qui tant acquis d'honneur par ta proueſſe en mer & en terre, ſi qu'on fut en doubte, à ſcauoir mon ſi tu eſtois plus à louer, pour les vaillantifeſ que tu feiſ entre les vndes, ou pour ta parole, quand tu prins terre, & lors que tu demandas pardon à Iules Ceſar, ſi tu auois mal fait ton deuoir: combien que

Louenge des
ſoudardz de Iu-
les Ceſar.

que tu n'eusses encouru reproche, ains honneur de pdurable renommée. certes ta parolle s'étoit sa vraye discipline militaire. Or en la guerre Gallique, en laquelle le ledict Iules ne fut assouuy d'auoir vaincu les Gaulles, & pacheué ses entreprises tout le long des riuages de l'Océa, mais voulut passer oultre & inuader l'isle de la grâde Bretagne. Cestuy Sceuola simple souldard avec iiii. de ses cōpagnōs, se mit dās vne barquette ou brigatin, pour faire descente à vn destroit de rochier, prochaī de ladicte isle, ou il y auoit grād nōbre d'Anglois q guettoyēt le passage. Apres que le flo fust retiré, & que la mer se cōmēça illec à distraire & que facilemēt on pouoit passer à gué, Sceuola s'efforça de faire descēte audist haure: parquoy icōtinēt samassa grâde flotte d'Anglois taschās à le repouls: ce que voyāt ses cōpagnōs, se retirērēt en mer avec ledict brigatin, & Sceuola demoura seul à garder la place. Et cōbiē qu'on iectast de to⁹ costez sus luy avec toute diligēce, fieremēt & aigremēt force dardz, ce neantmoins tint bō, & ne cessa tāt qu'il se fust deffaiēt de cinq dardz enuiron de cinq piedz, lesquels il lâça cōtre ses ennemys, qui eussent peu suffire à cinq souldardz pour guerroyer vn iour entier. Finablemēt Sceuola tira son espée, repoulsant les plus hardiz de la poīcte de sadicte espée, l'autre fois de son bouclier: dōt s'esbahissoyēt grâdemēt d'un costé les Anglois, & d'autre les Rommains. apres ces choses, honte & fureur cōstraignirēt les Anglois lassez & enuiez de iouer à tout, si que finablemēt Sceuola eust la cuisse percée d'une fleche, le visage gasté d'une grosse pierre: d'auātage sō armet estoit tout debiffé de coups, & son pauois deseparé & plein de trouz, pquoy luy conuint se iecter en la mer, & chargé de doubles armures de corps se sauua à nager entre les vndes, q l'auoit teītes & rougies du sâg de ses enemys. Puis se iectāt deuāt ledict Iules, ses armes nō pdues, ains biē éployées contre ses aduersaires, luy requit pdō au lieu de guerdō & loyer, d'auoir si biē fait sō entreprise. Cestuy fut fort estimé pour sa prouesse, écore pl⁹ de sa discipline militaire, qu'en voyāt sō capitaine luy cria mercy, de ce q l'n'auoit rapporté ses armes. Ce cōsiderāt Iules price de bō iugemēt, de simple souldard le fait centenier.

La prouesse
du souldard
Sceuola cōtre
les Anglois.

La reuerēce &
humilité en-
uers Cēsar, de
Sceuola.

¶ De Lucius Sicinius le dentu.

S'il est questiō faire mentiō de gendarmes qui ayēt esté preuz, no⁹ trouuerōs que Sicinius le Dētu surpassa to⁹ autres, & q nul rōmai ne se doit paragoner à luy. Certes à tard pourroit on croire qu'il eust tāt fait d'armes, & emporté tāt de prix de ses victoires, si hystorīes dignes de foy n'en eussent testifié certainemēt en leurs annales: du nōbre desquelz est Marc Varro. Lesdictz autheurs recitēt q ce Sicinius eut cōbat mai a mai, p fix vingtz iours cōtre ses ennemis, & emporta l'honneur. & disent qu'il se monstroīt si puissant & courageux, que souuent deliuroit des mains de ses aduersaires, les citoyēs Rōmains, captifz, q entre toutes ses victoires luy tournoit pl⁹ à grād honneur. p xxxvi. fois raporta les despouilles des ennemis q l'auoyēt puoqué au cōbat, & entre ce nōbre viii. fois cōbatit hōme à hōme, presens deux exercites, & eut victoire de ceulx qui l'auoyēt deffié. Il deliura quatorze Rommains de captiuité prestz à occir. il receut quarante cinq playes en la poitrine, derriere le dos nulle. Par neuf fois il accompagna les cheffz Rōmains qui estoient menez en triumphe pour les victoires par son aide acquises, tellemēt que les citoyēs de Rōme, auoyēt plus l'oeil sur luy par admiratiō de ses prouesses que sus le triūphateur, grād nōbre de suyuan s portoyent apres luy les prix qu'il auoit meritē: deuant luy on

Recit des
faits & prou-
esses de L. Sic-
cinus.

portoit huit courones d'or, quatorze chapeaux de triumphe qu'on nommoit Ciniques, qui se faisoient de rameaux de chesne: trois couronnes murales, qui estoient d'or, vne obsidionale, qui estoit d'herbe, six vingtz & trois cheines d'or, huit vingtz acoustremens d'or qui estoient pour couvrir & orner le hault de ses bras: dixhuit dardz, xxv. acoustremens de cheualx to⁹ cōpletz, cōme bardes, caparçons, plumaz, & autres equipages: finalement deuant luy on portoit par triumphe ornemēs assez pour fournir non seulement vn souldard, mais vne legion.

¶ De T. Iubelius Campagnois.

Le sang de plusieurs corps, qui fut respādu à la ville de Cales, & se mesla ensemble, dōna grande admiratiō pour le hault cœur de celuy qui perpetra cest acte. Or est ainsi (pour biē entendre le cas) que Fuluius Flaccus cōsul, apresque les habitans de Capes en Italie, se furent reuoltez, & tournezz du costé de Hannibal cōtre les Rōmains, fait prédre les p̄cipaulx, & les plus grosses testes de Capes, & cōmanda qu'on les trāsportast aux prisons de ladicte ville de Capes: en laquelle quelque tēps apres se transmit ledict cōsul & condēna lesdictz seigneurs à auoir les testes coupées comme trahistres, en sorte qu'il y en eut tout plein d'executez: mais le senat esmeu de pitié, māda par lettres audiēt Fuluius Flaccus, voulant de tous faire iustice, qu'il cessast. Sus les entrefaites vn des prisonniers nomē T. Iubelius Taurea volontairement se presenta audiēt cōsul, pour souffrir la mort cōme les autres, nonobstant le rescript des senateurs: luy disant haultement & cleremēt: Seigneur Fului, puisque tu as si grande soif d'espandre nostre sang, pourquoy diffères tu à me faire mourir comme les autres: afin que tu te puisses vanter que tu ayes fait mettre à mort vn p̄sonnage plus preux & vertueux que tu n'es? Lors respondi ledict Fuluius: certes ie le feroye si le senat n'eust empesché mon vouloir. Adonc repliqua Iubeli⁹: Quāt à moy à qui les seigneurs de parlement n'ont fait aucun commandement, ie feray deuant toy vn acte, qui te sera agreable à veoir, mais trop plus excellent, & de grande magnanimité que le tien. Adonc tout soudain ledict Iubelius en la

L'horrible &
& cruel mur-
dre de Iubeli⁹

présence du cōsul, tua sa femme & ses enfans, qui estoient prisonniers cōme luy, print vne espée & s'occit ensēble. O quel p̄sonnage, s'ainsi eust esté magnanime à garder fidelité aux Rommains, cōme à perpetrer le murdre de luy & des siens: certes iamais Capes ne se fust reuoltée. Cestuy ayma mieulx que le cōsul Fuluius eust reproche de cruauté par le tesmoignage de son sang & de celuy de sa famille, que d'vser de la misericorde, & grace du plemēt Rōmain.

¶ Exemple des estrangers.

¶ De Gobrias.

Aucuns ont es-
script, Darius.

Disons cōbiē Gobrias fut de hault cœur, qui pour deliurer les Persans de la sale & cruelle tyrānie des magiciēs de Perse, q se disoyēt les sages dudit pays, lesquelz auoyēt substitué vn d'eulx au royaume, au lieu de Smerdis enfāt royal, qui auoit esté tué secretemēt par vn nōme Prexaspes. Or cestuy magiciē, q estoit estably roy p les autres magiciēs, ressembloit Smerdis en forme, haulteur & ieunesse: & ainsi s'appelloit, pour mieulx dōner à cōgnoistre aux Persans que c'estoit le filz ainsné de Cyrus. Cōgnoissant ceste finesse le dessus mentionné Gobrias, avec vn sien cōpagnō, s'en alla au logis dudit magiciē q s'estoit fait roy, en vn lieu obscur ou ledict magiciē estoit pour lors, entrerēt, puis Gobrias le saisit au corps, & l'abatit soubz luy le tenant par la pesanteur de son corps en subiectiō. Le compagnon dudit Gobrias auoit desgainé son espée pour

l'occir: mais à raison qu'on n'y veoit goutte, faisoit difficulté de frapper, de crainte qu'il ne naurait Gobrias. Cecy aperceuant Gobrias dict à son cōpagnō: Cher amy, ne prés pas garde à moy, & ne crains point à faire entrer tō espée, & n'espargne mon corps, moyénāt que tu faces mourir ce trahistre vsurpateur & meschant tyrant.

¶ De Leonidas.

Gobrias ne
doubtoit mou-
rir, afin q son
emy fast
enn
tué.

En cest endroit se presente à nous Leonidas Lacedemonien, duquel onc hō-
me ne surmonta la prouesse, fust en propos, en acte, ou aduétude. Or cōme ice-
luy se fust opposé au destroiēt des monteignes de Thermopile, avec seulemēt
trois cēs citoyēs, cōtre toute la puissance d'Asie, c'estasçauoir cōtre le roy Xer-
xes, qui pour lors auoit dix cens mille hōmes en son exercite, pour faire entrée
en Grece. Dauātage Leonidas pour la perseuerāce de son haultain courage mit
en desespoir extreme lediēt Xerxes, qui tenoit la terre & la mer en destresse &
subiectiō, & qui ne dōnoit seulemēt terreur aux humains, ains menaçoit d'en-
fermer ainsi qu'un prisonnier le dieu Neptune, & mettre en obscurité le ciel:
mais finablemēt lediēt Leonidas par la trahison & meschāseté des habitās des-
dictes monteignes, priué & despouillé de l'opportunité du lieu, d'ou il estoit
grādement aidé, ayma mieulx en bataillāt vertueusemēt & cheualereusement
mourir, qu'abādonner la place. Pourtāt admōnesta il d'un cœur alaigne & de-
libéré ses soudartz à ce conflict, ou ilz deuoyent mourir, de tenir bon iusques
à la fin, disant: Mes cōpagnōs disnez icy, ainsi que si vo⁹ vouliez aller souper
aux enfers. or la mort leur estoit signifiée, mais ne laisserēt à obeyr sans crainte
aucune à leur ducteur & capitaine, comme si la victorie leur eust esté promise.

Xerxes tenoit
la mer prison-
niere: pource
qu'il la faisoit
route courir
& clorre de
nauires: mes-
mes obscurcis-
soit le ciel,
pour la multi-
tude de dardz
iectez en l'air.

Note le, dist
de Leonidas à
ses soudartz.

¶ D'Othryades.

Le territoire des Thyreates a esté plus renommé & en bruit pour la iournée
qui y fut faicte entre les Atheniēs & Lacedemoniens, que pour la spatiosité &
grādeur du lieu. Pareillemēt est encore célébré, pour ce qu'Othryades capitai-
nes des Lacedemoniēs y mourut en honneur. Et pour faire le conte entier, dif-
ferent se meut entre les Atheniens & Lacedemoniens, pour la terre desdiēt
Thyreates, à q en seroit possesseur, fut aduisé entre les deux parties qu'il seroit
bon de cōmettre toute la fortune & aduétude de guerre à trois cens soudartz,
si que les vainqueurs seroyent iouyssans du lieu. Ce qui fut faict. les Atheniens
eslirent pour leur capitaine, Therfander: & les Lacedemoniēs, Othryades. Tāt
fut guerroyé & de si aspre courage entre les deux cōpagnies, que tous tuerent
l'un l'autre, & ne demoura en vie que le capitaine Othryades: lequel se voyant
seul ne voulut retourner à Lacedemonie, ains se tua pour tenir cōpagnie à ses
soudartz: mais auāt que mourir: pour dōner à cōgnoistre q l'estoit demouré
vainqueur, erigea en ce lieu un trophée en quelque endroit éminēt, & pēdit les
armes des vaincuz, & leurs desponilles à la mode aciēne. Puis escriuit du sang
de ses playes sur sō bouclier la victorie par luy acquise. Apres ce cōflict, les A-
theniēs & Lacedemoniens vindrent au cāp pour ensepulturer leurs mortz: &
veit on par l'enseigne dudiēt trophée, que les Lacedemoniens estoient vain-
queurs, parquoy leur fut adiugée par les Atheniens la terre Thereate.

La fin du dif-
ferent d'entrē
deux nations.

¶ D'Epaminondas.

Après auoir faict mention des Lacedemoniēs, qui pour leur prouesse & ver-
tu estoient venuz à hault estat, & grāde accroissance de gloire, maintenāt par-
leray de leur dechet & ruine. Epaminondas, leur & felicité des Thebanois, qui

Le tiers Liure

Leuſtra cité
de Boetie.
Mátineá ville
d'Archadie.

Le beau diſt
d'Epaminon-
das en ſa mort

Sparte ville
metropolitai-
ne de Lacede-
mone.

pareillemét fut l'occafíó du premier declin & deſtruction des Lacedemoniés: apres auoir mis à neát l'anciéne gloire & vertu, pour lors inuincible, de la ville de Lacedemone, par aduéture de guerre proſpere, pres de Leuſtra cité de Boetie & Mátineá ville d'Arcadie, ceſtuy capitaine eſtát nauré d'un dard, preſque defaillant d'eſprit & de ſang, demáda à ceulx qui le penſoyent, ſi ſon bouclier eſtoit ſauf, & ſi les aduerſaires eſtoyét totalement deſcófiz: puis quád il congneuſt que tout eſtoit côme il deſiroit, côméça à dire: Mes cópagnós, ne vous eſbahiffez, ce n'eſt pas icy la fin de mes iours, mais le cômécement, meilleur & plus de durée que ne fut iamais. Maintenát côméce à naiſtre voſtre Epaminódas, en mourát ſi glorieuſement & honneſtemét. Par ma conduíte & ayde ie voy Thebes eſtre chef de Grece, & la ville de Sparte uiſſante & cheualereuſe, eſtre maintenát húbile & deprimée, par l'effect de noz armes Grece eſt deliure de facheuſe ſeruitude. Je meurs veuf & orphelin, mais non ſans enfans: car ie laiſſe apres ma mort deux belles filles d'ecelléce, ceſtaſcauoir Leuſtra & Mátinée, villes de bruit, & grand los. Ces motz finiz, lediſt Epaminódas fait tirer le dard de ſó corps, puis rédit l'eſprit. certes ſi les dieux euſſent ſouffert qu'il euſt eu le plaifir de ſes victoires, en ſa vie n'eufſt peu receuoir tant d'hóneur, comme il feít en ſa mort.

¶ De Theramenes, & Theogenes.

La vertueuſe
mort de The-
ramenes.

Theramenes d'Athenes diſciple d'Iſocrates qui fut cóſtreint de mourir aux priſons publiques, ne fut pas de petite cóſtáce de cœur. Ceſtuy eſtát en la chartre beut hardimét ſans faire difficulté vne potion de venin, q luy fut pſentée p le cômádemét des trente tyrás qui pour lors habitoyét en Athenes: & ce qu'il demoura dudiſt bruuage, lediſt Theramenes ſe gaudiſſant le iecta cótre terre, & luy feít faire vn ſon cler: puis rédit le vaiſſeau au ſeruiteur ou executeur qui luy auoit preſenté, diſant: ie boy à Critias: ne fais faulte à luy porter ſoudaí ce vaiſſeau. or lediſt Critias, eſtoit entre leſdiſtz tyrás le pluſ cruel, par le iugemét duquel auoit eſté códéné Theramenes: & lediſt Theramenes iugeoit en ſon eſprit que lediſt tyrant ne viuroit gueres apres luy, ce qui aduint, car il fut occy. veritablemét ſouffrir vn ſupplice tát cóſtámét c'eſt ſe deliurer de peine. Donc Theramenes mourát, ainſi côme ſ'il euſt eſté en ſon propre liſt, rendit l'eſprit: ſes ennemys pſoyent que ſa mort luy eſtoit grád' peine, mais au cótraire il iugeoit que la mort luy eſtoit fin de ſes trauaulx: car on luy auoit impoſé faulſemét le crime dont il fut puny: mais par ſa philoſophie, & eſtude de bonnes lettres, auoit appris à endurer toutes choſes difficiles cóſtámét & vertueuſemét, meſmes auſſi la mort. La force & trop grád courage qui fut à Theogenes Numantin, & qui fut cauſe de mettre à mort meſmes ſes gés, le cauſa de faire côme auoit faiſt Theramenes. Apres que les Numátins furent affamez par le dernier Africá, Theogenes, le pluſ noble, le pluſ riche, & le pluſ grand ſeigneur de Numáce, feít mettre le feu à vne fort belle rue qui eſtoit à luy, & au mylieu auoit mis vne eſpée deſgainée: & cômáda aux citoyens ſe cóbatre deux à deux, & que le vaincu auroit la teſte coupée, & ſon corps ietté ſur les maiſons enflámées. Or apres que p ceſte dure ordonnáce euſt la fin de tous les bourgeois de Numáce luy meſme en la fin ſe bruſla.

La dure ordó
náce de Theo-
genes.

¶ De la femme d'Asdrubal.

Afin que ie touche en paſſant de la deſtruction de Carthage, tant ennemie du peuple Romain, apres la prinſe d'icelle, la femme d'Asdrubal impropera audiſt Asdrubal ſon inhumanité, pource qu'en ſe rendant à Scipion l'Afri-

can dernier, n'eust seulement soucy que de sauuer sa vie, sans auoir esgard à sa dicte femme, & à ses enfans: parquoy ladicte femme courroucée, & destituée de tout espoir, menât lesdictz enfans rudemēt à gauche & à dextre, assez contents de mourir, se va iecter au coupeau de la tour, & se precipita avec eulx dās le feu.

¶ De deux pucelles Syracusanes.

Je ioindray à l'exēple de la femme d'Aldrubal, vn cas de deux pucelles, qui fera trouuē d'aussi grande force, & hault courage. Lors que la cōspiration regnoit en Syracuse, toute la lignée de Gelo roy des Syracusans fut esteinte, au reste d'une sienne fille nommée Harmonie: laquelle cōme les conspirateurs la cherchoyēt pour l'occir, sa nourrice va accoustre d'ornemēs royaulx vne ieune fille toute semblable à elle, & la presenta ausdictz ennemys: laquelle ieune fille craignāt qu'elle ne fust cōstreinte, quād on l'occiroit, de declarer & manifester de quelles gēs elle estoit: d'un cœur magnanime de loing cōmēça à crier tout hault qu'elle estoit fille du roy pour sauuer l'autre. Harmonie s'esmerueillant du hault cœur de ceste ieune fille, & de sa grāde fidelité, ne voulut plus viure: feit reuenir les meurdriers, se descourrit, & annonça qu'elle estoit propre fille du roy Gelo: parquoy l'occirent. ainsi la menterie fut causē de faire finer les iours de l'une: & verité manifeste fut causē de la mort de l'autre.

¶ DE PATIENCE. CHAP. III.



Vous auez veu au precedent chapitre de la vertu de force, qui consiste es excellēs actes, tāt des hōmes que des femmes: maintenāt voirrez de patiēce, qui n'a pas moindre fondemēt ny le cœur moins noble: & est tellemēt iointe & alliée à force & prouesse, & luy ressemblable en sorte, qu'on pourroit dire que ce seroit sa sœur, on sa fille.

La conueniēce de patience avec force & prouesse.

¶ De Mutius Scevola.

Qu'est il plus cōforme & conuenable aux choses dessus mētiōnées, que l'acte que feit ledict Scevola? Cōme cestuy estoit grādemēt malcōtent, de ce que Porsena roy des Hetrusques ou Toscons molestoit nostre ville de Rōme par grieve & lōgue guerre, trouua le moyen de ceindre son espée, & se trāsporter iusques au cāp dudit Porsena secretement, & s'efforça de l'occir cōme il sacrifioit aux dieux: mais fut prins, pēsant mettre à chief son entreprinse haulte, & conducible au pays, & ne cela l'occasiō pourquoy il estoit venu, & mōstra p sa merueilleuse tollerāce, qu'il se soucioit biē peu des tourmēs qu'on luy eust peu faire. Je croy quil estoit fasché que sa main ne luy auoit sceu seruir à occir le roy Porsene: pour ceste causē la laissit il brusler au feu. Certes les dieux immortelz ne regarderēt onc plusattentiuement sacrifice fait sur leurs autelz, cōme ilz cōtéplerent ledict Scevola souffrāt sa main ardre sur lesdictz autelz. De cela aduint que Porsena oublia le peril de mort ou il auoit esté, & fut cōstrait de tourner le desir de vègeance, en admiratiō, disant: Scevola, retourne avec ceulx de ton pays, & leur dis que iaçoit ce que m'ayes voulu tuer, ce neātmoins ie t'ay sauué la vie. Or ledict Mutius n'en fut pourtant plus obsequieux ny asserui pour la grace que luy auoit fait Porsena: mais luy dit franchemēt: Je ne suis pas seul qui auoit conspiré ta mort: il y a encore trois cens ieunes Rōmains qui t'ont la mort iurée. Il sembloit que ledict Mutius fut plus marry de ce qu'il n'auoit fait mourir Porsena, qu'il n'estoit ioyeux d'estre eschappé sauf des mains d'iceluy roy. Lors qu'il retourna en Rōme, ayant acquis le nom de

La constante patiēce de Mutius Scevola.

D'ou print cestuy le nom de Scevola.

Le tiers Liure

Scevola, qui signifie sans patilme: laquelle chose luy fut à perpetuel honneur.

¶ De la patience de Pompée.

Pompée brus-
la son doigt à
vne lampe.

La patience de Pompée est louable, lequel estant par les Romains en-
uoyé en ambassade en Asie, fut prins par Genthius roy des Esclauons, qui le
sollicita & comáda de luy descourir le cõseil du senat. Ce que voyant ledict
Pópée, mit son doigt sur vne lápe ardente pour brusler: & par ceste tolleráce
dóna à cõgnoistre audict roy Genthius que par tourmens ne peine aucune ne
pourroit rien sçauoir du secret des Rómaines. Cela aussi luy engendra grád de-
sir d'auoir amitié & alliance au peuple Rommain. Or afin que ie ne soye con-
strainct de proceder à detester la memoire des batailles ciuiles, en cherchát ex-
emples de ceste sorte de ceulx de nostre nation, le me contenteray de ces deux
icy, lesquelles cõprennent en soy grád honneur & louenge de deux nobles fa-
milles, c'estasçauoir de Pópée & Scevola, sans apporter aucú dueil & tristesse
à la republique. à ces deux exéples, i' alieray icy dessoubz les exemples des na-
tions estranges.

¶ Exemple des estrangers.

Suyuant l'ancienne mode de Macedoine, toutes les fois que le roy Alexádre
faisoit sacrifice aux dieux, pres de luy asistoyét, certains ieunes enfans des plus
nobles de sa court. Entre lesquelz quelque fois cõme vn auoit prins l'écésoir,
vn charbon luy volla sur le bras, & le brusloit en sorte que ceulx qui estoient
presés en sctoyét l'odeur: toutesfois n'en fait semblát, & n'en sonna mot, & ne
remua le bras, afin qu'en secouant ledict encésoir, n'empeschast le sacrifice &
ne troublast de son cry le roy. Adóc Alexádre prenant plaisir à la patience de
ce ieune enfant, voulut l'experiméter encore d'auátage, & prolongea le sacrifi-
ce pl⁹ qu'il n'auoit accoustumé: mais ne sceut pourtát destourner ledict enfant
de son propos. Si Darius eust veu ceste merueille, il eust bié estimé que les soul-
dartz de ceste natió n'estoyét aisez à vaincre, quád il entreprint la guerre cõ-
tre les Macedoniés, veu qu'aux ieunes enfans de ce pays on y trouuoit si gráde
vertu, & si constant courage. La science de philosophie pareillement est bien
pour rendre les cœurs des hõmes constans & endurans: laquelle quand est re-
ceue dás le courage des humains, apres auoir mis hors les vices, & expulsé les
passions inutiles & deshõnestes, elle cõferme & fortifie entieremét des muni-
tions de vertu la personne, & se móstre pluspuissante que crainte & douleur.

¶ De Zeno d'Elée.

Agrigent, vil-
le de Sicile.

Ie comenceray au philosophe Zeno natif de la ville d'Elée, lequel estoit fort
prudét à contépler les choses naturelles: & tresprópt à induire à vertu les ieunes
enfás. Cestuy fut precepteur tresbó & tresuertueux, & ne disoit rié qu'il ne
feist. Il se partit de son pays, ou il pouoit vser de seure liberté, & se trásporta à
Agrigét ville de Sicile pleine de miserable seruitude, se cõfiát par la viuacité de
son esprit, & aussi p sa belle maniere de viure qu'il pourroit aneátir la cruauté
du tyrát Phalaris, qui pour lors dominoit en ladicte ville. Or quád il eust con-
gneu, que ledict tyrát se gouernoit plus par appetit sensuel, que par cõseil &
raison, il enfláma les plusnobles adolefcés de la cité, à desirer la recouráce de
la liberté du pays. Mais quád la chose paruint aux ouyes dudit tyrant, fait cõ-
uoquer le peuple en la court, & comáda qu'on affligeast ledict philosophe en
toutes sortes de tourmés: puis l'interroqua q estoýét ses cõplices en ceste cõspi-
ratió, mais nen voulut nómer aucú: p quoy rédit vn chascú mesmes les pchais

& fideles dudi& tyrant suspectz. Et en increpant les Agrigétins de crainte & lascheté, feit tât qu'iceulx se mutinerét, & lapiderét ledi& Phalaris. La voix, nō point suppliante, ny la plainte, non point pitoyable de ce seul vieillard, ains le fort admonnestement d'iceluy mua le courage & la fortune de toute la ville.

Phalaristyrāt
fut occy par
l'astuce de Ze
no philoso-
phe.

¶ De l'autre Zeno.

Comme vn philosophe pareillement nommé Zeno, estoit par le commandement du tyrāt Nearchus mis aux tortures, pour le punir, & ensemble pour sçauoir ceulx qui avec luy auoyét prins conseil de faire mourir ledi& tyrant, on n'en sceut tirer vn seul mot: mais entre les tourmens demoura vainqueur: conuoiteux toutesfois de se venger, dit qu'il vouloit parler en secret audi& tyrant. Lors on le deuala de la gehéne: puis quād il veist son bon point de iouer finesse à Nearchus, s'approcha de luy faignāt vouloir parler, luy print auxdétz l'oreille, & ne lascha iamais la prise, iusques à ce qu'il fust mort, & qu'il eust araché l'oreille audi& tyrant.

¶ Du philosophe Anaxarcque.

Anaxarcque fut imitateur de la patiēce des dessuz nommez. Cōme cestuy estoit en prison, & mis aux tortures par le commandement de Nicocreon tyrāt des Cypriés: & quelque tourmēt qu'on luy feist, on ne le peust engarder qu'il n'iniuriaist, & diffamaist ledi& tyrāt: si que tant plus estoit affligé, tant plus parloit mal de Nicocreon: & ainsi tourmentoyent ilz l'un l'autre: l'un de parolles, & l'autre d'afflictions: en sorte que finablement Nicocreon le menaça de luy faire couper la lāgue: ce que congnoissant Anaxarcque va dire audi& roy tyrāt, iuueceau effeminé, ceste portio de mon corps, que tu dis que tu me feras oster, ne viēdra point en ta puissance. Adōc soudain coupa sa lāgue aux dentz, & la maschāt, par grād despit luy ietta cōtre la face. Or ceste lāgue auoit par admiratiō estōné les oreilles de maintz personnages, & principalemēt celles du roy Alexādre, pource que tresprudentemēt, & d'un beau parler à merueilles auoit expliqué de la situatiō de la terre, cōme les mers enuironent icelle, du mouuement & cours des astres, & finablement de la nature du ciel entieremēt. Toutesfois icelle fina plusglorieusement quasi, & plus en honneur, qu'elle n'auoit esté lors qu'elle estoit en vigueur & vertu: car par sa fin tant forte & cōstante, approuua l'acte tāt noble de la professiō, & sciēce de philosophie d'Anaxarcque, & delaiissa non seulemēt la vie dudi& philosophe, ains rendit sa mort plus celebrée & en bruit.

Cestuy coupa
sa propre lan-
gue de ses dents
& la cracha au
visage du ty-
rāt Nicocreon.

¶ De Theodore.

Vn tyrant de Syracuse nommé Hierome, en vain trauailla de faire tourmenter & martyriser Theodore personnage tresconstant. Cestuy eut la victoire contre les bourreaux, rōpit & vīa les fouetz & courgées, les cordes, & autres instrumens qui furēt preparez pour l'affliger: pareillement esteignit les lames ardentes dont on le tourmentoit, auant qu'il confessast les cōplices & adherés, qui avec luy auoyent machiné la mort dudi& Hierome. Cestuy Theodore iamais n'accusa ses cōpagnons: mais au contraire faignant estre trauaillé & lassé desdi& tourmens, dit audi& tyrant, qu'un des siens seruiteurs & satellites, auquel plus il se fioit, & qui l'entretenoit paisiblement en toutes ses tyrannies & meschansetez, auoit conspiré cōtre luy: parquoy ledi& tyrāt feit occir son seruiteur que plus il aymoist nommé Thrafo. Ainsi Theodore par sa grāde patiē-

Le tiers Liure

ce & cōstance, cēla l'entreprinse de ses cōpagnons, qui estoit secrete : & eut la vengeance de ses tourmens. Et le tyrant Hierome en faisant battre, déchirer, & tourmēter son ennemy Theodore, perdit follement son amy, c'est asçauoir son seruiteur Thraso.

Aquoy s'exer
çoient les phi
losophes des
Indes.

En Inde y auoit certains philosophes, qui tellement s'exerçoient à patience, que tout le lemps de leur vie alloient nudz. Vne fois se transportoyent au mōt Caucas, ou regnoit le plusgrād froit du mōde pour endurcir leurs corps. à l'autre fois se iectoyēt dās les flāmes, sans faire plainte ne cry: ainsi par le mespris qu'ilz faisoient de leurs douleurs acqueroyēt, nō petite louēge : & pource estoient ilz nommez philosophes, qu'on disoit autremēt ginnosophistes. Ces choses icy procedoyent de personnages de hault coeur, & gens sçauans.

De quelque seruiteur.

L'autorité &
ppriété de la
vertu de patie
ce.

Notable.

L'acte d'un certain seruiteur, dequoy nous parlerons icy, ne fut pas moins admirable. Vn seruiteur estrangier, estant mal content qu'Asdrubal auoit occy son maistre: vint assaillir ledict Asdrubal, & le tua. Puis quād fut prins, estat puny & tourmētē de toutes sortes de tourmens, pour l'aistē d'auoir eu la vengeance, constamment iusques à la fin rioit & monstroit chere ioyeuse. donc il est bō à entēdre que vertu ne se fasche, de quelques sortes de gēs qui se presentent à elle, moyēnāt qu'ilz soyēt de coeur feruēt & vif: car elle n'a cure de personnages lasches & mourmes. quicōque veult puiser à sa fontaine il y puisse: elle n'a point esgard aux personnes, si elles sont pures ou riches, ou si ce sont nobles ou paisans : elle n'est chiche, ne prodigue, donnant aux vns largement, & aux autres peu, mais egalemēt à to⁹ est exposée. Elle estime plus tō desir & soif qu'elle ne prend garde à ta dignité, noblesse, ou hault estat: elle souffre que tu emportes de ses biens tāt que tu en pourras emporter, en sorte que autāt que ton coeur en peult sōstenir, autant avec toy tu en emportes. Dont il aduient que souuent ceulx qui sont nez d'humble lieu, sont esleuez à hault degré : & au contraire, ceulx qui sont extraictz de nobles maisous, tombez en quelque acte de vilenie, changent & conuertissent la clairté qu'ilz ont prins de leurs ancestres, en tenebres & obscurité. Lesquelles choses seront en leur endroit declarées plusclerement. Et premierement ie feray exorde de ceulx qui sont venuz de bas estat en haulte dignité, qui est matiere plaissante à relater.

DE CEVLX QUI SONT EXTRAICTZ DE petit lieu, & sont paruenuz en grand bonheur.

CHAPITRE IIII.

De Tulle Hostile roy des Rommains.



Vlle Hostille en son enfance fut nourry en vne borde champestre, & loge pastorale. Cestuy occupa son adolescence à pasturer les bestiaux: puis quand fut en aage viril, gouerna l'empire Romain, & l'augmenta de la moitié. En sa vieillesse, il resplendit en excellence haultesse de maiesté, pource qu'il appliqua son entendement au cultiuement des dieux: toutesfois iacoit ce que Tullus soit de grande & admirable accroissance: si est ce vn exemple du pays.

¶ De Tarquin l'ancien.

Fortune se monstra tât fauorable à Tarquin l'Ancien que d'un poure estranger qu'il estoit, deiecté de la ville de Corinthe, d'ou il estoit natif, le feit roy des Rommains. lequel estoit à conténer pour ce qu'il fut engendré d'un marchand. & dauátage la chose deuoit estre hôteuse aux Rómain, pour que cestuy estoit yssu d'un nommé Demaratus, qui auoit esté bány: mais l'ysue de son estat fut si prospere, qu'elle rendit lediét Tarquin vigilant pour la republique, au lieu d'estre malueillant: & plein d'honneur & gloire, au lieu d'estre hay. Il dilata le royaume Romain, augmenta la religion & cultiement des dieux, en y adioustant nouueaux sacrificateurs. Il multiplia le nóbres des sénateurs, & delaisa la cheualerie Rómaine plus ample qu'elle n'auoit acoustumé d'estre au parauát. Et pour la consommation & acomplissement de ses louenges, feit tant par ses belles vertus, que nostre cité ne se repentit point d'auoir emprunté un roy voisin, au lieu d'auoir esleu un des siens citoyens au gouuernement du royaume.

Cestuy estranger fut fait roy des Rommains.

¶ De Tullius Seruius roy des Rommains.

Fortune monstra bien sa puissance enuers Tullius Seruius, quand de simple seruiteur natif de Romme, le feit roy des Rommains. Cestuy regna quarante quatre ans, (Les censeurs auoyent authorité de recueillir les deniers du tribut Romain, qui se payoit de cinq ans en cinq ans, lequel terme se nommoit Lustrum, pareillemét faisoient mōder la ville de cinq ans en cinq ans) lediét Seruius aussi triompha trois fois. Propos final, le tiltre de sa statue erigée en Romme, ou estoit escript la statue de Tullius Seruius roy des Rómain, porte assez de tesmoignage d'ou il vint, & à quel honneur il paruint, pource qu'il portoit le surnom de serf, avec l'appellation de roy.

Le tiltre de la statue de T. Seruius.

¶ De Varro.

Varro feit un merueilleux fault, qui de la boutique & ouuroir de son pere qui estoit vendeur de viandes, faillit à la dignité de consul. Il sembla à fortune estre peu de chose de presenter le susdiét hōneur à ce poure rotisseur, souillé & maculé, d'acoustrer lesdictes viandes, soubz espoir de gagner en vne si vile marchandise, si elle n'eust encore fait compagnon dudiét Varro, Paul Emille tant noble & vertueux personnage. Or cestuy Varro s'estoit mis si auant au gyron de ladiète deesse Fortune, qu'apres qu'il eust merueilleusement debilité les puissances Romaines par sa faulte en la Iournée de Cannes, & qu'il eust souffert & enduré occir en ce conflit lediét Paul Emille, qui n'estoit d'opiniō qu'on hazardast ainsy l'ost Romain: ladiète deesse feit tant qu'elle ramena en Romme le dessus métiōné Varro sain & entier: mesmes feit partir de Romme le sénat pour venir au deuant de luy, & le remercier qu'il luy auoit pleu retourner. Finablement forgea & inuenta, que cestuy Varro autheur & cause de ceste tant grieue & pernitieuse deffaite, fust esleu dictateur.

Varro rotisseur fut fait consul: puis apresdictateur.

¶ De Marc Perpenna.

Ce ne fut pas petite honte aux Rommains de faire Marc Perpenna Grec, cōsul ains qu'il fust citoyen Rómain. Certes cestuy fut plusieurs en guerre, & pluscommode que n'auoit esté le capitaine Varro. Il print prisonnier le roy

Le tiers Liure

Aristonique, & punit le meurtre de Crassus: mais comme il triumphoit dudit Aristonique, ce pendant on faisoit son procès, & iuxte la loy Papie, fut condamné à mourir, pour ce qu'il fut trouué ennemy du pays. Le pere dudit Perpenna auoit usurpé les franchises & libertez des citoyens Romains: mais par l'arrest de Sabellus tribun du peuple, fut despoillé desdictes franchises dont il iouissoit, & renuoyé en son pays de Grece. Quant est du filz, le commencement en fut fort prospere, & bien disposé de venir en grande felicité, & veit on vn preparatif en luy de grande magnificence: ainsi cōme quand peintres disposent vne image pour estoper, font leur premiere couche de quelque couleur, esperant apres cela enrichir leurdictē image de diuersité d'autres plusnobles & excellentes couleurs. En ce poinct fut de Perpenna, la disposition en estoit de grand espoir: mais son consulat ne fut naif, ains fardé & deceptif. Et son regne semblable à brouillas, qui à la clarté & eleuation du soleil soudain s'aneantit, son triumphe fut caduc, & de petite durée, si qu'à la malheure ledict Perpenna vint comme estrangier en Romme, ville à luy estrangiere.

¶ De Marc Porcius Caton.

L'eur de Caton.

Toute la nation Romaine deuoit bien souhaiter que Marc Porcie Caton fust hault monté en honneur. Le nom duquel, en Tusculum ville d'Italie, ne fut pas gueres renommé, mais en Romme grandement celebré & honoré. Il ne fut gentilhomme de race, ains de vertuz, & admirables graces. Il decora grandemēt les lettres Latines, car il composa vn liure d'hystoires ou estoient comprises les genealogies des familles Romaines. Il aida la discipline de cheualerie: par luy fut accreue la maiesté du senat, & la famille & race dont est issu le dernier Caton grand personnage, dict Vticense, augmentée & esleuée.

¶ Exemple des estrangiers.

De Socrates.

Les parens de Socrates.

Socrates inuenteur de philosophie morale.

Mais afin que nous adioustons les exemples des estrangiers avec celles des Romains, nous parlerons de Socrates, le plus sage de tous estimé, non seulement par le iugement des hommes, ains par l'oracle d'Apollo. Car en entrant en Delphos vne deuine luy dit, dieu te gard le plus prudent du monde. Cestuy fut procréé d'une mere nommée Phenarete, qui faisoit mestier d'aider les femmes en trauail d'enfans: d'un pere appellé Sophronisque, tailleur de pierre de marbre. Or vint il en excellence d'honneur & gloire, & non sans cause: car comme les autres philosophes perdissent temps, & trop longuement s'amusaient à congnoistre les choses naturelles: comme de la grādeur du soleil, de la lune, & des autres astres, & le circuit du monde, plus par coniectures baueresses, que par raisons certaines: cestuy fut le premier qui delaisa ceste science naturelle, & inuenta la philosophie morale, en laquelle les hommes pouoyent speculer la forme de biē & honnestemēt viure: & cōstraignit son esprit à chercher & s'enquerir des choses interieures, c'est asçauoir de l'ame, & de ses passiōs: cōme d'ire, conuoitise, & raison: desquelles toutes les autres perturbations de l'esprit sont quasi deriuées, comme de leurs sources & fontaines. Brief si vertu de soy doibt estre en prix, croyez que cestuy remportera la palme d'enseigner à bien viure.

¶ D'Euripide, & Demostene.

Qui fut la mere D'Euripide, ou le pere de Demosthene, on n'en congneut iamais rien, mesme de leur temps, les escriptz presque de tous les personnages doctes, s'accordent que la mere de l'un estoit venderesse de porées, & le pere de l'autre vendeur de cousteaux. mais quoy, veit on iamais plus excellent poete tragique qu'Euripide? ne plus noble orateur que Demosthene?

¶ DE CEVLX QVI DEGENERERENT

de la uertu de leurs nobles peres.

CHAPITRE V.



Nous auions promis au chapitre precedent, de faire recit de ceulx qui auoyent prins leur origine de bas lieu, & estoient paruenuz à hault estat: à quoy nous auons satisfait. Dauantage auions fait promesse d'exposer au contraire de ceulx qui estoient extraictz de parentage illustre, & par leurs vices s'estoyent estrangéz des nobles meurs de leurs progeniteurs. ce que maintenant nous declarerons.

De Scipion filz d'African.

Qu'estoit il plus semblable à vn monstre, que Scipion filz du premier African: lequel auoit esté produit d'un personnage tant noble & plein d'honneur, tontefois se laissa prendre laschement d'une petite troupe des soudartz d'Antiochus: veu qu'il eust mieulx valu audict Scipion mourir volontairement en ce dict conflict, que de se laisser ainsi lier & mener de ses ennemis, & de les prier qu'ilz luy sauassent la vie? Certes cest acte estoit bien differet, aux gestes & beaux faitz de son pere, qui ia auoit acquis le nom d'African, pour ce qu'il auoit surmoté les Carthaginois, peuple d'Afrique: aussi estoit il bien discrepât aux prouesses de son oncle Scipion Asiatique, qui pour la plus grande part auoit recourré l'Asie. Certes il estoit bien estrange que ledict filz du premier African fust ainsi mené captif par les gens dudit Antiochus, desquelz tost apres triompha au capitolé deuant les yeulx des hommes & des dieux, son dict oncle Lucius Scipion. Comme cestuy filz d'African eust vestu vn acoustremet & longue robe blanche, pour ce qu'il vouloit supplier le peuple au champ Martial, d'obtenir l'office de preteur: & c'estoit la mode d'adonc de vestir la robe blanche quand on demandoit quelque office. Veritablement ledict filz estoit si imparfait & plein de vices, que le peuple n'eust iamais permis qu'il eust obtenu ledict office, si n'eust esté à la faueur de Cicereus, qui auoit esté secretaire d'African, pere dudit filz. Mais quelle difference trouuez vous entre retourner en sa maison escondit, de ce qu'il demandoit, ou d'ainsi paruenir à c'est office à la requeste d'autrui? Or quand ses parés veirent, qu'il gastoit tout, & ne faisoit pas bien son deuoir, ilz le tindrent en si grande iubiection qu'il n'eust osé faire leuer la chaire, pour iuger les matieres: dauantage luy tirent de la main vn signet, ou estoit graué le chef de son pere Scipion l'African, à caue qu'il ne faisoit les actes de sondict pere. O dieux tous bons, comme permistes

L'impropre
merité par ce-
luy Scipion.

Le tiers Liure

vous que d'une si grande clarté & splendeur de noblesse, nasquist telle obscurité & tenebre de vilenie?

¶ Du filz de Quintus Fabius degenerant des meurs de son pere.

Cestuy pour
sa lascheté fut
desherité des
biens paternelz

Disons comme Quintus Fabius Maximus, filz de Quintus Fabius, tant noble citoyen & vertueux capitaine, qui acquit le surnom d'Allobrogique, pour ce qu'il deffit les Sauois, & Bituite roy des Auvergnois: fut de vie dissolue & prodigue: mais afin que nous passions soubz silence, les autres vices dont il estoit remply, on peult bien entendre qu'il ne valoit gueres, par ce que Pompée lieutenant ciuil pour lors, luy fit ce deshonneur de le priver & manciper des biens de son pere, & ne fut trouué personnage, en si grande cité comme Romme, qui contreuinst à ladicte ordonnance de Pompée. Chascun estoit marry de veoir ainsi dissiper en meschanseté & mauuais gouvernement, la substance qui pour l'aduenir deuoit seruir à l'entretienement de noblesse de la maison des Fabiens. Donc par seuerité & rigueur publique de iustice, fut desherité cestuy, que trop grand bandon, licence, & indulgence de pere auoit laissé heritier de ses biens.

¶ Du filz de Clodius le Bel.

Cestuy se lais-
sa gouverner
par sa femme.

Morthôteuse

Combien que Clodius le Bel fust citoyen seditieux, si eut il la grace du peuple, & fit beaucoup de bien à la republique. Cestuy iacoit ce qu'il fust homme de guerre, ce neantmoins fut gouverné par sa femme nommée Fulvia, & ne bougeoit d'aupres: desquelz deux ysis vn filz surnommé le Bel: lequel, oultre encore qu'il fust effeminé, paresseux & lasche en sa ieunesse, fut abusé d'une paillardie, qui le gasta & mit en deshonneur. Finablement mourut d'une sorte de mort honteuse, il s'estrangla d'un morceau de lard.

¶ D'Hortense Corbion.

L'orde & las-
che vie de ce
Corbion.

Hortense Corbion, qui est interpreté glouton, lequel estoit neveu de Quintus Hortense, qui entre gros nombre de nobles & trespuissans citoyens Romains obtint le hault degré d'autorité & eloquence: mena vie plusorde & sale, que ne feirent iamais tous les ruffiés & paillardz du mode. Cestuy finablement par les bordeaux gaigna argét, pour avec sa lague succer & teter les genitoires de gens lubriques, & adonnez à luxure desordonnée: ce qu'au contraire faisoit sondict oncle, car il employoit sa langue à bié parler en la court, au proufit & vtilité de la republique & des citoyens Romains. Je considere à quel peril ie me suys mis de declarer ceste infamie, pour tant ie me reuoque, & n'en vueil plus parler, afin qu'en perseuerant à poursuyuir le danger de telles abominables & detestables luxures, ie ne soye detenu de leur infructueuse & inutile narration. Donc à cest endroit ie me retireray, & laisseray gisir ceste vilenie & obscurité dans le gouffre & abyssme d'ordure. Il est meilleur de faire recit de ceulx qui iacoit ce qu'ilz fussent nobles & grandz personnages, si ont ilz vŕé de trop grand bandon & licence en habitz, & autre maniere de viure.

DE CEVLX D'ENTRE LES GENTILZ

bommes de Romme, qui ont esté superfluz en uestemens & maniere de uiure, plus que ne permettoit l'usage & mode du pays.

CHAPITRE VI.

¶ De Publius Scipion.



Comme Publius Scipio estoit en Sicile augmentant son ost, cherchant l'opportunité de le faire passer en Afrique, pour ruiner Carthage: entre si grâdes entreprises, aucunesfois se trouuoit au ieu de la lûcte, & s'y exerçoit, avec ses soudartz, mesmes vsoit de pétoufles & robes lógues côme les philosophes de Grece: & n'en estoit pour ceste cause, plus lache & remis à batailler cõtre les Carthaginois, aïs plus delibéré & prõpt: pour ce que les espritz vaillans & alaires, d'autant plus qu'ilz prennent de recreation, d'autant sont ilz plus fortz & agiles aux assaũtz. Je pense aussi que ledict Scipion faisoit ces choses pour estre plus à la grace de ses soudartz, estimant auoir plus leur amour, s'il approuuoit leur maniere de viure, aussi leurs exercices ordinaires, ou il se trouuoit, quãd il estoit trauaillé de guerroyer: car à la guerre il soustenoit grand trauail: & en ces manieres d'exercices il diminueoit son labeur, & se refreschissoit.

¶ De Lucius Scipion.

Au capitolé estoit la statue de Lucius Scipion, estant ornée de court habille-ment ou casaquin, & portant pentoufles. Et pource que ledict Scipion auoit autresfois yse de tel acoustrement, voulut que son effigie fut en ce point.

¶ De Lucius Sylla.

Lors que Lucius Sylla estoit chef & capitaine des Rommains, n'estima mal-
seant de soy pourmener à Naples, avec court manteau & pentoufles.

¶ De Caius Duellius.

Caius Duellius, qui le premier remporta triumphe naual des Carthaginois, se faisoit tousiours apres souper conuoyer à la torche, & deuant marchoyent ioueurs de flustes & de luz, pour ramenteuoir la belle victoire qu'il auoit eue contre lesdictz Carthaginois, comme s'il eust deu tous les iours triumpher.

¶ De Papyrius Masso.

Après que Papyrius Masso eust vaincu les Samnites voulut triumpher, mais le triumphe luy fut denié par le senat: parquoy s'en alla sus le mont Alban, & en ce lieu institua son triumphe, contre la coustume du pays, & donna ex-
ple aux autres d'ainsi faire par apres. Et quand il se trouuoit en quelques ieuz, au lieu de couronne de laurier, il vsoit de couronne de myrte.

¶ De Caius Marius.

N'estoit pas Caius Marius bien presumptueux, qui apres le triumphe de Iugurtha, & des Allemans voulut boire tousiours en semblable coupe & hanap, comme auoit fait Bacchus apres auoir triumphe des Indois, afin qu'en beu-
uant à ce vaisseau, il comparust sa victoire à celle dudit Bacchus.

Marc Caton estât iuge, pronôça l'arrest de Marc Scaure, & des autres criminels, sans saye, & acoustremét que les Rommains souloyét porter soubz leurs robes. Et n'auoit cestuy seulement vestu, que sa robe d'escarlade, ou robe de dignité. Mais ces choses là, & autres actes semblables demonstret que gens d'autorité aucunesfois presument & prennent le bandon d'innouer coustumes au pays. Vous voirrez pareillement en ce chapitre subsequnt, comme aucuns personnages se sont totalement confiez, ou en leur prouesse, ou en leur cōseil, science, industrie, & choses semblables.

DE CONFIANCE DE SOY.

CHAPITRE VII.



Presque les deux Scipions, Publius & Cneus freres, furét deffai& par les Carthaginois en Espagne avec la plus grâde partie de leurs armées, & que toutes les nations de ceste prouince furent confederées & alliées avec ledict peuple, nul de noz chefs de guerre s'osant hazarder de mettre amendement à l'affaire, Publius Scipio, filz d'un des deussusdictz capitaines, estant en aage de vingt & quatre ans promit de faire le voyage. Laquelle confiance de soy, & audace donna esperance de salut & victoire au peuple Romain. Et de ceste audace & confiance de sa hardiesse, vlt ledict Scipion en ce mesme pays d'Espagne. Or cōme il eust assiegé vne ville nommée Bade, plusieurs soudardz litigans venoyent par deuers luy pour auoir iustice: leur feit promettre de comparoistre par deuant luy le iour d'apres au chasteau de ladicte ville, ce qui aduint: car le lendemain entra victorieux, & au temps & lieu qu'il leur auoit predict, feit mettre son siege, & leur fit droit. Or ne fust il rien plus noble que ceste confiance, rien plus veritable que ce qu'il auoit prophetizé & deuiné, rien plus d'efficace que ceste diligence, & rien plus honorable à sa dignité. Le voyage qu'il fit en Afrique ne fut pas moins de coeur ne prospere, en laquelle region il tira son exercite de Sicile oultre le vouloir du senat. Et certes s'il ne se fust plus confié à son conseil qu'à celuy dudit parlement, on n'eust trouué iamais la fin de la seconde bataille Punique. A cest acte, l'entreprinse qu'il feit en Afrique fut de semblable sorte. Hannibal auoit enuoyé certains espions au camp dudit Scipion lesquelz furent prins & menez denant luy, mais ne les punit ne s'enquit de la puissance & conseil des Carthaginois, ains commanda qu'on les menast par toutes les bendes diligemment: puis les interroqua s'ilz auoyent suffisamment veu & contemplé sa gendarmerie. & apres les feit festoyer & donner à repaistre à leurs cheuaulx, consequémét les renuoya sains & entiers. Par lequel acte d'audace & cōfiance, premieremét rōpit plus les courages de ses ennemis, que les armes. Mais venons à parler de ses audaces qu'il feit en Romme. Comme la court constraignoit Lucius Scipion son frere à rendre compte de quarante sesterces, de pecune prinse & vsurpée du butin fait en Antioche, le liure fut produict par luy, ou la mise & recepte dudit voyage estoient comprinses veritablemēt: parquoy pouoit mōstrer euidément que l'accusatiō des enuieux, qui auoyét doné reproche à luy & à sō frere estoit faulse: mais de despit dechi-

L'audace de P
Scipior.

ra le papier, pource qu'on se deffioit, que ce qui auoit esté fait soubz la charge ne fust veritable, & dict en ceste sorte: Seigneurs Rommains, ie ne vous rends compte de quarante sesterces (qui valent chacun sesterce deux liures & demye) combien que vous en rendisse bien compte si ie vouloye; & à mon honneur, pour ce que j'ay augmenté vostre tresor de plus de deux-mille par mon aide & industrie. Il me semble qu'on ne me deuroit faire ce meschant tour, de se plaindre de mon innocence & preudhommie, veu que j'ay submis à vostre puissance toute l'Afrique, & n'y ay acquis pour toutes choses que le surnom d'African. Donc les richesses d'Afrique ne les tresors d'Asie n'ont fait ne monfrere ne moy auaricieux: mais tous deux sommes plustriches d'enuie que de pecune. Le senat grandemét loua la constante defense dudit Scipion, ainsi comme il auoit approuué sa magnanimité, quand il fut question pour la necessité de la republique prédre de l'argent au tresor commun, qui souloit estre mis en reserue dás quelque temple. Pour lors les tresoriers (pour ce que les loix le defendoyent) n'y oseyent toucher & l'ouurir: mais ledit Scipion n'ayant charge aucune, demáda les clefz dudit tresor, & l'ouurit: & contraignit la loy donner lieu à l'vtilité publique. Sa consciéce luy iugeoit de prendre telle audace, pour ce qu'il pensoit bien que sans rien enfreindre tousiours auoit gardé les ordonnances Rommaines: mais consyderoit prudemment que necessité contraignoit la loy. Je ne me lasseray de faire recit des actes de cestuy Scipion, pour ce qu'en faisant lesdictz actes d'audace & confiance de sa vertu, luy mesme ne s'est fasché & travaillé. M. Meuius, tribun du peuple, ou (côme disent aucuns) les deux Petiliens auoyét fait conuenir ledit Scipion deuant la commune de Romme, l'accusant qu'il auoit prins certain argét du roy Antiochus pour pacifier plusdoulcemét avec ledit Antiochus. Or ledit Scipion se trouua à iour acópagné de grostrain: & monta à la court qui est deuant le parlement, qu'on appelloit Rostra, Puis mist à son chef la couronne triumphale, & dict en ce poinct: Seigneurs Rommains voicy le iour que ie rendy Carthage tributaire, qui bien pensoit venir au dessus des Rommains, pourtant est bien raisonnable & licite que me tenez compagnie iusques au capitolé, & qu'allons remercier les dieux. Ce qu'ilz feirent, & l'accompagnerent iusques au temple de Iuppiter, tous les Senateurs, tous les cheualiers, & tout le peuple, si qu'il ne demoura à ladicte court que ledit tribun, avec grande honte de sa mescante entreprinse: mais pour euité ce deshonneur, alla avec les autres au capitolé, & d'accusateur, fut fait venerateur dudit Scipion.

La constante
defense de Sci-
pion.

Necessité con-
traint la loy.

Dict notable
Scipion.

L'accusateur
fait venera-
teur.

¶ De Scipion Emilian.

Comme Scipion Emilian, autrement dict African, qui destruisit Carthage; successeur trefnoble du courage de son grand pere Scipion, eust assiegé vne trespuissante ville en Espagne nommée Intercalace, ou comme les autres disent, Numance, quelqu'vns luy suaderent qu'il feist semer tout entour des murs d'icelle des chaussetrapes, & dedans les passages de la riuere force tables couuertes de plomb pour les faire enfondrer, & dessus lesdictes tables force cloux fichez, afin que les ennemis ne feissent issue en nostre camp. Lors leur respondit ledit Emilian: Ce n'est pas chose semblable de vouloir prendre ses aduers, & de les craindre.

La graue ré-
sponié d'Emi-
lian.

Le tiersu Lire

¶ De Scipion Nasica.

Louenge de
Scipion.

En quelque endroit d'exemples memorables que ie me trouue, vueille, ou non vueille, ie viens tousiours à tomber sus les Scipions. Est il raisonnable en ce passage de taire Scipion Nasica, homme de grande audace, tât en fait com- me en dict, & de grosse autorité? Du téps d'une cherté que les consulz estoient venuz en la court pour consulter de l'vtilité de la republique, C. Curiatius tribu- n du peuple les pressoit grandemét, qu'ilz eussent à declarer en plaine court & dóner charge à quelques personages d'acheter du blé, & d'expedier en di- ligéce ledict affaire. Lors Nasica pour rompre ceste entreprinse, qui estoit bien dangereuse, va commécer vn autre propos: adonc le peuple commença à faire bruit & murmurer. ce que voyant ledict Nasica dict, taisez vous seigneurs Rommains ie vous prie, i'entens mieulx ce qui est conducible au bien com- mun, que vous. Laquelle parolle ouye, tous se teurent pour l'honneur & reue- rence qu'ilz luy portoyent, & eurent plus de regard à son authorité, qu'à de- mander des viures.

De Liuius le Saulnier.

L'humaine re-
sponse de L. le
Saulnier.

L'acte de hault courage de Liuius le Saulnier, doit pour iamais estre reme- moré: Lequel apres auoir deffait Asdrubal, & l'exercite des Carthaginois en Vmbrie, on luy dit que les Geneuois & Gaullois, qui estoient eschappez de ce conflict, vaguoyent & tenoyent les champs sans chef, & sans enseignes, & que bien aysement pouoyent estre rompuz, avec petite troupe de soudardz. Lors respondit ledict Liuius: Certes ie suis d'aduis qu'on leur pardonne & qu'on les laisse aller, afin qu'ilz reportent à noz ennemis la nouuelle de si grande tuerie.

De P. Furius Phibus.

Notable.

Ce que fit en guerre le susdict Liuius fut vn acte magnanime: pareillemét ce que fit Nasica en temps de paix, fut vn tour de hault coeur: mais ce que fait en parlement Publius Furius consul, ne fut pas moins louable. Comme il eust esté delegué au gouvernement d'une prouince d'Espaigne laquelle il appetoit, Quintus Metellus, & Quintus Pompeius qui autresfois auoyent esté consulz, ses grádz ennemis, souuent luy reprochoyent qu'il n'estoit digne d'auoir ceste charge. Ce que voyant ledict Phibus sollicita le senat, & constraignit sesdictz ennemis de faire le voyage avec luy, & auoir la charge ensemble, monstrant qu'il auoit confiance en eulx: qui fut vn tour que ie ne trouue gueres sage, de s'allier de ses ennemis mortelz en ceste charge, veu que la compagnie d'amis à grande peine peult estre seure en tel affaire.

De Lucius Crassus.

Si le fait de Phibus est agreable aux hommes, il est de necessité que le tour que feist Lucius Crassus homme de gráde eloquéce entre noz maieurs ne des- plaie à aucun. Apres auoir esté consul, ledict Crassus obtint le gouvernement de la prouince de Gaulle, & en ladicte prouince se transporta Cneus Carbo, duquel Crassus auoit bány le pere: & ne s'y trouuoit ledict Carbo, sinon pour contrerooler Crassus: car il luy tenoit encore à la rate le tour qu'auoit fait Crassus à sondict pere. Ce que bien considerát Crassus, ne fait absenter ledict Carbo

Carbo de sa compagnie : ains permettoit qu'il se mist en chaire , & tint communément la iurisdiction à ladicte province : & ne faisoit rien sans son conseil. Donc ledict Carbo homme de grand coeur & de grande audace , ne conquist rien sus ledict Crassus, fors qu'il pensa que son pere auoit maluersé , puis qu'il auoit esté enuoyé en exil par ce personnage qui estoit parfait & accompli en toutes vertuz.

Bonne cōuet
sation gaigne
les maluocil-
lās , & les fait
amys.

¶ De Caton l'ancien.

Caton l'ancien souuent fut appellé, mesmes de ses ennemis, pour prononcer leur arrest , & le faisoient iuge en leurs causes . Cestuy ne fut iamais conuaincu d'aucun crime : à la fin il se confia tant en son innocence , que quand il fut accusé desdictz ennemis , demanda pour iuge T. Gracchus , qui l'auoit grandement hay , & estoient tousiours ensemble en different touchant l'administration de la republique . Et par ses belles vertuz & graces destourna la maluueillance & inimitié de ses enuieux.

L'innocence
de cestuy Ca-
ton.

¶ De Marc Scaure.

Autant en aduint à Marc Scaure, lequel fut d'aussi grand coeur comme Caton , & paruint en si grand aage . Or comme cestuy fust accusé en la court nommée Rostra d'auoir prins argent du roy Mithridates, pour trahir la republique Rommaine , mena sa cause en ceste sorte : Il n'est pas raisonnable ieigneurs Rommains , combien que i'aye vescu entre autres personnages que vous , c'est ascauoir avec voz maieurs , que ie rende compte de ma vie à autres qu'à vous . Mais pource que la plusgrande partie d'entre vous autres n'a congneu de mes honneurs & actes , à raison que ie suys ia vieil, ie m'enhardiray à vous mettre ce propos sus champs . Varius Sucronensis qui est Espagnol , dit que Marc Emilius Scaurus Rommain, a esté corrompu du roy Mithridates par force d'argent, & qu'il a esté trahistre à l'empire Romain. Marc Emilius Scaurus nye ce faict. Auquel adioustez vous plus de foy ? Le peuple esmerueillé de ce propos : se mutina , & repoulsa par obstinée clameur ledict Varius de sa folle action.

Marc Scaure
accusé de tra-
hison.

Varius re-
poulsé de sa
faulx accusa-
tion.

¶ De Marc Antoine.

Au contraire Marc Antoine orateur disert & eloquent en ne conternant point la defense de sa cause , mais la receuant , donna tesmoignage de son innocence & integrité. Cestuy estant tresorier, faisant le voyage d'Asie & ia paruenue à Brindes , eut nouuelles par lettres , qu'il auoit esté accusé d'inceste de uât le iuge Lucius Cassius, duquel la chaire pour sa trop grande seuerité estoit nommée le rochier des criminelz . Et combien que cestuy Antoine eust peu estre exempt & euter cela, par la loy de Memmius, ou il estoit defendu de traicter ceulx qui estoient abiens pour l'vtilité de la republique : toutesfois retourna à Romme , & par ce conseil plein de tant bonne confiance, qu'il auoit de son innocence, fut soudain absoulz, puis paracheua son entreprinse beaucoup plus honnorablement, & son voyage.

Cestuy fut ac-
cusé d'inceste

¶ Du parlement de Romme.

En c'est endroit on pourra veoir vn exemple d'honneur & confiance , touchant le senat Rommain . Du temps que les Rommains s'efforçoient de re-

Le tiers Liure

poulsier Pirrus d'Italie. Les Carthaginois enuoyerēt de leur bon gré à Hostie ville dudit pays, pour l'aide desditz Rommains, six vingtz dix nauires : le senat determina de depescher ambassade au capitaine desditz Carthaginois, qui auroit la charge les remercier, & de leur dire que les Rommains n'auoyent de coustume en leurs guerres de s'aider fors de leurs gensdarmes : pourtant qu'ilz eussent à remmener leurs nauires en Carthage. Ce mesme senat, quelques ans apres la iournée de Cannes, ou la puissance Romaine auoit esté grandemēt debilitée, osa biē enuoyer quelque renfort de soudardz en Espagne, lors que Hannibal auec toute sa gen darmerie estoit ioignant de leur porte nommée la porte de Capes : & mesmes vendirent au plusoffrant le champ ou estoit campé l'exercite dudit capitaine Hannibal, qui luy appartenoit par butin de guerre, & en furent baillez les deniers par vn certain Romain, aussi franchement, comme si les Carthaginois ne l'eussent occupé. Ainsi se porter en ses aduersitez, que denote cela, sinon induire fortune ennemye, vaincue de honte, pour si grande patience, à estre propice & fauorable pour l'aduenir, & changer son front chauue, & monstrier visage amyable?

¶ Du poete Accius.

Nous faisons grande digression, de laisser à parler du senat Romain, pour faire recit du poete Accius. Mais afin que plusconuenablement d'iceluy poete, nous passons aux exemples des estrangers, nous le mettrons sus le bureau. Cestuy poete ne se leua pour faire la reuerence à Iules Cesar, personnage trespuissant, & tresflourissant, lors que ledict Cesar entra au college des poetes: nō pourtant que ledict Accius fust oublieux de l'autorité qu'auoit Cesar, mais pource qu'il s'estimoit estre plusçauant en poesie que ledict Iules, pourtant ne fut il noté de vice d'arrogance : pource qu'en ce lieu ne remportoit l'honneur, celuy qui auoit fait les plus beaux actes de guerre, mais celuy qui le mieulx composoit en poesie.

¶ Exemples des estrangers.

¶ D'Euripide poete tragique.

Euripide ne fut en Athenes iugé estre arrogant quand à la requeste du peuple fut prié d'oster quelque sentence d'une tragedie, & qu'il monta sus le theatre, & dict : l'ay acoustumé de faire des fables pour vous enseigner, non pas pour apprendre de vous. On doit louer vne confiance & bonne audace, qui examine vne estimation de soy par iustice & certain poix, qui est le moyen entre timidité & folle audace, & est proprement vertu. Donc ce que ledict Euripide respondit à Alcestide poete tragique, est louable. Cestuy Euripide se complaignoit deuāt ledict poete tragique qu'en trois iours, encore auec grand trauail, n'auoit sceu faire que trois vers, & Alcestide se glorifioit d'en auoir composé cent. Or dit Euripide tu les as fait en sorte, qu'on n'aura memoire d'iceulx que trois iours seulement, mais on fera estime des miens pour iamais.

Les vers d'Alceſtide eſtoient promptement & legierement faiſtz, auſſi n'en faiſoit on pas grand compte, ceulx d'Euripide eſtoient faiſtz lentement & avec grand art, parquoy meritoient eſtre celebrez pour iamais,

¶ Du ioueur de fluste *Antigenidas.*

Je ioindray au precedent exemple, ceſtuy preſent, d'un ioueur de fluste ſus les eſchauffaux. *Antigenidas* flusteur dict à ſon diſciple bien expert en l'art de muſique, mais peu agreable au peuple, en plein auditoire: Chante en l'honneur de moy & des muſes, puis que tu n'as grace enuers les aſſiſtens. Combien que ie congnoiſſe que tu ſois muſicien parfait, ce neantmoins fortune ne t'a faiſt ce bien de plaire aux auditeurs, ſi n'es tu priué de louenge, quant à moy, qui ſçay bien que tu merites qu'on face de toy eſtime,

¶ Du peintre *Zeufis.*

Après que *Zeufis* eut peint la belle *Heleine*, n'attendit le iugement des hommes, ne ce qu'en diroit le peuple voyant ceſt ouurage: mais ſe conſiant à ſon eſprit, approuua ledict ouurage par les vers d'*Homere* qu'il graua audict image, dont la ſubſtance enſuyt. Ce ne fut pas choſe deſhonneſte aux *Troyés*, & aux *Grecz* prendre les armes, & auoir ſouffert longz trauaulx, & fatigues, pour vne telle femme, de laquelle la beaulté & corſage doiuent eſtre comparez aux deeſſes immortelles. Par cela ledict *Zeufis* ſ'attribua à l'accompliſſement de ceſte ſtatue grand d'honneur, & penſa auoir comprins autant comme auoit faiſt *Leda* mere d'*Helene* au celeſte enfantement d'icelle, & autant comme auoit peu exprimer *Homere* par ſon diuin engin de la beaulté de ladicte *Helene*.

¶ De *Phidias.*

Phidias imaginier excellent, par ſon beau dict donna alluſion aux vers d'*Homere*. Le ſimulachre de *Iuppiter Olympius* par luy acheué, que iamais peintre ne feit de plus excellent, ne plus admirable: vn ſien amy luy demanda comme il pouoit auoir faiſt vne telle ſtatue d'iuoire, & que ſ'il eut eſté au ciel à contempler les geſtes de *Iuppiter*, il ne l'eut pas mieulx faiſt. Adonc reſpōdit qu'en le faiſant il vſa de ſes vers, comme vn docteur & maĩſtre, leſquelz enſuyuent. *Iuppiter* à faiſt ſigne de ſes ſourcilz noirs: du coupeau de la teſte du roy eternal ſe reſpandoyent cheueulx diuins, & en hocquetant la teſte feit trembler le grand ciel. Ainſi donc ledict peintre donne teſmoignage que par les ſourcilz & cheueulx dudit *Iuppiter*, il parfournit le reſte de ladicte ſtatue,

¶ D'*Epaminondas.*

Le narré des roys, & grandz cheſz de guerre qui ſ'offre à ma plume, ne permet que ie recite pluſoultre exemples de moindre eſtophe: pourtant en

L'humilité
d'Epaminon-
das.

Le tiers Liure

Notable.

cest endroit ie parleray du capitaine Epaminondas. Comme quelque fois les citoyens de Thebes (dont il estoit chef) eussent enuie , & fussent courroucez contre luy, donnerent charge audist de faire reffaire, & r'acoustrer les rues & les chemins de ladiſte ville , pour ce que tel office estoit vile & de mespris: toutesfois sans demeure en print la charge , & dit qu'en brief temps il feroit ledist office honorable , ce qu'il feist : car par merueilleux soing il rendit ceste charge, qui estoit contemnée d'un chascun, desirable dans Thebes, comme vn office d'honneur. Ainsi on peult iuger que de la dignité ne vient pas honneur aux vertuz, mais des vertuz à la dignité & office.

¶ De Hannibal.

Notable re-
sponse de Han-
nibal.

Notable.

Du temps que Hannibal fut banny, & qu'il s'estoit retiré avec Prusias roy de Bithinie, luy donna conseil de faire la guerre à Eumenes roy de Pont : mais ledist Prusias luy dit, qu'en faisant sacrifice aux dieux, & immolant vn veau pour consulter ledist affaire, auoit congneu le contraire par le regard des entrailles de ladiſte beste sacrifiée. Lors respondit Hannibal: Sire, aymes tu mieulx croire & adiouster foy à vne chair de veau, qu'à vn vieil routier, & ancien capitaine? Si nous prenons garde au parolles de Hannibal, briue-ment dictes, & si nous pesons le sens d'icelles comme il appartient nous trouuerons que ledist Hannibal representoit quasi comme en vn miroir deuant ledist Prusias, toutes les vaillantises qu'autres fois auoit faictes Hannibal. Premièrement les Espaignes ostées des mains & puissance des Rommains, les Gaulles, & le pays de Genes reduictz en sa puissance, les Alpes descouertes, & vn nouveau chemin faict pour y passer, le lac de Thrasimene, dont le record nous est ennuyeux, ou fut deffait Flaminius consul avec quinze mille hommes, la iournée de Cannes ou furent occis cinquante mil Rommains, qui est vne memoire fameuse de la victoire des Carthaginois, la prise de Capes, & finalement l'Italie dissipée. Ledit Hannibal eut dueil que sa gloire aprouuée par longue experience fu postposée à vn iuisier d'une beste immolée. Brief s'il est question de conferer les sacrifices qu'on fait à la guerre, avec la science d'un capitaine de longue experience, i'aymeroye trop mieulx ensuyuir l'enhortement d'un bon chef de guerre, que les signes qu'on voit es sacrifices. Donc si le dieu des guerres appellé Mars eust esté present à en faire le iugement, la science & longue experience de Hannibal eust surmonté tous les sacrifices & aultez de Bithinie.

De Cotys.

Le dist du roy Cotys, monstra bien qu'il estoit personnage de noble coeur. Lors que les Atheniens & Doriens esmeurent la guerre ensemble, les Atheniens trouuerent moyen d'auoir la grace dudit Cotys roy de Thrace, & luy manderent par ambassade qu'ilz luy donnoyent le droit à luy & aux siens de iouyr des libertez de la ville d'Athenes. Lors respondit: Et moy de mon costé,

ie leur donne à iouir des priuileges desquelz iouyſſent mes hommes. En ceste forte il egalla Thrace à Athenes, afin que par ce don reciproque, il ne fuſt iugé eſtre de moindre eſtat, dignité & origine que les Atheniens.

La reſpoſe de
Corys aux A-
theniens.

De deux Lacedemoniens.

Androclidas & Leonidas Lacedemoniens reſpondirent honneſtement. Androclidas fut taxé de quelqu'un, pour ce qu'il ſe trouuoit à la guerre & eſtoit boiteux. Lors reſpondit : Mon vouloir eſt de batailler, & non de m'en-fuyr. Leonidas quelquefois ſ'en alloit avec petite armée contre les Perſans : adonc luy dirent quelqu'uns. Les Perſans ſont ſi gros nombre que de leurs traitz ilz pourroyent obſcurcir le ſoleil. Vous diſtes bien, reſpondit il, nous bataillerons mieulx en l'ombre, qu'ailleurs. Ageſilaus capitaine des Lacedemoniens diſt à vn Ahenien ſon oſte qui luy monſtroit les murs d'Athenes haultz & eſpex : ſi vous auez faiſt ces murs là pour les femmes, c'eſt bien faiſt : mais ſ'ilz ont eſté conſtruiſtz pour la garde des hommes, il n'y a pas grand honneur.

Trois reſpoſ-
ſes faceticuſes

DE CONSTANCE.

CHAPITRE VIII.



Pres auoir diſt de confiance, maintenant conuient parler de Conſtance. Nous auons couſtume d'oſeruer chaſcun endroit ſoy que quand nous auons confiâce de faire quelque choſe à noſtre phan- taſie, & ſi d'aduenture ladiſte entreprinſe eſt deſia miſe à execu- tion, & ſi quelqu'un vient à blaſmer la beſongne : nous la defendons à main forte. Si l'affaire n'eſt parfaict que nous auons emprins, & ſi aucun ſe hazarde à l'empeschier, ſans ſejour nous le mettons à fin.

¶ De Fuluius.

Mais en pourſuyuant les exemples de la choſe propoſée, après auoir bien penſé, & conſideré, deuant toutes choſes ſe preſente à moy la conſtance de Fuluius Flaccus. Lequel apres auoir prins Capes, qui ſ'eſtoit re- uoltée du party des Rommains, pour les belles promeſſes que luy auoit faiſt Hannibal, c'eſt aſçauoir que apres que les Rommains ſeroient vaincuz, les royaumes d'Italie demoureroyent à l'obeiſſance de ceulx de Capes. Leſ- quelles choſes lediſt Hannibal ne peult mettre à effect. Or lediſt Fuluius par apres faiſt vainqueur de ladiſte ville de Capes, peſant en la balance de Ju- ſtice & raiſon la faulte des Capenois, determina de deſtruire tout à faiſt le ſe- nat de Capes, autheur de ceste trahyſon & meſchant conſeil. Donc pour fournir ſon emprinſe, feit encheiner leſdiſtz ſenateurs, & en feit mener vne partie es priſons de Teane, & l'autre à Cales, ayant propos de les faire mou-

rir, & d'en faire faite iustice, apres auoir mis ordre aux affaires plus vrgens. Ce pendant se va leuer vn bruit, que le senat Rommain auoit pensé de les traicter plusdoulcement: mais afin que les meschans n'eudassent la peine de mort, qui bien leur estoit deue. Ledi& Fuluius soudain môte à cheual, & de nuit soudain se transporta à Theane, & fait executer les prisonniers qui estoient en ce lieu: puis tost apres vint à Cales pour en faire de mesmes aux captifz de Cales. Et comme ilz estoient liez contre certains postz pour leur couper les testes, ledi& Fuluius receut lettres du senat Rommain. Considerant ce qui y estoit cōprins, ne les ouurit, ains commanda au ministre de iustice qu'il fait son office, ce qui fut fait. Puis regarda lesdictes lettres, desquelles n'eust plus sceu faire la teneur. Certes ceste constance fut beaucoup plus prisée que n'auoit esté sa belle victoire, pource qu'il acquit plus d'honneur de iustement punir les Capenois, que de les auoir prins.

De Quintus Fabius Maximus.

La constance de seuerité dont vsa Fuluius, fut admirable: aussi fut celle de Fabius Maximus, qu'il exerça, pour le bon zele qu'il auoit enuers le pays. Cestuy, estant dictateur, auoit imposé quelque somme de deniers à cueillir sur le peuple pour la rançon de certains prisonniers que detenoit Hannibal, mais le senat ne s'y voulut consentir: parquoy fut ledi& Fabius fraudé de son espoir, mais n'en sonna mot. Dauantage les senateurs establirét que Minutius maistre de la cheualerie Rommaine eust autant de puissance que ledi& Fabius dictateur qui n'estoit acoustumé en Romme, ce neantmoins n'en murmura Fabius. Conséquemment fut molesté de maintes iniures, nonobstant demoura en sa constance, & ne s'esmeut en rien, ne se courrouça contre la republique iamais, qui estoit vn signe de grande perseuerancé en l'amour des citoyens. Ne fut il pas trouué aussi constant, au mestier de la guerre: certes ouy. Lors que le royaume des Rommains estoit presque aneanty, pour la maleureuse iournée de Cannes, si qu'on n'eust sceu amasser vne gendarmerie, & exercite cōplet, pour resister à Hannibal. Cestuy par sa bonne prudence pensa qu'il estoit trop plus conuenable de guerroyer avec les Carthaginois, avec dilations & petites fineses, que de prin&ault hazarder son ost. Et combien qu'il fust souuent irrité par les menaces de Hannibal, & que la bonne fortune se monstra&st aucunesfois des siens, nonobstant ne mua de propos, & avec son petit nombre continua à en ce poin& guerroyer, & souffla la pouldre aux yeulx de Hannibal & demoura maistre, vint afin de son esperance par son froid conseil en tous ses affaires. Donc ainsi comme Scipion en bataillant appporta grand secours à nostre ville, aussi fait cestuy en ne bataillant point. Scipion par celerité, & diligence en la guerre opprima Carthage: Et Fabius en delavant, fait que Romme ne fust opprimée.

¶ *De C. Piso. & Marc Palican.*

Du temps que l'estat de la republique estoit en trouble, Caius Piso se monstra en sa dignité de consul merueilleusement constant: comme on voirra icy bas. Marc Palican, homme seditieux, & mutin, par ses blandices & flateries pe-

flifere auoit trouué le moyen d'auoir la grace & faueur du peuple , luy promettant que si par son port il pouoit obtenir ledict honneur consulaire , qu'il restaureroit l'autorité des tribuns , & le remettroit en son premier estat . Ce qu'oyant ladiete commune , proposa de faire grande playe au consulat , & y poser ledict Palican, auquel estoit pluſtoſt deu ſupplice pour ſa meſchante vie, qu'aucun honneur. Or entre ce peuple troublé, furent aucuns tribuns folz & inſenſez qui enſuyurent la temerité & audace de ce maleureux Palican , & meſme quand iceluy vouloit deſiſter de ſon emprinſe, l'enflammoient à continuer: ſi que gueres ne ſ'en fallut que Piſo en la court des roſtres ne fuſt deſpouillé de conſulat , & qu'il ne tombaſt es mains & puissance des tribuns , durant ce miſerable trouble & tumulte: conſideré que d'un coſté & d'autre on le vouloit circonuenir . Puis fut interrogé ſ'il vouloit pas renoncer à la dignité, & ceder le conſulat audict Palican qui auoit eſté créé par la voix du peuple. reſpondit, qu'il ne croyoit pas que la republique fuſt ſi aueuglée, de venir à ce deſhonneur , d'eſlire pour ſon ſouuerain magiſtrat, vn ſi meſchant perſonnage . Or comme ledict peuple perſeueroit inſtammét à ceſte entreprinſe, ledict Piſo conſtamment luy dit , pour homme ie ne renonceray à la dignité conſulaire. Par ceſte reſponſe tant vertueuſe & brieue , il oſta le conſulat à Palican, ains qu'il l'eut acquis . Par ainſi Piſo par ſa grande conſtance, ne fait compte de mort, menaces , & iniures : Et ne peut eſtre fleſchy de ſon propos , ny eſtre deſtourné d'honneſteté & droit.

¶ De Metellus.

Metellus ſurnommé Numidique, pour ſemblable conſtance , tomba en infortune indigne à ſa maieſté , & bonnes moeurs . Comme ceſtuy conſideroit ou tendoyent les mortifieres entreprinſes de Saturnin tribun du peuple , & combien elles pouoyent apporter de mal à la republique , ſi on n'y obuioit: ayma mieulx eſtre banny que de conſentir à ſes ordonnances. Peult on alleguer entre les viuans vn perſonnage pluſ conſtant : lequel de crainte d'eſtre vaincu de ſon opinion, ayma mieulx eſtre priué du pays, ou il eſtoit en grande autorité & estat?

De Quintus Sceuola.

Ie ne vueil prferer ehomme au ſuſdict Metellus pour ſa conſtance , mais ie compareray à luy Sceuola deuin à iuſte droit. Les forces de Marius rompues, Sylla apres auoir occupé la ville de Romme , tout armé vint au parlement , & conſtrainit les ſenateurs de donner ſentence contre Marius, & le declarer ennemy du pays: auquel nul n'oſa contredire, fors Sceuola, qui n'en voulut opiner. Et comme ledict Sylla vſoit enuers luy de haultes menaces, luy dit: Iaçoit ce que tu monſtres les bendes de genſdarmes dont as enuironné & aſſiegé la court, & que tu me menaces ſouuent de me faire mourir , ſi ne me pourras tu fleſchir, (& deuſſes tu abreger ma vie , qui eſt courte pour la vieilleſſe qui eſt en moy) à iuger, & donner ſentence que Marius ſoit ennemy du pays, duquel à eſté conſerué Romme, & Italie.

Le tiers Liure

¶ De Sempronie.

La confiance
de Sempronia

Qu'ont affaire femmes de se trouuer à la conuention des hommes ? Certes rien, si on garde la coustume du pays: Mais quand le repos & trāquillité d'une ville sont agitez, par les flotz de seditions & tumultes, on peut bien rompre l'autorité de coustume ancienne, & ce qui se fait par necessité est plus de valeur, & contraint vne honneste ordonnance. comme quand il est de necessité que femmes se treuuent en vne court, cōbien qu'il soit mal seant de les y veoir, si est il conuenable aucunesfois qu'elles si treuuent pour vn bien. Donc en c'est endroit ie messleray avec les hommes vne exemple de Sempronie noble Romaine, soeur des Gracques, & femme de Scipion Emilian, qui fut fait venir à la court du peuple par vn tribun, & en ce lieu monstra qu'elle ne vouloit degenerer de la noblesse & amplitude de ces ancestres. Donc fut elle cōstraincte de se presenter en ceste dictē court, ou les plusgrādz seigneurs de la ville, quād ilz y estoient actionnez, estoient tous estonnez. Les tribuns du peuple la pressoyent fort, & la menaçoient, en la regardant d'un mauuais oeil, si elle ne se consentoit à ce qu'ilz pretendoyent, & lors se faisoit en la court vn bruit du peuple ignorant, & ce pēdant lesdictz tribuns s'efforçoient de tout leur pouoir que Equitius fust faulxement receu en la race de Sempronia, & qu'icelle Sempronia l'allast baiser cōme filz de Tybere, frere de ladicte Sempronie. Toutefois elle le renonça constāment à lignage: comme vn homme extraict de lieu obscur, s'efforçant d'vsurper par audace execrable le parentage d'autrui.

¶ Des Capitaines de gens de pié.

La constante
responſe de
Meuius.

Les grandz seigneurs de nostre ville Romaine, s'il leur plaist, ne seront marryz, si la vertu de constāce de certains capitaines de bas estat s'offre à estre contemplée entre leur excellence & singuliere noblesse. Tout ainsi comme les personnes de basse estoppe doiuent porter honneur à haultz personnages, aussi les hommes qui ne sont issuz de noble lignage, ains par vertu ont esté le commencement de leur noblesse, doiuent estre plustost supportez des gentilz hommes que contemnez. Doibt on mettre hors de ces exemples icy vn nommé Pōtius, qui tenoit le party de Iules Cesar, & fut prins des gēs de Scipiō, & luy sauuoit on la vie, s'il vouloit renoncer audict party de Cesar, & estre gendarme de Pompée: mais franchement respondit: Seigneur Scipion, ie vous remercie, iamais ne m'aduiendra d'vsr de telle maniere de viure? Caius Meuius capitaine d'Auguste Cesar, eut tel propos, & ensuyuit ledict Pontius, qui n'estoit venu de maison, ains par sa constance se fait noble. Or auoit cestuy Meuius maintesfois excellentement bataillé contre Antoine, mais en la fin fut circonuenue par finesse, & prins de ses ennemis: puis mené à Antoine en Alexandrie. Consequemment on demanda audict Meuius qu'on feroit de luy, lors respondit à Antoine, commande qu'on me face mourir. Car par tous les tourmēs que tu me sçaurois liurer, & mēmes si tu me voulois sauuer la vie, si ne pourras tu faire que ie delaisse à seruir Auguste, & estre ton soudoyer. Quant au reste, d'autant que cestuy constamment contemna sa vie, d'autant plusfacilement impetra de viure: Car Antoine pour sa vertu le sauua.

¶ Exemple des estrangers.

¶ D'un nommé Blaise.

Assez trouueroit on de telz exemples entre les Rommains, mais pour eui-
ter ennuy, ie permettray ma plume s'occuper à escrire des estrangers: entre
lesquelz le seigneur Blaise emportera la palme, duquel la constâce fut à mer-
ueilles entiere. Cestuy ayât tousiours desir de remettre entre les mains des Rô-
mains Salapie son pays: qui pour lors estoit occupée des Carthaginois: print la
hardiesse d'essayer (par plus grande affection de ce faire, que par esperance cer-
taine) vn nommé Dasius, qui auoit l'administration dudit pays avec luy, & qui
estoit tousiours repugnant à ses opinions, & mesmes grand amy de Hannibal,
& sans lequel ne se pouoit faire ce que ledict Blaise auoit entrepris. Apresque
ledict Dasius eust entendu le propos de Blaise, il en fait le recit à Hannibal, &
y adiousta encore d'autres pointz, pour estre mieulx en la grace dudit Hân-
ibal, & pour rendre son ennemy Blaise plus odieux. Oyant ces choses Hanni-
bal, les fait tous deux conuenir deuant son conseil, afin que l'un prouast le
crime, & l'autre le defendist. Or comme on vouloit plaider la matiere, & vn
chascun fust ententif à ouyr, ce pendant possible qu'on traitoit de quelque
cause de plus grand soucy, Blaise prochain de Dasius, ne faisoit semblant de
rien, commença tout bas à admonester ledict Dasius, quil tint plustost le par-
ty des Rommains, que des Carthaginois. Entendant ce Dasius, dit tout hault
que cestuy Blasius, mesme en la presence de Hannibal le sollicitoit à estre con-
tre luy. Et pource que la chose sembloit n'estre vraysemblable, & qu'un seul
peut seulement auoir ouy les parolles, & d'auantage que c'estoit son aduersé
partie, on n'y adiousta point foy. Certes non long temps apres Blaise perse-
uera si bien à son entreprinse, qu'il attira Dasius par sa constance merueilleu-
se, & liura à Marcel capitaine des Romains Salapie, avec cinq cens Numides,
qui estoient en ce lieu en garnison pour les Carthaginois.

L'affection de
Blaise surmon-
toit son espe-
rance.

Longue perse-
uerance.

¶ De Phocion.

Comme les Atheniens quelque fois eussent fait tout l'opposite de ce que
leur auoit conseillé Phocion, & s'en estoient bien trouuez, si demoura il en
son entier, que son conseil estoit bon: & leur dict en plain auditoire, qu'il estoit
bien ioyeux de leur bonne fortune: mais s'ilz eussent fait par son opinion,
qu'il eussent fait plussagement. certes il ne blasmoit pas ce qui estoit adueni,
& qu'ilz s'estoyent bien portez, en ce qu'un autre les auoit mal conseillé, esti-
mant estre chose pluseureuse que sage. Veritablement souuent fortune aide
aux personnages audacieux, quand elle se monstre fauorable à vn mauuais
conseil: & à celle fin qu'elle nuise plus, elle a de coustume de prosperer les en-
treprinse dont on n'a point d'espoir que la fin en soit eueuse. Phocion fut
homme doulx, pitoyable, & liberal, & temperé en toute benignité: parquoy
du consentement de tous fut surnommé le bon Phocion. Donc combien qu'il
eust beaucoup de charges en sa vie, & mesmes fust chef des guerres, si n'est il
point mention de ses prouesses, mais bien de sa bonne vie: parquoy sa con-
stance, qui est veue estre plustroiste que nature, fut exercée en choses de

Fortune auen-
nefois fauori-
se les mauuais
en leurs entre-
prinse.

Notable.

Le tiers Liure

doulceur, pource qu'elle procédoit d'un cœur doulx & pacifique.

¶ De Socrates.

L'isle d'Argi-
nuse.

La cruauté
des Atheniés.

Constance de
Socrates.

Socrates homme de hault cœur, donna exemple de perséuerance plus prestante & excellente, que ne fait pas Phocion. Toute la ville d'Athenes par voye iniuste & inhumaine, auoit condamné les dix preteurs & gouverneurs, qui auoyent rompu la flotte des nauires des Lacedemoniens à l'isle d'Arginuse, à auoir la teste couppée, pour ce qu'iceulx auoyent laissé les corps de leurs souldardz sans sepulture, à raison que bonnement ne le pouoyent faire, pour la tourmente de la mer. Adonc ledict Socrates, pour lors tribun du peuple, iugeant estre indigne, qu'on feist mourir par enuie, & pour raison iniuste tant de personnages qui auoyent tant bien fait leur deuoir en la republique, constamment va s'opposer à la temerité de ce peuple, & cōbié qu'il fust fort menacé, si ne peut il estre cōstrainct par le grād bruit de ceste assemblée d'estre personnier de ceste folie publique, qui par sa repugnance defendoit qu'on n'y procedast en ceste sorte. Ce neantmoins ce peuple perséuera à sa maleureule entreprinse, & souilla ses mains iniustement du sang desdictz preteurs : & pour ce ne craignit Socrates, combien que le populaire fust aueuglé & troublé, & s'il eust esté questió de le faire mourir avec les dix sus alleguez preteurs, voluntiers & constamment eust fait l'unzieme.

¶ D'Ephilate.

Si cest exemple icy n'est aussi singulier comme le precedent, toutesfois si porte il experience certaine de constance, & montre bien que le personnage dont sera fait parapres mention, fait un acte de perfection, integrité, & fidelité. Ephilates fut en Athenes par sort esleu à estre reformateur des moeurs, comme censeur en Romme : & entre autres fut constrainct d'accuser Demostratus, qui ne se gouernoit pas bien. Et combien que cestuy Ephilate aymast parfaitement Demochares tresbeau iuenceau, filz dudit Demostratus, ce neantmoins ledict Ephilate fut accusateur tresseuere dudit Demostratus, & aussi se monstra coupable du priué amour qu'il auoit enuers ce ieune enfant. Or quād ledict ieune enfant vint à le prier qu'il n'eust à traicter son pere trop rigoureusement, ne le repoussa, & aussi ne fut corrompu ne fleschy par sa requeste, combien qu'il fut deuant luy à genoux : mais en plourant, & lamentant le chef couuert souffrit que ledict enfant acheuast sa harengue : nonobstant ne peust estre destourné de faire iustice, iacōit ce que la grace dudit enfant qu'il aymoit si naturellement, l'eust aucunement peu mouuoir : si condamna il Demostratus. Certes ie ne sçay si sa victoire acquise, luy tourna plus à grand louenge, qu'à grand tourment : pource que deuant qu'il opprimast le criminel, il se vainquit luy mesme : c'est asçauoir qu'il fut maistre de sa passion d'amour qu'il auoit enuers le filz de Demostratus.

¶ De Dion de Syracuse.

Dion de Syracuse par sa constance surmonta Ephilate. Combien que les

exemples des deux ne soyent semblables . Cestuy Dion fut admonné, par quelqu'vns de se garder d'Heraclides & Calippus, ausquelz grandement il se fioit, & que lesdictz deux personnages luy brassoyent quelque trahison. Ce neantmoins respondit qu'il aymoît mieulx mourir de mort violente, que de se desfier de ses amys, comme si ce fussent ses ennemys. L'exemple qui ensuit eit de soy admirable & illustre, pour la noblesse & bruit de l'autheur qui la monstra.

Notable re-
sponfede Dio

¶ D'Alexandre le Grand.

Après qu'Alexandre roy des Macedoniens eust debellé Darius, estant en Cilicie fort eschauffé & lassé, pour le long trauail du chemin qu'il auoit fait, & pour l'ardeur du soleil, se iecta dans la riuere nommée Cidne, qui passe par Tarse: mais à raison qu'il en beut trop, pour la grande froideur de l'eaue, les nerfz se retirerent, & ses mémbres perdirent vigueur, si qu'on fut contraint de le porter à ladicte ville de Tarse, prochaine de son camp, & en eut grand frayeur toute sa gendarmerie. Or estoit ledict Alexandre malade en Tarse: & durant sa maladie l'esperoir de la victoire estoit doubteux: pourtant furent conuoquez les medecins, & penserent de luy donner remede, & furent tous d'opinion qu'il deuoit prendre vn bruuage: lequel, comme Philippe medecin son amy, & qui marchoit quand & luy, luy eust préparé & acoutré, Parmenio luy enuoya lettres qu'il se gardast dudit medecin, & qu'il auoit esté corrompu à force d'argent par le roy Darius. Après que ledict Alexandre eust leu.

Cydne est vn
fleuve en Cili-
cie; duquell'
eaue est fort
blâche: & pro-
fite aux poda-
gres, selô Pli-
ne.

lesdictes lettres, sans delayer print le medicament & potion,
puis les bailla à lire audit Philippe. Et pour sa tant ferme
confiance qu'il eut de son amy, recent tresdigne loyer
des dieux immortelz, qui ne voulurét empescher
sa santé, pour vn faulx donné à
entendre.

¶ Fin du tiers Liure de Valere
le Grand.

Le quatrieme liure de Valere le Grand.

¶ De la uertu de Temperance.

Quel est l'effect de temperance.



Pres auoir parlé de constance, maintenant conuient dire de Temperance: laquelle ne permet noz passions vaguer plusoultre qu'il n'est conuenable, & est le frein & bride de noz conuoitises: parquoy rend l'homme sans reprinse, & bien reputé & honoré: aussi donne à congnostre ses effectz entre maintz personages excellens, & bien renommez.

¶ De P. Valere Publicole.

Ordonnance de V. Publicole.

Afin que ie prenne mon exorde à la haulte dignité des consulz. Apres que les roys furent deiectez de Rôme, Valere qui fut surnommé Publicole, pource qu'il tenoit moult grand compte du peuple, se voyant auoir semblable & telle puissance comme auoyent les susdictz roys, & mesmes tous leurs ornemens & enseignes soubz le tiltre de consulat, vfa de si grande moderation en si hault estat & de degré tant enuié, que tel honneur fut de lógue durée. Il ne voulut qu'avec ses masses fussent ioinctes les congnées (qui estoient les enseignes des consulz) mesmes de douze masses n'en retint que six, en vne remonstrence qu'il fit au peuple. Pareillement de crainte qu'il ne fust veu affecter le regime seul, print pour compagnó Spurius Lucretius: auquel, pource qu'il estoit plusancien que luy, fit cest honneur de luy presenter lesdictes six masses. Il fit aussi vne ordonnance en vne court ou tout le peuple s'assembla en plain son de trompe, qui estoit telle, que si aucun citoyen appelloit de quelque magistrat que ce fust, au peuple, nul desdictz magistratz ne fust si osé ne si hardy de fustiger ou faire mourir ledict citoyen. Ainsi pour donner plus grande liberté à la ville diminua son estat & dignité. Dauantage, il fit demolir vn fort beau logis qu'il auoit fait construire en vn hault lieu: pour ce que le peuple en murmuroit, & le fit situer en vne plaine. Or d'autant plus qu'il s'abessa en son edifice, d'autant plus fut il exalté en honneur & louenge enuers le peuple.

¶ De Furius Camille.

Il me fasche de me departir du recit de Valere Publicole: d'autre part ie suis ioyeux de parler de la temperance de Furius Camillus, qui se móstra tant moderé quand vint à receuoir la dignité de dictateur, apres qu'on luy eust fait tant d'infamie, comme de l'auoir lié, batu, & enuoyé en exil. Or côme cestuy fust banny en Ardée, les Rommains eurent recours à luy, lors que Romme fut prinse des François, & le feirent en son absence dictateur: ce que voyant ledict Camille, ne se voulut transporter en Veiente, pour prédre la charge de la gendarmerie Romaine, iusques à ce qu'il fust créé dictateur par droit solennel du senat. Certes le triumphe que remporta ledict Camille des Veientois,

fut magnifique, la victoire qu'il eut des François fort belle: mais son attrempance & retardement furent beaucoup plus dignes de louenge & administratio car veritablement: il est plus difficile & laborieux de se vaincre, que surmonter son ennemy, & est vn signe de personnage bien moderé, de ne se monstrier point deprimé & abiect en aduersité, ne aussi trop esleué & insolent en choses prosperes.

Il est plus difficile de vaincre soy-mesme, que son ennemy.

¶ De Marc Rutile Censorin.

Marc Rutile Censorin fut en moderation egal à Camille. Cestuy Censorin fut pour la seconde fois créé censeur: puis en vne harégue qu'il feist, reprint le peuple bien asprement: pource qu'il l'auoit constitué deux fois en cest office: disant que les maieurs, pour ce que ceste dignité estoit grande, l'auoyent limité premierement de trois ans, puis de dixhui mois, & consequemment de demy an: & qu'il n'appartenoit à aucun citoyen d'y estre d'auantage. L'un & l'autre, c'est asçauoir Censorin, & le peuple, feirent bien, Censorin leur donna à entendre que moderément deuoyent bailler les honneurs & dignitez: & le peuple donna à congnoistre que c'estoit à vn homme moderé à qui il falloit commettre & bailler la charge des offices & dignitez.

¶ De Lucius Quintus.

Or disons comme Quintus Cincinnatus se monstra homme attrempé, & bon consul. Comme le senat le vouloit continuer en ceste dignité, non seulement pour ses bons actes, ains pour obuier au peuple qui vouloit que les tribuns fussent encore vn an en leur office. Combien que l'un ne l'autre ne fust acoustumé en Romme, ny ne se peult faire de droit. Par son attrempance le dict Cincinnatus feist que le senat ne tomba en reprinse: & aussi que les tribuns n'affectedrent à l'exemple de luy, à estre continuez en leur office: pour ce que de son bon gré ceda le consulat apres y auoir esté vn an, & s'en retourna labourer aux champs: ainsi fut il seul occasion, que les senateurs, ne le peuple ne feissent chose digne de reprehension.

Il se depoussa modestement du senat.

¶ De Fabius Maximus.

Comme Fabius Maximus considerast que par cinq fois auoit esté fait consul par le consentement des senateurs: & que son pere ensemble son grand pere, le pere de son grand pere & ses maieurs souuentefois eussent eu ceste dignité: en vne assemblée de ville ou son filz estoit esleu en ce mesme honneur, par le consentement de la plus grande partie du peuple, pria le dict peuple le plus constamment qu'il peut, qu'il se deportast de plus eslire aucun de sa famille en ceste dignité, alleguant qu'il deuoit bien suffire que tant de personnages de sa race eussent par si long temps esté constituez en ce magistrat, non qu'il se deffiait des vertus de son filz. (Certes ceste personne estoit excellente & pleine de graces) mais afin qu'on ne continuast point ce grand estat en vne famille: qu'est il plus efficace & de grande valeur que ceste attrempance, qui surmonta les affections du pere enuers le filz, qu'on peult penser estre trepuissantes: car le naturel d'un pere est d'esleuer tousiours son filz.

Notable.

Le quart Liure

¶ Du premier African.

Noz maieurrz furent grandement foudieux de rendre au premier African l'honneur qu'il auoit defferuy. Certes ilz s'efforcerent de le salarier de loyer egal à ses merites & bienfaictz, & de poſer en l'honneur de luy ſtatues en tous lieux ou conuenoit le peuple: comme en la court ou ſe faiſoyēt les aſſemblées & plaideries: au lieu des Roſtres, ou ſe faiſoyent les harengues: en la court de parlement, & en l'oratoire de Iupiter. Pareillement de mettre ſon image au capitol, eſtant ornée d'acouſtrements triumphaulx, & ſoubz elle oreillers ou carreaux en la maniere des dieux. Dauantage le vouloyent faire conſul & dictateur perpetuel. Leſquelz honneurs ne voulut iamais ſouffrir lediſt African luy eſtre faictz, ny de l'ordonnance du peuple, ny du ſenat. Et eut preſque autant d'honneur à faire refus de telz appareilz, comme il en auoit meritē de gloire.

¶ Du meſme African.

D'une meſme conſtance & attrempance ſe monſtra lediſt African, quand il defendit la cauſe de Hannibal en plain parlement. Or comme les Carthaginois euſſent enuoyé ambassadeurs à Romme, accusans lediſt Hannibal de ſedition, & mutinerie enuers eulx: African commença à dire quil n'eſtoit point queſtion que les ſenateurs Rommains ſe meſlaſſent de la republique des Carthaginois. Ainſi par ſa grande attrempance pourueut il au ſalut de Hannibal, & ſe monſtra amateur de l'honneur du parlement Romain, & oultre la victoire ne ſe monſtra ennemy ne de l'un, ne de l'autre: ceſtaſcauoir de Hannibal duquel il garda la ſauueté apres l'auoir vaincu, ny des ſenateurs: car il leur enſeigna comme ilz ſe deuoyent porter en ceſt affaire.

¶ De Marc Marcel.

Deuant le coſulat de Marc Marcel, (qui le premier enſeigna comme on pourroit vaincre Hannibal, & prendre Syracuſe) les Siciliens vindrent en Rome pour faire plainte de luy: mais ceſtuy Marcel ne voulut tenir court, pour ce que d'auenture ſon compagnon Valere Leuin eſtoit abſent: afin que les Siciliens en faiſant leur diſte plainte ne fuſſent pluſcraintifz quand ilz euſſent veu que ceſtuy Marcel euſt tenu ſeul la chaire de iuge. Or quand fuſt reuenu lediſt Valere Leuin, Marcel tint propos en plaine court de receuoir & ouyr leſdiſtz Siciliens, & les endura patiemmet: puis quand eurent faict leur plainte, Leuin leur commanda qu'ilz fortiſſent hors, mais Marcel les conſtrainit de demourer, afin qu'ilz fuſſent preſens à ouyr ſa deſenſe. Or quand les deux cauſes furent debatues les Siciliens vindrent hors de la court, & Marcel voulut faire le ſemblable, afin que pluſlibrement le parlement donnaſt ſon arreſt. Sus ſes entrefaictes les Siciliens furent condemnez en leur plainte, puis vindrent demander pardon audiſt Marcel, luy priāt qu'il les vouliſt prendre en ſa garde & ſeruitude: ce que feit lediſt Marcel benignement & cordialement. Puis apres auoir obtenu la prouince de Sicile en ſon gouuernemet, de crainte que les Siciliens ne penſaſſent qu'il les traicteroit trop mal pour l'aduenir, ceda ladiſte prouince à ſon compagnon Leuin. Autant de fois que lediſt Marcel uſa de moderation & courtoisie enuers leſdiſtz Siciliens, autant merita il d'eſtre loué & extollé.

La benignité
& courtoisie
de Marc Marcel
enuers les
Siciliens.

¶ De Tybere Gracchus tribun du peuple.

Tybere Gracchus se monstra aussi personnage merueilleusement moderé. Lors qu'il estoit tribun du peuple, les deux Scipions, c'est à sçavoir l'African & l'Asiatique, & luy ne s'entr'aymoient gueres: & adonc Scipion l'Asiatique, à raison qu'il ne peut fournir à quelque somme d'argét, aquoy il auoit esté cōdemné, fut enuoyé en prison par l'ordonnance des consulz: mais en appella deuant la communauté des tribuns, desquelz nul ne voulut faire port audict Scipion: fors Tybere Gracchus, qui se sequestra de la compagnie, & va faire vn rescript & remonstrance. Or quand cestuy Gracchus eut commencé à escrire, toute la compagnie iugeoit que ledict Gracchus vseroit de parolle contre ledict Asiatique rigoureuses & fieres, comme enuers son ennemy: ce qu'il ne fit: mais au commencement iura qu'il n'estoit aucunement recōcilié avec les Scipions: consequemment va reciter sa remonstrance, ou estoient comprises telles paroles: Veu que Cornele Scipion au iour de son triumphe fit emprisonner les capitaines des ennemys marchans deuant son chariot liez & enchainez, c'est vne chose indigne, & estrange à la maiesté du peuple Romain de veoir iceluy mesme estre ainsi traité: pourtant quant à moy ie ne souffriray iamais qu'on face telles choses. A ceste heure là le peuple Romain fut bien aise d'estre deceu de son opinion, & loua fort la temperante modestie dudit Gracchus.

¶ De C. Claude Neron.

Claude Neron doit estre nombré entre les autres exemples de singuliere moderation. Cestuy auoit esté personnier & compagnon de la gloire qu'auoit acquis Liuius le Saulnier à la deffaite d'Asdrubal: & toutesfois ayma mieulx suyuir de cheual ledict Saulnier triumpht, qu'vsr du triumphe qui luy auoit esté estably également par le senat, comme audict Saulnier: pource que la victoire auoit esté faicte en la prouince dont auoit le gouuernement ledict Saulnier. Donc il triumpha sans chariot, & d'autant plus excellentement, que seulement estoit louée la victoire de son compagnon: mais de cestuy Neron estoit extollée & la victoire & la vertu de modestie.

¶ Du dernier African.

Le dernier African ne merite pas qu'on se taise de luy, lequel estant censeur, comme il instituoit de faire le sacrifice lustral, c'est à dire purgatif, qui se faisoit de cinq ans en cinq ans en Romme, pour appaiser les dieux des fautes qui pouoyent auoir esté faictes en ladicte ville: & audict sacrifice accoustumé vn notaire, tabellion, ou scribe marchoit deuant & portoit vn tableau où estoient escriptz certains chantz solennelz & hymnes, par lesquelles on prioit les dieux qu'ilz feissent l'estat Romain meilleur & plus ample. Adonc dit Scipion: Certes l'empire Romain est assez bon & grand, ie prie aux dieux qu'ilz le conseruent perpetuellement sauf & entier. Et aussi commanda que ce tableau fust corrigé, & que pour l'aduenir on priaist plus oultre que ce qu'il auoit dict: ce que firent les censeurs qui vindrent apres luy. Il pensa bien que lors que l'empire Romain ne s'estendoit que trois lieues & demie de long,

Le quart Livre

Reproche,
ou note cen-
soire, qui por-
te condemna-
tion de mort.

que iustement & prudemment on faisoit requeste aux dieux, de le dilater & amplifier: mais quand il fut parvenu à posséder la plus grande part de tout le monde, c'estoit vne conuoitise d'appeter quelque chose plusoultre: & ainsi estoit abondamment eureux s'il ne perdoit rien de ce qu'il obtenoit. Sa vertu de modestie ne fut point autre en sa dignité de censeur quand il seoit en chaire. Lors qu'il faisoit faire les monstres des gens de cheual, apres qu'il eust contemplé C. Licinius prestre, qui estoit cité pour comparoir deuant luy, il luy comença à dire qu'il cognoissoit certainement qu'il s'estoit pariuré à son esciër: pourtant si quelqu'un l'accusoit qu'il seruiroit de tesmoing: mais nul ne se dementa de l'accuser: pourtant dict il audict prestre. Passe avec ton cheual afin qu'on te voye, & gaigne le reproche que tu auois merité, afin qu'en ta personne ie ne soye veu seruir d'accusateur & tesmoing, de iuge & censeur. i. repreneur.

¶ De Quintus Sceuola.

Il n'est licite
de croire à vn
seul tesmoig.

Semblable moderation & temperance fut trouuée à Quintus Sceuola homme tres excellent. Cestuy estant produict pour tesmoing contre vn pource criminel, apres quil eust depose chose qui estoit merueilleusement greuable à la vie & salut dudict criminel, en partant dit: Cōbien que ie dise la verité, si ne le deuez vous pas condamner s'il n'y a d'autres qui tesmoignent le cas: pour ce que la chose seroit de mauuais exemple d'adiouster foy à vn tesmoing seul: Donc rendit il deue foy à sa religion, car il afferma estre vray ce qu'il auoit dict, & donna cōseil salutaire à la commune vtilité, afin qu'ilz ne fissent mouir aucun à la parolle d'un seul homme.

¶ De Metellus Macedonique.

Exclamation
de Metelle sur
la mort de Sci-
pion.

Ie sçay bien que ie suis brief à narrer les faitz & dictz de si grandz personages Rommais: mais consideré que i'ay à mettre à execution grandz affaires & beaucoup en peu de parolles, & que ie suis arrousé par tout de personnes & choses infinies excellentes en bruit & renommée, ie ne sçauroye satisfaire à l'un & à l'autre, c'estasçauoir comprendre en petit volume grandz affaires, & beaucoup. Donc nostre entreprise est de ne rendre à chascune chose sa louenge, mais bien d'en faire le recit. Pourtant avec tout humble pardon & supplantation, les deux Metelz, c'estasçauoir le Macedonique & Numidique, s'ilz leur plaist souffriront que ie face le narré d'eux en brief. Lesquelz sont l'honneur du pays. Metellus de Macedoine auoit eu grande dissention avec Scipion l'African, & leur contention extraicte d'une emulation de vertu, paruint iusques à grosses & manifestes inimitiez: mais quand Metellus ouyt le bruit que Scipion auoit esté tué, se iecta en plaine rue, & d'une face triste, & voix troublée dict: Courez, courez citoyens, les murs de nostre ville sont demoliz, on a fait violence, & meschant acte à Scipion l'African reposant en sa maison. O republique infortunée par la mort d'African, pareillement eureuse par les lamentations amyables & humaines que fait Metellus pour ledict African: à ceste heure là il recongneut combien grand & de quelle autorité ladicte republique auoit perdu vn chef. Cestuy mesme admonnesta ses enfans qu'ilz eussent

eussent à aider à porter la litere ou estoit le corps du trespasé en sa pompe funebre. & dit encore d'auantage, vne parolle d'honneur: Certes pour l'aduenir vous ne ferez cest office à personnage plus grand. Que sont deuenuz tous les differens qu'ilz auoyent eu en la court? Que sont deuenuz tant d'altercations, haynes, & inimitiez qu'on auoit veu pulluler entre ces deux grandz citoyens, & excellens princes? Certes la vertu d'atrempace, qui est grandement à honorer & priser, aneantit toutes ces choses.

¶ De Metel Numidique.

Metellus surnommé Numidique deicté du pays par la ligue & menée du peuple, se retira en Asie: ou comme d'auenture il estoit à quelques ieuз qui se faisoient en la ville de Tralles, lettres luy furent baillées, esquelles estoit cōte-nu comme le sénat par le commun accord de tout le peuple le rappelloit en Romme. Ce neantmoins ne peut partir du theatre iusques à ce que lesdictz ieuз fussent finiz.: dauantage ne donna à congnoistre sa ioye en aucune sorte à ceulx qui estoient assiz ioingnant de luy: ains la garda en son cœur. En sorte qu'il ne changea de son visage en son bāissement & restablisement. Voila cōme ledict Metellus garda le moyen tāt en fortune aduerse, cōme prospere.

Exemple de
constance.

¶ Du dernier Caton.

Après auoir fait le recit de tant de personnages de diuerses races & familles, qui auoyent meritē estre louez de semblable vertu: le nom des Porciens, qui biē dessert auoir gloire pour ceste vertu de temperance, ne doit estre teu. Le dernier Caton se monstra grandement attempé: qui apres auoir apporté les deniers de la prouince de Cypre fidelement & entierement en Romme: combien qu'il eust perdu les papiers ou estoient contenues les sommes de ladicte pecune, & que le peuple luy en voulust faire rédre cōpte: ce neantmoins la court congnoissant sa preudhommie, & aussi le trauail que ledict Caton auoit eu en son voyage, voulut que tout cela fust interrompu, & qu'on eust esgard au bien qu'il auoit fait, & qu'il fut créé preteur vnanimement sans brigue: ce que ledict Caton refusa, disant qu'il estoit iniuste qu'on luy feist cest honneur, considéré qu'a nul autre n'auoit esté fait le semblable. Et afin qu'il ne fust occasion de noualité, iugea estre meilleur attendre les voix du peuple, touchant l'elecion de preteur, que d'vser de la grace que luy vouloyent faire les seigneurs de parlement.

¶ De Marc Bibule.

Comme i'eusse desir de laisser les exemples des Rommains, & passer aux estrangers, Marc Bibule homme de tresample dignité, & qui auoit eu de hautes & honorables charges, vient mettre la main à moy, & m'arreste en cest endroit. Or comme cestuy demouroit en la prouince de Syrie, il eut nouuelles que deux filz qu'il auoit, de bien bonne nature, & noblesse de cœur, auoyent esté tuez en Egypte par les souldardz Gabinien. Et la royne Cleopatra luy auoit enuoyé les murdriers lieз & enchainez, afin qu'il en feist telle punition que bon luy sembleroit. Mais apres que ladicte royne luy eust fait ce plaisir, qui ne se pourroit faire plus grand à homme qui est en dueil: constraignit son desplaisir de donner lieu, & ceder à son attempace: & commanda soudain

H

Le quart Liure

qn'on remenaſt leſdictz murdriers à ladiſte Cleopatra, diſant: Ce n'eſt pas à moy d'en faire la punition, c'eſt aux ſeigneurs de la iuſtice.

¶ Exemples des eſtrangers.

¶ D'Architas Tarentin.

Metapont vil
le d'Italie.

L'attempance
d'Architas.

Après que Architas Tarentin euſt grandement trauaillé, & par longüe eſpace de temps, en la ſcience de philoſophie, en Metapont ville d'Italie, ſoubz Pythagoras, reuint en ſon pays: trouue ſes terres mal cultiuées & labourées par la negligence de ſon fermier. Contemplant lediſt fermier qui mal en auoit faiſt ſon deuoir, dit en ceſte maniere: Paillard, ie te puniroye à l'heure preſente, ſi ce ne fuſt que ie ſuis courroucé contre toy. Lediſt Architas ayma mieulx le laiſſer impuny, que par cholere le punir plus qu'il n'eſtoit decent.

¶ Du philoſophe Platon.

L'attempance
de Platon.

L'attempance d'Architas fut trop douce, & quaſi à blaſmer: mais celle de Platon fut plus louable. Or comme lediſt Platon fuſt fort animé pour quelque faulte que luy auoit faiſt ſon ſeruiteur, craignant qu'il ne paſſaſt le moyen de punition, en donna la correction à Spensippus ſon familier: eſtimant que ce luy ſeroit deſhonneur, ſi la punition de ſon ſeruiteur, & le delict dudiſt ſeruiteur meritoient egale reprehention.

¶ Du meſme Platon.

Louenge de
Platon.

Donc ſi ceſtuy ſe monſtra moderé enuers ſon ſeruiteur, ie ne m'eſmerueille point ſ'il ſe porta doucement enuers ſon amy & diſciple Xenocrates. Côme on luy euſt rapporté que lediſt Xenocrates auoit diſt tout plein de meſchantes parolles de luy, n'en fait compte: & comme le rapporteur perſiſtoit à l'accuſation, demandant pourquoy on n'adiouſtoit foy à ſes parolles: lediſt philoſophe reſpondit, qu'il n'eſtoit facile à croire, que Xenocrates ne l'aymaſt, veu qu'il l'aymoit ſi ardemmet, & qu'il ne penſoit qu'il daignaſt dire les parolles. Ce que oyant lediſt accuſateur ſe mit en faiſt de iurer: mais pour rompre le iuremet, Platon dit, que poſſible eſtoit que Xenocrates auoit peu prononcer les parolles, mais qu'il penſoit qu'il eſtoit expedient de les dire puis qu'il les auoit diſtes. Certes il ne fault pas eſtimer que l'eſprit de Platon ſeint ſa demeure en vn corps mortel, ains au ciel, conſideré que ſi bien ſcauoit eſtre maiſtre des paſſions humaines, & en foy retenir toutes fortes de vertuz.

¶ De Dion de Syracuſe.

Vray eſt que Dion Syracuſan n'eſtoit à comparer à Platon en ſcience, mais touchant la vertu d'attempance, il auoit plus d'experience. Ceſtuy Dion eſtant banny du pays par Denys le tyran, ſe retira en la ville de Megare, & côme il ſ'eſforçoit de parler à Theodore grand gouuerneur & ſeigneur de ladiſte ville, ſe transporta à la maiſon dudiſt Theodore: & ainçois qu'il entraſt, ſe fit longuement la court deuant la porte, mais ne ſ'en faſcha beaucoup. Lors dit à ſon compagnon: Portons cecy patiemment, poſſible que quand nous

estions en honneur & dignité faisons nous faire le semblable à ceulx qui vou-
loyent parlermenter à nous. Et par ce il adoucit la peine de son bannissement
par ceste parolle tranquille & modérée.

Par modera-
tion & traquil-
lité to^u maux
son allegez.

¶ De Thrasibule.

En cest endroit nous toucherons de Thrasibule, qui ramena le peuple d'A-
thenes au pays fortifié de courage & d'armes: lequel auoit esté constrainct par
la cruaulté de trente tyrans, d'abandonner son demeure, & mesmes de mener vie
disperse, vague, & miserable. Et combien que la victoire dudit Thrasibule,
contre lesdictz tyrans, fust belle & louable pour la restitution de la liberté, si
fust elle encore plus excellente pour la moderation de quoy il usa. Cestuy or-
donna que de tout le différent qui auoit esté entre les citoyens, pour l'aduénir
il ne fut mécion, & que toutes iniures fussent mises soubz le pie. Ceste oubli-
ce de tous tortz & discordz, que les Atheniens appelloient Annistia, remit &
reunit l'estat de la ville, (qui ia estoit en ruine & aboly) en sa premiere forme.

¶ De Stasippe de Tegée.

Cest exemple icy n'est pas de moindre admiration que le précédent. Stasip-
pe natif de la ville de Tegée en Archadie, fut admonesté par ses amys de fai-
re mourir, ou enuoyer en exil vn sien compagnon en l'administration de la re-
publique: qui tousiours luy repugnoit & resistoit en toutes ses opinions com-
me emuleur, & ennemy: en autres affaires, honneste homme & bon person-
nage. Ce qu'il refusa tout platement, de crainte qu'au lieu d'un vertueux ci-
toyen, ne fust colloqué vn mauuais garnement: & ayma mieulx endurer fas-
cherie & ennuy de son aduersaire, que le pays fust priué d'un si excellent de-
fenseur, comme estoit sondict aduersaire.

Tegée ville
d'Archadie.

L'atrempan-
ce de Stasippe
surmōtoit tou-
tes autres.

¶ De Pitaccus.

Le philosophe Pitacque, l'un des sept sages de Grece, se monstra pareille-
ment bien moderé: lequel estant paruenue à auoir le gouuernement de la ville
de Mitylene, par le consentement de tous les citoyens, donna à congnoistre
tant seulement au poete Alceus, qui l'auoit diffamé par ses vers, la puissance
qu'il auoit de faire la vengeance de luy, s'il eust voulu, mais n'en auoit la voluté.

¶ Des sept sages de Grece.

La memoire de ce personnage predict, me constrainct de faire icy recit de la
temperance des sept sages de Grece. Au pays de Milese, vn certain homme a-
uoit achete d'aucuns pescheurs ce qu'ilz prendroyent au trait de retz qu'ilz
disposoyent faire. Or lesdictz pescheurs en leur pesche tirerent vne table sem-
blable à celle de Delphos, qui estoit d'or massif, d'une grāde pesanteur. Apres
le coup de retz semeut différent entre lesdictz pescheurs & le marchand. Les
pescheurs disoyent qu'ilz auoyent vendu le poisson qu'ilz prendroyent, &
non autre chose: le marchand au contraire disoit auoir achete ce qu'il plairoit
à fortune de luy enuoyer. La charge de leur cōtrouersie, pour la nouveauté du
cas, & aussi pour la grosse valeur de la prise, fut donnée à tout le peuple de la
cité, lequel fut d'opinion qu'on se trasportast au temple d'Apollo en Delphos,

Le quart Liure

pour ſçauoir à qui deuoit eſtre adiugée icelle table. Le dieu reſpondit que le pluſſage d'entre les Grecz en deuoit auoir la poſſeſſion: par ces parolles Grecques qui ſont en ſubſtance: O vous ieunes gens de Mileſe, vous demandez à Apollo à qui doit appartenir ceſte table, baillez la au plus prudent de Grece. Lors tous d'un conſentement la deliurerent à Thales: mais la reſuſa, & l'en-uoya à Bias: Bias la feit offrir à Pittacus: Pittacus la preſenta à vn autre: conſequemment fut preſentée à tous les ſept ſages l'un apres l'autre, & finalement paruint à Solon: laquelle comme loyer & tiltre de trefamplie prudēce, la tranſmit à iceluy meſme Apollo.

¶ De Theopompe.

Note le diſt
de Theopōpe

C'eſt bien raiſon de rendre à Theopompe Roy des Spartains le teſmoigna-ge de ſa moderation. Comme ceſtuy euſt ordonné qu'en Lacedemone fuſſent inſtituez & creéz prouiſeurs & reformateurs, qui fuſſent pour contreroler les roys, comme en Romme les tribuns du peuple, pour auoir eſgard ſur les conſulz. Sa femme luy dit, que par cela il diminueoit la puiſſance de ſes enfans: vray eſt, reſpondit il, qu'elle n'eſt pas ſi grande, mais elle ſera plus de durée. Et tresbien parla lediſt Theopompe: car vne ſeigneurie eſt plus aſſeurée, quand on adiouſte moyen en ſes forces. Donc lediſt roy Theopompe en reſtreignāt ſon royaume de certaines brides & freins licites, d'autant que plus il ſe retira loing de licence, d'autant plus fut il aymé de ſes ſubieſtz.

¶ D'Antiochus.

Moderation
en toutes cho-
ſes.

Antiochus eſtant retrenché des limites de ſon empire, iuſques oultre la mō- teigne de Taurus, par Lucius Scipion, ayant perdu la prouince d'Asie, & les pays limitrophes, rendit graces au peuple Romain, non point feinctement, ains veritablement: pour ce qu'il l'auoit deliuré de trop grande charge & ſoucy, & que ce pendant il ſe contentoit de peu de terres & poſſeſſions. Certes il n'eſt rien ſi excellent ne magnifique, qui ne deſire à eſtre meſlé de moderation & attrempance.

¶ DE CEVLX QUI D'INIMITIE

ſont uenuz en amitié.

¶ CHAPITRE II.

Singulieres
ſimilitudes.



uis que nous auons aſſez eſclarcy la vertu de temperance des excellens perſonnages par exemples: maintenant eſt beſoing de parler de ceulx qui ont hay l'un l'autre, puis ſont reuenus en grace, & amitié. Certes tout ainſi comme d'un ioyeux oeil nous contemplons la mer calme & paiſible, apres la tourmente & tempeſte, le ciel ſerein & tranquille apres auoir eſté pluuieux & venteux, ainſi vn diſcord mué en paix apporte beaucoup d'eſiouyſſance. Donc fault faire feſte par bening recit, d'iniures, inimitiez, & rancunes miſes en oubly. •

¶ De Marc Emilius Lepidus.

Marc Emille Lepide deux fois conſul, & grand eueſque, autant homme conſtant & graue, comme il eſtoit hault eſleué en honneur & dignité, hayt longuement & vehementement Fuluius Flaccus perſonage non moins excellent & grand que luy: mais auſſi toſt qu'ilz furent faiſtz cenſeurs, ſur le

champ ledi& Marc Emile, osta toute rancune estimât qu'il n'estoit decent qu'iceulx hayssent l'un l'autre qui estoient publiquement ioin& & compagnôs en si hault honneur. L'age present a loué le bon iugement de cestuy Lepide: & les anciens escriuains des annales l'ont laissé aux posterieurs, pour estre approuué.

¶ De Sextus Liuius surnommé le Saulnier.

Ainsi comme lesdictz escriuains ont fait mention de la reconciliation de Marc Lepide avec Fuluius Flaccus, en ce point n'ont voulu que le conseil que print Liuius le Saulnier pour finir l'inimitié d'entre luy & Claude Nero, ne fust incongneu à la posterité: iacoit ce que cestuy Liuius eust esté banny par la hayne de Nero, & que par son rapport eust esté grandement affligé, toutefois apres que les Rommains l'eurent reuôqué, & fait son compagnon en la dignité de consul, se vainquit luy mesme, & oublia le naturel de son esprit, qui estoit aigre & aspre: pareillement la grosse iniure qui luy auoit esté faite, afin que (si d'auenture il eust persisté en inimitié, se monstrât hayneux à son colleague) il n'eust pas bien exercé l'office de cōsul. Certes ceste moderatiō de quoy vsa ledi& Saulnier en temps difficile & dangereux (car la republique Romaine estoit lors for agitée par la seconde bataille Punique) apporta grād salut à nostre ville, & mesmes à toute l'Italie: pource que ces deux consulz s'alièrent ensemble, & d'une mesme vertu & effort rompirent les forces Carthaginoises.

¶ Du premier African & de Tybere Gracchus.

Nous auons icy pareillement vn bel exemple, qui touche de la reconciliation du premier African & de Tybere Gracchus. Veritablemēt ces personnaiges icy se trouuerent au capitol, ou annuellement se faisoit vn conuiue à l'honneur de Iuppiter, auquel s'assembloyent les gros seigneurs de Romme: & en ceste table entrerent ennemys. Mais ains que partir furent amys, & de parentage. Scipion n'estant point content seulement par le moyen du senat au banquet de Iuppiter estre remis en concorde avec Gracchus, plusoultre en ce mesme lieu luy donna sa fille Cornelia en mariage.

¶ De Cicero.

Ceste sorte d'humanité fut trouuée singuliere en Cicero. Cestuy se monstra amy & defenseur d'Aulus Gabinius, quand il fut accusé de pillerie & larcin: lequel Gabinius auoit esté cause de bannir Cicero de Romme, lors qu'il estoit consul. Ce mesme Cicero defendit la cause de P. Vatinius par deux fois, quand fut accusé d'auoir maluersé en la republique: nonobstant que cestuy Vatinius eust esté tousiours contraire audi& Cicero: ce qui ne tourna à vice de legiereté audi& Cicero, mais grand honneur: car plushonnêtement on vainc iniures dissensions, & rancunes par bienfaictz, que par la recompense d'obstination & perseuerance de haine mutuelle.

L'humanité
de Cicero.

De vaincre le
mal par le bi&

¶ De P. Clodius le Bel.

Lacte de Cicero fut veu si louable, que son mortel ennemy Clodius ne différa de l'imiter. Cestuy Clodius cōbié qu'eust esté accusé d'inceste par les trois

Le quart Liure

Le vice d'ambition, quand on parvient à quelque office par voye illicite.

Lentules, si eust il la grace d'en defendre vn qui estoit accusé d'estre entré en honneur par voye illicite: & proposa de se mōstrer iuge, preteur, & tesmoing, fauorable & amy dudiēt Lentule: plus oultre, & qui le deuoit inciter à haine contre ce Lentule, il contemploit l'eglise de Vesta, dedans laquelle lediēt Lentule auoit faict vne harengue contre luy, le pensant esteindre & faire mourir, pour le crime qu'on luy imputa, c'estasçauoir d'auoir violé en ce lieu saint vne dame vestale.

¶ De Caminius Gallus.

Caminius Gallus fait le defenseur & l'accusateur tout ensemble, quād print en mariage la fille de Caius Antonius, lequel il auoit condemné, & lors qu'il fait son procureur vn nommé Marc Clonius duquel il auoit esté condemné.

¶ De Celius le Roux.

Combien que Celius le Roux fust de vie impudique & dissolue, si fut il grandement loué pour la misericorde dequoy il vſa enuers Quintus Pompeius: auquel auparauant il auoit eu grand discord, en forte qu'en ce tumulte le filz dudiēt Pompée y auoit esté occy, & les consulz cōtrainctz de se retirer. Or Cornelia noble matrone Romaine, mere des Gracques auoit occupé quelques terres appartenantes audiēt Pompée, ce que voyant lediēt Pompée, en l'extreme necessité cōstrainct d'auoir recours à son ennemy, pour luy aider en cest affaire, rescriuit lettres audiēt Celius, qu'il luy pleust defendre sa cause alencontre de Cornelia: ce qu'il fit entieremēt en l'absence dudiēt Pompée, & en plain court leut les lettres, qui manifestoyent qu'au grand besoing demandoit aide mesmes à son ennemy. Par ceste requeste lediēt Celius se monstra amy, & vainquit l'iniuste auarice de Cornelia. Certes cest acte de vertu, combien qu'il fut faict d'un homme vitieux, comme Celius, si n'estoit il à contemner, pour l'excellente & grande humanité de quoy il vſa enuers Pompée.

¶ D'ABSTINENCE, ET CONTINENCE.

¶ CHAPITRE III.



L fault songneusement & diligemment narrer, combien les passions & impetuositiez de luxure & auarice, (qui sont semblables à fureur) sont eslongnées des cœurs des excellens personnages, par le moyen de conseil & raison: par laquelle nostre religiō, nostre cité, & nostre royaume facilement demourera en eternal estat: pourueu que conuoitise de pecune, & luxure soit aneantie & abolie. Car certes ou ces deux pestes, & ennemies du genre humain font entrée: en ce lieu domine iniustice, & infamie. Donc faisons recit des vertuz, qui sont contraires à ces vices tant cruelz & inhumains.

Luxure, & auarice, la peste du genre humain.

¶ De Scipion l'African.

Scipion estant en l'age de vingt & quatre ans, apres auoir prins en Espagne vne ville nommée la nouuelle Carthage, & auoir cōsulté de mettre le siege deuant la grande Carthage, & mis en sa puissance certains ostages, que les Carthaginois auoyent enclos en cestediēt ville neuue: entre autres tomba en ses mains vne ieune damoiselle en fleur d'age. Lors luy qui estoit pareillement ieune (comme i'ay predict) d'auantage veuf & vainqueur, ce neātmoins

La continēce de Scipion.

congnoissant qu'elle estoit extraicte de noble maison de Portugal, & fiancée à vn ieune gentilhomme de ce pays nommé Indible, manda ses parens & son fiancé, & leur rendit entiere & incorrompue : consequemment luy donna en douaire l'or qui auoit esté apporté pour sa rançon. Indible se voyant grandement tenu audict Scipion pour ceste continence & liberalité, ne cessa iamais qu'il n'eust rendus les Portugalois amys des Rommains. Par ainsi rendit graces deues aux merites de Scipion.

Indible con-
gratula Scipiō
pour sa conti-
nence.

¶ De Marc Caton.

Tout ainsi comme Elpaigne est tesmoigne de l'abstinence du preallegué Scipion: aussi Albanie, Achaie, les isles Cyclades, la region Maritime d'Asie, & la prouince de Cypre font la preuve de celle de Catō Vticense. Or cōme cestuy eust prins la charge d'apporter l'argent du roy des Cypriens en Rōme, autant eut il le coeur destourné de luxure comme de gaing, & auarice, combien qu'il eust l'occasion & obiect de ce faire. Tous les thresors de Cypre estoient à son commandement, & en son nauigage falloit necessairement qu'il passast par les villes les plusuoluptueuses de toute la Grece. Munatius le roux, fidele compaignon dudit Caton au voyage de Cypre, le declare assez en ses escriptz : toutesfois ie ne suis son tesmoignage. Ceste collaudatiō icy se peult affermer d'elle mesme, pour ce que du mesme vêtre de nature sont yssus continence & Catō.

Louēge de la
continence de
Caton.

¶ De Drusus Germanique.

Drusus Germanique, la gloire de la race Claudiane, qui pour la grandeur de ses beaux actes, quant au regard de son aage, estoit correspondant à Octavian second mary de sa mere Liuię: car cestuy Drusus estoit filz de Claudius Nero premier mary de ladię Liuię, & aussi estoit egal à son frere Tybere: lesquelz deux, c'estasçauoir Octauien & Tybere estoient les yeulx de la republique Rommaine. Tant que vesquit Drusus, il se cōtēta de sa femme seulement.

¶ D'Antoinette femme dudit Drusus.

Antoinette sa femme merita estre louée, comme surpassant en continence les nobles hommes de sa famille & maison. Certes elle recōpença bien l'amour que luy portoit son mary, par son excellente fidelité: car apres le decēs de son dict mary, elle estant en fleur d'aage & beauté, au lieu de se marier, elle se retira à la chābre de sa belle mere Liuię, & en vn mesme liēt Drusus mourut ieune, & Antoinette y vieillit en veuage: ceste couche icy sera la fin de telles experiences & exemples.

¶ De Cneus Martius.

Or parlons de ceulx qui n'ont point mis leur coeur à auarice. Cneus Martius ieune gentilhomme, yssu du sang d'Ancus roy des Rommains, qui fut surnommé Coriolanus: pource qu'il auoit prins Coriolane ville des Volscques, estant present en vne harengue que faisoit Posthumius Comminius consul, par laquelle il estimoit fort la prouesse dudit Coriolan enuers les souldardz Rommains: & mesme luy offroit toutes sortes de dons militaires: avec ce cent arpens de terre, dix prisonniers à son choix, autāt de cheuaulx bardez, & bien equippez, cent boeufz, & autāt d'argēt qu'il eust sceu porter: ne voulut rię prendre de tout cela, fors qu'il requit qu'on luy donnast vn prisonnier qui auoit esté son hoste, & son cheual dequoy il se seruoit en la guerre: & par ceste belle

Le quart Liure

vertu d'attempance, on ne sçait s'il acquist plus de louenge en desservant telz prix, qu'en les refusant.

¶ De Marc Curius.

La réponse notable de Marc Curius.

Dict notable.

Marc Curius, la tefestroicte rigle de sobrieté Rommaine, & louable exemple de prouesse, permit que les ambassadeurs des Samnites le veissent prendre sa refectiion sus vn banc de village pres du feu, mangeant du potage dans vn plat ou escuelle de bois. (Cest appareil là monstroit bien de quelles viandes il vsoit) Cestuy veritablement ne feit compte des richesses desdictz Samnites, lesquelz s'esmerueillans de sa poureté, luy presenterent grand nombre d'or, le semonnant benignement de le prendre, & d'en vser. Lors commença à rire, disant: O vous ministres d'une legation superflue & non conuenable, allez, dites à ceulx de vostre pays que Marc Curius ayme mieulx auoir la domination de gens riches que d'estre riche: & remportez ce present, qui iacoit ce qu'il soit pretieux, si a il esté trouué au dommage & detrimement des hommes; & ayez memoire que ie ne puis estre vaincu en bataille, ny estre corrompu par pecune. Quand cestuy mit hors d'Italie le roy Pyrrhus, ne voulut rien de tout le butin royal, de quoy auoit esté enrichye la gendarmerie & la ville Rommaine. Le senat auoit determiné au peuple sept arpens de terre, & audi& Curius cinquante: mais il se contenta de l'assignation qui auoit esté donnée audi& peuple, estimât que le citoyen n'estoit conuenable à la republique, qui ne se contentoit comme les autres.

¶ De Fabrice Lucin.

Fabrice estoit riche de pourte avec contentement.

Autant en pensa Fabrice Lucin comme Curius, qui entre les citoyens Romains fut le plus grand de son temps, tant en honneur comme en autorité: mais en richesses egal au plus pource. Cestuy Fabrice renuoya à Samnium, region d'Italie en Calabre, grande pecune, & dix seruiteurs, qui luy auoyent esté enuoyez par les Samnites, qui tous estoient en sa protection & sauuegarde. Certes cestuy Fabrice estoit fort riche sans auoir pecune, pource qu'il estoit content, & aussi il estoit tresbien accompagné, sans auoir seruiteurs & satellites, ne posseder grand auoir, mais desirer peu ces choses là, le faisoient riche. Donc ainsi que sa maison fut exempte de l'argent & seruiteurs des Samnites, en ce point fut elle pleine d'honneur & gloire acquise par le mespris & contemnement de toutes les vanitez & pompes susdictes.

¶ Du mesme Fabrice.

La continence de Fabricé ne doibt estre moins louée, quand il detesta la doctrine des Epicuriens, que quand il contemna les presens des Samnites. Cestuy fut enuoyé en ambassade vers le roy Pyrrhus pour la permutation & redemption de certains prisonniers: & comme il estoit en ce lieu ouyt chez ledict roy Pyrrhus, Cyneas Theffalien, recitant que quelque philosophe d'Athenes mettoit en teste, & enseignoit à ses auditeurs, que les hommes ne deuoient rien faire sinon pour auoir plaisir & volupté. Lors ledict Fabrice eut en horreur ceste parolle, comme si ce fust vn monstre: & tout soudain pria que le roy Pyrrhus & les Samnites ne fussent instrui& de ceste doctrine: iacoit ce

que la ville d'Athenes se glorifiait en la science, toutesfois ce philosophe susdit Cyneas approuua plus la detestatio de Fabrice, que l'enseignemēt d'Epicurus: d'equoy par apres l'adventure en donna certaine congnoissance: Car la ville de Tarēte qui s'adonna toute à delices & volupté, perdit son royaume, qui estoit grand & ample. Et Romme qui print plaisir à trauail & labeur, occupa ledit royaume. Tarente ne peut garder sa liberté, Romme augmenta la sienne.

¶ De Quintus Tubero Catelius.

Quelqu'un à iuste droit pourroit estimer, que Quintus Tubero eust esté disciple de Curius & Fabritius, pource qu'il ensuyuit leur maniere de faire, & de viure. Comme cestuy Tubero estoit cōsul, la nation des Aetoles luy enuoya par certains ambassadeurs, de toutes sortes de vaisseaux d'argēt de grande pesanteur, & faitz par grand artifice: lesquelz ambassadeurs n'y auoit pas long temps qu'ilz estoient venuz veoir ledit Tubero, pour le congratuler de la victoire qu'il auoit obtenu contre ses ennemis, & cōme ilz fussent en la court dudit Tubero, veirent qu'il n'estoit seruy qu'en vaisselle de terre, ce qu'ilz reportèrent à leur pays, pensans qu'il ne faisoit cela par sobriété & continence, mais par poreté. Or ledit Tubero contemplant lesditz vaisseaux d'argent les renuoya. O que bien auoit fait Tubero, d'auoir preferé la vaisselle de son pays, à celle des Aetoles, si ses posterieurs l'eussent voulu ensuyuir: Maintenant ou en sommes nous? Certes gens serfz ne voudroient à ceste heure vser des

Dit notable.

¶ De Paul Emile.

Aprēque Paul Emile eust vaincu Perses roy des Macedoniens, il rassasia tant des richesses Macedoniques la poreté des Rommains, qui leur estoit cōme hereditaire, (pource qu'au temps passé, ilz aymoyent & honoroyent icelle poreté) que le peuple ne fut plus tributaire. Ce neantmoins ledit Paul n'en enrichit dauantage sa maison: estimant que c'estoit chose bien faicte à luy, que de ceste victoire les autres en emportassent le butin, & luy la gloire.

L'honneur fut par P. Emile preferé aux richesses.

¶ De Quintus Fabius Gurges, C. Numerius, Fabius Pictor, & Quintus Vgolinus.

Fabius Gurges, Numerius, Fabius pictor, & Quintus Vgolinus furēt d'une mēme phantasie & iugement cōme fut Paul Emile. Lesquelz enuoyez en ambassade vers Ptolomée roy d'Egypte, les presens qu'ilz auoyent particulièrement eu de luy, les misrent au tresor publicque, ains que rendre compte de leur legation au senat: iugeans qu'on ne se deuoit en rien escrioire pour auoir fait seruice à la republique, & qu'il suffisoit auoir l'honneur d'une charge bien faicte. En cest endroit on peult congnoistre l'humanité du senat, & la diligēte discipline des maieurs, pource que les presens qu'auoyent mis lesditz ambassadeurs au thresor publicque, leur furent renduz: non seulement par l'ordonnance des senateurs, ains par la permission du peuple: & les tresoriers leur distribuerent promptement à vn chascun. Ainsi la liberalité de Ptholomée, la parcité des ambassadeurs, & l'equité du parlement & peuple obtindrent deue portion d'un acte louable en mēmes choses.

H v

Le quart Liure

¶ De Calpurnius Piso.

Magistrat ne
se doit retri-
buer par pecu-
ne.

Il est assez congneu que Calpurnius Piso fut en semblable sorte de louenge imitateur de la continence des Fabiens, & d'Vgolinus. Lors que cestuy estoit consul, apres auoir deliuré la Sicile de l'aspre bataille des fugitifz, il distribua tout plein de prix & presens aux souldardz qui luy auoyét aidé en cest affaire, ainsi que faisoient les capitaines Rommais, à ceulx qui se monstroient vail- lans, au conflict : entre lesquelz mit seulement par honneur sus la teste de son filz vne couróne d'or pesant trois liures : non que la couronne luy demourast, ains seulement en eut le tiltre, combien qu'il eust tres bien en la bataille fait son deuoir en maintz endroitz. Et disoit pour ses raisons qu'il n'estoit licite, à vn personnage constitué en office estre doué d'une pecune publique, qui re- tournast en sa maison : puis promit à cestuy ieune enfant qu'à son testamét luy laisseroit autant de poix, afin qu'il receust l'honneur publiquement de son ca- pitaine, & particulièrement le prix de son pere.

¶ Du premier Caton.

Ne seroit ce pas vne chose de merueilles si aucun noble personnage de ce temps au lieu de tapiz vsoit de peaux de cheureaux, & qu'un gouuerneur d'Espaigne se contentast seulement de trois seruiteurs, & qu'il entreprinst le voyage d'oultremer pour cinq cens liures, & qu'il vesquist comme les mathe- lotz ? Certes le premier Caton fait toutes ces choses trespatiemment : pource qu'il auoit acoustumé de viure sobrement, & y prenoit plaisir.

¶ Du dernier Caton.

Le dernier Caton s'eslongne beaucoup de l'ancienne continence par l'es- pace des ans, pource qu'il fut né, lors que Romme estoit desia riche, & prenoit plaisir à sumptuositez, & grandz despeses. Toutesfois estant es guerres ciui- les, tira avec luy son filz, & se passa à douze seruiteurs. Vray est qu'il en auoit plus que le premier Caton, quant au nombre, mais en auoit moins que luy, quant au regard du temps, & des meurs qui estoient changées. Mon coeur se resiouit en faisant memoire de si grandz personnages.

¶ De Scipion Emilian.

Scipion Emilian apres auoir esté deux fois consul, & deux fois triomphé. Faisant l'office d'ambassadeur, se contenta de sept seruiteurs qui le suyuoient. Il pése bien qu'il en eust bien peu auoir dauantage, considéré le gros butin qui pouoit escheoir de la prinse de Carthage, & Numance, s'il n'eust aymé mieulx que la proye eust esté eslargie à ses souldardz, & à ceulx de son pays : & à luy seulement la louenge de ses beaux actes. Donc quand se trouuoit en nation estrange, & avec ses cōfederez, on n'auoit esgard à son petit train, ny au nom- bre de ses seruiteurs, ains à ses victoires : ny aussi combien d'or & d'argent il portoit avec luy, mais on auoit l'oeil à son amplitude & excellence, & esti- moit on plus sa vertu, que sa pompe. Sa continence & parcité estoit souuent congneue de tout le peuple. A tant suffise d'auoir amené ces deux exemples en lumiere, qui sont bien loing l'un de l'autre, quant à la difference des temps.

¶ De Pyrrhus.

Après que Pyrrhus eust fait tout son effort de vaincre les Romains par armes, sentit que sa puissance estoit trop foible. Parquoy tascha de les auoir par amour & bienueillance: pour ce qu'il ne pouoit bonnemét amoindrir leur force, enuoya par ses ambassadeurs, le plus beau & le meilleur de ses richesses & presens. Et comme par lesdictz ambassadeurs estoient portez par chascune maison tant des hommes que des femmes ioyaux & bagues pretieuses conuenables à leur vsage, n'y eut ne femme ny homme qui en receust aucune: si que ce prodigue sollicitateur Pyrrhus, approbateur de la superfluité & pompe de quoy souloyent vser les Tarentins, fut expulsé de Romme, non moins glorieusement par armes, que par continence & parcité: car il ne les sceut corrompre par dons.

¶ De Caius Marius, & L. Cinna.

Quand Caius Marius, & L. Cinna ioignirent leurs exercites contre Sylla, & que par leur tempeste fut la republique grandement tourmentée, le peuple fut veu merueilleusement misericordieux & abstinent. Ces deux icy abandonnerent au pillage toutes les maisons de ceulx qui auoyent esté bannyz: mais homme ne fut trouué, qui y voulsist mettre la main: vn chascun s'abstint comme si ce fussent temples ou eglises. Tellement que ceste pitiable continence du peuple, tourna à grande iniure & reproche secret aux cruelz & inhumains vainqueurs.

¶ Exemples des estrangers.

¶ De Pericles.

Afin que ne soye veu attribuer seulemét l'honneur de ces vertuz à la nation Romaine, en cest endroit ie reciteray quelques exemples des estrangers. Pericles grand gouuerneur des Atheniens, estant compagnon avec Sophocles poete tragedie, en l'office de preteur, voyant ledict Sophocles louer oultre mesure la beaulté d'un noble enfant, qui passoit pres d'eulx, reprint son intemperance, & dict: vn preteur ou iuge, ne doit seulement refraindre ses mains d'auarice & larcin, ains ses yeulx de regard lascif.

Notable dict
de Pericles.

¶ De Sophocles.

Quelqu'un interroqua Sophocles qui ia estoit vieil, s'il prenoit point aucune fois son plaisir avec les femmes: dieu me doint chose plus salutaire (dict il) ie me suis volontairemét retiré de ce passage, comme d'une tyrannie furieuse.

Respon
se notable
de So-
phocles.

¶ De Xenocrates.

I'ay entendu que Xenocrates en sa viellese estoit aussi continent & chaste comme Sophocles. Le recit qui s'en ensuit sera grande approbation du cas. Phryne grande paillarde d'Athenes, par gaigneure se coucha tout du long d'une nuit avec ledict Xenocrates, qui estoit plein de vin, pour essayer si elle pourroit corrompre sa chasteté. Cestuy ne de parole ne d'attouchemét ne la repudia, iusques à ce qu'elle se voulut mettre entre ses bras: adonc luy rompit son entreprinse, qui estoit un acte de sage homme, & de grande abstinence. Ce que voyant les ieunes compagnons qui auoyent gaigé à ladicte Phryne qu'elle ne mouueroit à luxure ledict philosophe, se commécerent à gaudir d'elle, disans,

Grande appro-
bation de con-
tinence & cha-
steté.

Le quart Liure

que combié qu'elle fust belle & bien parée, si nauoit elle sceu parfournir son intention: pourtât demanderent l'entieu, & ce qu'elle auoit perdu contre eulx. Alors respōdit ladiſte Phryne, la gaigneure estoit faicte que ie coucheroye avec vn hōme, non pas avec vne statue. La continence de Xenocrates pouoit elle mieulx estre demonſtrée, que par ceste paillarde? Phryne par ſa beaulté aucunement ne peut ſouiller la continence tresconſtante de ce philoſophe. Que dirons nous du roy Alexādre? Certes il ne le peut mouuoir par ſes richesses, non plus que ſi ce fust vne statue. Cestuy roy auoit enuoyé ambassadeurs vers lediſt Xenocrates avec quelques talentz. (Le grand talent valoit lxxxiii. liures & quatre vnces, le petit talent en valoit ſoixante) leſquelz ambassadeurs venuz en l'achademie, college, & auditoire des philoſophes, furent receuz par lediſt Xenocrates avec bien petit appareil, & train fort legier: ainſi qu'il auoit acouſtumé. Puis le lendemain luy demanderent à qui il vouloit que ladiſte pecune fust nombrée. Que voulez vous meſſieurs (diſt il) n'entēdiſtes vous pas hyer à ſoupper, que ie n'auoye que faire d'elle? Ainſi ce roy Alexādre voulut acheter l'amitié dudiſt philoſophe, mais le philoſophe ne luy voulut vendre.

¶ De Diogenes.

Alexandre ſurnommé l'invincible, ne peut vaincre la continence de Diogenes Cynicus. Cestuy roy quelquefois paſſoit par chemin, & veit lediſt philoſophe ſeant au coupeau d'un rocher au ſoleil, luy demanda ſ'il vouloit rien du prince, lors Diogenes portant le ſurnom de chien, qui estoit abieſt & vile, perſonnage neantmoins excellent & cōſtant, luy reſpondit. Je ne te demande riē fors que tu ne m'épeſches le ſoleil. Aufquelles paroles fut ioindt ce propos. Alexādre eſſaye par ſes richesses oſter Diogenes de ſon eſtat, mais plus aiſemēt il deſſeroit par armes le roy Darius. Ariſtippus dit au ſus allegué philoſophe à Syracuſe, cōme il lauait des herbes pour mettre en ſon pot. Si tu voulois pourchaffer la grace du roy Denys, & le blandir, tu ne māgerois pas ſi poures viandes. Si tu voulois te paſſer à ces porées icy, dit Diogenes, tu ne ſeruirois point de flateur au prince Denys.

Note la reſpōſe de ce philoſophe.

¶ D E P O V R E T E.

CHAPITRE IIII.

¶ De Cornelia.

De quelz ornemens doiuent eſtre ornées les meres.



Celuy qui ne conuoite rien poſſede toutes choſes.

Es pluſ beaux ornemēs que pourroyent auoir meres de famille, ce ſont enfans biē moriginez, ainſi que nous trouuōs en Pompone le Roux au liure de ſes Colleſtes. Quelquefois vne femme chāpenoiſe estoit logée chez Cornelia mere des Gracques, & luy monſtroit ſes pluſ beaux ioyaux & acouſtremens, luy priant que par ſemblable elle luy vouliſt monſtrer les ſiens. Ladiſte Cornelia l'entretint de parolles iuſques à ce que ſes enfāſ fuſſent reuenuz de l'eſchole: puis luy dit, m'āmye voila mes pluſ beaux ornemens. Il poſſede certes toutes choſes, celuy qui ne conuoite rien, voire biē pluſ certainemēt, que celuy qui a toutes choſes en ſa poſſeſſion: car le

dommaine des richesses est caduc : mais la possession de vertu & bonté, n'est subiecte à l'incurfion de triste fortune. Pourquoy donc met lon les richesses au premier lieu de felicité, & poureté au dernier estat des miseres, veu que l'entrée d'icelles richesses est ioyeuſe, mais le dedans est plein de plusieurs amertumes? Le regard de poureté est vil & abieſt, mais il abonde de biens non periffans & certains. Ce qui fera monſtré mieulx par les perſonnes cy apres recitées, que par les paroles. Tresnotables parolles.

¶ De Valere Publicole.

Aprés que les roys furent expulſez de Romme, pour le trop grand orgueil de Tarquin, Valere Publicole cōmença avec Iunius Brutus, le cōſulat. Cestuy par apres au gré du peuple fut trois fois conſul, & par ſes beaux faiſtz amplifi a beaucoup ſa nobleſſe, & ſon parentage: mais iacoit ce qu'il fuſt grand perſonage, & que de ſon temps le liure des Faſtes, ou eſtoient eſcriptes toutes les dignitez & offices des Rommains, & meſmes les geſtes annuelz, qu'on nomme Annales, euſſent eſté compoſez : nonobſtant en la fin deceda ſi poure, que ſes biens ne peurēt ſuffire à faire ſes funerailles: & fallut qu'elles fuſſent faiſtes de la pecune publique. Il ne fault point tant diſputer de la poureté de ceſtuy tant excellent perſonage : on voit amplement quelz biens il euſt en ſon viuant: conſideré qu'apres ſa mort ſon reuenu ne ſuffiſt à luy faire vn liſt funebre, & feu pour le bruſler ſelon la mode ancienne. La poureté de ce conſul.

¶ De Menenius Agrippa.

De quelle excellence penſerions nous qu'eũt eſté Menenius Agrippa, qui fut eſleu du ſenat, & du peuple, pour pacifier leur diſcord? Il falloir bien dire qu'on l'eſtimoit bié, de le faire iuge & arbitre du ſalut public. Toutefois ceſtuy mourut ſi poure, qu'il fuſt demouré à inhumer, ſi le peuple ne ſe fuſt cotizé à chaſcun la ſixieſme partie d'vne liure pour faire ſa ſepulture. Veritablement le ſenat & le peuple contendoient l'vn contre l'autre à qui bailleroit argent pour les obſeqs dudiſt Agrippa : Toutefois le peuple voulut ſatiffaire ſeul à ceſt honneur funebre: & de l'argent qu'auoit baillé le ſenat, le peuple ordōna qu'il ſeroit deliuré entre les mains des enfans dudiſt Menenius, pour leur ſubuenir. Ainſi la ville qui auoit eſté diuiſée par ſeditiō pernitiuſe, ſe voulut reunir aux funerailles dudiſt Agrippa, pource qu'ilz congnoiſſoyent qu'il eſtoit poure, mais homme de bien qui en ſon viuant n'auoit rien amaffé, & apres ſa mort la concorde Rommaine luy fut treſample patrimoine.

¶ De C. Fabritius, & Qu. Emilius.

Il fault que ie cōfeſſe qu'es maiſons de Fabrice, & Emilius Pappus, les pluſ principaulx de Romme en leur temps, ilz ſe ſeruoient de vaiſſelle d'argent: l'vn & l'autre eut vne petite eſcuſſe & ſaliere d'argent, ſeruans aux ſacrifices de leurs dieux. Fabrice ſe monſtra pluſ magnifique, qu'Emilius, pource que ſon eſcuſſe auoit vn petit pié de corne. Emilius ſe monſtra aſſez vertueux, à raiſon qu'il ne voulut aliener ſadiſte vaiſſelle pour l'hōneur des dieux, cōbien qu'elle luy fuſt eſcheute par ſucceſſion. Ces ſeigneurs là, fort riches, quant en magnanimité, & haulteſſe de coeur, qui eſtoient cōuoquez du labourage, afin qu'ilz

Le quart Liure

Blettes, aucuns les appellent motes de terre, aucuns, roques.

Quelz estoient ceulx qui estoient appellez au regime public des Romains.

fussent faictz cōsulz, prenoyēt leur plaisir & passetemps de tourner à la charrue la terre nommée Pupinie, qui estoit sterile, & tresardate, & iceulx exemptz de delices, rompoient les grosses blettes avec grande sueur & travail. Mesmes ceulx qui en temps de peril de la republique estoient appelez pour estre chefz & capitaines, estoient constrainctz par poreté estre faictz bouuiers, puis qu'il fault que ie les nomme ainsi à la verité.

D'Attilius Calatin.

Attilius fut appelle come il semoit le grain.

Parolles notables.

Ceulx qui furent par le senat enuoyez pour conuoquer Attilius à prendre le regime de la seigneurie Rommaine, le trouuerēt semant: mais les mains d'iceluy qui estoient escalies de besongner misrent en fermeté & assurance le salut public, & opprimerēt grande quantité d'ennemis. Les mains qui auoyēt mené la charrue, tindrēt le frein du chariot triumphal: & n'eurent honte, apres auoir delaisé le sceptre d'iuoir, de reprendre le mancheron de la charrue. Ledict Attilius est grande consolation aux pures, mais encore plus grand enseignemēt aux riches. Leur donnant à congnoistre, qu'angoisseuse acquisition de richesses n'est neccessaire à conuoitise de vraye louenge.

¶ D'Attilius Regulus.

Description de la possession & seigneurie de Attilius Regulus.

Attilius regulus estant ainsi appelé comme le precedent, & de sa consanguinité, qui fut l'honneur de la premiere bataille Punique: car souuent eut la victoire des Carthaginois: aussi quand il fut prins y eut grande boucherie du costé des Rommains. Comme il aneantissoit en Afrique par frequentes victoires la puissance de Carthage tresfiere & insolente, il congneut pour ses beaux actes & prouesses qu'on le vouloit continuer l'année sequente en son office de capitaine. Lors rescriuit aux consulz, que son fermier qui se tenoit en Pupinie, (en vn petit lieu qui cōtenoit sept arpés de terre) estoit mort, & qu'il auoit loué en sa place vn autre homme, qui l'auoit desrobé, & emporté charette, charrue & autres instrumens rustiques: pourtant que ce fust le plaisir du senat d'enuoyer vn autre capitaine & chef en sa place: afin que son lieu ne demourast à labourer, & que par ceste negligence sa femme & ses enfans pourroyent auoir default. Ce que congnoissant la court, luy bailla vn laboureur qui cultiueroit ses terres, & bailla viures à sa femme & ses enfans: & luy rendit des deniers publics ce qu'il auoit perdu. L'exemple de la preud'hommie & fidelité d'Attilius demeure autant de temps imprimé & affiché au tresor public, que tout l'aage des Rommains s'en glorifiera.

¶ De Quintus Cincinnatus.

Le territoire de Q. Cincinnatus dictateur.

Parolles tresueritables, toutes fois peu notées.

Le territoire de Quintus Cincinnatus fut aussi ample comme celui de Regulus. Il eust sept arpés de terre en possession, desquelz il en perdit trois, s'obligeāt au tresor public, pour auoir pleigé vn sien amy: le reuenu dudit lieu s'en alla à la deliurance de son filz Cesō, qui fut condamné, pource qu'il ne s'estoit trouué à defendre sa cause. Toutefois en labourant quatre arpés de terre n'obtint seulement la dignité de pere de famille, ains luy fut présentée la dictature. Maintenant plusieurs se pésent estroitement logez, quand leurs edifices commencent autant que les champs de Cincinnatus.

¶ De la famille des Eliens.

Que dirons nous des Eliens ? c'estoit vne maison bien riche : en vn mesme temps furent seize personnage de ceste race, qui auoyent vne petite maison au lieu où maintenant est l'oratoire de Marius, auquel estoient les faitz dudit Marius depeinctz, pareillement auoyent vne terre, au territoire Veientois, en laquelle falloit beaucoup moins de cultiueurs, qu'elle n'auoit de maistres & possesseurs : consequemment lesdictz Eliens auoyent au theatre Flaminien vn lieu pour regarder les ieux. Lesquelz heritages leur auoyent esté donnez de la republique pour leur vertu. Ces gens icy n'auoyent iamais vsé pour vne maille de vaisselle d'argent iusques à ce que Paul Emille eust vaincu le roy Perses : lequel Paul donna du butin de guerre à Quintus Elius Tubero son gendre vne fiole d'argét pesant cinq liures. Je me tais que le plusgrand seigneur de la ville donna audit Tubero sa fille en mariage: veu que sa maison estoit si poure, & mesmes mourut si indigét, que si on n'eust vendu vne piece de terre, qu'il auoit seulemēt laissé, on n'eust sceu ou assigner le douaire de sa femme. Pour lors en Romme y auoit hommes & femmes de si grâde bonté, qu'on faisoit beaucoup plus d'estime des vertuz, que des biens. Aux vertueux on donnoit les offices & dignitez, on ne prenoit point garde aux biés, quād on vouloit faire mariages, seule vertu faisoit les affinitez. Ceste cy auoit toute puissance en public, en la court, & en la maison. Vn chascun taschoit à augmenter l'vtilité du pays, & non son bien particulier. Les Rommains aymoyent mieulx estre pources en riche empire, qu'estre riches en poure regne. Et à ceste noble phantasie estoit donné ce loyer: c'est qu'il n'estoit licite acheter par pecune rien de toutes les choses qui estoient deues à vertu. On donnoit secours à l'indigence des nobles personnages, des richesses publiques.

Les Rômainz
iadis cōme se
portoyēt en-
uers les ver-
tueux.

Notables pa-
rolles.

¶ De Cn. Scipion.

Comme durant la seconde bataille Punique Cneus Scipion eust rescript d'Espaigne au senat, demandant qu'on luy enuoyast son capitaine en vn lieu: pour ce qu'il auoit vne fille qui estoit desia d'age pour marier, & que sans luy on ne la scauroit pourueoir. Le senat lors, (afin que la republique ne fust priuée d'un si bon capitaine) print la charge du pere, & avec le conseil de la femme dudit Scipion & de ses parens & alliez, luy assigna douaire sus le tresor publique, & luy donna en mariage quarante mille sexterces. Par cela on peut congnoistre l'humanité de quoy vsa le parlemēt enuers Scipion, & aussi l'estat des patrimoines anciens, qui furēt si tres estroitz que Tatia fille de Ceso estoit iugée auoir eu gros mariage, d'auoir apporté à son mary dix mille sexterces: & Megulie pource qu'elle entra en la maison de son espoux avec cinq cens mille sexterces fut appelée par excellence la douée. Ce mesme senat par sa liberalité deliura les filles de Fabrice Lucin, & de Scipion de n'estre point douées: c'est adire que sans la munificence du senat elles eussent esté mariées sans douaire: pource qu'il n'y auoit rien de quoy elles eussent sceu dire auoir eu de l'heritage paternel, fors grand honneur, bruit & renom des prouesses de leurs peres.

L'humanité
du senat, & de
l'estat des pa-
trimoines des
anciens Rom-
mains.

¶ De marc Scaure.

Marc Scaurus au premier de ses liures qu'il à escript de sa vie, recite combié son pere luy laissa d'heritage: quant aux seruiteurs, seulement en eut dix: tout

Le quart Liure

Icy fait l'auteur recit de plusieurs notables exéples.

Que poureté ne doit estre blasmée.

Les richesses ne sont à preferer à poureté.

son reuenu fut de tréte cinq mille deniers. Certes ce personnage, qui pour l'aduenir deuoit estre chef du senat, fut nourry en ce petit auoir. Nous qui ne cessons de nous plaindre de nostre petit reuenu, deuerions auoir esgard à ces exéples, & y prendre consolation. Nous auons bien l'oeil es excellens consulatz, dictatures, admirables & innumerables triumphes: mais nous ne regardós que ceulx qui en ont iouy estoient pources. Nous ne contemplons point la paucité d'argent, qui estoit à la maison des Eliens, le petit train de seruiteurs qu'auoyét Fabritius Emilius Pappus & Scaurus, sept arpens de terre couriaffe & seiche que possedoyent Quintus Cincinnatus, & Regulus. Les pources funerailles de Valere Publicole, Menenius Agrippe. Les filles pourement douées d'Attilius, & Cneus Scipion. Pourquoy blasmons nous l'estat de poureté, côme si ce fust le plus grand mal du monde? qui de ses mammelles, (iaçoit ce qu'elles ne soyét pleines & abondantes, si sont elles feales) a nourry les Publicoles, Emiliés, Fabritiés, Curions, Scipions, Scaures, & semblables vertueux personnages. Donc leuons noz espritz, & recreons noz pensées debilitées de conuoitise d'auarice par la memoire du temps passé. Je iure par la petite case, & borde campestre de Romulus, par l'humble edifice du vieil capitolé, par le feu eternal de Vesta, & par ceulx qui se contentoient de vaisseaux de terre au lieu d'or & d'argent, que nulles richesses ne peuvent estre preferées à la poureté de telz personnages.

¶ DE HONTE.

CHAPITRE V.

De cōtemner son prouffit particulier, pour augmenter le public.



De poureté à hôte le passage est veu opportun. Ceste vertu admoneste les iustes hommes de contemner leurs richesses particulieres, pour augmenter le bien public. Certes elle merite bien qu'on luy feist construire vn temple, & qu'on luy consacraist vn autel, ainsi qu'à vne deesse celeste: car elle est mere de tout honneste conseil, pour la crainte qu'on a de tomber en deshonneur, gardiène des honorables dignitez, & offices. Car celuy qui a ceste vertu craint de faire en son office chose qui soit de reprise & reproche. Elle est maistrresse d'innocence, chere à ses prochains: car chascun ayme vn personnage honteux. Agreable aux estrangers: en tout tēps, & en tout lieu porte face & maintien fauorable.

Hôte mere de tout honneste conseil.

Louenges de honte.

¶ De la honte du peuple Romain.

Mais afin qu'apres les louéges d'icelle vertu, nous venions à narrer ses faictz: depuis la fondation de Romme iusques au temps que furent consulz Scipion l'African, & Tibere le long, le senat & le peuple estoit indifferemment sis ensemble, en regardât les ieuz. Du depuis nul d'entre le peuple ne presuma veoir lesdictz ieuz estant assis deuant les senateurs, tant furent les citoyens discretz & honteux: dequoy fut veue certaine experiēce & enseignement, ce iour que Lucius Flaminius se retira au derriere du theatre: lequel auoit esté deposé du senat par Marc Caton, & Lucius Flaccus censeurs: pource qu'il auoit fait couper la teste à vn soudard, à l'appetit d'une dame qu'il aymoient. Cestuy Lucius Flaminius au parauant auoit esté consul: mais pource qu'il estoit frere de T. Flaminius,

Flaminius vainqueur de Macedoine, & du roy Philippe, le peuple le fait monter au lieu ou il souloit estre, du temps qu'il estoit consul.

¶ De Terence Varro.

Terence Varro gasta la republique Romaine par son entreprise temeraire de la bataille de Cannes. Cestuy ne voulut recevoir la dignité de dictateur, qui luy auoit esté présentée par tous les senateurs & le peuple ensemble. Ainsi racheta il la faulte de ceste grande tuerie par honte: & fait par sa modestie & temperance, que les Romains penserent que la iournée n'auoit esté perdue par la coulpe dudit Varro: mais que les dieux estoient courroucez, pour les vices qui se commettoient en Romme. Donc luy tourna à plus grand honneur de refuser ladicte dignité, que les autres n'auoyent eu de la recevoir.

¶ De Cneus Scipion, & du secretaire Cicereius.

Venons à faire mention d'un excellent acte de honte. Fortune auoit conduit à la conuention ou s'elisoit le preteur, c'est asçauoir au champ Martial, Cneus Scipion filz du premier African, & le secretaire Cicereius, qui auoit esté seruiteur dudit African: ces deux personnages icy brigoyent pour la preture: dont le peuple estoit fasché, de veoir le filz d'un si grand prince contendre avec un homme de bas estat: & blasmoit fortune pour son imperfection; qui auoit meslé le filz dudit African avec le seruiteur d'iceluy en ce debat conuentuel. Mais Cicereius conuertit ce blâme en sa louenge. Or quand il se veit par les voix de toutes les bendes estre preferé audit Scipion, il va descendre du lieu qui estoit consacré à Mars, c'est adire du champ Martial, iecta sa robe blanche, de laquelle vsoient ceulx qui pretendoient à quelque office, & commença à estre suffragateur de son competeur: pensant qu'il feroit mieulx de luy ceder l'office, pour l'amour & memoire de son defunct maistre Scipion l'African, que le retenir pour luy. Et combien que le filz dudit African achetast beaucoup ledit office (car il commua la vertu de honte, à la dignité de preteur) si que Cicereius ayma mieulx perdre la preture, & garder honte: de quoy se resiouirent plus tous les assistants.

Brigoyent, c'est contendoient ensemble à une mesme chose.

Notable.

¶ De Lucius Crassus.

Or afin que nous ne partons point si soudain, & que nous ne delaissons les assemblées desquelles nous auons fait mention: nous toucherons de Lucius Crassus, lequel pretendait à l'office de consul, falloit qu'il sollicitast par toute la court le peuple, ainsi qu'auoyent acoustumé ceulx qui appetoyent quelque dignité. La maniere estoit de prendre les mains, faire la reuerence, & prier les assistants de donner leur voix. Donc Crassus noble homme, voyant qu'il estoit contrainct de supplier un peuple, eut honte: & n'osa iamais faire cela en la presence de Quintus Scevola, personnage sage & graue, son beau-pere. Pourtant le pria de s'absenter ce pendant qu'il vacqueroit à ceste chose illite & impertinente: ayant plus de reuerence à l'autorité dudit Scevola, que de regard à l'office qu'il demandoit.

Le quart Liure

¶ Du grand Pompée.

Larisse ville
de Theffalie.

Cóme Pompée le grand, le iour d'apres qu'il fust vaincu à la iournée Pharfalique par Iules Cesar, entroit en Larisse ville de Theffalie : lors les bourgeois de ladicte cité vindrent au deuant de luy pour luy faire honneur : mais leur dict : Allez, faictes honneur à celuy qui a eu la victoire. Je diroye qu'il n'estoit digne d'estre vaincu, s'il n'eust esté surmonté de Cesar. Certes il se monstra bien modeste & atrempé en sa calamité. Et pource qu'il ne pouoit à ceste heure là vser de son autorité, il vfa de la vertu de honte.

¶ De Iules Cesar.

L'honneste
hôte de Iules
Cesar.

Ceste vertu de honte fut souuentefois trouuée singuliere en Cesar, comme bien monstra en la fin de ses iours. Luy estant blecé à mort par les glaiues des murtheriers qui l'occirent, sur ces entrefaictes que son diuin esprit se separoit du corps mortel, ne s'espouenta tant de vingt & trois playes dequoy son corps estoit nauré, qu'il oubliast honte, & qu'il ne vouldist vser d'icelle en l'extreme. Certes il aualla sa robbe de ses deux mains iusques aux tallons, afin que le bas du corps fust couuert en mourant. Mesmes dict on qu'il couurit sa teste, afin que rien ne fust veu indecent en sa mort. En ceste sorte meurent non les hommes : mais les dieux immortelz ainsi retournent en leurs sieges & mansion.

¶ Exemples des estrangers.

¶ De Spurina.

L'exemple qui sensuyt ie le melleray avec les exemples des estrangers, & non avec les Rommains : pource que la chose fut faicte ainçois que les Hetruques (c'est à dire Toscons) fussent faictz citoyens Rommains. Il y eut en ce pays vn adolescent d'excellente beauté, nommé Spurina : de la merueilleuse formosité, duquel plusieurs femmes nobles estoient esprinnes : & par cela le dict iuenceau estoit odieux & suspect à leurs mariz & parens. Ce considerant ledict Spurina, se deschira toute la face, & difforma sa beauté : & ayma mieulx que ceste difformité feroit foy de son integrité & chasteté, que sa beauté fust le motif de la luxure & impudicité d'autrui.

¶ De quelque uieillard d'Athenes.

Comme quelque uieillard ia decrepy vinst en Athenes veoir les ieux du theatre, nul des citoyens ne luy feit place à se seoir : daduenture se transporta au lieu ou estoient les ambassadeurs de Lacedemone : lesquelz esmeuz de l'age de l'homme, se leuerent, luy feirent honneur pour son antiquité, & le feirent seoir entre eulx en lieu treshonorable. Ce que voyant le peuple, avec grande ioye approuua l'honnesteté & honte des estrangers. Alors l'un des Lacedemoniens dict : Les Atheniens scauent bien ce qui est d'honnesteté & d'equité : mais ilz contempnent de le faire.

¶ D'AMOUR ENTRE GENS MARIEZ.

CHAPITRE VI.



Pres auoir parlé de honte, qui est vne passion douce & paisible, ie me trāsporteray à deuiser d'une autre passion aussi honnestes, mais plus chement & ardente : & presenteray deuant les yeulx des lecteurs, non sans grande reuerence, amour legitime & bien ordonné, pour estre contemplé, ainsi que si ce fust vn image, deschiffant les actes de fidelité entre l'homme & la femme, qui sont de longue durée. Et combien que telz actes soyent difficiles à imiter, si proufite il de les cōgnoistre : car quand nous congnoissons quelque chose d'excellēt estre en autrui, c'est honte à nous si nous ne taschons d'en faire la moyenne partie. Authorité.

¶ De Tibere Gracchus, & de Cornelia sa femme.

Tibere Gracchus, apres auoir prins deux serpens en sa maison, male & femelle: acertioré par vn deuin que s'il laissoit sa male, sa femme mourroit soudain : au contraire s'il laissoit la femelle sauue, il estoit asseuré de mourir. Donc ayment mieulx que sa femme vescu que luy, commanda qu'on tua le serpent male, & qu'on reserua la femelle. ainsi souffrit il & endura la mort, en faisant occir ledict serpent. Je ne sçay si ie puis dire ceste Cornelia plusieurs d'auoir vn tel mary, ou plus maleureuse de l'auoir perdu.

¶ D'un roy de Theffalie, nommé Admetus.

O roy de Theffalie Admetus, tu te monstras bien cruel, quand par l'oracle du grand iuge Apollo, fus iugé à mourir pour vne grieve maladie qui te tenoit, si quelqu'un de tes parens ou seruiteurs ne vouloit endurer la mort pour toy. Tu te monstras (dy ie) inhumain, quand tu souffris que ta femme mourut pour toy. Je m'esmerueille comme tu voulus viure apres celle qui estoit morte volontairement pour te sauuer. ton coeur ne fut pas trouué pareil au coeur feminin. tu auois premierement fait l'essay de tous tes amiz & seruiteurs: mais nul ne fut trouué qui te voulsist pleiger, que ta seule femme.

¶ De C. Plautus Numide.

C. Plautus, qui n'estoit à conferer à Tibere Gracchus, iacoit ce qu'il fust de l'ordre des senateurs, toutefois pareil exemple en semblable amour. Quand cestuy eust entendu que sa femme estoit morte, ne peut souffrir la douleur qu'il en menoit: & se donna de son espée dans le corps. Adonc arriuerent soudain ses amiz & domestiques, qui l'empescherent de paracheuer l'ouurage, luy lierent la playe : mais aussi tost qu'il eust trouué l'opportunité, rompit l'enveloppe & les bandes, & mit à execution ce qu'il auoit encommencé, & finalement se tua: & par sa mort violente donna tesmoignage combien il auoit d'amour enuers sa femme, enclos dans son coeur.

Le quart Liure

¶ De Marc Plauce.

Marc Plauce, qui porta le nom du precedent, & qui ayma d'aussi bonne amour, quelque fois par le commandement du senat remenoit vne flotte de soixante nauires en Asie, de quelqu'vns confederez & amiz des Rommains. Comme il print port à Tarète, sa femme nommée Horestille, qui l'auoit suyuy iusques en ce lieu, agitée de grosse maladie, mourut. Or comme on preparoit les funerailles, & comme elle estoit sur le feu, & qu'on l'aromatisoit & baifoit: tira son espée, & se tua. Puis ses amiz tout chauffé & vestu le mirent avec le corps de sadiete femme: prindrent des torches, & bruslerent les deux corps ensemble: leur fut faict vn sepulchre, qu'on voit encore à la ville de Tarente, qui se nomme le sepulchre des amantz. Le ne doubte point que si des defunctz l'ame est viuante, que Plauce & Horestille, par la conionction de leur mort, ne soyent ensemble à se resiouyr, au lieu des infernaulx. Certes ou regne vn mesme amour honnesté & grand, il vault mieulx qu'il soit ioinct par mort, que separé en la vie.

Valere parle icy selon l'opinion des Epicuriens, qui disoyent q̄ quand le corps estoit mort, tout estoit mort.

¶ De Iulie fille de C. Cesar.

Semblable amour fut à Iulie fille de Iules Cesar. Comme elle veist rapporter du champ ou se faisoit l'election des edilles ou escheuins à Romme, la robe de Pompée le grand son mary, toute sanglente: ceste bonne damoiselle toute effrayée de crainte qu'on n'eust faict quelque violence à sondict mary, tomba euanouye: & par soudain trouble d'esprit & grieue douleur de corps, se deschargea d'un enfant dont elle estoit enceinte: & ainsi expira, certes, au grand dommage de toute la terre. De laquelle la tranquillité n'eust esté troublée par la cruelle fureur de tant de guerres ciuiles, si la concorde de Cesar & Pompée fust demourée ioincte & vnée par le lien de consanguinité & affinité.

La mort de Iulie femme de Pompée.

¶ De Porcie fille de Caton.

O Porcie fille de Marc Caton, tout aage s'esmerueille, & extolle par deu louenge ton amour treschaite. Apresque tu eus congneu que ton mary Brutus fut vaincu & tué aux champs Philippiques, en Thessalie: pource que tu ne sceus recouurer de glaiue pour t'occir, tu mages des charbons tous vifz, imitant de ton esprit feminin la fin de ton pere: qui par grand coeur se tua de son espée, en la ville d'Vtice. Mais ie ne sçay lequel de vous deux mourut plus vertueusement: ou luy, qui fut consumé par mort accoustumée: ou toy, qui decedas d'une sorte de mort nouuelle.

La mort de Porcie fille de Caton.

¶ Exemples des estrangers.

¶ De Artbemise.

On trouue aussi de bonnes amours auoir regné entre les estrangers, qui ne s'ot à estre mis en oubly, dequoy il suffira d'en reciter peu. Arthemise royne du pays de Carie en Grece, apresque son mary Mansole fust mort, le regreta tant qu'il n'est possible de l'exprimer. Ce seroit vne folie de disputer de quelle amour elle auma, veu qu'apres luy auoir faict en ses funerailles tant d'honneurs

exquis, & mesme faict faire vn monument de si grande magnificence, qu'il fut nôbré entre les sept merueilles du monde: encore ne luy suffist il, ains desira elle mesme estre le sepulchre de sondict mary. Les hystoriens afferment qu'elle feist rediger les os dudiect Mansole en pouldre, & avec autres bonnes odeurs en vsa communément en son bruuage. Ainsi fut elle le sepulchre vif dudiect Mansole.

Arthemise fut
le sepulchre
deson mary.

D'Hipocratee femme de Mithridates.

La royne Hipocratee ayma tant son mary Mithridates, qu'elle print plaisir à changer ses beaux acoustremes en habit d'homme, feist tondre ses cheueulx, apprint à dompter les cheuaulx, & hâta les armes: afin que plusfacilement elle assistast aux perilz & labeurs de sondict mary. Dauantage ladiecte Hipocratee de coeur & de corps infatigable, suyuit lediect Mithridates apres qu'il eust esté vaincu de Pompée, par tout les pays ou il se trāsportoit, combié qu'ilz fussent inhumains & difficiles. La fidelité d'icelle princesse apporta grande consolation & tresioyeux contentement audiect roy Mithridates en fortune si aspre & difficile, pensant si pourmener à sa maison, quand sa femme estoit avec luy en exil.

¶ De Lacedemone.

Pourquoy voyie chercher exemples en Asie, en Barbarie, & en la mer pontique: veu que la ville de Lacedemone (l'honneur de toute la Grece) nous monstre deuant les yeulx vne singuliere experience de fidelité des femmes envers leurs mariz: qui pour la merueille du cas, est à comparer aux plusgrandes singularitez qui furent iamais faictes au pays?

¶ Des Argonautes.

Les Argonautes, desquelz la race estoit extraicte du noble sang des compagnons de Iason, apres la prinse de la toison d'or en Colchos habiterent l'isle de Lenno, & y furent long temps paisibles & pacifiques: mais apres furent poulssez hors à force d'armes par les Grecz. Parquoy ayans à faire d'aide d'autrui, allerent par requeste ce pendant demourer es monteignes de Taygete, qui sont entre Lacedemone, & la mer. Desquelz Argonautes, les Spartains ayant pitié pour leur noblesse, & aussi pour la memoire de Castor & Pollux (qui furent Lacedemoniens, & compagnons dudiect Iason au nauigage de Colchos, qui estoient destinez pour estre itellifiez) les feirēt citoyens de leur ville. Mais lesdictz Argonautes affectans le royaume desdictz Spartains, qui leur auoyent faict tant de plaisir, pour grace leur rendirent ingratitude: & tournerent leur bienfaict en iniure: dont furent faictz prisonniers, pour auoir les testes coupées comme trahistres. Or deuoyent ilz estre executez de nuict, selon l'ancienne mode des Lacedemoniens: ce que scachans leurs femmes, qui estoient descendues des plusnobles personages de Lacedemone, feignirent de vouloir parler à leursdictz mariz, ains qu'ilz mourussent: ce qu'elles impetrent des geolliers. & entrèrent en la prison: puis leur feirent vestir leurs robbes, & souffrirent que leurs maryz fortissent hors, ayans les testes couuertes, par si-

Les montes
Taygete.

Castor & Pol-
lux.

La prudence
dont virent
ces femmes,
pour deliurer
leurs mariz.

Le quart Liure

mulation de dueil. Que pouray ie adiouster dauantage en ce passage, fors que cesdictes damoyelles estoient dignes d'auoir espouse telz maryz?

¶ D'AMITIE.

CHAPITRE II.



Que c'est d'amitié acquise, & de celle de parentage.

Enquoy sont congneuz les vrayz amis, & enquoy les amis suspectz, ou flatteurs.

Pres auoir parlé d'amour coniugale, maintenant reste à considerer combien est fort le lien de vraye amitié entre les hommes. Certes vne amitié acquise n'a pas moindre puissance qu'une amour qui vient de parentage, mais ie dy qu'elle est trop plusuallable & efficace. L'amitié acquise est plus certaine, & meilleure que l'autre: car (comme dit Cicero) d'un parentage amitié en peut estre ostée, & demeure tousiours la parenté: mais d'une amitié on n'en peut oster la bienueillance, autrement ce n'est plus amitié. Pluslegerement sans reprehension on delaissera un parent qu'un amy. se separer d'un affin, c'est iniustice: & d'un amy, inconstance & legereté: veu que la vie de l'homme, sans auoir amitié à aucun, est totalement deserte & solitaire. On ne doit entreprendre ceste chose tant necessaire, temerairement & follement: & depuis qu'on a commencé vne amitié, de droit on ne la doit delaisser. Les vrayz amis sont principalement congneuz es choses aduerses, ou tout le secours qui en ce temps est donné, est estimé partir d'une constante amitié. Aymer un homme en sa prosperité, cela est plustost attribué à flaterie, qu'à vraye amitié, & telle amour est suspecte comme si l'homme ay-moit pour plus demander, que bailler. Dauantage gens maleureux desirent auoir amis pour leur aider, & les consoler. Les choses prosperes, qui sont fauorisées de l'aide de dieu, n'ont que faire du support humain. La posterité retient beaucoup mieulx les noms de ceulx qui n'ont delaissé leurs amis en aduersité, que de ceulx qui ont tousiours acompagné leurs amis en felicité. Nul ne fait mention des amis de Sardanapalus. Orestes pour l'amitié qu'il porta à Pilades, fut plusrenommé que son pere, Agamenon. L'amitié de Sardanapalus & ses familiers fut gastée & corrompue avec les delices & superfluitez. La consolation que prindrent ensemble Pilades & Orestes en leur estat infortuné, par l'experience de leurs miseres, resplendit, & fut en prix. Mais pourquoy touche ie es exéples des estrangers, consideré que premierement fault vsr des nostres?

¶ De Tibere Gracchus, & C. Blofius.

Cume, cité de Campaigne.

Gracchus fut estimé estre ennemy du pays, & non sans cause, car il prefera sa puissance au salut dudit pays: toutesfois il est vtile de congnoistre que C. Blofius natif de Cume cité de Campaigne se monstra fidele amy dudit Gracchus en soustenant son mauuais propos. Apresque Gracchus fut condemné comme ennemy, executé, & priué d'honneur de sepulture, ce neantmoins cestuy Blofius ne se separa de son amitié. Or comme le senat eust commandé à Rutilius & Lenates cōsulz, qu'ilz eussent à punir les complices de Gracchus, selon la coustume des maieurs, alors Blofius vint pardeuers Lelius son hoste, (du conseil duquel vsoyent principalemēt les consulz) le prier qu'il l'eust pour recommandé. Adonc Lelius l'interroqua en ce poinct: Or ça dy moy, si Grac-

chus t'eust commandé de mettre le feu au capitolé, luy eusses tu obey; à raison de ceste amitié de laquelle tu te vantes auoir esté entre vous deux? Iamais (respondit il) Gracchus n'eust commandé cela. Par ceste response Blossius confessa assez & plus qu'assez leur amitié, & osa defendre la mauuaise vie dudit Gracchus, qui auoit esté condamnée par tout le parlement. Mais il dit encore de plus grande audace, & qui luy porta plus grand dommage ces paroles qui ensuyuent. Estant pressé par l'interrogation de Lelius, demoura en son entier, disant: que si Gracchus luy eust tant seulement fait signe de brusler le temple de Iuppiter, qu'il l'eust fait. Si cestuy n'eust soné mot, qui l'eust estimé auoir esté coupable & meschant? qui est celuy qui ne l'eust reputé sage, s'il eust parlé selon l'opportunité du temps? Mais Blossius ne par parole prudente, ny par honneste silence ne voulut sauuer sa vie, afin qu'il ne delaisast aucunement la memoire de sa maleureuse amitié.

¶ De C. Gracchus, Pomponé, & Lectoré.

Le tesmoignage de la constante amitié de Blossius fut grand, mais celuy qui ensuit est encore plus grand, & l'un & l'autre fut fait en la maison des Gracques. Quand C. Gracchus fut rompu de son entreprise & mauuais conseil, & qu'on cherchoit par tout ses compagnons & conspirateurs: seulement deux de ses amys, c'est asçauoir Pomponé & Lectoré se ietterent deuant les traitz & dardz qui volloyent de tous costez, le defendirent: combien qu'il fut destitué de tout aide. Pomponius, afin que ledit Gracchus euadast plus aisément, garda la porte Trigemine cōtre tous venans, & luy vif ne sceut estre repoussé: ains nauré de plusieurs playes, fait passage par dessus son corps mort, aux poursuyuans: & croy que ce fut maugré luy, encore apres sa mort. Quant est de Lectorius il se planta sus le pont Sublice, & tint bon iusques à ce que Gracchus fust passé oultre: mais finalement couuert d'une grosse troupe, se donna de son espée, & d'un sault leger se iecta au fons du Tibre. Et en ce pont ou Horace Cocles auoit monsté l'amour qu'il auoit à tout le pays, en ce mesme pour l'amour d'un seul personnage ledit Lectorius voulut mourir volontairement. O que les Gracques eussent peu auoir de bons soudardz, s'ilz eussent voulu auoir la façon de viure de leur pere, ou leur grand pere le premier Scipion. O de quelle impetuosité, & perseuerace de coeur eussent augmenté leurs triumphes Blossius, Pomponé, & Lectoré, compagnons si vaillans en vne entreprise tant furieuse & illicite, suyuant l'estat d'amitié sinistremēt & maleureusement? Mais d'autant qu'ilz furent infortunez & miserables, d'autant se monstrerent ilz fideles à leurs nobles chefz.

¶ De Lucius Rheginus.

Si on constrainct Rheginus de rendre cōpte de son integrité & fidelité deue à la republique, il sera blasmé de la posterité: mais si on estime le deuoir qu'il a fait en amitié, on trouuera qu'il en a bien acquité sa conscience. Lors que cestuy estoit tribun du peuple, Cepio fut mis en prison, pource que par sa faulte nostre gendarmerie fut deffaicte par les Cimbres & Theutons: mais Rheginus n'ayant mis en oubly l'ancienne & estroicte amitié qui estoit entre eulx deux le

Le quart Liure

deliura : & non content d'auoir vſé de l'office d'un amy , le compagna en ſon exil. O amitié , combien eſt grande & inuincible ta diuinité, veu que la republique d'un coſté auoit emprisonné Cepio, & toy d'autre coſté le ieſtas hors de la priſon , elle deſiroit que Rheginus demourast en ſon office entier , & puniſt ledict Cepio comme il appartenoit, & tu fus cauſe qu'il abandonnaſt ſa dignité, & qu'il fuſt banny. Ainſi vſes tu de ta puiſſance , qui ſemble eſtre douce à ceulx qui delaiffent honneurs & biens pour te ſeruir: comme à Rheginus, qui prefera vn ſupplice & banniſſement à ſon office. Certes ton ouurage eſt admirable, mais ce qui ſenſuit eſt encore pluſlouable. Recongnois combié tu as eſleué l'amour conſtante de Volumnius enuers ſon amy, ſans faire tort à la republique. Ceſtuy Volumnius, iſſu de la race des cheualiers Rommainſ, ayma tant Marc Luculle , que quād ledict Luculle fut tué par Marc Antoine, pource qu'il auoit ſuyuy le party de Brutus & Caſſius, combien qu'il euſt liberté de ſe retirer & fuir , toutefois ſe tint ioignant de ſon amy mort , & tant ſe lamenta & ploura , que par trop grande pitié, il ſe cauſa la mort. Certes pour ſa perſeuerante triſteſſe fut mené deuant Antoine : puis quand fut arriué en ce lieu , dit, ſeigneur capitaine, cōmande qu'on me tue ſoudain pres du corps de mon amy Luculle , ie ne doy pas luy mort demourer en vie: veu que i'ay eſté autheur de ſon maleur. Qu'eſt il plus fidele que ceſte amitié? Par la hayne de ſon ennemy, il ſoulagea la mort de ſon amy, ſeit ſa vie coupable , ſ'imputant le crime du conſeil qui luy auoit donné: & afin qu'on euſt plus de pitié de la mort de ſon dict amy, il ſe rendit plus hayneux à ſon aduerſaire : conſequemment ne trouua difficile à impetrer dudit Antoine ce qu'il pretendoit , fut mené ou il vouloit . Lors ſoudain aduiſa ſon amy mort , puis luy baiſa par grande auidité la main, leua la teſte qui eſtoit coupée, & la ſerra contre ſa poiſtrine, finalement baiſſa le chef, & l'abandonna au glaïue du vainqueur.

¶ De Theſée, & Pirithous.

Face recit Grece de Theſeus, qui tant aprouua les Fabuleuſes amours de Pirithoe , que pour l'affection qu'il auoit en luy , descendit es enfers. Certes c'eſt vne choſe vaine de narrer cela, & encore plus folle de le croire . De meſler & reſpādre ſon ſang avec celui de ſon amy, aſſembler les playes avec les playes, & veoir mourir enſemble pluſieurs perſonnages, comme il eſt dict de Bloſius, Pomponius, Leſtoire, & Volume, la choſe eſt veritable: ce ſont les vrayes enſeignes de l'amitié Rommaine , mais ce qu'ont eſcript les Grecz , touſiours promptz à faindre, touchant Theſée & Pirithoe , ce ſont menteries ſemblables à monſtres.

¶ De Luce Petrone.

Luce Petrone à iuſte droit doit eſt perſonnier de la louége qu'ont eu les ſuſdictz Rommainſ: à pareille hardieſſe d'amitié, doit eſtre oſtroyée pareille portion de gloire. Ceſtuy Petrone eſtoit iſſu de bas degré, mais par le ſupport & faueur de Publi⁹ Celiuſ, il paruint à l'eſtat & ordre de cheualerie, & à auoir noble lieu en la gendarmerie : lequel Petrone, pour ce qu'il ne peut monſtrer ſon amitié audit Celiuſ en matieres eueuſes & ioyeuſes, ſe monſtra fidele &

vray amy en choses tristes & infortunées. Celius estoit lieutenant du consul O&auié en la ville de Plaisance, laquelle prinse par l'exercite de Cinna, cestuy Celius desia vieil, & esprins d'une grosse maladie, afin qu'il ne vinst à la puissance des ennemys, se retira par deuers Petronius, luy priant qu'il le feist mourir de sa main. Ledit Petrone à toutes fins le cuida destourner de son propos, mais ne sceut: parquoy esmeu de ses prieres maugré luy l'occit, & voulut mourir avec luy, afin qu'il ne demourast vis apres celuy qui luy auoit procuré tant de biens. Aussi honte de cheoir es mains de ses ennemis causa la mort à Celius, & pitié de veoir son amy mort feit le semblable à Petrone.

La mort inhumaine de ces deux personnages.

¶ De Seruius Terence.

Seruius Terence doibt estre ioinct avec Petrone, iacoit ce qu'il n'aduinst qu'il mourust pour son amy, ainsi que bien le desiroit. combien que le cas ne se portast ainsi qu'il auoit entrepris, on ne doibt estimer l'adventure, ains le fait & la volonté d'iceluy: car autât qu'il fut possible en luy de faire, il le fait, & selon son vouloir fut occy, & Decius Brutus selon son intention euada le peril de la mort. Lequel Brutus fuyât de Mutine congneut que quelques gens de cheual enuoyez d'Antoine, estoient venuz pour le tuer: adonc pensant sauuer sa vie & euer la mort, que bien auoit meritée, se iecta en quelque lieu obscur, auquel estoit Terence, & comme les poursuyuans furent entrez en cest endroit, ledit Terence avec l'aide de ce lieu tenebreux, faignit estre Brutus, & presenta son corps ausdictz gens de cheual pour estre mis à mort: mais fut congneu de Furius aquel auoit esté donnée la charge de faire la vengeance de Brutus, & par sa mort, ne peut destourner le supplice de son amy: ainsi demoura il en vie maugré qu'il en eust par la contraincte de fortune.

¶ De Decimus Lelius, & Marc Agrippe.

Après auoir parlé de l'amitié qui fut congneue, & approuuée de choses tristes, maintenant fault dire de celle qui fut exercée en matieres ioyeuses, seraines, & tranquilles: tirons icelle du lieu plein de larmes, gemissemens, & meurdres, & la colloquons au domicile de felicité (ainsi que bien est digne) ou grace, honneur, & tresabondantes richesses reluyent. Viens donc en ieu, Decimus Lelius, d'un costé, & Marc Agrippa de l'autre, vous qui eustes amitié avec si grandz personnages, comme Lelius avec Scipion, le grand amy des hommes, & Agrippa avec Auguste le grand amy des dieux, partez (dy ie) des sieges qui sont dediez aux espritz sainctz, & amenez avec vous toute la troupe bieneurée, chargée de louenges & prix, qui soubz vostre guidon a milité, & a eu les gages d'entiere fidelité. Ceulx qui viendront apres vous, contempleront voz coeurs constans, voz beaux seruices en amitié, vostre secret gardé enuers voz amys, & la vigilance perpetuelle que vous auez exercé pour l'honneur & le salut de voz familiers, la bien esprouuée bienuueillance, & finalement les tresprieux fructz & emolumens de toutes ces choses predictes, & mettront peine par cela plusuoluntiers & plussainctement de garder le droit

Le quart Liure

d'amitié. Je ne me puis departir de narrer les exemples de nostre pays, mais la corutoisie & benignité Rommaine m'admonnest de faire recit des bien-faictz des estrangers.

¶ Exemples des estrangers.

Damon & Pythias dediez aux preceptes de Pythagoras, ioingnirent vne amitié entre eulx si fidele, que lors que Denys de Syracuse voulut mettre à mort l'un des deux, & cestuy demandait le temps ains qu'il mourust d'aller en sa maison pour mettre ordre à ses affaires & eust impetré la chose dudit tyran: l'autre ne doubta de demourer pleige iusques au retour de son amy. Or celuy qui partit estoit parainfi deliuré du peril de mort, qui auoit esté n'auoit gueres en danger de sa teste, & celuy qui le pleigea submit sa vie en la puissance dudit Denys, qui au parauant estoit en seureté. Donc tous les assisstens, & singulierement Denys, consideroyent l'issue de ce douteux & nouveau cas. Venant l'heure du iour prefix, celuy qui s'en estoit allé ne retournoit: parquoy vn chascun commença à blasmer la folle de ce pleige: mais disoit qu'il ne craignoit & ne se deffioit de la constance de son amy. Donc en ce moment & en la mesme heure baillée par ledict tyran, arriua celuy qui s'en estoit allé, dequoy s'esbahissant ledict Denys, & ayant en admiration le courage de ses deux amys, pour leur fidelité leur sauua la vie: puis les pria qu'il fust receu entre eulx pour vn tiers amy. Certes ceste puissance & force d'amitié peut engendrer vn contemnement de mort, extaindre la douceur de viure, adoucir la cruauté du tyran, conuertir haine en amour, & recompenser la peine & supplice, d'un bienfaict. Donc à ceste amitié est due quasi autant de reuerence comme aux dieux immortelz. aux dieux consiste le salut public, & en amitié le salut particulier d'un amy enuers l'autre. Et tout ainsi que le demeure des dieux sont les temples, aussi le domicile d'amitié, sont les feables poitrines des hommes, qui sont comme temples rempliz d'un saint esprit.

¶ D'Alexandre.

Alexandre fut de ceste opinion, qu'il estoit ainsi d'amitié, comme i'ay allegué. Cestuy ayant la iouissance du camp de Darius ou estoient tous les amys dudit Darius, comme sa mere, sa femme, sa sœur, deux de ses filles, & autres, ayant coste à coste de luy son tresaymé Ephestion, vint à parlementer ausdictz amys de Darius, pour la venue duquel la mere de Darius toute recreée, se leua de terre, comme elle plouroit sa fortune, se vint prosterner deuant Ephestion, ressemblant Alexandre en habitz & forme, le salua au lieu dudit Alexandre en la maniere des Persans. Puis quelqu'un luy dit qu'elle estoit deceue, & qu'elle prenoit l'un pour l'autre. demanda pardon de sa faulte à Alexandre, qui luy respondit: Dame, ne soyez confuse pour ceste cause: certes cestuy est Alexandre. Nous sommes en doute auquel des deux la parolle fut plus agreable, ou à Alexandre qui la dit, ou à Ephestion qui l'ouyt. Certes ce roy tresmagnanime, qui auoit comprins toute la terre, ou par ses victoires, ou par son esperance, en si peu de parolles communiqua tous ses biens, & ses honneurs avec son amy. O don de noble propos, honnest à celuy qui le donna, ensemble à celuy

qui le receut, toutefois il est plus honneste de donner que de prendre : car qui donne rend le prenant obligé.

C'est chose
plus louable de
donner, que de
recevoir.

¶ De Pompée.

De ce qu'en particulier, & à iuste cause i'honore l'amitié de ce tresnoble & tresdiscret personnage Pompée, de laquelle il a vſe promptement enuers moy, & dont i'en ay eu l'experience certaine. Je n'ay pas paour de me dire & appeller vn autre Pompée, ainsi qu'Alexandre se disoit vn autre Ephesion: car entre vrayz amys tout est commun. Certes ie seroye veu offenser griue-
ment, & me tiendroye digne de toute reprehension, si en recitant les exemples de constante & courtoise amitié, ie ne faisoie mention de cestuy Pompée, qui ne m'aymoit pas moins, qu'eust fait mon propre pere : du quel est procedé tout mon bien, sans luy faire requeste de rien: par lequel i'estoye plus assuré, contre toutes fortunes, qui a rendu toutes mes entreprinſes ſoubz ſa faueur plus alaigres, ioyeuſes, & plus lucides. Or ay ie maintenant raffaſié & repeu l'enueie d'aucuns mes ennemys par la perte de ce tresbon amy, lesquelz i'auoye contristez pour le fruit & recen de son amitié, de ſa grace ſeulement, & non par mes merites. Je ne fu iamais chiche de mes biens, ne de mon bon vouloir, comme bien qu'ilz fuſſent petis, à ceulx qui en ont voulu vſer: mais il n'eſt ſi moyenne felicité qui puiſſe euer les dentz des malnueillans, en quelque lieu ſecret que tu te retires, ou quelque poure ou miserable que te ſois, tu ne les garderas point qu'ilz ne ſe reſiouyſſent du mal d'autrui, comme ſi ce fuſt vn bien qui leur aduint. Ilz ſ'eſtiment riches de la perte d'autrui, opulens des miſeres & calamitez de leurs prochains, & immortelz par la mort des autres. Mais iuſques à quel temps ſouffrira fortune, (qui à ſon plaisir fait varier les choſes humaines, & qui ſe ſçait bien venger de toute insolence) ceulx cy qui n'eurent iamais aduerſité, ſe moquer des incommoditez & infortunes de leurs proches?

L'amitié de
Pompée enuers
l'auteur.

Tout est com-
mun entre
vrayz amis.

Notable.

¶ DE LIBERALITE.

¶ CHAPITRE VIII.

NE me ſuis diuertty quelque peu pour parler de l'amitié de Pompée & moy, comme de bonnairété bien le requeroit: maintenant fault faire reuenir en ſon ordre, en recitant les exemples des nobles & excellens perſonnages ainſi que i'ay promis. Or donc vaquons à faire recit de liberalité, laquelle doit naistre de deux louables fontaines: c'eſt-
aſcauoir vray iugement, & honneſte beniuolence. Vray iugement, afin que liberalité ſe face par raiſon, & que nous ne donnons plus que noz richelſes ne ſeuſſrét. Honneſte beniuolence, afin que nous donnons honneſtement, & qu'en voulant faire plaisir à aucuns, nous ne nuyſons aux autres: auſſi auoir eſgard ſi ceulx à qui nous donnons ſont honneſtes gens, & viuent en vertu. Secondement ſ'ilz ſont noz amys & biétoulaz. Tiercement ſ'ilz ſont noz parens & affins. Quartement ſ'ilz ont merité enuers nous. Donc quand liberalité prent ſa ſource de ces deux choſes predites tout va bien. Vray eſt que la grandeur du don eſt bien priſée: mais l'opportunité, c'eſt aſcauoir quand on

Liberalité
ſourd de deux
fontaines.

Quand, com-
ment, & à qui
ſe doit faire
liberalité.

donne en temps de neceſſité, eſt encore plus agreable.

¶ De Fabius Maximus.

Qu'il ſoit ainſi que le don ſoit bien pluſcher, quand il ſe fait en temps de neceſſité, nous en voirrons icy la preuue. La petite ſomme d'argent que Fabius Maximus bailla en temps de neceſſité pour les priſonniers Rommains, l'extolle iuſques à ce téps icy. Ceſtuy auoit fait pact avec Hânibal des priſonniers, qui auoyent eſté prins tant d'un coſté que d'autre : ſ'il n'y en auoit non plus des Rommains que des Carthaginois on les rendroit franchement ſans ſoulte: mais ſ'il y en auoit d'auâtage, pour chaſcun priſonnier on deuoit quelque ſomme pour ſa rançon. Or aduint il que de la part des Rommains y en auoit plus de captifz, parquoy Fabius eſtoit ſubiect d'enuoyer leur rançon à Hannibal, ce qu'il donna à congnoiſtre au ſenat : mais il n'en tint compte. Adonc ledict Fabius enuoya ſon filz à Romme, & luy donna charge de prendre les deniers d'une terre que ſeulement il auoit, & en enuoya l'argent audict capitaine Hannibal. Si nous voulons conſiderer la quantité de la pecune, on trouuera qu'il n'y auoit grande choſe : car il n'y auoit que l'argent de ſept arpens de terre, qui eſtoient adioinctz au territoire de Pupinie, lieu ſterile & infecond. Si nous regardons le cœur du donnant, nous trouuerons qu'il eſtoit pluſgrand que tout argent qu'on ſçauroit nôbrer. Ledit Fabius ayma mieulx perdre totalement ſon patrimoine, que le pays perdift ſa foy & promeſſe : & d'autât plus acquit il d'honneur, pour ce qu'il feit en ceſt acte pluſque pouoir. Certes c'eſt vn plus vray indice & ſigne de liberalité, donner oultre ſa puissance, iacoit ce que le don ſoit petit, que de donner grande choſe, ſans hypotheker en rien ſon bien. L'un donne ce qu'il peult, & l'autre ce qu'il ne peult.

Fabius ayma
mieulx perdre
ſon patrimoine
que le pays ſa
foy & promeſſe.

bône autori-
té de l'auteur.

¶ D'une noble femme nommée Buſe.

De ce meſme temps fut vne gentefemme nommée Buſe, treſriche, du pays de Pouille, à laquelle les Rommains firent tout plein d'honneur, pour la liberalité de quoy elle auoit vſé enuers leurs gens : mais il ne fault comparer les grandz biens qu'elle expoſa en ceſte munificence, au petit bien qu'eſlargit Fabius pour la redemption des ſuſdictz captifz. Or ſi ceſte femme ſuſtenta treſcourtoisement de viures entre les murs Cannuſins enuiron dix mille de noz ſouldardz, qui eſtoient le reſte de la iournée de Cannes, & ſi elle ſe monſtra fort liberale, ſi n'en deſcreut ſon bien: mais Fabius en l'honneur du pays, de poure qu'il eſtoit, deuint totalement indigent & ſans terre.

La liberalité
d'une femme.

¶ De Quintus Conſidius.

En Quintus Conſidius grand uſurier, fut notée vne liberalité d'exemple ſalutifere, & qui luy apporta grand fruit. Du temps que la republique eſtoit troublée par la furieuſe entreprinſe de Catilina, en ſorte que les pluſriches meſmes ne pouoyent payer l'argent deu à leurs creditiers, pour le reuenu de leurs poſſeſſions qui eſtoit diminué, par le tumulte & ſedition lors eſtant en Rom-

me. A cestuy Confidius estoit deu à vsure la somme de cent cinquante sexterces: toutesfois ne voulut durant ce temps aucun de ses debtors estre molesté, ny du principal, ny de ce qu'il deuoit auoir oultre le sort, c'estadire oultre le principal: & autant qu'il peut se môstra en particulier paisible: ce qui fut cause d'adoucir vn peu la fascherie & amertume des citoyens, qu'ilz enduroyent pour ceste confusion publique. Par cela il se monstroït en temps de necessité qu'il ne vouloit estre vsurier du sang ciuil: mais bien de son argent presté, c'estadire qu'à la grande necessité ne vouloit contraindre ses debtors, & arracher (comme on dit) les entrailles du corps, comme communément font vsuriers pour faire perdre le bien des pources. Ceulx qui se meslent de practiquer sus les autres, & qui vouldroyent volontiers tirer argent du mylieu des boyaux des hommes, ilz congnoïstront qu'ilz se resiouyssent d'une ioye meschante & vituperable, s'ilz ne sont faschez de lire l'ordonnance du senat, par laquelle on rendit graces à Confidius, pour la patience de quoy il vïa enuers le peuple Rommain.

La liberalité
de Confidius
vsurier.

Notable pour
les vsuriers.

¶ Du peuple Rommain.

Le peuple Rommain se pourroit plaindre de moy, que ie me tais de sa liberalité: veu que ie traicte de celle d'un chascun. Cela luy tourne à grande louenge de reciter de quelle affection il s'est monstré enuers les roys, villes, & nations: car l'honneur d'un bel acte, tant plus est rememorifé, tant plus reuerdit en foy. Cestuy peuple, apres auoir conquesté par guerre l'Asie, en donna la possession liberalement au roy Attalus, pensant que son empire en seroit plus excellent, & en plus grand bruit, s'il aymoit mieulx donner à vn autre par liberalité ceste tresriche & tresbelle partie du monde, que d'en auoir l'vsufruct. Ce don semble plusieurs que la victoire qui en fut faicte: car en possédant si grande terre, on eust peu acquerir enuie, & malegrace des hommes: mais d'auoir faict si grande munificence, on ne scauroit estre priué de gloire.

Sentence de
l'auteur.

¶ De T. Quintus Flaminius.

Nulz escriptz ne peuuent assez louer ceste liberalité Rommaine, de quoy il est faict icy mention. Apres que Philippe roy de Macedoine fut vaincu: comme toute Grece estoit venue en Romme pour veoir quelques excellens ieux, Quintus Flaminius estant pour lors consul commanda qu'on publiast à son de trompe, que le senat, le peuple Rommain, & Quintus Flaminius chef de la gendarmerie, vouloit que toutes les villes de Grece qui auoyent esté du tènement du roy Philippe, estre en liberté, & exemptes de tout tribut. Lesquelles choses ouyes, les alsistens esmeuz de ioye tresgrande, & non esperée, comme quasi croyans n'auoir ouy ce cry, se teurent: puis fut ledict cry derechef faict, dont remplirent par apres l'air de si grande promptitude & ioyeuseté de clameur, qu'il n'est rien plus certain, que les oyseaux qui volloyent par là dessus tomberent tous estonnez & espouentez. Si aucun eust deliuré de seruitude autant d'hommes, que le peuple Rommain mist de villes en liberté, il eust esté digne de grande louenge: mais considéré que cedit peuple deliura de tyran-

La ioyeuse clameur des Grecz faisoit romber les oyseaux de l'air

Le quart Liure de Valere le Grand.

nie, & donna franchise à tant de peuples de Grece, & à tant de villes, & bourgades: qui est celuy qui luy pourroit donner gloire condigne? Or est il conuenable & decent à l'honneur, maiesté & autorité des Rommains, de recorder, non seulement la liberalité dequoy ilz ont vŕe enuers les autres, mais fault aussi reciter celle munificence d'autrui, dont se sont sentiz lesdictz Rommains. Et tout ainsi comme c'est leur honneur d'auoir fait mention de leur liberalité faite aux autres nations: aussi tourne il à gloire aux autres pays d'auoir rendu la liberalité ausdictz Rommains.

¶ Exemples des estrangers.

¶ De Hiero Syracusan.

La liberalité
de Hiero en-
uers les Rom-
mains,

Hiero roy des Syracusans, apres auoir entendu la deffaite des Rommains au lac Thrasimene, leur enuoya en Romme trois cens mille muidz de blé, deux cens d'orge, & deux cens quarante liures d'or. Mais pour ce qu'il connoissoit de tout temps noz anciens estre honteux, craignant qu'ilz ne voulussent receuoir ce present, fait faire de c'est or vne image de victoire, qu'il leur enuoya avec les autres dons: afin qu'ilz fussent incitez en l'honneur de religion de prendre ledict present, & qu'il les contraignist vser de sa liberalité. Ainsi fut ledict roy doublement liberal, premierement de volonté de leur enuoyer ledict don. Secondement, pour la bonne prouidence dequoy il vŕa, quand il trouua l'inuention que sondict present ne fust renuoyé.

¶ De Gillias Agringentin.

La maison de
Gillias bouti-
que de libera-
lité.

L'assembleray avec Hiero, Gillias Agringentin, lequel est manifeste auoir eu presque le cœur de liberalité. Certes cestuy estoit excellent en richesses: mais beaucoup plus riche de cœur, que de biens: on le trouuoit tousiours plus empesché à donner qu'à prendre: en sorte que sa maison estoit vne droite boutique de liberalité. D'icelle partoient tousiours quelque chose qui estoit apte à l'usage public: aux despens d'icelle estoient faitz ieux pour recreer le peuple: d'icelle partoyent magnifiques banquetz: aux despés d'icelle on supplioit aucunes fois à la cherté des années: on alimentoit les pources, on marioit filles indigentes, on subuenoit aux perdans, les hostes estoient receuz treshumainement, tant en la ville qu'aux champs, puis au partir on leur faisoit dons & presens. Quelque fois cestuy Gillias nourrit & reuestit cinq cens hommes de cheual du pays de Gela en Sicile, qui par tourmente & tempeste auoyent esté poulŕez en ses dommaines. Que diray plus? on ne penseroit pas que la maison d'iceluy Gillias eust esté le demeure d'un homme mortel, ains plustost le seiour & receptacle tresbening de fauorable & douce fortune. Donc le patrimoine que possedoit Gillias, estoit comme vn bien commun à toutes personnes: pour l'acroissance & salut duquel la cité Agringentine, & les regions circonuoisines veilloient en prieres & oraisons. Metz d'un costé les auaritieux ayans pleins coffres d'or & d'argent, fermez & cloz à doubles serrures, n'estimeras tu pas plus ceste liberale despenŕe, que ceste espargne chiche & auaritieuse?

De combien li-
beralité doit
estre preferée
à auarice.

¶ Fin du cinquieme Liure de Valere le Grand.

Le cinquieme liure de Va-

LERE LE GRAND.

¶ D'HUMANITE.

¶ CHAPITRE I.



Velles compagnes plus aptes & conuenables pourroy-
ie donner à liberalité, qu'humanité & clemence: pour-
cequ'elles appetent vne meisme sorte de louenge? Des-
quelles la premiere, c'est aſcauoir liberalité, est donnée
pour ſubuenir aux indigens. La ſeconde, qui est huma-
nité, pour deliurer les hommes d'empeschemens & trou-
bles. La tierce, qui est clemence, pour deſtourner vne

*Liberalité &
clemence
compaignes
d'humanité,
& aquoy elles
font données.*

fortune hazardeuſe & dangereuſe. Et proprement clemence, est reprimer l'im-
petuoſité du coeur, apres auoir receu quelque iniure, d'ot il en peult venir for-
tune: car la vie de celuy qui t'a offenſé est en doubte & hazard, ſi tu n'vſes en-
uers luy de clemence. Or ſi on ne ſçait laquelle des trois doit eſtre plus eſti-
mée: à mon iugement que c'est liberalité, qui a prins ſon nom d'un dieu nom-
mé Liber, autrement Bacchus.

*D'on est diſte
liberalité.*

¶ Du ſenat de Romme.

Deuant toutes choſes ie ſuis d'aduis de narrer les treſhumains & benings a-
ctes de noſtre ſenat: lequel quand les ambassadeurs des Carthaginois vindrent
en Romme pour redimer leurs captifz, ne prindrent la rançon, & leur rendi-
rent deux mille ſept cens quarante trois ieunes priſonniers. Je penſe bien que
leſdictz ambassadeurs furent esbahyz, qu'on auoit relaché gratis ſi grād nom-
bre d'ennemys, & qu'on n'auoit voulu prendre ſi grande quantité d'argent, &
auſſi qu'on auoit pardonné à tant d'iniures faiçtes par leſdictz Carthaginois:
& qu'ilz dirēt à par eulx ces propos: O liberalité de la gent Rommaine, equi-
parable à la benignité des dieux! O noſtre legation pluſeureuſe que n'eſpe-
rions! Certes les Rommains nous ont faiçt vn bien, que nous ne leur euſſions
iamais ottroyé.

¶ Du meſme ſenat Rommain.

Cecy qui enſuit n'eſt pas de petit indice de l'humanité du ſenat. Ceſtuy or-
donna que Siphax, qui autrefois auoit eſté roy de Numidie treſopulent, & qui
pour lors eſtant detenu captif à Tibur ville d'Italie, diſtant de Romme huit
lieues, mourut en ce lieu, fuſt inhumé en pompe funebre, comme les gros ſei-
gneurs Rommains: afin qu'il euſt honneur de ſepulture, avec la vie, qu'on luy
auoit ſauuée quand fut prins.

¶ De la clemence de ce meſme ſenat.

De ſemblable clemence vſa ledict ſenat enuers le roy Perſes. Comme
ceſtuy Perſes fuſt mort en la cité d'Alba, ou il auoit eſté enuoyé priſonnier, le

Le cinquieme Liure

senat enuoya vn tresorier, qui eut la charge de faire faire sa pompe funebre, afin que ce corps royal fust honorablement ensepulturé. Cest honneur icy estoit fait par les Romains, aux roys defunctz, leurs ennemys, & qui estoient tombez en infortune: cest honneur sequent estoit fait à leurs amys, estans en felicité & viuans.

¶ De ce mesme senat enuers le filz de Masinissa.

La bataille Macedonique mise à fin, Musicanes filz de Masinissa, qui estoit venu au secours des Romains avec quelque nombre de gens de cheual, fut renuoyé à son pere, par le capitaine Paul. Or comme il estoit mis sus mer, ses nauires furent dispersez par tempeste & tourmente, & luy porté mallade à la ville de Brindes en Italie: ce que congnoissant le senat, soudain despescha vn tresorier, qui se transporta en ce lieu, & luy fut enchargé de choisir maison conuenable à ce ieune prince, penser de sa santé, faire traicter luy & ses gens, faire radoubier ses fustes, afin que plussieurement avec sa flotte reprint son nauigage en Afrique. Pareillement que ledict tresorier deliurast à chascun homme de cheual vne liure d'argent, & cinq cens sexterces. Laquelle humanité tant prompte & tant exquisite desdictz senateurs, estoit si efficace, que si de hazard ce ieune adolescēt royal fust decedé, le pere eust porté sa mort bien plus patiemment.

¶ Du mesme senat enuers Prusias.

Quand cestuy senat eust entendu que Prusias roy de Bithynie venoit en Romme pour se coniouyr avec les Romains, pour la victoire qu'ilz auoyent eue du roy Perse, enuoya au deuant iusques à Capes le tresorier Cornelius Scipion: & ordonna qu'on luy louast en Romme logis honorable, & qu'on l'estorast de viures, & autres choses necessaires à luy, & tout son train. En le receuant toute la ville monstra visage amyable & courtois. Ainsi celuy qui estoit venu comme amy, s'en retourna tout fier & orgueilleux de nostre victoire, & augmenta son amour enuers nous.

¶ Du mesme senat enuers Ptolomée.

Egypte aussi ne fut priuée de l'humanité Romaine. Le roy Ptolomée estant despouillé de son royaume par son frere puîné, avec petit train, mal en ordre, difformé, & plein d'immondices, pour la tristesse qu'il en auoit prins, vint en Romme pour demander secours, & se logea à la maison d'un peinctre nommé Alexandre. Or apres que cecy fut rapporté aux senateurs, conuoquerent ce ieune prince, & s'excuserent enuers luy au moins mal qu'ilz peurēt: disans qu'ilz n'auoyent enuoyé audeuant de luy vn tresorier, ainsi qu'auoyent acoustumé leurs maieurs, & qu'ilz ne l'auoyent hebergé en maison publique: mais que ce n'estoit leur faulte, car n'en auoyent rien sceu, à raison de sa venue qui auoit esté secreete, & trop precipitée. Apres toutes ses remonstrances lesdicts senateurs le firent partir de la court, & le receurēt en maison honneste & honorable

& honorable, l'admonneſterent auſſi de ſe mettre en meilleur equipage, & qu'il demandast iour de lès venir veoir en leurs maiſons. D'auantage ilz furent ſongneux que tous les iours luy fuſſent faictz preſens & dons par vn treſorier. Par toutes ces ſortes d'honneſtetez & courtoies eſleuerent, ce pource roy deprimé, au hault ſommet royal, & feirét qu'il euſt plus d'eſpoir au ſecours Rommain, que de crainte en ſa fortune.

¶ De Lucius Cornelius.

Après auoir fait recit de tous les ſeigneurs de parlement, ſauf toucher des autres en particulier, & premierement de L. Cornelius conſul, qui en la premiere bataille Punique print la ville d'Olbia, en laquelle defendant beliqueuſement Hanno capitaine des Carthaginois fut tué: mais ceſtuy Cornelius le feit leuer de ſes tentes, & inhumér fort honorablement: & ne doubta celebrer les funerailles de ſon ennemy, croyant que la victoire n'engendroït l'enuie ny des dieux, ny des hommes, veu qu'elle eſtoit pleine d'humanité.

¶ De Quintius Crispinus.

Que diray ie de Quintius Crispinus, duquel ire & gloire, qui ſont paſſions trespuiſſantes, ne peurent rompre l'humanité? C'eſtuy quelque fois auoit receu en ſon logis par droit d'hospitalité treshumainement vn appelle Badius Champenois, & meſme auoit ſongneuſement traité en maladie ledict Badius, & faict guerir. Puis aduint après que les Champenois eurent laiſſé le party des Rommains, pour ſuyuir les Carthaginois, comme Capes eſtoit aſſiegée deſdictz Rommains, ceſtuy Badius deſſia ledict Quintius qui l'auoit tât bien traité à Romme: combien que ledict Quintius fuſt plus fort de corps, & plus vertueux d'eſprit que Badius: ce neantmoins ayma mieulx admonneſter ceſt ingrat, que de le vaincre, diſant: Mais que veulx tu faire fol? en quel lieu te meine ta mauuaiſe volonté? ne vois tu point des gens aſſez pour quereler, ſans t'adreſſer à moy? te plait il experimenter tes iniuſtes & vitieuſes armes, contre vn ſeul Rommain, Quintius, qui t'ay tant faict de plaſir, & meſmes ſauué la vie? Certes le contract d'amitié & les dieux d'hospitalité, que gardét les Rommains inuiolablement, & deſquelz vous autres ne faiçtes pas grand compte, me defendent de batailler contre toy. Et ſi d'adventure en la meſlée, ie t'auoye choqué de mon bouclier & mis bas, & que mon eſpée fuſt preſte de te donner dans la gorge, te congnoiſſant, ie la vouldroye retirer, & te pardonner pour l'honneur de l'amitié & congnoiſſance que i'ay eu autrefois avec toy: garde pour toy le blaſme & reproche d'auoir voulu tuer ton hoſte: quant de mon coſté, ie ne t'occiray, pour la reuerence d'hospitalité: pourtât cherché vn autre qui t'occira, car i'ay mis mon eſtude à te ſauuer. Or les dieux donnerent à ces deux perſonnages vne auenture telle qu'ilz auoyent merité. Certes en ce conſlict ledict Badius eut la teſte couppée, & Quintius euada glorieux & triumpant.

La grande humanité de Quintius Crispinus.

Belzame de Quintius Crispinus.

Le cinquieme Liure

¶ De Marc Marcel.

Marc Marcel
ploura sur la
desolation de
Syracuse.

Or disons combien est digne de memoire Marc Marcel consul, pour sa clemence, lequel apres auoir prins la ville de Syracuse assista au chasteau, afin qu'il contemplast d'enbault la fortune de ladicte cité, qui peu auant estoit tresopulente : mais à ceste heure là fort affligée, & desolée. Or en voyant ceste aduenture piteuse ne se peut contenir de larmoyer. Certes si quelqu'un, qui ne l'eust point congneu, l'eust en ce point veu plourer, eust creu qu'un autre que luy eust fait ceste victoire. Or donc ville de Syracuse, tu eus quelque chose de consolation meslé avec ta grande desconfiture : car si les destinées auoyent ordonné que tu fusses desolée & ruinée, au moins tombas tu doulcemēt soubz un vainqueur tant bening & humain.

¶ De Quintus Metellus.

L'humanité
de Metellus
gaigna plus
de villes, que
violente guerre

Comme Quintus Metellus consul menoit la guerre Celtiberique en Espagne, assiegea la ville Centobrique : & ainsi qu'on se preparoit à donner l'assault, & que les machines fussent prestes à faire la batterie, cestuy voyant la partie de la muraille, qui seule pouoit estre rompue, prefera clemence & humanité à victoire prochaine. Les Centobriques par finesse auoyent mis deuant ou la bresche se deuoit faire, les enfans d'un nommé Rethogenes, du pays d'Espagne qui auoit luyuy le party des Rommains, afin que cestuy Rethogenes voyant le dictz enfans gardast de faire ladicte batterie, de crainte qu'ilz ne fassent occiz : iacoit ce que Rethogenes ne donnast aucun empeschement que l'assault ne fust donné, & ne fust aucunement esmeu de pitié enuers le dictz enfans, ce neantmoins Metellus congnoissant ces choses se départit & abandonna ladicte ville. Par cest acte de clemence, non seulement ceste ville fut meue, mais aussi toutes les autres villes d'Espagne, & volontairement se rendirent soubz le tenement des Rommains.

¶ Du dernier African.

L'humanité du dernier African fut respendue en plusieurs pays à son grand honneur. Carthage vaincue, cestuy enuoya lettres vers les villes de Sicile : afin que les Siciliens recouvrassent les ornemens de leurs temples qui auoyent esté prins durant les guerres, par les Carthaginois : & qu'ilz eussent le soing de les remettre en leurs premiers lieux. O tour d'honnesteré, agreable aux dieux, & aux hommes ! Voicy encore un acte pareil de ce mesme personnage. Comme par un sien commissaire estoient venduz publiquement les prisonniers, entre autres y auoit un ieune enfant beau à merueilles, & à le veoir sembloit estre issu de noble maison, que le dict commissaire luy enuoya, duquel apres s'estre enquis African, trouua que ce ieune gentilhomme estoit Numide de nation, & qu'apres la mort de son pere auoit esté nourry chez son oncle le roy Masinissa, & que sans le sceu de son dict oncle s'estoit trouué en ceste guerre contre les Rommains, oultre la saison de son aage : parquoy estima qu'on luy deuoit pardonner ceste faulte : & aussi qu'on deuoit auoir esgard, que son dict

oncle estoit bien amy du peuple Romain. Donc le renuoya au prince Massinissa bien en equipage : car il luy auoit donné vn anneau de grand prix, vn vestement tixu de gros cloux d'or, attaché d'esguillettes de mesme, & vn calasquin Espagnol, consequemment vn bon dextrier, & compagnie honorable de gens de cheual pour le conuoyer: croyant que les Romains gaignoyent beaucoup en leurs victoires, de restituer les ornemens aux temples des dieux, & aux roys leur sang & parentage.

¶ De Lucius Paulus.

Il fault aussi en cest endroit rememorer l'humanité dont estoit pourueu Paul Emille, lequel entendit que Perse, de roy en vn moment estoit fait captif, & qu'on luy amenoit, pour luy faire plus d'honneur, alla audeuant reue-
L'humanité de P. Emille enuers Perse son captif.
 stitu & orné des enseignes de l'empire Romain: & lors qu'il fust arriné, ledit Perse se voulut prosterner deuant luy, mais ne le souffrit: ains le leua de sa dextre, le consola, & l'admonnesta d'auoir bon espoir: puis le mena en ses tentes, & le feit seoir ioingnant de luy en son conseil, & mesmes le conuoqua à sa table. Or qu'on mette deuant les yeulx d'un chascun tout l'effort de la guerre, & les entreprinſes qui furent faites pour debeller ledit Perse, & d'autre part les honnestetez & humanitez desquelles vsa Paul apres la prinſe d'iceluy, ne seront point en doubte les homes, dequoy se deueront plus resiouyr: c'est aſſauoir, ou de la victoire, ou de la clemence & douceur de Paul? Certes si c'est
Notable
 chose excellente d'auoir vaincu son ennemy, elle n'est pas moins louable d'auoir compassion de luy en sa fortune.

¶ De Cn. Pompée.

La clemence & courtoisie de Paul, m'admonnesté que ie ne doy celer celle de Pompée. Cestuy ne voulut onc endurer que longuement fust à genoux deuant luy Tygranes roy d'Armenie, qui auoit de ſoy fait grandes guerres contre les Romains: & mesmes auoit donné secours de tout son pouoir à Mithridates ennemy capital desdictz Romains, lors qu'il fut deieté de son royaume de Pont: mais apres luy auoir tenu deuis & propos doux & gracieux, luy remit la couronne au chef, que cestuy Tigranes par desplaisir s'estoit osté: luy feit quelques commandemens, puis le reſtablit en son pristin honneur & dignité royal: estimant estre aussi grand honneur de faire vn roy, comme de le vaincre. Certainement cestuy Pompée, ainsi qu'il fut excellent exemple d'humanité eslargie enuers autrui aussi eust il en la fin grand beſoing qu'on luy feist le semblable. Ce mesme Pompée qui auoit couuert le chef dudit Tigranes de diademe royal, souffrit le sien estre denué de trois couronnes triumphales: & en la terre, qui est bien grande ne trouua lieu de sepulture: mais lors qu'il fust separé du corps, sans le brusler, comme on auoit de couſtume, en fut fait present fraudulently & meschamment par le roy Ptolomée d'Egypte, à Iules Cesar, qui en fut grandement marry. Or quand ledit Cesar l'eust regardé oubliâ toute inimitié, & commença à l'aymer de telle amour comme il l'aymoit lors qu'il estoit son beaupere: & adonc

Le cinquieme Liure

ploura la mort de Pompée son gendre , & aussi de sa propre fille que ledict Pompée auoit autrefois espousée : puis commanda qu'on mist au feu ledict chef aromatisé de bonnes odeurs. Veritablement si ce prince celeste n'eust esté tant doux & misericordieux, ce chef qui auoit esté le sustentacle de l'empire Rommain , fust demouré sans inhumer. Ainsi fortune change & varie l'estat des humains.

¶ De Cesar.

Après que Cesar eust ouy la mort de Caton, qui se tua à la ville d'Utique, afin qu'il ne vint en la puissance dudit Cesar. Cestuy Cesar dit: l'auoye enuie de sa gloire, & luy de la mienne. Néobstant garda le patrimoine des enfans du dict Caton entier par son humanité. Si cestuy Caton fust demouré en vie, il eust bien aidé à accroistre les diuins actes dudit Cesar: car quand on a enuie à l'honneur d'autrui, on s'efforce d'estre encore plus vertueux, pour surmonter en vertu celuy sur quoy on a enuie.

¶ De Marc Antoine, & Marc Brutus.

Marc Antoine ne fut pas si despourueu de sens qu'il ne congneust suffisamment comme il falloit vler d'humanité enuers son ennemy. Lequel donna charge à vn sien homme qu'il auoit affranchy & anobly, d'ensepulturer le corps de Brutus: & afin qu'il fust bruslé plushonorablement, commanda qu'il iectast dessus l'accoustrement militaire de quoy souloit vser ledict Antoine, estimant (toute haine mise soubz le pié) qu'en ce lieu gisoit, non son ennemy, ains vn citoyen Rommain: mais quand il congneust que le susdict personnage auoit retiré par deuers luy ledict accoustrement, esmeu de cholere, soudain le feist punir, luy disant: Tu ne congnois pas de quel personnage ie t'auoye commis la sepulture. Certes les dieux se delesterent à veoir la victoire de cestuy Antoine, laquelle il obtint contre Brutus aux champs Philippiques, pource qu'elle estoit pleine de prouesse, & d'humanité: aussi furent ilz bien contents de ce que si noblement & vertueusement se courrouça cōtre sondict homme.

¶ Exemples des estrangers.

¶ D'Alexandre.

Après auoir parlé des exemples des Rommains, maintenant me fault toucher de ceulx des Macedoniens: c'est asçauoir d'Alexandre, duquel ie suis contrainct extoller les graces: car ainsi comme par sa prouesse il merita louenge infinie, aussi acquit il l'amour d'un chascun par sa clemence & courtoisie. Comme cestuy Alexandre circuiſſoit tous les pays par diligence merueilleuse, pour enclorre Darius qui s'enfuyoit, fut iecté par tourmente & tempeste en vn lieu plein de neiges, ou ses soudardz endurerent grād froid. Or en cest endroit veit vn pource aduenturier Macedonique ia vieil, qui pour la grāde froidure auoit ia les membres transiz. Lors seant en vne haulte chaire prochaine

du feu, abandonna ledict tribunal: & n'ayant esgard à son hault estat & dignité, ains à la difference de l'une & l'autre aage, c'estasçauoir à ieunesse & vieillesse, esmeu de l'antiquité de ce poure aduenturier susdict, deualla, & des propres mains dequoy il auoit rompu l'ost de Darius, print ce corps courbé de froid, & le mit en son siege pres du feu: estimant que cela luy seroit grandement salutaire, d'auoir occupé le throne royal, ce qui estoit defendu chez les Persans, sus peine d'auoir la teste coupée, de se mettre en la chaire du roy. Se fault il donc esmerueiller, si ses soudardz prenoient plaisir à seruir vn tel prince si long temps, veu que la santé d'un poure soudard luy fut plus chere, que son propre throne? Comme ce cordial seigneur qui n'auoit iamais esté vaincu d'homme, voulut ceder à nature & fortune: iagoit ce qu'il s'en allast mourir pour la violence du venin qu'il auoit beu, toutefois se leua sus vn coude, & donna à baiser sa main à tous ses soudardz. Qui est celuy qui eust refusé de baiser ceste dicte main, qui ia attaincte de mort contenta plus son dict ost, (qui estoit fort grand) par son humanité, que par la force de son esprit: car l'esprit deffailloit en luy, & son humanité augmentoit.

L'humanité
d'Alexandre.

Alexandre en
mourant bail-
la sa main à
baiser à ses
soudardz.

¶ De Pisistratus.

Combien que l'humanité de Pisistratus tyran d'Athenes ne parte d'un si noble personnage, comme estoit Alexandre, si en fault il faire mention. Comme quelque fois un ieune adolescent amoureux de la fille dudit tyran rencontra en lieu public icelle fille, & la baisa: la femme dudit tyran Pisistrat aduertie du cas, le sollicita de faire couper la teste audit ieune compagnon. Mais il respondit: Si nous tuons ceulx qui nous ayment, que ferons nous à ceulx qui nous ont en haine? Certainement ceste parole n'est pas digne, quelle soit dicte estre procedée de la bouche d'un tyran: car elle sent son humanité. En ce point endura ledict Pisistrate l'iniure faicte à sadicte fille: mais celle qui fut faicte à sa personne, encore plus louablement: comme nous voirrons icy deffoubz.

Graue parole

¶ Du mesme Pisistrat.

Quelque fois en soupant cestuy Pisistrat fut merueilleusement iniurié d'un sien amy nommé Thrasippus: toutefois ne sonna mot, ne se cholera pourtant: en sorte qu'on eust pensé oyant ces reproches, que c'eust esté un maistre & seigneur qui eust blasmé & vituperé son seruiteur. Mesmes comme ledict Thrasippus s'en vouloit aller, Pisistrat le retint par doulces paroles, pensant que cestuy voulsist partir plustost que de saison, par crainte de luy. Puis Thrasippus étant en grande yurongnerie, en la fin dudit souper cracha contre la face de Pisistrat: toutefois par cela ne le peust mouuoir à se venger. Datantage retira ses propres enfans, qui luy vouloyent subuenir pour sa maiesté offensée. Le lendemain quand Thrasippus fut desenyuré, se voulut luy-mesme tuer, congnoissant sa faulte: mais Pisistrat vint à luy, & luy promit que ia pourtant ne le hayroit, & qu'il demoureroit son amy comme parauant:

L'humanité &
clemence d'un
tyran.

Le cinquieme Liure

parquoy le garda de s'occir. Posé ores que cestuy tyrant n'eust iamais fait
autre chose digne de memoire , si eust il esté loué suffisamment de ceulx qui
vindrent apres luy pour telz actes.

¶ Du roy Pyrrhus.

L'indignati-
on du roy Pir-
rhus, pour la
joyeuse respõ-
se, fut tournée
en clemence.

On trouua aussi grande douceur au roy Pyrrhus, comme à Pisistratus.
Cestuy auoit ouy dire que quelqu'vns en vn banquet des Tarentins auoyent
mal parlé de luy. Lors tout soudain enuoya querir ceulx qui assisoyent au-
dict conuiue , & leur demanda, s'ilz auoyent dict de luy , ce qu'on luy auoit
reporté. Adonc vn d'entre eulx va dire: Syre, si le vin ne nous eust failly,
croyez que ce n'estoit rien de ce que nous auions dict de vostre personne , au
prix de ce que nous eussions dict. Ceste tant facetieuse excusation d'iuron-
nerie, & tant aperte & pure confession de verité, prouoqua ledict roy à rire,
au lieu de se cholerer. Et par ceste clemence & attrempance gaigna le coeur
des Tarentins, en sorte que quand ilz estoient en estat de sobriété , ilz remer-
cioient Pyrrhus , & mesmes quand ilz estoient yures disoyent bien de luy.
Par semblable humanité enuoya il Lycon Molosse audeuant de l'ambassade
des Rommains, qui venoyent par deuers luy , pour racheter les prisonniers
pour plus grande sauuegarde. Et afin que ladicte ambassade fust receue plus ho-
norablement , alla audeuant hors la porte, avec quelque train de gens de che-
ual, en bon equipage. La felicité qu'il auoit aux armes , ne l'empescha point
qu'il ne voulüst faire plaisir, mesmes à ceulx qui auoyent guerre à luy.

¶ Du roy Antigonus.

Ledit roy Pyrrhus en la fin de ses iours , receut deserte & guerdon bien
deu à son humanité. Or comme de malle fortune eust assiegé vne ville de
Grece, en cōbatant fut tué d'vne pierre de faix au pié des murs, puis luy coup-
pa lon la teste, laquelle fut apportée par Alcyoneus au roy Antigonus son pe-
re, qui trauailloit à defendre ladicte ville. Mais apres que ledict Alcyoneus
l'eut présenté à son pere, se resiouissoit, comme si ce fust vn tresseureux acte de
victoire: nonobstant Antigonus le reprint & blasma , pource que n'ayant es-
gard aux aduentures des humains, qui sont variables , se gaboit & rioit oultre
mesure, par la tant soudaine ruine d'vn si grand prince. Apres ces choses An-
tigonus print le chef, & le leua de terre , print son voile de teste , dequoy il se
fouloit couvrir, à la mode des Macedoniens, & le mist sur ledict chef : puis le
fit brusler treshonorablement avec le corps. D'auantage fait tout plein d'hon-
neur à Helenus filz dudit Pyrrhus, qui estoit captif , l'admonnestant qu'il ne
se descourageast, ains qu'il print bon espoir. Mesmes fait mettre les os de son-
dict pere dedans vne cruche d'or, la luy bailla pour porter en Albanie son pays
à son frere Alexandre.

¶ De ceulx de Capes.

Les Capenois receurent honorablement nostre gendardarmerie, avec noz

consulz Aulus Posthumius, & T. Veturius, qui auoyent esté deffaietz par les Samnites en vn passage nommé les Fourches Caudines, vn lieu enclos de bois. Leditz Capenois voyant nostredit ost non seulement desarmé, ains tout nu entrant en leur ville, ne le festoyent pas moins que s'il eust esté vainqueur, & eust rapporté les despouilles de ses ennemys. A noz consulz baillerent masses & sergens : à noz soudardz, vestemens, armes, cheuaulx, & viures. Brief ilz changerent la poureté & deformité de la desconfiture Rommaine en bon ordre & equipage. Si ceulx cy eussent eu tel vouloir, quād ilz laisserent le party des Rommains, pour suyure Hannibal, le consul Fuluius Flaccus n'eust pas fait resandre leur sang, pour leur reuolte & trahison.

¶ De Hannibal.

Après auoir fait mention de Hannibal, nostre ennemy trescauteleux & subtil, ie clorray ce chapitre icy des actes de mansuetude d'iceluy Hannibal, desquelz il vfa enuers le nom Rommain. Hannibal, après la journée de Canne, feit chercher le corps de Paul Emille, & le feit inhumer le plus honnestement qu'il peust. Hannibal feit ensepulturer Tiberius Gracchus, circonuenue par la trahison des Lucains, avec le plus grand honneur qu'il luy fust possible : & bailla les os dudit Gracchus à noz gendarmes pour les porter au pays. Ledit Hannibal feit faire la pompe funebre par droit d'humanité, de Marc Marcel, luy donna vn casquin Carthaginois, & vne couronne de laurier, puis le feit brusler honorablement. Lequel Marcel auoit esté occy au territoire de Bruce, plus par sa hastiue chaleur, que par sa discretion & prudence. Donc la douceur d'humanité penetre iusques aux espritz inhumains & cruelz des nations Barbares, adoucit & mollifie les coeurs des parens & afins, qui en leur viuant ont esté enhemys : mais après que l'un est mort, l'autre se monstre amy, en exerçant les oeures d'humanité, comme nous auons dict de Cesar enuers Pompée. La douceur d'humanité fleschit les personages orgueilleux & insolens pour leurs victoires. Ce ne luy est chose difficile de trouuer voye paisible entre les alarmes & assaulx, & entre glaiues desgainez. Elle surmonte fureur, succombe haine, mesle le sang des ennemys, avec les armes hostilles, elle feit que Hannibal disposast des funerailles des capitaines Rommains, qui fut chose admirable de trouuer tant de douceur en vn coeur Barbare. Certes ce luy fut plus d'honneur d'auoir ensepulturé les corps de Paul Emille, & de Tibere Gracchus, & Marc Marcellus, que de les auoir occiz : pour ce qu'il les deceut par cautele Punique & Carthaginoise, mais les enseuelit d'une mansuetude & courtoisie Rommaines. O vous nobles ames cheualereuses & debonnaïres, vous ne deuez pas estre desplaisantes d'auoir eu vn si grand honneur en voz obseques : ie pense bien que vous eussiez mieulx aimé que voz corps fussent mortz en vostre pays : mais il est bien plus louable qu'ilz ayent esté occyz en estrange contrée pour le pays. L'honneur de sepulture que vous auez perdu en vostre region par infortune de guerre, vous l'auetz recouuré par voz prouesses & vaillantises.

Louenges de
clemence & hu-
manité.



Ay prins plaisir à mettre deuant les yeulx d'un chascun, les actes de gratitude & d'ingratitude, afin que par la comparaison que ie feray de l'une à l'autre, soit rédu le iuste loyer qui appartient à toutes les deux: car soubz gratitude est comprinle vertu: & soubz ingratitude est abscoſé vice: parquoy l'une merite estre louée, & l'autre blasinée. Puis donc qu'elles sont contraires, ie les separeray, & parleray premierement de celle qui est digne de louenge.

De Martius Coriolanus.

Ordōnāce du
senat Rōmai,
au decorēmēt
des dames, en
recōgnoissāce
de bienfaict.

Pour parler de ceste vertu de grace ou gratitude, ie prendray mon exorde aux faict des personages publiques. Comme Martius Coriolanus s'efforçoit de batailler contre le pays, si que ia auoit dressé vn gros exercite de Volſcques aux portes de nostre ville Rōmaine, menaçant de mettre tout à feu & à sang. Ce que sçachāns Veturia sa mere, & Volumnia sa femme, par leurs prieres destournerent la mauuaise entreprinſe dudit Coriolan, & ne souffrirent que tel meschant ouurage fust executé. Et pour l'honneur d'icelles, en recongnoissance du bienfaict: le ſenat feit certaines ordonnances, qui beaucoup decorerent le sexe feminin. Cestuy ſenat establit que quād les femmes iroyēt parmy les rues, les hommes leur feroient voyes: dont encore à present voit on en Rōme, quand quelques nobles femmes vont à l'eglise ou ailleurs, sont conduictes par ministres honorables, ayans la verge au poing, disant parmy les rues: Largue, largue pour la done. Par cela le ſenat demonstra publiquemēt, qu'on auoit trouué plus de remede pour la protection du pays, aux femmes, qu'au recours des armes. Oultre ces choses ledit ſenat leur permit qu'elles vſeroyēt avec leurs enseignes d'or pendans aux oreilles, qu'elles rētenoyent d'ancienneté, autres ornemens de teste, qui estoient rubens de soye ou d'or, pour separer leurs cheueulx. Aussi qu'elles porteroient robbes de pourpre, & quercans ou chaines d'or au col. D'auantage ledit ſenat feit faire vn temple & autel dedié à fortune, dont l'image portoit habit de femme: & fut ce temple situé au propre lieu où lesdictes femmes feirent la requeste & harengue à Coriolan: afin que cest ouurage religieux & saint portast tesmoignage que leur coeur auoit recordation de ce bienfaict au pays.

Du temps de la seconde bataille Punique le ſenat feit vn cas semblable. Comme Capes estoit assiegée par Fuluius, y auoit deux femmes en ceste dicte ville, c'est aſcauoir Vestia Oppia mere de famille, & Cluuiā Facula, qui autre fois auoit faict marché de son corps: lesquelles monstrent l'affection qu'elles auoyēt aux Rōmains. Vestia Oppia tous les iours faisoit sacrifice aux dieux pour la prosperité desdictz Rōmains: & Cluuiā, quand de hazard y auoit de noz souldardz prisonniers, leur ministroit à boire & à manger. Or quand la ville fut prinſe, & les citoyens en partie occiz, & les autres mis à rançon, ces

deux femmes icy furent mises en liberté : & s'elles eussent demandé encore plus grande chose, l'eussent eue. C'est vne chose merueilleuse que le senat en si grande resiouyffance s'appliquoit non seulement à remercier par parolle & signe ces deux simples femmes, ains aussi à leur rendre graces de fait.

La gratitude
de deux fem-
mes.

¶ De Quintus & Minutius.

Qu'eust on sceu trouuer plus reconnoissant d'un plaisir fait, que la ieunesse Rommaine : qui volontairement s'offrit à Quintus, & Minutius consulz, pour estre enroolée en leur papier, quand il fut question d'aller contre les Equicules, qui auoyent occupé les terres des Tusculans? Or lesdictz Tusculans n'auoit gueres, auoyent donné secours aux Rommains, contre Herdonius Sabinus, qui avec vne bende de serfz & banniz auoit occupé le capitolé. Donc afin que grace ou gratitude ne defaillist au pays, toute ceste compagnie de ieunes gens (qui estoit vne chose nouuelle) elle mesme s'enroola.

La ieunesse
Rommaine.

¶ De Fabius Maximus.

On veit bien au cler grande experience de la grace du peuple Rommain, enuers Fabius Maximus. Cestuy en son viuant fut cinq fois consul : qui fut vn grand honneur que le peuple luy feit, encore ne luy suffisoit il pas, qu'après sa mort ne tirast du tresor public grosse somme d'argent, afin que la pompe funebre dudit Fabius fust faite plus grande & magnifique. Diminuera quelqu'un le loyer de vertu, considéré qu'on voit les personages preux & magnanimes plusieurs fois estre enseueliz, que de viure en nonchalloir & lâcheté?

La mort des
vertueux plus
estimée, que la
vie des lâches

¶ De Minutius maistre de la cheualerie Rommaine.

On rendit graces aussi avec grande gloire à Fabius Maximus de son viuant. Minutius, qui estoit maistre des cheualiers (comme nous disons en France, constable) fut par l'ordonnance du peuple fait égal à Fabius, pour lors dictateur, ce que iamais n'auoit esté fait. Lors fut diuisé l'exercite Rommain en deux, & battailla séparément contre Hannibal à Samnium. Ce que voyant Fabius, pensa bien que la chose estoit mal estable, & que la fin n'en seroit point bonne : parquoy retira l'ost de Minutius estant en vn destroit, & qui alloit estre sacagé : dont ledict Minutius le remercia, & l'appella son pere : & voulut que ses soudardz le saluassent comme patron & defendeur. Puis osta ceste equalité de dignité qu'il auoit avec ledict Fabius : & assubiecit la maistrise de cheualerie à la dictature, comme il estoit raisonnable. Et par ce signe de gratitude reforma la faulte du peuple indiscret.

La gratitude
de Minutius à
Fabius.

¶ De Terence Culeo.

Ainsi comme Minutius auoit appelé Fabius son patron, ainsi fait Terence Culeo (issu de maison pretorienne, & qui estoit vn des plus grandz d'entre les senateurs) Scipion l'African. Cestuy par bon exemple suyuit le chariot dudit African premier, triumpant, ayant le chappeau à la teste, en signe qu'il auoit

k v

Le cinquième Liure

La gratitude de Terence. esté deliuré de la captiuité des Carthaginois par lediſt Scipion. Ainſi à iuſte droit rendit il graces à l'autheur de ſa liberté, comme à ſon patron & deſenſeur, & confeſſa le bienfaict deuant tout le peuple.

¶ Du roy Philippe, & de Flaminius.

La gratitude des citoyens Rommains. Non vn ſeulement, ains deux mille citoyens Rommains, portans tous chapeaulx, cōpagnerent le chariot de Flaminius en ſon triumphe du roy Philippe: leſquelz auoyent eſté prins durant les guerres Carthaginoiſes, & menez en Grece comme eſclaues. Mais lediſt Flaminius les recueillit ſongneusement, & reſtitua en leur priſtin degré. De ceſte choſe redondoit double honneur à ce capitaine, pource que les ennemiz par luy vaincuz, & les citoyens par luy deliurez, donnoyent enſemble ſpectacle au pays. Le ſalut deſdiſtz citoyens fut auſſi doublement agreable à tous: pource qu'ilz eſtoyent gros nombre, & gés tant bien recongnoiſſans le bien & ſeruice, qui tous auoyent recouré le deſiré eſtat de liberté.

¶ De Metellus le debonnaire.

Metellus le pitoyable ſe monſtra de ſi conſtante amour enuers ſon pere, qu'il ne deſiſta iamais iuſques à ce qu'il fuſt reuoqué d'exil: & pource acquit il le ſurnom de pitoyable, par ſes larmes: qui luy tourna à auſſi grand honneur, comme à ceulx qui auoyent eſté ſurnommez par leurs victoires: comme African Numidique, & autres. Ceſtuy eſtant conſul ſollicita le peuple pour faire preteur Quintus Calidius: pource que luy eſtant tribun du peuple, ſeit vne ordonnance, par laquelle le pere dudiſt Metellus fut reſtitué à Romme: du deſuis le nomma tousiours ſon bienfaicteur, patron, & deſenſeur de ſa maiſon & famille. Ceſtuy Metellus pour cela n'en amoindrit ſon autorité & amplitude de rien: vray eſt qu'en ce faiſant il abaifſoit ſa ſouueraine & excellēte puiſſance de conſul, & ſe ſubmettoit & rendoit obligé à vn perſonnage de plus bas eſtat que luy: non par humilité, ains par recongnoiſſance de ſon merite, qui eſtoit grand.

¶ De Marius.

Au capitaine Marius fut trouuée vne ſinguliere & trop grande affection de recongnoiſſance du ſeruice qui luy auoit eſté faiſt. Ceſtuy contre les ſtatutz Rommains ſeit iouir des libertez & franchiſes Rōmaines, deux cohortes des Camertins: qui auoyent par merueilleuſe puiſſance ſouſtenu le choc des Cimbres, maintenant diſtz Friſons, Auſtreliens, & Dains: dequoy comme il fut repris, ſe ſceut honneſtement excuſer & vrayement: diſant qu'entre le bruit des armes, il n'eult peu ouir les raiſons du droit ciuil: & à ceſte heure là eſtoit venu le temps ou il eſtoit meſtier pluſtoſt ſe defendre, que d'eſcouter la ſubſtance d'une loy.

¶ De Lucius Sylla.

Tout ainſi comme Sylla contendoit avec Marius pour l'empire Romain, ainſi eſt il veu auoir contenu contre lediſt, à qui ſeroit le pluſ extollé pour la

vertu de gratitude. Cestuy Sylla estant dictateur, se deffubla deuant Pompée, qui n'auoit aucune charge, se leua de son siege pour luy faire honneur, & deuailla de cheual pour l'embrasser. Et dict en plain auditoire, qu'il faisoit ces choses ioyeusement: pource qu'il auoit encore recordation que Pompée ayant vingtdeux ans, luy donna secours de quelques bendes que son pere luy auoit baillé. Pompée feit des actes singuliers: mais ie ne sçay s'il feist iamais chose plusdigne d'admiration, que d'auoir par la grâdeur de son biéfait contrainct Sylla à auoir oubliance de son naturel: pource que Sylla, de sa nature estoit homme cruel & arrogant.

¶ De ceulx qui font mestier d'enseuelir
les corps mortz.

Or apres auoir parlé des tresnobles personnages qui ont fleury en ceste vertu de gratitude, nous dirons finablement, pour clorre le pas aux exemples Rommains, de ceulx qui ont exercé mestier vile, & toutefois se sont addonnez à ceste vertu de gratitude. Lors que M. Cornelius preteur par le commandement du senat alloit à faire les funerailles de Hircius & Pansa: ceulx qui exerceoyent ce mestier de penser des corps des defunctz, luy promirent que sans en prendre vn denier ilz feroient l'office, & mesmes y employeroient leurs biens: pource que ceulx cy estoient mortz en bataillant pour la republique. Et quasi par force impetrent qu'ilz aideroyent à faire l'appareil des obseques, en contribuant vn sexterce. Certes l'estat de quoy ilz estoient, augmente plus leur honneur, qu'il ne le diminue, pour la condition qu'ilz mirent: pource qu'iceulx qui ne viuoyent d'autre chose que de ce qu'ilz gaignoyent, ne voulurent prendre argent.

Les rois des estranges nations, mais qu'il ne leur desplaise, souffriront estre recitez apres ceste tourbe de gens deprimez & contemnez: lesquelz ie deuoye laisser, ou les mettre à la fin des exemples de nostre nation. Mais les honnestes actes, combien qu'ilz soyent faictz par gens de bas degré, si ne sont ilz à mettre en oubly, iacoit ce qu'ilz soyent mis à part: afin qu'ilz ne soyét veuz estre adioinctz à ceulx des nobles personnes, ny aussi estre preferez.

¶ Exemples des estrangers.

¶ De Darius.

Darius, n'estant encore roy, print si grand plaisir à quelque acoustrement que portoit Syloson Samien, que ledict Syloson voyant que Darius y auoit enuie, volontairement, combien qu'il laymast fort ledict vestement, luy donna. Or ledict Darius, quand il fut roy, monstra bien combien il estimoit le present, & combien il luy estoit agreable: car pour recompense feit Syloson seigneur de toute la ville & isle des Samiens. Certes il ne recompensa pas le don, ains le coeur du donneur: pource qu'il eut esgard à la volonté liberale, & non à la valeur de la chose: & plus considera de qui venoit le don, qu'a qui il estoit offert.

Le bon coeur
feit le don acceptable.

¶ De Mitbridates.

Le roy Mithridates se monstra aussi grandement recongnoissant le bien que luy auoit faict vn sien amy nommé Leonique. Comme cestuy Leonique

Le cinquieme Liure

eust esté prins prisonnier des Rhodiens en vne bataille naualle, Mithridates commua tous les prisonniers qu'il auoit des Rhodiens, pour recouurer cestuy Leonique: estimant estre meilleur que son royaume fust en danger de ses ennemiz, que de ne rendre graces à celuy qui bien l'auoit merité.

¶ Du roy Attalus.

Le peuple Rommain fut grandement estimé liberal, pour la grandeur du don qu'il feit au roy Attalus, c'est asçauoir luy donnant l'Asie. Et d'autre part ledict Attalus fut trouué prince de bonne recognoissance, qui delaisa par testament ladicte region aux Rommains. Certes la munificence de cestuy peuple, ne la gratitude d'Attilius ne pourroit estre louée suffisamment, & en tinst on autant de propos, comme les Rommains donnerent de villes audict Attalus, ou autant comme iceluy en rendit, quand il mourut, aux Rommains.

¶ Du roy Masinissa.

Ie puis affermer que le coeur du roy Masinissa fut entre tous autres viuans remply de gratitude & recongnoissance. Cestuy par l'aide & persuation du premier African, augmenté, eut memoire iusques à l'extreme de ses iours du don excellent, c'est asçauoir de la ville de Cirrha, & autres villes & champs du domaine de Siphax, & de tout le royaume de Numidie: que ledict African luy auoit donné. Ledit Masinissa tant qu'il vescu (les dieux immortelz prolongerent sa vie iusques au centieme an) fut de constante fidelité enuers les Rommains, en sorte que non seulement l'Afrique, ains aussi toutes nations congnoissent qu'il auoit esté tousiours plus amy de la maison Corneliene, (d'ou estoient issuz les Scipions) & de la cité Rommaine, que de soy mesme. Lors que ledict fut opprimé d'une grieue bataille par les Carthaginois, si qu'à grande peine pouoit il suffire à defendre son royaume: toutefois d'un coeur tresprompt bailla à Scipion Emilian (pource qu'il estoit neveu dudit African) la meilleure & grande partie de son exercite Numidique, pour mener en Espagne à Luculus: par lequel il auoit esté enuoyé pour demander secours audict Masinissa. Et Masinissa ayma mieulx que son royaume fust en peril de ses ennemiz, que d'estre trouué ingrat enuers les Rommains. Cestuy estant en son extreme vieillesse, demouré au lit, voulant faire testament, & delaisser les grâdes richesses de son royaume, & le nombre de cinquante enfans, il enuoya lettres à M. Manilius, qui estoit consul extraordinaire en Afrique, le priant qu'il luy enuoyast Scipion Emilian, qui militoit soubz luy, pensant qu'il mourroit pluseureusement, si en la fin luy estoit fait ce bien de tenir la dextre dudit Scipion, & en rendant l'esprit le faire son executeur. Or en attendant la venue de Scipion, la mort le preuint: & en mourant bailla à sa femme & à ses enfans ce commandement: Vous congnoissez que sur la terre il n'y a peuple que j'aime mieulx que le peuple Rommain: & entre les Rommains maison qui me soit plus chere, que la famille de Scipion: parquoy ie reserue toutes choses entierelement à Emilian. Ie vueil que l'ayez pour arbitre & iuge touchant la diuision de mon royaume: & ce qu'il ordonnera, gardez le comme mon testamēt, sans rien enfreindre & immuer. Ainsi se porta ce bon prince entre tant de varietez

& diuersitez de choses, & se monstra debonnaire enuers ses bienfaicteurs, & famille, sans se laisser, iusques au centieme an de son aage. Par ces exemples & autres semblables, la liberalité des hommes est nourrie, entretenue & augmentée. voyla les esperons & allumettes, par lesquelles elle est incitée & enflamée d'aider & faire plaisir. Certes ce sont tresbelles, & tresamples richesses, quād on estime le reuenue d'un homme, par les plaisirs, aides, bienfaictz & secours, qu'il a faict en maintz lieux. Pour ce qu'icy dessus nous auons demonstre, & enseigné, comme gratitude & recognoissance a esté bien obseruée, honorée, & gardée entre les hommes: maintenant appartient bien de dire comme icelle a esté cōtemnée, & mise à despris, afin que vertu ait plus grand lustre & clarté, quād elle est conferée avec vice.

Conclusion
notable de
gratitude.

Quelles ri-
chesses doit
on estimer.

DES INGRATZ. CHAPITRE III.

¶ Du senat Romain enuers Romulus.



LE senat qui auoit esté collocqué en tresample degré de dignité par Romulus, pere & fondateur de nostre ville Romaine, mit en pieces en la court ledict Romulus: & n'estima point estre chose abominable & iniuste d'oster la vie à celuy qui auoit procreé esprit eternal à l'empire Romain. O rustique, & trop cruel siecle, qui te souillas villainement du sang de tō constructeur, ce que certes la grāde pitie des successeurs ne pourra iamais dissimuler, ains y aura tousiours regret!

Romulus fon-
dateur de Rō-
me fut faict
mourir par le
senat.

¶ De l'ingratitude du peuple Romain enuers Camille.

Après que nostre ville Romaine se fust monstrée ingrate enuers ses bienfaicteurs, il estoit bien cōuenable qu'elle en feist la penitence, & qu'elle s'en repentist. Furius Camillus, qui fut l'accroissance tresample & la sauuegarde de la puissance Romaine, ne peut viure en assurance en Romme, de laquelle il auoit fortifié le salut, & augmenté la felicité. Cestuy Camille condemné de L. Apuleius tribun du peuple, cōme larron & depredateur du butin qu'on auoit faict sus les Veientois, par sentēce dure & iniuste fut enuoyé en exil, durant le temps mesme qu'il auoit plus de mestier d'estre consolé, que d'estre ainsi affligé: pource que tout recentemente auoit perdu vn sien filz ieune, tāt bié morigné. Mais le pays ayāt mis en oubly les bienfaictz de cest excellēt personnage, assembla le baunissement du pere, avec les funerailles du filz: pour ce que le tribun du peuple se plaignoit que ledict Camille auoit destourné la valeur de mil le cinq cens dragmes du thresor public: & fut taxé ledict Camille à en rendre autāt à son absence. Certes ceste somme ne valoit pas que le peuple Romain fust priué d'un tel seigneur.

Camille fut
euoyé é exil.

L'ingratitude
des Rōmains.

¶ De l'ingratitude des Romains enuers le grand Scipion.

Ceste plainte n'estoit encore appaisée, quand vne autre se va leuer. Le grād

Le cinquième Liure

L'epitaphe de
la tombe de
Scipion.

Africa rendit la republique Romaine dame & maistresse de Carthage, qui au deuant n'auoit esté seulement brisée & rompue par les armes Carthaginoises, ains rendue languissante & presque morte : mais pour recompense de ses tant excellens actes, fut contraint de laisser Romme, & aller habiter vn pource village nommé Linterne, voisin d'un palus inhabité : mais ainçois qu'il mourust, ne cela pas l'amertume qu'il portoit en son coeur, pour son volontaire exil, & commanda qu'on escriuist sus sa tombe c'est epitaphe. O pays ingrat, tu n'auras la possession de mes os. Qu'estoit il plus deshonneste, que de veoir Romme faillir au grand besoing de cestuy, qui tant luy auoit fait de biens ? Qu'estoit il plus iuste que la complainte d'iceluy ? qu'estoit il plus modeste & atrempé que la vengeance qu'il print des Romains ? Certes s'il eust voulu il se fust bien vengé par armes : mais il reffusa ses cendres à celle laquelle il n'auoit souffert qu'elle fust par les ennemys mise en cendre. Donc la ville de Romme ne sentit point d'autre vengeance de Scipion, pour son ingratitude que d'estre seulement priuée de son corps : qui fut certes vne végeance plus grande que celle de quoy vfa Coriolanus enuers les Rommains. Ledit Coriolanus par armes les mist en grande crainte, & Scipion les affligea de honte, de laquelle, la grande coustume de la vraye debonnaireté & amour qu'il auoit au pays, ne tolera en faire plainte, sinon apres sa mort.

¶ De l'ingratitude des Rommains enuers Scipion l'Asiatique.

Il pense que les infortunes du grand Scipion pourroyent donner consolation à cestuy qui estoit son frere, qui en endura de mesmes. Le roy Anthio-cus vaincu, & l'Asie adioincte à l'empire Romain, & son tresbeau triumphe donnerent occasion de l'accuser de pillerie, & de le mettre en prison.

De l'ingratitude des Rommains enuers le petit African.

Le petit African qui n'estoit moins vertueux que le grand, n'eut pas plusieurs fin : car apres auoir mis à feu Numance & Carthage villes cōfederées : qui ensemble faisoient la guerre aux Romains, fut tué en sa maison, & ne trouua en la court homme qui voulsist entreprendre la vengeance de sa mort.

De l'ingratitude enuers Scipion Nasica.

Qui est celuy qui doute que Scipion Nasica n'ait autant acquis de bon bruit en la court, que les deux Africás en acquirent à la guerre ? lequel ne voulut iamais souffrir que la republique, à laquelle Gracchus auoit mis les mains violement, fust sacagée & extaincte : mais comme le peuple estimoit mal de luy, pour ce qu'il auoit tué Tiberius Gracchus meschant & seditieux personnage, le senat soubz tiltre de legation, pour le sauuer l'enuoya à Pergame ville d'Asie, ou il fina le demourant de ses iours, sans auoir regret à son pays, qui

f'estoit. iuers luy grandement monstre ingrat.

¶ De l'ingratitude enuers Lentulus.

Je repaire encore en vn mesme nom & race, ie n'ay point encore terminé les plaintes de la gét Cornéliene. Apresque P. Lentulus personnage de grât bruit & tresamoureux de la republique, eust repoullé Caius Gracchus constamment & vertueusement en la coste. Auentine, ou il receut de grandz coups: pour son loyer d'auoir retenu en leur estat les loix, la paix, & la liberré Romaine, fut enuoyé en exil, & ne mourut en Romme. Donc cestuy cōstrainct de partir, & laisser le pays, pour l'enuie & haine qu'on luy portoit, impetra du senat vne legatiō, pour aller ou il luy plairoit: puis fait vne harangue, ou il prioit aux dieux que iamaïs ne reuinist en vn pays tant ingrat comme Romme. Donc sen alla en Sicile, & en ce lieu demoura tant qu'il vescu: parquoy iouit de ce qu'il auoit requis aux dieux. Donc ces cinq personnages cy dessus alleguez, qui furent de la maison Cornélienne, donnerent certaine experiēce de l'ingratitude du peuple Rommain enuers eulx: & tous partirent volontairement du pays.

P. Lentulus de la race des Scipions.

¶ De l'ingratitude enuers Hala Seruilus.

Lors que Hala estoit maistre des chevaliers en Romme, occit Spurius Melius affectant le royaume: mais pour son salaire d'auoir gardé la liberré des citoyens, fut enuoyé en exil. Apresque nous auons parlé de l'ingratitude des personnes publiques, il fault faire mētion de celle d'un chascun en particulier. L'ingratitude d'un peuple n'est pas tāt à blasmer, que celle d'un personnage priué: car en vne communauté n'y a point de raison, ne de discretion, mais est facilement esmeue & concitée, en la maniere d'une soudaine tempeste. Vn homme particulier a loisir & puissance de considerer le bien qu'on luy a fait: parquoy est plus a reprendre s'il est ingrat, & s'il prefere le vice à vertu

Notable.

¶ De P. Sextilius.

On ne scauroit trop dire d'infamie, ne mal parler du cruel & inhumain Sextilius, qui n'eut horreur de tirer hors de sa table, & de son oratoire. C. Cesar & le liurer à Cinna, pour estre mis à mort. Lequel Cesar l'auoit tant curieusement & eurement defendu, lors qu'il fut accusé du crime de lese maiesté enuers la personne de Sylla. Or comme cestuy Cesar (du temps que Cinna auoit banny grand nombre de Rommains) s'enfuyoit, vint au territoire Tarquinense demander aide audiēt Sextilius, priant de le sauuer, & qu'il eust memoire du bō tour qu'autrefois luy auoit fait: neantmoins (comme i'ay predict) le liura entre les mains du cruel vainqueur. Or prenons le cas que cestuy Cesar eust esté accusateur de Sextilius en ce crime que i'ay deuant allegué, & qu'en ceste fortune il se fust iecté à genoux deuant Sextilius, luy demandant secours en si grand trouble & necessite, n'eust il pas esté estimé cruel & inhumain, s'il l'eust repoullé? Certes ouy. Car cōbien que nous ayons autrefois hay vn personnage, pour le tort ou iniure qu'il nous a fait, si auēs nous pitié & compassion de luy, quand

Les misericordieux font grace à leurs ennemis.

le voyons en misere, & volontiers luy faisons grace. Mais Sextilius par ses propres mains, nō son accusateur, ains defendeur, à son ennemy: si il le feist par crainte de mort, il estoit indigne de viure: si par espoir d'en auoir guerdon, trespasse de mort.

¶ De Cn. Popilius Lenas.

Popilius occit
M. Cicero, le
defenseur de
sa vie.

En cest endroit fault faire recit d'un acte d'ingratitude, cōforme au susdict. Marc Cicero, à la requeste de Marc Celiu, non moins songneusement que facondement, defendit la cause de Cn. Popilius Lenas, natif de la region des Picē tins, lequel estoit en grand peril de sa personne: mais ledict Cicero luy sauua la vie, & le renuoya avec son hōneur en son pays. Cestuy Popilius par aptes, nullement offense par Cicero, ne de fait, ne de parole, pria tout de grē Marc Antoine, qu'il luy dōnast charge de poursuuyir & faire mourir ledict Cicero, qui auoit esté banny par Antoine: ce que facilement impetra, dont grandement ioyeux se trāsporta soudain à Gaete, & fait mourir ce personnage tāt digne, qbi luy auoit sauué la vie, & lequel il deuoit sur to⁹ honorer & seruir: fait couper sa teste, qui estoit le chef de Rommaine eloquence, & sa dextre tresexcellēte qui auoit mis police & paix à la republique. Dōc cestuy Popilius reuint en Romme chargé de ce faiz, se resiouissant, cōme si ce fust quelque gros butin: & n'eust memoire le cruel & malheureux, qu'il portoit vn chef, qui autrefois auoit sauué le sien. Mon escript est trop foible à detester la meschanceté de ce monstrueux personnage, & faudroit vn autre Cicero, qui peust faire digne deplo- ration de l'infortunée mort de cestuy.

¶ De Pompée le grand.

Comment te pourray ie accuser seigneur Pompée? certes ie ne sçay. Je regarde d'un costé ton amplitude & grandeur, qui autrefois par son excellence auoit oocupé toute la terre & la mer: d'autre part i'ay memoire que ta ruine à esté plus grande que ie ne sçauroye descrire: mais encore quād nous ne sonnerions mot de toy, si auroyēt les hommes esgard à la mort de Cn. Carbo, que tu feis tuer & t'en reprendroyent: par lequel Carbo fus defendu en la court, cōme en ta grande ieunesse plaidois pour les biens de ton pere. Donc tu as meritē estre blasme d'ingratitude, pource que tu obtemperas plus à Sylla, qu'à ta propre honte: & pour auoir la bonne grace d'iceluy, n'eus honte de occir ton bienfaicteur Carbo.

¶ Exemples des estrangers.

¶ Des Carthaginois.

Hannibal fut
enuoyé en ex-
il par les Car-
thaginois.

Mais afin que les villes estrangieres ne se moquent de nous, qui auons confessé nostre ingratitude, & quelles n'estiment qu'ayons esté seulz trouuez ingratz: ie toucheray icy des Carthaginois, qui enuoyerent Hannibal en exil: lequel pour leur sauueté, assurance, & victoire auoit desconfit tant de noz capitaines. & de noz gens. Croyez que si seulemēt il eust deffait autant de noz aduenturiers, comme il deffait de gens de bien de nostre nation, encore eust il reporté gros honneur.

¶ Des Spar-

¶ Des Spartains ou Lacedemoniens.

Jamais la ville de Lacedemone ne porta homme meilleur ne plus fructueux à la republique qu'estoit Lycurgus: auquel, cōme il estoit en Delphos pour auoir quelque respōse d'Appollo Pythius, luy dit ledict Appollo, qu'il ne scauoit s'il le deuoit mettre au renc des hommes ou des dieux: toutefois la grande integrité & purité de sa vie, la tresconstante amour enuers son pays, ny les bōnes loix qu'il auoit faictes & inuentées, ne luy peurent donner remede, qu'il ne paruint en l'indignation des citoyens. Souuent le lapiderēt, aucune fois par fureur le deiecterent, puis luy creuerent vn oeil, finalement le bannirēt. Que feront les autres villes, veu que celle qui s'attribue grand honneur, pour sa constance, atrempance & grauité, a esté ingrate enuers celuy qui luy auoit fait tant de biens?

Lycurgus, aps
auoir eu vn
oeil creué, fut
banny par grā
de ingratitude.

¶ Des Atheniens.

Ostez d'entre les Atheniens Theseus, vous trouuerez que ce ne sera rien, ou pour le moins qu'Athenes ne sera si bien renommée. Certes cestuy Theseus alla & assembla en vne ville les citoyens qui estoient dispers & respenduz de village en village, donna au peuple (qui separémēt & en particulier viuoit à la mode agreste) forme & maniere de viure ciuilement. Cestuy mesme en son ieu ne aage les deschargea de la domination & pesant faix du puissant roy Minos. Cestuy dompta la fierté & orgueil effrené de Thebes. Cestuy donna secours aux enfans d'Hercules, & par sa subtilité & force aneantit les vices, & tout ce qui estoit monstrueux par tout le pays. Toutefois l'isle de Scyros (combié qu'elle fust belle & flourishinge, si estoit elle moindre, quant aux vertuz & bonne reputation, que ce poure banny Theseus) apres auoir esté deiecté des Atheniēs receut les os dudit Theseus mort

L'ingratitude
des Atheniens
enuers The-
seus.

¶ L'ingratitude des Atheniens
enuers Solon.

Solon qui establit tant de belles & vtiles loix aux Atheniens, en sorte que s'ilz eussent tousiours vsé d'icelles, leur regne eust esté perpetuel. Cestuy aussi qui leur recouura l'isle de Salamine, prochaine d'eulx & qui les pouoit battre, & faire beaucoup de tort, quand elle leur estoit ennemye. Cestuy qui le premier veit le fondement de la tyrannie de Pisistrat, & qui seul publiquement osa dire qu'il la failloit opprimer par armes: fut banny par lesdictz Atheniens, & vsa sa vieillesse en l'isle de Cypre, & ne luy couint estre inhumé en son pays ou il auoit fait tant de biens.

¶ De l'ingratitude des Atheniens
enuers Miltiades.

Il fust biē prins à Miltiades, si (apres qu'il eut deffait trois cens mille Persās à Marathone) les Atheniens soudain l'eussent enuoyé en exil, sās le faire mourir en prison. Je croy qu'ilz estimerēt que suffisammēt exercerēt leur cruauté

La iournée de
Marathone.

Le cinquieme Liure

enuers leur bienfaicteur, si iusques à la fin ilz le persecutoyent: mesmes apres qu'il fut mort, encore ne souffrirēt ilz que le corps fust mis en sepulture, si son filz Cimon ne tenoit prison pour luy: ce qui fut fait. Ainsi le filz de ce vertueux duc, & qui pour l'aduenir fut vn des grandz personnages de son temps, se pouoit biē glorifier qu'apres la mort de son pere luy estoit escheu ce patrimoine, c'estasçauoir prison & chartre.

¶ De l'ingratitude des Atheniens. enuers Aristides.

Aristides, qui du temps des guerres estoit pour son equité esleu du peuple, pour estimer le reuenu des villes de Grece, afin qu'un chascun contribuast au fait desdictes guerres: & qui estoit reputé audict pays comme le miroir & exemple de continence, fut contraint d'abandonner le pays. Bieneureuse eut esté la ville d'Athenes, si apres l'exil de cestuy, eust trouué vn citoyen, ou vn homme de bien qui eust esté amoureux d'elle. Certes avec ledict Aristide, toute bonté & vertu s'en alla.

¶ De l'ingratitude des Atheniens enuers Themistocles.

Entre to⁹ ceulx qui experimenterēt l'ingratitude de leur pays, Themistocles est vn bel exemple. Apres que cestuy eust rendu Athenes saine, sauue, bien renommée, riche, & princesse de Grece, à ceste heure là la congneut tāt son ennemye qu'il fut constrainct d'auoir recours à la misericorde & pitié de Xerxes, non à luy deue: car peu de temps auant, auoit destruit les gens dudit Xerxes.

¶ De l'ingratitude des Atheniens enuers Phocion.

Phocion tresbien instruit en ces vertuz là qu'on estime estre tresefficaces pour acquerir honneur, c'estasçauoir clemence & liberalité, ne fut seulement par les Atheniens mis aux tortures, ains aussi apres sa mort ne trouua vne seule mote de terre de la regio de Grece, qui fust iectée sus ses os. On feit cōmandement qu'il fust deiecté hors des limites, ou le bon citoyen auoit esté nourry & auoit vescu. Que sen fault il qu'on ne doie iuger estre vne folie publique, de punir d'un commun accord les grandes vertuz, quasi comme si ce fussent vices tresgriefz, & recompenser les bienfaictz, d'iniure? combien qu'on ne doie en aucun lieu tolerer ce tort, encore moins le doit on souffrir en Athenes, en laquelle est establie loy pour punir les ingratz, & tresbien: car quiconque est negligent de rendre grace pareille au bienfaict, cestuy là certes, perd & oste le contract de faire & receuoir plaisir: sans laquelle chose la vie humaine à grā de peine peult cōsister. Combien grande reprehension donc meritēt ceulx qui auoyent deuant les yeulx de trefequitables & iustes ordonnances: mais leurs espritz estoient trefiniques, si qu'ilz aymerent mieulx vser de leurs meurs, que de leurs loix? Or si par la prouidence des dieux se pouoit faire, que ces tresexcellens personnages, (desquelz maintenant i'ay narré les aduentures) venoyent à

reuiure, & qu'ilz feissent action à ceulx de leur pays, pour se trouuer deuant quelques gens estrangers, mettans en ieu la loy, par laquelle on punissoit les ingratz: ne rendroyent ilz point par ceste accusation ce peuple icy Grec, (qui est tant ingenieux, & si bon ouurier de causer) esperdu & muet? Si quelque nigromantian tiroit des enfers l'ymbre de Theseus, disant & reprochant ces choses aux Atheniens, comme se pourroyent ilz excuser? Lors que vous habitiez de village en village, & que vous estiez diuisez, & qu'il y auoit autant de dissensions entre vous, comme vous estiez de familles, ie vous assemblay en vne ville & vous enseignay à viure en amour & dilection. Si Miltiades & Themistocles resuscitoient, & disoyent aux Atheniens: Marathó ville de Grece non loing d'Athenes fut ennoblie & celebrée par la deffaiete des Persas, qui fut par nous faicte en ce lieu. Les nauires de Xerxes furent par noz prouesses enfondrées à Salamin & Artemise. Les murs d'Athenes, qui auoyent esté rompuz par les barbares, furent par nous reedifiez, & faictz plus beaux qu'on n'auoyent esté. Or respondes maintenant Atheniens: ou ont vescu les auteurs de telles choses? ou sont ilz ensepulturez? O ingratz! n'avez vous pas contrainct Theseus d'estre enseuely dans vn petit rocher, Miltiades de mourir en prison, Cimon entrer en la chartre au lieu de son pere, Themistocles vainqueur de Xerxes, recourir à la misericorde dudit Xerxes, Solon, Aristides, & Phocion partir hors du pays? Ce pendant que noz cendres estoient en lieux estrangers. Sagement & miserablement dispersez & respendues, vous autres Atheniens auez recueilly les os d'Edip⁹ qui auoit tué son pere, & souillé par luxure sa mere, et mis ledictz os en sepulture entre la court d'Athenes nommée Areopagus (qui estoit vn venerable lieu, ou les dieux & les hommes souloyent plaider) & la tour de Minerue, lesquelz vous adorez comme si ce fussent saintes reliques. Voyla cómo les meschans & vitieux personnages d'estrange pays, vous sont plus agreables, que les gens vertueux de vostre climat. Lisez les ordonnances des ingratz, lesquelles vous auez iuré solennellement tenir & garder. Or puis que vous n'avez voulu rendre salaire deu à voz bienfaicteurs durant leur vie, faictes leur sacrifice apres la mort, leur cryant mercy de l'offense. Leurs vmbres resserrees par les destinées se taisent & sont muettes. Mais Athenes ville ingratitude, & mal recongnoissante les plaisirs qu'on luy a faictz, ne soit priuée de blasme & reproche à langue desployée & licentiee de l'iniurier. Or delaissons les ingratz, & parlons des debonnaires qui ont honoré & aymé ce qu'ilz deuoyent.

Parolles inue-
sties adres-
sées aux A-
théniens pour
leur trop dure
ingratitude.

Areopagus.

On prend bien plus de plaisir à reciter vne chose plaisante & agreable, qu'à vne chose odieuse & meschante. Venez

donc entre noz mains enfans debonnaires,

lesquelz voz peres vous ont sou-

haitez, telz que vous estes,

& qui faictes par voz

actes, qu'on se

resioit

de vous auoir en-

gendré, & prend on plaisir

d'en procreer

d'autres.

L ii

Le cinquieme Liure
DE LA DEBONNAIRETE, HONNEUR,
*amour, & reuerence qu'on doit auoir enuers
son prochain.*

CHAPITRE IIII.

De la debonnaireté de Coriolan.

Vertu est en
sous lieux esti-
mée.



Coriolan ban-
ny de Rome,
fut receu chef
de la gendar-
merie des
Volsques con-
tre les Rom-
mains.

Les Romains
enuoyerent
vers Coriolan
pour traiter
la paix.

Coriolan
pour la debon-
naireté enuers
sa mere, sa fe-
me & ses enfans
fut cōuertý à
pacifier aux
Romains.

Oriolan, homme de grand coeur & hault conseil, & qui auoit fait de grandz biens à la republique, fut iniustement banny : parquoy se retira vers les Volsques, pour lors ennemyz des Rommains. Certes vertu en tous lieux est estimée. Donc en ce pays, ou auoit esleu demeure Coriolan pour se cacher, en cestuy mesme en briefz iours paruint à estre chef & gouuerneur de la gendarmerie. Et aduint que celuy que les Romains auoyent reffusé pour capitaine salutaire & idoine, à bien peu qu'iceulx ne l'experimenterent contre eulx, comme ennemy mortel & pestifere. Or apresqu'il fut rendu avec lesdictz Volsques, petit à petit surmontoit les Romains: & fait tant par ses prouesses, qu'en la fin vint iusques deuant Rome. Pourtant ce peuple Romain qui n'auoit pas tenu grand compte du fruit qu'auoit fait ledict Coriolan à la republique, & qui ne luy auoit fait grace, quand fut condemné à estre exilé, fut parapres constrainct de le prier estat banny. Donc furent enuoyez ambassadeurs pour luy faire requeste, & ne gaignerent rien: consequemment prestres reuestuz de leurs ornemens sacrez, qui reuindrent par semblable sans rien faire. Lors estoit estonné le senat, le peuple craintif, hommes & femmes ensemble lamentoyent & se doloient pour la dangereuse issue, & peril eminent. Adonc Veturia mere de Coriolan, prenant avec soy Volumnie femme dudit Coriolan, & ses enfans, s'en va droit aux têtes des Volsques: laquelle quand son filz la contempla, comme vn homme quasi hors du sens, alla pour embrasser sa mere. Mais tourna ses prieres en ire: & comença à dire: Ainçois que ie t'accôle, ie vueil sçauoir si ie suis venue à mon ennemy, ou à mon filz, & si ie suis comme prisonniere en son camp. Ma vieillesse maleureuse, & longue vie, m'a elle attiré iusques icy, pour te veoir en exil, puis ennemy des Rommains? As tu eu le courage de destruire ceste terre, qui t'a engendré & nourry? Si ie ne t'eusse produict, Rome ne fust pas maintenāt battue & guerroyée. maintes autres choses dict ceste noble femme en plourāt. Adonc Coriolan esmeu par ces pitoyables remonstrances, & par les larmes de sa femme, & ses enfans, embrassa sa mere, & dit: Haa pays, par les requestes de ma mere tu m'as vaincu, pour l'honneur de son ventre qui m'a porté, j'auray mercy de toy, iacoit ce q̄ à iuste cause ie te doie hayr. Apres ces choses dictes soudain deliura le territoire Romain des armes hostiles. Dóc la vertu de debonnaireté vuida le coeur dudit Coriolā, plein de douleur pour le tort qu'on luy auoit fait, remply d'esperance d'auoir la victoire, honteux de laisser son entreprinse craignant que les Volsques ne le tuassent. Certes toutes ces choses furent rompues pour l'amour qu'il auoit à sa mere, sa femme, & ses enfans, & le regard de sa seule mere, mua ceste tresapre guerre, en paix salutaire.

¶ Du premier African.

Ceste mesme debonnaireté enflamma le premier African, à grande peine ayant quatorze ans, à secourir son pere Cn. Scipion, en la guerre contre Hannibal. Lors que ledict pere estant consul guerroyoit contre Hannibal, assez maleureusement à Paue, fut grieuement blecé par ledict Hannibal. Ce que voyant le premier African son filz, se mit entre deux, & sauua sondict pere. La tendreur de son aage, le commencement de l'exercice militaire, & l'adventure de ceste infortunée bataille, que deuoit bien mesme craindre vn routier, ne peurent empescher que par double gloire ne meritaist la couronne de chesne: c'est ascauoir pour auoir preserué de mort vn chef de guerre, qui estoit mesme son pere. La ville de Romme ouyt de ses oreilles, que ces tant excellens exemples auoyent eu leur effect: (car ces choses furent faictes hors de Romme) mais elle veit de ses yeulx ce qui s'ensuit, pour ce que ce fut dedans ladicte ville.

La debonnaireté demonstree enuers le pere.

¶ De Lucius Manlius Torquatus.

Pomponius tribun du peuple auoit faict adiourner Lucius Manlius deuant le peuple, pour ce que soubz l'occasion de guerroyer les ennemys, il auoit excédé le temps de sa dictature, c'est adire qu'il y auoit esté d'auantage qu'on ne souloit (car l'office de dictateur ne duroit que six moys:) & aussi il l'auoit faict conuenir, pour ce qu'il auoit banny d'auec luy, son filz qui estoit de bien bonne nature, & mis aux champs, ou il le traictoit assez mal, luy faisant endurer de la peine infinie: consideré qu'il eust esté propre au seruice de la republique en la ville. Ce que cognoissant ce ieune enfant Manlius, soudain laissa les champs, vint à la ville, & dès l'aube du iour entra en la maison de Pomponius: lequel pensant que ce ieune enfant fust venu par deuers luy pour accuser son pere, de ce qu'il le traictoit plufrudemment qu'il n'estoit licite, commanda que tous vuidassent de sa chambre, afin que pluilibrement cediect enfant luy descouurist le delict de son pere. Mais ce ieune enfant voyat qu'il auoit trouué occasion opportune à son propos, tyra son espée qu'il auoit cachée soubz sa robbe, & contraignit par menaces & terreur, ce tribun de iurer, qu'il se desisteroit de pourfuyuir son pere. Par cela aduint que Torquatus ne plaida point sa cause. L'honneur est louable qui est faict aux peres qui sont doux & humains: mais Manlius d'autat plus que son pere fust rude enuers luy, d'autat plus fut il loué de luy auoir subuenu à son peril, lequel n'estoit attiré à l'aymer par aucune douceur, ou blandice, ains seulement par nature.

L. Manlius est d'amitié enuers les peres.

¶ De Marc Cotta.

Marc Cotta imitateur de ceste vertu, le mesme iour qu'il print la toge virile, qui estoit au bout de quatorze ans, incontinent qu'il fust descendu du capitole, accusa de pillerie & sedition Cn. Carbo, par lequel auoit esté condemné son pere, & le feit luy mesme condamner. Ainsi commença il en sa grande ieunesse de faire acte excellent & honneste.

Le cinquieme Liure

De C. Flaminius.

Ces lieux que
les Romains
enuoyoyēt ha-
biter, s'appel-
lent Colonies

C. Elaminius ne porta pas moins d'honneur à son pere, qu'auoit fait Marc Cotta. Lors que cestuy estoit tribun du peuple, & qu'il eust prouulgué & fait vne ordonnance, d'enuoyer vn nombre de Romains pour demourer & habiter au territoire de Plaisance en la Gaulle Cisalpine, maugré qu'en eust le senat. Et ne sceut tāt faire ledict senat enuers Flaminius, ne par priere ne par menaces, qu'il voulsist faire fors ce qu'il auoit en sa phantasie: mesmes le senat fūt assemblée de gensdarmes pour le cuider destourner: s'il perseveroit: mais ne s'en estonna pourtāt, iusques à ce que son pere, qui n'auoit office aucun, vint par deuers luy comme il publoit ladicte loy en la court nommée les Rostres, mit la main à luy, & le reprint. Lors descendit ledict Flaminius, obeit à son dict pere, & ne murmura point de ce qu'il auoit esté rompu de sa harangue.

¶ De Claude uierge Vestale.

Notable.

Ces actes icy deuant recitez, qu'ont fait ces personnages Romains touchant reuerence faite à leurs peres, sont grādz: mais ie ne sçay si ce que feit Claude dame Vestale, est point encore plus vertueux & de coeur. Cōme ceste vierge veit vn tribun du peuple mettant la main à son pere par grande violence, & le voulant mettre hors du chariot ou il estoit en triumphe, par merueilleuse legereté entra dedans ledict chariot, se mit entre le tribun & son dict pere, & repoulsa ledict tribun qui estoit en sa grande cholere & animé cōtre son pere. Par ainsi le pere & la fille triumperent, l'vn au capitol, & l'autre au temple de Vesta: & ne sceut on discerner à qui on deuoit plus donner de louége, c'est asçauoir ou au pere qui auoit eu la victoire de ses ennemyz, ou à la fille, qui auoit tant honoré son pere. Pardōnez moy deesse Vesta, anciens foyers, & aultez sacréz, ou se gardoit le feu eternal, ne vo⁹ desplaise, si apres l'exemple d'une vierge Vestale noble & insigne, ie viens à faire recit d'une ieune femme qui n'estoit noble: & si ie fay digression de vostre tressacré temple, pour me transporter à vn lieu de Romme, qui est plus necessaire que beau, c'est asçauoir en vne prison. Or si fortune à voulu que plusieurs fussent produitz en bas estat & deprimé, toutefois s'il y a quelque vertu en eulx, ceste vertu ne doit estre tenue pour vile, ny estre fraudée de son loyer & louége. Mais d'autant qu'à plus grande difficulté ilz sont paruenuz à ceste vertu, d'autāt leur est deu plus grād salaire & guerdon.

¶ De l'amour d'une fille enuers sa mere.

A Romme fut vn iuge, qui apres auoir condemné vne femme, issue de parens francz & libres, pour auoir esté trouuée en adultere, la bailla à vn triuier pour la faire executer de peine de mort en la prison. Or quād elle y fut, le geolier esmeu de pitié ne l'estrangla soudain, ains dōna & permit à vne fille qu'elle auoit de la venir visiter: mais ainçois qu'elle parlast à sa mere ledict geolier cherchoit diligemment autour d'icelle, afin qu'elle ne luy portast aucune vian-

de, pésant qu'elle ne viuroit pas long temps ainsi, & qu'elle mourroit de faim. Or comme desia fussent passez plusieurs iours, pensant à par luy comme il estoit possible que ceste femme vescu tant sans manger, print garde à cest affaire, & veit cōme ceste fille tiroit sa māmelle, & la presentoit à sa mere, pour soulager sa faim. Ce que voyāt ce geolier, pour la nouveauté de ceste merueille, en feit le recit au triumuir: qui estoit vn officier, ayant la charge de mener les colonies (c'est adire certain nombre de Rommains pour habiter & labourer quelques territoires conquestez par lesdictz Rōmains,) le triumuir, au preteur & iuge: le iuge au conseil des iuges: ce qui fut cause que ladicte femme impe-
 trast grace. Or n'est il lieu, ou ne puisse entrer ceste vertu de pieté. il n'est rien qu'elle n'inuente: elle trouua en ceste chartre nouvelle maniere de cōseruer ceste mere. Qu'est il plus nouveau & inusité que de veoir nourrir vne mere des māmelles de sa fille: on péseroit que ce fust vn acte contre nature, si nature mesme n'ordonnoit premierement d'aymer son pere & sa mere.

Ceste fille
nourrissoit sa
mere de ses
māmelles en
la chartre.

Que peult pie-
té.

*De la pieté d'une fille enuers
son pere.*

Le semblable feit vne autre fille à son pere nommé Cymon, ia fort ancien qui estoit condamné à mourir. Ceste fille l'alloit veoir à la prison, luy presentoit sa māmelle, comme si ce fust son enfant. L'oeil s'estonneroit grandement s'il veoit vne piece de peinture ou fust pourtraicte ceste aduventure, & renouelleroit ceste chose antique par l'admiration de ce present spectacle, pensant veoir par ceste peinture muette, deux corps faictz apres le vif. (Ce qu'ō peult bien imaginer aussi à l'entendement, qui est plus efficace que l'oeil) & veoir par cest escript, qui est vne peinture parlant le cas ainsi comme il estoit, sans s'amu-
 ser à contempler vne chose de nouveau faicte cōme ceste hystoire de nouveau peincte, au lieu du cas qui de soy est vieil.

Ceste cy nour-
rissoit son pe-
re de ses mam-
elles.

Le vray oeil,
c'est l'entende-
ment.

*¶ De la pieté d'un nommé Cymon enuers
son pere.*

Je ne te doy mettre en oubly Cymon, qui ne feis point de difficulté de te-
 nir prison, pour deliurer le corps de ton pere mort en icelle, afin qu'il eust hon-
 neur de sepulture. Et si tu meritas honneur par apres, pour t'estre bien porté au
 gouuernement de la republique, & pour t'estre monstré vertueux chef & bon
 citoyen: si en acquis tu plus en r'achetant le corps de ton pere prisonnier,
 que tu ne feis en la court, en bien regissant tes subiectz. Gens adonnez aux au-
 tres vertuz on les loue, & s'esmerueille lon seulement d'iceulx: mais gés pitoya-
 bles & qui portent honneur à pere & à mere, avec ce qu'ilz sont louez, pareil-
 lement sont aymez du monde.

¶ Exemples des estrangers.

¶ De deux freres.

Je feray icy mention de deux freres, qui furent plus nobles de coeur, que de
 race. Ces deux icy furent natifz d'Espaigne d'une pource maison, qui finirent

Le cinquieme Liure

Notable.

honnestement & avec bon bruit, c'est asçauoir en aduënturant leur vie pour nourrir leur pere & leur mere. Or est il ainsi, qu'en Espaigne y auoit vn tyrant nommé Epastus. Cestuy tua Patietes. Ce que congnoissant les enfans dudit Patietes pour faire la vengeance de cedit tyrant, firent pact avec ces deux pources freres en sorte que s'ilz vouloyent tuer ledit tyrant ilz auroyēt douze mille deniers. ce qu'ilz accorderēt: & prierēt, que si de hazard apres qu'ilz auroyent occy ce tyrant, fussent faictz mourir, que ces enfans baillassent l'argent promis à leur pere & leur mere qui mouroyent de fain. Dóc d'vnes mesmes mains firent ilz la vengeance de Patietes, La punition d'Epastus, & par ce mesme acte nourrirent leurs parens, & se donnerent mort glorieuse & honneste. Parquoy maintenant sont viuans en leurs sepulchres: pource qu'ilz iurent qu'il estoit meilleur de garder & prolonger la vieillesse de pere & mere, qu'attendre la leur mesme.

¶ De Cleobis & Biton freres, & d'Amphinomus & Anapus.

Les exemples de Biton & Cleobis, d'Amphinomus & Anapus deux couples de freres, sont plus congneuz que ces deux dont ie viens de parler. Les deux premiers seruirent de cheualx, & menerent le chariot de leur mere, qui estoit prestresse de Iuno, aux sacrifices de ladicte deesse: les deux autres porterent sur leurs espaules leur pere & leur mere par le mylieu des flammes de la mótagne d'Etna: mais nul de tous les quatre ne delibera de mourir pour leurs parens. Ce neantmoins ie ne vueil tollir ne reffuser la gloire due à ces deux Grecz Cleobis & Biton, n'y couurit l'honneur des deux autres, qu'ilz acquirēt en ce feu d'Etna: mais ie vueil bien esclarcir par mes escriptz la vertu de bonnairété des deux precedens freres, pource qu'ilz n'estoyent pas tant cōgneuz que ceulx cy: ainsi que volontairement ie porte tesmoignage de la pieté des Scithes.

¶ Du roy Darius.

La respōse des
Scithes, à Da-
rius.

Dit notable.

Nature peult
plus qu'art &
doctrine.

Comme le roy Darius feist quelque fois entrée avec toute sa force en la region des Scithes: iceulx estant aduertiz, se retirerent petit à petit iusques aux desertz & lieux inhabitez de leur pays. Lors Darius leur enuoya ambassadeurs pour leur demander s'ilz vouloyent tousiours fuir, & s'ilz vouloyent point cōbatre. Adóc respondirent qu'ilz n'auoyent villes, ne champs labourables, pourquoy ilz bataillassent: mais quand seroyent paruenuz aux sepulchres ou gisoyēt leurs parens, qu'à ceste heure là Darius cōgnoistroit comme ilz auroyent acoustumé de batailler. Par ce tant humain propos, ceste gent barbare & cruelle, s'exempta de tout crime de cruauté. Donc fault bien entendre que nature est la principale maistresse d'humanité & pieté, laquelle facilement sans vsage de lettres, sans aucun enseignement, respand au coeur des enfans vn amour & charité enuers leurs peres & meres. que proufite lon par doctrine & enseignement? Rien autre chose, fors que les espritz sont mieulx ornez, & nō pas meilleurs: pource que pieté & humanité plus par nature se produit

es coeurs des hommes, qu'elle ne fait pas par art & doctrine.

¶ Du filz de Cresus.

Qui fut ce qui enseigna à respondre ainsi, à Darius, ce peuple icy qui au lieu de maisons se faisoit porter ça & là dans des chariotz, n'ayant autre couverture pour son corps sinon les forestz, & viuant de proye ainsi comme bestes cruelles? Certes ce fut nature. Qui instruisit le filz de Cresus (qui toute sa vie auoit esté muet) à garder la vie de son pere par vne parolle? Après que Sardes fut prinse, vn soudard Persan ne congnoissant Cresus se va efforcer de le tuer: ce que voyant ledict filz de Cresus, oublya ce que nature luy auoit deneyé en sa natiuité (pource qu'elle l'auoit fait muet) & cria à haulte voix: Soudard, ne tue pas le roy Cresus. Oyant la paeolle ce soudard, qui auoit desia l'espée contre la gorge dudit roy, la retira. Ainsi cestuy qui iusques à ceste heure là auoit esté muet, parla, pour sauuer son pere.

Cestuy muet parla vne fois, dont son pere eut la vie sauue.

¶ De quelque ieune compaignon nommé Pluto.

Ceste mesme vertu d'amour & charité en la bataille sociale arma de force de coeur & de corps vn ieune compaignon de la ville de Pinna. Lors que les Rommains auoyent mis le siege deuant ladicte ville, cestuy estoit estably entre autres pour garder les portes: ce que voyant le capitaine Romain, amena le pere de ce ieune homme, qui estoit captif, & le fait mettre deuant la porte, enuironné de soudardz, qui tous auoyent leurs espées tirées. Adonc le capitaine dict à ce ieune compaignon, quil feroit tuer son pere, s'il ne luy bailloit entrée en la ville. Ces menaces faictes, ledict ieune homme seul se iecta au parmy de ses ennemys, & deliura son pere de leurs mains. Ainsi fut il digne d'estre loué doublement: pour ce qu'il sauua sondict pere, & ne fut trahistre à son pays.

A double merite double honneur.

¶ DE REVERENCE ET AMOVR
entre freres.

¶ CHAPITRE V.



Le premier degré de charité est des enfans enuers le pere & la mere: celui qui vient apres est des freres l'un enuers l'autre. Certes ainsi que de droit nous estimons le premier lieu d'amour estre: c'est adire que nous sommes obligez d'aymer ceulx qui nous ont donné estre en ceste vie humaine, nous ont entretenu de viures & vestemens, & acquis les biens dont nous viuons: ainsi pour le second, freres doiuent estimer auoir receu tous ces biens là ensemble. O que ceste recordation icy est de grande douceur! de dire, ainçois que ie fusse né, i'ay tourné au mesme ventre ou à tourné mon frere, i'ay esté le temps de mô enfance en vn mesme berseau, i'ay appelé pere & mere ceulx mesmes que mô frere a appelé, ilz ont eu soing de

Les degrez de charité.

Recordation d'enfance des freres.

Le cinquieme Liure

faire veuz aux dieu pour moy comme pour mon frere, vne mesme race & maison nous à fait nobles: ma femme m'est chere, mes enfans me sont doux, mes amys ioyeux, mes affins acceptables: mais quand l'amour de tous ceulx cy suruient, l'amitié de mes freres ne doit estre exteincte.

¶ Du grand Scipion.

L'amitié de
Scipio envers
son frere Lu-
cius.

De ces choses icy i'appelle Scipion l'African à tesmoing: le quel, iacoit ce que Lelius fust son grand amy, toutefois il pria le senat, & brigua contre ledict Lelius, afin que la province d'Asie, que cestuy pretendoit, fust baillée à son frere Lucius Scipion, & promit estre le lieutenant de sondict frere Lucius en ceste charge. Ainsi cest African qui estoit l'aîné fut seruiteur de son frere puîné: celuy qui auoit fait tout plein de prouesses, en guerre s'asservit à celuy qui n'en auoit encore point fait: il auoit desia le surnom d'Africa, & l'autre n'estoit encore surnommé Asiatique. African eut par sa propre vaillantise le surnom d'Afrique, & bailla à son frere le surnom d'Asie: pource qu'Asie fut expugnée par son conseil & aide. de soy il triompha d'Afrique, & fit triompher son frere d'Asie. Scipion l'African estoit pluigrand & renommé au seruice de son frere, que n'estoit ledict frere estat chef de la gendarmerie: le lieutenant estoit mieulx reputé que le capitaine en chef.

Louenges de
Scipion l'Afri-
can.

¶ De Marc Fabius consul.

Fabius apres auoir surmonté les Hetrusques & Veientois, ne voulut recevoir le triumphe qui luy auoit esté estably du senat & du peuple: pour ce que son frere en bataillant vertueusement auoit esté occy en ce conflict. Combien estimons nous que cestuy aymoît sondict frere, qui autrefois auoit esté consul, pour l'amour duquel, il refusa si grand honneur?

¶ De Tibere Cesar.

Les proge-
teurs de Tibe-
re, & Drusus
son frere.

De l'exemple de Caton fu decoré l'aage preterit & ancien: & nostre siecle & temps est honoré de l'exemple de Tibere & Drusus deux freres, qui estoient descenduz de la race Claudiane, du costé paternel: leur pere fut Tibere Nero, filz d'Appius Claudius l'aueugle. Aussi du costé maternel estoient venuz de la gent Liuienne. Leur mere fut Liue, fille d'Appius le Bel, nostre prince & pere. Tibere ayma tant son frere Drusus, que quand il fut venu à Paue pour saluer son pere Octavius, & sa mere Liue, apres auoir eu la victoire des Geneuois: sus ces entrefaites congneut que sondict frere estoit en grande necessité de maladie en Germanie, Lors tout estonné de crainte, soudain monte à cheual, passe en poste les Alpes, le Rhin, & le pays des Barbares, qui estoit de bien nouveau vaincu par les Rommains: en vn iour & vne nuit, changeant souuent de cheual, fait cent lieues: & n'auoit avec luy autre train qu'un nommé Antabagius, qui luy seruoit de guide. Mais comme il estoit en ce voyage en grand trauail & peril, delaisé de compagnie, la deesse Pitié, les dieux fauteurs des vertuz, & Iuppiter fidele gardié de l'empire Romain, le cōpagneret. Adonc Drusus, iacoit ce qu'il fust plus pres de sa fin, que recevoir l'aide & cōsolation

de son frere (pource qu'il mourut ains qu'il fust arriué) estant aduertie que Tibere venoit, defaillant de vertu d'esprit & force de corps, en l'article de la mort commanda que ses legions bien en equipage allassent audeuant dudit Tybere, & le saluassent comme empereur: puis qu'on luy establíst pretoire & siege à la partie dextre: consequemment voulut qu'il obtinst nom de consul & empereur. En ce mesme temps ledit Drusus ceda son lien à son frere, & deceda de ce monde.

L'amitié des
deux freres
Tibere & Drusus.

¶ De quelque soudard
de Cn. Pompée.

Je sçay bien que ie ne puis commodément comparer à Tibere & Drusus, autre exemple, que celui de Castor & Pollux, qui pour la reuerence qu'ilz auoyent l'un à l'autre furent stellifiez: nonobstant ne deplaise à la maiesté de ces deux empereurs, dignes qu'on face memoire d'iceulx pour iamais, si en cest endroit nous auons ioinct, & inseré pres d'eulx, l'amour d'un soudard enuers son frere. Cestuy soudard militoit soubz Pompée, & son frere soubz Sertorius, qui auoyent guerre ensemble. De hazard les deux freres s'attacherent ensemble pour combattre, sans auoir congnoissance l'un de l'autre, si que celui qui auoit gages de Pompée tua l'autre, qui fort le pressoit: & comme il le desarmoit, congneut que c'estoit son frere. Lors se courrouçant contre les dieux d'auoir obtenu ceste cruelle victoire, le porta ioignant des tentes de Pompée, le couurit d'un habit precieux, & le mit sus le feu: puis print vne torche qu'il mit dessoubz, & de la mesme espée de quoy il auoit tué son frere, s'occit, & se iecta sur le corps de sondit frere pour estre bruslé ensemble. Certes il appar tenoit bien que cest innocent, qui auoit commis ce cas par ignorance, demourast en vie: mais afin qu'il monstrest l'amour de quoy il aymoit son frere, voulut estre compagnon de la mort de sondit frere, plustost qu'auoir pardon de l'auoir tué.

La cruelle
mort de deux
freres.

¶ DE REVERENCE ET AMOVR
enuers le pays.

¶ CHAPITRE VI.

Ay satisfait à la description de la debonnaireté, amour & reuerence, que gens d'un mesme sang ont eu ensemble, maintenant fault toucher de l'honneur qu'on doibt auoir enuers son pays, auquel l'amour de pere & mere, (qui doibt estre aussi grand que celui qu'on a enuers les dieux) & celui que portent freres l'un à l'autre, cede & donne lieu, non pas sans grande raison: car toutes choses sont conseruées quand le pays est conserué: quand vne maison & famille est destruite, ce n'est pas pourtant que tout un pays soit destruit: mais quand un pays est sacagé, il est apparent que toutes familles soyent desemparees & mises à neant. Mais qu'est il besoing de tant de parolles, considéré que maintz en ont fait la preuve au detrimet de leur vie?

L'amour du
pays doibt
estre preferé à
l'amour des
peres, & pour
quoy.

Le cinquieme Liure

¶ De Brutus premier consul.

Brut^e autheur
de la liberte
Romaine,
mourut pour
le pays.

Brutus premier consul, pour garder la liberte du pays, alla audeuant d'A-
runs filz de Tarquin l'orgueilleux, qui auoit esté deiecté du royaume : & cho-
querét si bien l'un l'autre qu'ilz s'entretuerét. Je puis à iuste droit dire que la li-
berte du peuple Romain cousta beaucoup audict peuple, à raison qu'il per-
dit l'autheur de sa liberte.

¶ De Curtius Romain.

Cestuy Cur-
tius se iecta en
vn gouffre dās
Romme.

Comme d'aventure au mylieu du marché de Romme se fust fait vne grā-
de ouuerture de terre & abisme : & eut on responce des dieux que ce gouffre
ne se pourroit remplir & combler, si la plusdigne & noble chose Romaine
n'estoit iectée dedans. Curtius donc adolescent trefnoble de coeur & de race,
interpretant qu'il n'y auoit rien plus excellent en Romme que les armes &
prouesse, se va armer de toutes pieces, monte sur son dextrier, donne des espe-
rons, & soudain se iecte dans ce profond creuz. Lors en vn moment la terre se
reclouyt, & tout le peuple par honneur iecta dessus de toutes sortes de grains,
parquoy la terre en vn instant reprint sa premiere forme. Maintz beaux de-
monstremens depuis furent faitz en ce lieu : mais nul ne fut veu si excellent
que l'acte que feit Curtius pour l'amour du pays, auquel comme obtenant la
palme d'honneur, i'inséreray vn fait semblable.

¶ De Genitius Cippus preteur, ou iuge.

Genitius se bā-
nit soy mesme
pour la liber-
té du pays.

Comme Genitius Cippus lieutenant avec son habit de iuge passoit par la
porte de cuyure, qui autrement estoit nommé Raudusculane, pour ce qu'on
l'auoit laissé rude, impolie, & imparfaite: luy aduint vne nouvelle sorte de
prodige, & dequoy on n'auoit onc veu vn tel. En sortant par ladicte porte luy
vindrent faillir au front comme deux cornes: par ce eut respōse des dieux, que
s'il retournoit à Romme il seroit roy. Or afin que la chose n'aduint, ledict
Cippus delibera volontairement de se bannir, & de ne r'entrer iamais en Rō-
me. O reuerence & amour au pays, dignes d'estre preferez aux sept roys de
Romme, pour son entiere & parfaite gloire, pour ce que cestuy ayma mieulx
estre perpetuellement exillé, que son pays fust priué de liberte. Pour tesmoi-
gnage de ceste chose, on enclouyt à ladicte porte par ou il estoit passé vne te-
ste de cuyure en effigie, portant cornes.

¶ D'Elius autre iuge.

Picmart, aucū
l'appellent pi-
uert, les autres
espec.

Elius fut successeur de la louenge qu'acquit Genitius pour auoir bien ay-
mé son pays. Comme cestuy Elus iuge, estoit assis en chaire pour faire droit,
vn picmart se vint aicster sur sa teste. Lors en la presence du senat interroqua
vn deuin de la signifiante de ceste aduventure. Le deuin luy respondit, que s'il
gardoit ledict oyseau sauf, l'estat de sa famille seroit fort eueux: & au contrai-
re, la republique maleueuse: & s'il tuoit ledict oyseau, sa maison se porteroit

mal, & la republique tresbien. Donc congnoissant ces choses, prent le picmart aux dentz & le tue deuant le senat. Aduint apres, que cestuy iuge perdit de sa famille dixsept souldardz en la iournée de Cannes, gens d'excellente prouesse & hardiesse, & la republique par trait de temps vint en hault estat: car Scipiô apres rendit Carthage tributaire aux Rommains. Sylla, Marius, & Cinna se moquerent de ces exemples, comme si ce fussent choses folles.

¶ De Publius Decius.

Publius Decius, qui fut le premier cōsul de sa race, voyât en la bataille Latine les legiōs Rommaines succomber & presque deffaites, se voua à la mort pour le salut de la republique. Lors bat soudain son cheual des esperons, fait entrée au mylieu des ennemys, par mort cherchant la deliurance du pays: & apres auoir fait grande boucherie desdictz ennemys, tout couuert de dardz, s'inclina dessus, & illec mourut, des naurures, playes, & sang duquel vint la victoire non esperée aux Rommains.

¶ Du filz dudit Decius.

Nous eussions veu vn seul exemple de ce chef de guerre predict; nommé Decius, s'il n'eust engendré vn filz correspondant à luy de courage. Cestuy filz en son quatrieme consulat, suyuant l'exemple de son pere, se voua par semblable à la mort en vne guerre ausi forte comme celle ou mourut son pere, & en laquelle aduint conforme aduenture: parquoy remit la puissance Rommaine & l'exercite qui estoit dispers & en desordre. Pourtant est il difficile de congnoistre si la ville de Romme gaigna plus en la vie des Deciens qu'en la mort: car leur vie gardoit qu'elle ne fust vaincue, & leur mort la feit victorieuse.

La magnanimité de ce ieune Scipiô.

¶ Du premier Scipion African.

Le premier Scipion African ne mourut pour la republique: mais il pourueut par sa prouesse admirable qu'elle ne fust exteincte. Or comme nostre ville estoit grandement affligée & desolée pour la maleureuse iournée de Cannes, si qu'elle ne sembloit autre chose, qu'estre en brief la proye & butin de Hannibal vainqueur, en sorte que le reste de l'exercite desconfit par ledict Hānibal prenoit conseil d'abandonner l'Italie, & à ce se conformoit Quintus Metellus. Lors Scipion estant pour ceste heure tribun de la gendarmerie, & encore bien ieune gentilhomme: tira son espée, menaçant vn chascū de mort, s'ilz tenoyent plus ce propos, cōstraignit tous les afsistens de iurer que iamais ne delaifferoyent leur pays. Par ce ne monstra seulement la grande affection qu'il auoit audit pays: ains remit l'amour (qui ia estoit euanouy) au coeur des autres.

¶ Des publicains, ou receueurs des deniers publics.

Apres auoir parlé d'vn chascun en particulier, parlons de tous en general.

Le cinquieme Liure

afin que nous congnoiffons que toute la cité de Róme ayma d'affection egale le pays. Du temps de la seconde bataille Punique, aduint que le tresor public fut si nettement vuidé de pecune, qu'il n'y en auoit pour faire les sacrifices des dieux. Adonc les receueurs se transférerent aux censeurs qui auoyent la charge dudit tresor, & leur dirent qu'ilz ne se souciaffent d'argent & qu'ilz en fineroient: & qu'ilz disposassent des affaires, ainfi comme si la republique en estoit bien garnie: outre qu'ilz bailleroient ce qu'il faudroit, & ne demanderoyent rien de leurs gages iusques à ce que la guerre fust finée.

¶ Des maistres de certains seruiteurs des cheualiers, & capitaines de gens de pié.

Les maistres des seruiteurs que Sempronius Gracchus pour auoir bien baillé à la ville de Benneuent, mit en liberté, ne voulurent prendre gages du chef & capitaine. On ne trouua aux tentes des Rommains cheualier ny capitaine de gens de pié, qui voulsist prédre vn denier de son salaire, en temps que la republique estoit affligée par Hannibal, & que les tresors de Romme estoient par les guerres euacuez: hommes & femmes pour supporter la difficulté du temps, baillèrent tout ce qu'ilz auoyent d'or & d'argent, mesmes les enfans nobles presenterent leurs enseignes, c'estasçauoir leurs bagues d'or qu'ilz portoyent au col, en maniere de coeur, & leurs robbes tissues de pourpre. Le senat auoit relasché de tribut tous ceulx qui en temps de necessité s'estoyent efforcez d'aider la republique: ce neantmoins nul ne voulut estre exempt dudit tribut, ains payoyent tous volontairement, comme auoyent de costume. Camillus ains qu'il prinist la ville des Veientois auoit fait veu que s'il la prenoit, donneroit au temple d'Apollo la dixieme partie du butin: mais apres la prinse d'icelle on ne sceut mettre pollice, ne retirer la proye d'entre les mains des soudardz: parquoy Camillus fut d'aduis qu'on payast ceste dixme promise des deniers publiques: mais pource que le thresor auoit esté euacué par les guerres, les femmes Rommaines voyant la necessité porterent tous leurs plusbeaux ioyaux audit tresor pour en faire des deniers à payer la dixme d'Apollo, aussi pour satisfaire à la somme de mille liures d'or qui auoit esté promise aux François pour la deliurance du Capitole. Donc les Rommains ainfi aduertiz, par l'exemple de leurs maieurs, & aussi de leur naturel & propre instinct, estimerent qu'il ne falloit rien espargner pour subuenir à la necessité publique.

¶ Exemples des estrangers.

¶ De Codrus roy d'Athenes.

Je toucheray en cest endroit des exemples des estrangers, qui ne sont hors de nostre propos. Côme les Doriques, peuple de Grece, auoyét guerre contre les Atheniens, pour la separation de leurs territoires, & le pays d'Athenes fust ga-

sté par l'incursion de leurs ennemys, qui sacageoyent tout par feu & glaive. Codrus estimant estre le plusfoible, recourut à l'oracle d'Apollo, estant en Delphos : & par ambassadeurs s'enquit comme il pourroit rompre ceste tant griene & aspre bataille. Apollo respôdit que Codrus en auroit la fin, s'il estoit tué de la main de ses ennemys. Lequel respons ne fut seulement sceu aux tentes des Atheniens, ains aussi par tout le camp des aduersaires: parquoy fut fait edict, que nul soudard ne bleçast le corps du roy Codrus. Quand ledict Codrus eust entendu ces choses, se despouilla de ses acoustremens royaulx, & se vestit en habit de sacquemant : puis s'en alla en vne troupe d'ennemys qui prenoient leur refection, & en bleça vn d'une faulx: qui enflammé de choler, le tua. Ainsi la mort de Codrus fut cause que la ville d'Athenes demouraist entiere & sauue.

La mort de
Codrus fut la
deliurance de
la ville d'A-
thenes.

¶ De Thrasibule.

Le coeur de Thrasibule fut si amoureux du pays, qu'il semble qu'il fust procedé de ceste mesme fontaine de charité & amour. Côme cestuy tachoit à toutes fins deliuer la ville d'Athenes de la deshóneste dominatió des tréte tyrans: auec petite compagnie entreprint vn affaire de grande importance. l'un de ses complices luy va dire: O combien sera tenue à toy la cité d'Athenes, qui par ton moyen iouyra de sa premiere liberté! Lors respondit ledict Thrasibule, les dieux facent, que ie soye veu luy rendre autát de plaisir, comme ie luy en doy. Certes ce noble acte d'auoir destruit ceste tyrannie, apporta beaucoup d'honneur à Thrasibule, & le combla de louenge, pour l'excellente affection qu'il monstra à la republique.

¶ De Themistocles.

Themistocles, qui par sa prouesse auoit vaincu Xerxes, par l'ingratitude de son pays fut banny: puis se retira vers ledict Xerxes, qui le feit son lieutenant des guerres: mais afin qu'il s'abstinst d'oppugner sondict pays, establí vn sacrifice, & beut du sang de thoreau meillé auec du venin: lors mourut deuant l'autel, comme si ce fust vne oblació faite à la deesse Pitié. Ainsi par ceste mort tant memorable, fut fait qu'il ne fut besoing à la Grece d'un autre Themistocles, pour vaincre les Persans, qui auoyent proposé de l'innader.

¶ De deux freres Carthaginois, nommez Pbilenes.

Enfuyt vn exemple d'une mesme sorte. Comme entre les Carthaginois, & Cyrenenses se fust esleué vn debat, pour les limites & bornes de leurs champs: finalement feirent pact & accord ensemble, que d'un costé & d'autre & en vne mesme heure seroyent enuoyez certains ieunes hommes, qui partiroyent les vns de Carthage, & les autres de Cyrene: & là ou ilz se recontreroient, seroyent mises les diuises de leur territoire. Or les deux freres Carthaginois par

Le cinquieme Liure

leur finesse & cautele ne tindrent pas le pact & condition , ainsi qu'ilz auoyent esté establi : car ilz partirent deuant le temps limité , parquoy marcherent bien plus auant que les autres. Ce que congnoissant les adolefcens de Cyrene, se plainquirent long temps de la fallace des autres, & ne voulurent que cela eust lieu : mais baillerent vne autre condition , pensant que les autres ne l'acceptassent, pour se venger du tort qu'on leur auoit fait, disant : que si les deux Philenes vouloyent estre enterrez tous vifz en ce lieu ou ilz s'estoyent trouuez, qu'en cest endroit seroyent posez bornes des deux territoires . Cecy eurent agreable lesdictz Philenes, ce que n'esperoyent les autres : & presenterent leurs corps pour estre couuertz de terre en ce lieu : lesquelz pour ce qu'ilz aymerent mieulx les termes de leur pays estre plus longz que le terme de leur vie, gis- sent eueusement, abbregeant leurs iours, pour dilater l'empire Carthaginois. Ou sont les haultz murs de Carthage l'orgueilleuse? ou est la gloire de leur haure tant excellent? ou est la flotte de leurs nauires , dequoy estoient esportentz tous autres portz? ou sont leurs grandz exercites? ou est leur grande cheualerie? ou sont les coeurs des Carthaginois, qui ne se contentoyent de la grandeur d'Afrique? Fortune à party toutes ces choses là aux deux Scipions : mais la ruine de ce pays n'a sceu exteindre la memoire de ce bel acte que feirent ensemble les deux Philenes. Certes rien ne se peult acquerir d'immortel en ce monde par la force du corps, ne par la subtilité de l'engin, sinon vertu.

Notable.

¶ D'Aristote.

L'amour que porterent ces deux prealleguez iuenceaux à leur pays , fut trouué vehement & ardent. Aristote desia ridé & vieil, & si fort adonné à l'estude, qu'à grande peine pouoit il conseruer en santé le domourant de son dernier aage, veilla si vertueusement pour le salut de la ville d'ou il estoit né, qui se nommoit Stagire, (qui s'en alloit estre rasée de fons à comble par les ennemys) que luy estant couché en Athenes , la deliura de la cheualerie Macedonique, aux mains de laquelle elle estoit offerte pour ruiner . Ainsi Aristote merita plus d'honneur de garder sa ville, qu'Alexandre n'eust fait de la destruire. Il est manifeste donc que d'une affection courtoise, & amour excessif ont aymé leurs pays , gens de tous estat, & de tout aage : & combien que la chose fust clere, on l'a encore esclarcie d'auantage par exemples qui en donnent grande probation & tesmoignage.

Stagire, d'ou estoit Aristote natif.

¶ DE L'A-

DE L'AMOUR DES PERES

¶ meres enuers leurs enfans, & du
bandon qu'ilz leur ont donné.

CHAPITRE VII.



Pres auoir recité de l'amour enuers le pays, maintenant me faul-
faire voile, & singlet de vent propice, & dresser la proue de ma na-
uire pour tirer en l'affection & bandon des peres enuers leurs
enfans.

¶ De Fabius Rutilian.

Après que Fabius Rutilian eust esté cinq fois consul avec grande gloire, &
qu'il eust quitté les armes pour son antiquité, & diminution de vertu, encore
ne luy fascha de prendre la charge de lieutenant soubz son filz Fabius Gurges,
en vne perilleuse & difficile bataille qu'il entreprint: en laquelle il monstra seu-
lement son courage: car quant à la force de corps, elle luy defailloit: pourtant
estoit il mieulx disposé à prendre son aise & repos dans vn liét, qu'à recevoir les
trauault de la guerre. Cestuy print grand plaisir, estant de cheual, suyuir le
chariot de son filz qui triumphoit, lequel en ses triumphes il auoit autrefois
porté ieune enfant. Il ne fut veu en cest endroit comme augmentateur de
ceste glorieuse pompe, ains autheur.

¶ De Cefetus Romain.

Cefetus ne fut pas si grand seigneur comme Rutilian: car Rutilian estoit des
Patrices, & Cefetus homme d'armes: mais ledict Cefetus ayma autant ses en-
fans comme Rutilian. Cesar estant vainqueur des estrangers, & des ennemys
du pays, commanda audict Cefet qu'il priuast son filz de son heritage, pour ce
que lors que sondict filz estoit tribun du peuple avec Marc Marullus, il luy
auoit fait iniure de l'auoir accusé, qu'il affectoit le royaume. Mais Cefet
luy respondit (& porta ceste response doucement) qu'il perdrait plustost tous
ses enfans, qu'il n'en desheriteroit vn. Or auoit ledict Cefetus encore deux au-
tres filz de bonne nature, ausquelz Cesar prometoit de faire tout plein de biens:
toutefois Cefetus ne voulut se condescendre à ses promesses: iacoit ce que Ce-
sar fust treshumain prince, d'endurer telle response, toutefois Cefet est estimé
auoir osé faire chose plus grande qu'il ne conuenoit à engin humain: car il ne
poya n'obeit à celuy qui auoit assubiecty toute la terre à ses loix.

¶ D'Ostouien le Begue.

Je ne sçay si Ostouien le Begue ayma point son filz d'amour plus vehemē-
te & ardente. Cestuy estant condamné d'aller en exil, par l'arrest des triuuires,
eschappa des mains de ses ennemys, & se iecta dehors de sa maison secretemēt
par vn huisset derriere, en sorte qu'il auoit la clef des champs. Mais incontē-
tē

M

Le cinquieme Liure

ouyt vn bruit de ses voisins par lequel il entendoit qu'on tuoit son filz, ce qui n'estoit veritable. Lors se reuint presenter à la mort, qu'il auoit euadée, & se bailla à occir aux soudardz ennemys, si qu'il fut plus ioyeux de veoir son filz sain & sauf, que d'auoir euté sa propre mort. O malheureux yeulx de ce ieune enfant, qui contemplerent le pere ainsi mourant pour l'affaire dudit enfant qui l'aymoit tant!

¶ Exemples des estrangers.

¶ Du roy Seleucus.

Seleucus,
pour l'amour
qu'il auoit à son
filz, luy abandonna sa femme
de laquelle il
estoit amoureux.

Mais afin que nous faisons recit des choses plus recreatiues, en cest endroit dirons d'Antiochus filz du roy Seleucus, rauy & esprins d'infiny amour enuers Stratonice sa maratre: remembrât comme il estoit embrasé, ce neantmoins dissimuloit & cachoit son amour le plus qu'il pouoit. Donc conuoitise & honte diuerses passiōs, encloses & cachées dedās les entrailles & mouelles, redigerent son corps en tel estat qu'il demoura tout sec. Il estoit couché au liēt comme vn homme qui se vouloit mourir: ses amys lamentoyent, le pere aneantissant de tristesse, ne pensoit à autre chose, qu'à la mort de son filz, & la destresse qu'il endureroit d'estre priué de luy: brief l'estat de la maison estoit plus funebre que royal: mais la discretion de Leptinius philosophe, ou comme aucuns disent, d'Erasistratus medecin, y sceut bien pouruoir, & osta ceste tristesse. Cestuy estant assis ioignant d'Antiochus, considerant les gestes & façons d'iceluy, veoit qu'à l'entrée de Stratonice en la chambre ou couchoit ce patient, ledict patient rougissoit de honte, & son esprit s'augmentoient & fortifioit: mais quād elle partoit de ladicte chambre, il passissoit & allenoit plussouuent: à la fin tant bien print garde à toutes ces sortes de signes, qu'il congneut la verité & la racine de la maladie. Durant le temps que ladicte Stratonice alloit & venoit, ledict medecin s'aduifa, sans faire semblant de rien, de prendre le bras de cest enfant royal & luy taster le poux: lequel maintenant trouuoit plus fort, à l'autrefois plus foible & languissant: parquoy s'apperceut & trouua la sorte de la maladie dont estoit affligé ledict Antiochus: puis soudain le declara au roy Seleucus, qui ne doubta point de bailler ladicte Stratonice sa femme, qu'il aymoit tresfort, à son filz Antiochus, ne le blasmant de ce vice, ains imputant la faulte à fortune, qui l'auoit fait ainsi amoureux, luy sçachant mauuais gré d'auoir esté si honteux, de dissimuler la chose iusqu'à la mort. Or considerons l'estat du ce vieil roy icy, qui de sa nature estoit ialoux: il est tout cler, qu'en faisant ces choses icy il endura beaucoup, & falloit bien qu'il aymast oultre mesure son enfant.

¶ D'Ariobarzanes roy de Cappadoce.

Cestuy feit son
filz roy quasi
entre son gré.

Seleucus quitta sa femme à son filz, & Ariobarzanes son royaume au sien, en la presence de Pompée. Ledit Ariobarzanes commanda à son filz de monter à son tribunal, ce quil feit: puis fut inuité par ledict pere de se seoir en

son throsne, ce que refusa ledict filz, & s'alla mettre du costé où estoit le secretaire qui enredoitoit les soudardz, (en ce lieu y auoit vn exercite qui s'ordonnoit par aelles.) Or quand ledict roy veist son filz en ce lieu moins honorable qu'il n'appartenoit à son estat, ne le souffrit: mais tost descendit de son siege royal, & mit luy mesme sa couronne au chef de son filz, & l'admonnesta qu'il se mist d'ou il venoit de partir. Les larmes saillirent des yeulx de ce ieune prince, son corps tomba à terre, & le diademe cheut, & ne peust monter ou il luy estoit commandé. Je diray encore vne chose qui excède quasi verité: Celuy qui resignoit son royaume estoit ioyeux, & celuy qui le prenoit triste. Certes ceste noble controuersie n'eust point eu de fin, si Pôpée n'y eust mis ordre, qui constitua ce ieune filz roy, luy commanda de receuoir la couronne, & le contraignit de seoir au throne royal. Les matieres precedentes furent ioyeuses, & les subsequentes sont tristes & seueres.

¶ DE LA SEVERITE ET RIGVEVR
que tindrent aucuns peres enuers leurs enfans.

¶ CHAPITRE VIII.

Brutus pareil à Romulus en honneur & gloire, pource que Romulus fonda Romme, & cestuy la liberté Rommaine. Lors estant consul, en plain iugement condamna ses filz à estre fessez publiquement, puis decapitez: pour ce qu'ilz auoyent voulu faire reuenir Tarquin roy, qui auoit esté expulzé par iceluy, pour le rapt de Lucrece. Cestuy se destitua & despouilla de toute affectiō & amour paternelle, afin que mieulx feist l'office de consul, & qu'il punist lesdictz enfans, comme bien l'auoyent merité: il ayma pluscher estre priué d'iceulx, que de faillir à faire vne punition publique.

La seuerité de
Brutus enuers
ses enfans.

¶ De Cassius.

Cassius ensuyuit cest exemple: il eust vn filz tribun du peuple, qui le premier feit l'ordonnance de la largition des champs, & qui en maintes autres choses tenoit les coeurs des hommes humainement avec grace & faueur, liez en l'amour de foy. Apres que cestuy fut hors de l'office de tribun, son pere print le conseil de ses prochains & amys, & condamna sondict filz en sa maison du crime de lese maiesté: puis apres auoir esté batu, commanda qu'on l'executast: & donna la confiscation de tout ce qu'il auoit acquis à la guerre, au temple de Ceres.

¶ De Manlius Torquatus.

Titus Manlius Torquatus, oultre encore qu'il eust esté constitué en toutes les offices & dignitez de la republique (qu'on ne voit gueres aduenir à hōme) il estoit fort sçauant au droit ciuil, & aux sacrifices pontificaulx: en semblable cas pensa n'auoir que faire du conseil de ses familiers & amys. Or comme les

Le cinquieme Livre

La sentence de
Torquatus con-
tre son filz Syl-
lanus.

Macedoniés eussent enuoyé ambassade au senat pour faire plaintes de son filz Decius Syllanus, disans que du temps qu'il auoit la charge de la province de Macedoine, auoit souffert piller & gaster le pays: cestuy Torquatus pria le senat que la matiere fust renuoyée pardeuers luy: ce qui fut accordé par ledict senat, & ceulx qui estoient venuz pour faire lesdictes plaintes. Or print ledict Torquatus cōgnoissance de cause, tint siege en sa maison, & luy seul vacqua deux iours à entendre l'une & l'autre partie, & au troisieme iour apres auoir ouy entierement & diligemment les tesmoings, prononça son arrest en ceste sorte: Veu que i'ay certaine congnoissance, & qu'il est suffisammēt prouué que mon filz Syllanus a prins argent de ses compagnons afin qu'ilz pillassent & gastaissent la province de Macedoine, ie le priue de la republique & de ma maison, & luy commande que soudain il se dispare de ma presence. Lors Syllanus tant esperdu & troublé de la sentence de son pere, n'eust plus enuie de viure, & la nuit ensuyuant se pendit. Certes Torquatus auoit tresbiē fait son office de iuge droiturier, seuer & entier. Il auoit satisfait à la republique. Macedoine estoit vengée. La rigueur de ce pere pouoit estre destournée assez suffisammēt par la honteuse mort de son filz. Toutefois n'assistā aux obseques dudit enfant: & lors que la pompe se faisoit, ne laissa point à dōner conseil à ceulx qui se presentoyent deuant luy. Ledit Torquatus veoit qu'il auoit tenu siege en la maison ou estoit la statue posée de ce Torquatus personnage tant seuer & bon iusticier, qui auoit fait fesser son filz & puis decapiter, pource qu'il auoit bataillé contre son commandemēt avec les ennemis, posé ores qu'il eust eu la victoire. Ce tresprudent personnage auoit en memoire les effigies de ses maieurs, & luy souuenoit de leurs vertus: lesquelles images auoyent acoustumé estre mises aux porches des maisons, afin que les posterieurs ne leussent seulement les vertuz d'iceulx maieurs, ains aussi les imitassent.

¶ De Marc Scaure.

Quand les gendarmes Rommains furent repoulsez à la riuere d'Athesis, par l'impetuosité des Cimbres, qu'on appelle maintenāt Flamens, & qu'ilz furent si desperduz qu'ilz tournerent le dos, & s'en affuirent tremblans iusques à Rome, laissant le consul Catule. Marc Scaure, la lumiere & honneur du pays, enuoya certains messagers audeuant de son filz, qui estoit du nombre des fuyans: qui auoyent charge de luy dire, que plusioyeusemēt son pere eust conuoyé son corps mort en bataille, que de le veoir estre blasme & accuse de s'en estre fuy si vilainement: pourtant s'il y auoit en luy quelque honte, qu'il euit la presence de son pere, de la prouesse duquel il ne tenoit rien. A ceste heure là ledict Scaure pensoit à ses vaillantises qu'il auoit faites en sa ieunesse, & consideroit quel pourroit estre son filz pour l'aduenir: c'est adire, s'il estoit homme de bien qu'il le deuoit retenir: mais s'il se monstrois lasche & couard, le chasser comme non sien. Ce qu'entendant ce iuuenceau, fut contrainct vser de glaiue enuers soy mesme de plus grand coeur, qu'il n'auoit fait enuers les ennemis.

¶ D'Aulus Fuluius.

Non moins courageusement Aulus Fuluius, homme de l'ordre des sena-

teurs retira son filz allant en vne bataille, que Scaurus blasma le sien s'enfuyât de la guerre. Le filz d'Aulus Fuluius estoit vn ieune enfant, de bonnes lettres de bon esprit, & beau personnage entre tous ceulx de son aage. Mais par mauvais conseil auoit prins familiarité avec Catilina: & comme il s'alloit iecter avec les bendes dudit Catilina par folle temerité, son pere le retira à my voye, & le tua, disant qu'il ne l'auoit engendré pour aider à Catilina à guerroyer le pays: ains qu'il l'auoit produit pour donner secours au pays, & pour dresser les armes contre cedit paillard Catilina. Certes le pere eust bien fait s'il eust fait enfermer ce ieune enfant, iusques à ce que ceste rage de bataille civile se fust passée. On eust recité du pere qu'il eust fait vn acte de bonne cautele, & on dit qu'il a fait vn ceuvre de seuerité: mais afin que i'attempe ceste aspre seuerité & rigueur, de clemence & douceur paternelle, qui est plus courtoise à reciter, soit ioincte grace & mercy, à punition & supplice executé.

¶ DE MODERATION ET TEMPERANCE

d'aucuns peres enuers leurs enfans suspectz.

¶ CHAPITRE IX.

¶ De Lucius Gelius.



omme Lucius Gelius (homme qui auoit eu tous les honneurs de Romme, fors la dignité de censeur) congneut presque de certain, que son filz entretenoit sa maratre & qu'il machinoit sa mort, toutefois n'en voulut soudain prendre vengeance: mais exposa le suspicion qu'il auoit de luy, deuant quasi tout le senat, & luy donna opportunité de soy iustifier & defendre. Et apres auoir diligemment regardé la cause, par son opinion & du conseil aussi, sondict filz fut absoulz. Or si à la chaulde il se fust hasté d'exercer sa cruauté, il eust plustost commis crime, qu'il n'eust fait punition du crime.

¶ De Lucius Hortense.

La patience de quoy vfa Quintus Hortensius (en son temps l'honneur d'eloquence Rommaine) enuers son filz, fut admirable. Comme cestuy le hayst pour sa dissolue & meschante vie, & mesmes l'auoit suspect qu'il ne le voulüst faire mourir, en sorte qu'il fut en phantasie de faire le filz de sa sœur, nommé Messalla, son heritier. Et ainsi que quelquefois plaidoit pour ledict Messalla, qui estoit accusé d'auoir fait quelque corruption par argent ou dons, defendant la matiere d'iceluy, dit aux iuges: Si vous condamnez cestuy cy, ie n'ay plus sur qui ie me puisse reposer, ny eslire heritier, fors auoir recours à mes neueux. Par ceste parolle, laquelle il inséra à vne oraison qui fut par luy publiée, donna bien à congnoistre qu'il auoit plus de fâcherie & ennuy de son filz, que de plaisir & consolation. Toutefois afin qu'il ne peruertist l'ordre de nature, ne laissa ses neueux heritiers, ains son filz, vſant de ses possessions modérément. car en son viuât donna bien cōgnoissance que son filz ne valoit rien: & à sa mort rendit l'honneur deu à son sang, pource qu'il ne le priua pourtant de ses biens.

Le cinquieme Liure

¶ De Fuluius.

Autant en feit Fuluius hōme noble, & de grande dignité: mais il se monstra plus cruel enuers son filz, que n'auoit fait Hortense enuers le sien. Or comme ledict Fuluius demanda aide au senat, afin que les Triumuires (qui estoient iuges criminelz) feissent enqueste de son filz, qu'il suspennoit de parricide, qui se machinoit secretement. Ledit senat le feit prendre, puis fut attainct du cas, r'enuoyé à sondict pere pour en faire telle punition que bon luy sembleroit. Ce neantmoins ne le diffama en sorte quelconques: mais en mourant le feit seigneur de tous ses biens: instituant heritier celuy qu'il auoit engendré, & non celuy duquel auoit experimenté la maleureuse vie.

¶ De quelque pere ignoble.

L'adiousteray aux debonnaires & humains actes des haultz & nobles personages, vne entreprinse de nouuelle sorte, & inusitée, d'un homme ignoble: lequel congnoissant de certain, que son filz machinoit sa mort, toutefois ne pouoit croire que vray sang sceut perpetrer ce crime. Lors pensa à part luy, que possible sa femme pouoit auoir esté seduite, & à raison par aduerture de sa sterilité qu'elle en pouoit auoir prins vn autre & nourry au lieu d'un sien propre: parquoy la requit qu'elle ne luy celast, si cest enfant estoit emprunté, ou si elle l'auoit conceu: la femme adonc luy iura que c'estoit son propre enfant, & qu'il ne deuoit en estre en doute. Ce que croyant ledict bonhomme, print son filz, le mena à vn desert, puis va tirer vne espée cachée soubz sa robe, qu'il auoit apportée avec luy, & la bailla à sondict filz, & luy presenta son gosier, disant: Pour paracheuer ton murdre il ne t'est besoing de poison, ne de volleurs, voila de quoy le mettre à fin. Cela fait, soudain le ieune enfant se mit en raison, & iecta le glaiue que sondict pere luy auoit offert, disant: Mon pere, ie les dieux ne vueillent permettre que ie te face mourir: vis en ce monde tant qu'il leur plaira: mais fais moy ce bien ie te prie de me tuer. Je te supplie si ie me repens de t'auoir voulu faire mourir, que ton amour enuers moy n'en soit diminuée. C'est vn grand cas, que ce que le vray sang, la propre maison, & le nourrissement n'auoit sceu destourner de vouloir commettre tel murdre, les desertz & forestz, & lieux inhabitez, conuenables aux bestes cruelles, soudainement l'ont reuqué, & a lon plus trouué

de douceur & humanité dehors que dedans. L'espée s'est mon-

strée plus humaine, que la nourriture de cest enfant. La

mort du pere abandonnée au filz, à apporté plus

de bien & d'eux, que la vie donnée. Apres

auoir narré des peres qui ont porté

les iniures & tortz de leurs en-

fans, recitons de ceulx qui

ont eu la mort

à gré de

leurdictz enfans.

¶ DES PERES QUI ONT PORTE
patiemment la mort de leurs enfans.

¶ CHAPITRE XI.

¶ D'Horace Puluille.



Comme Horace Puluille euesque, dedioit vn tēple au Capitole, au nom de Iuppiter, en faisant le seruice ayant la main aux portes du dict tēple, on luy rapporta que son filz estoit mort: ce neantmoins ne cessa ses oraisons, ny ne destourna sa main desdictes portes, afin qu'il n'interrompist la dedicatiō de ce temple tant venerable: mesmes ne tourna la face de sa religieuse entreprinse, pour entēdre à son dueil particulier: afin qu'il ne fust veu plustost faire l'office de pere que d'euesque.

¶ De Paul Emille.

L'exemple qui ensuit n'est pas moins excellent que manifeste & cler. Paul Emille qui representa l'estat d'un pere maintenāt eurenx, & à tourner la main maleureux: pource que de quatre beaux filz qu'il auoit, & de noble nature, fut priuē. Il renonça à deux qui furent translatez par droit d'adoption, l'un à la race des Corneliens, & l'autre à la famille des Fabiens: quant aux deux autres fortune les luy osta: dont l'un mourut quatre iours auant le triumphe de son pere, qui luy fust estably pour la victoire des Macedoniens: l'autre estant dans le char triumphal, trois iours apres ledict triumphe, deceda. Donc celuy qui auoit esté si abundant en lignée, qu'il auoit donné deux de ses propres enfans, soudain en fut destituē, & ne luy en demoura piece. Certes il donna clerement à entendre à la fin d'une oraison qu'il feit deuant le peuple de ses gestes, comme il portoit patiemment la fortune de la mort de sesdictz enfans, disant: Seigneurs Rommains, comme ainsi soit que voyant l'estat de nostre republique estre grādement esleuē en felicité, ie craignisse que fortune ne nous machinast & brassast quelque mal: i'ay fait mon oraison à Iuppiter, tresbon & tresgrād, à la royne Iuno, & à Minerue, que s'il deuoit aduenir au peuple Romain quelque infortune, qu'elle tournast sur ma maison & famille: pourtant la grace aux dieux, tout va bien: car en exauçant mes prieres, ilz ont fait que plustost vous estes marriz de mon aduenture, que ie ne suis de la vostre. Apres auoir encore recité vn exemple de ceulx de nostre nation, ie permettray mon oraison vaguer & se pourmener à la narration du dueil, que de coeur patient ont fait les peres estrangers pour la mort de leurs enfans.

¶ De Quintus Martius roy.

Quintus Martius roy des sacrifices à Romme, estant consul auec le premier Caton, perdit par mort vn sien filz, qui grandement l'honoroit, & auquel il auoit tout son espoir, & qui plus est estoit vnique: qui n'estoit pas petit accroissement de sa misere & calamité. Or comme il se vist ainsi affligē & desolé pour la mort de cest enfant, contint & tempera en telle sorte sa douleur par conseil hault & magnanime, qu'apres auoir assisté aux funerailles, soudain s'en alla à

Le cinquieme liure

la court, & ce mesme iour y feit venir les senateurs pour traicter de la republique. Or s'il n'eust sceu porter le dueil patiemment, il eust vaqué vn iour entier aux obseques de son enfant, & cedit iour ne se fust trouué en parlement.

¶ Exemples des estrangers.

¶ De Pericles prince des Atheniens.

Pericles prince des Atheniens, en moins de quatre iours perdit deux ieunes filz pleins de toutes graces, & desquelz le peuple s'esmerueilloit, pour leurs grandes perfections: ce neantmoins en ces mesmes iours n'en feit pire chere, & ne laissa à faire ses harengues, mesmes porta la couronne, ainsi comme auoit acoustumé, afin qu'il n'ostast rien de l'ancienne mode, pour la tristesse & playe qui estoit aduenue en sa maison. Non sans cause donc ce personnage tant constant & magnanime, obtint le surnom de Iuppiter Olympius.

Pericles, pour
quoy fut sur-
nommé Iuppi-
ter Olympius.

¶ De Xenophon.

Xenophon quant à la doctrine de Socrates le plus expert apres Platon, homme de faconde consommée & parfaite: en faisant sacrifice solennel, ouyt dire que l'aîné de deux filz qu'il auoit, nommé Gryllus, estoit mort en la bataille de Mantinée: ce neantmoins ne laissa l'adoration des dieux, commécé, mais se contenta seulement d'oster sa couronne: puis quand se fut enquis comme il estoit mort, & apres auoir congneu qu'en bataillant courageusement & vertueusement auoit esté occy, remit ladicte couronne à son chef, appellant les dieux ausquelz il sacrifioit à tesmoignage, qu'il prenoit plus de plaisir à la prouesse de son filz, qu'il ne faisoit d'amertume & fascherie pour sa mort. Vn autre eust abandonné le sacrifice, iecté les autelz par terre, respendu l'encens arrousé & semé de larmes: mais le coeur de Xenophon demoura immobile au cultiement des dieux, & stable en son conseil prudent: & iugea n'estre honneste pour ceste mort annoncée, succomber & estre vaincu de dueil.

¶ D'Anaxagore.

Il n'est besoing en cest endroit supprimer Anaxagoras, lequel apres auoir entendu la mort de son filz, dit au messager: Tu ne m'annonces rien de nouveau, ne que ie pèlasse qu'il n'aduinst. Certes ie cōgnoissoye bié que ie l'auoye engendré mortel. Gens vertueux instruitz en sagesse donnent telles responses. Et si aucun entent bien, & reçoit efficacement ceste doctrine, il ne doubtera point que les enfans qu'on doibt produire n'ayent par le statut de nature, temps ordonné pour viure, & aussi pour mourir. Et tout ainsi que nul ne meurt qu'il n'ayt autrefois vescu, par semblable nul ne peult viure qu'il ne meure quelque fois.

Response notable.

Notable.


¶ Fin du cinquieme liure de Valere
le grand.

Le sixiesme liure de Va-

LERE LE GRAND.

¶ DE CHASTETE.

CHAPITRE I.



Dame chasteté, de quel lieu t'inuoqueray ie, qui es la fermeté & corroboration principale de l'honneur des hommes & femmes: Tu habites le tēple de Vesta, ou d'ancienne religion Ascanius establit que tousiours y auroit lampes allumées, qui ardroyent en l'honneur d'icelle deesse. Tu reposes sus les oreillers de Iuno Capitoline, qui a la charge des chastes mariages: c'est adire, tu gardes les mariages entiers & inuiolez. Tu resides cōtinuellemēt à la maison de Tibere Cesar, qui est le sustentacle & appuy du hault palais. Tu assistes tousiours au lit fecond & immaculé de la princesse Iulie femme dudit Tibere. Par toy l'aage pueril est conserué en son honneur & vertu pudique: par ta puissance, la beauté des ieunes gens demeure longuement entiere: par ta garde les nobles femmes sont en prix & estimation. Donc montre toy fauorable à moy & propice: & congnois ce que tu as voulu estre fait.

Louenge de chasteté.

¶ De Lucrece.

Lucrece duſrice & guide de Rommaine chasteté (de laquelle le coeur viril par la faulte de fortune fut assorty d'un corps féminin) fut cōstraincte de souffrir par force estre violée du filz de Tarquin l'orgueilleux roy de Romme. Apresqu'elle eust en parolles aspres & aigres fait ses plainctes & deloz de l'inuieure à elle faite, deuant ses parens & amys, se tua d'un glaive, qu'elle auoit apporté caché soubz sa robbe. Lors ceste mort tant courageuse donna occasion au peuple Rommain de changer les rois, & au lieu d'eulx auoir des cōsulz: par ainsi n'endura le tort fait à ladicte Lucrece.

Le corps de Lucrece féminin: mais l'esprit viril.

¶ De Virginius homme de basse maison.

Virginius payfant de race, mais noble de coeur, afin que sa maison ne fust diffamée, n'espargna son propre sang. Or comme Appius Claudius Decemuir se confiant à son autorité & puissance, voulust par son opiniaſtrete deflorer la fille dudit Virginius: ledit Virginius trouua le moyē de la mener iusques à un marché qui se nōmoit les boutiques neuues: auquel lieu print le cousteau d'un boucher & la tua: & ayma mieulx estre murdrier d'une fille chaste, que pere d'une fille paillarde.

Les rois Romains, pourquoy furent changez en cōsulz.

¶ De Ponce Aufidian.

Ponce Aufidian cheualier Rommain ne fut pas de moindre vertu: lequel apres qu'il se fust aperceu que sa fille auoit esté trompée & trahye par son pedant

M. v.

Le sixieme Liure

gogue nommé Faunius Saturnin, ne se contenta de mettre à mort ce desloyal seruiteur: ains aussi tua sa fille, ayuant mieulx estre à ce triste & amer enterrement, que d'assister à ses nopces impudiques & honteuses.

¶ De Publius Meuius.

Que diray ie de Publius Meuius? Certes il se monstra gardien austere & rigoureux de chasteté: pource qu'il tua vn sien domestique de luy fort aymé, lequel il auoit de seruitude mis en liberté: à raison qu'il luy auoit veu baisier sans penser à mal, vne sienne fille, qui estoit bonne à marier: ce qui sembloit bien estrange, considéré qu'il ne le faisoit par lubricité, ains par aduéture à cause possible qu'en son enfance auoit acoustumé de la baisier: mais ce pere estima que par ceste punition, la fille estant encore ieune se dresseroit à garder chasteté, & que ceste vertu s'imprimerait de ieunesse en l'esprit d'icelle, si qu'elle pourroit perseuerer tout le temps de sa vie. Et par ce tant triste exemple luy fait commandement de garder à son espoux futur, non seulement sa virginité entiere, ains aussi ses baisers inuiolez, & sa bouche non par autre atouchée.

¶ De Fabius maximus Seruilian.

Fabius Seruilian apres auoir obtenu tous les honneurs de Romme de degré en degré, avec grande louenge, en la fin se monstra rigoureux reformateur des vices. Cestuy occit son filz à raison de sa meschante & paillarde vie: puis honteux d'auoir engendré si meschant garnement, en souffrit luy mesme: il s'en alla hors du pays de son bon gré, & depuis ne s'osa monstrier à piece de ses amyz.

¶ De P. Attilius Philisque.

Je diroye que Fabius Seruilian auroit esté trop aigre & rigoureux, si ie ne veoye qu'Attilius Philisque (qui en son ieune aage abandonna son corps à son maistre, & se prostitua pour gagner argent, pour ce qu'il estoit pour seruiteur) se fust montré pere tant aspre & austere. Cestuy occit sa fille, pource qu'elle s'estoit souillée du crime de lubricité. Combié pensons nous que chasteté à ceste heure là estoit en nostre ville Rommaine entiere, parfaite, & sainte: veu que ceulx qui auoyent esté du mestier de paillardise, faisoient si aspre punition d'icelle? Enfuyt vn exéple d'un personnage d'excellent bruit, & pour ses beaux actes digne de memoire.

¶ De Marc Claude Marcel escheuin & de son filz.

Marc Claude Marcel edile ou escheuin curule, c'est adire ayant siege dans vn chariot, fait adiourner deuant le peuple Cne. Scantin Capitolin tribun du peuple: disant qu'il auoit sollicité & incité son filz à impudicité. ledit Scantin se defendit qu'il ne pouoit estre traité deuant ledit peuple, à raison de sa puissance: car la loy estoit telle que quiconque violeroit vn tribun, seroit mis à mort: pour ceste cause demanda il ayde à la communauté des tribuns, ce qu'ilz luy denierent, iusques à ce qu'on eust fait inquisition du cas. Parquoy ledit Scantin

adiourné moyennant vn seul tesmoing, c'estasçauoir ce ieune enfant, qu'il auoit cuydé violer, fut condemné. Donc cediect enfant produict en la court nommée Rostra, assisitant deuant les iuges, & interrogé du faict, ne sonnoit mot, & auoit la face incessamment tournée vers la terre. Ceste honteuse filée, seruit beaucoup à donner sentence contre lediect Scantin.

¶ *De Metellus archer de garde.*

Metellus fut aigre punisseur mesme d'un acte l'ubrique qu'on auoit pensé faire. Cestuy feit conuenir deuant le peuple Cn. Sergius Syllus, pour ce qu'il auoit causé de deshonneur vne femme mariée, luy promettant certaine somme d'argent: & le condemna. Il ne fut pour lors question du faict, mais du vouloir: & luy fut plus nuisible d'auoir voulu pecher, qu'il ne luy proufita n'auoir peché.

¶ *De T. Veturius filz de Veturius consul.*

Ceste rigoureuse punition deuant alleguée fut faicte par la communauté du peuple: & ceste cy qui ensuit, par la court. T. Veturius filz de ce Veturius qui estant consul se rendit à son grand deshonneur aux Sānites: voyāt que son pere auoit consumé son bien, & deuoit beaucoup. Lors estant ieune enfant, fut constrainct se mettre en la seruitude d'un vsurier nommé C. Plocius, iusques à ce qu'il eust acquité l'argent que luy deuoit son pere. Estant ainsi au seruice de cediect vsurier, fut sollicité par lediect Ploci⁹ de lubricité, & pour ce qu'il ne voulut endurer, le batit asprement de verges. Adonc le ieune enfant ainsi iniurié va faire ses plaintes aux consulz, par lesquelz estant aduertie le senat, commanda mener Ploci⁹ en prison. Certes lediect parlement voulut que les Romains de quelque estat qu'ilz fussent, vescuissent seurement en leur chasteté. Se doit on esmerveiller si toute la court fut d'opinioⁿ que lediect Plocius fust enuoyé en prison & puny?

¶ *De C. Fesceninus Triumuir.*

Cn. Fesceninus triumuir, ou lieutenant criminel enuoya en prison vn nommé Cornelius, qui autrefois auoit esté vaillant gendarme, & pour sa prouesse quatre fois capitaine de la premiere centurie ou bende: pour ce qu'il auoit eu affaire avec vn ieune enfant d'estat libre. Mais lediect Cornelius en appella deuant les tribuns, & ne renia le faict, bailla pleiges, & voulut prouuer que lediect enfant publiquement auoit faict le mestier. Les tribuns n'en tindrent compte: Excusation inutile. parquoy fut constrainct de mourir en ladiete prison. Certes leſdictz tribus pēsoyent bien que nostre republique ne deuoit remettre & pardonner non plus aux personages preux, qu'aux autres: afin q̄ pour leurs gestes & actes bel liqueux qu'ilz auoyēt faict en estrange pays en leur peril & danger, on ne leur donnast licence de viure ordement en leur maison.

¶ *D'un Tribun de la communauté, ou du peuple Romain.*

La fin de Marc Lectorius Mergus lieutenant de guerre, fut aussi maleureu-

Le sixieme Liure

se & orde, comme la fin de ce paillard capitaine Cornelius duquel nous venõs de parler. Cominius tribun du peuple, feit adiourner deuant lediẽt peuple lediẽt Lectorius, pour ce qu'il auoit sollicité de paillardise sa trompette: mais Lectorius n'attendit la sentence: ains deuant le temps du dictum s'absenta, finalement se tua, & feit iustice de soy mesme. Et combien qu'il eust acomply le cours de nature, & fust mort, ce neantmoins fut condemné d'impudicite par l'opinion de tout le peuple. Les enseignes & estandardz de l'aigle sacré, desquelz il auoit eu la charge, & la discipline militaire qui auoit esté tousiours certaine & austere garde de l'empire Rommain, demandoyent vengeance de luy, & le poursuyuirent iusques aux enfers: à raison qu'il s'efforçoit d'estre corrupteur de l'integrité & vertu, desquelles il deuoit estre maistre, enseigneur, & protecteur.

De Caius Marius.

Caius Marius chef de guerre, fut admonnesté de faire le semblable, quand il prononça qu'à iuste droit Clusius son neueu, qui lors estoit lieutenant des gardes, auoit esté tué par Celius Plocius soudard d'une petite bende, & seulement d'une enseigne: pour ce que lediẽt Clusius l'auoit osé solliciter de crime sodomitique. En cest endroit, & briuelement, ie feray recit de ceulx qui vserent de iuste dueil & ire, au lieu de loy, quand fut question de faire la vengeance de chasteté: Sempronius surnommé la mousche fessa de verge C. Gallius, lequel trouua en adultere avec sa femme. C. Menius donna le fouet à L. Octavius trouué en pareil cas. Carbó, Aetienus & Pontius eurent les couillons coupez par Bibien & Cernié, pour ce qu'ilz les trouuerent en acte de peché contre nature. C. Furius feit cheuaucher à ses valetz Broccus, à cause qu'il auoit trouué exerçant ce mesme detestable crime. Lessusdictz personnages ne se trouuerent pis ne ne furent puniz pour auoir vlé en ce cas de leur ire & fureur.

Recit en brief
de ceulx qui
vlerent d'ire
au lieu de loy,
quand il fut
questiõ de fai
re vengeance
de chasteté.

¶ Exemples des estrangers.

¶ D'une femme nommée Hippone.

Afin que ie ioigne les exemples des estrangers avec ceulx du pays, ie feray recit d'une femme Grecque nommée Hippone, qui fut prinse par les nauires des enemyz, mais se iecta en la mer, afin que par mort elle gardast sa chasteté: de laquelle le corps fut trouué au riuage Erechtee, & mis en sepulture en vn lieu voisin de la mer: mais quant à l'honneur de son integrité les hystoriens Grecz par leurs escriptz l'ont donné à eternelle memoire, & fait de iour en iour plus flourissant.

¶ De la femme du roy Orgiagont.

En l'exemple precedent y auoit indiscretion touchant la garde de chasteté, & en cestuy grande prudence. L'exercite & bendes des Gallates en partie mises en rouverte, & en partie faictes captiues par le consul Manlius au mont d'Olympe: la femme du roy Orgiagont belle princesse à merueilles, fut violée d'un certain capitaine, à qui elle auoit esté baillée en garde. or apres qu'on fut venu au lieu, ou par le comandement du consul, cestuy centurion eust charge d'en-

uoyer certain meſſager aux amys de ladiſte royne pour auoir ſa rançon. Comme quelque temps apres ledict capitaine peſoit l'or de ladiſte rançon, & auoit l'oeil & la penſée ententue au poix, ceſte royne commanda aux Gallates en ſon langage, qu'ilz le tuaſſent, ce qu'ilz firent: puis elle print la teſte du mort entre ſes mains, & l'apporta à ſon mary, la ieſta deuant ſes piedz, & expoſa la maniere & ordre du tort à elle faiſt, & auſſi de la vengeance qu'elle en auoit faiſt faire. Que pourroit on dire de ceſte princeſſe? autre choſe, fors que ſon corps eſtoit paruenue à la puiſſance des ennemys, mais ſon coeur ne peut eſtre vaincu, ny ſa chaſteté eſtre prinſe.

Le corps de
ceſte princeſſe
violé, au coeur
touteſois de-
moura chaſte-
té.

¶ Des femmes des Allemandz.

Les femmes de Allemandz apres la deffaiſte d'elles & de leurs mariz, prierēt le capitaine Marius vainqueur, que ſon plaſir fuſt de les dōner aux dames Veſtales, diſant qu'elles garderoient auſſi bien chaſteté comme leſdictes vierges pour l'aduenir: mais furent elcondites, parquoy la nuit enſuyuant ſe pendirēt toutes. Certes les dieux n'euffent ſceu miculx faire aux Rommains, que de ne donner en guerre à leurs mariz courage ſemblable à elles: car ſ'ilz euſſent voulu imiter la proueſſe de leurſdictes femmes, les Rōmains n'euffent eſté aſſez d'emporter le triumphe de la victoire Germanique.

¶ DES DICTZ ET FAICTZ FRAN- cbement mis à execution.

¶ CHAPITRE II.



Inſi que ie n'ay poit trop affecté liberté de dictz & faiſtz, qui prouiet de hault coeur, auſſi ne la vueil ie pas reiecter puis qu'elle ſ'offre volontairement à moy pour eſtre deſcrite. Laquelle eſt aucu-
neſois vertueuſe, aucuneſois vitieuſe. ſi elle eſt atrempée de bonne maniere, & amoureux zele, elle merite eſtre louée: mais ſi elle paſſe merque, & ſe ieſte ou elle ne doibt, elle deſſert opprobre & vitupere. Communémēt elle eſt plus agreable au populaire, qu'aux gens de prudence, ſ'aſſeurāt plus au pardon d'autrui & tolerance, que le conſiant à ſa prudence. Mais pour ce que mō propos eſt de pourſuyuir les parties d'humaine vie, fidelement, & en tant qu'il le vault ſera par moy recitée.

Deſcriptio de
liberté.

¶ D'un prince de Priuerne.

La ville de Priuerne prinſe, & ceulx qui l'auoyent induiſte à ſe rebeller, occiz & deffaiſtz: le ſenat en cholere & indignation deliberauit qu'il eſtoit à faire des autres Priuernois. Parquoy leur vie eſtoit en la balance, c'eſtaſcauoir ſubieſte pour l'heure à leurs ennemiz vainqueurs, & qui eſtoyēt encore en chaleur bellique. Quant au reſte, combien que leſdictz Priuernois conſideraſſent aſſez que le ſeul remede fuſt d'auoir recours aux prieres, & ſ'humilier: ce neantmoins ne peurent oublier le naturel de la nation Italique, qui deſire touſiours eſtre fraîche & libre. Or le duc d'iceulx fut mené à la court, & interrogé quelle peine il auoit merité. l'ay (dit il) deſſeruy la peine que ceulx meritent qui ſ'e-

**Deux grans
responces.** siment dignes de liberté, & prennent les armes pour defendre & garder icelles: Par ces parolles il enflammoit les senateurs, qui ia estoient irritéz & marryz: mais le consul Plautius supportant les Priuernois, adoulcist ceste parolle courageuse & haultaine. Puis luy demanda quelle paix les Romains auroyent avec eulx, apres les auoit renuoyé sans punition. Adonc d'une face hardie & constante va respondre. Si vous nous faictes bonne composition nous aurôs perpetuelle paix avec vous: mais si vous nous traictiez mal, ladicte paix ne sera de durée. Par lequel propos fut fait, que non seulement grace fut octroyée aux vaincuz, ains furent faictz iouyssans des libertez & franchises de nostre cité. ainsi ce prince Priuernois s'enhardit de parler en plain auditoire.

¶ De L. Crassus.

Lucius Philippus consul ne craignit exercer sa liberté enuers l'ordre des senateurs. Il les blasma de nonchalance, & leur reprocha leur paresse en la court des Rostres: & dit qu'il auoit besoing d'autres conseilliers: & môstra par apres qu'il ne se repétoit d'auoir prononcé la parolle: car il feit mettre la main à Lucius Crassus homme de grande dignité & eloquence, qui en auoit dueil, & en murmuroit à la court: mais cestuy Crassus repoulsa le sergét qui le vouloit emprisonner, disant: Philippe tu n'es point mô cōsul, puis q'ie ne suis tō senateur.

¶ De P. Scipion l'African.

Combien que le cōsul Philippe eust vse de grande liberté & audace de parler, en assaillant les senateurs de parolles aigres & ameres, si n'en fut il pourtant moins asseuré. Si aucuns vserent de ceste grande liberté, les autres au contraire vserent de patience, & porterent doucemét ce qui leur estoit dict & reproché, cōme verrons par apres. Cn. Carbō tribun du peuple, cholerique defenseur de la sedition de Gracchus nouvellement estaincte: & le boutefeux & enflamateur des ciuiles discordes qui pulluloyét & croissoyent lors en Romme, vint au deuant de Scipion venant avec grand honneur de la destruction & prinse de Numance: & le couoya quasi depuis la porte de Romme iusques à la court des Rostres. Et quand fut à ladicte court luy demâda qu'il luy sembloit de la mort de Tibere Gracchus, la seur duquel ledict Scipiō auoit eu en mariage: afin que par l'autorité de ce grand & excellētissime personnage, il dōnast accroissance au trouble & seditiō ia cōmencée: car il pensoit pour la recordation de Gracchus son beau frere qui auoit esté occy, qu'il deust dire quelque chose pitoyable, & à la faueur dudict Gracchus: mais son opinion fut qu'il auoit esté tué iustemét: de quoy l'assistance, qui auoit esté subornée & esmeue par la fureur de ce tribū, cōmença à crier violement & haultement contre ledict Scipion: qui adonc va dire. Taisent soy ceulx qui n'aymēt l'Italie, nō plus qu'enfans leur maratre, Derechef commença à murmurer le peuple. Puis repliqua ledict Scipiō: vous ne sçauriez faire que ie craignisse ceulx que i'ay deliuré de la captiuité des Numantins & Carthaginois. Certes ledict Scipion auoit racheté aucuns Rōmains de la prison de Numance & Carthage, qui lors estoient en ladicte assemblée. Derechef tout le peuple fut increpé par ce tribun, pource qu'il enduroit telles parolles de Scipion, ce neantmoins se teut. O combien porte lon d'honneur &

**Le graue dict
de Scipion.**

reuerence à gens de vertu? La recente victoire de Numance qu'a uoit obtenu ce bon gentilhomme Scipiô: la conqueste de Macedone faicte par Paul Emille son pere, les despouilles de Carthage vaincue, la prinse de deux rois, c'estasçauoir Siphax & Perses menez captifz & enchainez deuant le char triüphant de son grád pere le grand African, à ceste heure là estouperent les bouches de tout le peuple: qui ne se teut par crainte, mais pour la recordation des bienfaictz de la race Emillienne & Corneliennne, qui mainte fois auoit osté hors de crainte hostile la cité Rommaine & l'Italie. Ce neantmoins ce peuple à la fin fut ingrat & ne fut franc & recôgnoissant la liberté du parler de Scipiô, qui sans flatterie & acceptiô de personnes en opinoit à la verité: parquoy aduint que la nuit subsequente fut occy en son liêt. Dôc nous ne nous deuons esmerueiller si Cn. Pôpeius grand personnage & de haulte autorité a enduré paisiblement tant de fois la licèce de parler de gens de toutes sortes: & a souffert estre derisé & moqué: qui luy a certes tourné à honneur & grande louenge pour sa patience.

¶ De Cn. Pifo.

Comme Cn. Pifo plaïdast contre Manilius le Crespu, pour ce qu'il l'auoie trouué en adultere avec sa femme: & veoit que lediët Manilius s'en alloit estre absoulz par le port de Pompée: ce neantmoins persistât par impetuositè iuuenile à l'accusation de sa partie, va mettre deuant les yeulx de Pompée, qui vaillamment le defendoit, plusieurs griefz crimes, qu'il disoit lediët Pompée auoir faictz. Adonc luy dit Pompée: Puis que tu dis que i'ay cômisi tant de cas, que ne m'accuses tu? Baïlle pleige (respond Pifo) que tu ne mouueras point pour ce bataille ciuile, si tu es accusé, & tu auras pl⁹ affaire à te sauuer que ce criminel que tu defens. Ainsi en vne mesme cause soustint que deux estoient coupables: c'estasçauoir Manilius par son accusation, & Pompée, par sa parolle hardimēt & franchement diète contre l'honneur dudiët Pompée: en accusant l'un selon la loy, & protestant qu'il accuseroit l'autre de toute sa puissance.

Le diët libre
de Pifo.

¶ De Caton.

Liberté ne fut de valeur sans Caton, non plus que Catô sans liberté. C'est adire que Caton estoit le plus hardy parleur de tous les hommes. Or comme il seoit en chaire pour faire le iugement d'un conseilier criminel; & ce pendant fussent apportées lettres de Pompée pour le iustifier, s'elles eussent esté desclo-

La liberté
de Caton.

ses grandemēt proufitables audiët coupable: nonobstant osta lesdictes lettres de l'estat de la cause, en recitant vne loy qu'il estoit defendu aux senateurs d'vser de tel aide. On ne s'esmerueilla point de Caton faisant cest acte: car ce qui eust semblé estre audace & temerité à vne autre personne, estoit reputé à Caton pour vertu & magnanimité.

¶ De Cn. Lentulus Marcellin Consul.

Comme Cn. Létulus Marcellin consul faisoit plainte en l'audience du trop grand estat du grand Pompée: & le peuple vniuersel haultement & clerement approuuast son dire: Criez (dit il) criez citoyens tandis qu'il vous est permis, pour l'aduenir vous ne le ferez pas sans qu'on ne vous punisse: c'est adire, con-

Le sixième Liure

La confiance
& patience de
Pompée.

treprenez à cestuy cy q̄ aspire à la souueraineté de ce royaume : car s'il en a vñs fois la domination vous n'oserez plus nul mot sonner. A ceste heure là fut touchée la puissance & autorité de cest excellent citoyen Pompée par plainte en partie enuieuse, & par lamentation pitoyable d'autre. lequel ayāt la iambe liée d'une iartiere blanche Fauonius luy dit, il ne peut chaloir en quel endroit du corps soit ton diademe & couronne. en luy reprochant par ce brocard sa puissance & estat royal: mais il n'en mua pourtant sa face. on ne le veit point plus se resiouir pour l'auoir exalté de sa grande autorité, ne plus marir pour l'auoir lardé & reprins d'icelle. Et par ceste patience donna accès à gens de basse estoppe & bas degré de s'adresser à luy & parler trop hardimēt: entre lesquels nous suffira d'en reciter encore deux.

¶ D'Elius Mantia Formian.

Les reproches
de Mantia à
Pompée.

Elius Mantia natif de la ville de Formie, ia vieil, & quasi decrepy, filz d'un pere serf affranchy, accusa enuers les censeurs Lucius Libo fort aymé de Pompée: mais ledict Pompée se trouua à la cause, & reprocha audict Mantia le bas lieu d'ou il estoit venu, aussi son vieil aage, disant qu'il auoit esté renuoyé des enfers pour accuser le susdict Libo. Adonc respondit Mantia. Tu ne mens pas Pompée, certes ie viens des enfers pour accuser Libo: mais ce pendant que i'y estoie, i'ay veu Cn. Domitius Enobarbus tout en sang & se delosant, que luy qui estoit de haulte noblesse, de bone vie & entiere, tresamoureux du pays, par ton commandement fut occy en la fleur de sa ieunesse. I'ay veu Brutus pere de celui qui tua Iules Cesar, homme de pareille noblesse & excellence, mis en pieces au taillant de l'espée, se complaignant que ce malheur luy estoit premierement adueni par ta trahyson. Consequemment par ta cruauté, i'ay veu aussi Carbon defendeur vigilantissime de toy en ta ieunesse, & des biens de ton pere, lequel estant consul pour la troisieme fois, le feis enchaîner, & ainsi lié te prioit estre deliuré, alleguāt que c'estoit contre tout droit & par voye illicite que luy estant constitué à la souueraine dignité Rommaine eut esté occy par toy qui n'estois lors que gendarme. I'ay veu en mesme estat, & en pareille plainte Perpenna homme qui autrefois auoit esté iuge, detestant ton inhumanité. Brief tous ensemble les susdicts personnages estoient fort courroucez se plaignās qu'ilz auoyent esté mis à mort sans arrest de iustice, par toy lors adolescent, faisant l'office de bourreau. Ainsi fut il permis sans en souffrir punition à cest homme estant d'une ville ayant droit de bourgeoisie Rommaine, & sentant encore la seruitude paternelle: pour ce que son pere estoit en son commencement serf, homme (dy ie) de folie & temerité effrenée, & d'une condition intolerable de faire reuenir en memoire, & renoueller les playes grandissimes, & cicatrices anciennes des batailles ciuiles, qui de long temps estoient recloses, gueries & reprinses. Donc en ce temps là c'estoit une chose de grande hardiesse & sans danger de mal parler de Pompée, consideré sa haulteur, & tant sublime puissance. Mais l'estat plus infime de ce personnage ensuyuant ne souffre que nous poursuuyons ceste plainte plus longuement.

¶ De Diphilus composeur de tragedies.

Diphilus ioueur de farces tragiques estat aux ieux Apollinaires, comme en
iouant

ioüant fut paruenü à ce vers, ou ceste sentence est comprinse. Le Grand est nostre misere & ruine. Adressa ses mains en prononçant ce vers, droit à la personne de Pompée le Grand. Cestuy par plusieurs fois fut fait venir en ce mesme lieu, ou par ses gestes & manieres de faire, sans doubte ny aucune crainte declara ledict Pompée auoir trop grande autorité pour vn citoyen. Il vfa de pareille impudence en cest endroit de sa tragedie, ou il est dict : Le temps viendra que tu maudiras cent fois l'heure que tu as esté si puissant.

¶ De Marc Castrice.

Marc Castrice fut aussi hardy & audacieux parleur: lequel estant pour lors gouuerneur de Plaifance ville d'Italie, Cneus Carbon consul craignant la rebellion de ladicte ville, feit vne constitution par laquelle estoit dict que les habitans de ladicte ville de Plaifance, bailleroient ostage aux Romains: ce que ne voulut accorder ledict Marc Castrice, & refusa tout à plat. Et ainsi que le consul luy dict en le menaçant: J'ay en ma puissance maintes espées, Et moy, dict il, plusieurs ans: voulant dire que pource qu'il n'auoit plus gueres à viure, d'autant le craignoit il moins. Le grand exercite de gendarmes que ledict consul auoit pour lors avec luy, s'esbahit grandement de la hardiesse de ce vieillard. Adonc Carbo refroida son ire, & s'appaisa, pensant qu'il n'auoit pas grâ de occasion de se courroucer, & qu'il n'estoit licite de faire mourir cest homme, qui n'auoit plus que deux iours à viure.

La hardiesse
de Castrice.

¶ De Seruius Galba.

L'accusation de quoy vfa Seruius Galba alencôtre de Iules Cesar, estoit pleine de temerité & folie. Cestuy, comme ledict Cesar apres l'accomplissement de ses victoires estoit en la iurisdiction, en le rompant luy osa dire: Iules Cesar, ie suis demouré de grosse somme d'argent pour le grand Pompée, qui fut quelque fois ton gendre durant son troisieme consulat: de laquelle somme ie suis maintenant contraint. Que feray ie? veulx tu que ie la paye? D'auantage, luy reprochoit publiquement & apertement, comme il auoit vendu les biens dudit Pompée. Cestuy Seruius meritoit bien qu'on le poulsast hors d'autour de la chaire de Cesar: mais Cesar ayant le coeur plus bening & doux, que la mesme vertu de mansuetude, commanda qu'on payast de ses propres deniers, les debtes de Pompée.

Seruius Galba
temeraire.

La mansuetude
de Cesar.

¶ De Caselius homme prudent.

Caselius qui estoit homme excellent & bien estimé en la science du droit civil, fut pertinax & entier en obstination, qui estoit grand danger pour luy. Cestuy Caselius ne peut estre induit, ne par grace ne par autorité d'aucun personnage, de mettre en forme de droit les actes que faisoient les triumvires, ou trois hommes qui estoient autorisez & auoyent la charge de tuer & persecuter les bannis: & aussi de diuiser les champs qui auoyent esté tolluz aux circonuoisins, & les partir entre les Romains. Ledit Caselius iugeoit que tous leurs faictz, acquisitions & victoires qu'ilz appelloient bienfaictz, deuoyent estre mis hors de l'ordre des loix, pource qu'ilz n'estoyent iustes, hō-
nestes,

N

nestes,

Le sixieme Liure

nestes, ne licites. D'auantage cōme cestuy Caselius parloit assez franchement, & sans flaterie du temps qui couroit alors soubz le regne de Cesar, ses amis le admonnestèrent qu'il se gardast, il leur respōdit qu'il y auoit deux choses bien ameres aux hommes, qui luy donnoyent grande licence & audace de parler: c'estasçauoir vieillesse & priuation de lignée: vieillesse, pource qu'il n'auoit plus gueres à viure: priuation de lignée, pource qu'il ne craignoit perdre ses biens, à raison qu'il n'auoit point d'heritiers.

¶ Exemples des estrangers.

¶ D'une certaine femme.

Vne femme d'esträge nation s'offre pour estre meslée avec ces grandz personages, desquelz nous auons fait mention. Laquelle estant condamnée à tort & sans cause par le roy Philippe yure, commença à dire: l'en appelleroye deuant Philippe i'il estoit desyuré: par ceste parolle fut courroucé: & apres qu'il eut baillé & ouuert souuent la bouche pour la repletion du vin, cuua son dict vin, & reuint en son bon sens: puis consydera plus diligemment & profondement la matiere, & donna sentence meilleure qu'il n'auoit fait. Ceste femme donc par sa franche parolle obtint iustice, qu'elle n'auoit sceu impetrer par priere & humilité: & par sa hardiesse acquit ce qu'elle n'auoit peu par innocence.

¶ D'une femme Syracusane.

Ceste franchise de parler ne fut seulement magnanime, ains aussi facetieuse. En Syracuse fut vne femme fort ancienne: comme tous les Syracusans desiroient la fin de Denys le Tyrant pour sa meschante vie, & à raison des charges insupportables, desquelles il les molestoit: cestediète femme au contraire tous les matins s'en alloit au temple, & prioit aux dieux qu'ilz voulsissent garder sain & entier ledict Tyrant. Ce que congnoissant ledict Denys, s'esmerueillant grandement de cestediète ancienne femme, pensant en soy mesme qu'il n'auoit enuers elle meritè telle & si parfaicte amytie, la feit venir deuant luy, & l'interroqua pour quelle occasion elle faisoit cela, veu qu'il n'auoit desferuy ce grand bien qu'elle luy vouloit: lors respondit icelle femme: Certes ie ne fay ces choses sans raison: car du temps que i'estoye ieune pucelle, nous auions en Syracuse vn mauuais prince, duquel ie n'en demandoye que la mort: mais apres qu'il fut occy, vn pire la moitié luy succeda, que i'estimoye estre bieneureuse, si ses iours eussent esté courtz: pour le troisieme tu es nostre roy, qui es plus depraué & importun que tous tes predecesseurs & ancestres: parquoy craignant qu'apres ta mort en ton lieu ne succede vn plus meschant, ie prie les dieux tous les iours, qu'ilz te vueillent sauuer & garder. Cestuy Tyrant eut honte de punir telle audace & franchise de parler, tant ioyeuse & recreative.

La respōse de
cette femme à
l'interrogatiō
de Denys.

¶ De Theodore de Cyrene.

Entre ces femmes susdictes & Theodore, on eut peu faire vn asseblement & coulpe d'esprit courageux, c'est adire qu'il estoit d'aussi franc courage comme

me elles furent: leur vertu fut semblable, mais leur eür dissemblable. Aux femmes pour auoir parlé hardiment ne leur en vint dommage, mais Theodore en fut faict mourir. Comme le Roy Lyfimachus menaçoit cestuy de mort, il respondit: Sire, tu as auourd'hui acquis vne chose de grande magnificence: c'estasçauoir la nature d'une cātharide (qui est vne mousche venimeuse, de telle propriété, qu'en quelque passion qu'elle morde l'homme, en telle passion il meurt: s'elle mort en riant, il meurt en riant, ou en plourant, soy courrouçant, ou en quelque autre affection semblable). Or est ainsi que ce roy auoit menacé ce philosophe en propos de mourir volontairement, & de persister en ce vouloir: parquoy luy attribuoit le naturel de la mousche, autrement appelée chāterelle. Lyfimachus enflammé de ceste parolle, cōmanda qu'on pendist Theodore. Adonc va dire: C'est à faire à tes mylords & satellites vestuz d'escarlātē, d'auoir terreur de la mort: quant à moy, il ne me chault ou ie pourrisse, soit en la terre ou en l'air.

La nature de
la Cātharide.

¶ DE SEVERITE, OV RIGVEVR DE IV.

Stice sans misericorde.

CHAP. III.

IL est besoing que le coeur humain s'arme de durté, ce pēdant que ie feray recit des actes de triste seuerité, afin que (tout bening & doux penser seclū) il s'applique à ouyr choses aspres, & qui donnent terreur & crainte. Ainsi s'offriront & viendront sus le bureau vengeance, punitions rigoureuses, & diuerses sortes de supplices sans mercy, qui est chose conuenable pour la conseruation des loix, combien que ce soit matiere qui ne se doibt mettre en liures dont on quiert tirer plaisir, recreation, repos, & passeremps. Marc Manlius fut deiecté & precipité du rocher du capitolē, d'ou il auoit faict trebucher les Gaullois: pource qu'apres auoir cheualereusement defendu la liberté Rommaine, s'efforça depuis l'opprimer maleureusement & meschamment. Auquel (auant que le punir comme il auoit bien meritē) on dist ces parolles: Tu estois, Manlius, à la république, durant que tu abbatois du hault du capitolē les Senonois: mais apres que tu as commencé à les imiter, tu es faict l'un d'iceulx Senonois, & estimé de leur party. A la pnnition d'iceluy, vne infamie d'eternelle & perdurable memoire luy est demourée: car à l'occasion d'iceluy fut faicte vne ordonnance, que nul extrait de noblesse demoureroit au capitolē. La maison dudit perionnage estoit en ce lieu, ou maintenant nous voyons le temple de la deesse Iuno, laquelle est surnommée Moneta, pource qu'on dist qu'ainçois que les Gaullois vinssent en armes pour surprendre & apprehender ledit capitolē, fut ouye vne voix de ladite deesse Iuno, admonestant les Rommains de la venue deditz Senonois.

Seuerité fonde-
ment des
loix.

Lereproche
qu'on donna
à Manlius.

Le fixieme Liure

¶ La punition de Spurius Cassius.

La punition
de Spurius
Cassius.

Semblable indignation & ire tomba sus Spurius Cassius: auquel la souspec-
con de vouloir dominer fut plus nuisible, que ne furent proufitables à luy les
trois honorables & magnifiques consulatz, & les deux beaux triumphes qu'il
eut en Romme. Le senat & le peuple Romain ne se contenterent de luy fai-
re trencher la teste, mais avec ce feirent demolir sa maison: afin qu'il fust puny
encore par la perte & destruction d'icelle, & feirent bastir au lieu vn temple en
l'honneur de Tellus deesse de la terre. Ainsi en cest endroit ou estoit la maison
de ce puissant seigneur, maintenant on y voit ledict temple, afin qu'apres sa
mort fust mention de son infamie, son demeure fut conuertie en l'ylage de re-
ligion.

¶ La punition de Spurius Melius.

Les ennemis
de liberté
Romaine pu-
niz rigoureux-
ement.

Pour pareil cas Spurius Melius tomba en pareille aduventure. Afin que les
posterieurs eussent memoire de la bone iustice qu'on auoit fait de luy, la pla-
ce ou autrefois auoit esté sa maison, fut appelée Aequimelum, c'estadire le
lieu ou Melius auoit esté equitablement puny. Or combien les ennemis de li-
berté Romaine tenoyent à la rate des anciens, & combien ilz les auoyent à
contrecoeur, la ruine des murailles & maisons ou lesdictz ennemis auoyent ha-
bité, en fait la preue. Certes apres que les corps de Marc Flaccus, & L. Satur-
nin citoyens tresseditieux, furent priez de vie, leurs domiciles furent rasez à
fleur de terre. Quant au reste, comme la place nommée Flacciane, dudidt Flac-
cus, fut long temps vuide de maisons, Quintus Catulus y pendit les despouil-
les des Cimbres, qui maintenant sont dictz Frisons, Ostrelins, & Dains.

¶ La punition de Tibere, & Caius surnom- mez Gracques.

Punition des
Gracques.

Tiberius & Caius portans le surnom de Gracchus, puissans gentilzhom-
mes ont fleury en nostre cité, & auoit on d'iceulx grand espoir: mais pource
qu'ilz s'estoyent efforcez de destruire l'estat de la ville, furent priez d'hon-
neur de sepulture, combien qu'ilz fussent filz de Tibere Gracchus, homme de
vertu, grand amy de la republique, & neveu du grand Scipion issu de sa fille
Cornelie, & aussi pour destourner qu'aucun ne voulsist prendre amytié avec
les ennemis de la republique, tous ceulx qu'on congneut estre leurs familiers
furent mis en prison, pour les fouldroyer & briser.

¶ De P. Mutius tribun du peuple.

Mutius tribu
du peuple fait
brusler ses co-
pagnons.

P. Mutius tribun du peuple ne s'attribua pas moins de puissance & autho-
rité à faire les corrections, que le senat & le peuple Romain, lequel fait brus-
ler tous vifz ses compagnons qui estoient neuf tribuns, pource qu'à l'instinct
de Spurius Cassius homme cauteleux & malitieux, ilz empeschoient qu'au-
cuns ne fussent substitutz aux offices, afin que la republique priuée de magi-
stratz & officiers, plus facilement fust opprimée. Eust on iceu vser plus hardi-
ment de rigueur & seuerité? Certes vn tribun osa faire la punition de ses neuf
compagnons: ce qu'eussent bien craint neuf tribuns faire à vn seul de leurs
compagnons.

¶ La

La punition de M. Clodius.

Nous auons parlé de feuerité & rigueur de supplices, qui ont defendu la liberté Romaine, & puny les ennemis d'icelle liberté : Maintenant fault faire recit de ceste feuerité, qui a comprins la discipline des meurs en nostre ville. Certes la feuerité qui a esté faicte & pratiquée pour garder la discipline de meurs n'a pas esté moins graue & constante que celle qui fut exercée pour la garde de l'autorité de la republique. Pource que Marc Clodius auoit faict appointement honteux & deshonneur avec les Corsois, le senat l'enuoya pour estre prisonnier en Corse: mais ceulx de Corse le renuoyerēt à Rome: ce que voyant ledict senat le fait mettre en la chartre, & illec occir. Or pour auoir vne fois blecé la maiesté imperiale, voyez combien de fois il fut puny. Premièrement on declara l'appointement qu'il auoit faict avec les ennemis friuole & vain: on le priua de liberté, en l'enuoyant captif ausdictz ennemis: on le fait mourir, & en la prison, qui estoit plusgrief: consequemment on tira son corps, & le pendit on par dessoubz la gorge avec vn haim ou croc de fer, en vn lieu public nommé l'Eschelle de Gemonius, pource que ledict Gemonius auoit inuenté ledict supplice ignominieux & detestable. Ce personnage qui ensuit auoit aussi bien meritē estre puny du senat, comme Marc Clodius.

La rigueur q
tindrent les
Romains,
pour induire
le peuple à
bien faire.

La punition
de Marc Clo-
dius.

L'eschelle Ge-
monius estoit
vn gibet en
Rome.

¶ De Cornille Scipion.

Auant que Cornille Scipion filz d'Hispalus, eust defferuy à estre puny, il experimenta la rigueur du senat. Or comme par sort luy estoit escheu le gouuernement d'Espaigne, cestuy senat ordonna qu'il n'auoit ladicte charge, pource qu'il n'en eust sceu venir à chef. Parquoy ledict Cornille pour sa meschante vie, iacoit ce qu'il n'eust exercé ledict office, si fut il presque condamné, comme s'il eust maluerſe & esté exacteur, & pilleur en cestedicte charge.

La correction
qu'on fait de
Cornille Sci-
pion.

¶ De Caius Vatiens.

Caius Vatiens ne demoura pas qu'il ne fust puny rigoureusement par le senat. Or comme cestuy s'estoit couppé le poulle de la main gauche, de crainte qu'il ne portast les armes en la bataille sociale, qui estoit des Romains contre les Latins: les biens furent confisquezz, & son corps mourut en prison. Ainſi ledict senat fait, que celuy qui auoit refusé exposer honnestement sa vie en bataille, mourroit vilainement en la prison.

La punition
de Vatiens.

¶ De Marc Curius consul.

Marc Curius consul fut imitateur de ce faict: comme cestuy estoit contraint de faire vne reueue, & eslire soudain ceulx qui estoient plusdoines & aptes à guerroyer: les ieunes gens furent appelez, mais ne vouloyent donner leurs noms, delibera & ordonna qu'on mettroit les noms de toutes les bandes ensemble dedans vne cruche, & se mesleroyent, & qu'on les tireroit par sort. Or comme de hazard vint qu'on tira premierement la bande nommée Pollia, on vint à nommer les soudardz de ladicte bande: & ainſi que le premier fut appelé, se teut, & ne respondit: parquoy Curius fait subhaſter & vendre au

N iij plus

Le fixieme Liure

La punition
d'un soudard,
qui ne voulut
respondre
qu'ad on l'ap-
pelloit.

plus offrant les biens de cedit ieune soudard, qui n'auoit voulu respondre. mais quand il congneut ces choses, eut recours deuant les consulz, & en appella à la court des tribuns. Lors Marc Curius dist qu'on n'auoit que faire d'un citoyen en la republique, qui ne sçauoit obeir à ses superieurs. Donc vedit il ledit soudard & ses biens.

¶ De Lucius Domitius preteur, ou iuge.

Vn pasteur
faict mourir
pour auoir
tué vn senglier.

Lucius Domitius fut aussi entier en son propos, comme le senat. Comme cestuy estoit gouuerneur de Sicile, vn senglier d'excellente grandeur luy fut apporté: puis commanda que le pasteur qui l'auoit occy, luy fust amené: ce qui fut faict. Et quand fut deuant luy, l'interroga comme il auoit tué ceste beste: lors luy respondit qu'il l'auoit faict mourir d'un coup d'espieu. Adonc enchargea ledit preteur, que ledit pasteur fust crucifié, pource qu'il auoit faict vn statut, que quiconque porteroit dard, seroit priué de la vie, pour donner terreur aux voleurs & larrons qui gastoyét ceste prouince. On pourroit dire que l'acte de Domitius estoit tellement mis en seuerité & cruauté, qu'il eust peu estre estimé à l'une & l'autre partie: car si vn personnage priué eust perpetré le faict, on eust iugé estre cruauté: mais à raison qu'il estoit personne publique, & auoit autorité de commander, on ne le doit estimer trop rigoureux. Ainsi fut exercée seuerité, à la punition des hommes: qui ne se monstra pas moins diligente à punir les femmes.

¶ D'Horace.

Horace tua sa
seur.

Aprés que Horace eut occy les trois freres iumeaux Curiates, par la condition de guerre faicte entre les Rommains & Albanois, s'en retourna en sa maison à Romme. Puis voyant sa seur ieune pucelle plourant oultre mesure, & plus que l'aage ne le requeroit, la mort de son fiacé l'un des Curiates, la tua du glauiue mesme de quoy il auoit meurtry & occy lesdictz Curiates, qui auoit esté vn grand bien pour le pays. Cestuy Horace pensoit que les larmes qu'elle iectoit, designoyent quelque impudicité, veu qu'elle n'estoit encore que fiancée, & auoit si grande affection audit Curiatius, & le plaingnoit plus que ses deux freres qui estoient demourez en ceste bataille. Or pour cest acte ledit Horace fut faict conuenir deuant le peuple, mais son pere luy sauua la vie. Ainsi ceste ieune fille merita auoir son frere aspre punisseur, & son pere constant fauteur de sa punitiō, pource que son coeur estoit incliné à la memoire de son futur espoux.

¶ De Spurius Posthumius Albinus, & Quintus Martius Philippe.

La punition
des femmes
Romaines,
qui abusoyét
de leur luxu-
re aux sacrifi-
ces de Bac-
chus.

Le senat vfa apres de pareille seuerité, quand il comanda à Spurius Posthumius Albinus, & Quintus Martius Philippus consulz, qu'ilz feissent inquisition des femmes qui auoyent commis le crime d'inceste durant qu'on faisoit les sacrifices de Bacchus: par lesquelz consulz comme maintes fussent condamnées, mesme dedans les maisons faisoient iustice de leurs parentes: si que la difformité de tel opprobre, qui estoit desia fort augmentée, fut corrigée & emendée par rigueur de peine: car d'autant que lesdictes femmes en se portant mal, auoyent apporté de honte en nostre ville, d'autant plus d'honneur en reccut ladicte

ladite ville pour leur griue punition.

¶ De Publicie & Licinie.

Publicie qui estoit mariée au consul Posthumius Albinus, empoisonna le dict consul. Le semblable feit Licinia à son mary Claude l'Asnon: & pourtāt furent estranglées par les mains mesmes de leurs affins. Ces personnages qui furent grandz iusticiers & rigoureux n'estimerent point qu'il fallust aller iusques à la court, & en faire longue enqueste, pour vn crime si euidēt. Iceulx donc qui eussent esté defendeurs d'icelles, si elles eussent esté innocētes & preudefemmes, en furent punisseurs aigres & aspres. Leur seuerité & rigueur s'auança de les punir, pour l'enormité & grandeur de leur delict.

La punition des fēmes qui empoisonnerent leurs maris.

¶ D'Egnace Metellus.

Pour moindre cause beaucoup, Egnatius Metellus se mōstra rigoureux, lequel fessa sa femme de verges, puis la tua, pource qu'elle auoit beu du vin. Et pour ledict cas ne fut ny accusé ny puny. Vnchascun estimoit que pour donner bon exēple aux autres d'estre sobres & continentes, il auoit tres bien fait d'ainsi la punir. Et certes toute femme qui appete à boire vin, oultre mesure, elle clost la porte à toute vertu, & ouure icelle à vice & immundicité.

Egnatius tua sa fēme pour ce qu'elle auoit beu du vin.

¶ De C. Sulpice Gaullois.

Le supplice que print Sulpice Gaullois de sa femme, fut horrible & redoutable. Cestuy repudia sadite femme, pource qu'elle estoit issue en la rue le chef descouuert. Sa sentence fut bien precipitée, mais ne fut pourtant desgarnie de raison: La loy maritale (dit il) & l'alliance que nous auions ensemble, te monstroit vne borne que tu ne deuois passer: c'est adire que tu ne deuois te mōstrer, ta beaulté manifester, ne complaire à autre qu'à moy. Pour estre agreable à mes yeulx, tu deuois acheter de beaux ioyaulx, & te faire belle; nul n'en deuoit auoir la congnoissance que moy: si tu as esté desireuse de te monstrier à autre, c'est souspeçon de lubricité & incontinence.

Sulpice repudia sa femme pource qu'elle estoit issue en la rue le chef descouuert.

¶ De Quintus Antistius

l'ancien.

Quintus Antistius surnommé le Vieil, ne fut pas moins rigoureux que le preallegué Sulpice. Il repudia sa femme, pource qu'il l'auoit veu parler en secret à vne libertine (c'est adire vne femme qui autrefois auoit esté serue, puis fut affrāchie) de mauuaise renommée. Cestuy ne fut pas incité à la punir, pource qu'elle eust esté lubrique, car il congnoissoit qu'elle n'auoit encore commis crime, mais pour les alleichemens & nourrissemens de coulpe, qui sont les colloctions & confabulations. Pourtant auant qu'elle offensast il la punist, ayant mieulx se garder de l'iniure qu'on luy pouoit faire, que de la corriger.

Pourquoy Antistius repudia sa femme.

Vne hōnestefēme ne doit iamais deuiser en secret avec vne fēme mal renommée.

Le sixieme Liure

¶ De Sempronius Sophus.

Pourquoy re-
pudia Sempro-
nius sa femme.

Il fault mesler avec ceulx cy Sempronius Sophus, qui pareillement delaiſſa sa femme, pour ce que ſans ſon ſceu elle auoit eſté veoir les ieuz, & non pour autre cauſe. Les mariz au temps paſſé eſtoient ſi prouides de leurs femmes, qu'elles n'auoyent occaſion de maluerſer. Quant au reſte, iaçoit ce que tout le monde peult eſtre inſtruiſt & enſeigné des exéples de la rigueur que tenoyét les Rômaïns, touteſois les leſteurs ne ſoyent fachez de cognoître ſommairement comme en vſoyent les eſtrangers.

¶ Du poete Archiloque.

Liures impu-
diques ſont à
repudier.

Detraction eſt
à corriger.

Les Lacedemoniés cômaderét, qu'on ieſtaſt hors de leur ville les liures d'Archilochus: pour ce qu'ilz eſtimoyent que la lecture n'en eſtoit gueres honneſte ne pudique. Ceulx ne voulurent que leurs enfans en fuſſent inſtruiſtz, afin que la ſcience ne fuſt plus nuſible aux meurs, que proufitable aux eſpritz. Donc pour ce que ce prince des poetes, ou le pluigrand apres Homere, auoit diffamé de ſes vers Lycambé, qui luy ait oſté ſa fille: leſdictz Atheniens l'enuoyerent en exil.

¶ Des Atheniens.

Timagoras
decapité.

Les Atheniens feirent trencher la teſte à Timagoras, enuoyé par iceulx en ambaffade vers le roy Darius: pour ce que lediſt ambaffadeur en le ſaluant ſ'eſtoit mis à genoux, & l'auoit adoré, ainſi qu'auoyét de couſtume de faire les Perſans. Eſtans marriz que lediſt Timagoras par ſes blandices & flateries auoit ſubmis l'honneur de leur ville à la domination Perſique.

¶ Du Roy Cambyſes.

La punition
d'un mauuais
iuge.

Câbyſes ſe môſtra trop plus rigoureux que les autres, quâd feït eſcorcher vn iuge mauuais & corrompu, & mettre ſa peau ſur la chaire, ou il ſouloit tenir ſa iuriſdiction: puis commanda que le filz dudiſt iuge exerçaſt l'office, & qu'il ſ'aſſit ſur ladiſte peau. Pour faire fin, ce Roy barbare ſeut ſi bien pourueoir à ceſt affaire, & punir ce iuge de ſi cruelle & nouuelle peine: afin que par apres aucun iuge n'eũſt enuie d'eſtre corrompu.

¶ DES CHOSES QUI FVRENT FAICTES ET DI- ctes avec grauité & conſtance.

CHAP. III.



Es dictz & faiſtz des excellens perſonnages, pleins de grauité & poix, ſont grandement louables, & durent à perpetuité. En l'abondante affluence deſquelz nous puiserons, & en prendrons: & réciterons ce qui pourra accôplir le deſir du leſteur, c'eſt aſcauoir ne trop, ne trop peu, mais à ſobrieté: afin que nul ne ſoit faſché de la trop grande abondance.

¶ De Manlius Torquatus.

Noſtre cité troublée & eſperdue, pour la deſſaïſte de Cannes, comme ainſi fuſt que le ſalut de la Republique pendit à vn filet, c'eſtaſcauoir à la fidelité de noz alliez & compagnons les Latins, qui pouyoent pour vn rien ſe reuolter,

ter : afin que leurs cœurs fussent plus constans & stables à défendre l'empire Romain. La plus grande partie du senat estoit d'aduis que les plus grandz seigneurs d'être les Latins fussent faictz senateurs. Anius aussi Căpenois estoit d'opinion qu'on deuoit creer vn des consulz à Capes. Voyla comme les Romains estoient en leur esprit mal sains & deprimez. Lors manlius Torquatus (filz de cestuy Torquatus, qui auoit mis en rouverte les Latins à la montaigne Veseue) va haultement & clerement dire, que si aucun des Latins compagnons & alliez presumoit de se trouuer à la court pour opiner, qu'il le tueroit promptement. Les menaces de cestuy seul restiuerent la pristine chaleur aux cœurs des Romains languissans, & ne souffrirent que l'Italie deliberaſt avec nous des affaires de la cité. Et tout ainsi cōme les Latins auoyent esté rompuz par les armes du pere, aussi furent ilz par les parolles du filz, & cederēt aux Rōmains.

La prouesse
de Manlius
Torquatus.

¶ De Manlius pere dudit Torquatus.

La grauité de parolle de cestuy Manlius fut pareille à celle de son filz, auquel comme on offroit par le consentement de tous la dignité consulaire, s'excuſa pour sa maladie des yeulx, & la refusa : mais derechef tous le sollicitoyent à cest affaire. Lors va respondre : Seigneurs Romains, querez vn autre, à qui baillerez cest honneur : car si vous me contraignez de le prendre, ie ne pourray endurer de vostre maniere de viure : & aussi vous ne pourrez souffrir ma seigneurie. Si cestuy cy qui n'auoit nul office parloit si grauelement & cōſtamment, que pouons nous estimer qu'il eust faict, quand il eust esté consul?

Le dict graue
de Manlius.

¶ De Scipion Emilian.

La grauité de Scipion Emilian ne fut pas moins diligente que celle de Manlius, fust en la court en deliberant, ou faisant harégue au peuple. Or comme on luy eust baillé pour compagnon en la dignité de censeur vn nommé Mumius, noble personnage, mais de vie effeminée & dissolue, dict en la court des Rōstres : l'eusse faict en mon office de censeur ce qui estoit de droit à la Republique, si les citoyens m'eussent donné compagnon, ou non : c'est à dire que sans cestuy il ne laisseroit à faire son deuoir.

Le dict graue
de Scipion.

¶ Du mesme Scipion.

Ainsi que Seruius Sulpice Galba, & Aurele cōsulz contendoient en plain senat, pour ſcauoir lequel d'eulx seroit enuoyé en Espagne contre Viriatus : & aussi comme fut grand debat entre les conseillers pour cest affaire, chascun lors attendant à la faueur de qui donneroit son arrest Scipion, commença à dire. Ie ne vueil que l'vn ne l'autre soit enuoyé à ceste dicte prouice : car l'vn est poure, & l'autre n'a point de suffisance : Iugeant par cela qu'aussi mauuaise & dangereuse estoit la poureté d'vn officier qui mettoit vn office à prix, cōme l'auarice. Par cesteparolle impetra que l'vn ne l'autre n'y fust enuoyé.

Nul bien ne
ſcauroit venir
d'offices qui
se vendent.
Autant est da
gereux vn po
ure officier en
vne republiq
qu'vn auarici
eux.

¶ De Pompile ambassadeur.

Pompile enuoyé en ambassade par le senat au roy Antiochus, afin qu'il s'abſtint de faire la guerre à Ptholomée, aussi tost qu'il fut arriué, le dict Antiochus luy tēdit la main d'vn cœur deliberé, & face tresamyale : mais Pompile ne luy voulut bailler la siēne : ains luy presenta lettres, contenant la determination du senat. Lesquelles apres auoir leues, dict qu'il parleroit avec ses amy. Pompile indigné qu'il auoit delayé, va faire vn cercle contre la terre d'vne verge qu'il

N v. tenoit,

Le sixième liure

Le dict de Pompe à Antiochus.

tenoit, autour dudit Antiochus, & luy dict: Ainçois que tu excedes ce cercle, rends moy response de ce que ie doy reporter au senat. Certes en oyant ces parolles, on n'eust pas estimé que ce fust vn ambassadeur qui parlaist, mais tout le parlement ensemble, tant tenoit bonne grauité. Lors ledict roy afferma que pour l'aduenir il feroit si bien, que Ptolomée n'auroit occasion de se plaindre de luy. Adonc Pompe luy va prendre la main, comme d'un amy & allié. O combien est efficace vne grauité de parolle & de coeur briuement mōstrée? Cestuy par sa parolle & graue maintien, donna terreur au royaume de Syrie, & deliura de crainte celuy d'Egypte.

¶ De Publius Rutilius.

Rien ne fault faire pour vn amy contre honnesteté.

Rutilius enuoyé en exil iniustement.

Sylla surnom méleureux.

Je ne sçay si ie doy faire compte des parolles de Rutilius, auant que ie face estime de ses faitz. Certes en l'un & l'autre y a merueilleuse magnanimité. Comme cestuy ne voulist obeir à la requeste iniuste d'un sien amy, ledict amy luy dict par grad courroux: De quoy me sert ton amytie, puis que tu ne veulx faire ce de quoy ie te prie? Lors respondit Rutilius: Mais qu'ay ie affaire de la tienne, si tu me pries de faire pour toy chose qui ne soit honneste? A ceste parolle ses oeuvres furent conformes. Or comme cestuy fut condéné, plus pour le different qui estoit entre les senateurs & les cheualiers, que pour faulte qu'il eust fait: ce neautmoins n'en mua de contenance & grauité. Il ne print point robbe meschante ny sale, en signe de duel, comme auoyent accoustumé ceulx qui estoient condemnez: il ne despouilla point ses habitz de senateur: il ne se humilia point deuant les piedz des iuges, & ne parla point plus humblement qu'il auoit de costume auparauant. Par cela fait que le peril ou il estoit, ne luy fut empeschement de sa grauité, ains exercice & experience. Or comme apres la victoire de Sylla facilement pouoit estre reuoké de son exil, ce neantmoins y demeura, de crainte qu'il ne fist quelque chose iniuste: pourtāt pouoit il plus iustement auoir le surnom d'eureux, pour ses meurs & bonne vie, que Sylla pour sa grande puissance aux armes. Sylla auoit vsurpé le surnom d'eureux, & cestuy cy l'auoit deseruy.

De Marc Brutus.

Brutus homicide de Iules Cesar.

Brut' ne croyoit l'immortalité de l'ame.

Marc Brutus premierement homicide de ses vertus, que de Iules Cesar pere du pays, par vn meschant acte, c'estasçauoir par ce meurtre, il perdit tout son honneur & bon bruit. Or comme il alloit batailler pour le dernier conflit contre Octouien Cesar, & quelques vns repugnassent, disans qu'il ne le deuoit faire, va dire hardimēt: Le voy guerroyer. Auiourdhuy ie viuray avec la victoire, ou ie mourray sans plus auoir crainte ne soucy apres ma mort. Certes il auoit ceste presumption, de ne viure sans victoire, & de ne mourir sans estre deliuré de toute peine & esmoy: par ce sembloit il mal sentir de l'immortalité de l'ame.

¶ Exemples des estrangers.

¶ Des citoyens de la uille de Cinanie en Portugal.

Le recit de Marc Brutus me fait venir en memoire de narrer ce qui fut dict graument de Decius Brutus en Espagne. Or comme presque tout Portugal se fust rendu à luy, la uille de Cinanie seule tint bon, & ne voulut rendre

dre les armes. Ce voyans les ambassadeurs de Brutus, parlementerent ausdictz citoyens, & demanderent s'ilz vouloyent racheter leur ville par quelque somme de deniers : respondirent tous d'une voix, que leurs maieurs leur auoyent laissé instrumens de guerre, pour defendre leur ville, & non pas or & argent pour racheter leur liberté d'un capitaine auaritieux. Sans doubte les hommes de nostre nation eussent plus proprement dict ceste parolle, que de l'auoir escoutée. Mais nature auoit incliné ceste nation barbare à telle grauité.

La graue re-
sponse des Ci-
naniens.

¶ De Socrates philosophe.

Socrates appuy & sustentacle de la science de Grece, estant en cause en Athenes, & accusé d'introduire nouveau cultiement des dieux, Lisias grand orateur luy recita vne apologie ou defense qu'il luy auoit faict, pour se purger en iugement: en laquelle estoient contenues sentences d'humilité & supplicatio, propres & accomodées à le sauluer du peril eminent ou il estoit: mais ledict Socrates luy dist: Amy, oste ceste iustificatio ie te prie. Certes si i'estoye persuadé de faire ces remonstrances aux desertz de Scytie, ie me rendroye digne de mort. En ce point contemna il sa vie, afin qu'il ne perdist grauité: & ayma mieulx mourir en estant Socrates, que de viure tenant les conditions & nature de Lisias.

Socrates accu-
sé en Athenes

La grauité de
Socrates.

¶ Du roy Alexandre.

D'autant que Socrates fut grand en sagesse, d'autant fut Alexandre aux armes: lequel prononça noblement la parolle qui ensuit. Or comme Darius eut eu experience de la vertu & prouesse dudit Alexandre en deux batailles, luy promit (voulant faire composition) luy donner vne partie de son royaume, iusques à la montaigne de Taurus: & mesme sa fille en mariage, avec dix cens mille talentz. Et ainsi que Parmenion disoit audit Alexandre, que s'il estoit Alexandre, il auroit ledict appoinctement agreable, Alexandre luy respondit: Certes ie le feroye, si i'estoye Parmenion. Ceste parolle fut respondente à deux victoires, & meritant auoir la tierce, ainsi qu'il en aduint apres.

Le graue dict
d'Alexandre.

¶ Des Lacedemoniens.

La parolle d'Alexandre estoit procedée de coeur magnifique, & eueux à ses entreprinse: mais celle par laquelle les ambassadeurs des Lacedemoniens enuoyez à Philippe pere dudit Alexandre, resmoignerent l'estat miserable de leur fortune, fut plus louable que desirable. Comme cestuy Philippe molestoit leur ville de charges intolerables, luy respondirent que s'il perseueroit à leur faire pire que la mort, c'est adire de les mettre en si grande seruitude, qu'ilz esliroyent plustost mourir, que d'endurer telles subiections.

Lacedemo-
niens desirans
plus la mort
q seruitude.

¶ De quelque Spartain, ou Lacedemonien.

Le dict d'un certain Lacedemonien ne fut trouué de petite grauité. Cestuy excellent en noblesse & bonté, estant escondit d'estre mis en l'office de trois cens hommes, qui estoient les senateurs de Lacedemone: respondit qu'il estoit bien aisé que le pays auoit tant de personages meilleurs que luy (en ce temps

Le dict graue
d'un Lacede-
monien.

on

on constituoit les plus vertueux aux dignitez & offices). Par ceste parolle il ne remporta moins d'honneur, que s'il eust eu ledict office.

¶ DE IUSTICE. CHAP. V.

IL est téps de faire entrée dedans le sacré temple de Iustice: ou frequente tousiours & habite bonté & equité, qui est en ce lieu obseruée saintement. En ce mesme endroit Vouloir humain est obeissant à honte, & sensualité cede à raison: & n'estime lon rien utile, qui ne soit honneste. Nostre ville Rommaine entre toutes autres nations, est le principal & tres certain exemple de celle iustice.

¶ Du senat.

La courtoisie
des Rômaines
enuers les
Phaliskues.

Du temps que Camille estoit consul, il assiegea les Phaliskues, vn peuple de Toscare: & sus ces entrefaictes quelque maistre d'eschole mena hors de la ville plusieurs ieunes gentilzhommes de grosses maisons par maniere de recreation, iusques aux tentes des Rommains, lesquels furent prins prisonniers: & n'y a point de doubte que par cela les Phaliskues auoyent grande occasion de se rendre: mais le senat cōgnoissant ceste chose, ordonna que lesdictz nobles enfans seroyent renuoyez en leur ville & pays: & que leur maistre seroit lié, & chascun d'iceulx auroit vne pongnée de verges au poing, pour le fustiger & battre: ce qui fut faict. Par ceste iustice les coeurs des Phaliskues furent prins, au lieu de leur ville & muraille, qui ne pouoyent estre expugnez. Donc les Phaliskues plus vaincuz par l'honnesteré & courtoisie des Rommains, que par leur armes, ouurirent les portes ausdictz Rommains.

La punition
d'un maistre
d'eschole.

¶ Du mesme senat.

Papyrius sau-
ua les Phalif-
ques.

Ceste mesme cité ou habitoient les Phaliskues, fut souuent rebelle, mais tousiours vaincue: finalement fut contraincte de se rendre au consul Luctatius. Lors le peuple Rommain ayant desir de la destruire, fut refroidé par Papyrius notaire du consul qui auoit faict le contract de la reddition: car cestuy Papyrius luy donna à entendre que les Phaliskues s'estoyent renduz à la foy des Rômaines, & non à leur puissance: parquoy furent appaisez, si que victoire & haine, qui rendent les hommes insolens & fiers, ne les destournerent de la voye de iustice.

¶ Du mesme peuple Rommain.

La iustice des
Rommains.

Après que P. Claudius consul eut prins les Camerins, il les vendit comme esclaves au plus offrant: Mais combien que le peuple Rommain considerast par la prinse d'iceulx le thesor publique, & leur territoire estre grandement augmenté, toutefois pource qu'il sembloit que ledict Claude capitaine ne leur eust ioué honneste tour (c'est asçauoir de les vendre) les racheta songneusement, leur donna lieu pour demourer au mont Auentin, & leur rendit leurs terres. La pecune que ledict peuple auoit receu de leur vendition fut employée à edifier lieux sacrez, & à acheter bestes pour faire les sacrifices, & ne retourna à la court. Ainsi feit ledict peuple Rommain par prompt & diligente iustice, que lesdictz Camerins auoyent occasion d'eulx resiouyr de leur maleur, se voyant quasi comme resuscitez. Le bruit de cecy fut respandu par toute nostre ville, &

& aux contrées voisines: mais ce qui ensuit fut semé par toute la terre.

¶ Du mesme senat, & de Fabrice.

Timochares d'Ambrace familier du roy Pyrrhus, promet quelque fois au consul Fabrice, qu'il feroit empoisonner ledict Pyrrhus par son filz qui estoit son effanson. Comme le senat fut aduertý de ceste chose, enuoya vne ambassade à Pyrrhus, l'admonnestant qu'il se gardast de poison, recordant ledict senat que la ville de Romme auoit esté construite du filz de Mars, c'est à scávoir Romulus, & par cela ne deuoyét les Rommains guerroyer leurs ennemis par poison ou venin, ains par armes. Mentió ne fut faicte en ceste legatió du nom de Timochares: ainsi fut gardée equité des deux costez, car ne voulurent les Rommains faire vn lasche tour à leur ennemy, ny descouurer celuy qui le vouloit faire empoisonner, pour leur faire plaisir.

Le senat auertit Pyrrhus de se garder des poisonneurs.

¶ De quatre tribuns du peuple.

En ce mesme temps grande equité fut veue & trouuée en quatre tribuns du peuple. Comme Lucius Atratinus ayant la charge des bédés Rommaines, eut entrepris de faire la guerre contre les Volsques au lac de Feruge, quand vint à commencer la bataille, lesdictes compagnies Rommaines se voulurent retirer, & cuiderent tourner le doz: mais furent redressées par les susdictz ieunes gentilzhommes, qui depuis furent tribuns à Romme, & par les cheualiers, lesquels pour lors estoient en cediect conflict. Lucius Hortensius cópagnon desdictz tribuns, quelque temps apres feit adiourner à la court du peuple ledict Atratin, pensant le faire mourir pour quelques crimes commis, ainsi qu'il vouloit dire: & en ceste cause produict pour tesmoins lesdictz tribús, lesquels iurerent à la court des Rostres, qu'ilz seroyent en tristesse & ennuy, s'il falloit que leur capitaine Atratin fust faict criminel: parquoy n'endurerent (eulx estans tribuns en temps de paix) de voir souffrir la mort à leurdict capitaine, lequel ilz auoyent destourné de peril en la guerre, à la peine de leurs corps, respádant leur sang pour luy. De laquelle equité le peuple meu, cóntraignit Hortense soy desister de l'action. L'exemple qui ensuit est de mesme.

La iustice des quatre tribús.

¶ De Tybere Gracchus, & C. Clodius.

Ainsi que Tibere Gracchus, & C. Clodius en exerçant trop rigoureusement leur office de censure, eussent encouru l'indignation & maluueillance de la plus grande partie des citoyens Rommains, Marc Pompilius tribun du peuple, les accusa du crime de lese maiesté deuát le peuple: oultre encore que le peuple les hayoit, cestuy ne les aymoit gueres, pource qu'ilz auoyent faict demolir quelque maison estant en vne place publique, qui appartenoit à vn sien amy nommé Rutilius. Auquel iugement plusieurs centuries de la premiere bande, condamnoyent apertement Clodius: & au contraire toutes les compagnies vniuersellement vouloyent absouldre Gracchus. Ce que voyant ledict Gracchus iura & dict à haulte voix, que si lon asseoit quelque grief iugement sus son cópagnon, il vouloit souffrir peine semblable, consideré qu'il estoit coupable comme luy. Par ceste equité de Gracchus, tout ce trouble & commotió furent apaisez, & saulua lon la vie & les biens de tous les deux. Le peuple deliura à pur & à plain Clode: & Marc Pompile ne voulut que la cause fust plaidée.

La iustice de Gracchus.

¶ De la

Le sixième Liure

¶ De la communauté des tribuns.

De la iustice
des tribuns.

Ceste communauté fut beaucoup prisee, pour la bonne iustice qu'elle feit: ain-
si comme vn de leur college nommé L. Cotta, se confiant à sa dignité, & alle-
gant qu'on ne l'eust sceu traicter en iugement, ne vouloit satis faire à certains
crediteurs, qui luy auoyent presté quelque argent. Ladiete communauté ordon-
na que s'il ne vouloit payer, & si lesdictz crediteurs en appelloyēt deuant eulx,
qu'ilz leur porteroient faueur, & ayderoyent à leur pouoir, estimans qu'il e-
stoit iniuste à leur grande autorité, & indigne de couvrir la malice & iniqui-
té d'un de leurs compagnons: pourtant contraignirent ilz Cotta à payer ses
debtes, & par leur equité le tirerent hors, cōme d'un lieu sacré, & de franchise,
se voulant sauluer soubz l'vmbre de ceste grande dignité.

¶ De Cn. Domitius tribun du peuple.

La iustice de
Domitius.

Nous laisserons Cotta, & viendrons à parler d'un autre aussi congneu. Cn.
Domitius tribun du peuple feit action deuāt ledict peuple à Marc Scaure gou-
uerneur de Romme: pour deux raisons il entreprint la chose, premierelement il
penfa que si fortune luy estoit amie, ledict Scaure son ennemy seroit condem-
né: ou si le cas aduenoit qu'il ne le fust, à tout le moins pourroit il acquerir hó-
neur, d'auoir accusé vn si grand coq de ville, à qui nul ne s'osoit froter. Or cō-
me il veilloit de tous costez pour le ruiner, le seruiteur dudit Scaurus vint à
luy de nuict, luy promettant qu'il luy seruiroit bien enuers son maistre Scau-
rus, luy descourrant plusieurs crimes par luy faitz, qui ayderoyent moult à
son accusation. Or auoit en sa phâtasie Domitius, que Scaurus estoit son grād
ennemy: puis ledict Domitius estoit homme de grand coeur, appetant ven-
geance, & grandement desireux de seigneurier. Ce neantmoins considerant la
meschâceté de ce seruiteur accusant son maistre, se vainquit, & iustice fut mai-
stresse de haine: ne voulut plus ouyr le rapport dudit seruiteur, & empescha
que le iuge ne donnast son arrest contre Scaurus, puis luy enuoya ledict serui-
teur lié, digne d'estre loué de Domitius, pource qu'il luy auoit aydé en son ac-
cusatiō: & digne d'estre hay de son maistre Scaurus, pource qu'il auoit descou-
uert ses vices. Le peuple en partie pour ses autres vertuz, mais plus pour cest a-
cte de iustice, le feit consul, censeur & euesque.

¶ De Lucius Crassus.

Lucius Crassus ne se monstra point autrement en mesme experience de iu-
stice. Cestuy Crassus hayoit mortellement Cn. Carbon, & plaidoit contre luy.
Or comme le seruiteur dudit Carbon eut prins vn petit esclin en la chambre
de son maistre, ou estoient lettres, esquelles estoient comprins tout plein d'a-
ctes, qui eussent peu grandement nuire audit Carbon, & l'eust présenté à Cra-
sus, il renuoya ledict esclin ainsi qu'il estoit fermé, ensemble le seruiteur lié à
sondict maistre. Combien estimons nous que iustice pour ce temps là eust de
force & vertu entre amis, veu qu'entre les accusateurs & defendeurs auoit si
grande puissance?

¶ De Lucius Sylla.

Lucius Sylla n'ayma pas tant le salut de sa vie, qu'il desira la perte & la mort
de Sulpice le Roux, pource que ledict Sulpice l'auoit grandement persecuté
ce pendant qu'il estoit tribun. Aduint que Sulpice quelque temps apres fut bá-
ny

ny par Sylla: Et comme Sylla eut fait vn edict, que tous les seruiteurs qui enseigneroyent leurs maistres seroyent mis en liberté, le seruiteur de Sulpice sçachant son maistre estre caché en quelque ville, l'enseigna à Sylla: mais Sylla ^{La iustice de Sylla.} pour entretenir sa promesse, feit ledict seruiteur libre, & en signe de franchise, luy donna le chapeau: puis (à raison du meschant tour qu'il auoit fait à son dict maistre) le feit precipiter du hault de la roche Tarpeie pres du capitolé. Cōbien que Sylla fust cruel & orgueilleux en autres affaires, si se monstra il en ce cas droiturier iuge, & trefequitable.

¶ Exemples des estrangers.

¶ De Pittacus Mitylenien.

Afin que ie ne soye veu mettre en oubly la iustice que les estrangers faisoient, ie vueil parler de Pittachus de Mitylene, auquel se tenoyent tant obligez les Mityleniens, ou pour sa bōne maniere de viure, ou pour ses biēfaits, desquelz il auoit vsé enuers eulx, luy donnerent le gouuernement de leur ville: & garda ceste seigneurie tandis que la guerre dura entre eulx & les Atheniens pour les montz de Sygée: mais apres que la paix fut acquise par victoire, <sup>Pyttacus ay-
ma mieulx
honneur que
prouist.</sup> laissa outre le gré des citoyens ledict gouuernement, afin qu'il ne demourast seigneur de leur ville plus outre que la necessité de la republique le requeroit. Or comme on luy feit offre de la moitié de ce territoire reconuré sus les Atheniens par le consentement d'vnchascun, ne tint compte de ce present, estimant estre des honnestes, de diminuer la gloire de sa vertu acquise en guerre, pour la grandeur de ce butin & proye.

¶ D'Aristide Athenien.

Il me fault faire recit de la prudence d'vn, afin que ie face mention de la iustice de l'autre. Comme Themistocles par trefmeure deliberation & sain conseil eut persuadé aux Atheniens de laisser leur ville, & faire guerre nauale cōtre Xerxes, apres auoir vaincu ledict Xerxes, & poulsé hors de Grece sa gendarmerie, commença à remparer les lieux ruinez, & les remettre en leur premier estat, & raschoit secretement amasser richesses, pour plustost paruenir à la principauté de Grece. Puis dist en vne harengue au peuple: Seigneurs Atheniens, j'ay vne chose en ma phantasie, que si Fortune souffre qu'elle paruienne à son effect, ie feray le peuple d'Athenes le plusgrand & puissant de toute la terre: mais il ne fault descouvrir l'affaire. Lors demāda quelqu'vn à qui il peust <sup>La iustice de
Aristide.</sup> secretement exposer la besongne: Aristides luy fut baillé: mais quand il congneut que le propos de Themistocles estoit de brusler toute la flotte des nauires des Lacedemoniens, qui estoit au haure de Gythée, afin que lesdictes nauires bruslées, les Atheniens fussent seigneurs de la mer, se tire vers les citoyens, & leur dist, que vray estoit que Themistocles auoit conceu en son esprit vne chose vtile, mais non iuste & droituriere. Incontinent tout le peuple commença à dire, que puis que la chose n'estoit equitable, il n'estoit expediēt de la mettre à fin, & commanda à Themistocles de cesser son entreprinse.

¶ De Zaleucus de Locres.

On ne trouue exemples de plusgrande iustice, que ceulx qui ensuyuent. Apres que Zaleucus eut muni la ville de Locres en Calabre, de trefutiles &
bonnes

Le sixième Liure

La iustice de
Zaleucus.

bönnés loix, son filz fut trouué en adultere, qui selon la loy (par le pere ordonnée) deuoit auoir les deulx yeulx creuez, toute fois pour l'honneur dudiſt pere tout le peuple pardonnoit à ce ieune homme : ce neantmoïs lediſt Zaleucus quelque temps repugna, mais finablement vaincu par les prieres duſtiſt peuple, ne feit arracher les yeulx à son filz, ains s'en feit arracher vn, & à son filz l'autre, en delaissant l'viage de la veue à luy & à son filz. Ainsi fut reduë la peine due pour le crime selon son ordonnance, & par merueilleuse attrempance d'equité, se monstra pere misericordieux, & iuste legislateur.

¶ De Charondas Thurien.

Charondas se
tua pour gar-
der iustice.

La iustice que feit Charondas Thurien fut plus aspre & seuerè que la susdiſte. Cestuy auoit mis ordre aux gens de court, qui souuent auoyent des dissensions, iulques à tirer leurs espées en plaine audience, & blecer l'un l'autre : faisant ediſt que si aucun entroit en ladiſte court, avec espée, ou glaiue inuassible, soudain seroit occy. Quelques temps apres ce statut, cestuy Charondas ayant son espée ceinte, retournant de quelque loingtain lieu qu'il auoit aux champs, passa par ladiſte court, ayant par meſgarde ladiſte espée au costé : lors quelqu'un prochain de luy, luy va dire, qu'il auoit rompu son ordonnance. Or diſt il, ne te soucie, ie la cõfermeray. Puis sans tarder desgaine son espée, & s'en donne au trauers le corps. Et combien qu'il eust peu defendre la coulpe par meſgarde, si ayma il mieulx endurer la peine que de frauder iustice.

¶ DE FOY, OV LOYAUTÉ PVBLIQUE.

CHAP. VI.



Pres auoir mis deuant les yeulx d'un chascun la vraye effigie & image de iustice, la diuinité venerable de foy, ou loyauté tend sa main (qui est le tres certain gage des humains) pour donner à congnostre qu'en tout cõtract, quand on presente la main l'un à l'autre, on doit garder foy & loyauté, sans nullemēt l'enfreindre. Laquelle a esté tousiours en nostre ville Rommaine, comme bien ont eu l'experience toutes nations, ainsi que nous le dõnerons à cõgnostre en peu d'exẽples subsequens.

¶ Du senat peuple Rommain.

La loyauté
des Rõmains
enuers le filz
de Ptolomée.

Après que le roy Ptolomée eut delaisse le peuple Rommain pour estre tuteur de son filz : le senat enuoya en Alexandrie Marc Emille Lepide, grand euesque, qui auoit esté deux fois consul, pour prendre la tutele dudiſt enfant : & ayma mieulx que ce grand & vertueux personnage eust l'administratiõ de la republique des estrangers, que de la leur propre, afin que l'aide & loyauté des Rommains, demandée de leurs amis, & alliez, ne fust estimée frustratoire & vaine, par la courtoisie & bienueillance desquelz ce ieune enfant royal fut conserué, & grandemēt honoré, si qu'il estoit en doute, de quoy il auoit plus receu d'hõneur & gloire, ou de son tuteur, ou de la race & extraitiõ paternelle.

¶ De la cité Rommaine.

La cité Rommaine fut d'excellente & singuliere loyauté : comme on verra par cest exemple. Durant la premiere bataille punique, vne grand' flotte de nauires Carthaginoises fut conduicte enuiron Sicile, mais les capitaines d'elle

celles, perdant coeur, pour les iournelles escarmouches que leur faisoient les Rommains, furent d'aduis de composer avec lesdictz Rommains: parquoy fut determiné qu'il seroit bon que leur coulonnal nommé Amilcar, fut enuoyé pardeuers eulx: mais respondit qu'il n'oseroit, craignant qu'on ne luy feist comme ilz auoyent fait au consul Cornelius Asina, qui auoit esté mal traicté en la prison par eulx. Lors Hanno, qui mieulx cōgnoissoit le coeur des Rommains qu'Amilcar, n'ayât desfiace qu'ilz luy feissent quelque lasche tour, avec grand confiance & asseuré s'en alla parlementer à eulx: & comme il parloit de la paix, vn tribun de guerre luy dict: Il te pourroit bien aduenir, comme il aduint à Cornille. Mais les deux consulz commanderent audiect tribun de se taire, disant au capitaine Hanno: La loyauté des Rommains te fait exempt de ceste crainte, capitaine Hanno. La victoire qu'auoyent eu lesdictz Rommains contre les Carthaginois, & leur capitaine Hanno, les rendoit grandement honnorez, mais la loyauté de quoy ilz vsérēt enuers lesdictz Carthaginois, les annoblit dauantage.

Loyauté des
Rōmains en-
uers les Car-
thaginois.

¶ Du mesme senat.

Les conseilliers Rommains monstrerent pareille loyauté ausdictz Carthaginois ennemis, en gardant le droit de legation. Du temps que Marc Emile Lepide, & Lucius Flaminius estoient consulz, ilz enuoyerent par certains heraultz d'armes Lucius Minutius, & Lucius Manilius, qui auoyēt fait violence aux ambassadeurs de Carthage, les rendans entre les mains desdictz ambassadeurs, pour en faire à leur plaisir. Ledit Senat n'auoit esgard que les Carthaginois l'auoyent bien meritē, qui tant de fois auoyent rompu leur foy, mais consideroit qu'il falloit garder le droit humain, & foy publique.

On ne doit
faire tort à am-
bassadeur.

¶ Du premier African.

Le grand African, suyuant l'exemple du senat, apres auoir prins vne nauire chargée de plusieurs gentilzhommes Carthaginois, les laissa aller, pource que ilz disoyent qu'ilz estoient enuoyez pardeuers luy en ambassade: combien qu'il fust tout apparent qu'ilz se courussent du tiltre d'ambassade, pour fuir le peril ou ilz estoient. Or feit ledict African cest acte, & ayma mieulx que sa loyauté fust deceue, qu'on dist qu'elle eust esté demandée en vain.

La loyauté du
premier Afri-
can.

¶ Du senat & peuple Rommain.

Faisons icy mention d'un acte du parlement Rommain, qui ne doit aucunement estre omis. Certains ambassadeurs auoyent esté enuoyez de la ville de Appollonie à Romme, lesquels furent blecez par Quintus Fabius, & Cneus Apronius estans escheuins, en vne noise qui sourdit entre eulx. Ce que voyāt le senat & le peuple Rommain, rendirēt lesdictz escheuins par heraultz d'armes, entre les mains desdictz ambassadeurs, & commanderent à vn tresorier, qu'il les conduisist iusques à Brindes, afin que les alliez desdictz escheuins, ne feissent aucun tort en chemin à ladicte ambassade. Si on cōsidere bien que c'est que de ceste court & parlement Rommain, on iugera plustost auoir esté vn

La loyauté du
senat Rōmain

○ vray

Le sixième Liure

vray temple de loyauté, ainsi que nostre ville a vſé benignement tousiours enuers toutes nations: aussi par semblable les alliez & confederez ont fait la pareille enuers elle.

¶ Exemples des estrangers.

Loiyauté des
Sagontins.

Après la pitoyable deffaiſte des deux Scipions, & de leurs deux exercites en Eſpaigne, les Sagontins contrainctz de ſe retirer dedans leur ville, à raiſon des compagnies de Hannibal, qui auoyent obtenu la victoire contre les Romains, comme leſdictz Sagontins, après auoir demandé ayde auſdictz Romains, n'euffent ſceu plus ſouſtenir l'effort de Hannibal, & repoullier la force Carthaginoiſe, tous aſſemblerent leur plus precieux meuble au milieu d'une grande place, & ymiſrent le feu, & de crainte qu'ilz ne failliffent à nouſtenir loiyauté & fidelité, ſe ieſterent deſſus leſdictz biens, & ſe bruſlerét. Je péſe qu'à ceſte heure la foy & loiyauté qui contemploit la beſongne de ces pources Sagontins eſtoit bien triſte & deſplaiſante, de voir que pour ſeruir ſi conſtamment, ce peuple icy par le iugement de Fortune, eſtoit ſi mal traité. En faiſant le ſemblable les Petilins meriterent pareil honneur, pource qu'ilz ne voulurent laiſſer noſtre amitié, pour ſuyuir le party de Hannibal, furent aſſiegez, enuoyerent ambassadeurs aux Romains, les faiſant certains de leur aſſiegement, & demandant ayde: leſquelz on ne peut ſecourir pour la recente deffaiſte des Canneſ. Parquoy leur fut reſpondu qu'ilz ſe ſauuaſſent ſ'ilz pouoyent. Donc eſtoient ilz en liberté d'acquérir la grace des Carthaginois: mais trouuerent le moyen de mettre les femmes, petis enfans, & tous ceulx qui ne pouoyent ſeruir à la guerre, hors de leur ville, afin qu'ilz prológeaſſent leurs viures: & ainſi ſe tindrent obſtinément en leurs murailles, & fut premieremēt toute leur ville deſtruite, que de delaſſer noſtre alliance. Voila comme Hannibal ne print Petile ville du pays de Calabre, ainſi le ſepulchre des loyaux Petilins.

La loiyauté des
Petilins.

¶ DE LA LOYAVTE DES FEMMES EN- uers leurs mariz.

CHAP. VII.



La loiyauté de
la femme du
premier Afri-
can.

Fin que nous touchons de la loiyauté des femmes, premiere-
ment nous parlerons & ferons mention de Tertia Emilia, laquel-
le eſtoit la femme du premier African, & mere de Cornille, qui fut
mere de Caius & Tibere Gracques. Ceſte noble dame fut de ſi
grāde patiēce & courtoisie, que cōbien que ſon mary entretint vne ſiēne chā-
briere, toutes ſois n'en feiſt ſemblant, de crainte que par ſon impatience elle ne
ſcandalifaſt ce grand & puiſſant ſeigneur, qui eſtoit dompteur de toute la ter-
re. Et qui plus eſt, ne deſira ſe venger de ladiſte chambriere: mais après la mort
dudiſt African, de ſerue la feiſt franche & libre, & la donna en mariage à vn
ſien ſerf pareillement affranchy.

¶ De

¶ De Turie femme de Quintus La-

cretian.

Turia garda son mary Lucrece entre la couuerture & la voulte de sa chambre, & n'y auoit que sa chambriere qui en sceust rien. Cestuy estoit proscrip-
 par les trois hommes. Ceste bonne dame le sauua de ce grand danger, & non
 sans grand peril d'elle mesme: car il estoit ordonne que quiconque receleroit
 vn proscrip, il perdrait la teste. Elle feit par sa singuliere fidelite, que iacoit ce
 que les autres proscrip, en regions estranges & hostiles en grand tourment
 & trauail de leurs corps, à grand peine euadassent la mort. Cestuy fut sauf &
 assure en sa chambre entre les bras de sa femme.

Proscrip
 soit mettre
 en escript au-
 cun qu'on vou-
 loit faire tuer,
 & le tuoit on
 en sa maison,
 ou en la rue,
 ou on le trou-
 uoit.

¶ De Sulpice femme de Lentulus.

Comme Sulpice fut diligemment gardée de sa mere Iulie, afin qu'elle ne
 s'en allast en Sicile avec son mary Lentule Crustelion, qui auoit esté proscrip
 & condamné à mort par les triumvires, ou trois hommes: ce neantmoins s'a-
 coustra d'une robe commune, & habit de seruiteur: puis avec deux de ses chā-
 brieres, & autāt de seruiteurs, s'en alla secretemēt ou il estoit, & ne feit diffi-
 culté de se proscrire, afin que la loyauté qu'elle auoit à son mary proscrip &
 condamné, fust manifestée à iceluy.

La loyauté de
 Sulpice envers
 Lentule.

¶ DE LA FIDELITE DES SERVITEURS

enuers leurs maistres.

CHAP. VIII.



Elle à reciter la fidelité des seruiteurs enuers leurs maistres: laquel-
 le d'autant qu'elle est moins esperée, d'autant est elle plus loua-
 ble.

¶ D'un certain seruiteur de Marc
Antoine.

Marc Antoine, qui du temps de noz predecesseurs & grandz peres estoit
 tres excellent orateur, fut accuse d'inceste: & sur toutes choses ses accusateurs
 vouloyent tirer en iugement vn sien seruiteur, pource qu'en allant faire ce mes-
 chief, ledict seruiteur portoit vne lanterne deuant luy. Or estoit ce seruiteur
 ieune & sans barbe, debout deuant eulx, & voyoit que la matiere luy touchoit,
 & qu'il en pourroit estre puny, ce neantmoins n'euit la peine: mais quand fut
 venu à la maison, il dist à Antoine son maistre, qui à ceste cause estoit grande-
 ment soucieux & confus: Mon maistre, souffrez hardiment que les iuges me
 examinent, & me mettent aux tortutres, car soyez seur qu'il ne partira mot de
 ma bouche qui vous nuise: ce qu'il feit, en sorte que par merueilleuse patience,
 monstra foy de sa promesse: il fut maintes fois fesse, mis en la gehenne, & ards
 de lames ardantes: ainsi en gardant l'honneur & vie de son maistre, par peines
 & tourmens, destourna il la malueillance des accusateurs. Fortune peult estre
 iustement blasmée, d'auoir mis dedans vn corps seruil, vn tant loyal & con-
 stant esprit: certes il auoit desseruy estre enclos d'une char franche & libre.

Loyauté du
 seruiteur d'An-
 toine.

O u

¶ D'un

¶ D'un serviteur de Caius Marius.

La loyauté du serviteur de Marius.

**¶ De Philocrates, ou Euporus seruiteur
de Gracchus.**

La loyauté du serviteur de Gracchus.

¶ De Pindarus seruiteur de Cassius.

La loyauté du serviteur de Calsius.

Des

¶ Des seruiteurs de Cneus Plotinus Plancus.

Cneus Plotinus Plancus, frere de Munacius Plancus, qui autrefois auoit esté consul & censeur, s'adioignit à ces meurdres dont nous auons parlé. Or cōme cestuy estoit condemné des trois hommes, trouua moyen d'euitier, & s'alla cacher à la region de Salerne: mais à raison qu'il auoit de coustume par grande curiosité vser de diuerses odeurs meslées ensemble avec huile & baulme, & en aromatiser son corps, cela le descouurit & luy fait perdre la vie: les bourreaux qui le cherchoyent furent si subtilz & cauteleux, qu'ilz le suyrent partout, au train de telles senteurs, & paruinrent iusques au lieu ou il estoit caché: & en entrant en la maison, prindrent ses seruiteurs, qui pareillement estoient cachez, lesquels furent grandement & longuement tourmentez, pour enseigner ou estoit leur maistre, mais enduroyent la peine, disans qu'ilz ne sçauoyent ou il estoit: ce que voyant Plancus, ne sceut endurer ses bons & loyaux seruiteurs plus outre estre flagellez & batuz: ains saillit, & se presenta pour estre occy par les glaiues desdictz soudardz & bourreaux. Ce debat de mutuelle bienueillance entre le maistre & ses seruiteurs, fait qu'on soit en difficulté, lequel est plus digne de louenge, ou le maistre, qui fut tant misericordieux enuers ses seruiteurs, qu'il voulut mourir pour les deliurer de peine, ou les seruiteurs, qui se monstroyent si constans, & si loyaux enuers leur maistre.

La loyauté
des seruiteurs
de Plancus.

¶ Du seruiteur de Panopion.

Le seruiteur d'Urbain Panopion fut de merueilleuse loyauté: lequel quand congneut que certains soudardz estoient venuz à la ville de Reate, pour occir son maistre prosript, qui fut enseigné par ses domestiques ou prochains, print sa robbe, luy bailla la sienne, changea son anneau, le fait euader par vn petit huis de derriere, se mit en la chambre, se coucha sus le liét, & souffrit que lon le tuaist, comme si c'eust esté Panopion. Ceste narration icy est briene, mais ce n'est pas matiere de petite louenge. Or si quelqu'un vouloit mettre deuant ses yeulx la soudaine venue des soudardz qui le cherchoyent, le brisement des portes, les menaces, le cruel maintien, les armes reluisantes, il considerera cō qu'il en fault considerer: & à peine pourra il croire qu'aucun voulsist mourir pour autrui si legerement. Panopion monstra apres combien il estoit tenu à sondict seruiteur, luy rendant le plaisir: car il luy fait faire vn beau sepulchre, avec vn epitaphe contenant sa loyauté. Il me suffiroit de faire plus memoire de telles sortes d'exemples, si la merueille du faict ne me cōtraignoit d'en reciter encore vn.

La loyauté du
seruiteur de
Panopion.

¶ Du seruiteur d'Antius Restio.

Antius Restio prosript par les trois hommes, voyant tous ses domestiques occupez à piller ses biens, tant qu'il peut dissimula sa fuite, iusques à la nuit qu'il se retyra hors de sa maison, lors que tout le monde reposoit: ce que contemplant curieusement vn sien seruiteur, lequel auoit esté par luy lié, bastu, fustigé, & gasté par le visage de cauteres & fers chaultz, par bonne affection suyuit sondict maistre, & ne l'abandonna par ce plaisir & seruice tant exquis, doubtable, & perilleux (car ledict seruiteur se mettoit en danger d'estre puny comme Restio) parant il au comble de pitié & de bonaireté non esperée du-

Le sixième Liure

La loyauté du
seruiteur de
Antius.

dict maître. Ceulx qui auoyent esté bien traictez, & doucement entretenus, estoient tédibles & amusez à prendre, & faire leur proufit des richesses d'Antius. Et cestuy qui n'estoit autre chose que la demonstrance & pourtraicture des peines que luy auoit faict son maître, tesmoing son visage, estima qu'il feroit vn grand gaing, & acquerroit grandz biens, de sauuer celuy qui luy auoit faict tant de tort. Or comme ce fut largement faict, de luy auoir pardonné, il ne luy suffist pas, ains luy monstra grand signe d'amour, en l'accompagnant: & son amitié proceda encore plus oultre: car pour luy sauuer la vie vfa de merueilleuse subtilité. Or quád il apperceut que les meurtriers furent venuz pour le tuer, tira sō maître à part en quelque lieu secret, puis va faire vn grand feu, & occit vn pource viellard mandien, & le mit dedans ledict feu. Et comme lesdictz satellites demandoyent ou estoit Antius, montrant le feu du doigt leur dict qu'il estoit dedans, & qu'il se vengeoit des tourmens qu'autrefois luy auoit faict: pource que ceulx cy congnoissoient la chose estre vraisemblable, & que ledict Antius auoit fort mal traicté ledict seruiteur, ilz creurent à ses parolles: dont il aduint qu'Antius trouua l'opportunité de se sauuer.

¶ DE LA MUTATION DES MEURS, & de Fortune.

CHAP. IX.



La mutation des meurs & de Fortune qu'on a veu auoir esté en excellens personnages, peult donner aux coeurs humains beaucoup de fiance, & oster d'iceulx sollicitude & ennuy, si nous prenons garde à nostre estat & à celuy d'autrui. Certes quád nous contéplons que gens de basse condition & humble degré, sont paruenuz à haultesse & grandz biens, qui nous gardera que nous ne pensions & esperions pouoir eschoir à meilleure chose: en recordant & considerant en nousmesmes, que celuy n'est pas sage ny en bon sens, qui s'estime estre tousiours maleureux, & qui conuertit son esperance (combien qu'elle se nourrisse en fondement incertain) en desespoir certain?

¶ De Manlius Torquatus filz de Lucius Manlius Torquatus.

Comme Manlius Torquatus
châgea ses conditions.

Manlius Torquatus fut estimé en sa ieunesse, de si hebeté & de gros entendement, qu'il fut enuoyé par son pere (qui estoit hōme de grande autorité) aux champs, pour vaquer aux oeuvres mechaniques, pource qu'il luy sembloit estre inutile aux choses domestiques, & inhabile à la republique. Consequemment iceluy par son habilité & prudence deliura son pere du peril d'estre condamné en la court: & pareillement feit couper la teste à vn sien filz, qui auoit bataillé contre ses ennemis oultre son cōmandement, combien que ledict filz demourast vainqueur, il mit hors de foucy & ennuy le pays, qui estoit grandement perplex & lassé, pour la guerre sociale ou latine: c'est adire que les Latins

tins auoyent contre les Rommains: & de ce il triump̃ha. Je pense que Fortune permit qu'il fust ainsi contemné & desprisé en sa ieunesse, afin que sa vieillesse fust plus honorée & prisee.

¶ Du premier Scipion l'African.

Le premier Scipion surnommé African, que les dieux immortelz feirent naistre, afin que toutes vertuz fussent en luy, & que leur effect se monstrast à tout le monde. en ses premiers ans de son adolescence, fut de vie dissolue, reste qu'il fut chaste: toutefois enuiron l'aage de vingt & quatre ans subiuga Carthage, & triump̃ha pour la victoire d'icelle.

Le premier Scipion en sa ieunesse dissolu.

¶ De Caius Valere Flaccus.

Valere Flaccus, du temps de la seconde bataille Punique, se print à viure en sa ieunesse en toute ordure & impureté: mais il fut fait prestre par Publius Licinius grand euesque, afin que plus facilement il desistast de sa meschante vie: dont aduint que son coeur se changea, mit son estude au cultiement & sacrifice des dieux, fut sobre & deuot: & d'autant qu'il auoit esté auparauât prodigue, abandonné & superflu, d'autant fut il parapres modeste & plein de sainteté.

Valere Flaccus mal viuant en son ieune aage.

¶ De Quintus Fabius Maximus.

Quintus Fabius Maximus, qui pour la victoire qu'il eut des Gaullois de Sauioue, acquit à luy & à sa posterité le surnom d'Allobrox, c'est adire Sauoisien: en sa ieunesse fut de maleureuse & fâcheuse conuersation: mais on ne veit onc de ce temps là, plus honneste personnage qu'il fut en sa vieillesse.

Fabius Maximus en son ieune aage mauvais garçon.

¶ De Quintus Catule.

Qui est celuy qui doute que Quintus Catulus ne fut aussi bien estimé & esleué en dignité & hault estat, qu'aucun grand personnage qu'on veist de son temps? toutefois si on veult prendre garde quelle vie il auoit demené en ses tendres ans, on ne trouuera que superfluité & delices, qui ne l'empescherent qu'il ne fust seigneur & gouuerneur du pays, & que son nom ne fust graué au hault du capitolé, mesme qu'il n'appaisast par sa vertu la bataille ciuile, qui commençoit par grande impetuosité & violence.

Catule en son commencement meschant.

¶ De Lucius Sylla.

Lucius Sylla iusques à ce qu'il fust fait grand tresorier, fut paillard, yrogne, & ayât tousiours avec luy, badins, bastelers, & telles sortes de gés. Pourtant dict on que Caius Marius consul ayant aspre guerre en Afrique fut fort mal content qu'on luy auoit enuoyé ce tresorier ou grand preuost si delicat & effeminé. Par quelque espace de temps ses vices se tournerent en vertuz: en sorte qu'il feit prendre & emprisonner Iugurtha, retrencha les entreprises de Mithridates, refrena par sa prudence la bataille sociale que les Latins auoyent entrepris contre les Rommains: rompit Cinna, & cōtraignit Marius proscript & exilé (qui auoit esté fâché de luy quand fut enuoyé questeur en Afrique) de s'enfuir en ladicte prouince. Or si quelqu'un vouloit diligemment considerer ceste contrariété & repugnance de vice en cestuy Sylla, il croiroit quasi qu'en un homme il y eust eu deux Syllas: c'est asçauoir un ieune Sylla de-

Les imperfections de Sylla.

praué & de falle vie, & vn vieil Sylla, vertueux, prudēt, & sage, s'il n'eust prins gloire à se faire nommer Sylla le bienfortuné.

¶ DE CEVLX QUI SONT PARVENVS DE
bas estat à estre hault montez.

CHAP. X.



Insi que nous auons parlé des nobles personnages, qui (se repentās d'auoir mal vescu en leur ieunesse) parapres amenderent leur vie, ausi nous fault faire mention de ceulx, qui (iaçoit ce qu'ilz fussent en bas degré nourris) si osèrent ilz esperer de se faire grandz.

¶ De Titus Aufidius.

Aufidius, de
petit cōpagnō
deuint grand
seigneur.

Comme Titus Aufidius eut vne petite partie de la recepte d'Asie, apres trouua le moyen d'estre consul extraordinaire de toute ladicte prouince. Pour cest affaire ses compagnons ne desdaignerent obeir à cestuy estant consul, lequel auoyēt veu faire la court, & supplier les autres iuges & gouuerneurs. Or ledict Aufidius se porta en cest office si entierement & honnestement, que si on l'auoit veu parauant de petite estoppe, on deuoit attribuer le maleur à Fortune, & l'accroissance de sa dignité ou il fut apres constitué, on la deuoit imputer à ses meurs & vie honneste.

¶ De P. Rutilius.

L'elevation de
Rutilius.

P. Rutilius ne fut pas receueur en Sicile, ains seruiteur des receueurs: en sorte qu'il trouua l'inuention de substenter son extreme poureté soubz la charge desdictz receueurs, & quelque fois l'autorisoyent de receuoir en leur absence, & estoit comme substitut. Apres ceste poureté deuint grand seigneur, en sorte qu'il fut consul: puis fait plusieurs statutz & ordonnances aux Siciliens: d'auantage les deliura de l'incursiō des Pirates & escumeurs de mer: & ausi de la guerre des seruiteurs. Je pense bien que s'il y auoit entendement & sens aux choses mues, les portz & haures de Sicile s'esmeruelleroyent de si grande mutation d'estat en ce mesme homme: car celuy qu'ilz auoyent veu pource procureur exigeant & cueillant les deniers publiques, iceluy mesme veirent establir ordonnances, faisant droit à vnchascun, capitaine & gouuerneur des nauires, & des compagnies Rommaines.

¶ De Publius Ventidius.

Ventidius premierement
muer, puis consul.

Je parleray icy d'un qui fut de bas estat encore plus esleué, que celuy dont ie viens de parler cy dessus. Quand la ville d'Estuelin en la marche d'Ancone fut prinse, le pere du grand Pompée deliura à son triumphe Ventidius en l'age de quatorze ans: lequel auoit esté fait prisonnier pour quelque delict. c'est cestuy mesme Ventidius, qui triumpha des Parthes, & vengea Crassus & les autres, desquelz les os gisoient pitoyablement en la terre desdictz Parthes ennemis. Celuy donc qui estoit entré ignominieusement en la prison, cōme vainqueur honnora le capitol, faisant entrée en iceluy en estat de triumphe. On veit vne chose excellente en iceluy, c'est qu'en vn mesme an fut fait preteur & consul.

¶ DE

¶ DE LA VARIETE DES ADVENTURES
de Fortune.

CHAP. XI.

¶ De L. Lentulus.



Contemplons maintenant la varieté de Fortune, & les adventures d'icelle. L. Lentulus qui autrefois auoit esté cōsul, par la loy qu'auoit fait Cecilius, fut condamné à certaine somme de pecune, ou à exil, pour ce qu'il auoit aucunement defraudé l'argēt de la republique, puis soudain fut créé censeur avec L. Césorin. Ainsi se môstra enuers cestuy fortune voluble, en luy faisant ce deshonneur apres la dignité de cōsul, & apres cest opprobre le reestablisant à l'office de censeur. Par ce ne permit qu'il iouyst tousiours du bien qui luy estoit aduenue, n'aussi qu'il endurast tousiours le mal ou il estoit tombé.

Les fortunes
de Lentulus.

¶ De Cn. Cornille Scipion, surnommé Asneffe.

Fortune voulut vsr de pareille puissance alencontre de Scipion surnommé l'Asneffe, lequel estant cōsul, fut prins des Carthaginois à Lipare, & de droit de guerre perdit tous ses biens, puis fauorisé d'icelle fortune recouura tout, & fut créé derechef cōsul. Qui eust pensé que de cōsul, il fust deuenue prisonnier entre les mains desdictz Carthaginois? Qui eust creu au contraire, que de prisonnier eust esté fait cōsul? & toutefois de la dignité cōsulaire fut fait captif, & de captiuité reuint il en son pristin honneur.

Les fortunes
de Scipion,
Asina.

¶ De Crassus nommé le Riche.

Que dirons nous de Crassus, qui pour la grandeur de ses biens fut surnommé le Riche: mais poureté par apres le feit appeller le prodigue & gourmant. Son bien fut passé par decret, pour ce qu'il ne pouoit payer entierement ce qu'il deuoit à ses credeurs: puis fut moqué & truffé, car quand quelqu'un le récontroit, le saluoit, & l'appelloit par moquerie Crassus le gourmant & dissipateur de son patrimoine.

La poureté de
Crassus.

¶ De Quintus Cepio.

Quintus Cepio fut encore plus malheureux que Crassus, car apres auoir esté preteur, apres auoir triomphé, & apres auoir esté cōsul, apres auoir esté euesque, & apres auoir esté nommé le patrō & defenseur de parlement, mourut en prison, puis son corps fut mis en pieces par vn meschant bourreau, & pendu à vn gibet, qu'on appelloit en Romme l'eschelle de Gemonius, lequel fut regardé & veu d'un chascun, si que tous ceulx qui asistoyent à la iurisdiction qu'on appelloit la court Rommaine, en eurent horreur.

La fin malheureuse de
Cepio

¶ De Caius Marius pretendunt auoir office.

Caius Marius eut de grandes controuersies avec fortune: toutefois soustint il tous ses assautz trescōstamment & vertueusement, tant par sa magnanimité de coeur, que par sa force corporelle. On en faisoit si peu de compte à la ville d'Arpes en Calabre, d'ou il estoit natif, qu'il ne sceut en icelle iamais obtenir dignite: toutefois osa il demander à Romme l'office de questeur, c'est à dire treiorier, ou grand preuost. il endura souuentefois d'estre refusé & escon-

dit

Marius eut bon-
nes & mauuais
ses fortunes.

dit, ce neantmoins ne laissa à pourfuyuir ses entreprinſes: ſi qu'il ſemble plus toſt auoir eu entrée à la court Romaine, par force qu'autrement. Il fut pareillement eſcondit avec honte & ignominie, quand il demanda à eſtre tribun, & eſcheuin, finalement fut preteur, non ſans grand danger de ſa perſonne, car on l'imputoit qu'il en auoit baillé argent: parquoy à grand difficulté fut il abſoulz des iuges. De ſi petit eſtat ou on le veid premierement, il deuint à merueilleuſement grâd: il dompta l'Afrique, triompha de Iugurtha roy, & le feit marcher enchainé deuant ſon chariot, deſtruiſit l'exercite des Suiſſes, Oſtre-
lins, Dains, & Friſon: on veoit en Romme les apperceuances de deux trium-
phes, quil obtint. on lit aux annales de ladiſte ville comme il fut ſept fois cō-
ſul. Apres qu'il fut exilé, on le feit cōſul: & apres auoit eſté proſcript, luy meſ-
me feit vne proſcription d'aucuns ſes ennemys. Que fut il plus inconstant &
muable que l'eſtat d'iceluy: leſq̃l ſi on le couche entre les maleureux, on trou-
uera qu'il fut treſinfortuné: ſi au cōtraire, on le nombre entre les biéfortunez,
il ſera trouué treſeureux.

¶ De Caius Cefar.

L'infortune
de Iules Cefar

Caius Cefar, duquel les vertuz & graces luy feirent chemin pour entrer au
ciel. En ſa grand ieuneſſe, n'ayant encore aucune charge, comme il faiſoit vn
voyage en Aſie, fut prins des pirates de mer, enuiron l'iſle de Pharmacuſe, &
paya de rançon cinquante talentz ou bezantz, qui valoyent cinquante liures
la piece, donc la fortune voulut & permit que la clere eſtoille du monde Iules
Cefar fuſt compenſé à ſi petite ſomme d'argent en la naſſelle des pirates & lar-
rons de mer. Qu'eſt il beſoing de faire plus oultre plaintes de ceſt affaire, ſi ce-
ſte Fortune qu'on fait deeſſe n'eſpargne point meſmes ſes compagnons qui
ſont deifiez, comme Iules Cefar, que les Rommains eſtiment eſtre vn dieu par
ſolle erreur: mais ceſte diuinité (c'eſt à dire Iules Cefar) ſe ſceut bien venger de
ſes ennemys: car les feit prendre, & puis pendre. Nous auons rememoré
les exemples de noſtre nation, aſſez diligemment, nous ne prendrons pas ſi
grand peinié à faire recit des exemples des eſtrangers.

¶ Exemples des eſtrangers.

¶ De Polemon philoſophe Arbenien.

En Athenes fut vn ieune homme nommé Polemon, adonné à tout plaiſir
mondain, comme lubricité, prodigalité, ieuz, yurongnie, & autres choſes ſem-
blables. Ceſtuy ne ſe delectoit ſeulement à telles manieres de voluptez, ains
ſe reſiouyſſoit qu'il en eſtoit ſcandalizé & diffamé. Or comme quelque fois il
euſt continué à gaudir & gourmander depuis le ſoir iuſques à lendemain ſo-
leil leué, ſ'en retournant à ſa maiſon, il veid la porte du philoſophe Xenocra-
tes ouuerte: & ainſi comme il eſtoit encore plein de vin, ſes membres reſper-
ſez, & oingtz d'odeurs & bonnes ſenteurs, le bouquet & fleuron ſur l'oreille,
veſtu d'vne robe oriante & luiſante comme plume de pan, entra dedans ce
college tout plein de gens ſçauans: & ne luy ſuffit d'y auoir fait entrée ſi or-
de, ains auſſi ſ'aſſit, afin qu'il deſtourbaſt le treſexcellant parler, & empeſchaſt
la treſprudente doctrine de ceſtuy Xenocrates, par ſes yurongnies, & geſtes
laſches,

lasches. Adonc tous en furent mal contens, comme il estoit raisonnable, mais Xenocrates n'en changea de contenance, mais laissa son propos, & se print à parler de modestie, & attrempance. Lors Polemon pour la grauité de ceste harangue esmeu & incité, fut contraint de recongnoistre ses folies, & deuenir sage: premierement vint mettre la main à sa couronne de fleurs, ou bouquet, l'arracha de son chef, & la iecta contre terre. Peu apres remit son bras dessous son manteau, lequel il auoit tiré par gorgiaseté & braueté: par trait de temps osta ses ris dissoluz, & façons ioyeuses, & finablement toute superfluité & prodigalité, si qu'il fut guéri par la medecine d'une oraison. & d'un infame ruffien deuint grâdisime philosophe. il mena pour un temps ceste maleureuse vie, mais il ne perseuera pas.

La mutation
des meurs de
Polemon.

¶ De Themistocles.

Ce me poise de toucher la ieunesse de Themistocles: pour les folies duquel son pere le mancipa, & priua de ses biens: & sa mere se pendit, ayant honte de sa detestable & orde vie. Ce neantmoins cestuy entre tous les Grecz à la fin se trouua le plus excellent & mieulx renommé, & tint l'Europe & l'Asie en balance & perplexité d'esperer ou desesperer de luy. Europe ou estoit assise Athenes d'ou ledit Themistocles estoit, eut grand espoir en luy, quand il iecta par son conseil Xerxes roy des Persans hors de Grece. Asie aussi, dont estoit roy Xerxes eut espoir aussi audit Themistocles, quand les Atheniens le bânirent, & qu'il s'en vint vers Xerxes luy demandât secours, & à cest heure là les Atheniens eurent grand desespoir de luy. Donc Europe pour un temps le tint pour son patron & defenseur. Et Asie le receut come pleige & garant de sa victoire contre les Atheniens: car quand il se fut retiré avec Xerxes, il luy promit de luy rendre toute la Grece en son obeissance, s'il vouloit faire de son conseil.

Le chagemēt
de la vie de
Themistocles.

¶ De Cimon Athenien.

Les Atheniens voyant le commencement de la ieunesse de Cimon estre adonné totalement à folie, iugerent qu'il ne seroit iamais qu'un fol: mais quand il fut en aage d'homme, ceste folie se tourna en grande sagesse, & gouverna tresbié lesdictz Atheniens, si qu'iceulx Atheniens se blasmerent de leur opinion qu'ilz auoyent eue de Cimon, croyans qu'il seroit tousiours plein de folie: & s'esbahirent de sa grande sagesse.

La folie de Cimon se changea en sagesse

¶ D'Alcibiades.

Il semble quasi que deux fortunes gouvernassent Alcibiades, & qu'elles l'eussent party moitié par moitié. L'une luy donna noblesse excellente, grands biens, beauté singuliere, grace & amour de ses subiectz & citoyens, & grands domaines, haultz honneurs, grand puissance, & esprit tresuif & subtil. L'autre luy ottroya condemnation, exil, venditiō de ses biens, poureté, haine de son pays, & en la fin mort violente. Cestuy en eur, ou malheur ne continua ses iours, mais fut meslé de bone & mauuaise fortune, si que s'il estoit quelque temps eurent tost apres estoit maleureux, puis derechef retournoit en felicité. Ainsi sa fortune ressembloit une mer, qui à la fois est turbulente, & tempestueuse, puis calme & tranquille.

Les vertus &
vices d'Alcibiades.

¶ De Policrates tyrant & seigneur des Samiens.

L'eur, la felicité, la splendeur de la vie de Policrates seigneur des Samiens, fut de si

Le sixième Liure

La fin malheureuse de Polycrates.

de si grãde oultrepassẽ, qu'on y auoit enuie, & nõ sans cause. Certẽs toutes ses entreprinſes venoyent à fin eureuse. son esprit ataignoit le fruit de la chose desirẽe, aussi tost qu'il souhaitoit, aussi tost estoit il iouyssant de son souhait. La puissance estoit egale au vouloir. Fortune vne fois seulement mua sa face enuers luy, & luy enuoya vne amertume & tristesse, qui toutefois ne dura gueres. Or cõme cestuy tout de grẽ eust iectẽ son anneau lequel il aymoist fort, au fonds de la mer, afin qu'il ne dist pas qu'aucunefois il n'eust eu quelque aduersitẽ, & incõmoditẽ, soudain le recouura. vn peſcheur print vn poisson q auoit deuorẽ ledit anneau, & luy rapporta. Finablement Orontes lieutenant du roy Darius feit pendre au coupeau de la môteigne Mycaleſe ledit Polycrates, qui toute sa vie auoit eu le vent de felicitẽ à pleine voile : & du hault de ceste dictẽ môteigne, les Samiens, lesquelz il auoit tyranniquement & rudemẽt traittez pour aucun temps, veoyent d'un oeil ioyeux sa charrongne, & ses mẽbres tous ſouillez de ſãg & ordure, & mesmes la main gauche à laquelle Neprune dieu de la mer, auoit restituẽ l'anneau, par le peſcheur susdict.

¶ De Denys le Tyrant filz de Denys le tyrant sacrilege,
& contemneur des dieux.

Denys le tyrant second, d'abord maistre d'escole.

Denys succeda à son pere Denys le tyrat, & par droit hereditaire eut le domaine des Syracusans, & presque de toute Sicile. Cestuy fut seigneur de grandes richesses, chef & capitaine d'exercites, gouuerneur du nauigage, puissant en cheualerie: ce neantmoins paruint en si grande pouretẽ, qu'il fut contrainct de tenir escholes à Corinthe, & en ce mesme temps, par l'instabilitẽ & variation de fortune, de roy fait maistre d'escole, donna à congnoistre aux plus anciens qu'il ne se falloist point fier à icelle.

¶ Du roy Siphax.

L'infortune du roy Siphax

Après Denys le Tyrat second de ce nõ, vient Siphax roy des Numides, qui experimenta ſemblable fortune. Cestuy fut de si grande autoritẽ que les Rõmains enuoyerent Scipiõ iusques chez luy pour auoir son amitiẽ & alliance: autat en feirent les Carthaginois par leur capitaine Hasdrubal, & se trouuerẽt les deux natiõs ensemble. Quat au reste il estoit de si grãde magnificẽce, qu'on le cõstitua inge du differẽt des Rommains & Carthaginois. toutefois quelque peu de tẽps elapsẽ, fut prins & menẽ prisonnier à Scipion chef des Rõmains, par Lelius son lieutenant. Et aduint que cestuy Siphax qui auoit fait faire la court audit Scipion, & s'estoit fait honorer par reuerẽces & salutations, en feit le ſemblable, & au mesme Scipiõ. Certes ces choses icy qui sont appellẽes puissances & richesses mōdaines, sont caduques, frailes, & cõformes aux ioyaux des petis enfans. Celles richesses viennent soudain, & aussi soudain s'en võt & coulẽt, elles ne sont stables en nul lieu, ny en nulle personne, mais poussẽes ça & là par le vẽt de fortune, en vn momẽt font choir & ruiner au profõd lac de misere & calamitẽ, ceulx qu'elles ont sublimez & exaltez au sommet de felicitẽ: parquoy ne doiuent estre dictes & reputẽes biẽs, qui pour la conuoitise d'icelles nous affligent doublement, & nous font tomher en amertume.

¶ Fin du sixième Liure de Valere le Grand.

Le septième

Le septieme Liure de Va-

LERE LE GRAND.

¶ DE FELICITE, OV BONNE FORTVNE.

CHAP. I.



Nous auôs mis plusieurs exemples en ieu, de Fortune volatile, & muable, maintenant nous en reciterons de fortune constante & fauorable, mais ce sera bien peu. Parquoy il est tout apparent, qu'elle prend plus son plaisir à donner aduersitez aux hommes que prosperitez. Notez que quand icelle veult oublier sa malignité, elle assemble & ottroye nô seulement beaucoup & tresgrâds biens, mais biens qui sont de durée, accompagnans l'homme iusqu'à la mort.

¶ De Quintus Metellus.

Voyons d'oc combien elle feit de plaisirs, & de quantes sortes de bienfaictz elle enrichit Quintus Metellus, lequel elle conduisit dès le premier iour de sa naissance iusques au dernier pas de sa mort, au comble de vie eueuse, sans iamais cesser de luy vouloir bien, & luy fauoriser. Premieremēt elle voulut qu'il nasquist en Romme, qui estoit la dame & princesse de toute la terre : elle luy donna parens trefnables, beaucoup de graces, perfections, & dons d'esprit, force de corps pour satisfaire aux trauaulx, femme chaste, & fort seconde, elle le feit consul, capitaine des compagnies Rommaines, elle le feit triumpher, il veit en ce mesme temps trois de ses filz qui auoyent esté consulz, vn censeur, deux qui triumpherent, & le quart preteur, il veit marier trois de ses filles, & feit iouer leurs enfans en son gyron, il veit naistre tant de petis enfans de son sang, tant de berseaux en la maison de ses filz, filles, & neueuz, nieces, cousins, & cousines que c'estoit noblesse tant de ieunes enfans de son sang, qui prenoient la togue virile (laquelle se prenoit à quatorze ans) tant de mariages, tant de gens de sa lignée constituez en honneur : & finalement il ne veit que toute matiere de ioye affluer & abonder en sa maison. Plusoultre, en tout ce temps là que ie dy, n'y aduint mort ny funerailles d'aucū, nulz deloz, ne cause aucune de tristesse : voy l'estat des dieux, à grand peine trouueras tu telle felicité, car ainsi comme disent les poetes, maintes fois y en a eu d'entre iceulx dieux de marris & courroucez. La fin de cestuy Metellus fut correspondēte au commencement & au milieu, il mourut fort vieil, & d'une mort bien douce, entre les bras de ses treschers enfans, & le baisèrent mille fois. ses filz & gendres porterent sur leurs espaules son liēt funebre par la ville, puis misrent le corps au feu, ainsi que c'estoit adonc la coustume.

Le cōble de
felicitē de
Metellus.

¶ De Gyges.

Ceste felicité dequoy i'ay parlé, est approuuée des mondains, pource qu'elle consiste en richesses, & aisētē de corps. celle dequoy ie vueil parler est plus obscure

Felicitē mon-
daine.

Le septieme Liure

Gygés roy de
Lydie.

La Responce
d'Apollon à
Gygés.

Aglaus pour
& content.

Contétement
de peu, vraye
felicité.

obscur & de moindre prix, selon l'opinion desdictz mondains: pour ce que son fondement est assis sur peu de biens en suffisance, mais est à preferer à l'autre, ainsi que bien Apollon le donna à congnoistre par son oracle. Comme Gygés roy de Lydie s'estoit enorgueilluy pour la grande abondance de ses richesses, & puissance en armes, estimant qu'il n'y eust prince au monde comparable à luy, se transporta au temple d'Apollon Pythius interroguant & demandât, s'il y auoit homme au monde plusieurs que luy. Le dieu Apollon, du profond d'une cauerne de sa chapelle respondit, qu'Aglaus Psophidius estoit plusieurs q luy. Cestuy Aglaus fut le plus pour d'Archadie, & ia vieil, q s'estoit cõtente d'un petit cháp qu'il auoit, sans iamais appeter plus oultre, en y prenât son plaisir, & viuât en suffisance des frui& reuenâs en iceluy. Par cela Apollon declara & donna à congnoistre, que la fin de vie eueuse estoit contétement de peu de chose, & non point les grandz biens, qui sont vne faine felicité, ou n'y a nul assouissement. Pourtant donna il responce à ce roy qui se glorifioit arrogamment en la splendeur & clarté de sa fortune, qu'il approuuoit trop mieulx un petit tugure & borde pastorale pleine de seureté & ioye, qu'un palais royal garny d'angoisses, soucy, & amertumes, & aussi que trop mieulx valloit petite terre sans crainte, que les fertilissimes champs de Lydie, rempliz de paour & espouement: parellement que plus estoit à appeter vne ou deux charrues de petit entretien, que les grandz exercites & magnifiques bandes, chargées de grandes despenes, & fraiz coustageux. D'auantage que plus deuoit on desirer un petit garnier suffisant à l'usage necessaire, que les grandz tresors que tout le monde conuoite & tasche à desrober. Dóc Gygés desirét trouuer Apollon approbateur de sa folle credence, apprint de luy en quelle chose consistoit & estoit fichée la vraye & entiere felicité.

DES CHOSES QUI FURENT DICTES, & faites sagement.

CHAP. II.



Aintenant ie declareray ceste maniere de felicité, qui est enracinée à l'esprit, & qui ne se quiert par souhairz, ains est née aux entendemens & courages munis de sagesse, & se donne à congnoistre par faitz & dictz de prudence.

¶ D'Appius Claude.

Travail plus
proufitable q
oisuete.

Nous auons entendu qu'Appius Claudius auoit souuent coustume de dire, que travail & exercice estoit trop plus proufitable au peuple Romain, qu'oisuete & repos, non pas qu'il ne sceut combien est ioyeux & plaisant l'estat de tranquillité, mais pource qu'il consideroit que les grandes seigneuries par travail estoient incitées & esmeues à acquerir vertu, & au contraire par trop grand repos se resouldre à paresse & mulardie. Certes labour quant à son appellation est amer & facheux: si est ce que par luy les vertus ont esté conseruées en nostre cité Rommaine, & par repos: qui a nom souef & doux, plusieurs vices y sont entrez.

¶ De

¶ De Scipion l'African.

Scipion l'African disoit que c'estoit chose deshonneste de dire en vn affaire de guerre, ie ne pensoye pas que telle chose aduinist, pource qu'apres meur & deliberé cōseil, il fault mettre en execution vn negoce qui se depart à l'espée: depuis qu'une guerre est faicte, s'il y a faulte, on ne la peult plus corriger & amender: aussi disoit il qu'il ne falloit guerroyer, si on ne veoit son opportunité, ou si on n'y estoit contrainct, & qu'aussi grande prudence estoit requise à l'un qu'à l'autre. c'est grand folie, quand on voit son aduantage, de differer la guerre: pareillement est dommageuse & maleureuse nonchalance de s'enfuir quand on est cōtrainct de guerroyer. Entre ceulx qui commettoient ces deux choses, les vns ne sçauent vser de bonne fortune, & les autres ne sçauent resister au tort qu'on leur veult brasser.

Vn hōme prudent ne dira ia mais, ie ne cuidoye pas.

¶ De Quintus Metellus.

L'opiniō de Quintus Metellus, qu'il prononça en plain parlement, me semble graue & haulte, lequel dist apres que Carthage fut sacagée, qu'il ne sçauoit si ceste victoire apporteroit plus de mal que de bien à la republique: bien est il vray (dit il) qu'en faisant la paix, la chose est proufitable, mais ie ne sçay s'en ostant Hannibal, il en aduiendra du dommage: car quand il est entré en Italie, il a refueillé la vertu du peuple Rommain, qui estoit endormie: parquoy il est à craindre que le pays deliuré de si aspre ennemy, ne se rendorme en delices & fetardie. Ainsi estima il qu'il n'y auoit point de difference, & estoit aussi grand mal aux Rommains d'abastardir & mettre en nonchallance leur prouesse & vertu anciēne, comme si on brusloit leurs maisons, gastoit leurs chāps, & si on vuidoit le tresor publicque pour soudoyer & payer la gendarmerie.

Le temps qu'il fault faire la guerre.

Ennemis sont exercice de vertu.

¶ De Licinius Fimbria, qui auoit esté consul.

Que diray ie de Licinius Fimbria, qui feit vn acte de grande prudence. M. Lucace Pinthia auoit debat contre quelque ennemy qui luy auoit reproché qu'il n'estoit pas homme de bien: cestuy voulant soustenir le contraire, mit la cause deuant ledict Licinius Fimbria, pour en donner son arrest: mais recusa ladiete matiere, de crainte qu'il n'ostast la bonne renommée de l'aduersaire de Lucace noble cheualier Rommain, s'il la ingeoit à son intention: & aussi de paour de blecer sa conscience, en affermant par sa sentence que ledict Lucace fust homme de bien. Consideré que pour estre homme de bien, il fault estre parfait, annobly d'innombrables louenges. La prudence de quoy nous auōs parlé à l'autre exēple fut mōstrée à la court, & ceste cy en vne quelle de gens de guerre, qui se disent tous hommes de bien.

Ce qui est requis à estre reputé hōme de bien.

¶ Du consul Papyrius surnommé le Courrier.

Comme le consul Papyrius oppugnoit la ville d'Aquilonie, & voulsist liurer l'assault, le deuin qui auoit la charge des oyseaux touchant les auspices, luy dit qu'il auoit trouué bon signe en iceulx, combien qu'ilz n'eussent voulu manger, mais de crainte de fācher ledict consul Papyrius, luy dressa ceste menterie. Papyrius aduertie de la fallace & deception dudit deuin, pensa estre bon signe, & commença à battre ladiete ville: mais il mit tout deuant son

Menterie d'un deuin.

exercice

Le septième Liure

L'office d'un bon capitaine

exerce le deuin, afin que si d'adventure les dieux estoient coursez contre les Rómainz, ilz se vengeassent sur cestuy cy, qui auoit abusé de la religiō des augures. Or aduint il, ou par hazard, ou par prouidēce diuine, q̄ le premier dard iecté des ennemys, rencontra l'estomach de cedit deuin, & le iecta par terre mort: ce que congnoissant ledit consul, hardiment inuada ladicte ville, & la print. En vn instant cōsidera comme le tort que luy auoit fait ce deuin, seroit puny, comme religion violée seroit vengée, & par quel moyen il auroit la victoire. Donc se monstra il homme seure, consul religieux, & capitaine vaillant, donnant à congnoistre par legier iugement d'esprit, comme vn chef deuoit donner crainte à ses subiectz, de n'vser de tromperie, & cōme ilz meriroient estre puniz pour ne garder religion, & aussi comme on doit esperer contre son ennemy. Or me fault il maintenat traicter des actes du senat.

¶ Du parlement Rommain.

Inimitié entre gens de guerre qui ont vne mesme charge est dāgereuse.

La condamnation de Tibere Gracchus.

La prudēce du senat enuers le roy Masinissa.

Comme le senat voulsist enuoyer alencontre de Hannibal Claude Neron, & Liuius le Saulnier consulz, il veit qu'iceulx ainsi qu'ilz estoient pareilz en vertuz, aussi s'entrehayoyent mortellement, par quoy trouua le moyen de les reconseiller ensemble: afin que pour leur particulier discord, la republique ne fust mal administrée: car quand il n'y a amytié entre personages qui ont vne mesme charge, ilz s'estudient plus d'empescher les entreprinſes l'un de l'autre, que de faire vn bel acte, & taschent plus à s'entrenuyre, qu'à leurs ennemys, contre lesquelz ilz guerroyent. ainsi que ces deux consulz furent accusez par Cn. Bebius tribun du peuple, d'auoir exercé leur office de censeurs trop rigoureusement, le senat ordonna qu'iceulx ne respōdroyēt à la court des Rostres, ny en autre court, & qu'ilz ne craignissent qu'on les traictast en iurisdiction aucune, leur faisant cest honneur, c'est à sçauoir, que ceulx qui deuoient ouyr les raisons d'un chascun, ne seroyent assubiectis de rendre compte à aucun. Le senat vſa aussi de semblable prudence en vn autre cas. Cestuy senat condamna à mort Tybere Gracchus, pour ce qu'il osa promulguer loy de diuiser au peuple les champs qu'on auoit acquis sur les ennemys: puis ordonna ledit senat, que selon la loy dudit Gracchus, par les triumphes ou trois personages, lesdictz champs seroyent diuisez par teste à vn chascun. ainsi osta il en vn mesme temps l'auteur de ceste grieue sedition, & la cause d'icelle. O combien se porta sagement ledit senat par apres enuers le roy Masinissa. Comme le peuple Rommain eust vſé de l'aide & secours trefſidele dudit roy enuers les Carthaginois, le senat voyant ledit Masinissa estre curieux d'augmenter son royaume & sa terre, fait vn statut, par lequel il l'exemptoit de la iurisdiction des Rommainz, & feroit la guerre à qui il luy plairoit: par cest acte ledit senat Rómain retint l'amytié de ce roy, puis repoulsa par cela loing de ses portes la crudelité des mores Numidiens, & de telles manieres de nations, qui iamais n'estoyēt à repos. Le n'auroye espace de faire recit de tous les sages dictz & faitz de ceulx de nostre nation, car nostre empire ne s'est pas tant augmenté & defendu par force & puissance corporelle, que par la subtilité & vigueur des bons

bons engins & espritz, qui flourissoyēt en iceluy. On doit donc pour la plus grāde partie s'esmerveiller de la prudēce Rōmaine. Quāt au reste ie vueil faire entrée aux exēples des estrāgers, qui ont dict & fait quelque chose par sagesse.

¶ Exemples des estrāgers.

¶ Du philosophe Socrates.

Socrates, quasi vn oracle terrestre de sagesse humaine, (c'est à dire qui estoit cōme vn tēple sur terre, ou on se venoit cōseiller, & en iceluy on auoit respōse de sa demāde, ainsi que de l'oracle d'Apollo en Delphos) souloit dire, qu'il ne falloit demāder aux dieux immortelz autre chose sinō qu'ilz feissent biē: pour ce qu'ilz sçauoyēt ce qui estoit salutaire & proufitable à vn chascū. quāt est de nous autres humains, souuēt nous desirons choses dequoy ne nous seroit de mieulx de les auoir impetrées. O pensée des hōmes mortelz, enuelopée & ofusquée de tenebres trespesses, en quel tāt manifeste & clair erreur respands tu tes auēglées requestes? tu desires richesses dōt plusieurs sōt paruenuz à fin maleureuse. tu appetes honneurs, dōt maintz personages on esté deprimez, & mis du hault en bas. tu pēses à part toy cōbiē sont honorables les royaumes desquelz les issues souuēt ont esté vaines, miserables & calamiteuses. Tu souhaites haultz mariages: certes ainsi cōme aucunes fois ilz rendent les personnes honorées & illustres, aussi à l'autre fois ruinēt ilz les maisons totalement. Cesse donc de pretendre à choses folles, que tu pēses trespereuses, qui sont occasiōs de ton futur mal, & te cōforme totalement à l'arbitre & volūtē des espritz celestes: lesquelz ainsi qu'ilz ont de coustume de conceder & ottroyer facilement vn bien, aussi le peuent ilz commodissimemēt eslire. Cestuy Socrates disoit que si vn personnage vouloit par brieue voye paruenir à gloire, il falloit qu'il fust tel comme il vouloit estre veu. Par ceste parolle il enseignoit apertement, que les hommes deuoyent plustost acquerir vertu, qu'ensuyuir l'vmbre d'icelle. Quelque ieune cōpagnon se conseilla vne fois audict Socrates, à sçauoir mon s'il se deuoit marier ou non. respōdit, que faisant l'vn ou l'autre, encores l'en repentiroit il. si tu ne te maries point (dit il) tu seras en solitude, tu seras priuē de lignée, la race de toy fallira, vn autre possēdera tes heritages. si tu te maries, tu seras tousiours en soucy, tu auras quereles avec ta femme, elle te reprochera le bien que tu as eu d'elle, elle s'enorgueillira pour la noblesse & hault estat de ses parens, si tu ne fais à son appetit: ta belle mere te mangera de procès: si elle est belle, il y aura tousiours quelqu'vn qui taschera à te deceuoir: tu seras tousiours en crainte de tes enfans, s'ilz seront gens de bien ou non. Or par ces maulx alleguez tant d'vn costē que d'autre, il ne souffrit que ce ieune hōme choisist vne chose qui luy pleut. Comme les Atheniens eussent condemné par leur meschante follie cestuy Socrates à souffrir & endurer mort, & ainsi que ledict Socrates eust prins d'vn courage constant & fort, de la main du bourreau la potion enuenimée, qui estoit le bruuage de cegue, Xantipe femme dudit Socrates voyant qu'il estoit tout prest d'aualler ledict bruuage, lamentoit & crioit, disant ces parolles: Haa inhumains & iniustes Atheniens, vous faictes mourir mon mary à tort. Ledit Socrates respondit: Aymerois

Rien ne deus
demander à
dieu, q̄ ce qui
nous est de sa-
lut.

Il fault estre
tel qu'on veut
estre veu.
De quelq̄ qui-
dam, qui se cō-
seilla à Socrate
s'il se de-
uoit marier,
ou non.

P. tu

Le septieme Liure

Le dict de Socrates à sa femme Xantipe. **tu mieulx qu'il me feissent mourir criminel ou delinquent. O grande sagesse de Socrates, qu'il ne peust mesmes au pas de la mort auoir oubliance de foy.**

¶ Du sage Solon.

Nul eueux
deuât la mort.

Solon dit tresprudemment que nul ne deuoit estre appellé eueux durant sa vie, pource que iusques au dernier iour nous sommes subiectz à fortune la variable & douteuse. Donc la mort est cause de faire vne felicité humaine cō sommée & accomplie, pour ce qu'elle rompt les maulx qui pourroyent aduenir. Comme ledict Solon quelque fois veit vn de ses amys, se plaignant griement de fortune, le mena tout au hault d'une tour de quelque ville, puis luy dit qu'il regardast toutes les maisons de ladicte ville, ce qu'il feit. Lors Solon luy va dire derechef: amy pense à toy seul, combien le temps passé il y a eu d'angoisses, ennuyz & amertumes, & combien il y en a, & aura pour l'aduenir, soubz les couuertures de ces maisons que tu voys: & cesse de lamenter les incommoditez & tribulations des hommes, comme s'elles fussent propres: car ce n'est chose nouuelle, ains commune. Par ceste consolation ledict Solon enseigna que les villes n'estoyent autre chose que cloistres & receptacles de maleuretez & infortunes. Cestuy disoit par semblable, que si le cas aduenoit que chascun portast ses maulx en vn lieu, il aduiendroit qu'on aymeroit beaucoup mieulx reporter en sa maison le mal qu'on auroit apporté audict lieu, que de tout le monceau de ces miseres prendre sa portion, & par cela cōsideroit qu'il ne nous falloir iuger des choses qui viennent de malle fortune estre intolerables.

Villes ne sont
que cloistres
de miseres.

Fault porter
patiemment ses
fortunes.

¶ De Bias de Priene.

Le vray bien est
sagesse.

Quand la ville de Priene fut prinse, chascun au moins mal qu'il pouoit sauuoit & emportoit de ses biens ce qu'il pouoit. Alors quelqu'un s'adressa au sage Bias, & luy dit: Tu voys que la pluspart des citoyens emportent leurs biens, que ne fais tu le semblable? Adonc respondit qu'aussi faisoit il, & que tout le bien qu'il auoit il le portoit quand & luy: entendant le vray bien, qui est sagesse. Certes il portoit ce bien là en son esprit, non sus ses espaules: vn bien qui ne se pouoit voir d'oeil mortel, mais bien d'un oeil spirituel, lequel estoit enfermé au domicile de la pensée: & qui ne pouoit estre maculé ne destruit de la main, ny des dieux, ny des hommes. Et tout ainsi qu'il tiét compagnie à ceulx qui demourent, aussi ne laisse il ceulx qui s'enfuyent.

¶ Du philosophe Platon.

Beau dict de
Platon.

Le dict de Platon est brief, mais il est plein de sagesse: Lequel disoit que le monde estoit bienheureux, quand en iceluy regnoient les sages, ou que les roys ne faisoient rien sans le conseil des sages.

¶ De quelque roy.

Côme vn roy
doibt cōsiderer
la couronne
qu'il prent.

Ce roy icy fut bien aduisé & de grande prudece: lequel ainçois qu'il meit en sa teste la couronne qu'on luy auoit présentée, la retint longuement entre ses mains, & dit: O couronne plus noble qu'eueuse, si on cōsideroit bien cōbien tu es pleine d'anxietez, perilz & miseres, certes on ne te daigneroit leuer de la terre pour te prendre.

¶ Du

¶ Du philosophe Xenocrates.

O que la responce de Xenocrates fut louable quand asistoit en vne compagnie, ou vn chascū blasonnoit & melsdisoit de son prochain: & vn l'interro-
gua, pourquoy seul se taisoit, respondit ie me suis repenty autrefois d'auoir
parlé: mais de me taire, iamais.

Nul ne doit
detraire en
compagnie.

¶ D'Aristophanes.

Le dict d'Aristophanes est de plus haulte prudence, qui introduisit en vne comedie comme Pericles Athenien estoit reuenu des enfers, & disoit qu'il ne falloit nourrir vn lyon en vne ville: car s'il y est nourry il faudra endurer de luy. Par cela donne à congnoistre que les ieunes gentils hommes d'une ville, de haulte maison & de grande race, s'ilz sont d'esprit ardent, les fault re-
frener, afin que par trop grand bandon ne soyent faitz arrogans, & qu'ilz
ne veulent estre maistres: car c'est vne chose folle d'auoir nourri & entretenu vne chose, puis ne la vouloir souffrir par apres.

L'insolence des
ieunes gentils
hommes est à
corriger.

¶ Du philosophe Thales.

Thales aussi fut de merueilleuse sagesse, lequel estant interrogé à sçauoir mon si les dieux congnoissoient noz faitz. respondit, non seulement noz
faitz, ains aussi noz pensées. Par cela nous admonnesta que n'eussions seule-
ment les membres purs & netz, mais aussi les coeurs, & que nous creussions
que dieu congnoit ce que nous auons au coeur.

Dieu cognoit
les pensées des
hommes.

¶ De Themistocles.

Ce qui s'ensuit n'est de moindre prudence. Vn pere ayant vne seule fille, alla au conseil à Themistocles, pour sçauoir s'il la deuoit marier à vn pource
compagnon, qui estoit honneste homme, & personnage de vertu, ou à vn ri-
che, qui estoit mauuais garnement. au quel dit ainsi Themistocles: l'aymeroye
trop mieulx vn homme vertueux sans pecune, qu'une pecune sans homme de
vertu. Par ceste parolle il donna à congnoistre à ce pource fol qu'il print vn ho-
me pour son gendre, & non point les richesses d'un gendre.

Comme on
doibt choisir
vn mary à vne
fille.

¶ Du roy Philippe pere d'Alexandre.

La lettre qu'enuoya le roy Philippe à son filz Alexandre fut trouuée de bõ-
ne prudence. Cestuy reprint ledict Alexadre pour ce qu'il s'efforçoit acquerir
la grace de certains Macedoniens, par dons & magnifiques liberalitez, en luy
disant, qui t'a induit, ô mō filz, à ceste vaine esperance, de cuider pour l'adue-
nir ceulx là fideles que tu constrains à t'aymer par pecune? Croy qu'amour
vient de charité. Certes Philippe, qui estoit grand pere d'Alexandre, pour la
plus grande partie fut marchat de Grece, & non vainqueur d'icelle, c'est à di-
re qu'il auoit acquise plus par presens que par armes.

On doibt ac-
querir vn pays
plus par vert^u,
que par dons.

¶ Du philosophe Aristote.

Aristote enuoyant son condisciple Calisthene à Alexandre, l'admonnesta

P ii que

Le septième Liure

Côme il fault
parler deuant
les princes.

Calisthene fut
faict mourir p
Alexandre.

Côme il fault
parler de soy-
meisme.

Côme il fault
considerer vne
volupté char-
nelle.

que quand il seroit avec ledict Alexandre quil parlaist peu ou s'il vouloit parler plusoultre, que son dire fust ioyeux, afin que par sa silence il fust plus asseuré, ou par ses parolles ioyeuses plus agreable audict roy. Comme Alexandre apres la victoire des Persans, suyuant la façon de leur pais, se faisoit adorer aux Macedoniens, Calisthene le reprint, & le pensoit amiablement reduire aux coustumes & meurs de Macedone: ce neantmoins en fut malcontent, parquoy le fait mourir. Ainsi ledict Calisthene se repentit de n'auoir point vie du bon conseil de son maistre Aristote: mais ce fut trop tard. Ce mesme Aristote disoit qu'il ne falloit parler de soy ny en bien ny en mal, pour ce que c'estoit le faict d'un glorieux se louer, & le faict d'un fol se vituperer. Aussi donna il vn tresutile precepte touchant les plaisirs mondains: regardez bien (dit il) la fin de volupté charnelle, vous la trouuerez pleine de repentéce & tristesse, qui est chose assez suffisante, pour vous retirer que n'y retournez plus.

¶ Du philosophe Anaxagore.

Qui est eu-
reux en ce
monde.

Quelqu'un demanda à Anaxagoras, qui estoit celuy qui estoit eureux en ce monde: lors respondit sagement: Certes nul de tous ceulx que tu estimes eureux, ne doit estre dict eureux: mais tu trouueras cestuy là du nombre des eureux que tu pense estre malheureux. Cestuy là n'est eureux qui a beaucoup de richesses: mais celuy qui se contente d'une petite terre, & celuy qui estudie, n'ou point par ambition, mais pour acquerir science & vertu, & treuve plus de felicité à la fin qu'au commencement.

¶ De Demades.

Le bel aduer-
tissement de De-
mades aux
Atheniens.

La parolle aussi de Demades fut sage, quand il dit aux Atheniens, lesquelz ne vouloyent pas permettre qu'on fait honneur diuin à Alexandre: c'est à dire, qu'on ne luy fait telle reuerence côme lon faisoit aux dieux celestes: mettez ordre qu'en pensant garder le ciel, vous ne perdez la terre.

¶ D'Anacharsis.

Les loix cōpa-
rées aux toiles
d'araignées.

Anacharsis compara subtilement & sagement les loix aux toiles des araignées, car tout ainsi que les grosses bestes passent facilement à trauers & les plus foibles & plus petites y demeurent, ne plus ne moins les pources sont astrainctz esdictes loix, & les riches n'y sont point subiectz.

¶ D'Agésilas.

Agésilas ab-
roqua les loix
de Licurgus,
pour vn tēps.

Rien ne fut plussage que le faict d'Agésilas. Comme cestuy eust trouué de nuit conspirateurs enuers la republique des Lacedemoniens: soudain abroqua les ordonnances de Lycurge, qui prohiboyent qu'on ne fait iustice de ceulx qui n'estoyent condemnez en plain iugement. Or apres que lesdictz malfauteurs furent prins & faictz mourir, ledict Agésilas incontinent restitua lesdictes ordonances, & par ce pourueut à deux choses, c'est à sçauoir que la punition

punition salutaire qu'il auoit fait faire desdictz conspirateurs ne fust iniuste, & aussi qu'elle ne fust empeschée par la teneur des dessusdictes loix. Donc afin qu'elles fussent tousiours, n'eurent d'efficace pour quelque temps.

¶ De Hanno capitaine
des Carthaginois.

Je ne sçay si Hanno se monstra point plus sage. Comme Mago eust rapporté au certain an senat des Carthaginois tout l'aduenture de la iournée de Cannes, & pour plus grande foy de leur desdictz Carthaginois, vint à resprendre devant ledict senat trois muidz d'anneaux d'or, lesquelz auoyent esté tirez des doigtz des Rommains, en ce conflict meurdrez & occis. Lors Hanno interrogea ledict messager, à sçauoir mon si apres la deffaite, aucuns alliez & confederez des Rommains n'auoyent laisse leur party. Dit que nul n'auoit suyui Hannibal, parquoy fut d'opinion que subitement on despeschast ambassadeurs qui allassent vers Romme, pour traicter appoinctement. Certes si l'aduis dudit Hanno eust esté mis à chef, Carthage n'eust point esté vaincue en la seconde bataille Punique, ny destruite en la tierce.

Trois muidz
d'anneaux d'or
apportez en
Carthage de
la deffaite de
Cannes.

¶ De Herennius Ponce, Samnite.

Pour semblable faulte les Samnites ne furent pas petitement puniz, à raison qu'ilz auoyent contemné le conseil de Herennius Pontius, qui estoit d'entre eulx le plus prudent, & de plus grande autorité. La gendarmerie desdictz Samnites, & le filz dudit Ponce (qui estoit chef de ladicte gendarmerie) s'estoyent conseillez à luy, à sçauoir qu'ilz deuoyent faire des legions Romaines encloses à Fourques Caudines. Leur respódit qu'on les deuoit laisser aller avec leurs bagues sauues. Le iour d'apres lesdictz Samnites reuindrent luy demander conseil derechef, mais il leur dit qu'il les falloir saccager: par le premier conseil que ie vous ay donné (dit il) vous aurez la grace de voz ennemis: par le dernier, vous leur pourrez porter si grand dommage qu'ilz n'auront plus la puissance par apres de vous guerroyer: faites l'un ou l'autre. Ce neantmoins il n'en firent rien, combien qu'ilz fussent vainqueurs, par impourueue follie & temerité firent le contraire, & imposèrent aux Rommains conditions de paix assez viles, c'est à sçauoir qu'ilz partiroyent hors du lieu laissant leurs armures, & ne réporteroyét que chascun vn vestement, & qu'ilz rendroyent les champs qu'autrefois leur auoyent ostez. Ainsi faillirent ilz des Fourques Caudines, passans tous par dessous trois piques, deux fichées debout, l'autre de trauers: ce qui courrouça beaucoup les Rommains, & s'en sceurent bien véger par apres, au grád dommage des susdictz Samnites. A plusieurs grandz exemples de sagesse devant dictz, j'adiousteray encore ce petit.

Grád mal ad-
uint aux Sami-
tes, pour auoir
contemné le
conseil d'He-
rennius.

Fourques Cau-
dines, ou esto-
ient enclos
les Rommains

¶ Des Cretensois.

Quád les Cretésois veulent bien maudire ceulx qu'ilz hayent, prient qu'ilz s'adonnent à mal viure, & suiuiir les mauuaises coustumes: ainsi par maniere

La maledictio
des Cretésois.

P. iiii de requeste

Le septieme Liure

de requeste modeste se vengent de leurs ennemys. Desirer quelque chose frivolement & vainement, & demourer continuellement en ce souhait, c'est à dire appeter à suyure les meurs des meschans gens: & persister à ce desir, c'est vn desir conforme à maleureuse fin.

DES CHOSES QVI SONT DICTES

& faictes cautelement
& finement.

CHAP. III.

De finesse en
dictz & en
faictz.



Il y a vne autre sorte de dictz & de faictz, qui sent la prudence: on y mesle de la finesse, tromperie & deception parmy, & n'appete point gloire & honneur appertement, ains par moyens couuertZ.

¶ De quelque prelat Romain.

La finesse d'un
prelat Romain.

Du temps que regnoit Seruius Tullus, il nasquit au terrouer des Sabins cheZ vn pere de famille, vne vache fort grande & fort belle, laquelle les deuins dirent auoir esté produicte par les dieux immortelz, à ceste fin que quiconque l'immoleroit au temple de Diane, estant au mont Auentin, le pays de cestuy obtiendrait tout l'empire & gouuernement du monde. Se resiouyssant de ce le bonhomme à qui estoit ladicte vache, delibera en diligence se transporter à Romme mener ladicte vache, & la sacrifier deuant l'autel de Diane au mont Auentin: pésant que par ce sacrifice les Sabins auroient le gouuernement de toute la terre. Ce que congnoissant le susdict prelat, donna à ce bonhomme quelque crainte de religion, luy exposant qu'il ne falloit pas qu'il tuast ladicte beste, que premierement il ne s'allast lauer à l'eau du prochain fleuve. ce que feit ledict pere de famille, se transportant au canal du Tybre: & ce pendant qu'il y estoit, le prelat sacrifia icelle vache. ainsi par son debonaire larcin & deception rendit il nostre ville de Romme dame & maistresse de tant de citez & nations qui estoient au monde.

¶ De Iunius Brutus.

La finesse de
Brutus.

Nous ferons icy recit de Iunius Brutus, qui vsa de telle maniere de finesse. Comme cestuy Brutus consyderaist que le roy Tarquin son oncle faisoit prédre tous les ieunes gentilz hommes de Romme, qu'il veoit par leur bonne nature & signes de de vertu & bonté future pour pouoir paruenir au souverain estat de Romme, & les mettre à mort, entre lesquelz auoit aussi faict occir vn sien frere, qui estoit plus de vif esprit qu'il ne plaisoit audict Tarquin, faignit estre fol: & par ceste fallace couurit ses grandissimes vertus. Cestuy pareillemét tint compagnie au voyage de Delphos aux filz dudit Tarquin, lesquelz il auoit enuoyez en ce lieu pour honorer de presens & sacrifices Apollo Pythius. Lors ledict Brutus par finesse enclouyt quelque or dont il vouloit

loit faire offrande au dieu, dedans vn baston creuz, craignant que s'il adoroit iceluy Apollo en manifestant sa liberalité à ses cousins, que cela ne luy portast dommage. Donc en accomplissant le commandement de leur pere, lesditz ieunes enfans royaulx demanderent conseil à Apollo, lequel d'eulx deuoit regner en Romme. Adonc respondit que celui qui le premier baiseroit sa mere, seroit pour l'aduenir grand seigneur de Romme. Cela dit, Brutus cōme de hazard estant tombé, tout de gré met le nez contre terre & la baise, estimant estre commune mere à tous humains: parquoy ce baiser ainsi finement imprimé à la terre, feit que Brutus fut premier consul apres le regne de Tarquin, & apporta grande liberté en nostre ville Rommaine, & eut le premier lieu en noz annales, comme souuerain seigneur de Romme.

¶ Du premier Scipion.

Le premier Scipion fortifia son camp par finesse & subtilité. Comme il voulsist passer de Sicile en Afrique, & fournir le nombre de trois cens hommes d'armes, des plus à dextres de ses pietons Rommains: mais ne les pouuoit dresser si soudain, pource que le temps ne le souffroit, vsa de conseil caut & fin. Or auoit il avec luy tout plein de ieunes soudards de Sicile: mais n'estoyent point armez: il en feit venir à soy trois cens des plus nobles & riches, & leur commanda que soudain ilz s'equipassent d'excellentes armes & cheuaults d'élite, faignant les vouloir mener sans delay avec luy pour oppugner Carthage. ce qu'ilz firent en brief temps: mais estoient grandement faschez & en soucy, ayant deuant les yeulx que si soudain leur falloit entreprendre telle aduventure, & marcher en vne guerre si loingtaine & perilleuse. Ce que voyant Scipion leur va dire: Seigneurs Siciliens, si vous voulez bailler voz cheuaults & voz armes à mes gens, volontairement ie vous exempteray de ceste guerre. Ceste ieunesse couarde & craintive eut le pact trefagrecable & bailla volontairemēt les armes à noz Rommains. Dōc la cautele de ce capitaine pourueut à cest affaire, & feit grand plaisir ausditz Siciliens, les deliurant de ceste crainte, car ilz estimoyent ce qu'il leur auoit commandé estre trop grief & importable. Ce qui s'ensuit est aussi à reciter.

¶ De Quintus Fabius Labeo,
ou Leuru.

Quintus Fabius le Leuru, fut quelque fois constitué iuge par le senat, pour appointer les Nolans & Neapolitains touchant le differēt des bournes & diuises de leurs champs. Or comme ilz conuinssent deuant luy, parla aux vns & aux autres à part, & les admonnesta qu'ilz ne fussent meuz de conuoitise, & qu'il ne leur chalust s'il leur en assignoit moins ou plus, & s'il estoient contrainctz de marcher plus oultre ou de se reculer qu'ilz se contentassent: ce que d'un commun accord promirent faire. Puis s'en va establir leurs limites: mais de chascun costé en rongna, & ce qui estoit de superflu, l'attribua aux Rommains. Or si les Nolans & Neapolitains furent en ce deceuz, si n'auoyent ilz

Gaing prattiqué par tromperie n'est honeste.

Labeo trompa le roy Antiochus.

Occasion de se plaindre, car ilz avoyent accordé qu'ilz se contenteroyent de ce que ledict Labeo leur establirait. toutefois ce nouveau gaing qui fut practiqué par tromperie & deception, ne fut gueres honeste pour nostre ville. On dit que cestuy ioua encore autre tour de finesse, apres qu'il eut vaincu le roy Antiochus: pact fut fait entre eulx deux, qu'il auroit la moitié des navires. Labeo va faire couper toutes les navires par la moitié, afin qu'Antiochus n'en eust piece, & ainsi le trompa il, car il s'attendoit d'en avoir la portion.

¶ De Marc Antoine.

La finesse de Marc Antoine

Il fault supporter la parolle faceticule qu'auoit de coustume de dire Marc Antoine grand aduocat. Cestuy disoit que iamaïs de toutes ses oraisons n'en auoit voulu escrire vne, afin que s'il disoit en quelqu'un plaidoyé chose qu'on peult contredire, & de quoy on alleguast qu'il eust dict le contraire, il fust entier de le nier. Pour ceulx qui estoient en danger de leur vie, il n'estoit seulement prompt à vser de son eloquence, ains aussi de soustenir leur cause, sans craindre honte.

¶ De Sertorius.

La finesse de Sertorius, de deux cheuaux

Sertorius par la grace de nature autant robuste de corps comme prudent en conseil, à raison qu'il auoit esté prosript par Sylla, trouua le moyen de se sauuer, & s'enfuit en Portugal, ou les Portugalois le feirent chef & capitaine de leur armée. comme cestuy ne les pouoit destourner par son beau parler de combattre contre tout l'ost Romain, par subtilité & cautele les attira à son opinion. Il establît deuant lesdictz Portugalois deux cheuaux, dont l'un estoit puissantissime, l'autre debile & maigre, puis ordonna qu'un foible viellard tirast la queue de ce fort cheual poil apres poil, & qu'un fort iuenceau tirast tout ensemble la queue du poure cheual. ce qu'on feit: mais le ieune homme se trauailloit en vain de tirer ensemble la queue du maigre cheual, car il n'en arrachoit rien: mais le viellard tira tant poil apres poil la queue du fort cheual, qu'il l'arracha. Lors ceste gent barbare Portugaloise desirant congnoistre l'affaire, pria Sertorius de luy declarer la signifiante du cas: Nostre exercite Romain (dit il) est semblable à la queue d'un cheual, car si quelqu'un en assault vne partie il pourra auoir la victoire, mais s'il fait la guerre à toute la gendarmerie ensemblement, il est asseuré que plustost tombera en leurs mains qu'il en ayt le dessus. Ainsi ceste nation barbare, difficile à gouuerner, cherchant sa ruine ne sceut entendre le conseil que leur donnoit Sertorius, s'il n'en eust monstré l'experience à l'oeil.

¶ De Fabius Maximus.

Comme Fabius Maximus eut l'amour de deux souldards.

Fabius Maximus, qui en ne bataillât point, obtenoit les victoires contre ses ennemis, ayant en son camp un piéton de Nole, souldard vaillant & preux, qu'il craignoit beaucoup qu'il ne se iectast du party de Hannibal, & un homme de cheval de Luques, cheualereux & laborieux, qui toutefois s'estoit abuse d'une paillarderie: lesquelz combien qu'il les eust peu corriger tous deux, ce neantmoins n'en

n'en feut rien, de pàoir de les perdre; mais par subtilité & finesse les attirâ à la grace des Romains, & en feut deux bons & loyaux souldardz: enuers l'un il desguila le soupçon qu'il auoit de sa loyauté, de l'autre il en endura, & ne le corrigea comme il estoit licite. En plain auditoire il loua le pieton de Nole pour ses vertuz & prouesses, & l'honora de toutes sortes de dons & presens, en sorte qu'il reuoqua son grand courrage qu'il auid mis enuers les Carthaginois, & par ses liberalitez le contraignit à fidelement seruir les Romains. Quant au gendarme de Lucques, il luy souffrit qu'il rachetast sa paillardie, qui auoit esté amenée par les autres souldardz au camp; & endura qu'il en iquist ainsi qu'auoit de coustume, sans luy faire aucune defense: ce qui fut cause de le faire tresprompt batailleur pour nous.

¶ De Marc Voluse edile, c'est adire ayant la

charge des edifices.

Le declareray maintenant ceulx qui ont sauué leur vie par cautele & finesse. Marc Voluse ayant soing des edifices en Romme, estant prosript, ou condemné à mort, se desguisa, & print l'habit d'un Isiaque, c'est adire d'un prestre de la religion d'Isis (lesquelz prestres portoyent tous robes de mendians) & demanda par le chemin l'aumosne, & ne se donna à congnoistre à personne. Finablement ainsi couuert de ce genre de fallace, paruint iusques au camp de Marc Brutus. Qu'estoit il plus miserable que ceste necessité là, qui feit cheminer par la ville de Romme un officier Rommain, ayant son habit d'honneur despouillé & delaisé, pour prendre le vil habit de religion estrangere. Toutes ces manieres de gens là, c'est adire ceulx qui par trop grande enuie de viure, ne doutent s'appliquer à des honnesteté & vilenie, pour euer la mort: & aussi ceulx qui appetent la mort d'autrui, & les contraignent à telle necessité, sont à blasmer.

Marc Voluse se desguisa, & print l'habit d'un moine, & se sauua.

Les Isiaques estoient mendians, qui vauoyent par villes & villages, & permettoient dire la bonne aduerture, si on leur donnoit quelque chose.

¶ De Saturnin Vetulio.

Saturnin Vetulio pour sauuer sa vie feut bien plus honnestement. Quand il entendit que les triumvires ou trois hommes l'auoyent couché du nombre des prosriptz, soudain va vestir la robe & acoustrement d'un preteur ou iuge: puis feut equiper ses seruiteurs en habitz de sergens & appariteurs, & passant par les villes des appartenances de Romme, se faisoit porter en litier publique, & loger aux meilleures hostelleries, & serter les passans, pour luy faire voye. Ainsi par l'usurpation audacieuse de ceste dignité, en pleine clarté il esblouit les yeulx de ses ennemis. Aussi tost que cestuy fut arriué à Puteole, comme preteur Rommain, avec grande licence print certaines nauires, & passa en Sicile, qui pour lors estoit trespasseur refuge pour les prosriptz. Apres que j'auray adiousté à ces exemples precedens, un autre exemple d'un personnage de petit estat & incongne, ie me iecteray sus les estrangers.

Saturnin print l'habit de preteur pour sauuer sa vie.

¶ Exemples des estrangers.

¶ De l'amour de quelque pere enuers son filz.

Un certain pere aymant fort son filz, le voyant abusé de l'amour de quelque femme, pour le retirer de ceste folle conuouise, luy pria qu'il voulsist vser

P v de

Le septième Livre

Le conseil que
donna vn pere
à son filz, pour
le destourner
de folle a-
mour.

de son conseil subtil & cauteleux, ce que luy promit ledict filz: Aincois (dict le pere) que tu te transportes à ceste là que tu aymes tant, prens la compagnie de vne paillarde publique: ce que feit le ieune compagnon: par ainsi outa petit à petit son coeur affolé de ladicte femme: car quand il se trouuoit avec elle, il estoit ia rassasié du plaisir qu'il auoit prins à l'autre, & elle le trouuoit plus lent & paresseux, qu'il n'auoit de coustume, dont à la fin possible trouua elle vn autre ouurier.

¶ De quelque asnier.

Alexandre vou-
loit faire tuer
vn asnier.

Vn asnier se
sauua de mort
par finesse.

Alexandre Roy de Macedone admonnesté par oracle, qu'il feist tuer à l'issue de sa porte, le premier qu'il trouueroit en son chemin: de hazard trouua vn pource asnier, qui faisoit marcher son asne deuant luy. lors Alexandre commanda qu'on occist ledict asnier, pource que c'estoit le premier rencontré. Adonc l'asnier faisant ses plaintes, demandant pourquoy Alexandre luy vouloit faire couper la teste, consideré qu'il estoit innocent, & n'auoit fait le parquoy, luy respondit: Mon amy, tu me doibs auoir pour excuse, ce n'est pas moy qu'il te fait mourir, mais sont les dieux: car i'ay eu responce d'iceulx, que le premier que ie rencontreray à la porte de ma maison, ie le face mourir. A ceste heure là l'asnier luy va dire: Sire, s'il est ainsi, le sort ou oracle a condamné vn autre que moy à la mort: l'asne q'ie meine deuant moy, t'a le premier rencontré. Alexandre resiouy de ceste cauteleuse parolle, & que cest asnier l'aduerissoit de sa faulte, pour contenter le vouloir des dieux, & pour prendre l'occasion de purger l'offense faicte alencontre d'eulx, fut bien aise de s'adresser à vne plus vile beste, que n'estoit l'homme. En cest exemple icy on treuve grande cautele en cest asnier, & grande mansuetude en ce roy Alexandre. A l'exemple subsequant on voirra la grande finesse d'un pallefrenier d'un autre roy.

¶ Du roy Darius.

Côme Darius
fut fait roy p
la finesse de son
pallefrenier.

Ainsi que le royaume de Perse estoit occupé par la vile domination des Magiciens, on trouua le moyen de les faire mourir. Lors Darius & les autres grandz seigneurs, qui luy auoyent aidé à vuidier ceste vilenie hors du royaume, feirent pact ensemble, pource que tous prétédoient au gouuernement dudit royaume, qu'ilz se mettroyent à cheual le lendemain à soleil leuât, & que ilz se trouueroyent en vn lieu dict: & quand seroyent ainsi assemblez, que le cheual de celui qui hâmiroit le premier, iouiroit du pays. Or comme tous ces pretendans & competeurs de ce grand pris, esperassent le bon eur & faueur de Fortune, vn seul paruint soudain à l'effect de la chose desirée, par la subtilité d'un sien pallefrenier nommé Ebare, lequel auoit mis sa main à la partie genitale d'une iument: & puis quand fut au lieu de l'assemblée, la vint mettre aux narines du cheual de Darius. Lequel esmeu & incité de ce flair & odeur, deuant tous les autres commença à hannir. Ce qu'oyant les six autres princes compétiteurs, soudain deuallerent de leurs cheuals, misrent pié à terre, se vindrent agenouiller en la maniere des Persans, & feirent honneur au roy Darius. O que par bien petite subtilité paruint il à grande domination.

¶ De Bias de Priene.

Bias (duquel la sagesse a esté plus de durée, que le pays dont il estoit né, car certes cestuy vit encore au monde, & la ville de Priene est destruite & esteinte,

ete, & n'en voit on seulement que les ruines) disoit que les hommes deuoyent tellement auoir amitié les vns avec les autres, qu'ilz recordassent qu'icelle se pouoit aucunes fois conuertir & muer en grandes querelles & inimitiez: lequel enseignement de prime face peult estre veu possible trop caut & trompeux, & ennemy de simplicité, de laquelle se resioit singulieremēt vne amitié: mais si profondement nous considerons la besongne, il sera trouué fort utile & proufitable.

Comment on doit aymer.

Il faut aymer comme si on deuoit hayr à l'aduenir, & hayr comme si on deuoit aymer.

¶ D'Anaximenes regent d'Alexandre.

La ville de Lampfacque fut sauué par la finesse d'Anaximenes. Or comme Alexádre de propos deliberé alloit pour la destruire, & il veit son precepteur Anaximenes hors des murs venant vers luy, pensant bien qu'il le voulsist prier de ne demolir ladiete ville, fait vn grand serment qu'il ne feroit rien de tout ce qu'il luy priroit. Lors Anaximenes oyant ce propos, luy dist: Sire, ie vous prie que vous destruisiez Lampfacque. Ceste legereté de prudence & cautele, destourna ceste ville noble d'antiquité, d'estre mise à fin maleureuse, à laquelle elle estoit destinée.

Anaximenes par finesse garda la ville de Lampfacque d'estre destruite.

¶ De Demosthene.

La finesse de Demosthenes seruit beaucoup à vne chambriere d'hostellerie, à laquelle deux hostes auoyent baillé leur bougette pleine d'argent, à la condition qu'elle ne la bailleroit s'ilz n'estoyēt tous deux ensemble. Or aduint que l'un par traitt de temps vint à ladiete chambriere, luy dressant vne finesse, & luy donnant à entendre, que son compagnon estoit mort, mesme en faisoit la pitié, & estoit tout mal en ordre ce sembloit. Par ceste pipée, ce trompeur deceut ladiete chambriere, & tira la bougette d'entre ses mains. Tost apres vint l'autre, qui viuoit encore, & demanda ledict argent: lors ceste pouré maleureuse, qui estoit priuée de cest argent, & ne scauoit comme elle se deuoit defendre, & pensoit desia de s'aller pendre: mais Demosthenes vint de bonne haulteur & opportunément, pour defendre sa cause: lequel quand fut venu en iugement, & que cestuy hoste eut demandé sa bougette, Demosthenes repliqua ainsi: La femme est toute preste de rendre l'argent que tu luy as baillé: mais si tu ne vas querir ton compagnon, elle ne le pourroit faire, pource qu'ainsi comme tu dis, l'ordonnance estoit telle & l'accord, que la bougette ne seroit baillée à l'un sans l'autre.

La finesse de Demosthenes, vtile à vne chambriere.

¶ De quelque personnage Athenien.

Cecy qui ensuit ne fut pas aussi fait de petite subtilité: Quelque personnage estoit en Athenes, qui fut hay de tout le peuple. Comme cestuy asistoit deuant ledict peuple, pour se defendre d'un crime capital, commença à prier l'assistance, qu'on le feist grád magistrat d'Athenes: non pas qu'il esperast pouoir paruenir à ce hault degré, mais afin que pour ceste dignité demandée, ledict peuple se desgorgeast sus luy de son ire par son refus: ce qui aduint, & ne fut trompé de sa cauteleuse entreprinse: car apres ceste demande, toute l'assemblée & conuention commença à crier contre luy, & le siffler par moquerie & derision. Ainsi fut il refusé à son grand deshonneur: puis ledict peuple appaisa son ire. Et quand fut question de le condamner à la mort, estoit tout refroidy, & se monstra misericordieux. Or si cestuy eust fait ouuerture de sa matiere, tandis

La finesse d'un personnage de Athenes pour sauuer sa vie.

Le septième Livre

tandis que le peuple estoit animé contre luy, sans point de faulte on n'eust ouy ses raisons, & eust esté en grand danger de sa vie. La finesse qui ensuit est de la sorte.

¶ De Hannibal.

L'astuce de Hannibal envers le parlement Carthaginois.

Le premier Hannibal vaincu en bataille nauale par le consul Duilius, craignant d'estre puny pource qu'il auoit perdu les nauires Carthaginoises, sauua & destourna son offense par merueilleuse astuce, & finesse. Ainçois que le messager portast les nouuelles en Carthage de ceste deffaiete, il enuoya vn de ses amis, honneste personnage & homme de mise audict lieu: lequel paruenue à la court de ceste cité, commença à dire ce qui sensuit: Seigneurs Carthaginois, Hannibal m'a enuoyé pardeuers vous, pour vous demander conseil. Comme ainsi soit que soyiez assez aduertiz, que le capitaine des Rommains soit arriué avec grâde multitude & grosse flotte de nauires, il veult bien sçauoir si vous estes d'opinion qu'il doyue guerroyer avec luy. Lors tout le senat de Carthage commença à dire, qu'il ne falloit doubter qu'il ne le deust faire. Adonc ledict messager respondit: Certes il a desia faict, & a esté surmôté. En ce poinct les senateurs n'eurent liberté de cōdemner ledict Hannibal, pource qu'ilz auoyent tous opiné qu'il deuoit estre ainsi faict.

¶ Du second Hannibal.

La finesse du second Hannibal, pour rendre Fabius suspect aux Romains.

Consequemment le second Hannibal, afin qu'il rendist suspect au peuple Romain Fabius Maximus, qui par ses dilations de guerre aux Romaines profitables, se iouoit & moquoit de son ost inuincible. Ledit Hannibal mist à feu & à sang toute la plaine d'Italie, fors le territoire dudit Fabius, qui laissa entier & sauf. Ceste couleur & vmbre de bienfaict pleine de fraude & deception, eust peu seruir de quelque chose, si Romme n'eust congneu la loyauté & debonairété de Fabius, & les fineses de Hannibal.

¶ De Tusculans.

Les Tusculans aussi se sauuerent par astuce. Comme iceulx eussent bien meritē pour leurs frequentes rebellions, que les Rommains destruisissent totalement leur ville. Et à faire ce massacre Furius Camillus trescheualereux capitaine, équipé d'une trespuissante armée, fut arriué, tous les Tusculans avec la longue togue vindrent au deuant de luy, & luy feirent present de viures, & promirent faire tous deuoirs & charges. Mesme souffrirent qu'il entraist armé dedans leurs murailles, & n'en changerent d'habit, ne de maniere. Par ceste cōstance de tranquillité n'eurent seulement nostre amytié, ains aussi iouirent de noz priuileges & libertez. Certes ilz vsèrent de subtile simplicité, congnoissans qu'il estoit plusapte dissimuler leur crainte par courtoisie & liberalité, que la defendre par armes.

¶ De Tullus capitaine des Volsques.

La finesse des Tusculans pour sauuer leur vie

Le conseil de Tullus capitaine des Volsques fut execrable, & plein de malediction. Cestuy estant enflammé par grâde conuoitise de faire la guerre aux Rommains, voyant les coeurs de ses souldardz amatiz & rompuz, pour quelques conflitz maleureux, & pourtant plus enclins à paix, par tromperie & fallace les contraignit à faire ce qu'il vouloit. Or comme vne grande tourbe de Volsques

Volsques fut venue dedans Romme, pour voir les ieuz, cestuy Tullus aduertit les consulz, & di& qu'il craignoit beaucoup que ces gēs ne feissent des folz, & qu'ilz ne machinassent quelque chose hostile, pourtant qu'ilz se gardassent. puis quand leur eut donné à entendre ce propos, sortit de la ville. Les consulz rapporterent au senat ceste besongne, qui n'auoit soupçon de rien, ce neantmoins esmeu des parolles de Tullus, qui estoit personnage d'autorité, ordonna que les Volsques voidassent de Romme auant qu'il fust nuit: lors irritez de ceste iniure, peurent facilement estre poulséz à soy rebeller. Ainsi la menterie de ce fin capitaine, enuelopée de fiction de beneuolence & amitié, trôpa deux peuples ensemble, c'est asçauoir les Rommains, afin qu'ilz iniuriaffent les Volsques, qui estoient innocens: & les Volsques, afin qu'ilz se courrouçassent cōtre les Rommains, qui auoyent esté deceuz par l'astuce & tromperie dudit capitaine.

La finesse de Tullus, pour faire guerroyer ses soudartz contre les Rō mains.

¶ DES RVSES DE GVERRE.

CHAP. IIII.



Estre maniere de guerre & cautele que ie vueil declarer, sent sa noblesse & excellence: & est loing separée de toute reprehension: les oeuvres & actes de laquelle (pource que bōnemēt on ne leur peult donner nom en Latin) nous les nommerons en Grec Stratagemes, c'est adire en François, ruses & astuces de guerre.

¶ De Tullus Hostilius roy de Romme.

Après que Tullus Hostilius équipé de toute sa gendarmerie entiere, eut assailly les Fidenates, qui ne souffrirent par leurs frequentes rebellions, que nostre empire, qui estoit encore foible, & commençoit à s'eleuer, deuint paresseux, ains enseignèrent comme nostre puissance & prouesse, nourrie & entretenue par les victoires & triumphes de noz voisins, deuoit induire nostre esperance à faire des conquestes plus loing. Metius Suffetius dūcteur des Alba nois, en ce conflict descourrit sa foy d'alliance & confederation, qui nous estoit tousiours suspecte & douteuse. Après qu'il eut vn costé de la cheualerie Rommaine descouuert, cestuy se va retirer avec ses bendes, en vne coste prochaine, pour estre à l'aduenir au lieu de secours & adiuteur, contemplateur dudit conflict, afin qu'il eust assailly les vaincuiz, ou enuahy les vainqueurs las & trauaillez. Il n'y a point de doute, que cela eust affoibly les courages de noz soudardz, quand eussent veu en vn mesme téps leurs ennemis vaillamment guerroyer, & le secours dudit Metius deffaillir. Donc afin que cela ne se feist, Tullus y mit remede: il piqua son cheual, & s'en alla par tous les rengz de son exercite, les aduertissant que par son commandement, Metius s'estoit retiré à part: & que quād il luy feroit signe, frapperoit sus l'arrieregarde des Fidenates. Par ceste ruse, Tullus changea la crainte de son ost en confiance, & au lieu de tremour, remplit les coeurs de ses gendarmes de promptitude & assurance.

La ruse q seist Tullus, pour encourager ses gens.

¶ De Sextus Tarquinius.

Or afin que nous ne facions soudaine digression de noz rois, Sextus Tarquinius

Le septieme Liure

La ruse de Sex-
tus Tarquin
enuers les Ga-
bins.

quinius filz de Tarquin l'Orgueilleux, estat despité que les Gabins ne pouoy-
ent estre vaincuz par son pere, il trouua vne maniere de les expugner, plus for-
te que les armes: par laquelle leur ville pouoit estre prinse, & adioincte à l'em-
pire Rommain. Or pour parfourrir son entreprinse, soudain ce transmit en i-
celle, comme fuyant l'inhumanité de son pere, & les afflictions qu'il auoit souf-
fert volontairement, puis trouua le moyen petit à petit, par doulces feinctises
d'auoir grace d'vnchascú: en sorte qu'il paruint à auoir la dominatió d'iceulx.
Lors enuoya vn sien familier à son pere, pour luy denócer comme tout estoit
en sa puissance, & luy demander qu'il vouloit qui fust fait. L'astuce du vieil-
lard pere fut conforme & correspondente à la ruse de ce ieune enfant royal.

La ville des
Gabins prinse
par ruse.

De ceste excellente inuention Tarquin l'Orgueilleux recreé & resiouy, mais
ne se fiant du tout au messager, ne donna response: ains le mena en son iardin,
print vn baston, & rompit les testes aux plusgrandz & plus haultz pauotz, qui
fussent en iceluy. Quand le messager fut retourné, recita la chose comme elle
auoit esté faite. Adonc le ieune enfant cõgnoissant la silence & le fait de son
pere, entendit le cas, & ne doubta que son pere ne luy commandast qu'il l'en-
uoyast en exil, ou qu'il feist mourir les plusgrandz d'entre les Gabiens. Donc
ledict filz liura à son pere leur ville, & les bons soudardz qui la defendoyent,
quali tous liez & enchainez.

¶ Des Rommains.

Ruse des Ro-
mains au siege
du capitol.

Ce qui ensuit fut fait par noz maieurs d'vn conseil bien prudent, & mes-
me l'issue en fut bienheureuse. Du temps que nostre ville estoit prinse, & que
les Gaullois eurent mis le siege deuant le capitol, qui estoit imprenable, mais
leur espoir estoit de le conquerir en nous affamant. Adonc les Rommains v-
serent d'vne sorte de conseil tres fin & subtil, si qu'ilz osterent l'intention aus-
dictz Gaullois vainqueurs, de vouloir perseuerer à leur entreprinse. Certes
ceulx cy commencerent à iecter de maintz endroitz force pains, afin que par
ce regard les Gaullois s'estonnassent, & creussent que noz gens eussent encore
infinie abondance de froment: ce qui les contraignit de leuer leur siege par cõ-
position. A ceste heure là veritablement Iupiter eut pitié de la prouesse Rom-
maine, en empruntant secours à cautele & astuce, quand il veit que lesdictz
Rommains iectoient les viures, dont ilz auoyent peu, & qui leur estoient bié
necessaires à leur subuenir, en la grande necessité ou ilz estoient. Donc l'aduen-
ture en fut bienfortunée: & ainsi comme le propos en fut caut & ruse, aussi e-
stoit il bien dangereux. Ce mesme Iupiter parapres se monstra fauorable &
propice aux sages entreprises de noz tresexcellens capitaines. Comme Han-
nibal gastoit vn costé d'Italie, & Hasdrubal enuahit l'autre, de paour que les
deux exercites des deux freres ne se ioignissent ensemble, & qu'ilz ne nous tinf-
sent en subiection par charge importable. Le vif conseil d'vne part de Claude
Nero, & la singuliere prouidence de Liuius le Saulnier, d'autre, y misrent or-
dre. Nero va dresser son armée droit ou estoit Hannibal, c'estasçauoir au pays
de Lucanie, & fait tous ses preparatifz comme s'il eust voulu donner la ba-
taille, toutefois n'estoit sa phantasie: Hannibal s'equipe pour bien le recevoir:
mais ledict Nero en vne belle nuit tout secretement s'en va pour donner se-
cours à son compaignon, avec merueilleuse diligence: car le chemin estoit
loingtain.

La ruse de Ne-
ro contre Há-
nibal.

loingtain. Le Saulnier estant en Vmbrie, qui deuoit auoir le lendemain la bataille à la riuere de Metaure, avec grande dissimulation receut de nuit en son camp tout l'ost de Nero: il commanda que les tribuns se ioignissent avec les tribuns: les capitaines de gens de pié avec leurs semblables: les gens de cheual avec les gens de cheual: & les pietons avec les pietons. Ainsi sans faire aucunement bruit, assembla il tous les deux exercites en vn lieu, ou à grande peine en pouoit il contenir vn. Dont il aduint que Hasdrubal en receuant la bataille, ne sceut pas qu'il eust affaire à deux consulz, iusques à ce qu'il fut desconfit par la puissance de l'un & l'autre. Ainsi la cautele Punique, qui estoit respandue & renommée par toute la terre, fut moquée de la prudence Romaine: en sorte que Nero trompa Hannibal: & le Saulnier, Hasdrubal.

¶ De Quintus Metellus consul.

L'entreprise de Quintus Metellus est digne d'estre rememorifée & recitée: Lequel estant proconsul, menant la guerre en Espagne contre les Celtiberes, qu'aucuns nomment les Nauarrois, ne pouant auoir par sa vertu bellique, la ville de Trebie, qui est capitale de ce pays, réua long temps en son entendement: mais à la fin trouua la voye, par laquelle il meineroit à fin ce qu'il auoit deliberé: il abandona ladicte ville, puis mena son ost par grande impetuosité en diuers chemins, & diuerses regions, puis ça, puis là: auourd'hui en vn endroit, demain en l'autre: maintenant se ie estoit aux monteignes, à tourner la main passoit oultre: en sorte que la cause de ceste inopinée & soudaine agitation & commotion estoit incongneue, tant à ses gens, comme à ses ennemis. Si fut interrogé de quelque sien amy pourquoy il vauquoit ainsi: Desistoy, dist il, de t'enquerir de ceste besongne: vrayemēt si ie scauoye que ma chemise sceust ce que i'ay deliberé, soudainement ie la mettroye au feu. Or deuinez qu'il aduint de ceste dissimulation, ou quelle fin elle eut. Certes quād il eut mis son ost en ignorance, & toute Celtibere en erreur, apres auoir fait ses courtes ailleurs, soudainement s'en reuint deuant Trebie: & lors qu'elle ne se deffioit de rien, la print en grande crainte. Donc s'il n'eust inuenté quelque ruse, il fust vieilly deuant les murs de ladicte ville.

La ruse de Metellus alécotre des Nauarrois

Le dist de Metellus touchant garder vn secret en guerre

¶ Exemples des estrangers.

¶ D'Agathocles roy de Syracuse.

Agathocles Roy de Syracuse, qui estoit la ville capitale de Sicile, vfa de ruse fort hardie. Comme les Carthaginois eussent occupé pour la plus grande part la ville, ne s'amusa à la defendre, ains fait passer sa cheualerie en Afrique, afin qu'il esteingnist & ostast crainte par crainte, & force par force: ce qui vint à effect, & ainsi qu'il le pensoit. Les Carthaginois estonnez & effrayez de sa soudaine venue, volontairement racheterent leur salut, en sauuant leurs ennemis, & appointerent: en sorte qu'en vn mesme temps, Afrique seroit deliurée des armes des Siciliens, & Sicile des armes des Carthaginois. Or si Agathocles eust perseueré à defendre les murs de Syracuse, iceulx eussent esté foulroyez & gastez par les incommoditez & mauix belliques, & Carthage eust vescu

La ruse d'Agathocles enuers les Carthaginois.

Le septieme Liure

vescu paisiblement. Maintenant en faisant à ses ennemis de tel pain telle soupe, & en assaillant les terres d'autrui, au lieu de garder les siennes, d'autant que plus patiemment il laissa son royaume, d'autant le recouura il & receut plusieursment.

¶ De Hannibal.

Les ruses de Hannibal à la journée de Cannes.

Que dirons nous plus? Hannibal contéplant l'ost des Rommains à la journée de Cannes, ains qu'il vint à donner la bataille, ioua tout plein de ruses, si qu'il conduisit ledict ost à miserable fin. Deuât toutes choses il trouua le moyé que les Rommains eussent le soleil & la pouldre (qui souloit en ce lieu estre esleuée par le vent) à l'oeil: puis fait fuir tout à escient comme on batailleoit, vne partie de ses bendes: laquelle comme vne legion Romaine poursuyuit, ainsi que deséparée du reste de l'exercite, auoit mis embuches qui tuerent ladicte legion. Finablement il atitra quatre cens hommes d'armes, qui feignirent se vouloir reuolter, & fuyuir le party des Rommains: lesquelz vindrent se rendre au consul. Lors les receut, & leur commanda qu'ilz ostassent leurs armes, & qu'ilz se retirassent à l'arrieregarde. Ce qu'ilz feirent: mais ilz auoyent couuertement entre leurs haubertz & cottes, des petites espées, qu'ilz tiraient, & en couperent les iarretz aux Rommains. Voila la prouesse de quoy vserent les Carthaginois, qui estoit equipée de tromperies, trahison, & fallace: qui est bien pour excuser la vaillantise Romaine circonuenue & deceue. En ceste bataille le vrayement nous fusmes mieulx deceuz que vaincuz.

DES REFVS DES DIGNITEX & offices.

CHAP. V.



Vand on considere bien l'estat du camp Martial, qui estoit vn lieu de brigue, ou s'eslisoyent les pretendans aux offices de Romme, ou ilz estoient repoulsez. Cela donne instruction ausdictz pretendans, ou à ceulx qui aspirét à quelque dignité ou magistrat, à porter patiemment, s'ilz sont refusez & esconditz de leurs demandes. En mettant deuant leurs yeulx, comme les excellens personnages mesmes, ont esté le plus souuent deiectez de leurs requestes: si que s'ilz ont espoir de paruenir à quelque honneur, se monstrent prudens à le demander: & aussi doyuent recorder, qu'il n'est pas illicite & impertinent, que plusieurs escondissent vn seul, considéré que souuent aucuns particulièrement resistent bien à la voluté de tous en general. Sçachent aussi qu'il faut querre par patience, ce qu'on n'a peu auoir par grace.

¶ De Quintus Aelius Tubero.

Banquetz se faisoient en Romme en l'honneur des vaillans cheualiers trespassez. La chicheté de Tubero desprisée des Romains.

Quintus Aelius Tubero fut prié de Q. Fabius Maximus, qui faisoit vn cōuiue au peuple Romain au capitolé, au nom du bon trespasé. Publ. l'African, oncle dudit Tubero, qu'il voulsist parer le cenacle, c'est adire le lieu ou se faisoit ledict banquet. Lors ledict Tubero, au lieu de magnifiques couches, & tapisserie hōneste, fait mettre des lietz de bois, qui n'estoyét de grāde valeur: puis les para de peaux de cheureaux: & au lieu de vaisselle d'argēt, fait seruir de vaisselle

selle de terre. De ceste deformité & vilenie tant furent courrouceez les Romains, que iacoit ce qu'il fust tenu honneste personne, & de grande autorité, si perdit il son credit. Et ainsi que quelque fois il s'estoit transporté au champ Martial, pour briguer la preture, combien qu'il fust beaucoup supporté pour l'honneur de L. Paulus son grand pere, & de Publius l'African son oncle: si fut il repellé & refusé tout à plat. Certes ainsi que les Romains prisoyent bien vne parçité particuliere, aussi vouloyent ilz qu'honnesteté fust gardée, qu'on feist appareilz magnifiques, quād il estoit question de faire bâquetz publicz: pourtant estimerent ilz que ceste chicheté & vilenie que monstra ledict Tuberus, n'estoit seulement faicte à ceulx qui assistoyent au bâquet, ains à tous ceulx de la ville: par cela feirent la vengeance de ce cas hôteux, en refusant ledict Tuberus de sa demande.

¶ De P. Scipion Nasica.

Comme Scipion Nasica l'excellentissime clarté de toute la court de parlement, & cestuy mesme, qui estant consul, fait denoncer la guerre à Iugurthe. Celuy qui receut de ses tressainctes mains l'idole de Cibelle mere des dieux, laquelle fut transportée de Troye à Romme: celuy qui par sa grande autorité esteingnit moult de troubles & seditions pestiferes: duquel le senat se glorifioit, ayāt iceluy pour son chef quelques ans. Or cōme cestuy Nasica briguoit pour estre escheuin, & ainsi qu'en la maniere des pretendans aux offices, il eust prius la main estroitement de quelque payfant, laquelle estoit pleine de cal, & fort endurcie de besongner, par ieu luy va dire: Mais vien ça, ne chemines tu point aucunefois des mains. Ceste parolle ne tōba pas à terre, ains fut soudain recueillie de ceulx qui estoient autour d'eulx: & finablement paruint aux oreilles du peuple: ce qui fut cause de l'escondire de ce qu'il demandoit. Toutes les ligues des gens rustiques penserent de ce mot estre iniuriées, & qu'on leur reprochoit leur poure estat: parquoy se cholerent de ce brocard. Donc nostre cité fut cause de faire de bons & vtils citoyens, en reprimant l'insolence des ieunes gentilzhommes, & les reprenāt quand ilz failloyent: & fait que la gravité qui deuoit estre aux offices Rommaines, fut gardée, ne souffrant point estre derisées & moquées, par raillardz & gaudisseurs.

La gaudisserie de Scipio Nasica.

¶ De Lucius Emilius Paulus.

Nulle telle faulte ne fut trouuée en L. Emile Paul: mais toutefois souuent perdit il sa peine à demander le consulat: & comme la conuention du champ Martial, fut desia lassée de l'escondire, ce neantmoins fut il apres deux fois consul, & deux fois censeur, mesme dictateur. Les iniures qu'on luy fait ne briserēt sa vertu & magnanimité, ains l'aiguiserent: & le deshonneur d'estre repellé le rendoit plus conuoiteux & ardent de paruenir à hault estat, si qu'il vainquit le peuple plus par ses obstinées requestes, que par sa haulte noblesse, & dons de grace.

La persécution de Paul Emile à poursuivre offices.

¶ De Quintus Cecilius Metellus.

Petit nombre d'amis angoisieux & contristez de ce que Cecilius Metellus auoit esté refusé du consulat, le reconuoyerent à sa maison desolé, fâché & hôteux. Le senat accompagna & conduisit cestuy mesme ioyeux & delibéré, au capitolé, lors qu'il triompha d'un qui se disoit faulxement estre bastard du roy

Le refus de Metellus au consulat.

Philippe,

Le septieme Liure

Philippe, & qui auoit soubz ce tiltre occupé la region de Macedone. La plus grande partie de la guerre d'Achaye, à laquelle mit fin L. Mumius, fut par cestuy Metellus mise en rouverte. Il m'esbahy comme le peuple Rommain refusa le consulat à cestuy, auquel il donna apres le gouvernement des prouinces de Achaye & Macedonie. Certes par ce refus, il en deuint meilleur, & plus affecté en la republique, il congneut de quelle industrie & bonne prudence se deuoit monstrer en ce consulat, qu'il auoit impetré avec si grand labour.

¶ De Lucius Sylla.

Sylla refusé
de la preuosté
de Romme.

Fut il en Romme plus hault personnage, ne plus riche, que Sylla? qui donna les biens des Rommainz (quand il feit sa proscription) & les seigneuries à qui il luy pleut, qui destruisit les anciens statutz, & en feit de nouueaux: toutefois cestuy fut refusé au champ Martial (dont il fut par apres seigneur, car il fut dictateur) de la preuosté ou bailliage de Romme. Certes si aucun des dieux eust donné à congnoistre au peuple Romain la puissance, & haultain estat, ou deuoit paruenir ledict Sylla, de quelque office qu'il eust demandé, n'eust iamais esté escondit.

¶ De Marc Porcius Caton.

Caton ref. é
de la preuosté

Mais afin que ie face recit d'une grande faulte, & grande folie que feit vne fois ceste conuention, le toucheray de Marc Caton: lequel par sa bonne vie apportoit plus d'honneur à l'office de preuost ou bailly qu'il demandoit, que ladicte dignité ne luy en eust fait: toutefois ne peut il obtenir du peuple vn iour ladicte preuosté. Certes ceste assemblée se monstra bien imprudente, mais fut bien punie de sa faulté, pource qu'elle fut contraincte donner cest office à Vatinius mauuais guarnement: lequel elle auoit denié à Caton tant homme de bien, & vertueux. Donc si nous voulons faire vray iugement, nous dirons qu'à ceste heure là, ledict office ne fut pas denié à Caton, mais Caton fut denié à ladicte dignité.

¶ D E N E C E S I T E.

CHAP. VI.

La necessité
des Romains,
durant la secô
de bataille Pu
nique.



Necessité à contraindre les Rommainz, & aussi les estranges nations, aucunes fois à endurer choses indignes à faire & à ouir. Lors que eusmes perdu innombrables ieunes gendarmes Rommainz, par la fortune des guerres, durant la secôde bataille Punique: le senat par l'autorité de Tyberius Gracchus consul, ordôna qu'on achetaist partout force seruiteurs, pour repoulsier l'impetuosité de ennemis. Et de ceste mesme affaire par les tribuns du peuple fut estably, que trois personnages seroyent constitués, qui auroyent la charge d'acheter vingt quatre mille seruiteurs, qui seroyent iurez, de loyaument & vaillamment seruir les Rommainz, tandis que les Carthaginois seroyent en Italie, ce qui fut fait: puis leur baillerent des armes, & les enuoyerent au camp. Aussi on en acheta de Pouille, & des Fidicules deux cens soixante & dix, pour parfourrir le nombre de la cheualerie. O que necessité est chose violente & amere, qui alors feit que lesdictz Romainz, qui es iours de felicité ne daignoyent ioindre à leurs exercites, mesme poures gentilzhommes, tirassent les seruiteurs des ouuroirs & boutiques, & pasteurs de leurs loges champêtres

champestres, pour renforcer leur gendarmerie. Dont aucunes fois vn courage noble cede & donne lieu à vtilité: c'est adire qu'il s'abesse pour le proufit de la republique, & est succombé de la puissance de Fortune. Certes en extreme necessité il est pluseur de regarder ce qui est vtile, que ce qui est honneste.

¶ De la cité Rommaine.

La deffaiete de Cannes rompit si violement nostre ville, que par le conseil de Marc Iunius dictateur, les Rommains furent cōtrainctz de prendre les despoilles des ennemis affichées dedans les tēples, & consacrées en l'honneur des dieux, pour leur en aider au faict de la guerre. On feit aussi vestir les armes aux ieunes enfans, qui n'auoyent point encore seize ans. On enroulla aussi, & mit on en l'ordonnance, six mille cōpagnons, qui estoient condēnez à mort. Si bien on considere ces choses, on trouuera que de soy elles sont honteuses: mais si on regarde le tēps de necessité, ou les Rōmains estoient alors, on trouuera que cest aide estoit conuenable à la malignité du temps.

La necessité des Rōmains, apres la iournée de Cātes.

¶ D'icellemeisme cité.

Pour icellemeisme deffaiete Octacile, qui auoit le gouuernement de Sicile, & Cornille Mammula, qui gouuernoit Sardine, tous deux preteurs extraordinaires, se plaignirent au senat qu'ilz n'auoyent plus d'argent pour gager leur ost, ne l'exercite des alliez, ne de froment, pour aitailler leurs nauires, & que ilz n'auoyent de quoy y pouruoir. Adonc le senat leur rescriuit, que le tresor public n'estoit pour soustenir si loingtains fraiz, pourtant qu'ilz feissent du mieulx qu'ilz pourroyent. Par ces lettres que faisoit autre chose le senat, sinon qu'il alienoit de l'empire Rōmain son tenement & appartenances, & quittoit Sicile & Sardine nourrices de Rōme, & qui estoient la fermeté & le soustien des guerres: lesquelles auoyent esté redigées en leur puissance avec grand travail, & beaucoup de sang respendu? Ce neantmoins dōna le senat à congnoistre en peu de parolles, qu'il les abádonoit, pource q̄ necessité l'y cōtraignoit.

Sicile & Sārdi ne prouinctes quistées p les Rommains en temps de necessité.

¶ Des Casilines.

Ceste meisme necessité contraignit les Casilines peuple d'Italie, lors qu'ilz furent assiegez par Hānibal, & que les viures leur faillirent, de mager les courroyes de cuir, & les peaux de leurs boucliers mollifiées & boullues en eaue chaulde. Que trouueras tu plus miserable que les pures Casilines, si tu regardes la destresse ou ilz estoient? Que trouueras tu plus loyal & fidele qu'iceulx, si tu contemples leur constance en amitié? Lesquelz de crainte de se separer de l'amitié des Rommains, voulurent vs̄er de ceste sorte de viures: consideré que ilz veissent d'auantage leurs terres & champs ioignans de leurs murs si gras & fertiles. Certes la ville Casiline, qui estoit située pres de Cappelles, facha bien, & cousta bien aux citoyens de ladicte Cappelles, qui auoyent laissé le party des Rōmains, pour suyuir Hannibal, & qui auoyent de toutes sortes de delices aucunement ramoly les coeurs felons des Carthaginois, voyans les Casilines tant loyaux & perseuerans en l'amour des Rommains.

Que feirēt les Casilines en temps de necessité.

¶ Des Prenestins.

Ainsi que trois cens Prenestins estoient en ce meisme siege, avec les Casilines, perseuerans aussi en loyauté, il aduint qu'un d'être eulx print vn rat, & ay-
ma mieulx le vendre deux cens deniers Rommains, que d'en rassasier sa faim.

Combien fut vendu vn rat, durant la iournée de Casiline.

Q ij Mais

Le septieme Liure

Mais ie croy que la prouidence des dieux feit que le vendeur & l'acheteur eussent telle fin & aduenture, comme ilz l'auoyent tous deux merit . Le vendeur par son auarice mourut de faim, & n'eut le loisir d'vser de sa prinse: l'acheteur, qui estoit personnage rassis, sauua sa vie par ceste viande cher achet e: mais la necessit  le contraignoit.

¶ De la cit  Rommaine.

Ornem s des temples expos s au fait de la guerre.

Proscript estoit celuy duquel le nom estoit effac  de la table de arain, en laquelle on escriuoit les senateurs & les consulz, qu'on disoit peres c scriptz

Lors que Marius & Cn. Carbon consulz, auoyent guerre civile contre Sylla, & qu'en ce temps n'estoit quise victoire   la republique: mais la republique estoit le pris & loyer de la victoire, par l'ordonnance du senat: les ornemens des temples, qui estoient d'or & d'argent, furent fonduz, & en fait on de la monnoye pour soudoyer les gendarmes. Vrayement il estoit bi  raisonnable, que les dieux fussent pillez & despouillez de leurs precieux ioyaux, afin que ces deux consulz, ou Sylla, rassassent leur cruaut  par la proscription des citoyens Rommains. Certes la chose ne fut pas faicte par le vouloir des peres conscriptz, mais necessit  les contraignit de ce faire, car ilz craignoient Sylla qui estoit vainqueur.

¶ Du sacr  empereur Iules Cesar.

Iules Cesar fit faire vn bouleuert de corps mortz.

Ainsi que Iules Cesar eut assieg  Munde ville d'Espagne, & comme les matieres defailloyent pour faire vn bouleuert, fait amasser force corps mortz, & le fait de la haulteur qu'il auoit desir  faire: aussi pource qu'on ne pouoit trouuer des palz, peissons, ou pieux, commanda qu'on l'entrelacast de dardz, qui estoit vn nouveau & non accoustum  bastiment faic    la necessit .

¶ Du sacr  empereur Auguste.

Chert  de viures en Bosphore.

Or afin que ie melle le recit du filz avec le pere, ie toucheray icy d'Auguste Cesar. C me Phraates roy des Parthes voulut resp dre sa g darmerie en noz prouinces, & les pays de frontiere fussent grandement esperduz pour ces nouuelles, il y eut si grande chert  de viures au climat de Bosphore, que chascun vaisseau d'huile estoit vendu six mille deniers, ou dragmes, & le muy de bl  estoit permut  & chang    autant de serfz: c'est   dire qu'il falloit bailler six mil le serfz pour vn muy de bl . Mais ledit Auguste, qui auoit pour lors la garde du monde, y sceut bien pouruoir, & repouls  cette amere & angoustieuse affliction.

¶ Exemples des estrangers.

¶ Des Cretenfois, ou Candiens.

Les Candiens contrainctz de boire de leur vrine & de celle de leurs cheuaux.

Les Cretenfois n'eurent tel secours ou aide: lesquelz estans assiegez par Metellus, vindrent   si grande necessit , qu'ilz furent contrainctz d'estancher leur soif de leur vrine, & de celle de leurs cheuaux: car craign s estre vaincuz, endurerent plus, que le vainqueur ne leur eust faic  endurer, s'il les eust prins.

¶ Des Numantins.

Les Numantins contrainctz de manger les corps mortz.

Les Numantins estans assiegez par Scipion, apres qu'ilz eurent consum  tous leurs viures,   la fin vesquir t des corps humains mortz: & qu d leur ville fut prinse, plusieurs furent trouuez portans des corps mortz entre leurs bras. Ceulx cy ne doiuent estre excus s de necessit : car s'ilz se fussent voulu rendre, n'eussent endur  telle destresse: mais puis qu'il leur plaisoit ainsi mourir, il n'estoit necessaire qu'ainsi vescussent.

¶ Des

¶ Des Caliguritans.

L'execrable inhumanité des Caliguritans surpassa la cruelle obstination des Numantins en semblable meschanceté : lesquelz afin que plus perseuerassent à se monstrier loyaux au capitaine Sertorius apres sa mort, estans assiegez par Pompée, auoyent ia mangé toutes les bestes qui estoient en leur ville. D'a uâtage mangerét leurs femmes & leurs enfans : & afin que les ieunes soudardz se nourrissent pluslonguement, ilz falloient le demourât des charôgnes mortes. Y a il capitaine au monde, qui voulsist mieulx enhorter ses gendarmes, que de vaillamment batailler pour la vie & salut de leurs femmes & enfans? Certes ce tresexcellent capitaine Pompée deuoit pluscher aymer faire la punition de telles gens pour leur cruauté, que d'appeter la victoire d'iceulx : car la vengeance pouoit plus apporter de liberté, q̄ le vaincu n'eust apporté de gloire au vainqueur : pource que lesdictz Caliguritans surpasserét en cruauté toutes sortes de serpens & bestes cruelles : car on voit les serpens & autres bestes inhumaines, aymer mieulx leurs petis, que leur vie propre, en exposant icelle pour leur defense. Au contraire les Caliguritans feirent de leurs femmes & enfans, leurs disners & soupers.

Les Caliguritans magerét leurs femmes & leurs enfans

¶ DES TESTAMENS QVI FV-
rent retrenchez.

CHAP. VII.



Mbesongnons nous maintenant à l'affaire des testamens, qui est vne chose qui concerne les actes & la vie de l'homme : car en ordonnant son testament, l'homme doit bien considerer comme il a veſcu, & adiouster grande diligence à le bien faire : ce qui se fait le pluscommunément quand on se veult mourir. Voyons aussi cōme aucuns testamens legitiment faitz, ont esté annullez & cassez : & aussi d'autres, qui ont esté ratifiez & approuuez, qui eussent peu estre declarez nulz : & comme aucuns biens delaissez par testament sont escheuz à autres, qu'à ceulx qui se attendoyent en estre heritiers.

Comme on doit faire testament

¶ De quelque soudard.

Et afin que i'y procede selon l'ordre que i'ay deliberé, i'en voy reciter vn exemple. Il fut vn pere, qui eut vn filz du mestier de la guerre, & comme ledict pere eut entendu faulſement que ledict filz fust mort, constitua autres heritiers apres sa mort. Mais quād le ieune cōpagnō eut esté le téps qu'il deuoit estre en ladicte guerre, s'en reuint en sa maison. Lors par l'ignorāce du pere, & l'impudence de ses amis, il trouua la maison fermée. Eussent ilz ſceu faire chose plus-maleureuse & effrontée ? Cestuy auoit consumé la fleur de sa ieunesse pour le pays & la republique : il auoit enduré grandz trauaux, & maintz perilz : il mōstroit les coups qu'il auoit receu des ennemis en cōbatant vaillāment. Parquoy requeroit que ceulx qui auoyét veſcu en oisinerie, & qui apportét plus de charge à vn pays, que d'honneur, n'eussent la iouissance de ses biens & maisons paternelles. Donc fut contrainct de laisser les armes, s'en aller à la court, & debatre son bon droit contre les iniustes detenteurs de ses heritages, deuant les cent conseillers, c'est adire deuant le ſenat : qui conclurent tous, qu'il demoureroit le vray heritier.

Vn filz priué de l'heritage de son pere p ignorance, fut restably.

Le septieme Livre.

¶ Du filz de Marc Ancus Carseolan cheualier Rommain.

Vn filz restitué en son heritage paternel.

En quoy on escriuoit anciennement.

Le testament d'Ancus Carseolan tres honnestre cheualier Rommain, pere naturel d'un sié filz, qui auoit esté adopté d'un sié oncle, fut déclaré nul par les senateurs, pource qu'il auoit fraudé ledict filz, & auoit fait ses heritiers un appelé Tullian seruiteur de Pompée, & deux autres de sa parenté. Auquel testament auoit esté tesmoing ledict Pompée, & auoit signé. Parquoy quád le susdict filz vint à debatre la matiere en la court, se trouua plus empesché pour la faueur de Pompée, que de l'ordonnance faite par son pere. Et cōbien que ces deux choses luy nuisissent fort, c'estasçauoir l'autorité de Pompée, qui soustenoit son seruiteur estre heritier : & aussi l'exécution de la derniere volonté de sondict pere, ce neantmoins fut il mis en possession du bien paternel, & déclaré vray heritier. Or L. Sextilius, & P. Popilius, lesquelz cestuy Ancus auoit fait coheritiers de Tullia, pource cōme i'ay dict qu'ilz estoient ses parés, en debatant cōtre leur cousin filz d'Ancus, n'osérēt iurer que ledict testamēt fust legitime-ment fait, iacoit ce qu'ilz eussent peu estre incitez de defendre la teneur du testament (qui alors s'escriuoit en tablettes de cire, deuant l'usage de papier & parchemin) s'appuyans à la grande autorité & puissance de Pōpée : & mesme cela leur eust quelque peu aidé, que ce filz estoit adopté en la famille de son oncle Suffenas, & par ce sembloit auoir renocé au droit heredital : nōobstant l'estroict lien de generation, surmonta ensemble l'autorité de ce grand seigneur Pompée, & la volonté de ce pere.

¶ De Tectius filz d'un nommé Tectius.

Tectius re-
stably en son bié
paternel par
Auguste.

Par la sentence du sacré empereur Auguste Tectius, enfant d'un nommé Tectius, qu'il auoit eu d'une femme appelée Petronia, mariée avec luy iusques à la fin de ses iours, retourna à la succession des biens de sondict pere Tectius. Or ledict Tectius auoit desherité ce ieune enfant, pource qu'il auoit quelque souspeçon de ladicte Petronie, qu'elle ne se fust pas bien gounernée. Certes ce bon empereur Auguste se mōstra vray pere du pays, en reestablishant ledict enfant à son bien, & annichilant le testament de ce mauuais pere.

¶ D'une femme nommée Septice.

Les deux Tra-
chales reinte-
grez au bien
maternel.

Septice mere des deux Trachales de Reimino, fut vne fois si cholerée cōtre iceulx enfans, qu'en despit d'eulx, combien qu'elle n'eust sceu plus porter d'enfans, se maria à un hōme fort ancien, nommé Publius, & les priua tous deux de ses biens. Lors lesdictz Trachales s'en allerēt pardeuers Cesar Auguste, & luy cōptèrent le cas. Auguste blasma le mariage, & declara le testament de ladicte femme nul : & ordonna que les enfans iouiroient du bien maternel. Il osta aus si le douaire au vieillard, pource que le mariage n'auoit esté fait pour auoir lignée. Certes si la deesse Iustice mesme eust congneu cest affaire, elle n'eust pas donné plus droiturier ne plussage arrest. Haa maleureuse femme, contemnois tu ceulx que tu auois engendré? te mariois tu, & tu estois brehaigne & sterile? par courroux changeois tu la coustume de testameter? n'auois tu point de hōte de laisser tout tō bié à ce vieillard, soubz le corps souillard duquel tu estēdois ta vieille peau, & antiquité pourrie? Dōc ainsi cōme tu euacuois tō corps par bas, & prenois tes plaisirs, tu as esté par fouldre celeste, c'estadire par l'arrest de Auguste, enuoyée aux enfers, c'estadire en perpetuel reproche & poureté.

¶ De

¶ De C. Calpurnius Piso.

La constitution & ordonnance de Calpurnius Piso preuost de Rôme, fut singuliere & excellente. Comme Terentius fut venu faire sa plainte à luy, que de huiſt enfans qu'il auoit nourry defia tous grandz, vn, adopté par quelque autre personnage, l'auoit priué de ses biens : il fault entendre que ledict Terentius, à raison qu'il auoit beaucoup d'enfans, en donna vn à quelque quidam : mais cest enfant mourut deuant son pere naturel, & feit testament, & delaisſa à quelques autres tout son bien. Ce que voyant ledict preuost, tetrencha cedit testament, & assigna l'auoir dudit adolescent à Terence, & ne souffrit que les heritiers, à qui il auoit esté donné, en plaïdassent. Ce qui meut Piso, fut la reuerence que deuoit auoir le filz au pere : puis il consideroit qu'il l'auoit fait naistre au monde, & qu'il l'auoit nourry. Aussi le grand nombre de freres que auoit cest adolescent, l'incita en partie, pource qu'il veoit sept freres avec le pere desheritez meschamment.

Terence fait possesseur des biens de son filz qui l'auoit desherité.

¶ D'un nommé Genutius prestre au temple de Cibelle mere des dieux.

Que dirons nous plus? L'ordonnance de Mamercus Emilius Lepidus cōsul, fut de bonne prudence & gravité. Comme vn appelé Genutius prestre de la grāde mere des dieux Cibelle, lequel estoit chastré, eut obtenu par l'arrest de Cneus Orestes preteur ou lieutenant de Romme, estre remis en la possession des biens de Neuian, lesquelz il auoit eu de luy par testament. Surdinius appella de ceste sentence deuant Mamercus, pource que le liberte (c'est adire homme affranchy, qui auoit esté autrefois seruiteur de Surdin) auoit fait heritier ce moine de Cibelle nommé Genutius. Ce que congnoissant ledict Mamercus, declara l'arrest d'Orestes, nul : disant que ce Genutius s'estoit volontairement chastré, & coupé les couillons : Pourtant ne deuoit il estre reputé du nombre, ny des hommes, ny des femmes, & estoit comme vn homme mort au monde. Ceste sentence fut bien seante à Mamercus, comme consul, & prince du senat : par laquelle il pourueut que ce moine effeminé & escouillé ne se trouuaſt deuant la chaire des iuges, pour faire ses remonstrances : ce qui n'eust esté honnesté de l'ouir : pource que gens chastrez ont la voix casse, & mal sonnante.

Genutius priué d'un bien qu'il auoit esté laiffé par testament.

¶ De Vetilius macquereau.

Metellus lieutenant ciuil, se monstra plus rigoureux, que n'auoit fait Orestes, qui ne permit pas que Vetilius macquereau eust possession des biens qui luy auoyent esté delaisſez par testament : pource que ledict Metellus, personnage noble & grane, estima qu'un testamēt qui estoit approuué à la court, deuoit estre separé d'un bordeau. Pourtant ne lona le testateur, qui auoit iecté ses biens en vne estable sale & orde : c'est asçauoir en vn bordeau, & aussi n'ordonna que ce paillard & meschant putier en eust la iouissance : pource que cestuy ne deuoit estre dict vray citoyen, qui contemne l'honneste maniere de viure, & s'adonne à toute vilenie & lubricité.

Vetilius macquereau, priué de ce qu'on luy auoit laiffé p testamēt.

Le septieme Liure
¶ DES TESTAMENS QUI IACOIT CE
qu'ilz eussent peu estre cassez & retrencbez,
toutefois furent ilz ratifiez &
approuuez.

CHAP. VIII.



Ontentons nous des exemples que nous auons mis en auant, touchant les testamens qui ont esté annichilez: & parlons de ceulx qui ont esté approuuez, qu'on eust peu casser par iuste occasion. Il est manifeste que Tuditanus citoyen Rommain estoit vray fol: lequel ieettoit & respendoit son argent parmy les rues aux petis enfans, & acoustroit sa togue quand alloit par le marché, en façon d'habillement de ioueur de farces: de quoy se rioyent & moquoyent les Rommains. Cestuy feit beaucoup de telles folliettes: toutefois ordonna de son testamét, & laissa ses biés à son filz. Ce que pensa rompre & destourner T. Longus, qui estoit son parent, cuidant subuertir (en vain toutefois) le iugemét des senateurs. Certes lesdictz senateurs monstrerent par l'approbation dudit testament, qu'il falloit plus auoir esgard à l'escript, qu'à la personne qui l'escriuoit.

Le testament
d'un fol ap-
prouué.

¶ D'Ebucie femme de L. Menenius Agrippa.

Tuditan estoit fol naturel, mais Ebucia femme de Menenius Agrippa, se monstra pleine de fureur, quand elle ordonna de son testament. Or comme ceste cy eut deux filles de pareille bonté, c'estasçauoir Pletonie & Aphronie, de son instinct naturel, sans auoir esgard qu'on luy eust fait plus d'iniure ou plus de plaisir, institua Pletonie sa seule heritiere, & donna aux filz d'Aphronie entre tant de biens qu'elle auoit, seulement vingt liures. Aphronie toutefois n'en voulut point plaider, ne faire iurer sa seur, si sa mere auoit legitiment disposé de sondict testament: mais iugea estre mieulx fait, d'honorer ledict testament par patience, que de le faire declarer nul en iugement: mōstrant que d'autant qu'elle portoit la chose patiemment, d'autant estoit elle indigne que lon luy feist ce tort.

Ebucie frauda
vne de ses fil-
les de ses biés.

¶ De Quintus Metellus.

Quintus Metellus feit qu'on ne l'esbahit pas tant de la faulte d'Ebucie, qui estoit femme, pource que lui mesme faillit, en ordonnant de son testament. Cestuy Metellus auoit tout plein de parens qui portoyent son nom, & qui estoient bien renommez, & excellens personages à Romme: plusieurs aussi de la race des Clodiens fort ses prochains, qui pour lors florissoyent: ce neantmoins laissa tous ses biens par testament à vn seul nommé Carinates son familier, & nul n'attenta de casser ledict testament.

Metellus ne di
spōsā pas bien
de son testa-
ment.

¶ De Pompée, de Rheso.

Conséquemment comme Pompée natif de Rheso, région transalpine fust priué des biés de son frere, par le testament qu'il auoit fait, & alleguast (pour reprendre la malignité de sondict frere) deuant gros nombre de senateurs & tribuns, comme sondict frere auoit fait deux testamens, dont le double estoit graué à la court, auquel pour la plusgrāde partie estoit déclaré heritier, & luy laissoit cent cinquante sexterces, dont chascun sexterce valloit deux liures & demie

demie. D'avantage ledict Pompée s'en plaignoit beaucoup, & long temps entre ses amis, qui en estoient marris & desplaisans: toutefois ne pourchassa point la diffinitive deuant le senat, ains laissa reposer son defunct frere en paix. Combien que cestuy eust esleu pour heritiers, gens dissemblables à sa race, qui ne luy estoient rien, & mesmes estrangers, & de basse main, comme paisans & rustiques, si que le silence, c'est à dire la meschanceté, de n'auoir nommé cedit Pompée son frere son heritier, n'estoit seulement flagiteux audict testateur: ains la preference apportoit iniure audict Pompée, c'est à sçauoir d'auoir preferé à luy lesdictz paysans. Les testamens qui ensuyuent ne furent non plus corrigez que ceulx cy, qui fut bon eur pour ceulx qui furent heritiers: mais ie ne sçay si les testateurs offenserent point plus grieuement.

Le testamēt du frere de Pōpée Rheso approuué.

¶ DE CEVLX QUI ESLEVRENT HERITIERS
qu'on n'eust pas ainsi pensé.

¶ CHAP. IX.

¶ De Quintus Cecilius, & Lucius Luculus.

Comme Cecilius, qui par la grande vigilâce & ample liberalité de Lucius Luculus, estoit paruenue à honeste degré de dignité, & gros biés, eust tousiours mōstré qu'il auoit desir faire son heritier ledict Lucule, mesmes cōe il estoit au liēt de la mort luy deliura ses bagues & anneaux: ce neantmoins, en son testament adopta Pōponius Atticus, ainsi que si ce fust son filz, & le laissa heritier de tous ses biens. Mais apres qu'il fut mort, le peuple Rommain luy fit mettre vne corde au col, & le fit trainer parmy les rues iusques à l'eschelle Gemonius, qui estoit vn gibet en Romme, & fut le corps pendu en ce lieu infame. Donc ce detestable ingrat & trahistre homme, eut vn filz & heritier tel qu'il voulut: mais funerailles & exeques, telles qu'il auoit meritées.

La punitiō de Cecilius, pour auoir mal testamēté.

¶ De Titus Marius Vrinus.

Marius Vrinus, merita bien estre ainsi enseuely comme Cecilius. Cestuy par l'aide & support du sacré empereur Auguste, de bas estat qu'il auoit en la gendarmerie, fut esleué en gros honneur, & par les pratiques qu'il y fait deuint riche. Ledit Vrinus disoit (non seulement long temps ains qu'il mourust, mais le iour de deuant qu'il rendist l'ame) qu'il delaisseroit tous ses biens à ce luy qui les luy auoit pouchassez. Autant en dit il mesme à Auguste: mais n'en fit rien, ains les laissa à vn autre, & ne fit mentiō à son testament d'Auguste.

Titus Marius ingrat.

¶ De L. Valerius, & Cornelius Balbus.

Luce Valere furnomé Heptachorde, pource qu'il auoit sept poreaux au visage cōgneut bien en la court que Cornille le Begue estoit son grand ennemy, à raison que par son aide & cōseil luy furent suscitez tout plein de procès: & mesmes en la fin fut accusé par luy de crime capital. ce neantmoins priua de

Valere laissa ses biens à son ennemy.

Q. V. ses biens

Le septieme Liure de Valere le Grand.

ses biens ses defenfeurs & patrons, & delaiſſa ceſtuy Heptachorde ſon ſeul heritier. Certes il fault bien dire qu'un auertin & trouble luy meit l'entendement au rebours. Il ayma celuy qui le diffamoit, qui cherchoit ſon peril & mort, & hait ceulx qui le gardoyent.

¶ De Titus Barrulus, & Lentule.

Titus Barrul^s
trôpa ſon amy
Lentule.

Titus Barrulus voulant mourir delaiſſa ſes bagues & anneaux à Lentule Spinther, comme ſ'il l'eult voulu faire ſon heritier : lequel Lentule l'auoit fort aymé, & faiſt tout plein de munificences: toutefois n'eut rien de ſon bien. Or que la conſcience de ce fallacieux perſonnage, en ceſt inſtant qu'il trôpa ledict Lentule, fut tourmentée & agitée, ſi elle a telle vertu comme on dit, c'eſt à ſçauoir ſi apres le delict elle a touſiours un remors: certes elle mit l'eſprit entre l'aprehenſion de faulſeté & ingratitude, qui le tourmentoyent comme un inhumain bourreau, un poure criminel. pour ce qu'elle penſoit que ce maleureux ſ'en alloit mourir, & que pour ceſte meſchâſeté auoit la malle grace des dieux, & que les infernaulx le tiendroyent pour deteſtable & execrable.

¶ De Marc Popilius.

Marc Popile
trompa en ſon
teſtament Op
pius Gallus.

Marc Popile de l'ordre des ſenateurs, en mourant auoit touſiours l'oeil, & regardoit d'une face tresbenigne Oppius Gallus, qui auoit eſté trefamilier de luy dès ſa ieuneſſe, par ſes parolles monſtroit qu'il l'aymoit fort: & penſoit on qu'il le vouloit faire ſon hoir: meſme l'auoit embrasſé & baiſé, diſant le dernier adieu: & luy auoit baillé ſes anneaux, afin qu'il ne perdiſt rien de l'heritage qu'il ne deuoit pas auoir. Ce neantmoins en eſlent un autre. Adonc Oppius homme diligent mocqué & deriſé de ſon amy mourant, remit leſdictz anneaux en la gibeciere dudit Popile: & lors eſtant deſherité, les rendit aux heritiers, auſquelz ilz eſtoient aſſignez. Eult on trouué choſe plus deſhonneſte & importune, voyant ce ſenateur, qui eſtoit iſſu de la court Rommaine, tant renommée & bien famée, qui ſ'en alloit mourir, qui auoit les yeulx ia comprimez par mort, duquel l'eſprit rendoit le dernier ſouſpir, toutefois ſe truſſa du treſſacré droit d'amytié?

¶ Fin du ſeptieme Liure de Valere le Grand.

Le huitieme Liure de Va-

LERE LE GRAND.

¶ LES ACCVSEZ ET ATTAINCTZ

*d'auoir perpetré cas d'infamie, pour quelles causes furent
ilz condemnez, ou absoulz.*

¶ CHAP. I.

¶ De Marc Horace.



Aïsons recit des criminelz, qui estoient à la mallegrace d'aucuns personages, & pour quelles causes iceulx furent cōdemnez, ou absoulz: afin que ceulx à qui pareille fortune aduiendra, portēt plus patiēment l'issue douteuse & incertaine des iugemens humains. Marc Horace, pour auoir tué sa soeur, fut condamné à mourir, par l'arrest du roy Tullus: mais en appella deuant le peuple, parquoy fut absoulz. L'enormité du cas incita lediēt Tullus à le condamner: & la cause pourquoy il la tua, esmeut le peuple à le sauuer: pource qu'il estima que lediēt Horace occit sadiēt soeur, à raison qu'il la souspecōnoit d'impudicité: & pourtant la punit il plus par rigueur vertueuse que par inhumanité. Donc cestuy deliuré de la punition qu'il auoit meritée pour le meurtre de sa soeur, peut autant acquerir d'honneur pour le sang d'icelle respādu, comme il auoit acquis de gloire en tuant les Curiates, dont il a esté parlé deuāt. Le peuple Rommain se monstra adonc grand amateur, & constant gardien de chasteté: mais en cest exemple ensuyuant se monstra iuge plus doux qu'il n'estoit licite.

Marc Horace
iniustemēt ab-
soulz d'homide.

De l'occision
de sa seur il a
uoit meritē
grāde punitiō.

¶ De Sergius Galba.

Comme Sergius Galba fut asprement blasimé à la court des Rostres, par Libo, tribun du peuple, pour ce que cestuy estat preteur en Espagne, en faulxant sa foy, comme vn trahistre, auoit faict tuer vne grande compagnie de Portugalois: de laquelle meschāseté, Marc Caton (desia fort vieil) fut aussi fort malcōtent, & aida à condamner lediēt Sergius, ainsi comme on voit en vne oraison qu'il feit, qui est en son liure, intitulé, des races & origines des Rommains. Lors Sergius oyant sa condamnation, ne se iustifia en rien, ains confessa auoir faict le cas de quoy il estoit accusé; & en plourant recommanda ses petis enfans, & le filz de Sulpice Gallus son parent. De ce faict fut le peuple tāt adoulcy, & esmeu à pitié, que quand vint à dire leurs opinions pour le cōdemner à mort, homme ne parla contre luy: & misericorde fut preferée à iustice. Et combien qu'il fust coupable, ce neantmoins fut absoulz, non pour l'amour de luy, ains par compassion des petis enfans. Ce qui s'ensuit est de mesme.

Ce criminel
fut absoulz
soubz l'vmbre
de ses enfans.

¶ D'Aulus Gabinus.

Aulus Gabinus fut accusé d'un vice de grande infamie, par Memmius à la court

Le huitième Liure

court du peuple, si qu'on n'auoit esperance qu'il ne fust condemné à mort, pour ce que la preuue du cas estoit toute clere, & la defense de petite efficace, & de foible aide. D'aduantage les iuges fort animez contre luy, & n'attendas sinon donner l'arrest de sa punition, & n'auoit cestuy deuant les yeulx, autre chose que la chartre & le sergent, pour estre liuré entre les mains du bourreau: mais ce pendant fortune luy aida. Sisenna, filz dudit Gabinus, estant present, & voyant comme on alloit condamner son pere, troublé d'esprit, & quasi hors du sens, se va ietter à deux genoux deuant Memmius accusateur, demandant vn petit de requoy & tranquillité de celuy dont estoit procedée l'emotion & tempeste. Lors ledit Memmius se voyant auoir la victoire contre Gabinus & grandement orgueilleux pour l'affaire, repoulsa fierement & felonement Sisenna, si qu'il luy feit voler son anneau hors du doigt, & le laissa quelque temps ainsi agenouillé à terre. Ce que voyant le peuple, grâdemēt s'en courrouça, si que Lelius tribun dudit peuple, par le cōsentement de tous, deliura Gabinus. Par cela nous est donné vn enseignement, qu'il ne se fault trop enorgueillir pour les choses prosperes, & ne se deprimer aussi pour les aduerses. Ce qui est prouué en ce prochain exemple, en pareille sorte.

Translation
prise d'une tem-
peste de mer.

Bel enseigne-
ment.

¶ D'Appius Claudius.

Appius Claudius presenté deuant le peuple, pour ce qu'il auoit contemné l'ancienne mode de la religion, touchât les auspices, & aussi pour ce qu'il auoit perdu vne fort belle flotte de nauires: & ainsi qu'on pensoit que nullement sceut euitier la peine de mort, qui luy estoit deue: soudain vint vn gros faiz de pluye, qui constraignit vn chascun de se retirer, parquoy fut sauué. l'enqueste de luy fut à ceste heure là rompue, & les dieux empescherent qu'on n'en feit vne autre nouuelle. La tempeste de mer auoit esté cause de faire son iugement, & celle du ciel procura sa deliurance.

¶ De Tucie uierge uestale.

Tucie vierge vestale, qui auoit esté accusée d'inceste, fut deliurée ainsi que Claudius. Ceste cy congnoissant son innocence & integrité, se confiant à vne chose qui gisoit en doubte, osa toutefois esperer en icelle sa sauueté. Elle print vn crible, & feit son oraison à la deesse Vesta, disant: Tressacrée deesse, si ie me suis tousiours gouuernée chastement en ton temple, fais que de ce crible ie puyse de l'eau du Tybre, & qu'en iceluy ie la porte insques en ton dict temple sans respendre. L'eau se môstra obeissante aux voeuz de ladicte vierge, ne passant à trauers le crible, combien qu'elle le feit assez presumptueusement & hardiment.

L'eau puisée
dans vn crible

¶ De Lucius Piso.

Consequemment Lucius Piso, accusé par Claude le Bel, d'auoir fait grieues & intolerables iniures à ses compagnons: euita la crainte de sa ruine clere & patente, par remede hazardeux. Or comme on le condemnoit à mort, soudain se va leuer vne impetuosité de vent & pluye: & ce pendant ledit Piso se prosterne contre terre, baissant les piedz des iuges: puis se souille toute la face de fange

de fange & boue: ce que voyant l'assistance, se tourna de rigueur à clemence & mansuetude, croyant par ceste contrition auoir assez satisfait du tort fait à seldictz compagnons, d'estre venu en ce point, de s'estre tant humilié & se leué de terre ainsi fangeux. J'allieray à cest exemple icy, deux exemples de deux personnages qui furent deliurez par la coulpe de leurs accusateurs.

¶ De Quintus Flavius.

Quintus Flavius accusé deuant le peuple par C. Valere edile: ainsi que quatorze bendes l'eussent desia condemné à mort, commença à crier qu'on le faisoit mourir innocent: auquel Valere respondit à clere & haulte voix: Il ne me chault s'il meurt à tort ou à droit, mais qu'il meure. De ceste violente parolle furent malcontentes les autres bendes, qui estoient en nombre de soixante & fix, lesquelles auoyent encore à opiner, & furent toutes affectées à la deliurance dudit Flavius. Si ledit Valere accusateur se fust teu, il auoit confondu son ennemy: mais quand il le pensa fouler & mettre ius, il le meit en ressource: & en icelle mesme victoire perdit la victoire.

Vn accusé fut
absoulz par le
dict de son ad-
uersaire.

¶ De Caius Cosconius.

Comme Caius Cosconius (selon la loy de Seruilius) pour plusieurs euidés crimes estoit fait coupable, par l'accusatiō de Valere Valétin, cestuy Cosconius se va aduiser de reciter vn vers qu'autrefois auoit fait ledit Valere, par passetemps poetique, au quel estoit contenu come ledit Valere auoit corrompu vn noble enfant, & vne ieune fille de franche condition: laquelle chose sauua & couurit les vices dudit Cosconius: car certes les iuges penserent que c'eust esté iniustice, de faire Valere vainqueur, qui auoit meritē non réporter la palme de l'autre, ains luy bailler de foy. Valere donc fut plus condemné en la deliurance de Cosconius, que Cosconius ne fut deliuré en sa cause: car c'est chose vile d'arguer vn personnage d'un vice, quād celuy qui l'accuse en est lui-mesmes entaché.

¶ De A. Attilius Calatinus.

Je toucheray icy de ceulx, que combien qu'ilz fussent trouuez coupables, nonobstant on leur pardonna, pour l'excellence & clarté de mœurs de leurs parens. Attilius Calatin fut attainct d'auoir trahi la ville de Soranes (qui estoit cas suffisant pour le condamner à mort,) ce neantmoins vne simple parolle de Fabius Maximus son beaupere, le sauua, par laquelle il afferma que s'il eust trouué Calatin coupable, il eust separé sa fille d'auec luy: ce que entendant le peuple retira sa sentence, qu'il vouloit prononcer: & par l'opinion d'un seul, fait grace audit Calatin, pensant qu'on eust fait iniure à Fabius de n'adiouster foy à ses parolles, auquel au temps d'infelicitē l'exercite Romain estoit bien osé fier.

¶ De Marc Emilius Scaurus.

Marc Emille Scaurus accusé d'auoir pillé & fait tout plein d'extorsions aux prouinces dont il auoit eu la charge: & d'aduantage le cas estoit si euidēt, que ses iustificatiōs & defenses ne luy seruiroient de rien: mesmes son accusateur disoit qu'il prouuerait le cas par fix vingtz personnages, & que s'il prouuoit l'opposite par autant, qu'il ne cōtredisoit à sa deliurāce: laquelle chose il n'eust
scu

Le huitième Liure

ſceu faire: toutefois pour l'honneur de ſon ancienne nobleſſe, & la recente memoire de ſon pere, il fut abſoulz.

¶ De Cotta.

Cotta accuſé
ſept fois, à la
huitième de-
liuée.

Mais ainſi comme la ſplendeur & dignité des puiſſans perſonnages a eſté moult vtile à conſeruer les criminelz, au contraire elle n'a gueres ſeruy à les opprimer: mais quand on veoit que leſdictes perſonnes authoriſées eſtoient mal affectées enuers les coupables, & qu'elles les impugnoient plus aigremēt qu'il n'eſtoit licite, cela proufitoit auſdictz criminelz. L. Scipio Emilian accuſa Cotta deuant le peuple: & combien qu'on le trouuaſt fort chargé, toutefois on en différa le iugement ſept fois: à l'huitième il fut abſoulz: pour ce que les iuges craignoient que ſi on l'eult condamné, le peuple euſt eſtimé que c'eult eſté à la faueur de ſon accuſateur Scipion, tant excellente perſonne. Quant à ce point, ie croy moy qu'ilz pouoyēt dire à par eulx ce propos: Nous ne voulons point qu'un homme qui cherche à faire mourir un autre, apporte en iugement, & allegue les triumphes & victoires quil a eues, & qu'il demonſtre les deſpouilles de ſes ennemys, cōme pointes de nauires vaincues, & autres choſes ſemblables. que ceſtuy là ſe monſtre terrible aux ennemys: mais ainſi eſleué en honneur, ne pourchaſſe la mort d'un citoyen. O combien ces iuges conſtās ſe monſtrèrent doux & miſericordieux enuers Cotta coupable, bien de plus bas eſtat que n'eſtoit ſon accuſateur Scipion, qui eſtoit un des grandz perſonnages de Romme.

¶ De Callidius de Boulongne.

Callidius de Boulōgne fut prins de nuit couché au liſt d'un hōme marié, & par cela accuſé d'adultere: toutefois entre ſi grand cas d'infamie. trouua moyē de ſe ſauuer, ainſi cōme pour le naufrage d'une nauire, ſi ſe fuſt ieſté ſur quelque aiſſet ou piece de bois rompue d'icelle nauire. En ce point ſe guarantit le dict Callidius, par vne maniere de denſenſe qui eſtoit aſſez legiere. Ceſtuy aſſerma qu'il ſ'eſtoit transporté en ce lieu à l'appetit d'un ieune enfant de ſerue condition, pour auoir affaire avec luy. Or le lieu eſtoit ſuſpect, le temps auſſi, car il eſtoit nuit, & meſmes la femme qui ſe tenoit leans, & auſſi la ieuneſſe de cedit Callidius: parquoy à riſon qu'il confeſſa qu'il eſtoit entré en ce lieu pour l'amour d'un enfant ſerf, fut abſoulz.

¶ De deux freres, nommez Celies, filz de Titus Celius.

Le dormir can-
ſe de ne ſouſ-
peçonner au-
cuns de meur-
tre.

L'exemple precedent eſtoit de matiere plus de reſaſche, & ceſtuy eſt de matiere plus graue. Comme ces deux freres Celies, natifz d'un noble lieu, nommé Terracine, fuſſent actionnez pour ce que Titus Celius fut tué en vne couche, dormant pres d'eulx en vne chambre, & leſdictz freres eſtoient en un autre liſt tout ioignant. Or ne trouuoit on perſonnage de franche ou ſerue condition à qui on ſceut imputer ce crime fors à ceſdictz freres, toutefois furent ilz abſoulz ſeulement pour ceſte cauſe: c'eſt à ſcauoir que les iuges congnoiſſoyent qu'on les auoit trouuez dormans en leur liſt, & leur huis ouuert. Le repos, qui eſt certain indice d'aſſurance incouppable, aida beaucoup aux pources miſerables

miserables. on iugea que nature n'eust souffert que lesditz enfans eussent prins leur somme aupres de leur pere mort, s'ilz l'eussent occy.

¶ De Lucius Scipion.

Passons legerement, en faisant mention de ceulx ausquelz quand venoit à leur arrest, ce qui estoit hors de leur cause leur nuisoit plus, que leur innocence n'apportoit d'aide. L.Scipion apres le beau triumphe qu'il eut du roy Antiochus, fut condemné comme s'il eust prins argent dudit roy secretement. Certes ie ne croy point que celuy qui auoit poulse le seigneur de toute Asie, (c'est à sçauoir Antiochus) outre les montz de Taurus: & qui se preparoit à la conqueste d'Europe, eust esté corrompu d'aucun prix. Mais ce personnage de vie entiere bien renommé, & loing separé de ceste suspicion, autrement ne peut resister à l'enuie qu'on portoit à luy & à son frere Scipion l'African. Cestuy fut frere de Scipion l'African.

¶ De Publius Furius.

La grande clarté de fortune, fut cause de la ruine de Scipion, & la parole de C.Decian (homme d'integrité approuuée, & de perfection) luy apporta perte & dommage. Comme cestuy eust accusé à la court des Roistres P.Furius (homme de vie saine & orde) pource qu'en quelque partie de son action ledict Decian osa faire plainte de la mort de Luce Saturnin, il n'impetra pas que Furius fust condemné, ains porta la punition qui estoit due audit Furius. Decia accusateur porta la peine de celuy qu'il accusoit.

¶ De Titus Sextus.

Semblable cas ruina Sextus Titus, il estoit innocent & agreable au peuple pour la loy qu'il auoit faite touchant la diuision des champs: toutefois à raison qu'on luy auoit trouué l'effigie de Saturnin en sa maison, toute l'assistance le foula & opprima.

¶ De Claudia.

Claude noble femme Romaine soit adioustée à ces exemples icy, qui combien qu'elle fust innocente du crime de quoy elle auoit esté accusée, neantmoins le souhait qu'elle auoit fait la fait condamner. Ceste cy reuenant de veoir les ieux, pour ce qu'elle auoit souffert quelque peine à la presse, elle desira que son frere Appius Claudius (qui auoit esté cause de la perdicion de l'ost Romain, sus la mer) reuesquist, & que souuent il fust consul: afin que par sa malheureuse conduite il diminuast si grand peuple comme il y auoit en Romme, ainsi n'y eust point eu grande presse. Et pour ce que ceste parolle estoit nuisible à la republique, ladicte Claudia fut condemnée. Claude vierge vestale.

¶ De Marc Militius, Cn.Lolius, & Lucius Sextilius.

Nous destournerons vn peu de nostre propos, pour parler de ceulx qui furent condempnez pour choses legeres. Pour ce que Marc Militius, Cn.Lolius, & L.Sextilius ayans l'office de triuuires, ou trois gouuerneurs en Romme, vindrét trop tard à aider à desteindre le feu, qui estoit espris en la rue sacrée, furent adiournez par vn tribun du peuple, & condenez deuant ledict peuple.

¶ De Publius Bilius, l'un des triuuires, ou trois gouuerneurs.

Consequemment P.Bilius l'un des trois officiers qui auoit la charge de prendre garde de nuit qu'on ne meit le feu en quelque maison, fut accusé par Publius Aquilius, tribun, & du iugement du peuple cōdemné, pour ce qu'il auoit esté

Le huitième Liore

esté negligent de visiter les eschanguettes.

¶ De Marc Emile Porcin.

Le iugement que feit en cest endroit le peuple, fut de grande rigueur, lequel punit grieuement Marc Emile Porcin, qui auoit esté accusé par Lucius Cassius, d'auoir trop magnifiquement fait bastir vne maison au village, au territoire d'Allia.

¶ De quelque autre personnage.

Trippes de
beuf.

Il ne se fault pas taire de la condamnation qui fut faite de celuy qui à l'appetit d'un sien enfant, qu'il aymoit trop, tua un des boeufz de sa charrue, pour ce que ledict enfant, estant lors aux champs, luy auoit prié qu'ilz eussent à souper des trippes. Or ledict personnage estoit loing de la ville, & n'eust sceu à ceste heure là en recouurer ailleurs, qu'en faisant tuer ledict boeuf. certes cestuy eust esté iugé innocét pour ce fait, si il n'eust cõgneu du vieil temps, ou il auoit esté né, combien on faisoit estime de parcité.

¶ De quelque femme qui tua sa mere.

En cest endroit nous ferons recit de ceulx, qui iacoit ce qu'ilz eussent merité la mort, toutefois ne furent absoulz ne cõdemnez. La matiere d'une femme (qui en frappant sa mere d'une perche, la tua) fut plaidée deuant Marc Põpile preteur ou iuge, toutefois ne fut condamnée ny absoute: pour ce qu'il estoit assez manifeste qu'elle auoit perpetré le cas pour le desplaisir de ses enfans, que ladicte mere auoit fait mourir par poison, estât coursee contre elle. Ainsi auoit elle vengé le meurtre de ses enfans, par le meurtre de sa mere: parquoy la matiere demoura indecise, si que le iuge n'estima estre equitable de la condamner, ny de l'absouldre.

¶ D'une certaine femme qui tua son mary & son filz.

Pour semblable cas Publius Dolabella consul extraordinaire en la prouince d'Asie, se trouua perplex. Vne femme appelée Smyrnée tua son second mary, & le filz d'iceluy, pour ce qu'ilz auoyent occy un sien filz de son premier mary, debonaire enfant & bien moriginé: ce que cõgnoissant ledict Dolabella, recusa la matiere, & l'enuoya au parlement d'Athenes, qui se nommoit Areopage: pour ce qu'il ne luy estoit licite d'absouldre ceste dicte femme chargée de deux meurtres, & aussi de la condamner, à raison qu'elle auoit esté causée de les faire par iuste dueil. Prudemment & doucement feit cest officier Rommain: mais les conseillers d'Athenes ne firent pas moins sagement: lesquels apres auoir consideré la matiere, commanderent aux deux parties, c'est à sçauoir à l'accusateur & à l'accusée de s'en aller, & reuenir par deuers eulx apres cent ans passez. Iceulx furent meuz de mesme affection qu'auoit esté Dolabella. Et iacoit ce que ledict Dolabella transférast ladicte cause pour vne raison, les conseillers d'Athenes la differassent pour autre: si eut la controuersie vne mesme fin.

¶ DES

DES IUGEMENTS PARTICULIERS.

CHAP. II.



Adiousteray aux iugemens publics, qui se faisoient en parlemēt, & aux autres courtz, les iugemens particuliers, qui se faisoient par personnes priuées n'ayās aucunes charges publiques, cōme arbitres, qui sont esleuz des deux parties pour les appointer, desquelz les arrestz equitables pourrōt plus recreer les lisāns, que la grāde pluralité d'iceulx ne les pourra ennuyer & fascher: car ie n'en allegueray pas beaucoup d'exemples. La cōmunité des deuins commāda à Claude Centimalus d'abatre & demolir vne maison, qu'il auoit en la monteigne Celie: à raison que la haulteur d'icelle les empeschoit à cōtépler le vol & cōtenāce des oiseaux. Ce que voyāt ledict Clau de la vedit à Calpurnius Lanarius: & en la veditiō ne fait mētion du cōmādemēt que luy auoyēt fait les deuins: dont s'ensuyuit que lesdictz deuins persisterēt en leur propos, & fut cōstrainct Calpurnius de demolir ladicte maison: de quoy se sentāt grādemēt interessē, fait action à son védeur: mais du differēt en chargerēt Marc Portius Caton, pere de cest excellent psonnage Catō Céforin, afin qu'il ordōnast ce qui estoit de droit. Or quand ledict Catō cōgneut que Claude en faisant la vendition n'exprima le commandemēt qui luy auoit esté fait par les deuins, sentētia que Claude rēdroit les deniers à Calpurne: car vn vendeur de bonne foy, soubz espoir de faire son proufit, ne doit tromper l'acheteur, en taisant le vice de la marchandise. I'ay remembré vn arrest qui fut notoire en son temps, & aussi ce que ie reciteray icy bas ne fust teu.

Le mōt Celie,
vne des sept
mōteignes de
Romme.

¶ De Caius Visellius.

Caius Visellius Varro prins d'une grosse maladie, faisant son testament, declara qu'Ostacile sa concubine auoit baillé de son argent, pour subuenir à ses affaires, la somme de trois cēs mille deniers, & en fait vn codicile à ladicte Ostacile, afin que si d'aduēture il mourroit, elle peust demāder la somme à ses heritiers: coulourāt les plaisirs secretz de lubricité qu'elle luy auoit fait, soubz tiltre de debte. Or ne mourut point pour ceste fois Varro, outre le vueil d'Ostacile, laquelle grandement irritée & faschée qu'il n'estoit mort (afin qu'elle paruint à ceste proye & butin esperé) soudain d'amoureuse, obeissante & traitable, deuint vsuriere manifeste, demandāt cest argent, lequel ainsi qu'elle l'auoit cherché par blādices & delectations charnelles effrontément, ainsi la promesse fut vaine & friuole. Cōme eulx deux estoient en ceste controuersie d'argent deu, en chargerent C. Aquilius, hōme de grande autorité, & fort sçauāt en droit ciuil: mais ne se confia du tout à son sçauoir, ains aussi en demāda l'opinion aux plus principaux de Romme: puis par sa predhommie & sagesse debouta ceste femme, & ne pensa qu'elle eust droit à ce qu'elle pretendoit. Et iaçoit ce que par ce mesme libelle Varro eust peu estre condemné, & son aduersē partie absoulse: ce neantmoins ie ne doubte point qu'Aquilius n'eust volontiers corrigé la faulte illicite dudit Varro: car par sa desordonnée luxure, il faudoit luy & ses heritiers. A l'heure presente il appaisa la tromperie de ceste cause particuliere, & delaisa le crime d'adultere à estre jugé à la court.

Ostacile pail-
larde.

Vaine pmesse

R ¶ De

¶ De Caius Marius.

La loy priuoit
les femmes im-
pudiques de
leur douaire.

Fannia recon-
gneut le bon
tour que luy
feist Marius.

Caius Marius se porta bien plus vertueusement (ainsi qu'il appartenoit bien à vn homme de guerre) en semblable affaire. Ainsi que Caius Ticinius de Minurne tout à eschiét eut prins à femme Fania, femme lubrique & lasciuue, pour quelque fois la priuer de son patrimoine & douaire, la repudia: car la loy estoit telle, que quand vne femme estoit trouuée en adultere, le mary la pouoit repudier, & mesme la priuer de tout son bié: ce neâtmoins ladicte femme s'en defendit, alleguant que quand ledict Ticinius la print il congnoissoit le gouuernement dequcy elle estoit: mais l'auoit prinse par finesse. Or en ceste controuerfie, fut Marius delegué arbitre, & comme ilz estoient cōuenuz deuât luy, admonnesta Ticinius à part qu'il se desistat de l'entreprinse, & qu'il rendist le douaire à sa femme: nonobstant le prescha en vain, & fut contrainct d'en donner sentence. Lors ledict Marius mit la femme en amende d'vn sexterce pour son impudicité, & condamna l'homme de rendre à ladicte femme tout le bien qu'il luy auoit osté, disant qu'il auoit donné tel arrest, pour ce qu'il cognoissoit clèrement que Ticinius s'estoit marié avec Fannia, non pour autre chose, sinon pour luy faire perdre son bien. Ceste femme icy fut celle qui retira Marius en sa maison, & luy feit tous les bons traitemens qu'elle peust, quād il fut déclaré par le senat ennemy du pays, & qu'il s'estoit caché dedās vn palus, tout fangeux & plein d'ordure. Certes ladicte femme auoit encore en memoire le bon tour que ledict Marius luy auoit fait, de luy faire redre son douaire, iacōit ce, qu'elle fust paillarde, & qu'elle en deuoit sçauoir gré à la debonaireté dudit Marius.

¶ De quelqu'un condamné pour larcin.

Aricie ville, p-
chaine de Rome.

Grand bruit courut d'vn arrest donné, ou quelque personnage fut condéné pour vn larcin, à raison qu'on luy auoit loué vn cheual pour aller seulement iusques à la ville d'Aricia, distant de Romme enuiron cinq lieues, qui estoit vne ville d'ou les citoyens vsoient & iouysoient des priuileges & libertez de Rome: mais cestuy le mena oultre la coste de ceste dicte ville, parquoy fut puny de larcin. Que pourrions nous autre chose faire en cest endroit, sinon louer la bonne iustice qu'on faisoit en ce tēps, auquel si petis excès estoient corrigez?

¶ Q V E L L E S F E M M E S E S C O V R T Z
de Romme, plaiderent pour elles, ou pour autrui.

¶ C H A P. III.

Amesia en plai-
dant sa cause
vertueusemēt
fut deliurée.



Il ne se fault pas taire des femmes, lesquelles, ne hôte, ne la cōdition de leur sexe ne peurent refraindre, qu'elles ne parlassent & menassent, leurs causes, ou celles d'autrui en la court, sans aide d'aduocat. Amesia accusée d'impudicité, mena sa cause elle mesme, deuant Lucius Titius iuge: & pour l'escouter y courut grosse troupe de peuple. Eten ladicte cause sceut aussi bien garder toutes les circonstances requises à bié plaidoyer qu'eust fait le meilleur aduocat du mode. En plaidoyant maintenāt flechissoit les auditeurs à ire, maintenāt à misericorde, mesmes corroboreoit sa cause

cause de toutes sortes de defences, pour confuter son aduersaire si diligemment que toute l'assistance s'en esbahissoit: si que à la premiere action, & quasi par l'opinion de tous fut deliurée. Laquelle pour ce que soubz espece de femme elle portoit coeur d'homme fut nommée Androgine, qui est à dire Virago.

¶ D'Afranie, femme de Licinius Bructio.

Caia Afrania, femme de Licinius Bructio fut prompte à plaidoyer. Ceste cy parla tousiours pour elle deuant le iuge, nō pas par necessité d'aduocat: mais pource qu'elle estoit ainsi eshontée & fâchee. ^{Afranie plaideresse.} Donc par ses baues inusitées hâta tousiours les courtz, & feit que par ses tricheries & baratz fut mal estimée, en sorte que quād on trouuoit quelque femme rusée & cauteleuse, on l'appelloit Afranie. Elle mourut du temps que Caius Cesar fut consul pour la troisieme ^{Notez.} fois, & que Seruius le fut pour la seconde. Je vueil biē faire memoire, nō pas quand ce monstre icy fut né, mais quand il mourut.

¶ De Hortensie fille de Quintus Hortensius.

Quand les nobles femmes de Romme furent chargées de quelque grief impost, par les triuuires, ou trois gouuerneurs, & piece des aduocat n'osast plaidoyer pour elles, Hortensie, fille de Quintus Hortensius, mena la matiere des femmes deuant lesdictz triuuires, constamment & eueusement. En l'oyant plaidoyer sembloit proprement que fust son pere: par son beau parler elle impetra que lesdictes femmes seroyent relaschées de la plus grande partie de la somme de pecune, que lon leur demandoit: il sembloit à l'ouyr que le pere d'elle fust resuscité, & qu'il luy prolongeast les parolles qu'elle disoit. Certes si les enfans masles, issuz de luy & de sa ligne, eussent eniuyui l'eloquence de luy, ceste femme icy Hortensie, ne fust pas demourée seule heritiere de si noble heritage, de beau parler & faconde. ^{L'eloquence de Hortense.}

DES QUESTIONS, QUI SONT
gehennes ou tortures.

CHAP. III.



R afin que nous mettō à executiō toutes les parties des iugemens, nous reciterōs de la maniere des tourmens, gehennes, ou tortures, qui se fōt pour tirer la verité des criminelz, par rigueur, aux quelles on n'a pas aucunefois creu, & n'a lon laissé à cōdemner lesdictz criminelz: aussi aucunefois on y a adiousté foy follement. Le seruiteur de Marc Agrius argentier, fut accusé d'auoir tué Alexadre, seruiteur de Titus Fannius, & à raison que de prime face il ne le confessa, fut mis es tortures par son maistre: puis ainsi qu'il ne pouoit endurer la gehenne, confessa le cas constamment: conséquēment fut liuré à Fannius, & executé: mais quelque peu de temps apres, ledict seruiteur (qu'on pensoit auoir esté tué) reuint.

Les tortures
contraignirēt
cestuy de con-
fesser vne cho-
se faulxe.

¶ D'Alexandre seruiteur de Fannius.

D'autre part ledict Alexandre seruiteur de Fannius fut suspectonné par apres d'auoir mis à mort C. Fuluius cheualier Romain, si qu'il endura sept fois les

R 11 tourmens

tourmens, n'ayant esté coupable: mais ainsi que s'il eust confessé, & qu'il eust esté condamné des iuges, fut enuoyé au gibet, par le commandement de Lucius Calpurnius.

¶ De Fulvius Flaccus.

Cicero defendit cestuy.

Consequemment ainsi que Fulvius Flaccus estoit en cause, pour sçavoir toute la verité du cas de quoy estoit accusé ledit Fulvius, on s'adressa à son seruiteur, lequel fut gehenné huit fois: mais ne dist iamais parolle qui greuast son maistre: ce neantmoins fut Fulvius condamné: iacoit ce que le seruiteur huit fois mis es tourmens, portast plus certain tesmoignage de son innocéce, que n'eussent fait huit autres mis yne fois seulement es tortures.

DES T E S M O I N G S.

CHAP. V.

¶ De C. & Quintus Seruilius.



Pres auoir parlé des questions & tourmens, maintenant me fault reciter des tesmoings. Caius & Quintus Seruilius, surnommez Cépions: tous deux engendrez d'un pere, tous deux constituez & esleuez en grande autorité: aussi Quintus & Lucius Metellus, deux freres, qui auoyent esté consulz & censeurs, & mesmes l'un d'iceulx auoit triumphe: furent produitz tesmoings contre Quintus Pompeius Aufidius, accusé de pillerie & exaction: & cōbien que tous les dessusdictz rapportassent de certain le cas estre ainsi, nonobstant qu'on adioustast foy à leur dire, si fut ledit Pompée absoulz, & feirent les iuges ce tour, de crainte que le peuple ne dist qu'il eust esté condamné à la faueur desdictz puissans seigneurs.

¶ De Marc Emile Scaurus.

Marc Emile Scaurus, prince du senat, pourfuyuit aigrement & impetueusement C. Memius, accusé d'extorsions, & exactions faictes sur les prouinces dont il auoit eu le regime, voulant seruir de tesmoing contre ledit Memius. Cestuy mesme Scaurus voulut tesmoigner contre C. Flavius accusé pour semblable crime. Il s'efforça manifestement & publiquement d'opprimer par tesmoignage C. Norbanus, accusé de crime de lese maiesté, qui estoit detenu en la question: toutefois par sa grande autorité, ou predhommie, de quoy nul ne doubtoit, ne sceut nuire à piece des dessusdictz.

¶ De Lucius Crassus.

Le tesmoignage de Crassus, vain.

Lucius Crassus ayāt aussi grād audiui enuers les iuges des basses courtz Romaines, ou se plaidoyēt les menues causes, comme Scaurus enuers le parlement, pour ce que ledit Crassus tournoit lesdictz iuges par son vertueux parler, & fertile eloquéce, ou il luy plaisoit: & estoit aussi bié chef & maistre desdictes courtz, cōme Scaurus du senat. Or cōme cestuy Crassus se fust efforcé de nuire par tesmoignage impetueux, & fouldroyant à Marc Marcel, accusé de pilleries & larcins, combien que son entreprise fust violente & aigre, toutefois l'issue se trouua casse & vaine.

¶ De Quintus Metellus le debonaire, Lucius Marcus, Quintus Hortensis, & Marc Lepide.

Quintus Metellus le debonaire, L. Marc Lucule, Quintus Hortése, & Marc Lepide

Lepide, produictz tesmoins alécontre de Cn. Cornille accusé de crime de lèse maiesté, ne chargerent seulement ledict Cornille dudit delict, ains aussi dirét que tandis que cestuy viuroit, la republique ne demoureroit saine & entiere. toutefois ces grandz personages (qui estoient tout l'honneur de Romme) furent reiectez par les iuges de crainte qu'on ne dist qu'on l'eüst puny à l'appetit desdictz gros seigneurs.

¶ De Marc Cicero.

Que dirons nous plus? Marc Cicero, qui par son execice en la court, estoit paruenue aux grâdz honneurs de Rôme, c'est à sçauoir à estre preteur, consul, & augure, ou deuin, & mesmes auoit obtenu le lieu amplissime de dignité, c'est à sçauoir d'estre du nôbre des senateurs: ne fut il pas en plaine court (ou les causes se defendoyent par eloquence seule) refuté en tesmoignage, lors qu'il iura que Clodius estoit en Romme, chez luy: lequel Clodius defendoit le crime d'inceste, qui luy estoit imputé: c'est à sçauoir de s'estre desguisé, auoir prins habit de femme & auoir entré dedás le tēple de la deesse nommée Bonne, & en cest endroit violé Pompeie femme de Cesar. D'auantage disoit ledict Clodius, que lors qu'on faisoit les sacrifices de ladicte deesse, estoit absent & n'estoit en Romme: parquoy les iuges corrompuz par force de pecune, aymerent mieulx deliurer Clodius d'inceste (pour ce qu'il viola ladicte Pompeie au temple) que deliurer ledict Cicero d'infamie de s'estre pariuré.

Les honneurs
de Cicero.

¶ De Publius Seruilius, qui auoit esté consul.

Après auoir fait recit de tāt de grâdz personages, desquelz le tesmoignage fut vain & friuole, i'en allegueray vn, qui pour sa grāde autorité fut receu. Publius Seruilius, homme qui autrefois auoit esté consul, censeur: & qui auoit triūphé, & qui aux tiltres de ses predecesseurs adiousta ce surnom Isaurique, pour ce qu'il print Isāure, fort chasteau, de Cilicie, voulut estre nommé Isaurique: en passant quelque fois par la court, veit qu'on produisoit tesmoins contre vn prisonnier, s'arresta en ce lieu, & cōmença à dire (dont s'esmeruellerēt les accusateurs & defendeurs dudit criminel) Iuges discretz, certes ie ne sçay d'ou est ce captif qui est en cause, & ne congnoy pas de quelle vie il a vescu, & s'il est accusé à tort ou à droit. Je congnoy seulement de luy, que n'a pas long temps qu'il me rencōtra cōme i'alloye par le chemin de Laurēte, & nous trouuāmes luy & moy en vn estroit lieu: mais onc ne se daigna de ualler de cheual pour me faire honneur, s'il y a quelque chose en ce fait qui concerne vostre equité & iustice, estimez en ce qu'il vous plaira, & en faictes vostre deuoir: ie vous ay bien voulu aduertir de ce point. Adonc les iuges à grād peine auoyent ilz ouy les autres tesmoins, qu'ilz condēnerent ledict captif. il firent beaucoup pour l'amplitude de ce grand seigneur, & d'auantage le dueil qu'ilz auoyent que ledict coupable n'auoit porté honneur audit seigneur, les esmeut à prononcer son arrest, pensans que celuy qui desdaignoit honorer les princes & chefs de la republique, pouoit bien faire plusieurs autres meschans tours.

La parole de
Seruili^{us} seruit
pour cōdēner
vn criminel.

¶ D E C E V L X Q V I C O M M I R E N T
les cas mesmes desquelz ilz corrigerent les autres.

CHAP. VI.



Il ne fault pas oublier à parler de ceulx qui perpetrerēt les delictz, desquelz ilz punirent autrui. C. Licinius Hoplomachus, qui est à dire le gédarme, voyāt sō pere dissiper ses biēs, requit au iuge qu'il en fust priuē, ce qui fut fait: mais quand son pere fut mort, peu de temps apres, soudainement consistima grandes possessions & heritages que ledict pere luy auoit laissez. Certes il merita biē estre puny: ainsi qu'il auoit puny le bon vieillart mort, car il ayma mieulx mnager son heritage qu'un sien heritier en fust sustenté & entretenu.

Notez.

¶ De Caius Marius.

Marius comit vn cas de quoy il auoit condēné vn autre.

Caius Marius se monstrant bon & loyal citoyē à la republique, opprima Luce Saturnin, qui taschoit à esmouuoir les seruiteurs aux armes cōtre ladicte republique, en leur monstrāt au lieu d'enseigne, le chappeau, qui signifioit liberté, leur promettant que s'ilz luy donnoyent secours, les feroit tous francz & libres. Cestuy Marius, quand Luce Sylla entra en Romme avec son exercite en fait autant, & senfuit aux seruiteurs, leur demonstrent le chappeau. Donc en faisant le cas de quoy il auoit puny Saturnin, il trouua vn autre Marius, c'est à sçauoir Sylla, qui le corrigea.

¶ De Marc Licinius Stolo.

Marc Stolo le premier condēné par sa loy.

Comme Licinius Stolo, qui auoit procuré qu'à la creation des deux cōsulz, il y en auroit vn du peuple, & l'autre de la noblesse, eust ordōné que nul des citoyens, pour l'aduenir n'auroit plus de cinq cens arpens de terre, cestuy en posseda mille: & pour couuri r ceste finesse il mancipa son filz, & luy en bailla la moitié: mais fut accusé par Marc Popile Lenas, & descheut par son ordonnance le premier. Ainsi enseigna que nul ne deuoit faire loy, qu'il ne gardast luy mesme.

¶ De Quintus Varius tribun.

Quintus Varius tribun du peuple, surnommé Hybrida, qui est à dire l'injurieux, pource qu'on ne sçauoit cōme il estoit paruenue à estre bourgeois Rōmain, car on dit qu'il estoit de Veronne: fait vne loy cōtre la requeste de ses cōpagnons les autres tribuns, qui le prioient de ne riē establir qui portast dōmage à la republique: ce neātmoins cestuy ordonna ladicte loy, ou estoit cōpris qu'on fait enqueste de ceulx qui dōnoyent aide, support, cōseil, & faueur, aux villes voisines, qui auoyent esté autrefois cōpagnes & confederées avec les Rōmains, lesquelles auoyent prins les armes contre lesdictz Rōmains: & qu'autāt qu'on en trouuerait donnāt support ausdictes villes, qu'on les punist. Or ceste ordonnance porta beaucoup de dōmage à ladicte republique: car cela fut cause de mutineries, seditions, & discordz entre les citoyens de Rōme, si que pour le commencement Varius par sadicte ordonnance enflamma la bataille Sociale, puis incita la bataille ciuile: Mais ce pendāt qu'il se mōstra premieremēt tribu pestilentieux & mortifere, ains quē vray & loyal citoyen: il fut par sa loy mesmes condēné, & porta telle peine qu'il auoit meritē.

¶ D'ESTVDE

¶ D'EST V D E E T I N D V S T R I E,
c'est à dire uigilance & subtilité.

¶ C H A P. VII.



Ve differe ie à faire mention d'industrie, uigilance, ou subtilité ? par la puissance de laquelle, la discipline des armes, & de la plaiderie est cōfermée & corroborée, au gyron de laquelle toutes exercitations sont fidelement nourries. Par icelle toute chose louable & d'excellence, qui vient de nostre esprit, tout ce que nous faisons manuellement & tout ce que nous prononçons paruient, au comble d'honneur & louége: qui combien qu'elle soit vertu treisparfaicte & accomplie, toutefois par perseuerance elle s'endurcit.

Brieue louége
d'industrie.

¶ Du premier Caton.

Caton ayant de son aage quatre vingtz & six ans, persistant à la deffense de la republique, cōme s'il eust esté encore ieune, fut accusé de crime capital par ses ennemys. il mena luymesme sa matiere, & en plaidoyant ne fut veu auoir la memoire plus tardieue qu'il souloit, ny en prononçant ses clauses, n'auoit plus courte alaine qu'au parauât, ny n'estoit empesché de la parolle qu'il ne professast sainemēt, pour ce qu'il auoit tousiours tenu en vn estat les choses predictes par perpetuelle industrie. D'auantage en la fin de ses longz iours, il defendit la cause des Espagnolz, qui estoient accusez par Galba, disertissime orateur, d'auoir faulse leur foy enuers les Rommains. Cestuy aussi desira estre instruit es lettres Grecques bien tard: semblablemēt estoit ia vieil quād il apprint les Latines. Et comme il eust desia acquis grand honneur par son eloquence il meit peine de sçauoir le droict ciuil, auquel fut sçauantissime.

Caton desia
vieil apprint
les lettres Gre-
ques.

¶ Du second Caton.

Le second Catō filz du neueu du premier Caton, dōt chascun s'esmerueilloit pour ses excellēces, & qui fut le plusprochain de nostre tēps de tous les Catons, fut tant desireux de sçauoir, qu'en la court, ce pédāt que les senateurs s'assembloyent, ne se pouoit abstenir qu'il ne leut les liures Grecz, afin que par ceste industrie & uigilance il demonst rast qu'aux vns le temps default, c'est à dire, qu'ilz employent bien le temps toute leur vie, & les autres n'ont que du temps trop, car ilz l'employent mal.

Caton dīa V-
ticense.

L'industrie du
filz de Caton

¶ De Terence Varro.

Terence Varro digne d'estre icy recité, tāt pour le bel exemple qu'il dōnoit aux humains de biē employer la vie, que pour le lōg tēps qu'il vesquit dura en ce monde cent ans, & ne furēt ses ans plus long, que le trauail qu'il print à cōposer liures. Certes en vn mesme liēt il meit fin à sa vie & à ses excellens oeures ensemble.

¶ De Liuius Drusus.

Liuius Drusus fut de pareille perseuerāce, lequel deffaillāt de la force de son aage, & priué de la vëue, encore interpreta il courtoisemēt au peuple le droict ciuil, & cōposa liures proufitables à ceulx qui auoyēt desir d'appredre. Or ainsi que nature le sceut biē faire vieillard, & fortune aueugle, si ne peut l'vne & l'autre l'empeschier de la vëue & vigueur de l'esprit.

R iiii

¶ De

Le huitième Liure

¶ De Publius sénateur, & Luce Ponce, cheualier Rommain.

Notcz.

Publius sénateur, & Luce Ponce cheualier Rommain, en leur temps furent aduocat bié renomméz, & tous deux aueugles : par semblable industrie menerent les causes en la court iusques à la fin. Dóc le plus souuent couroit le peuple en ladicte court les escouter: les vns se deleçtoient de leur esprit, les autres l'esmerueilloient de leur constance & perseuerâce: on en voit beaucoup que quand ilz ont quelque infortune de la veue, se tirent à part en quelque lieu solitaire: ainsi doublent ilz leurs tenebres, adioustans les choses volontaires aux fortuites, & hazardeuses.

¶ De Publius Crassus.

La lague Grecque diuisée en cinq.

Quand Publius Crassus consul vint en Asie pour faire la guerre au roy Aristonique, il fut si curieux de sçauoir la lague Grecque, qu'il cogneut parfaictement les cinq manieres de parler en icelle, c'est à sçauoir, le lague Ionique, Dorique, Atique, Eloique, & cõmun: ce qui le meit bié à la grace des cõfederez & alliez des Rõmains: car quãd il estoit question de produire quelque matiere deuant luy, ilz ne parloyent par truchement, car il entendoit toutes lagues, & en icelles donnoit son arrest.

¶ De Roscius ioueur de farces, ou badin.

Loué d'industrie.

L'industrie & habilité de Roscius, qui fut l'exẽple à tous badins, qui veulent acquerir bruit sur theastres & eschaffaux, n'est à celer. Cestuy iamais n'osa iouer deuant vn peuple, qu'il neust estudié iusques au bout en sa maĩsõ, les mines & gestes qu'il deuoit faire: pourtãt fait il plus d'hõneur à l'art de badinerie & ieu de farces, que l'art ne luy en fait. Or n'acquit il seulement en son ieu la faueur du peuple, ains aussi la familiarité & amytié des princes. Voila la retributiõ, le loyer & prix qui vient d'une estude & industrie, qui est faicte attentiuement, cõtinuellement & perseueramment, pour laquelle la personne d'un ioueur de farces, sans honte nulle s'ose mesler avec si excellens personnages.

¶ Exemples des estrangers.

¶ De Demosthene.

La langue Grecque prouitable à la Latine

Demosthenes corrigea les vices qu'il auoit de nature par grande industrie.

La langue Latine doit louer l'industrie des Grecz au posterieurs, pour ce qu'elle a beaucoup proufité à icelle : car toute la sagesse & eloquence des Latins est descendue des Grecz. Si iamais au monde on fait mention d'un orateur parfaict, Demosthenes le fut: & quand on oyt seulement prononcer son nom, il se produit en la phantasie de l'escoutant vne perfection de tresgrande eloquence. Or ainsi comme cestuy au commencement de sa ieunesse ne peust prononcer la premiere lettre de science, qu'il desiroit appredre, c'est à sçauoir rhetorique, pour ce qu'il estoit begue, par si grande industrie & labeur corrigea le vice & imperfection de sa lague, qu'on ne trouua homme qui prononçast si franchement & seichement comme il fit par apres: aussi pour ce qu'il auoit la parolle trop petite & rude à ouyr, par continuelle exercitation la rendit haultaine assez & agreable aux auditeurs: d'aduantage auoit il l'alaine foible & courte: mais ce que nature luy auoit denié, touchant puissance & vertu de corps, il l'emprunta à trauail & labeur, si qu'il proferoit plusieurs vers sans nullement respirer, & les prononçoit en montant legerement costes & monteignes, pour se mettre

se mettre en pluslongue alaine : mesme s'en alloit souuent ioignant de quelques riuages , ou l'eau couroit & bruioit impetueusement , repeter ses oraisons, afin que quand il seroit à la court, le tumulte ne l'empeschast. Semblablement on dit qu'il auoit de coustume de mettre de petites pierres en sa bouche, & lors s'exercitoit longuement & beaucoup en ceste sorte , afin que quand il assisteroit à l'audience (lesdictes pierres hors) il parlast pluslibrement & à son plaisir. Brief cestuy feit la guerre à Nature , qui luy auoit denié beaucoup de perfections: mais par estude & industrie la surmonta, & vainquit sa malignité par vertu de cuer tresobstiné & pertinacissime . Parquoy on peult dire que la mere de luy auoit enfanté vn Demosthenes, & industrie l'autre.

Demosthenes
surmōta natu-
re.

¶ Du philosophe Pythagoras.

Afin que ie m'entremette à parler d'un acte d'industrie , qui est bien plus de antiquité que ceulx que i'ay recité de Demosthene, ie feray icy mention de Pythagoras, qui fut vn oeuvre de Nature accompli: lequel dès sa ieunesse s'adonna à sagesse & toute honnesteté: & ne commença rien qu'il ne menast meurement & diligemment iusques au point qu'il pretendoit, c'estoit à sagesse. Or afin qu'en cest endroit ie face mention des traux qu'il print pour acquerir science, premierement ie diray comme il se trāsporta en Egypte, ou il apprint la langue du pays : puis estudia les expositions & interpretations qu'auoyent fait les anciens sur les liures du vieil temps : esquelles il congneut les coustumes, statutz, & maniere de viure de tout l'aage precedēt, * qui estoit depuis la creation du monde, iusques à ce temps là , ou on comptoit trois mille quatre cens quarante & trois ans, quand la monarchie des Persans commença du regne de Cyrus en Perse, & de Seruius Tullius en Romme. Auquel temps florissoit ledict Pythagoras , deuant l'incarnation de nostre seigneur Iesus Christ cinq cens & vn , ainsi que recite Carion en sa chronique , que i'ay traduit en nostre langue. Parquoy ie m'esbahy de ce que Valere dit que ledict Pythagoras congneut en ces liures d'Egypte , les manieres de faire d'innombrables siecles. Siecle est l'espace de cent ans . Et ainsi comme i'ay dict, depuis la creation du monde, iusques au tēps de Pythagoras, n'y auroit gueres plus de trois mille quatre cens quarante & trois ans: posé ores qu'il eust vescu cent ans, parquoy le tēps ne seroit innombrable. * Or pour reuenir au labeur que print Pythagoras en l'estude, apres auoir esté en Egypte, vint chez les Persans, ou il fut endoctriné en la sagesse des magiciens tresdiligemment: lesquelz luy monstrerent courtoisement & doucement les mouuemens des planettes, le cours des estoilles, la propriété & effect de toutes choses. Consequemment nauigea en Candie & Lacedemone, ou il apprint leurs loix & maniere de viure: puis descédit aux combatz qui se faisoient en Olympe. Et comme il eut donné admiration & exemple à toute Grece de tant de sortes de sciēce qu'il auoit comprins, luy fut demandé quel surnom on luy bailleroit, dict qu'il ne vouloit pas estre appelé sage (car desia les sept sages de Grece en auoyent occupé le nom) ains qu'on le nommast philosophe, c'est adire amoureux de sagesse. Cestuy aussi fut en vne partie d'Italie, qui se disoit pour lors la grande Grece, & maintenant s'appelle Cap de sainte Marie, ou il approuua les effectz de son estude , en main-

Pythagoras
oeuvre de sa-
gesse trespar-
fait.

Les labeurs de
Pythagoras.

Note icy le lec-
teur q le tra-
ducteur a ad-
iousté ce q est
en los entre
ces deux signes
pour donner
plus grande in-
telligēce de ce
present exem-
ple.

Pythagoras le
premier nommé
philosophe.

Le huitième Liure

Metapont vil-
le de Pythago-
ras.

tes riches villes. Or mourut ledi& Pythagoras en Metapont ville d'Italie, d'ou il estoit né. Certes ladicte ville fut bien plus renommée & annoblie, pour les oeuvres de Pythagoras, que pour ses cendres.

¶ Du philosophe Platon.

Platō facond.

Le pays d'E-
gypte mares-
queux.

Platon ayant pour son pays Athenes, & pour son precepteur Socrates, qui estoit vn lieu, & vn personnage fertilissime en doctrine & science. Pareillemēt ledi& Platon estoit bien garny & equipé de diuine abondance d'esprit, si qu'il estoit tenu le plussage de tous les mortelz: en sorte que si Iupiter fust descendu du ciel, n'eust esté veu vser de faconde plus elegante & accōplie. ce neantmoins ne se contenta, ains passa en Egypte, ou il apprint des anciens de ceste region, plusieurs sortes de geometrie, & les cours & mouuemens des astres. Certes en ce temps que grandes bendes de ieunes estudians de toutes partz accouroient en Athenes pour ouir le regēt Platon, il circuiſſoit le riuage du Nil, d'ou on ne congnoit la source, tracassoit par les champs larges & amples, vauquoit en ce pays barbare, qui est de lōgue estēdue, & cheuauchoit les marez de ceste di&te region estāt disciple des vieillardz Egyptiens: puis vint en Italie, de quoy ie m'esmerueille mois (car cest bien autre pays) afin qu'il apprinst la doctrine de Pythagoras, qui se monstroit à Tarente Architas, & à Locres, par Timeus Arion, & Cetus. Certes on pouoit à ceste heure là amasser de toutes partz si grā de abōdance de lettres, qu'on en eust réply facilement de l'vn à l'autre toute la rôdeur terrestre. Ledi& Platon mourut à quatre vingtz & deux ans de son aage: ayāt soubz sa teste la poesie de Sophron. Ainsi la fin de luy ne fut point priuée & sequestrée du labeur d'estude.

¶ Du philosophe Democritus.

De paour que
Democrit^{us} ne
fust empesché
de son estude,
il ne se feit cō-
gnoistre à gue-
res de gens.

Democritus peut estre estimé auoir tāt de richesses, que son pere pouoit herberger & loger facilemēt l'ost de Xerxes, qui estoit de dix cēs mille hōmes, mais afin de vaquer plus aisēmēt à l'estude, retit biē petite partie de son patrimoine, & donna le reste au pays. Il demoura plusieurs ans en Athenes, ou il ne perdit vne heure qu'il n'estudiaſt, si qu'ame ne le cōgnoissoit en la ville, cōe il teimoigne en l'vn de ses liures. Ie suis tāt esbahy de si grand exercice d'estude, que ie suis contrain& de le laisser, & parler d'vn autre.

¶ Du philosophe Carneades.

Notez.

La force de
l'elebore.

Carneades fut vn soudard de sagesse laborieux & continu, qui veseut xc. ans. Sa vie & son estude de sagesse prindrent fin l'vn avec l'autre. Il fut si assidu à l'estude, que quād il se venoit soir à table pour prédre sa refe&tiō, estoit si meditatif, qu'il oublioit à mettre sa main au plat: mais Melissa vne hōneste femme qu'il auoit au lieu d'espousee, qui le seruoit chaste mēt en choses hōnestes, quand il n'estudioit point (non pas pour luy rôpre sa phantasie, ains pour subuenir à sa faim) le païssoit de sa main. Parquoy il viuoit seulement en son esprit, & n'auoit autre recreation qu'à son engin: il estoit circuy & enuironné du corps, comme si c'eust esté vne chose estrange & superflue. Quand cestuy vouloit disputer avec Chrysippus, il purgeoit son cerueau d'elbore, pour expliquer la force de son di&ct engin plus attentiuement, & pour repoulsier l'esprit de l'autre plus aigrement. Et de ceste ordonnance d'elbore vserēt ceulx qui estoient conuoiteux d'honneur, à l'exemple de Carneades, ainçois qu'argumenter.

¶ Du

¶ Du philosophe Anaxagore.

Combien pensons nous qu'Anaxagore eust le coeur adonné à l'estude: lequel apres auoir longuement voyagé, retourna à son pays: lors voyât ses terres desertes & mal cultiuées, dict: le fusse demouré sauf & sain, si cela n'eust esté gasté & perdu. O que c'estoit vne parolle qui denotoit bien l'acquisition de sagesse tant desirée. Or si cestuy eust vagué à labourer les terres, ce pédant qu'il cultiua & arrunna son engin de sage doctrine, vray est qu'il fust demouré seigneur de son bien, mais il n'eust pas esté si prudent & si sçauant personnage.

Le mot doré
d'Anaxagoras

¶ Du philosophe Archimedes.

Le diroye l'estude & industrie d'Archimedes luy auoir esté fructueuse & proufitable, si icelle ne luy eust donné & tollu la vie. Quand Marcellus eut mis le siege deuât Syracuse, il l'eust beaucoup plustost prins, s'il n'eust esté destourbé par les subtilitez que commadoit faire Archimedes, touchant aucunes machines belliques & manoeures, toutefois la print à la fin: & pource qu'il ay-
moit la prudence de l'homme, fait sonner à son de trompe, que soudard aucun ne l'oultrageast, pensant quil acquerroit autant d'honneur à sauuer ledict philosophe, comme à prendre ladicte ville. Or comme cestuy Archimedes eut l'esprit & l'oeil fiché en terre, pour figurer sus la pouldre quelques signes touchât l'art mathématique, vint arriuer vn cōpagnō de guerre, qui entre en sa maison pour chercher du butin, l'espée desgainée sus sa teste, luy demande qui il estoit: mais cestuy philosophe, apres auoir fait vn pourtraict sus la pouldre de ses mains, ou il signoit les diametres & autres figures, dict à ce soudard: Le te prie ne me destourbe point que ie n'acheue ce cercle. Le soudard voyant qu'il ne tenoit cōpte de ce qu'il luy auoit cōmadé luy coupa la teste: si que de son sang gasta & mit à confusion lesdictz signes imprimez. Dont il aduint que pour vne mesme estude: maintenāt luy fut donnée la vie par Marcel, maintenant luy fut ostée par cediect soudard.

L'estude donna
la vie à Archi-
medes, pareil-
lemēt luy osta

¶ Du philosophe Socrates.

Il est cler que Socrates desia paruenue en vieillesse, se voulut mesler d'apprendre le ieu du luc, estimant qu'il estoit meilleur d'auoir l'usage de ceste science, tard que iamais, qui estoit vne bien petite accroissance & addition à la doctrine dudiect pour l'aduenir: mais l'homme ainsi qu'il estoit perseuerant, & quasi obstiné à l'estude, voulut croistre le grand monceau de ses richesses philosophiques de ceste science de musique. Ainsi donc cōme il s'estimoit pource de sçauoir, en voulant tousiours apprendre, il se fait tresriche en enseignant & montrant aux autres sa doctrine.

¶ D'Isocrates

Afin que nous redigeons les exemples de fertile & longue industrie, quasi comme en vn monceau, nous ferons icy mention d'Isocrates. Lequel ayant de son aage quatre vingtz & quatre ans, ainsi comme il a donné à congnoistre luy mesme, composa le noble liure qui est nommé, Panathenaiques, c'est adire cōtenant tout l'honneur de la ville d'Athenes, vn ouurage certes plein de vif esprit. Par cela il apparoit que lors que le corps des hommes doctes se vieillit en iceluy l'esprit par le secours & aide d'industrie & estude, retient sa fleur de ieunesse. Or ne mourut il soudain apres ce liure fait, ains percut les fruitz de

de

Le huitième Liure

de cest admirable oeuvre l'espace de cinq ans, qui luy estoit honneur & louenge.

¶ De Cryppus.

La logique de
Cryppus.

Cryppus ne vescu pas tant comme Ilocrates, combien que son aage tousiours n'ait esté de petite espace. Cestuy auoit commencé auant quarante ans la logique, qui estoit vn oeuvre de grande subtilité: lequel il paracheua sur le point de quatre vingtz ans: parquoy il est patent qu'il fut plus de quarante ans à le faire: dont on doit considerer combien il fut industrieux & vigilant, & combien il soustint de travail en escriuant continuellement, veu qu'aux liures qu'il composa pour les congnoistre tous, seroit requis bien longuement viure.

¶ Du philosophe Cleantes.

La diligence de
Cleantes à ap-
prendre.

O Cleantes, certes ie croy que la deesse d'industrie thonoroit, & te fauorisoit, lors que tu mettois si grande peine à apprendre, & à enseigner perseveramment la philosophie. Certes tu fus si amoureux d'icelle, qu'en ta ieunesse estant pource enfant pour gagner ta vie de nuit tu puisois de l'eau aux puits, pour arroser les iardins: & de iour tu vacquois à retenir la doctrine de Cryppus. Dauantage songneusement perseveras à enseigner tes auditeurs, iusques à l'age de quatre vingtz & dixneuf ans. Ainsi occupas tu ce temps à double travail, c'est à sçauoir à apprendre, & à monstrier, si qu'on ignora si tu estois meilleur disciple, que meilleur & plus louable maistre.

¶ De Sophocles.

Oedipode
nom de trage-
die.

Il sembloit que Sophocles voulsist guerroyer contre nature, pource que tât plus luy donnoit de temps à viure, tant plus travailloit: en sorte qu'en vieillissant, augmentoit son labeur: mais ce combat estoit honorable. Certes cestuy vescu bien pres de cent ans: & comme il estoit prochain de sa fin, composa la fable d'Oedipus, par laquelle il emporta la palme sus tous les poetes de son temps: ce qui ne demoura pas incongneu à la posterite: car Sophon son filz la fit grauer à son sepulchre.

¶ Du poete Simonides.

Le poete Simonides à quatre vingtz ans de son aage enseigna sa poesie: & mesme se trouua au puy & pris des poetes, comme il s'est vanté luy mesme, qui ne fut illicite à luy de prendre longuement plaisir aux inuentions de son esprit, consideré que pour iamais l'age futur s'en deuoit esjouir.

¶ De Solon.

Noter.

Solon comprint en vers, & declara combien il ayma l'estude: par lequelz il donna à congnoistre qu'en vieillissant il apprenoit tousiours quelque chose: & mesme au dernier iour de sa vie il conferma la besongne. Comme ses amis assistoyent à l'article de sa mort, & conferoyent de quelque chose ensemble, il leua la teste, qui presque defailloit, pour l'oppression de mort tresprochaine. Lors on luy demanda pourquoy il faisoit cela, respondit: Afin que quand i'auray appris ce de quoy vous disputez, ie m'en aille mourir. Iamais homme ne seroit dict paresseux, si il entroit en ceste vie mortelle, de tel courage comme Solon en fist.

¶ De

¶ De Themistocles.

Combien penserions nous que Themistocles fust industrieux & vigilant, qui entre tant de charges & soucis de choses de haulte importance, comprint en sa memoire tous les noms de ses citoyens? Finablement à grand tort banny du pays, fut contrainct de se retirer deuers Xerxes, que peu auant il auoit vaincu: & ainçois qu'il vint deuant le dict roy, apprint la langue Perlique, afin que par ceste industrie il fust plus à la grace, & plus recomandé dudit roy.

Themistocles
scent les noms
de tous ses sub
iectz.

¶ De Cyrus, & Mithridates.

Cyrus & Mithridates deux rois, partirent ensemble les deux sortes d'industrie de Themistocles. Cyrus sceut les noms par coeur de tous ses souldardz. Mithridates apprint vingt & deux lang uages, de vingt & deux nations qui luy estoient obeissantes. Cyrus voulut sçauoir lesdictz noms, afin que sans admoniteur il dist le bon iour à vnchascun. Mithridates voulut sçauoir lesdictes langues, afin que sans truchement il parlât à ses subiectz.

¶ D'OISIVETE ET REQVOY.

CHAP. VIII.

L me semble qu'il est bon de ioindre oisiveté & repos à industrie & estude, combien qu'elle soit leur contraire: non pas ceste oisiveté, par laquelle vertu s'esvanouit, ains de quoy elle est recreée, & faicte plus prompte. Certes oisiveté, qui enerue & abolit vertu, est à escheuer à gens paresseux: oisiveté qui refocile vertu, est à appeter aucunes fois de gens promptz & laborieux: les paresseux la doiuent fuir, de crainte que elle ne rende leur vie nonchallante: les industrieux, & les gens d'estude la doiuent desirer, afin qu'elle tempere leur travail, & que par apres soyent faictz plus fermes & plus promptz à labour.

¶ De Scipion & Lelius.

Scipion & Lelius ioinctz ensemble, tant par bonne & vraye amitié, que par l'alliance de toutes vertus: ainsi comme ilz traualloyent ensemble à tout exercice honneste, aussi prenoient ilz ensemble, passe temps & recreation. Il est tout cler qu'à Gaiete & Laurente iceulx se pourmenoyent, & cueilloient au long des riuages de la mer des coquilles & escalles de poisson, ensemble des petites pierres polies, ainsi que P. Crassus afferma l'auoir ouy maintes fois dire à Quintus Sceuola son beaupere, qui fut gendre de Lelius.

On lit qu'il y
eut cinq cou-
ples d'amys,
c'est à sçauoir,
Theseus & Pi-
rithous, Pila-
des & Orestes,
Tideus & Po-
linices, Nisus
& Euryalus,
Scipion & Le-
lius.

¶ De Sceuola.

Sceuola (certain tesmoing du passe temps de ces deux susalleguez) iour, cōme on dit, tres bien à la paulme: lequel apres auoir vaqué aux affaires de la court, pour solacier vn peu son esprit prenoit plaisir à ce ieu: meisme aucunes fois passoit temps au tablier & eschecz, quand il auoit ordonné des sacrifices, cerimonies des dieux, & aussi traité du droit civil: car il estoit augur, & legislateur en Romme: ainsi comme en choses de grande importance il se monstroït graue & homme de vertu, aussi aux affaires de recreation il se monstroït hom-
me

Le huitième Liure

Noter.

me: car nature ne souffre que l'homme travaille toujours.

Exemples des estrangers.

¶ Du philosophe Socrates.

La relasche q
prenoît Socra
tes en son estu
de.

Ce que considera tres bien Socrates, qui n'ignora rien touchant sagesse: cestuy n'eut honte de se iouer avec les petis enfans, en mettant vn baston de roseau entre ses iambes, qui sert communémēt de cheual ausdictz petis enfans, quand courent ça & là par passetemps. Dequoy ledict Socrates fut moqué par Alcibiades, qui le trouua en ce poinct.

¶ Du poete Homere.

Homere poete de diuin esprit, ne fut pas d'autre opinion, qu'on ne deust se recreer apres le travail, quand il introduist en ses oeures Achilles iouant du luc, afin qu'apres le travail militaire, il vauast à repos.

¶ COMBIEN ELOQUENCE A DE puissance & force.

CHAP. IX.

Proheme.



Ombien que nous estimions la puissance d'eloquence estre de grande valeur, toutefois si est il decent le monstrier par exemples, afin que nous ayons plus grande approbation de sa force & efficace.

¶ De Valere.

Anio, anionis,
Riuere.

Les rois de Romme finiz & exterminiez, le peuple estant en different contrée le senat, se va plâter en armes iouxte le riuage de la riuere d'Anio, en la coste qui se nomme sainte ou sacrée. L'estat de la republique n'estoit pour lors seulement desfroyé & desemparé, ains tresmiserable: pource que par mutinerie & sedition les senateurs qui estoient le chef de Romme, estoient diuisez des membres, c'estasçanoir du peuple & de la commune: & si l'eloquence de Valere n'y eust mis arrun & ordre, l'espoir que nous auions d'augmenter nostre empire, qui estoit encore en son commencement, eust esté totalement ruiné & aneanty. Cestuy Valere par son beau parler en vne oraison qu'il feit, redit ledict populaire, qui se resiouissoit follemēt de nouvelle & inaccoustumée liberté, subiect au senat: ainsi que s'il eust adioinct ville avec ville. Donc les armes, fureur, & trouble d'esprit donnerent lieu aux parolles facondes dudit Valere.

Noter.

¶ De Marc Antoine.

Beau parler aussi fut cause de refroidir les soudardz de Cinna & Marius de ne faire meurtre. Ceulx cy auoyent esté enuoyez de leurs inhumains capitaines, pour occir Marc Antoine: mais furent si estonnez de son beau langage, qu'ilz remirent leurs espées en leurs fourreaux: lesquelz partiz, vint arriuer vn autre soudard nommé P. Antoine. Cestuy s'estoit tenu alenuiron de ce lieu seul, & n'auoit entendu la parolle dudit Marc Antoine: parquoy accomplit le cruel commandement desdictz capitaines Cinna & Marius, & tua ledict Antoine. Combien pensons nous que cestuy fust disert, veu qu'aucun ennemy ne le sceut mettre à mort, pourueu qu'il escoutast sa parolle?

¶ De

¶ De Iules Cesar.

Iules Cesar le sustentacle & fondement tant de diuine puissance que d'esprit humain, exprima la force de sa propre eloquence, en disant en l'accusation de C. Dolabella: lequel il auoit acuse de pilleries & extorsions que L. Cotta son amy & familier auoit esté cause de luy oster vne belle matiere: voulant dire, que si cestuy Cotta ne l'eust prié de soy desister alencontre de Dolabella, par son beau parler l'eust rendu infame. Lors se plaignit Cesar, & fut marry, qu'il n'auoit monstré amplement combien il estoit facond. Apres donc auoir fait recit de luy, pource que nous ne sçaurions entre les exéples Rommains, traicter d'un personnage plus grand, ie me iecteray sus les estrangers.

Cesar facond.

¶ Exemples des estrangers.

¶ De Pisistratus.

On dit que Pisistratus fut si eloquent, que les Atheniens esprins de sa facôde, le feirent leur prince, combien que Solon tresamoureux du pays, y pretendist: la parolle de Solon estoit plussalutaire, & celle de Pisistrat plusdiserte. Dont il aduint que les citoyens d'Athenes, qui s'estoyent tousiours monstrez sages, à ceste fois furent indiscretz, preferant seruitude à liberté: à raison que ledict Pisistratus parapres deuint grand tyran.

Pisistrat par sa facôde obtint le regime des Atheniens.

¶ De Pericles.

Pericles personnage qui auoit beaucoup de graces de nature, apprint soubz Anaxagoras beaucoup de lettres, & paruint à si grande eloquence, qu'il rendit par son beau parler les Atheniens à seruitude, qui au denant viuoyent en liberté. Certes il faisoit de la ville ce qu'il vouloit. Et cōbien qu'il parlaist le plussouuent contre le vouloir desdictz citoyens, ce neantmoins sa parolle estoit si plaisante & agreable, que le peuple ne le pouoit desdire. En sorte que les poetes comiques, qui auoyent puissance de satyriquer, & reprendre la vie d'un chacun, iacoit ce qu'ilz eussent bonne enuie de brocarder & dechiffrer la tyrannie de cest homme, ce neantmoins n'auoyent la puissance: & disoyent que soubz la langue de ce personnage gisoit vne faconde plusdoulce que miel: & que le beau parler de luy, laissoit à ceulx qui l'auoyent ouy, vn aguillon & emotion à l'aymer & congratuler.

Pericles p son beau parler faisoit des Atheniens ce qu'il vouloit.

¶ De quelque uieillard.

On dit qu'un vieil personnage estant en la premiere harengue de Pericles lors en sa grande ieunesse, dict qu'à ceste heure là qu'il estoit encore adolescent, ouit Pisistrat fort vieil, faisant maintes oraisons, mais que la harengue de Pericles estoit toute semblable, & qu'on se gardast de luy, pource que Pisistrat par son eloquence auoit esté introduict au gouuernement d'Athenes, qui depuis affligea grandement les Atheniens: parquoy disoit qu'en aduendroit autant ou plus de Pericles: dequoy ne fut deceu ledict uieillard, tāt pour l'eloquece de Pericles, qui fut aussi grande ou plus que celle de Pisistrat: & aussi pour sa vie, qui ne fut pas moins tyrannique que celle dudit Pisistrat. Quelle difference y a il entre Pisistrat & Pericles, sinon que Pisistrat exerça sa tyrannie armée, & Pericles desarmé?

Le sain cōseil d'un uieillard.

¶ Du philosophe Hegesias.

Hegesias philosophe Cyrenaique fut si beau parleur, & si persuasif, qu'en

ses

Le huitieme Liure

Hegeffas par
son eloquence
contraignoit
les hommes à
l'occir.

ses harengues il deschiffroit si eloquemment les maux & incommoditez de ceste vie, qu'il induisoit plusieurs à appeter volontairement la mort: pourtant luy defendit le roy Ptolomée de plus différer de ceste chose.

COMBIEN IL Y A D'EFFICACE en la prononciation, & conuenable mouement du corps.

CHAP. X.

La souveraine
vertu d'eloque
ce est en la p-
nonciation &
aux gestes.



Honneur & ennoblissement d'eloquence consiste en prolacion seate, & gestes aduenans: desquelles deux choses quand vn orateur est garny, il s'adresse aux auditeurs en trois manieres. Premièrement en inuadant les courages par beau parler: secondement il recrée l'ouye par prolacion conuenable: tiercement il deleste l'oeil par gestes honnestes & plaisans.

De Caius Gracchus.

Ce qu'auoit
de coustume
C. Gracchus,
quand faisoit
ses harengues.

Il done raison
de la chose.

Et afin qu'on adioust foy à noz propos, nous produirons exemples d'aucuns nobles personages. C. Gracchus ieune gentilhomme Rommain, beaucoup plus eloquent qu'il n'estoit de bon vouloir, pource qu'il eust bien peu par la viuacité & beauté de son engin conseruer la republique, si il eust voulu: mais il ayma mieulx la mettre en trouble maleureusement. Toutes les fois que cestuy faisoit harengues au peuple, il auoit vn seruiteur derriere luy, sçauant en l'art de musique, qui d'une fluste d'iuoir secretemēt luy donnoit le moyen de bien pronocer, c'est a sçauoir quand sa voix s'abaissoit plus qu'il n'estoit requis, luy donnoit le ton de la hauler avec ladicte fluste: puis quand elle s'esleuoit trop, luy donnoit le ton pour l'abaisser, pource qu'aucunes fois en plaidoyant, en accusant ou blasmant sa partie, estoit esmeu d'ire ou de dueil, parquoy ne pouoit garder moyen en prononciation.

De Quintus Hortense.

Quintus Hortensius croyant les gestes honnestes d'un orateur estre de grande efficace, mit quasi plus de peine à les bien dresser, qu'à parler elegamment: pourtant ne sçauoit on si plus curieusement on alloit à ses harengues, pour ouir sa belle maniere de pronocer, que pour voir sa belle contenance & honnestes gestes: ainsi accommodoit il ses parolles à ses gestes, & ses gestes à ses parolles. Il est certain qu'Esop & Roscius ioueurs de comedies, ou badins sçauantissimes, se trouuoient souuent en l'audience, quand ledict Hortense plaidoit, afin qu'ilz apprinsent de luy à faire leurs gestes, quand seroyent sus les eschauftz.

De Marc Cicero.

Icy est loué
Cicero.

Marc Cicero en vne oraison qu'il feit pour la iustification de Gallus, donna bien à congnoistre qu'il y auoit grande efficace en prononciation, & gestes d'un orateur, en reprochant à Marc Callidius (qui vouloit prouuer par l'enqueste du pays, par tesmoings, & mesme par les escriptz de Gallus, q' ledict Gallus l'auoit voulu empoisonner) que son accusation estoit manifestement faulse, pource que si le cas eust esté vray, ledict Callidius en plaidoyant, eust esté plus

plus esmeu, sa parole n'eust point esté si foible, ne son oraison aussi n'eust point esté si molle & lasche. Or en disant ces choses, ledict Cicero donna à cōgnoistre que la contenance de Callidius monstroient manifestement la chose ne estre conforme à verité. Ainsi descouurit il le vice de sa harengue, pource que il ne prononçoit ny ne faisoit les gestes telz comme il estoit requis à la cause, aussi adioust il les argumens de la cause perissante, cōcluant ainsi. Certes Marc Callidius en plaidoyant sa cause se fust monstré plus animé, si Gallus eust fait effort de l'empoisonner: parquoy il apparoit que c'est chose feinte.

Le propos de Cicero, par lequel il descouurit vne accusation feinte.

¶ Exemples des estrangers.

¶ De Demosthene.

Le iugement de Demosthene est conforme à celui de Cicero. Lequel interrogé à sçauoir mon qui estoit fort valable & requis à bien parler, respondit que c'estoit pronociation. Derechef luy fut demandé, & pour la troisieme fois, mais ne respondit autre chose, confessant que c'estoit quasi la chose la plus principale à vn orateur.

Demosthene entre les pties de l'art oratoire donne la palme à pronociation.

¶ D'Eschines.

Eschines aussi en parla veritablement: lequel pour la confusion & honte, qu'il eut d'auoir esté vaincu par Demosthenes, qui defendoit la cause de Ctesiphon contre luy, se partit d'Athenes, & s'en alla à Rhodes, ou il fut prié par les Rhodiens, de lire son accusation contre ledict Ctesiphon: puis apres reciter la defense de Demosthene: ce qu'il fit d'une tresclere & tresdouce voix: dequoy s'esmerueillèrent tous lesdictz citoyens, louans l'eloquence de l'un & de l'autre, mais encore plus celle de Demosthene. Lors commença à dire Eschines: O si vous eussiez ouy Demosthene en chaire prononçant son oraison, vous diriez bien autre chose. Cestuy Eschines, qui estoit tant excellent orateur, & pour lors aduersaire & ennemy dudit Demosthene, estima tant l'eloquence de sondict ennemy, qu'il se disoit n'estre bon lecteur de ses escriptz, ayant eu experience de la vigueur treslaigre de ses yeulx, de la grauité espouventable de sa face, du son de sa voix accommodé à chascune parole, & de la grace de ses gestes, qui portoyent grande efficace. Et cōbien que rien ne peust estre adiousté à l'ouurage d'iceluy, toutefois en Demosthene, default vne grande part de Demosthene, c'est adire la grace de prolation, quand ses escriptz estoient leuz par autre: car ilz ne sembloient pas si bons sans comparaison, comme s'il les eust leu lui mesme.

Eschines orateur des Grecs

S

¶ COM-

Le huitieme Liure

COMBIEN SONT DE VALEVR
*les effectz des artz, & combien ilz apportent
d'utilité, apres les auoir
apprins.*

CHAP. XI.



Vand nous apperceuons de l'vtilité qui vient des sciences liberales, nous prenons plus de plaisir, & sommes plus promptz à les apprendre. Icy bas nous declarerons comme elles ont esté inuentées vtilement, & ce qui en sera digne de memoire, ie l'expliqueray clerement en son passage : & le labeur à l'exposer ne sera priué de son fruit.

¶ De Sulpice Gaullois.

Les sciences liberales de Sulpice acqrēt la victoire aux Rommains.

L'instruction de Sulpice Gaullois es sept artz liberaux, apporta grand profit à la republique. Comme cestuy estoit lieutenant de L. Paul, en la guerre contre le roy Perſes : & la nuit de deuant qu'on deuoit auoir la bataille, lors que le temps estoit coy & serain, mesme la lune luisoit : mais soudain se va eclypser, de quoy fut espouentée toute la gendarmerie Rommaine, comme si c'eust esté quelque signe monstrueux, ou mauuais presage : en sorte qu'elle perdit coeur, & desir de guerroyer contre ses ennemis : mais ledict Sulpice en disputant sçauamment de la forme du ciel, & de la nature des astres, prouuant que naturellement se faisoit l'eclipse du soleil & de la lune, remit le courage à la dicte cheualerie de combattre. Par ainsi le sçauoir de Sulpice, quant aux artz liberaux, donna entrée à la belle victoire qu'obtint Paul contre Perſes : pource que s'il n'auoit vaincu la crainte de noz soudardz, le capitaine Paul n'eust sceu vaincre ses ennemis.

¶ Du deuin Spurina.

La deuination de Spurina touchant la mort de Cesar.

La science de Spurina touchant ses deuinations, & prognostic, qui luy estoient reuelez par les dieux, vint à plusgrand effect, que Romme ne voulut. Cestuy auoit predict à Iules Cesar, que tréte iours, dont le dernier estoient les ides de Mars, luy estoient fort dangereux, & mortelz, & qu'il se gardast durāt ce temps. Or comme le matin du iour desdictes ides Martiales de hazard, Cesar & Spurina le deuin se fussent trouuez tous deux en la maison de Caluinus Domitius, pour luy faire la reuerence, commēça à dire audict Spurina : Or ça, ne sçais tu pas bien que les ides de Mars sont venues ? Lors respond Spurina : Or ça Cesar, ne sçais tu pas bien qu'elles ne sont point encore passées ? Ledit Cesar auoit mis toute crainte dehors, comme si le temps suspect eut esté passé. Et Spurina croyoit que la fin dudit temps qu'il auoit predict, n'estoit encore exempté de peril. À la mienne volonté que c'eust esté le plaisir des dieux, que l'augure ou prognostic eust plustost deceu le deuin, que le nonchalloit n'eust trompé le pere du pays Cesar.

Exemples des estrangers.

¶ De Pericles.

Mais afin que nous cherchions es nations estranges, si nous trouuerons exemples

ples à ce propos, nous en reciterons vn de Pericles. Comme les Atheniens fussent en grand esmay, pensans que la mort leur fust signifiée du ciel, voyans le soleil soudain auoir perdu sa lumiere, ce qui ne leur estoit accoustumé: Pericles adonc se va iecter parmy eulx, & leur declara ce qu'il auoit appris de son maistre Anaxagoras, touchant les appartenances au cours du soleil & de la lune. Ainsi ne souffrit ledict Pericles que ses subiectz fussent plus en crainte.

Pericles fut astrologue.

¶ Du roy Alexandre.

Quel honneur pensons nous qu'Alexandre feit à l'art de peinture, qui voulut estre peinct en plat par Apelles, & esleué en statue par Lyfippus, & non par autres.

Apelles peintre tres excellent.

¶ Du Vulcan d'Alcamenes.

La statue de Vulcan, que feit Alcamenes, delecta grandement les Atheniens, oultre les choses de singularité touchant l'art d'imaginerie, qui surpassoyent l'inuention de tous imaginiers: ilz s'esmerueilloient plus que ladicte statue estoit veue soubz son acoustremēt feignant clocher d'un costé, pource que Vulcan estoit boiteux, qui ne luy tournoit à vice, ne luy estoit mal seant, mais sembloit de bonne grace.

¶ De la Venus de Praxiteles.

Praxiteles tailla Venus femme dudit Vulcan, en marbre, comme si elle eust esté viue: & la mit au tēple des Cnidiens, ou elle estoit adorée. Certes pour la beauté de l'ouurage, quelqu'un s'efforça de la violer, comme si c'eust esté vne femme naturelle. L'erreur d'un cheual est plus à excuser, qui voyant vne iument en peinture, commença à hannir: aucuns chiens aussi voyans vn chien peinct, abayerent. Et à Syracuse vn taureau par le regard d'une vache de cuire, pourtraicte apres le vif, la voulut saillir. Pourquoy nous esbahissons nous des bestes irraisonnables, qui furent trompées par l'art de peinture, veu qu'un homme fut incité de congnoistre la Venus de marbre, qui estoit au temple de la ville de Cnide, qui estoit vn sacrilege, pource qu'elle estoit deesse, ou pource que ce fut en lieu sainct.

De quelle habilité Praxiteles imita nature.

Digne de noter.

¶ I L E S T D E S C H O S E S

qui ne se peuvent faire par art.

CHAP. XII.



Vant au reste, ainsi que nature souuent permet que par art soit imitée, aussi aucunesfois on se traueille en vain, de la vouloir contrefaire: dequoy eut experience Euphranor imaginier, qui fut ouurier souuerain. Cōme cestuy estoit en Athenes douze dieux, il vint à acoustre l'image de Neptune, & y asit les couleurs conuenables à exprimer sa maiesté, si excellentement qu'il luy fut possible: en sorte que quand vint à arrunner celle de Iuppiter, pour la faire d'estoppe plussacrée & plussumptueuse, il ne peut: pource qu'il auoit mis toute sa phantasie au premier ouurage, il ne sceut venir à fin de son entreprinse, pour parfournir ce qu'il pretendoit au dernier.

Euphranor grand peintre.

Chose à considerer.

S ij

¶ Du

¶ Du peintre Timantes.

Iphigene pei-
ste, avec grãd
honneur de son
ouurier.

Que dirons nous plus? Cest autre peintre Timantes, aussi excellent qu'estoit Euphranor, representant par sa peinture, le douloureux & pitoyable sacrifice, que les Grecz feirent en immolant Iphigene au temple de Diane, peignoit en vn tableau le deuin Calchas triste, Vlysses melancholique, Ajax criant contre les dieux, Menelaus plourât & lamentant à cause de l'occision de sa niece alentour de l'autel. Puis quand vint à vouloir peindre Agamemnon, il luy enuclopa le chef. Par cela confessa qu'il n'eust sceu exprimer par son art, l'amertume du grand dueil dudit Agamemnon qui estoit pere d'Iphigene, il demonstra bien clerement en sadiete peinture, le dueil qu'en menoyent le deuin, le frere, & les amis: mais il delaisa le courroux du pere à estre estimé & pése à la phantasie des hommes.

¶ D'un autre peintre.

Ceque l'art ne
peut faire, ad-
uenture le feit

Et afin que i'adiouste icy encore vn exemple de ce mesme art, ie reciteray & racompteray d'un peintre singulier, qui auoit pourtrait vn cheval venant de travail, auquel ne restoit que l'esprit: mais quand ce vint à la fin de la besogne qu'il vouloit peindre l'escume ou la broe qui luy sailloit du musle, ce grãd ouurier en si petite chose fut longuement: en sorte qu'il ne pouoit trouuer le moyen de paracheuer ledict oeuvre. Lors ledict peintre despitè, print son esponge pleine de toutes couleurs, laquelle d'aduenture estoit aupres de luy: & comme s'il eust voulu rompre ce qu'il auoit fait, la iecta contre sondict tableau: laquelle de fortune s'adressant contre le museau de son cheval, paracheua l'intention & desir dudit peintre. Donc ce que l'art n'auoit peu pour- traire, l'accident le feit & imita.

¶ COMME VN CHASCUN SE
doibt mesler & disputer de son
art.

CHAP. XIII.



V mestier, vnchascun se sentira bon ouurier, qu'en iceluy il s'exercite, & en dispute. Et afin que nous n'en ignorons, nous en produirons quelques exemples.

¶ De Quintus Sceuola.

Quintus Sce-
uola iuriste.

Quintus Sceuola, qui estoit excellentissime & tresseur interpretateur des loix, toutes & quantes fois qu'on alloit à luy à conseil, touchant quelque droit ciuil, il renuoyoit à Furius, & à Casellius, pource que c'estoyent deux aduocatx qui en faisoient mestier. Par ce fait, il estoit plus loué pour la moderation, que desestimé de son autorité & science: car il le faisoit par courtoisie, en confessant que l'affaire seroit plus aptement expliqué de ceulx là qui scauoient l'art par vsage quotidien, que de luy, combien qu'il fust scauantissime. Donc les gens scauans en quelque science que ce soit, sont reputez sages, qui estiment & prient le scauoir d'autrui, & du leur n'en font pas grand compte.

Comment il
faut estimer
la science, & cel
le d'autrui.

¶ Du

¶ Du philosophe Platon.

Platon philosophe doctissime, en pensa autant. Comme les ouriers qui auoyent alloué à faire vn autel en l'honneur de Minerue dedans la tour d'Athenes, vinssent pardeuers luy, pour conferer de la maniere & bastimét dudit autel, iacoit ce qu'il fust tres bon geometrien, toutefois les enuoya à Euclides, donnant lieu à la science dudit. Que dy ie science? mais à sa profession: car Platon faisoit mestier de lire publiquement la philosophie, & Euclides la geometrie.

Euclides geometre.

¶ Des Atheniens, & de Philo.

Les Atheniens se glorifioyent de leur edifice, ou estoient mis tous instrumens de guerre, qui leur seruoient à guerroyer tant par mer que par terre, qu'on appelle chambre de munition. Certainement c'estoit vn ouurage digne d'estre veu, tant pour sa beauté, que pour sa sumptuosité: pource qu'il auoit beaucoup cousté. Or les Atheniens esbahis du coust, interrogerent Philo fabricant dudit oeuvre, comme se pouoit faire, qu'il y eust entré tant de deniers: leur rendit compte au theatre, en parolles si raisonnables, & si facondes, qu'ilz ne le louerent moins pour son eloquence, que pour l'industrie de son art.

¶ De quelque ouurier nommé Apelles.

Ce fut chose merueilleuse, qu'Apelles, qui estoit peintre de si grand esprit en quelque image qu'il auoit fait, porta patiemment estre admonnesté, & corrigé par vn cordonnier, touchant que les souliers & courroyes dudit image n'estoyent pas bien: ce qu'il reforma volontairement. Mais quand ledit cordonnier le cuida reprendre de la iambe, qu'il disoit estre mal peint, luy defendit d'en disputer plusoultre, disant que ce n'estoit son mestier.

Vn cordonnier ne doit disputer que de ses souliers & p^{er} soules.

¶ DE VIEILLESSE.

CHAP. XIII.

Notre les exemples d'industrie, nous auons traité de la vieillesse de aucuns sçauans personnages, & en ce mesme liure: lesquelz avec labeur des lettres, perseuererent, & moururent fort vieilz, mais ce n'est pas assez: il appartient bien que ladicte vieillesse ait son chapitre à part. Certes nous ne deuons espargner nostre labeur, & ne defaillir à iceulx anciens, que nous ne les decorons par noz escriptz: à l'aage desquelz, les dieux se sont monstrez fauorables & propices, les faisans viure longuement. Or si nous mettons sus les exemples de vieillesse, nous donnerons espoir à ceulx qui se deffient de ne viure long temps: car ce que nous voyons aduenir à autrui, nous esperons qu'autant nous en doit aduenir. Donc les exemples que nous reciterons, seruiront de consolation & fiance aux personnages qui desirent viure longz iours. Et oultre encore qu'espoir nous nourrit à longue vie, l'exemple de ceulx qui ont vescu longuement & eueusement nous rendra dauantage plus promptz & deliberez à venir en vieillesse. Confions nous aussi que l'estat pacifique de ce temps icy ou nous sommes, durera, moyen-

Espoir de viue.

Le huitième Liure

Il vſe d'adulation enuers Tibere.

nant que les dieux vueillent garder la ſanté de noſtre debonnaire prince Tibere Ceſar, & allôger ſa vié iuſques à bien longs iours: car iamais ne courut meilleur temps qu'il fait ſoubz ſon regne.

¶ De Marc Valere Coruin.

Marc Valere Coruin veſcut iuſques à l'age de cent ans. Entre ſon premier & ſixieme conſulat, y eut quarante & ſept ans: dont eſt à conſiderer par cela, qu'en ſa vieilleſſe il eſtoit encore fort & robuste perſonnage. Il dura en ſon entiere force, en adminiſtrant louablement le bien public, & auſſi en penſant tres bien de ſon meſnage, & du labourage de ſes terres, en ſorte qu'on le peult alleguer pour vn bel exemple de bon & loyal citoyen, & d'un bon pere de famille.

¶ De Metellus.

La vieilleſſe de Metellus robuste.

Autant veſcut Metellus. Le quatrieme an apres ſes dignitez de conſul, deſia fort vieil, fut creé grand eueſque, & eut la charge des ſacrifices, l'eſpace de vingt & deux ans: & en ce temps on ne luy veit la langue vaciller, en prononçant le ſeruice, ne la main trembler en traittant les choſes ſacrées.

¶ De Quintus Fabius Maximus.

Siecle eſt l'eſpace de cent ans.

Quintus Fabius Maximus fut preſtre au temple des augures ou deuins, ſoixante & deux ans. Or quand il fut augur, il eſtoit deſia homme parfait, ayant enuiron trentehuit ans: ce ſont cent ans qu'il peut viure.

¶ De Marc Perpenna.

Que diray ie maintenant de Marc Perpenna, qui veſcut pluſlonguement que tous les ſenateurs qu'il auoit appellé au parlement luy eſtant conſul. Et luy eſtant cenſeur compaignon de Lucius Philippus, ſurpaſſa l'age de tous ceulx qu'il auoit eſleu en ladite court de parlement, pour eſtre de l'ordre des conſeillers, fors ſept, qui veſcurent apres luy.

¶ D'Appius.

Tout le tēps q l'homme eſt aueugle, peult eſtre eſtimé mort, ſ'il ne prent exercice d'eſprit.

Le termineroye l'age d'Appius iuſtemēt aux temps que la fortune luy vint d'eſtre aueugle, auquel il veſcut bien longuement, ſi luy eſtant oppreſſé de ceſt accident, n'eult regy conſtamment & vertueuſement quatre de ſes filz, cinq de ſes filles, grand nombre de cliens & ſeruiteurs, & meſme la republique.

Côbié qu'Appius fuſt deuenueugle de vieilleſſe, toutesfoiſ veoit il bien les perilz qui pouoyent aduenir au pays.

Quand ceſtuy fut decrepy, & quaſi laſſé de viure, ſe ſeit porter à la court dedans vne liſtiere, afin qu'il rompiſt l'appoinctement qu'on vouloit faire avec le roy Pyrrhus, qui luy ſembloit dommageux à la republique. Appelez vous ceſtuy aueugle, qui veoit l'intereſt qui pouoit aduenir aux Rommains, par ceſt accord que les Rommains meſmes ne veoyent pas?

¶ De Liue femme de Rutilius: de Terentie femme de Cicero: & de Clodie fille d'Aulus.

Femmes fort vieilles.

On treuve que pluſieurs femmes ne veſcurent pas moins, que les hommes dont i'ay parlé: deſquelles il ſuffira en reciter aucunes ſommairement & briueuement. La femme de Rutilius nommée Liue, veſcut quatre vingt & dix ſept ans: Terentie femme de Cicero, cent & trois ans: & Clodie fille d'Aulus, cent & quinze ans, apres auoir porté quinze enfans.

¶ Exemples

¶ Exemples des estrangers.

¶ De Masinissa roy de Numidie, & Hiero roy de Sicile.

Je ioin Bray à ces femmes susdictes, deux rois, desquelz le long aage fut tres conducible & tres expedient à nostre republique. Hiero, qui estoit roy de Sicile, paruint iusques à l'aage de quatre vingtz & dix ans. Masinissa, qui estoit roy de Numidie, passa oultre ledict aage. Cestuy tint son royaume l'espace de soixante ans: il fut plus fort & plus robuste en sa vieillesse, qu'homme qu'on eust sceu trouuer. Il est certain (ainsi comme Cicero recite en son liure de vieillesse) que cestuy roy ne courut iamais son chef, pour quelque pluye ou froid qui vint. On dit qu'il se tenoit debout sans bouger d'un lieu bien long temps: en sorte qu'il surmontoit tous les ieunes gentilzhommes de sa court, en ceste sorte d'exercice & patience: & quand il estoit question de se tenir assis, pour discuter aucuns affaires du royaume: souuent vn iour entier estoit en sa chaire royale, ou tribunal, sans tourner son corps ne d'un costé ne d'autre: quand il conduisoit son armée, souuentefois se tenoit à cheual l'espace d'un iour & de vne nuit, sans mettre aucunement pié à terre. De tous les actes & trauaulx, qu'il auoit faict en ieunesse, il n'en omit rien, qu'il ne les feist aussi en vieillesse. Il fut tousiours vertueux & robuste à engendrer enfans: en sorte qu'il fit vn filz, apres auoir quatre vingtz & six ans de son aage, lequel filz fut nommé Methimatus. grand pays de terre qu'il auoit, qui auparauant estoit desert & infructueux, le delaisa frugifere par continuel labour, & par frequent culti-
 uement.

Masinissa ne courut iamais sa teste.

Masinissa en sa vieillesse fut le plus robuste qu'on vit onc.

¶ Du philosophe Gorgias Leontin.

Gorgias Leontin, qui estoit precepteur d'Isocrates, & de maintz autres personnages de grand esprit, se disoit estre trefseureux. Or comme il eut de son aage cent & sept ans, on luy demanda pourquoy il vouloit si long temps demourer en vie. Pource (dict il) que ie n'ay de quoy ie sceusse blasmer ou accuser ma vieillesse: c'est adire qu'il n'auoit mal de quoy il se peust plaindre. Que fut il plus long & plusieurs, que cest espace & trait d'aage, en cent ans ne trouua matiere de se desoler, pour aucun grief ou incommodité: & lors que nature luy auoit faict ce bien, de commencer encore vn autre terme de cent ans, de quoy il en auoit desia accomply sept: en ces sept ne trouua aucune faiblesse, & continua ainsi tout le temps de sa vie.

Le dict sage de Gorgias.

¶ De Xenophile Cbalcidenfe Pythagorique.

Xenophile Pythagorique vescu deux ans moins que Gorgias, mais il ne fut moins eureux: pource qu'ainsi comme dit Aristoxenus, il ne souffrit iamais aucun mal, & fut exempt des incommoditez qui ont coustume de venir en vieillesse, & mourut parfait philosophe, avec grand honneur, & excellent bruit.

¶ D'Argantonius Gaditan.

Argantonius Gaditanus roy des Tartesiens, regna autant de temps, que plusieurs autres se fussent bien resiouiz de pouoir viure. Cestuy gouerna son pays quatre vingtz ans: & quand il fut roy, il auoit desia soixante ans, ainsi que

Ce roy icy vescu sept vingtz ans.

Le huitième Liure

les auteurs le témoignent de verité: entre lesquelz est Asinius Pollio, vn des bons historiens Rommains, au troisieme liure de ses histoires, affirmant cestuy Argantonius auoir vescu six vingtz & dix ans. Cestuy Pollio semblablement fut de longue vie.

¶ Des Ethiopiens & Indois.

Les Ethiopiens font qu'on ne s'esmerueille pas tant de l'accomplissement de tant d'ans que vescu Argantonius: lesquelz (comme Herodote escrit) surpassent six vingtz ans: autant en dit Ctesias des Indois.

¶ D'Epimenides Cnosius.

Theopompus affirme qu'Epimenides vescu l'espace de sept vingtz & dixsept ans.

¶ De quelques uns des Epiens.

Hellanicus recite qu'il y a aucuns de la nation des Epiens, qui est vne partie d'Etolie, qui vivent l'espace de deux cens ans: & de ceste opinion est Damiates, disant encore dauantage, & affirmant qu'il y en eut vn de ceste nation (qui estoit nommé Litorius fort à merueille, & de singuliere stature) qui vescu trois cens ans.

¶ De quelqu'un nommé Dando.

Alexandre au liure qu'il a composé de l'estente & longueur de la mer Illirique, affirme qu'un nommé Dando vescu cinq cens ans, & n'apparut point vieil, pource que le corps ne l'esprit n'estoyent defailliz de leur force. Mais Xenophon est trouué bien plus liberal: qui en son liure qu'on lit de vieillesse, donna à vn roy des Latins huit cens ans: & afin que le pere dudit roy ne se plaignist d'estre à la male grace de cestuy Xenophon, il luy en donna six cens.

En la suite bien on trouue qu'aucuns ont vescu plus de huit cés ans.

¶ DE CONVOITISE D'HON- neur & gloire.

CHAP. XV.

Il renuoye la question aux philosophes.

LE me deporte de donner la diffinition de gloire, & en laisse faire aux philosophes, aussi de disputer d'ou elle prent sa source. Certes si gloire vient d'ambition, c'est vice: si elle procede de magnanimité, c'est vertu. Semblablement fault scauoir de quelle qualité elle est, c'est ascauoir electiue, ou contemptiue, comme i'ay dict, si elle vient d'ambition, elle est d'habit ou qualité contemptiue: si elle vient de vertu, elle est de habit electif. Il fault congnoistre aussi comme elle se deuoit acquerir: veritablement elle s'acquiert par beaux actes faictz à la guerre, par bonne administration de la republique: consequemment par l'industrie des lettres. Pareillement est bon d'entendre si ceste gloire doit estre contemnée des gens de vertu, comme non necessaire. Certainement c'est l'office d'un homme magnanime, de ne tenir compte de gloire, & se contenter de la cōgnoissance seule, qu'il a d'auoir bien ouuré, ou en la guerre, ou au gouuernement de la republique, ou travail des bonnes lettres. Quant à ce cas (comme i'ay dict) ie n'en vueil disputer, ie remetz le tout aux philosophes, & aux bons orateurs, qui ont la grace de

de coucher elegamment ce qu'ilz ont pourpensé prudemment, mieulx que moy, ie me cōtenteray de rédre & faire cōuenir les autheurs avec leurs faictz, & les faictz avec leurs autheurs: car historiens qui prérent la charge de mettre en memoire les beaux actes des personages vertueux, à ceste heure là les autheurs sont renduz à leurs faictz, & les faictz à leurs autheurs ou facteurs: car lesdictz hystoriens recitent quelz actes on a faict, & de qui ilz ont esté faictz. Donc ie m'efforceray de demonstrier par exemples combien aucuns ont desiré & appeté auoir honneur & gloire par leurs gestes & oeuvres vertueux.

¶ *Du premier African.*

Le premier African voulut que l'effigie du poete Ennius fust mise avec les statues, qui estoient esleuées en l'honneur de la race des Cornilles, pour ce que ledict Ennius auoit par sa poesie illustré les actes dudit African: estimant que la memoire, si elle estoit enluminée de la clarté des lettres, ne pouoit estre esteinte, tandis que l'empire Romain floriroit: & qu'Afrique seroit submise aux piedz de l'Italie: & que la tour du capitolé possederait le souuerain sommet de toute la terre, c'est à sçauoir la domination. Certes ce grand personnage Scipion, estoit bié digne d'estre celebré pour ses vertuz du stile d'Homere, & non de la veine rude & mal polie d'Ennius.

Scipion l'African cōuoiteux de gloire.

¶ *De Decius Brutus.*

Decius Brutus, vn des bons capitaines de son temps, fut pareillemēt amoureux de gloire, & honora le poete Accius, prenant plaisir à l'honneur & prōpte louenge que luy faisoit ledict poete, orna de ses vers les entrées des temples qu'il auoit faict bastir de l'argent receu de ses butins de guerre.

Temples edifiez au butin de guerre.

¶ *Du grand Pompée.*

Le grand Pompée aussi appeta honneur, lequel à l'assemblée des souldards receut pour citoyen Rommain Theophanes de Mytilene, à raison qu'il auoit redigé par escript ses faictz. Certes c'estoit de foy vn grand bien de l'auoir faict citoyen Rommain: mais encore ne luy suffist, ains fit vne oraison bien composée, qui fut ouye publiquement, ou il remercioit ledict Accius: dequoy fut faict, qu'il sembloit que Pompée fust encore beaucoup tenu audit poete, pour auoir faict histoire de ses gestes.

● ¶ *De Lucius Sylla.*

Si Lucius Sylla ne print plaisir à aucun escriuain qui reduisist ses gestes par escript, toutefois si s'attribua il tout l'honneur de la prise & prodicion de Iugurtha, mené par le roy Bocchus à Marius: si qu'il fit grauer à son signet de quoy il cachetoit ses lettres, la prodicion dudit Iugurtha. Certes si cestuy n'eust appeté gloire, il n'eust entrepris si grands affaires comme il fit, c'est à sçauoir d'estre seul dominateur de Rome.

Signet, autrement dict, cachet.

¶ *De Scipion, & d'un homme d'armes.*

Et afin que ie ioingne aux capitaines qui ont appeté gloire, vn souldard qui a faict le semblable, ie mettray icy l'exemple d'un. Comme Scipion departoit les dons & prix, (ainsi que les Rommains auoyēt de coustume) à ses souldardz, qui s'estoyēt monstrez vaillans à la guerre. T. Labienus son lieutenant luy cōmença à dire qu'il distribuast à quelque compagnon qui estoit là present des braceletz d'or: pour ce qu'il luy auoit veu faire quelque acte de prouesse. Sci-

Braceletz, ornemens du bras gauche, desquels vsoient les Gaulois.

S v pion

Le huitième Liure

Il n'est aucun
qui n'appete
honneur.

pion dit qu'il n'en feroit rié, & qu'il feroit tort au autres: car on n'auoit de cou-
stume d'esslargir telz presens à nouueaux venuz: mais à soudardz qui auoyent
desia fort trauaillé & suyui les armes: de quoy ledict Labienus ne fut content:
& du butin qu'il auoit eu des Gaullois, donna audict compagnon deux brace-
letz d'or: ce que voyant ledict Scipion, ne se peut taire, & dit au soudard: Or
ça tu possederas du don qui appartient à vn riche homme, & non du don qui
appartient à vn soudard qui l'a bien merité. De ceste parolle esmeu ledict com-
pagnon, incontinent qu'il eut receu ce present, le iecta deuant les piedz de La-
bienus, & abaissa la face: mais quád il ouyt que Scipion dit: Tien, voila des bra-
celetz d'argent, que te donne le capitaine en chef: les print ioyeusement, & se
partit. Il n'est donc homme de si basse condition, qu'il ne soit esprins de gloi-
re. Certes on a veu aucunes fois de grands personages appeter icelle de petites
choses.

¶ De Quintus Fabius.

Fabius surnom-
mé le peintre
ne voulut que
son labeur fust
mis en oubly.

Mais qué signifioit cela, qu'apres que Quintus Fabius surnommé le pein-
tre, tresnoble citoyé Rommain, eut peint les paroiz du temple de Salut, que
C. Iunius le Bouvier auoit cōsacré, voulut son nom y estre mis, si non qu'il ay-
moit gloire? Et iacoit ce que la race des Fabiens fust grandement honorée &
exaltée pour les grāds personages qui en estoient sortiz, dont les vns auoyent
esté consulz, les autres augures, preteurs & chefz de guerres: toutefois cestuy
Fabius peintre, pour cōsommer sa gloire s'adonna à cest art de peinture, qui
est reputé vile, pour ce qu'il s'exerce pour gagner: ou est dict vile, quāt au re-
gard de ceste noble perionne, qui s'abaissoit trop, de se messer de ce mestier.
Or cestuy donc pour auoir honneur, ne voulut que le trauail tel quel, qu'il pre-
noit en ceste peinture fust reu, & passé soubz silence, suyuant l'exēple de Phi-
dias, qui enclouit dedans le bouclier de Minerue, son effigie, afin que si d'aduē-
ture on la vouloit rompre, tout l'ouurage fust ensemble destruit & aboly.

Exemples des estrangers.

¶ De Themistocles.

La cōuenable
responce de
Themistocles:
cōuoiteux de
gloire.

Le susdict Fabius eust mieulx fait, s'il eust esté emulateur ou enuieux de la
gloire d'autrui, suyuant la conuoitise & ardeur de Themistocles, qu'on dit a-
uoir esté si agité & piqué des esperōs de vertu, qu'il passoit les nuitz sans dor-
mir, & se pourmenoit parmy les rues: puis quand on luy demādoit pourquoy
en ce téps il se trouuoit en ces lieux publiques, respōdit que les victoires qu'a-
uoit eues Miltiades cōtre les lieutenās de Darius, le resueilloyēt de son somme,
la bataille de Marathone, ou auoit obtenu tant d'honneur ledict Miltiades, in-
citoit le coeur de Themistocles de secretz aguillons: & aussi faisoient le sem-
blable Arthemise & Salamine, deux places de Grece, lesquelles furēt par apres
grandement renommées & annoblies, pour l'honneur que remporta Themis-
tocles en vne bataille nauale, cōtre Xerxes. Cōme cestuy quelque fois se trou-
ua au theatre d'Athenes, & en ce lieu on oyoit tout plai de ioueurs comiques,
on luy demanda, duquel il orroit plusuoluntiers la voix: de celuy (dit il) qui le
mieulx reciteroit mes faitz. Ainsi adioust il gloire, à la douleur de gloire, se
monstrant trop desireux d'icelle.

¶ De

¶ *De roy Alexandre.*

Le coeur d'Alexandre estoit insatiable, quand à conuoitise de louége. Côme Anaxarchus luy recitoit (ainsi qu'il auoit appris de Democritus son precepteur) qu'innombrables mondes estoient. Helas (dit il) moy miserable, qui n'en ay eu encore la iouyssance d'un. Certes ce sembloit bien petite possession à ce ieune prince de posséder toute la terre, qui pouoit contenter tous les dieux.

Alexandre le grand fut insatiable de gloire.

¶ *Du philosophe Aristote.*

Je mesleray la grande conuoitise & soif d'acquérir gloire qui estoit en Aristote, avec celle du roy Alexandre. Certes celle d'Aristote n'estoit pas si tollerale que celle d'Alexandre: car Aristote estoit philosophe, & desia en perfection d'age, & Alexandre estoit roy, & encore ieune. Cestuy Aristote auoit donné à son disciple Theodestes ses liures de rhétorique qu'il auoit composé, de quoy fut apres marry, voyant qu'ilz portoyent autre tiltre que le sien, & qu'on les attribuoit audit Theodestes, parquoy fait un autre liure, au quel il traistoit de l'art oratoire, & declaroit en ce passage côme plus à plain il en auoit parlé aux liures de Theodestes, pour frustrer ledit Theodestes de cest honneur. Certes si l'autorité d'un si grand philosophe, & si sçauant personnage ne me destournoit, ie diroye qu'on l'eust deu bailler à un autre plus magnanime & vertueux personnage, pour le corriger de sa gloire. Quât au reste on voit que ceulx qui ont fait liures de mespris de gloire, eulx mesmes l'appetêt, pour ce qu'ilz veulent que leurs noms soyent inferez aux oeures qu'ilz ont composé, ainsi desprisent ilz gloire par leurs parolles: mais sont veuz l'extoller par leurs manieres de faire, afin que ce qu'ilz diminuent & amoindrissent par leur profession & dire public, ilz en soyent iouyssans par vsurpation de memoire: c'est à dire qu'ilz escriuent leurs noms en leurs liures, voulans que les posterieurs ayent memoire d'eulx, & que ceste vsurpation de memoire leur acquere louenge. Combien que feintise de ces philosophes là soit vituperable, si est elle plus à tollerer que n'est pas le propos de ceulx qui veulent qu'on ayt tousiours souuenance d'eulx par meschans actes perpetrez.

Aristote ne fut priué de conuoitise de gloire.

¶ *De Pausanias.*

Du nombre desquelz ie ne sçay si deuant tous Pausanias doit estre recité. Or comme cestuy eust demandé à Hermocles, par quel moyen il pouoit soudain paruenir à estre congneu de tous, & qu'un chascun parlât de luy. Hermocles luy respondit, si tu metz à mort quelque grand personnage, ton nom sera immortel, & la gloire de luy redódera à toy. Lors soudain Pausanias, ieune gentilhomme Macedonié, tua le roy Philippe, & paruint à cela qu'il auoit désiré. Par ce meurtre se rendit autant congneu à ceulx qui vindrent apres, comme le roy Philippe par sa vertu.

Pausanias renommé par homicide.

¶ *De quelqu'un, qui pour acquérir bruit & bonneur, voulut mettre en feu le temple de Diane.*

Ceste conuoitise de gloire qui ensuyt, fut pleine de sacrilege. Un malheureux personnage fut trouué, qui vouloit embraser le temple de Diane, en Ephese, afin

Le huiſieme Liure

Les Ephesiens
ordonnerēt que
nul ne nōmast
celuy q auoit
bruslé le tēple
de Diane.

afin que par la destruction de ce tant bel ouurage, son nōm se respandist par toute la terre. Or fut cestuy prins par souspeçon, & mis sur vn cheual de bois ou d'arain, qui estoit vne maniere de tourment: adonc confessa sa meschafeté & folle rage. Certes les Ephesiens auoyent biē deliberé & ordonné, que nul ne nommast iamais ce chetif pour abolir la memoire de luy, si Theopompus, hōme de grande faconde ne l'eust comprins en ses histoires.

DES MAGNIFICENCES ET excellens bonheurs qui sont aduenues à gens de uertu.

CHAP. XVI.

On doit sala
rier vnchascun
pour ses vert^s.



Es magnificences & haultz hōneurs qui sont aduenuz aux grands personnages à iuste droit par leurs vertuz mis & redigez en lieu cler, comme en liures d'hyſtoires & chroniques, quād on les lit apportēt beaucoup de plaisir aux coeurs nobles des liſans, qui aymēt vertu. Certes quand nous voyons qu'on a remuneré vne vertu d'honneur & loyer, nous iugeons que c'a esté bien fait. D'aduantage en liſant ces choses, c'est à ſçauoir quād trouuons que les gens de bien, oultre encore qu'ilz acquierent honneur de leurs bons actes, ſont guerdonnez de loyers & prix bien meritez: nature nous administre vne aligreté, promptitude, & diligence de les imiter. Et iaçoit ce qu'en ce paſſage mon vouloir ſoit totalement diſpoſé de parler des haultz honneurs, & triumpantes gloires qu'on à veu en la maiſon des Ceſars, qui eſt vn droit temple munificentissime & treshonoré (il dit cela pour ce qu'en ce temps les Rommains faiſoyent à leurs empereurs honneurs diuins) facilement ie me pourray retirer d'en faire recit, pour ce que les honneurs qu'on fait en terre à celuy à qui le ciel eſt ouuert pour y mōter, à raiſon de ſes vertus, cōbien que les deſſusdictz honneurs ſoyent grandiffimes, ſi ſont ilz moindres beaucoup que ſes merites.

Occupation
couleur de re-
thorique.

Icy entēd par-
ler de Tibere
Ceſar.

Du premier African.

On feist conſul le premier African deuant aage competent: car il n'auoit que vingt & quatre ans, dequoy la gendarmerie Rommaine en eſcriuit au ſenat, affermant eſtre neceſſaire d'ainſi le faire. Ainſi on eſt en doute ſi l'authorité des peres conſcriptz (c'eſt à dire des ſenateurs) feist plus d'honneur audict Scipion, que le conſeil des gens de guerre: la court crea Scipio capitaine alencōtre des Carthaginois, & les gendarmes ainſi deſiroyent eſtre fait. Or ſeroit il prolix de reciter tous les honneurs qu'on luy feist en ſa vie, pour ce qu'il y en a beaucoup, puis il n'eſt point neceſſité les narrer: car pour la pluſgrand partie i'en ay parlé deuant: mais en ceſt endroit i'en diray vne choſe d'excellēce. Pour le iourd'huy ſon image eſt miſe au capitolé (qui eſt le tēple de Iuppiter, & toutes les fois & quantes que quelqu'un de la race de luy (qui eſtoit nommée la race Corneliennē) vouloit entreprendre quelque gros affaire, ſ'en alloit deuant ceſte image, cōme deuant l'image d'un ſainct, pour auoir aide de ſon entrepriſe. Le capitolé donc ſeruit de porche à la ſtatue dudit Scipion: en Romme les ſtatues

Idolatrie des
Corneliens.

statues des nobles defunctz estoient mises aux porches des maisons. Tout ainsi que le capitol se ruit de porche à la statue de Scipion, aussi fait le parlement à l'image du premier Caton: & ainsi que les Cornéliens en leurs hautes entreprinſes se retiroyent deuant ladicte statue de Scipion, aussi faisoit la court de parlement deuant l'image de Caton, qui estoit vn ſigne qui les exemptoit d'ingratitude, pour ce qu'ilz voulurent que tousiours habitast avec eulx ce bon ſenateur, tant vtile & amoureux de la republique, riche & accomply en toutes sortes de vertuz: eſleué en honneur, plus par ſes merites que par le benefice de fortune: par le cōſeil duquel fut premieremēt deſtruite Carthage; puis par les armes de Scipion dernièrement.

¶ De Scipion Nafica.

Le vray exemple d'honneur print ſa ſource de Scipion Nafica. Le ſenat termina, apres auoir eu la reſpōſe d'Apollo Pythius, que ceſtuy cy qui n'auoit encore eſté queſteur ou treſorier (qui estoit vn des premiers offices que les Rommains obtenoyent ains que paruenir aux autres: parquoy on doit conſiderer qu'il estoit encore ieune) receueroit la deeſſe Cybelle, mere des dieux, de ſes propres mains, & en ſon hoſtel, laquelle on faiſoit venir de Peſſinunt en Romme: pour ce qu'il estoit commandé par ladicte reſpōſe d'Apollo, que ladicte mere des dieux fuſt recueillie & receue du plus homme de bien, & ſainct d'entre les Rommains. Deſployez & liſez toutes les annales de Romme, mettez enſemble tous les honneurs de tous ceulx qui triompherent, vous ne trouuerez point entre tant de princes nul qui ait eu tel honneur que ledict Nafica.

Scipion Nafica le plus parfait d'entre les Rômainz.

¶ De Scipion Emilian.

Les honneurs des Scipions ſe preſentent à nous pour eſtre recitez. Comme ceſtuy pretendoit à l'office d'edile ou eſcheuin, le peuple le fait cōſul: vn autre fois ainſi que ledict Scipion estoit venu au champ Martial, pour donner aide à Quintus Fabius filz de ſon frere touchât l'office de queſteur ou treſorier, ledict peuple le crea encore vn coup conſul, & le remena à ſa maiſon avec coſte dignité. A ceſtuy cy le ſenat donna deux fois le gouuernement d'Afrique, puis d'Eſpaigne: ſans auoir eſgard qu'on luy bailleroit pour compaignon. Or ces honneurs là ne ſe faiſoyent point à luy, comme citoyen connoitieux: car il ne les appetoit: ny comme ſenateur ambitieux, car il les reſuſoit tāt qu'il pouoit: ainſi comme on le peut veoir durāt ſa vie, & à ſa mort, qui fut traitée par ſecrete trahiſon.

L'honneur qu'il fait à Scipion Emilian.

¶ De Marc Valere.

Les dieux & les hommes rendirent grandement honoré Marc Valere, pour deux choſes excellentes. Les dieux luy enuoyerent vn corbeau pour ſon deſeſſeur, lors qu'il eut le combat contre vn Gaullois. Les citoyens Rommains le firent conſul au vingt & troiſieme an de ſon aage: l'ancienne race des Valeres print le ſurnom de Coruin de ceſtuy Marc, qui luy fut vn gros honneur. Ce luy tourna ainſi à grande gloire d'auoir eſté conſul deuant le tēps qu'on auoit accouſtumé de les creer, & ainſi qu'il fut le premier de ſa race.

Deux choſes illuſtrerēt Valere Coruin.

¶ De

Le huitième Livre

¶ De Quintus Sceuola.

Ce ne fut pas petite gloire aussi à Quintus Sceuola (que Lucius Crassus eut pour cōpagnon à la dignité de consulat) qui se porta si honnestement & vertueusement au gouvernement d'Asie, que le senat proposa Sceuola comme vn exēple de bō regime, à ceulx q depuis luy pridrēt la charge de ladicte prouice.

¶ De Caius Marius.

L'estimatiō q
fait le dernier
African de
Marius.

Les honneurs
qu'eut depuis
Marius, furent
cōformes à la
parolle que dit
Scipiō de luy.

Le iugement que feit Scipiō de Caius Marius, ne luy porta pas moins d'honneur que ses sept consulatz, & ses deux beaux triūphes : lequel Marius vescu en ioye & liesse presque iusques à la mort. Comme ledict Marius estoit capitaine des gens de cheual de la compagnie dudit dernier African, à Numance, & en souppant quelqu'vn demandast à Scipion, s'il luy prenoit mal, quel capitaine pourroyent auoir les soudards, aussi vertueux & preux que luy. Lors regardant Marius assis pres de luy, dit : Ilz auroyent cestuy. On ne peut iuger facilement par ceste parolle si Scipion dict de hazard, comme s'il eust deuiné ce qui aduint, qui peult estre estimé augure. En ce soupper, qui se faisoit au cāp, il sembloit que Scipion preueist les sumptueux banquetz que feit le peuple Romain, en l'honneur de Marius, ceste nuit qu'on rapporta les nouuelles de la defaite des Cimbres, par ledict Marius. Les Rōmains en leurs bāquetz, offroyēt tousiours les premieres viandes en l'honneur des dieux : mais cestedite nuit, il n'y eut Rommain qu'il n'offrist les premiers metz à Marius, comme s'il eust esté du nombre des dieux.

¶ De Cn. Pompée.

Les honneurs
de Pompée.

Les auteurs escriuains debaten ensemble, & murmurent des amples honneurs, non accoustumez de faire en Romme, que les Rommains feirent à Cn. Pompée. Les vns, fauorisant audict Pōpée, disent que ce fut bienfaict ausdictz Rommains : les autres, luy portant enuie, disent l'opposite. Lors que ledict Pōpée estoit encore simple homme d'armes, fut enuoyé consul extraordinaire en Espagne, alencontre de Sertorius, & luy donna lon aussi grāde autorité cōme auoit Metellus le debonnaire, qui estoit le grand gouverneur de Romme : cestuy n'auoit encore eu aucunes des dignitez ou offices en ladicte ville, quād il triompha deux fois : il commença au cōsulat : & à son troisieme consulat fut créé seul, par l'ordonnance du senat : il obtint vn seul triūphe, pour auoir vaincu Mithridates, Tygranes, plusieurs autres roys, plusieurs nations, villes, & larons de mer, appelez pirates.

¶ De Quintus Catullus.

Le peuple Rommain esleua aussi presque iusques aux estoilles Quintus Catullus. Cōme ledict Catulle interrogeoit à la court des Roistres ledict peuple, disant : Or ça seigneurs Rommains, comme il soit ainsi qu'ayez mis toute vostre fiance à vn seul Rommain, c'est à sçauoir Pompée : si par soudain accident il s'alloit mourir, à qui auriez vous vostre recours & esperance lors toute l'assistance, d'vn mesme accord cria à haulte voix : En toy. O admirable force de iugement honorable : certes cedit peuple en deux syllabes equipara Catulle à Pompée, avec tous ses honneurs & triūphes que i'ay recitez.

¶ De

¶ De Marc Caton.

L'arriuée de Marc Caton au bort du Tybre, retournant de Cypre avec la finance du roy de ladiſte iſle, peut eſtre veue admirable. Comme ceſtuy ſortoit de ſa nauire pour entrer en Rôme, les conſulz, tous les autres magiſtratz, tout le ſenat, & le peuple Rommain vindrent ſoudain au deuant pour le receuoir, & luy faire la reuerence, ſe reſiouyſſans, non de ce que la nef euſt apporté grãd charge d'or & d'argent: mais pour ce qu'elle auoit ramené lediſt Caton ſain & en bon poinſt.

La magnificence du ſenat.

¶ De Lucius Martius.

Je ne ſçay ſi l'honneur qu'on ſeit à Lucius Martius, eſtoit point encore plus grand. Lors que les deux exercites des deux Scipions, c'eſt à ſçauoir Cn. & Pu. furent mis à rouverte par le capitaine Haſdrubal: le reſte deſdiſtes gédarmeries eſtans au deſeſpoir, eſleurent lediſt Martius pour leur conducteur, qui luy fut encore pluſhonorable, pour ce qu'ilz ne le demanderent par ambition, ains eurent recours audiſt en l'extreme, comme ſe confians à ſa diſcrete & ſage cōduiſte, dont bien leur en print: car vne nuit furent deſconfitz tous les Carthaginois, & n'en reſchappa ſeulement vn, pour aller dire & annoncer les nouuelles en Carthage.

¶ De Sulpitie.

A iuſte droit Sulpitie fille de Seruilius Paterculus, & femme de Quintus Flavius Flaccus eſt adioinſte avec les hommes. Comme le ſenat euſt ordonné, par l'admonneſtemēt des decemuires qui auoyēt regardé les liures des Sybilles, que le tēple de Venus Verticorde, c'eſt à dire, tournant les coeurs des femmes de lubricité à chaſteté, fuſt conſacré par la pluſbelle femme de la ville de Rôme, afin que pluſfacilement la péſée des vierges & femmes Romaines fuſt conuertie d'impurité à pudicité, & que de toutes leſdiſtes femmes & nobles matrones elles en eſleuſſent cent, & de cent dix, qui choiſiſſent la pluſchaſte. Or ces dix vont nommer ladiſte Sulpitie, qui luy fut vn gros honneur, d'eſtre preferée à toutes les autres.

La chaſteté de Sulpitie.

¶ Exemples des eſtrangers.

¶ De Pythagoras.

Quant au demourant pour ce qu'on peult conſiderer les honneurs qui ont eſté faiſtz aux eſtrangers, ſans aucune diminutiō de l'autorité & maieſté Romaine, nous paſſerons oultre, & en parlerōs. Les auditeurs de Pythagoras l'eurent à ſi grande veneration, que ce qu'ilz auoyent apprins de luy, eſtimoyent eſtre illicite d'en diſputer: mais d'auantage quand ilz eſtoient interrogez pour rendre la raiſon, reſpondoyent ſeulement, il a diſt: c'eſt à ſçauoir noſtre maſtre Pythagoras, ce luy eſtoit vn grand honneur, mais il ne paſſoit point ſon eſchole, car les autres n'obſeruoient pas telle mode. La ville de Cretone luy ſeit grand honneur auſſi.

Pythagoras fut grandemēt honoré de ſes diſciple.

¶ Du meſmes Pythagoras.

Les Crotoniates luy requièrent par grande affection qu'il ſouffriſt que leur ſenat (qui eſtoit de mille cōſeillers) yſaſt de ſon conſeil. Certes leſdiſtz citoyēs, qui

Le huitieme Liure de Valere le Grand.

qui estoient opulens & riches, l'eurent à si grãde reputatiõ, qu'après sa mort, de sa maison en firent le tẽple de Ceres: & tandis que leur ville fut en vigueur ladiẽte deesse fut adorée en la memoire dudit philosophe, & le philosophe en la religion de la deesse fut honoré & reueré.

¶ De Gorgias Leontin.

Gorgias Leontinus fut si sçauant, qu'il surmonta tous les hommes de son temps. Cestuy estoit de si grande reputation, qu'il osoit le premier demander en la congregation des doctes, de quelle science vn chascun vouloit ouyr: par le consentement de toute Grece, on luy fait vne statue d'or malsif, au temple d'Apollo Delphique, ce qu'on n'auoit encore fait à personnage nul: car au deuant les statues estoient d'argent doré.

¶ D'Amphiaras.

Ceste mesme nation Grecque par commun accord fut fort vigilante à honorer Amphiaras. Elle fait bastir le lieu ou il fut inhumé, en sorte & maniere de temple, & institua qu'en ce lieu on iroit pour auoir respõse de ce qu'on demandoit, comme en Delphos au tẽple d'Apollo. Le sepulchre dudit n'estoit moins honoré, que le trou ou cauerne, ou on adoroit ledit Apollo, ny que la forest d'Odone, pres d'Athenes, ou on adoroit Iuppiter Hamnõ, ayãt le front d'un monton, & ou les coulombes rendoyent respõses.

¶ De Pherenice, ou ainsi que lisent les autres, Berenice

On n'honora pas petitement Pherenice, à laquelle on permit entre toutes les autres femmes, d'asister aux combatz Olympiques, ou elle amena vn sien filz nommé Euclée. Ceste cy fut engendrée d'un pere, qui souuent fut vainqueur ausdictz ieuz, puis elle estoit accompagnée de deux siens freres, qui pareillement auoyent souuent remporté le prix & la palme en cedit spectacle, & son filz qui y auoit desia entrée.

¶ Fin du huitieme Liure de Valere le Grand.

Le neuſieme Liure de Va-

LERE LE GRAND.

¶ DE SUPERFLVITE ET EXCES

de toutes choſes, comme de boire & manger, ue-
ſtemens, edifices, choſes Veneriennes,
& autres cas.

¶ CHAP. I.



Vperfluité, ou excés qui eſt vn doux mal bien plus aiſé à reprendre qu'à euer, ſoit inferé à noſtre oeuvre, non pas pour receuoir aucun honneur: mais afin qu'en ſe cōgnoiſſant, il puiſſe eſtre incité à ſe repentir, & par la cōgnoiſſance de ſa turpitude les hommes ſoyent induictz à l'abhorrer, & ſuyuir temperance & ſobrieté. A ce vice icy ſoit ioincte volunté deſordonnée, qui conſiſte en appetit & conuoitiſe de choſes qui ſont oultre raiſon, comme de dominer, de ſe venger, de prendre ſes plaiſirs en eſbatz, ieuz, danſes, & pluſieurs autres plaiſirs mondains. Certes noſtre volunté deſordonnée prent ſa ſource du meſme endroit, d'ou prent ſon fondement luxure & excés, c'eſt à ſçauoir de ſuperfluité & ſuperabondance, & ſont ioinctes enſemble: car l'une conuoite, c'eſt à ſçauoir appetit deſordonné: & l'autre met à execution, ceſt à ſçauoir luxure. Et puis qu'elles ſont ioinctes enſemble, ſi que l'une ne peut eſtre ſans l'autre: auſſi ne fault il qu'elles ſoyent ſeparées de correction, ne d'amendement, c'eſt à dire, qu'enſemble nous blaſmons ceulx qui ſont tachez deſdictz vices, & qu'ilz amendent les faultes.

¶ De Caius Sergius Orata.

Caius Sergius Orata fut le premier qui inſtitua les baings portatifz & ſurpenduz, qui ſe portoyent de lieu en autre, afin qu'on le portast, & en le portât qu'il print ſon plaiſir à ſe baigner & lauer. Ce couſt là entrepris par leger cōmencement, paſſa bié pluſoultre, & ne ſ'areſta auſdictz baings d'eau chaude, qui n'eſtoient en leur exorde de grands fraiz, ains ſ'eſtendit iuſques à clorre la mer. Ceſtuy de crainte que Neptune dieu de la mer, ne tint ſa gourmandiſe ſubiecte à ſon plaiſir (ainſi qu'aucune fois on voit la mer tempeſtueuſe, ſi que les peſcheurs ne peuuent y auoir accès pour prédre poiſſon) inuenta des mers particulieres & propres à luy, en occupant les flotz de la mer, qui montoient iuſques à des lacz & lieux voiſins, cloant leſdictz lieux de murailles & edifices du coſté d'icelle, & enfermant illec toutes ſortes de poiſſons, ſi qu'il n'eust ſceu venir ſi grande tourmente, que ſa table n'eust eſté chargée de diuerſité de poiſſons. Ledict Orata pareillement ferma l'entrée du lac Lucrin, qui eſt en Campagne (inhabité iuſques à ce temps) de haultz & ſpatieux edifices, afin

La ſuperfluité
de Caius Ser-
gius en viâdet

T qu'il

Le neuſieme Liure

qu'il mangeaſt de iſtres pluſſreiches. Or pour ce qu'il ſ'eſtoit dementé de faire comme de ſon propre lediſt lac, qui eſtoit public, Conſidius, qui pour lors en eſtoit fermier, & l'auoit du commun, luy ſeit action, & print pour aduocat Lucius Craſſus : lequel en plaidoyant la cauſe, commença à ſe gaber dudiſt Orata, diſant: Certes Conſidius qui eſt bien mon amy eſt deceu, car il penſe que ſi Orata eſtoit eſlongé & ſequeſtré de ce lac, qu'il n'auoit point d'iſtres: mais ſ'il n'en auoit là, il en trouueroit ſur ſes tuilles. voulant dire qu'il les aymoſt tât qu'il falloſt touſiours qu'il en euſt, en quelque lieu qu'elles fuſſent peſchées.

Orata grand
mangeur d'i-
ſtres.

Perles meſſées
auec du vin.
Ainſi en vſoit
Cleopatra.

Authorité di-
gne de memo-
re.

Eſope ce faſteur & ioueur de tragedies euſt beaucoup mieulx faiſt de luy auoir donné ſon filz par adoption, que l'auoir laiſſé heritier de ſes biens. Ce ieune filz ne fut ſeulement prodigue, ains fol & inſenſé, en diſſipant ſon patrimoine: car ainſi comme on dit, il achetoit pour ſon manger oyſeaux propres à chanter, comme rouſſignolz, chardonneretz, & autres ſemblables, qui luy couſtoient moult cher, au lieu de ficedules, qui eſt vn petit oiſeau qui vit de figues & raiſins, qui ſ'engreſſe à merueilles: auſſi meſſoit il auec ſon boire des marguerites, ou perles fondues auec vinaigre, qui eſtoient de grand couſt, deſirât auoir bien toſt le bout de ſon patrimoine, qui eſtoit grand & ample, quaſi comme ſi ce fuſt vne choſe qui luy fuſt facheuſe à garder. Ceulx qui ont imité ce vieillard Orata, & ce ieune homme Clodius filz d'Eſope ont eſté pluſ exceſſifz. Certes vn vice ne ſine iamais ou il prent ſon commencement, car on prend peine touſiours à augmenter vne mauuaſe couſtume, & faire encore d'aduantage que celui qui l'a inuentée. Depuis, par les exemples de ces deux gourmans, on a faiſt venir en Romme, des riuages de l'Océan, maintz chers & ſumptueux poiſſons, on a conſommé en banquetz & feſtins l'or & l'argent eſtant aux coffres: & en diſſipant les patrimoines follement, a eſté trouué plaiſir deſordonné à boire & manger.

¶ Des femmes Rommaines.

La fin de la ſeconde bataille Punique, & la victoire de Philippe roy de Macedoine, donna hardieſſe aux Rommaines de viure plus librement, & à leur plaiſir. En celui temps les femmes Rommaines oſerent aſſieger la maiſon de Marc, & Iunius Brutus, leſquelz eſtoient tribuns pour lors, qui empeschoyēt que l'ordonnance d'Oppius ne fuſt rompue, que leſdictes femmes vouloyent aneâtir, en laquelle ne leur eſtoit permis d'uſer de robbes de diuerſes couleurs, ny auoir en leurs bagues la valeur de plus d'une demie vnce d'or: ne ſe faire porter en lictiere ou autrement hors la ville, ſi elles n'alloyent plus loing qu'une demie lieue, ou ſi ce n'eſtoit pour faire quelque voyage en l'honneur des dieux, ou leur faire quelque ſacrifice. Toutefois leſdictes femmes feirent tant par leurs ſolicitations & menues diligences, que ceſte loy qui auoit eſté gardée & obſeruée par l'eſpace de vingt ans entiers, fut abolie. Certainement les hommes de ce temps ne conſidererent point en rompant ceſte loy, à quelle cointiſe tendoit la volonté obſtinée de ceſte cōgregation & aſſemblée de femmes, nō accouſtumée d'ainſi vauguer & courir parmy les rues de la ville de Romme, ny
à quelle

à quelle superfluité & bombance paruiendroit leur audace maistresse des loix, si que lesdictz personnages eussent peu contrepenser en eulx mesmes, combien il y a de conuoluisse au coeur d'une femme, de se parer & accoustre curieusement, & comme de iour en iour elle inuente & trouue choses nouvelles & de grande sumptuosité, ilz eussent obuié dès le commencement à ceste superfluité, qui faisoit son entrée. Mais qu'est il question de parler plusoultre des femmes, considéré que de leur nature elles sont molles & delicates, puis leur sexe ne permet qu'elles s'occupent aux grands affaires & negoces de haulte importance? Donc ne se fault esbahir si elles mettent toute leur estude à se bien parer & faire belles: veu aussi quaucuns hommes du temps passé, lesquelz estoient de grand esprit, & de nobles maisons, ont bien decliné de la droicte voye d'ancienne temperance, & sont tombez en ce vice de superfluité: ce qui sera déclaré par l'altercation d'entre eulx cy apres.

¶ De Domitius, & Lucius
Crasus, censeurs.

Vn iour sourdit debat entre Cneus Domitius & Lucius Crassus, censeurs. Domitius luy donnoit reproche qu'en la porche de sa maison il y auoit des coulounes de marbre, lesquelles coulounes auoyent esté amenées de la montagne d'Hymetus, avec grand coust: auquel respondit soudainement Crassus? Combien estimes tu bien que ma maison vaille? Domitius luy dit qu'il l'estimoit à soixante sesterces. Combien l'estimeras tu moins, dit Crassus, si ie coupe dix arbrisseaux qui sont aupres d'icelle, donnant vmbre? Je l'estimeray moins la moitié, respond Domitius. Alors ledict Crassus replique: lequel de nous deux est le plus excessif & superflu, ou moy qui ay acheté dix coulounes de marbre, le prix de cent mille deniers, ou toy qui estimes l'vmbre de dix arbres à trente sesterces? Lesdictz censeurs, en disputant de leurs excès & superfluitez n'auoyent pas memoire de la continence & temperance que gardoyent les Rommains, lors que le roy Pyrrhus & Hannibal guerroyent contre eulx. Lesdictz Rommains estoient deuenuz lasches & effeminez pour les grands biens qui leur estoient escheuz par les conquestes d'oultre mer, c'est à sçauoir de la victoire obtenue du roy Philippe, d'Antiochus, & Mithridates. Toutefois ne furent si excessifz ledict Domitius & Crassus, & ceulx qui estoient de leur temps, en edifices, comme ceulx qui vindrent du depuis: ce neantmoins aymerent mieulx delaisser à leurs posterieurs la magnificence par eulx comencée, que retenir la temperance qu'ilz auoyent apprinse de leurs maieurs.

Les Rommains oubliant de l'ancienne sobriété, s'adonnerent à tout excès.

¶ De Metellus Pius.

Que voulut faire autre chose Metellus Pius, le plus grand seigneur de Rome, en son temps, sinon delaisser à ses successeurs la magnificence par luy comencée: & omettre la continence qu'il auoit veue à noz maieurs? Quand cestuy vint en Espagne, ne souffrit il pas que les amys & confederez du peu-

T ii ple Romain

Le neuſièmẽ Liure

Attalus roy
d'Asie fut le p
mier qui eut ta
pis de diuerſes
couleurs.

ple Rommain, à son entrée luy donnaſſent de l'encens, & luy feiſſent des autelz, comme ſi ce fuſt vn dieu, ſe reſiouyſſant & prenant gloire qu'en l'honneur de luy leſdictz hoſtes & amys auoyent paré les rues de tapifferies Attaliques: c'eſt à dire comme le roy Attalus auoit couſtume d'vſer en ſa court. Il permettoit auſſi qu'on luy feiſt de ſumptueux banquetz avec grãdz appareilz de miſteres & ieuz, ou il ſe trouuoit, avec vne robbe triumphale, telle comme auoyent accouſtumé de porter les triumphateurs en Romme. Il receuoit couronnes d'or en ſon chef, deualées par petites chainettes, comme ſi elles fuſſent enuoyées du ciel. Voire mais ou luy faiſoit on telz hõneurs ſuperfluz & exceſſifz: ce n'eſtoit en Grece n'y en Aſie, qui ſont prouinces abondantes en delices: par leſquelles pouoit eſtre corrompu le naturel des Rommains, qui eſt ſeuerité: mais eſtoit vne region laborieufe & adonnée à la guerre, ou eſtoit pour lors Sertorius, capitaine cheualereux, qui auoit deſia mis en rouverte pluſieurs exercites Rommains, par l'aide des armes Portugaloïſes. Ainſi auoit ceſtuy mis en oubly, par ſes delices & exceſſiues mignotiſes, les proueſſes de ſon pere Metellus, ſurnommé Numidique, qui ſouuẽtfois auoit vaincu Iugurtha, roy de Numidie. Donc voyla comme en peu de temps ſuperfluité fut reſpandue entre les Rommains. Ceſtuy Metellus Pius, en ſa ieuneſſe auoit veu la maniere de viure ancienne tant continente & ſobre, & en ſa vieilleſſe & ancienne-té tout eſtoit chagé, ſi qu'on auoit vne couſtume toute nouuelle, c'eſt à ſçauoir exceſſiue & prodigue.

Notex.

¶ Des Curions.

La maiſon des Curions, nobles Rommains, fut changée par ſemblable. Les citoyens Rommains veirent le pere de grande grauité, conſtance & temperance. Et au cõtraire le filz endebté de ſix cens ſeſterces, qu'il auoit empruntez pour demener ſa meſchante & infame vie. Ceſtuy diſſipa ſes biens à entretenir lubriquement ieunes enfans nobles en ſa maiſon, deſquelz il abuſoit. Ainſi veit on en vn meſme temps, & en vne meſme maiſon, diuerſité de vie: le pere eſtoit ſobre & eſpargnant: le filz meſchant, mal viuant, & diſſipateur de ſes biens.

¶ De Publius Clodius.

Iuges corrom
puz par crime
ſodomitique.

Les iuges qui deuoyent faire iuſtice, & donner arreſt droicturier & equitable à Publius Clodius, qui auoit pollũ le temple de Flora, furent corrompuz par iceluy, maleuſement & meſchamment. Or afin que par ce maleuſe garnement plein de paillardie & appetit deſordonné, fuſt abſoulz du crime d'inceſte, liura auſdictz iuges certaines femmes Rommaines, & nobles ieunes enfans pour en faire à leur plaifir, cõme vray maquereau: leſquelz luy auoyẽt couſté grand argent: qui fut au lieu de quelque gros preſent. En ce deteſtable & iſ ame vice, ie ne ſçay leſquelz ie doy blaſmer: ou de celuy qui auoit troué ceſte maniere de corruption, ou ceulx qui ſouffrirẽt que leur pudicité fuſt mediatrice de faire pariurer les iuges: car ilz auoyẽt iuré ainſi qu'il fuſſent receuz à l'office, de faire droit à vn chaſcun: ainſi ſe pariurerent ilz, en prononçant ceſtuy Clodius eſtre innocent. ou ceulx qui permuterent religion, c'eſt à dire iuſtice,

Clodius mac-
quereau.

stice, à paillardise & defloratiō: laquelle iustice ne se peult violer sans contemnement de dieu, car on iure: voila pourquoy il dit religion.

¶ De Gemellus seruiteur des tribuns.

Le banquet que prepara Gemellus (issu d'estat & condition franche, toutefois serf à raison de son office: car il estoit poste ou messager des tribuns) à Metellus & Scipion consulz & tribuns du peuple, fut aussi vituperable, dont toute Romme en estoit honteuse. Cestuy ordonna vn bordeau en sa maison, & en ce lieu fait venir Mutia, fille de Mutius Scevola, & femme du grand Pompée: aussi Fulvia fille de Fulvius Flaccus, qui fut femme premierement de Clodius, puis par apres de Marc Antoine: lesquelles estoient toutes deux nobles, tant du costé de leurs peres, que du costé de leurs maris. Pareillement aussi y fait venir vn noble enfant nommé Saturnin: afin que lesdictz consulz en eussent leur plaisir. Falloit il que ces personnages icy, qui estoient extraictz d'ancienne & noble famille, fussent soumis à tel reproche, pour estre la moquerie & irrisiō de ce banquet lubrique & plein d'iurongnerie? Certainement ces consulz & tribuns ne deuoyent assister à tel conuiue, mais en bien punir la façon.

Infame & execrable bâquet.

¶ De Catilina.

Entre tous les autres l'appetit desordonné de Catilina fut abominable. Comme il fust espris de l'amour d'Aurelie Orestille, voyant qu'il n'y auoit qu'un empeschement qui le gardast d'auoir ladicte gentillefemme en mariage, empoisonna vn sien filz qu'elle auoit, vnique, & estant desia aagé de quinze ou seize ans, pour ce possible qu'il la destournoit de ce faire. Ainsi au feu de ce ieune gentilhomme alluma il sa torche maritale (anciennement on brusloit les corps des deffunctz, aussi souloit on le temps passé porter torches aux espouailles des nouveaux mariez) & au lieu de douaire doua la nouuelle espousée de la priuation de son enfant. Finablement se monstrant aussi bon citoyen au pays, comme il s'estoit montré bon pere audict enfant, fut puny pour la cōiuration enuers ledict pays, & aussi pour l'empoisonnement dudit enfant.

Le desir charnel de Catilina abominable.

¶ De Hannibal.

Les plaisirs, voluptez, & delices de Capes, ville d'Italie, furent grandement vtils à nostre ville. Depuis que ladicte ville eut adoulcy par ses allechemés Hannibal, qui audeuant estoit inuincible, par apres le rendit si lasche & effeminé qu'il fut aisé à vaincre par noz foudardz. Capes attira à passer temps mōdains, & à somnolence ledict Hannibal, capitaine tressongneux & vigilant, ensemble sa gendarmerie cheualereuse & forte, par banquetz magnifiques & amples: par eaues de senteurs & parfums, & par actes charnelz. Ainsi finablement fut rompue & annichilée l'aspreté naturelle, & prompte hardiesse des Carthaginois: & d'un camp fier & belliqueux, fut fait vn camp enerué, abastardy, & mol, ainsi que si ce fust le marché d'Albe, ou se vendoyent toutes sortes de delices, ou le marché de Capes, nommé Sephasie, ou pareillement les marchans estalloient marchandises voluptueuses. Qu'est il plus ord & vile, que

T iii telles

Le neuſieme Liure

Authorité di-
gne de me-
moire.

telles manieres de vices, qu'est il plus pernicious & dōmāgeable ? par leſquelz vertu & prouesse est brisēe, les victoires sont languissantes , & honneur des beaux actes est assoupy, & conuertty en infamie. par leſquelz les forces de l'esprit & du corps sont expugnēes, en sorte qu'on ne ſçait ſ'il est plus dangereux estre prins d'iceulx vices que des ennemys.

¶ Des Volſiniens.

Ces meſmes vices mirent à destruction grieue & honteuse, la ville des Volſiniens. Ceste dicte ville estoit fort opulente, & bien ordonnēe de loix & meurs. D'auantage estoit estimēe estre le chef de Toscane: mais apres qu'elle fut tōbēe en superfluitē & excēs, cheut au profond de turpitude & irrision, si qu'elle ſ'assubiectit à la domination de ses seruiteurs, qui au commencement estans en petit nombre oserent se faire ſenateurs: & biē tost apres occuperent toute leur republique : ilz feirent faire les testamens à leur plaisir, ilz defendoyent que les personnes franches ne feissent conuiues & assemblēes, ilz prenoyent en mariage les filles de leurs maistres. Finablement ilz ordonnerent que ſans reprinſe pouoyent exercer leur luxure enuers les femmes veſues, & mariēes, & que nulle vierge ne se marieroit à vn homme de franche conditiō, que quelqu'vn d'entre eulx n'en feist premierement l'eſſay, & qu'il ne cueillist la premiere fleur de ſa virginitē.

¶ De Xerxes.

Xerxes trespu-
iſſant roy, par
les delices perdit
ſon royaume.

Or diſons de Xerxes, qui tant estoit glorieux de ſes richesses, & qui ſur toutes choses se reſiouyſſoit de delices & superfluitez, en sorte qu'il eſtabliſſoit prix & loyers, à ceulx qui inuentoyent & trouuoient nouuelle maniere de voluptē : mais ce pendant qu'il prenoit ſon plaisir à delices exceſſiues, perdit ſes exercites tant par mer que par terre, qui estoient quasi innombrables, & ſon empire preſque.

¶ D'Antiochus roy de Syrie.

Antiochus auſſi roy de Syrie ne tomba pas à moindre meſpris que Xerxes, la gendarmerie duquel prenant exemple à ſon aueuglēe & folle superfluitē, pour la plus grande partie portoit ſoubz ſes ſouliers cloux d'or, & à leurs cuiſines les ſoudards se ſeruoient de vaiſſelle d'argent, leurs tentes estoient couuertes de tapifferies, ouurēes & broudēes de teinctures & images. Ces magnificēces là euſſent peu eſmouuoir vn ennemy auariteux à faire la guerre: mais vn magnanime capitaine, qui est touſiours prōpt à batailler, n'eust peu estre guerres retardē qu'il n'eust eu la victoire : car il fait la guerre, non pour eſpoir de butin, ains pour acquerir gloire.

¶ De Ptolomēe roy d'Egypte.

Tant plus Ptolomēe veſcut, & tant plus fut vitieux, poar tant estoit il appellē

pellé cruel & inhumain. Que fut il plus superflu & voluptueux? Il contraignit sa soeur ainsnée, qui estoit mariée à son frere, de se marier à luy : puis apres auoir defloré la fille de sadiete soeur, repudia ladiete soeur, afin qu'il peust auoir ceste fille pour femme.

Ptolomée sur-nomé Physcō, qui est vn mot corrompu, au lieu de Pythō, qui signifie serpent, c'est à dire cruel.

¶ Du peuple d'Egypte.

Le peuple d'Egypte fut conforme à la vie de ses roys : lequel peuple soubz la conduite d'Archelaus, alencontre d'Aulus Gabinus capitaine Romain, ysisit hors des murs de leur ville : & comme ledict Archelaus commandast audict peuple de munir leur camp de closture & fossez, ledict peuple feit response qu'il falloit louer des ouuriers, pour faire ceste besongne, pourtant à raison que lesdictz Egyptiēs estoient effeminez & encruez de delices & menus plaisirs, ne peurent soustenir nostre gendarmerie.

¶ De ceulx de Cypre.

Les Cypriens furent encore plus effeminez, lesquels souffroyent patiemment que les femmes du pays se couchassent pres des chariotz de leurs roynes, & que lesdictes roynes de paour de blecer leurs piedz, mōtassent sur les corps desdictes femmes, comme sur degrez pour monter ausdictz chariotz. Certainement ces hommes là, (s'ilz eussent esté dignes d'estre appelez hommes) eussent deu mieulx auoir aymé mourir, que d'auoir obey à ceste tant delicate maniere de faire. Voila que c'est de superfluité, excès, & luxure, qui sont alliées ensemble. Les yeulx d'un homme excessif & paillard sont tousiours tenduz à regarder nouuelles conuoitises, le coeur d'iceluy aussi faict son discours par maintes voluptez, si que quād vne s'est offerte, il pense soudain ou il en trouuera vne autre, & ce pendant que la pensēe est occupée à chercher ses plaisirs, n'a iamais repos.

Notez.

¶ D E C R V A V T E.

¶ C H A P. II.



Basser soubz silence cruauté, est luy augmenter sa puissance, de laquelle l'habit est aspre & rude, la face cruelle, l'esprit impetueux, la voix espouventable. brief elle est toute pleine de menaces, & tyrannie. Comme cessera elle à exercer son inhumanité, s'elle n'est reuquée par le frein de note & infamie, veu qu'elle veult estre tousiours crainte, & nous auons tousiours accoustumé de la hair?

Se taire de cruauté, c'est l'augmenter.

¶ De Lucius Sylla.

Si nous regardōs les vertus & beaux actes de guerre de Sylla, nous ne le scaurons assez louer: si nous prenons garde à sa cruauté & inhumanité, nous ne le pourrons assez blasmer, en menant la guerre contre Marius, qui tyrannisoit

T iiii

le peuple

La cruauté de Sylla. le peuple Rommain, il ſe monſtra vn droit Scipion: & en exerçant ſa cruauté, il ſe monſtra vn vray Hannibal ennemy mortel des Rommains. Apres qu'il eut la victoire de Marius, & defendu les nobles & le ſenat alencontre dudit Marius, qui ſe faiſoit maſſue pour le peuple, il remplit cruellement toute la ville de Romme, & tout le pays d'Italie, de ſang ciuil. Ceſtuy ſe fit mettre à mort (en vne maiſon qui eſtoit au champ Martial, nommée publique) quatre legiōs qui auoyēt ſuyui le party de Marius, leſquelles il auoit receu à mercy & ſoubz ſa foy. Et nonobſtant qu'elles requiſſent miſericorde, ſi fut ce en vain: on les oyoit faire leurs miſerables complaints de dedans la ville, qui en eſtoit toute eſpouuētee. meſme apres qu'il les eut ainſi faiēt deſchirer & meurtrir, cōmandā qu'on ieſtaſt leurs corps dedans le Tybre, qui en fut tout ſanglant, & qui à grand peine pouoit porter ſi grand faix. Il ſe fit tuer cinq mille Prenestiens, qui auoyent receu le ieune Marius, en leur ville qui eſtoit de la bourgeoisie de Rōme, leſquelz premierement auoyent eſté aſſiegez par P. Cethegus ſon lieutenant: puis ſ'eſtoient volontairement renduz audit lieutenant ſoubz ſa foy: puis quand furent hors de leur diſte ville, mirent bas leurs armes, & ſe ieſtērēt à genoux, demandant miſericorde: ce neantmoins apres auoir eſté occis, ſe fit reſpandre leurs pources charongnes parmy les champs, pour eſtre proye aux beſtes & oiſeaux. Apres qu'il eut faiēt occir quatre mille ſept cens bourgeois Rommains, qui auoyent eſté proſcriptz: il voulut que leurs noms fuſſent eſcriptz en tableaux mis en public, afin que la memoire de ce tant bel acte, ne fuſt abolie. Ne ſe contentant point encore d'exercer ſa cruauté enuers ceulx qui auoyent porté les armes contre luy, ſe fit coucher du nōbre des proſcriptz, par quelque Greffier ou nommeur, aucuns citoyens gens de paix, qui ne ſ'eſtoient dementez de la guerre, ne d'un coſté ne d'autre, pource qu'ilz eſtoyēt renommez auoir beaucoup d'or & d'argent. Il eſt mention auſſi, qu'il exerça ſa cruauté enuers certaines femmes, non raſſaſié de la mort des hommes. Voicy dauantage vn ſigne de cruauté inſatiable, c'eſt qu'il voulut qu'on luy apportast les teſtes d'aucuns miſerables, ou n'y auoit eſprit ny ſemblance d'homme, tant eſtoyēt mal traitētes, afin que ce qui n'eſtoit licite māger de la bouche, il le deuoraſt des yeulx. O cōbien ſe mōſtra il cruel enuers le preteur Marc Marius, lequel il ſe fit trainer iuſques au ſepulchre de ſon neueu Catulle, iſſu de la race des Luſtaces: & deuant tout le peuple luy ſe fit arracher premierement les yeulx, puis le deſchirer membre à membre, ains que le faire mourir. Certes en recitant ces choſes, il m'eſt aduis qu'à grand peine recite ie ces vray ſemblables, tant ſont diſſiciles & eſtranges. Dauantage, pource que Marc Pleſtoire, voyāt faire ceſte inhumanité audit preteur, tomba en paſſion, ſoudain en ce meſme lieu tua ledit Pleſtoire: c'eſtoit choſe bien nouuelle de veoir punir ainſi cruellement cedit Pleſtoire, pour auoir eu compaſſion de ce faiēt tant inhumain. Ledit Sylla reputoit crime, d'auoir miſericorde d'une cruauté. Or ceſtuy cy, comme ie croy, ſ'abſtint de mettre la main, & de tourmenter les treſpaſſez. Certes non ſe fit, il commāda à ouurir le ſepulchre de Caius Marius, qui auoit eſté autrefois ſon queſteur ou treſorier, ſaçoit ce qu'il fuſt par apres ſon ennemy, & reſpandre les cendres d'iceluy dedans la riuiere d'Anio: voilà les actes, pour leſquelz il voulut eſtre ſurnommé euren.

Sylla ſe fit donner le ſurnom d'euren.

¶ De

¶ De Caius Marius.

La haine qu'auoit le peuple contre Marius, diminue la cruauté qu'exerça Sylla enuers luy. Cestuy Marius, par son ire manifesta bien sa trop grande conuoitise de poursuyuir ses ennemys: quand il tua par sa vilaine cruauté, & feit sacrifier le noble corps de Caius Cesar, qui auoit esté consul & censeur, au sepulchre d'un homme de neant, & trefsediteux, appellé Varius. Certes cela estoit bien mal seant à la republique, qui pour lors estoit en piteux estat, que ce tant vertueux personnage Cesar fust immolé comme vne beste, pour la purgation de l'ame de Varius. Les victoires & beaux faictz de Marius, quasi ne valoyent pas que ledict Cesar fust ainsi cruellement mis à mort: desquelz oublicux, merita plus de deshonneur & vitupere chez luy, qu'il n'auoit acquis de louenge en la guerre. Cestuy mesmes Marius tint quelque temps en sa table par grande insolence de coeur & de parolles, le chef de Marc Antoine: & souffrit que le sacrifice de sa table, c'est à dire, les viandes sacrées & beneictes en l'honneur des dieux, fussent contaminées du sang de ce noble citoyen, & excellētissime orateur. Et qui plus est vint embrasser P. Annius, qui auoit apporté ladicte teste, & qui estoit arrousé de ce nouveau meutre.

Marc Antoine
trefdoulx ora-
teur.

¶ De Damasippus.

Sylla & Marius feirent beaucoup d'actes vertueux, qui diminuerent leur cruauté: mais Damasippus preteur de Romme, ne feit iamais rié qui deust corrompre ses inhumanitez: donc nous le reprendrons plushardiment, & avec plus grande licence. Cestuy commanda qu'on meslast les testes des plusgrands seigneurs de la ville, avec les testes des bestes qu'on sacrifioit. Pareillement feit porter le tronc du corps de Carbon Aruin tribun du peuple, attaché à vn gibet par toute la ville de Romme, qui donna bien à congnoistre que cedit Damasippe preteur auoit toute puissance, & la republique pour lors ne pouoit rien.

¶ De Munatius Flaccus Rommain.

Munatius Flaccus, tenant le party de Pompée, meritant plus estre blasmé que loué, pour ce qu'en defendant ledict Pompée il exerçoit beaucoup de cruauté. Cestuy quelque fois fut assiegé en Espagne, en la ville des Attingués par Iulles Cesar, ou illec môstra vne maniere de cruauté enragée: Tous les citoyens qu'il congnoissoit qui fauorisoyent audict Cesar, les faisoit mettre à mort, & iecter par dessus les murs: aussi faisoit venir les femmes desdicts citoyens, pour assister au meutre de leurs maryz: & tuoit les petis enfans au gyron de leurs meres: d'aduanrage faisoit occir aucuns enfans deuant leurs peres & meres, en les frappât contre la terre: les autres il les faisoit receuoir au bout des piques & dardz. Lesquelles cruantez intolerables à ouyr, estoient exercées par les mains des Portugalois, peuple d'Espagne, du cōmandement d'un Romain, dont on s'esmerueilloit plus car les princes Rommains, de leur naturel estoient euclins à humanité. Ledit Munace ainsi muni de l'aide de ceste nation, resistoit par folle obstination cōtre l'effort d'un homme celeste (qui estoit Iules Cesar) voulant dire qu'on pert temps de s'efforcer contre chose diuine.

Cruauté enra-
gée.

T v

¶ Exemples

Le neuſieme Liure

¶ Exemples des eſtrangers.

¶ Des Carthaginois.

Nouvelle maniere de tourment.

Paſſons oultre, laiſſons à parler de la cruauté d'aucuns Rommains, & faiſons mention de celle des Carthaginois, qui apporta grande douleur & pitié à noſtre ville, & non honte : car à ceulx qui feirent l'acte, la honte leur en demoura. Leſdictz Carthaginois mirent Attilius Regulus dedans vn vaiſſeau tout ſemé de clous trefaguz, le corps nu : puis luy rongnerent les paupieres, & ainſi le feirent mourir, car il n'eult ſceu dormir : dauantage il eſtoit touſiours en grande douleur, pour cauſe des clous qui luy poignoient le corps. Ceſte eſpece de tourment eſtoit indigne à celuy qui ſouffroit : & les auteurs, c'eſtaſcavoir les Carthaginois, auoyent tres bien merité ce ſupplice, pour leur inhumanité. De pareille cruauté vſerent ilz enuers noz ſoudardz prins par eulx en guerre : ilz les mirent ſoubz aucuns nauires, & faiſoyent ſeruir leurs corps, au lieu de gros roullons de bois, ainſi comme lon a accouſtumé de mettre ſoubz les nauire, qui ſont en vn haure ſur la terre : on met leſdictz gros roullons pour les pouſſer en mer. Donc furent ainſi traittez noſdictz ſoudardz, afin qu'ilz fuſſent eſparpillez & brifez de la peſanteur deſdictz vaiſſeaux, & que leſdictz Carthaginois raffaſiaſſent leur barbare inhumanité de ceſte inuſitée maniere de mort. Par cela eſtoient veuz quaſi faire tort à la mer d'enſenglanter leurs neſz de ſang humaia.

¶ De Hannibal.

La vertu de Hannibal eſtoit cruaudé.

Leur capitaine Hannibal (qui reputoit cruauté pour vertu) des corps mortz des Rommains feit vn pont au fleue de Gelo en Sicile, pour faire paſſer ſa gendarmerie, afin que les Carthaginois par leur cruauté polluſſent auſſi bien les eaues fluuiales & terreſtres, ainſi comme ilz auoyent fait les eaues de mer, durant la premiere guerre Punique. Ceſtuy Hannibal quand il prenoit de noz gens priſonniers, il leur faiſoit porter les hardes de ſes ſoudardz : puis quand ilz ne pouoyent plus cheminer pour le grand trauail qu'il leur donnoit, il leur faiſoit couper tout le deuant des piedz, & les laiſſoit comme inutiles, & à nulle choſe commodés. Il faiſoit auſſi mener aucuns de noz ſoudardz captifz, en ſon camp, puis ordonnoit qu'ilz feroient vn combat deux à deux l'un contre l'autre : en ſorte qu'aucuneſois le frere eſtoit contrainct de tuer ſon frere, le parent, ſon antre parent : & ne ceſſoit iamais de les faire combattre, iuſques à ce qu'ilz euſſent tous tué l'un l'autre. Les Rommains donc à iuſte cauſe le hayoyent, mais il fut puny bien tard de ſes inhumanitez. Apres que les Carthaginois furent mis en rouverte, Hannibal ſe retira vers le roy Pruſias, qui eſtoit roy de Bithinie, luy ſuppliant qu'il le vouluſt ſauuer : ce que feit ledict Pruſias. Mais le ſenat Romain, qui le hayoit merueilleuſement, ſcachant qu'en ce lieu eſtoit Hannibal, enuoya ambaffade pardeuers ledict roy, le menaçant de luy faire la guerre, ſ'il ne luy enuoyoit ledict Hannibal : ce que le roy Pruſias accorda volontairement. Cecy congnoiſſant Hannibal, & craignāt venir en la main des Rommains, il attendit l'aduenture, ains print le venin qui repoſoit à ſon anneau, & ſe feit mourir luimeſme.

¶ Du

¶ Du roy Mithridates.

Par iuste haine, le senat Rommain contraignit Hannibal à se tuer volontai-
rement: autant en feit il à Mithridates, qui par le rescript d'une sienne lettre,
feit tuer quatre vingtz mille de noz citoyens Rommains en Asie, qui s'estoy-
ent respādus par les villes, pour negotier & traphiquer. Ainsi fut il cause de vi-
oler & rompre le sacré droit d'hospitalité entre les Asiatiques, qui respandirent
le sang de leurs hostes cōtre tout droit & raison: dōt ledict Mithridates en
fut puny. Car apres auoir esté vaincu des Rommains, tous ses subiectz l'aban-
donnerent: cecy voyant, se cuida empoisonuer, mais la poison ne le sceut fai-
re mourir: parquoy tomba es mains d'un soudard Gaullois nommé Bittoccus,
qui l'occit. Cestuy Mithridates mourut de mesme tourment, de quoy il auoit
fait mourir tout plein mesme de ses amis, à l'appetit d'un nommé Gaurus Eu-
nuque, de quoy il abusoit: & pour sa meschanceté & paillardise il obtempéroit
audiēt Gaurus: tellement qu'il n'auoit si familier, qui ne fust en danger quand
il estoit hay de ce ce paillardreau, & qu'il ne commandast à estre executé.

¶ D'une royne de Thrace.

On ne se doit esmerveiller si Numulifinthe fille du roy de Thrace fut cru-
elle, car c'est le naturel de ceste nation: mais ie vueil bien faire recit de ceste ra-
ge, & outrepasse de cruauté, qui commandoit qu'on siast ou diuisast les hom-
mes par le mylieu tous vifz, & que les peres & meres mangeassent leurs en-
fans.

La coustume
de Thrace a-
bominable.

Thrace en In-
de, ou fut en-
uoyé saint
Thomas.

¶ De Ptolomée roy d'Egypte, & de
Cleopatra.

Derechef se presente Ptolomée surnommé le cruel, de la luxure & super-
fluité duquel nous auons parlé au chapitre precedent: & cestuy peult estre mis
& couché entre les principaux exemples de cruauté. Que scauroit on trouuer
au monde plus cruel acte, que celui que ledict Ptolomée feit? Certes il feit tuer
deuant luy vn sien enfant nommé Memphite, beau de corpulence, & de quoy
on auoit bon espoir, qu'il auoit eu de Cleopatra sa seur & sa femme: puis feit
mettre la teste, les piedz, & les mains dedās vne corbeille couuerte d'un man-
teau, & les enuoya à la mere le propre iour qu'elle faisoit le banquet de sa na-
tuité, comme si ce fust vn present qu'on luy enuoyast. Or sembloit audiēt Pto-
lomée qu'il n'eust interest à ce meurtre, & qu'il ne fust pourtant plus infortu-
né, de ce qu'il auoit rendu Cleopatra priuée de cest enfant, qui estoit commun
à eulx deux: & aussi que pour ce meschant acte, auoit encouru la male grace
de tous ses subiectz. Ainsi estoit enflammée sa cruauté d'aveuglée fureur, qui
en soy mesme trouua renfort. Certes comme cestuy eut certaine congnoissan-
ce que tout son royaume le hayoit amerement, il commença à craindre, &
par cruauté, chercha remede à sa crainte, afin que plussurement il regnast, si
son peuple estoit par luy mis à mort. Donc vn iour voyant que les ieunes gens
de son pays s'estoyent tous retirez en vn lieu d'exercice, ou se faisoient toutes
sortes de ieux, comme de l'espée, iester la barre, courir la lance, & autres passe-
temps, enuironna ledict lieu de fer, & de gens de guerre: & tous ceulx qui es-
toient illec, en partie les vns furent bruslez, & les autres furent mis à
l'espée.

L'acte de Pto-
lomée surpassa
sa toute cruan-
té.

¶ D'Ochus

Le neuſieme Liure

¶ D'Ocbus, dict autrement Darius.

La canteleuse
entreprinſe de
Darius.

Ochus, qui parapres fut nommé Darius, auoit fait ſolennel ſerment deuant les Perſans, qu'il ne feroit mourir de venin, ou de fer, ou de quelque violence, ou de faim, aucun des princes de Perſe, qui luy auoyent ayde à opprimer les ſept magiciés, qui vouloyer dominer audict pays: mais il inuenta plus cruelle maniere de mort, penſant par cela, qu'il ne faulſeroit ſondict ſerment, & qu'il les feroit mourir, pource qu'ilz eſtoient ioinctz enſemble, & eſtoient fortz & puiſſans, dont il craignoit qu'en la fin ne le vouliſſent ſuppediter. Or feit il baſtir vn enclos, enuironné de haultes murailles, puis commanda qu'on emplift ce lieu de cendres, & au deſſus mit on vn plancher ſurpendu, qui ne tenoit gueres. Adonc feit venir leſdictz princes ſur ledict plancher, & cōmanda qu'on les traitaſt de vins & viandes ſumptueuſement. La nuit quand leſdictz princes furent bien traittez, ſe repoſerent & endormirent, & en dormant, tomberent dedans ce deceptif monceau de cendres, & furent ſuffoquez.

¶ D'Ocbus nommé Artaxerxes.

La grande cru
auté de D'O-
chus, autrement
dict Artaxer-
xes.

La cruauté de l'autre Ochus ſurnommé Artaxerxes, fut pluſaperte, & pluſinhumaine. Ceſtuy feit enterrer toute viue Ocha ſa ſeur, & ſa bellemere: car il print en mariage la fille de ladiſte Ocha, qui eſtoit ſa niece: ainſi Ocha eſtoit ſa ſeur & bellemere enſemble. Pareillement feit mettre à vn quarrefourg, ſon oncle, avec plus de cent de ſes filz & neueuz, & commanda qu'on les occiſt à coups de traitz: leſquelz tous ne luy auoyent fait iniure aucune, mais pource qu'il veoit qu'entre les Perſans, ſeſdictz parens eſtoient bien reputez en vertu & proueſſe: par cela craignoit qu'ilz ne paruiniſſent quelquefois à dominer, & l'expulſer de ſon royaume.

¶ Des Atheniens.

La cité d'Athenes fut meue de pareille ſorte d'imitation de cruauté. Les citoyens d'icelle par leur ordonnance (qui eſtoit mal ſeante à leur bon bruit) firent couper les pouſſes des mains à tous les ieunes compagnons de l'isle d'Egine: de crainte que ce peuple qui eſtoit fort à dextre ſus la mer, quelquefois ne vouliſt guerroyer contre eulx, & par ce point n'eut la puiſſance. Conſideré que les Atheniens auoyent touſiours eu à recommandace humanité & courtoisie, ie les treuve bien eſtrange de leur naturel, & ne les congnoy point d'auoir emprunté à cruauté, remede de leur crainte.

¶ De l'inuenteur du taureau d'arain, nommé Perillus.

L'inuenteur du
taureau d'arain
eſprouua le p-
mier ſon arti-
fice.

L'inuenteur auſſi du taureau d'arain ſe monſtra cruel, auquel les pures patiens enclos, eſtoient contrainctz de faire leurs plainctes ſemblables à mugiſſemens de boeufz & vaches, pour la douleur du feu qui eſtoit deſſoubz, qui les tourmentoit longuement, & celément. Ledit inuenteur trouua ceſte meſchanceté, de crainte que ſi le tyran Phalaris euſt ouy leſdictz miſerables crier en voix humaine, il n'eſt eſté meue à miſericorde, & leur pardonnaſt: de laquelle, pource que ledict Phalaris voulut leſdictz infortunez eſtre priuez, feit q'ouurier enclos à iuſte droit dedans ſon maleureux ouurage, le premier en euſt l'eſpreuue.

¶ Des

¶ Des Hetrusques, ou Toscaus.

Les Hetrusques aussi ne furent pas peu inhumains à trouver des tourmens. Les vians ioinctz avec les corps mortz. Ceulx cy prenoient les corps des vians, & les lioient estroitement avec corps mortz, en sorte que la bouche estoit ioincte avec la bouche, les bras avec les bras, les piedz contre les piedz: & ainsi les laissoient pourrir ensemble: par cela se monstroyent angousseux bourreaux, tant des mortz que des vians.

¶ Des Barbares.

Les Barbares tiroient les entrailles des bestes occises, & puis mettoient les hommes dedans le corps desdictes bestes, & n'auoyent seulement que la teste dehors: & afin qu'ilz durassent pluslonguement en peine, iusques à ce que ilz fussent pourriz, leur faisoient donner à boire & à manger. Par trait de temps, les charongnes desdictes bestes se pourrissoient: puis apres s'y engendroyent vers, ou autres manieres de vermine, qui mangeoyent les corps humains petit à petit. Auons nous maintenant occasion de nous plaindre de nature, & luy reprocher qu'elle nous a assubiecty à tant d'incommoditez & maladies, & qu'elle ne nous a fait aussi bien impassibles, comme les espritz celestes, veu que les mortelz ont inuenté à eulxmesmes (par l'instinct de cruauté) tant de tourmens?

¶ D'IRE ET HAINE.

CHAP. III.

IRe ou haine excitent souuent aux coeurs des hommes grâdes perturbations: vray est qu'ire est plusimpetueuse & pluslegere à con- Les effectz d'ire & de haine uoiter nuisance, mais n'est de grande durée: haine est pluslente, & plusperseuerante, & ne peut oublier l'iniure à elle faite. L'une & l'autre est vne passion pleine d'empeschement & confusion de raison, qui ne se peut faire sans tourment de soymesme: car quand le courroucé ou celuy qui hait veut faire desplaisir, luymesme premier en souffre, & a crainte & soucy que la vengeance qu'il brasse, ne vienne à son intention. Il y a de vrais signes, lesquelz on peut congnoistre aux grans seigneurs, & excellens personnages: c'estasçauoir quand on voit que leurs dictz ou faitz sont plusvehemens, & violens que de coustume.

¶ De Liuius le Saulnier.

Comme Liuius le Saulnier partoit de Romme pour aller combattre Hasdrubal capitaine des Carthaginois, Fabius Maximus l'admónesta de congnoistre la force de son ennemy, & le courage ainçois que de descendre au champ de bataille: mais ledict Saulnier respondit qu'il n'omettroit rien quand verroit l'opportunité de batailler. Il fut interrogé du mesme Fabius, pourquoy si soudain vouloit guerroyer: à quoy donna respóse, & dict qu'il le faisoit, afin que pluslegerement remportast l'honneur de ses ennemis vaincus, ou qu'il se resiouist des citoyens Rommains desconfitz. Lors ire & vertu partirent sa parole entre elles: son ire auoit encore memoire, comme ledict Saulnier auoit esté iniustement banny par lesdictz citoyens, & sa vertu estoit intention à louenge & gloire de triumphe. C'estoit signe de magnanimité, d'appeter la victoire de ses

Notex parol:
les de haines

Le neuſième Liure

ſes ennemis: mais ainſi reſpondre, eſtoit ſigne d'homme paſſionné, qui eſtoit vaincu d'ire, qui eſt vice.

¶ De Caius Figulus, c'eſt adire Potier.

Il ne ſe fault eſbahir, ſi ce perſonnage deuant diſt (qui eſtoit homme belliqueux & de grand cœur) fut perturbé d'ire, conſideré que Caius Figulus, perſonne tres humaine, & grand aduocat, par ce meſme vice oubliâ ſon atrempance & prudence. Ceſtuy courroucé de dueil qu'on l'auoit eſcondit du conſulat, & encore plus deſplaiſant de ce que ſon pere l'auoit obtenu par deux fois: le iour d'apres vindrent à la court pluſieurs citoyens, pour ſe conſeiller à luy: mais ne les voulut ouir, diſant: Vous ſçauéz bien demander tous conſeil, mais vous ne ſçauéz faire vn conſul. C'eſtoit vne parole graue, & iuſtement diſte: mais elle euſt mieulx valu teue que prononcée.

¶ Des gentils hommes Rommains.

Qui eſt ceſtuy là ſeul, qui ſe pourroit courroucer ſagement contre tout le peuple Romain, voulant dire qu'un ſeul homme particulier n'eſt eſtimé ſage, de ſe cholerer contre vne communauté. Donc ceulx cy ne furent à louer, iacoit ce qu'ilz fuſſent offenſez en leur nobleſſe, de ce qu'ilz ſe courroucerent contre le peuple, pour cauſe que Cneus Flavius, qui eſtoit homme de baſſe main, emporta deuant eulx l'office de preture, tellement que par impatience de dueil & deſpit, oſterent leurs anneaux d'or, & les bardes de leurs cheuaulx, comme ſ'il y euſt eu quelqu'un de leur compagnie mort (on auoit de couſtume en la ville de Romme, en quelque pompe funebre d'ainſi faire) telle eſtoit la paſſion d'ire d'un perſonnage ſeul, ou de peu, enuers le peuple, ou d'une multitude enuers les grandz ſeigneurs & capitaines de ladiſte ville de Romme.

¶ Des ieunes gens Rommains, & de Manlius Torquatus.

Manlius Torquatus retournant en la ville de Romme victorieux des Latins & des Campenois, tous les anciens perſonnages ſe reſiouiffans de ſa victoire, vindrent au deuant: mais de tous les ieunes, n'y en eut vn qui luy feiſt ceſt honneur, ayans encore dueil, pource que lediſt Manlius auoit faiſt couper la teſte à ſon propre filz, qui eſtoit vn ieune gentilhomme, qui auoit tres bien faiſt ſon deuoir à la guerre contre les ennemis, mais oultre le gré & commandement dudiſt Torquatus ſon pere. Leſdiſz adoleſcens (qui eſtoient egaulx en aage à ceſtuy cy) auoyent pitié qu'il auoit eſté puny trop aſprement. Je ne vueil pourtant approuuer & defendre leur maniere de faire, mais enſeigner & monſtrer la force & violence d'ire, qui eut la puiffance de diuiſer les aages, & affections d'une cité. Iceſle meſme ire eut ſi grande valeur, qu'elle retint toute la cheualerie Romaine, qui eſtoit enuoyée par Fabius eſtant pour lors conſul, pour pourſuyuir les bandes des ennemis, leſquelles ilz euſſent aiſément & ſeulement deſtruiſt, mais ilz eurent memoire que lediſt Fabius auoit empesché l'ordonnance qui auoit eſté faiſte de departir les terres conquiſtes ſus les ennemis, entre les citoyens Rommains.

¶ D'Appius

L'ire des ieunes Rommains, enuers Manlius Torquatus.

IRE de l'exercice Romain, aſſeſſe contre de Fabius leur capitaine.

¶ D'Appius Clodius consul.

Ceste mesme ire feit que la gendarmerie Romaine hayt Appius, qui lors estoit leur capitaine: pource que le pere d'iceluy s'estoit efforcé de defédre l'autorité du senat, au grand dommage & interest du peuple: parquoy de crainte que cestuy Appius ne triomphast de la victoire acquise sus les ennemis, ledict ost Romain ayma mieulx tourner le doz honteusement ausdictz ennemis, & fuir volontairement que leurdict capitaine en remportast l'honneur. O combien de fois cestedite ire a vaincu & surmonté les victoires des Romains, c'est adire empesché qu'ilz n'eussent la victoire. Ire empescha que les ieunes compagnons Romains ne se resiouissent de la victoire de Torquatus: ire osta la meilleure partie de victoire à Fabius, car elle feit que ses soudardz ne daignent poursuivre les ennemis, qui estoient rompus. Ire priua totalement Appius de victoire, car ses bendes s'enfuirent volontairement: parquoy luy en fut imputée la honte.

¶ D'iceluy mesme Appius, & du peuple Romain.

Or voyons comme ce vice s'est transporté violement dedans les courages de tout le peuple Romain vniuersellement. En ce temps que par les voix dudit peuple fut fait cest honneur à Marc Plestoir capitaine de la premiere bande Romaine, de dedier le temple de Mercure, qui fut en despit des consulz Appius & Seruilius, ausquelz appartenoit l'honneur. Mais ledict peuple feit cela, à raison qu'Appius contredisoit qu'on ne subuinst de l'argent public à vn grand nombre de pures gens endebtez, qui estoient emprisonnez, & detenus par leurs crediturs: & aussi pource que Seruilius, à qui on auoit donné charge de mener la cause desdictz pures obligez, s'y estoit monstre assez lasche. Voulons nous nier que la puissance d'ire ne fut efficace, par l'enhortement de laquelle vn simple soudard a eu la preeminence dene aux consulz? Certes icelle n'a seulement comprimé les grandes seigneuries, ains les a redigé à impuissance, & neant.

¶ De Metellus.

Comme Metellus consul premierement, puis apres consul extraordinaire, eut presque assubiecty à l'empire Romain, l'une & l'autre Espagne, apres qu'il eut congneu que Quintus Pompeius son ennemy estoit là enuoyé pour auoir la charge apres luy, tous les soudardz qui se vouloyent retirer, & qui luy demandoient congé, ilz l'auoyent, sans s'enquerir pourquoy ilz vouloyent laisser le camp: aussi ne leur bailloit temps de reuenir: il osta les grenetiers des bledz, afin que ceulx qui en vouloyent desrober en prissent ainsi que bon leur sembleroit. Les arcz & fleches des Cretensois, il les feit rompre, & iecter dedans la riuere. Il defendit qu'on ne donnast à manger aux elephans, qui seruoient à la guerre. Par lesquelz actes, il se monstra trop subiect à haine: & par ce il corrompit l'honneur qu'il auoit acquis par ses prouesses & beaux actes, & perdit le triumphe qu'il auoit meritè, se monstrant plus fort vainqueur de ses ennemis, que du vice de haine.

¶ De Lucius Sylla.

Que dirons nous de Lucius Sylla, qui assubiecty à ceste passion, apres auoir beaucoup

L'office d'ire.

L'ire de Metellus contre Pö-pée.

Metellus plus facilement vainquit ses ennemis, qu'il son ire.

Le neuſieme Liure

Sylla mourut
d'ire.

beaucoup reſpandu du ſang d'autrui, finalement reſpandit le ſien. Il ſe deſ-
pita oultre meſure à Puteole ville d'Italie, diſtant de Naples cinq lieues, pource
que le gouuerneur & ſeigneur d'icelle Colonie (c'eſt adire ville ou auoyent eſté
mis certains Rômainſ pour l'habiter, & tenir touſiours ſubieſte & obeiffante à
l'empire) nommé Granius, auoit baillé trop tard la pecune q̄ les capitaines de gés
de cheual auoyent promis, pour la reparation du capitolé : parquoy de trop
grande cholere, & impetuofité de parole immodérée, ſe rompit l'eſtomach,
& rédit l'eſprit meſlé de ſang & de menaces. Certes il n'eſtoit encore fort vieil,
ſeulement entroit il à la ſoixantieme année de ſon aage: mais ſon impatience
forcenée, qui long temps deuant auoit eſté nourrie des miſeres du peuple Rô-
main, luy haſta ſes ans. Donc eſt on en doute, ſi Sylla mourut premier que ſon
ire. Je ne vueil pas reciter l'ire & la haine des eſtrangers, pour prendre plaifir,
& reprocher les vices des grandz perſonnages: mais ie le fay à raiſon qu'au cō
mencement, ainſi l'ay promis: c'eſt aſſauoir de comprendre les dictz & faitz
dignes de memoire de toutes nations, combien que mon vouloir ſeroit bien,
de ne reciter ſeulement que les choſes honneſtes, mais pour acquiter ma pro-
meſſe, ie ſuis contrainct de dire le bien & le mal.

¶ Exemples des eſtrangers.

¶ Du roy Alexandre.

Alexandre diſ
famé par ſon ire.

Comme Alexandre fuſt quaſi nommé au run des dieux pour ſes grandes
vertus, ſon ire ſeule l'empeschâ: qui deſtourba qu'iceluy ne montaſt au ciel,
fors ſeulement ſon ire? Ledit Alexandre courſé, feit deuorer Pyſimachus par
vn lyon, en ſon ire tua Clytus, & commanda qu'on feist mourir Calliſthenes.
Et iacoit ce qu'il vainquiſt trois fois Darius, ce neantmoins fut luy meſme trois
fois vaincu par ire, en faiſant mourir trois de ſes familiers.

¶ D'Hamilcar.

O combien fut veheméte la haine d'Hamilcar, capitaine des Carthaginois,
pere de Hannibal, alencontre du peuple Rommain? qui ſouloit dire en regar-
dant quatre ieunes enfans ſiens, qu'il nourriſſoit quatre leonceaux, au domma-
ge de l'empire Rommain. Certes ceſte nourriture fut digne d'eſtre conuertie à
la deſtruction & fin maleuſe de ſon pays meſme, ainſi qu'on veit aduenir:
car par la haine d'iceulx Carthage fut rafée.

¶ De Hannibal.

Le iuremēt de
Hannibal.

Des quatre filz d'Hamilcar Hannibal en eſtoit vn, lequel ſuyuant ſon pere
en la guerre d'Afrique en temps de ſa ieuneſſe, qui eſtoit enuiron de huit à
neuf ans: & cōme ſon dict pere, apres auoir mis fin à ladiſte guerre Africane,
ſe preparaſt pour faire paſſer ſon oſt en Eſpaigne, & lors ſacrifiâ aux dieux,
ledit Hannibal tenant l'autel, iura qu'auiſi toſt qu'il ſeroit paruenue en aage
competent, il ſe monſtreroit ennemy treſaigre du peuple Rommain, afin qu'il
impetraſt par ſes prieres continues enuers ſon dict pere, qu'il l'accompagnaſt à
la guerre d'Eſpaigne, qui ſe preparoit. Ceſtuy meſme voulant declarer com-
bien Romme & Carthage eſtoient ennemies, & quand on pourroit faire la
paix à elles, vint à fraper la terre du pié, & en feist voler la pouldre, diſant: En-
tre Romme & Carthage l'appointement ſe fera, quand l'vne des deux ſera re-
duicte

duiſte en ceſte forme. haine a eu telle puiſſance en vn coeur pueril, qui fut trouuée auſſi grande en vn courage feminin.

¶ De Semiramis royne de Babylone.

Comme Semiramis royne des Affyriens ſe pignoit & arrunnoit ſon chef, on luy annonça que la ville de Babylone ſ'eſtoit reuoltée de ſon obeiffance, lors ſans targer, laiſſant la moitié de ſes cheueux à acoſtrer, ſe partit avec groſſe compagnie, pour expugner ladiſte ville, & ne remit ſon chef en ordre, iuſques à ce qu'elle euſt remis en ſa puiſſance ſi puiſſante cité. Pour ceſt acte, mit on ſa ſtatue en Babylone, & la ſeit on en la ſemblance & maniere que ladiſte royne eſtoit quand elle courut faire la punition de la rebellion de ſes ſubie&z.

¶ D' A V A R I C E.

CHAP. IIII.



Oit miſe ſus le bureau auarice, qui cherche touſiours à faire ſon proufit ſecretemēt, qui eſt vne treſcōuouteuſe abyſme de proye & rapine manifeſte, qui tāt plus a, & plus ſe plaint, pour richesses nulles ne ſe reputant eueuſe, qui eſt faiſte treſmiferable par conuoitiſe d'acquérir.

Qu'eſt ce que auarice.

¶ De Marc Crassus, & Quintus Hortensius.

Ainſi que quelqu'un auoit apporté de Grece à Romme, vn teſtament contrefai& d'un appellé Lucius Minutius Baſilius fort riche perſonnage: & en cedi& teſtamēt fut nommé heritier cedi& meſſager qui l'auoit eſcript de ſa main, par fraude: afin qu'il fuſt approuué veritable, eſcriuit ſes coheritiers Marc Crassus, & Quintus Hortensius, les pluſgrandz ſeigneurs de Romme, qui ne connoiſſoyent ledi& Minutius: iacoit ce que la fraude fuſt toute euidente: toutefois leſdi& ſeigneurs adōnez à auarice, ne reſuferent point ce don, qui eſtoit procedé de la meſchanceté de cedi& Grec. l'ay fai& recit de ceſte grande faulte bien legerement: il appartenoit bien la deteſter pluſlargement. Certes ces gros ſeigneurs qui eſtoient la lumiere de la court, & tout l'honneur de noſtre ville prouoquez à receuoir ceſte deſhonneſte acquisition, la defendirēt ſoubz l'ymbre de leurs grandes authoritez, au lieu d'en punir le crime.

L'auarice de Crassus Hortenſe.

¶ De Quintus Caſſius.

Crassus & Hortenſe furent bien auaritieux, mais Caſſius le fut encore pluſ. Ceſtuy eſtant lieutenant en Eſpaigne, print Silius & Calpurnius ſaiſis de poignardz pour le tuer: mais à raiſon que l'un luy bailla cinquāte ſeſterces & l'autre luy en promit ſoixante, les laiſſa aller ſauues. Il ne fault point doubter que ſi quelqu'un fuſt venu marchander ſa vie, & qu'il euſt offert autant cōme ceulx cy luy donnoyent, qu'il ne l'eũt donné pour le pris.

¶ De Lucius Septimuleius.

Les ſuſdi& furēt grādement auaritieux, mais Septimuleius les ſurpaſſa: lequel, combien qu'il fuſt familier de C. Gracchus, neantmoins eut bien le coeur de couper la teſte dudi& Gracchus, & la porter par la ville, fi&chée au bout d'un

La cruelle auarice de Septimuleius.

V dard:

Le neuſieme Liure

dard: pource que le conſul Opimius auoit ordonné que quicóque luy apporteroit lediſt chef, luy donoeroit auſſi peſant d'or. Ancuns diſent que cediſt Lucius vuida le cerueau, & l'emplit de plomb fondu, afin qu'il fuſt pluſpeſant. Prenons le cas que ceſtuy Gracchus fut le pluſmauuais & ſeditieux du monde, & qu'on ſeit tres bien de le punir: touteſois ceſtuy cy qui eſtoit ſon client, ne ſe deuoit point monſtrer ſi conuoiteux & auariteux, pour ainſi mal traicter ſon patron apres ſa mort.

¶ De Ptolomée roy des Cypriens.

Ptolomée ſeit
reporter ſes
treſors en ſa
maíſon, qui fu
rent cauſe de
ſa mort.

On deuoit à iuſte droit hair l'auarice de Septimuleius, & ſe moquer de celle de Ptolomée roy de Cypre. Or côme ceſtuy eut amaffé grâdes pecunes par auarice ſolliciteuſe & angoiſſeuſe, & il veit qu'il eſtoit en peril de ſa vie pour icelle, à ceſte raiſon ſeit mettre tous ſes treſors en des nauires, & luimeſme ſe transporta ſus la mer, & fut d'opinion qu'on perçaſt par deſſoubz leſdiſtes nauires, afin que pluſ facilement elles enfrondraſſent, & que les Rommains, qui tant les deſiroient en fuſſent priuez. Mais quâd vint à faire l'entreprinſe, c'eſtaſcauoir de percer les nauires, ceſtuy auariteux eut tant de regret à ſes treſors, qu'il ne ſceut endurer qlz fuſſét perilz en la mer, ains ſeit reporter en ſon palais le pris de ſa mort future. Le ſenat eſtant aduertý de ſes grâdz treſors, de craite que lediſt roy par iceulx ne menaſt la guerre cõtre les Rõmains enuoya Caton avec vne flotte de nauires, pour amener ladiſte pecune à Rõme: ce que voyât Ptolomée fort deſplaiſant, de deſpit ſ'empoissonna. Certainemét ce roy ne poſſeda pas ſes richelſſes, mais fut poſſedé par icelles: il fut roy de l'ille de Cypre, & ſon coeur fut ſerf miſerable de ſa pecune.

¶ D'ORGUEIL ET IMPATIENCE.

CHAP. V.

¶ De Marc Fuluius Flaccus.



Fin qu'orgueil & impatience ſoyent mis en lumiere, i'en reciteray vn exemple de Marc Fuluius Flaccus conſul, compaignon de Marc Plancus Ipſeus, lequel voulant introduire loix fort dommageuſes à la republique, dõt la premiere eſtoit, que tous ceulx qui vouloyét eſtre citoyens Rommains fuſſent receuz: la ſeconde que du ſenat on peut appeller deuant le peuple, fut par les ſenateurs cõpellé avec grande difficulté de venir à a court: puis leſdiſtz ſenateurs en partie l'admõneſterent, & en partie le prierét de deſiſter de ſon entreprinſe, mais d'orgueil ne leur reſpõdit rien: vn conſul ſeroit eſtimé tyrât, ſ'il en euſt ſeulement autât faiſt à vn ſenateur: que dirõs nous de ceſtuy Flaccus, qui contemna enſemble toute l'autorité du ſenat.

¶ De Marc Drufus tribun.

La maieſté du ſenat fut auſſi grandement iniuriée par M. Drufus tribun du peuple: ce ne luy ſembla gueres de choſe d'auoir tors le col à Lucius Philippe conſul, qui auoit oſé l'empêcher en quelque harengue, & l'enuoyer en priſon, non par vn commiſſaire, ains par ſon client, ſi rudemét, que beaucoup de ſang luy partit du nez. Auſſi quand le ſenat enuoya pardeuers luy, cõmandant qu'il

vinſt

vinſt à la court: Pourquoi, dit il, le ſenat ne vient il pluſtoſt à moy en ceſte court nomée Hoſtilie, prochaine de la court des Roſtres? Ce me poſe d'adiouſter cecy qui enſuit. Ce tribun contemna le mandement du ſenat, & lediſt ſenat obeit aux parolles du tribun.

¶ De Cn. Pompée.

Cneus Pompée feit vn tour d'inſolence & de grand orgueil, quand iſſant d'un baing, voyant Ipſeus gentilhomme, & ſon amy accuſé d'auoir corrompu le peuple d'aucun argent en la petition du conſulat, proſterné deuât ſes piedz, le laiſſa ainſi giſant, & l'iniuria de parole, diſant: N'eſtois tu icy venu pour autre choſe, ſinon pour retarder mon diſner? (en Rôme à l'iſſue du baing, auoyér couſtume d'aller diſner ou ſouper). Lediſt Pompée ſçachant la parole eſtre arrogante & ſelonne, ce neâtmoins ne ſ'en ſoucia & diſna à ſon aïſe. En la court pareillement n'eut honte de prier les iuges, d'abſouldre P. Scipion ſon beaupe-
re, qui auoit tranſgreſſé les ordónances meſmes qu'auoit faiſt lediſt Pompée, touchant les corruptions qu'on faiſoit aux iuges: leſquelles ordónances feirent ruiner beaucoup de criminelz, auſſi de gentilzhômes, car par ces loix furēt cōdenez. Or lediſt Pompée fut perſuadé de ſauuer ſon beaupere, à la requeſte de ſa femme, qui eſtoit fille dudiſt Scipion, qui le peut eſmouuoir à ce faire, quād luy ſouuint des menuz plaiſirs qu'il auoit prins avec ladiſte femme. Ainſi tem-
pera il l'eſtat de la republique à l'appetit d'une femme.

¶ De Marc Antoine.

M. Antoine ſe mōſtra en vn diſner ſale & inhumain, tant de faiſt que de diſt. Cōme ceſtuy eſtât triũuir, on luy eut apporté la teſte de Ceſetius le Roux ſena-
teur en diſnât, & vnchaſcũ ſe deſtourna la face par horreur, cōmāda qu'on luy approchaſt, puis lōguemēt par curioſité la cōtépla. Lors chaſcũ attēdoit ce que il en diroit: mais ne diſt ſinō qu'il n'auoit cōgneu le perſónage. Certes il ſe mōſtra biē orgueilleux enuers ce ſenateur, diſant ne le cōgnoiſtre, & impatient enuers le mort, qui apres auoir lōguemēt manié ſa teſte, la ieſta cōme incōgneue

¶ Exemples des eſtrangers.

¶ Du Roy Alexandre.

C'eſt aſſez parlé de ceulx de noſtre nation: parlons des eſtrangers. La ver-
tu & felicité du roy Alexandre fut deprimée par trois manieres euidentes d'in-
ſolēce & orgueil. Premieremēt par cōtēnemēt de ſon pere Philippe, voulut di-
re que Iuppiter Hāmon eſtoit ſon progeniteur, eſtant faſché des couſtumes &
habitz de Macedoine, prit veſtemēs, & manieres de faire des Perſans: finable-
mēt cōtēnant l'acouſtremēt mortel, voulut auoir le chef paré comme vn dieu,
au lieu de courōne, vſa de diademe: & n'eut honte de ſoy diſſimuler eſtre filz
de Philippe, eſtre citoyen Macedonique, & homme mortel.

¶ Du roy Xerxes.

Xerxes, au nom duquel eſtoit logée impatience & orgueil, c'eſt adire en oyāt
ſeulement ſon nom, on congnoiſſoit ſon orgueil, vſa tant arrogāment de ſon
droit, que quand il voulut denōcer la guerre aux Grecz, māda les princes d'A-
ſie, & leur diſt: Seigneurs, afin que ie ne fuſſe veu vſer ſeulement de mō cōſeil,
ie vous ay biē voulu aſſembler. Au demourāt, ayez pluſtoſt vouloir de m'obeir
que de me ſuader aucune choſe. poſé ores qu'il ſ'en fuſt retourné en ſon palais

Le neuvième Liure

vainqueur, encore estoit ce vne parolle bien arrogante : mais à raison qu'il fut des honnestement vaincu, que ingerons nous de son dire, asçauoir mon s'il fut plus insolent qu'impudent?

¶ De Hannibal.

Hannibal s'enorgueillit tant de sa bõne fortune à la iournée de Cānes, qu'il ne permit aucun de ses subiectz entrer en ses tentes, pour le saluer, ou deuiser: & ne dõna respõse de propos nul, sinõ par messager interposé. Pareillemét cõme Maharbal lieutenant de sa cheualerie, deuant sesdictes tentes crioit à haulte voix audiẽt Hannibal, qu'il auoit trouué le moyen, cõme en peu de iours Hānibal souperoit à Rõme dedās le capitol, mit à mespris son conseil. Voila cõme la cõpagnie de prosperité & atrepance est separée l'vne d'auecl'autre, c'est adire que l'hõme s'enfierit souuēt, tant de son bon eur, qu'il perd moderation & temperance.

Notez.

¶ Des Carthaginois & Campenois.

Il sembloit que le senat des Carthaginois & Cāpenois contēdist à qui seroit le plus orgueilleux. le senat des Carthaginois auoit baings separez du peuple, & celuy de Capps auoit court particuliere pour les gētilzhommes & grandz gouuerneurs, & court pour les paysans. Ceste coustume là a regné quelque temps à ladicte ville de Capps, ainsi qu'on voit en l'oraison que feit Gracchus contre Plautius.

L'oraison de Gracchus contre Plautius.

¶ D E D E S L O Y A V T E & trahison.

CHAP. VI.



Trahison, qui est vn mal couuert & fallacieux, maintenant soit tiré de son creuz, duquel la puissance est de bien métrir & deceuoir, & le fruit d'iceluy consiste en quelque meschāceté perpetrée, lequel fruit, ou fin apparoit quand celuy qu'on a tasché à deceuoir, est tombé aux lacz de trahison, & est cruellement traicté, apportant autant d'incommodité aux hommes, comme loyauté leur apporte de bien & salut. Donc trahison ne soit pas moins vituperée, que loyauté est louée.

¶ De Tatiſus Sabin.

Durāt le regne de Romulus, Tarpeius le bastard estoit capitaine du chasteau de Romme, & ledict Tarpeius auoit vne fille pucelle, qui estoit sortie des murs pour aller querir de l'eau pour faire sacrifice aux dieux: laquelle rencõtra Tatiſus roy des Sabins, & feit pact auec elle, luy promettāt des bracheletz d'or, & des anneaux, si elle vouloit donner entrée à ses gendarmes audiẽt chasteau: ce qu'elle feit, puis quand les Sabins furent entrez en la tour, la pucelle demanda ce qui luy auoit esté promis. Lors lesdictz Sabins feignans par trahison tenir leur promesse, & luy payer ce qu'ilz luy auoyent accordé, c'est asçauoir ce que ilz portoyent à leurs mains gauches, la couvrirent de leurs armes, & la tuerent. On ne doit reprendre le fait desdictz Sabins: car la meschante trahison de la susdicte fille fut punie bien legerement, voulant dire qu'elle auoit meritē plusgrieue punition, d'auoir trahy son pere & son pays.

Bracheletz, ornemēs de bras gauche, q̄ portoyent les gētdarmes, & telz accoustrumēs estoient d'or.

Trahison surmontée par trahison.

¶ De

¶ De *Seruius Galba.*

Seruius Galba feit vne grande trahison, quand conuoqua le peuple de trois villes de Portugal, soubz vmbre de leur tenir propos de leur vtilité & proufir. Lors feit tuer vne partie de huit mille gens esleuz nudz & sans armes, & l'autre partie qu'il vendit comme esclaves, entre lesquelz huit mille consistoit la fleur de toute la ieunesse du pays. Certes la boucherie de ceste nation barbare estoit bien grande: mais le crime dudit Galba fut estimé encore plus enorme.

¶ De *Cn. Domitius.*

Conuoitise de gloire contraingnit à trahison Cn. Domitius, personnage de grande noblesse, & de grand coeur. Cestuy se despita contre Bituitus, roy des Auergnois, pource que quand il habitoit en la prouince d'Auergne, ledit roy auoit admonesté ses subiectz, & ceulx du Dauphiné & de Sauoye se mettre soubz la sauuegarde & assurance de Q. Fabius, qui deuoit succeder à cestuy, au gouuernemēt desdictes natiōs. Dōc feignant vouloir parler audit Bituitus, le feit venir en son logis cōme hōste, puis le feit lier & trāsporter en vne nauire à Rōme: l'acte duquel le senat ne peut allouer, & ne voulut aussi reprobuer, de peur que si Bituitus estoit renuoyé en son pays, il ne voulüst renouueler la guerre: parquoy fut enuoyé en Albe, prisonnier.

¶ De *Quintus Seruilius Cepio.*

La mort de Viriatus capitaine Portugallois, receut double accusation de trahison. Premieremēt ses amis & familiers en furēt accusez, pource qu'il fut tué de leurs mains: aussi fut Cepio cōsul, pource qu'il dōna conseil aux trahistres, leur promettant impunité ainsi ne merita point la victoire, ains l'acheta.

Trahison de l'un & de l'autre.

¶ Exemples des estrangers.

¶ Des *Carthaginois.*

Mais afin que nous contēplons la fontaine de trahison, en cest endroit parlē rōs des Carthaginois. Les Carthaginois apres auoir vſé du cōseil & industrie de Xatippus Lacedemoniē en la premiere bataille Punique, & prins par son aide, Attillus Regulus, feignāt le vouloir remener hōnorablemēt en Lacedemone, le noyerēt en la mer. Que queroyent ilz par ceste tāt grāde meschāceté, sinon qu'ilz estoiet marrys que cestuy, s'il viuoit, fust personnier de leurs victoires, qu'ilz auoyēt acquis de par ledit Xantippe cōtre les Rōmains? ce neātmoins vueillent ou non, cestuy est demouré cōpagnon de leur hōneur, & au grād vitupere d'iceulx, & s'ilz l'eussent laissē en vie, ilz n'y eussent eu de l'honneur.

Carthage fontaine de trahison.

¶ De *Hannibal.*

Cōme Hānibal eut assiegé la ville des Nucérins, voyāt les murs imprenables, feit paction avec lesdictz Nucérins, qu'ilz sortiroiet avec deux vestemens, ce quilz feirēt: mais apres qu'ilz furēt vuidez, les feit tous mourir aux estuues. Par semblable feit sortir le senat d'Acerre hors la ville, puis cōmanda iecter tous les senateurs au profond des puitz. Quād Hānibal denōça la guerre cōtre les Rōmains, & l'Italie, il guerroya plusaigrement contre loyauté, qu'il ne feit cōtre lesdictz Rommains, prenāt plaisir à trōperie & mensonges, cōme si ce fussent actes de vertu: dont il aduint qu'iceluy voulant laisser la memoire excellente de son nom, mit les posterieurs en doubte s'il deuoit este estimé plus grand par la gloire de ses beaux actes, ou pire par la grandeur de ses vices.

Le neuſiemē Liure
¶ DE VIOLENCE ET SEDITION,
¶ du peuple Romain.

CHAP. VII.

Lucius Equi-
 tius deliuré de
 par le peuple
 Romain.



Ais afin que les faictz de violence & ſedition , qui aduindrent en la ville de Róme, & au camp des Rómainſ, ſoyent recitez, ie parleray icy de L. Equitius, qui feignit eſtre filz de Gracchus, & demandoit (contre les ordonnâces) à eſtre tribun avec L. Saturnin: pource fut il enuoyé en priſon par Marius eſtant cōſul pour la cinquieme fois. Lors le peuple, apres auoir rompu les portes de ladiſte priſon, le print & enleua par grande prôptitude. Ce meſme peuple voulut lapider Metellus cenſeur, pource qu'il ne vouloit receuoir la taxe & eſtimation des biés dudiſt Equitius, comme filz de Gracchus, & à raiſon auſſi que Metellus affermoit que lediſt Gracchus n'auoit eu que trois filz, dōt l'vn eſtoit à la guerre à Sardine, l'autre ieune enfant à Prenelte, & le tiers, né apres la mort du pere, deceda à Róme: & qu'il ne falloir que ce payſant incongneu ſe diſt eſtre de ceſte tant noble famille. Ce neantmoins telles remonſtrances, la folle de ce peuple eſmeu ce pēdant, ne ſe peut contenir, que par ſon audace & imprudence ne ſ'adreſſaſt premièrement au conſul Marius, puis au cenſeur Metellus. Ceſte violence icy fut ſeulement pleine de folie, mais ceſte ſedition enſuyuant vint iuſques à meurtre: apres que neuf tribuns furēt creez, en reſtoit encore vn pour faire le nōbre cōplet: toutefois Mumius & Saturnin y pretendoyēt & briguoyent: adōc le peuple voulāt eſlire Saturnin cōtre l'authorité du ſenat, ſe mutina cōtre Mumius, ſi qu'il fut cōtrainſt de ſe retirer à ſa maiſon, mais lediſt peuple le ſuyuit, rōpit les portes, le tira hors, & le tua, afin que par la mort d'vn tant hōme de bié, & vertueux citoyē, vn mauuais garſon, c'eſtaſcauoir Saturnin, obtit ceſt office.

On ſouloit
 creer en Rom
 me dix tribus.

¶ De certains crediturs, & de Lucius Caſſius.

La violence
 de certains cre-
 diteurs alencō-
 tre de Sépro-
 nius.

Pareillement ſe ſourditiſſe groſſe diſſention & mutinerie d'aucūſ crediturs, cōtre Sépronius Afellio lieutenant civil, auquel (pource qu'il auoit entrepris de defendre la cauſe des debteurs, leſdiſtz crediturs animez par Lucius Caſſius tribun du peuple) ſ'adreſſerent, & cōme il ſacrifioit deuāt le tēple de cōcorde, le contraignirent d'abandonner les autelz, fuir hors de la court, & ſe cacher dedans les boutiques des gens de meſtier, puis le trouuerent en ce lieu, & avec ſa robbe & ornement de iuge, le mirent en pieces. Voila vn eſtat de ville miſerable & à deteſter: mais ſi nous voulons auoir egard à l'eſtat de la gendarmerie, nous y trouuerons auſſi grande mutinerie & deſordre.

¶ Des ſoudardz de Lucius Sylla, & de la mort de Gratidius.

Gratidius tué
 par les gēdar-
 mes.

Ainſi que par l'ordonnance de Sulpitius, la prouince d'Asie auoit eſté aſſignée à Caius Marius n'ayāt pour lors aucun office, afin qu'il feiſt la guerre cōtre Mithridates, lediſt Marius enuoya pardeuers Sylla conſul, auquel de par le ſenat auoit eſté donnée ceſte meſme charge, mais le peuple n'auoit à ce cōſent-ty, & y auoit eſleu lediſt Marius, pour receuoir à ſon nom cōme lieutenant, vn nōme Gratidius, qui deuoit prendre le faix des legions: ce que voyant la gendarmerie, tua lediſt Gratidius, deſpitée qu'il faulſiſt qu'elle laiſſaſt vn conſul, pour eſtre ſoubz la charge d'vn homme qui n'auoit eu encore nul office comme eſtoit

estoit Marius. Et iacoit ce que lesdictz gendarmes se courrouçassent iustement, toutefois ne deuoyent occir ledict Gratidius lieutenant, afin que la constitution du peuple fust gardée. l'ost Rommain feit ceste violence à l'appetit d'un consul, mais ce qui sensuit fut fait par iceluy en despit d'un consul.

¶ Des soudardz de Cneus Pompée, & de la mort de Quintus Pompée.

Quintus Pompeius consul compagnon de Sylla, par le commandement du senat alla pour prendre la charge de la gendarmerie qui estoit en Sicile, laquelle auoit tenu Cn. Pompée maugré les Rommains plus de temps qu'on n'auoit de coustume. Donc comme cestuy Quintus Pompée sacrifioit aux dieux, premier que d'en prendre le gouuernement, les gendarmes corrompuz & subornez par ledict Cn. Pompée, le tuerent comme vne beste: toutefois la court donna lieu à ceste mutinerie, & laissa ce meurtre impuny.

Latentement
reprit le tenas
de ce meurtre
impuny.

¶ De certain exercite, & de la mort de C. Carbon.

Cest exercite aussi se môstra bien violent en Afrique contre C. Carbon leur capitaine, frere de ce Carbon, qui fut trois fois consul. Or comme cedict capitaine voullist reformer & refraindre leur maniere de viure dissolue, qu'ilz auoyent accoustumé de mener durant les batailles ciuiles, le tuerent, & aymerent mieulx estre priuez de chef, que muer leur orde & sale vie.

¶ D E F O L L I E, A V D A C E,
& temerité.

CHAP. VIII.



Les cômotions & agitations d'audace & follie, ainsi côme elles sont soudaines, aussi sont elles vehementes, desquelles quâd les espritz des hommes sont touchez & hurtez, ilz ne peuuent considerer le peril qui leur en peult aduenir, ny ne sçauent prendre garde par iuste estimation aux faitz d'autrui.

De l'effect de
temerité.

¶ Du premier African.

Le premier African feit vn grand tour de follie, quand avec deux nauires passa d'Espagne en Numidie, pour aller voir le roy Syphax, mettât en hazard le salut du pays, & le sien entre les mains d'un Numidien suspect. Parquoy fut en doute, s'il deuoit tuer ledict Syphax, ou estre son prisonnier.

¶ De Caius Cesar.

L'entreprinse de Iules Cesar fut bien hazardeuse, cōbien qu'il fust en la sauuegarde des dieux, si est ce que le narré ne s'en peult faire sans horreur & effray. Or estoit il fort fasché qu'Antoine faisoit si long seiour, de faire passer ses legiōs de Brindes en la ville d'Apollonie, soudain partit du souper, feignant estre mal disposé, print l'habit d'un aduenturier ou laquemât, en couure sa maiesté, puis se fait porter par vn nautonnier dedans vne petite nasselle le long du fleue Anio, iusques aux destroiçz de la mer Adriatique, en temps de tourmente & tempeste. Apres commâda audict nautonnier, qu'il le mist en pleine mer, ou certes fut tellement agité des flotz, qu'à bien peu qu'il ne perit: si qu'il fut contrainct de faire retour, & donner lieu à necessité.

La folie de Ce
sar.

Le neuuiesme Liure

¶ Des souldardz du capitaine Aulbin.

L'acte temeraire d'aucuns souldardz.

Difons combien fut execrable l'audace & temerité des souldardz d'Aulus Albinus. Certes cestuy, combien qu'il fust noble personnage, homme de bien, & qui auoit eu tous les honneurs de Rôme, toutefois pour vn soupçon vain, qu'on eut de luy : c'estasçauoir qu'il vouloit liurer l'ost Romain aux Latins, fut lapidé de ses souldardz. Et qui est encore plus grande accroissance d'indignatiō, ce pource capitaine pria qu'il fust ouy, mais lesdictz souldardz ne voulurent entendre sa iustification.

¶ Exemples des estrangers.

¶ De Hannibal Cartbaginois.

Le pilote que tua Hannibal se nommoit Pelorus.

Je m'esmerueille beaucoup moins, qu'un pource pilote innocent n'eust lieu de se defendre & iustifier enuers Hannibal, qui estoit vn capitaine cruel & inhumain, lequel partant de Petile ville de Calabre pour retourner par eue en Afrique, faisant port en vn haure de Sicile, demanda audit pilote, ou il estoit : lors luy respondit qu'il estoit en Sicile, Hannibal croyant n'y auoir si peu de chemin entre Italie & Sicile, & que ledict pilote le voulsist deceuoir, le tua : puis apres auoir congneu la verité du cas, dict que le pilote estoit innocent, & ne le recompensa d'autre chose, sinon d'honneste sepulture, car ne luy eust sceu rendre la vie. Ledit Hannibal feit faire vne statue en vn lieu eminent sur le bord de la mer de Sicile, en la memoire dudit gubernateur nommé Pelorus, & aussi de son indiscretion, qui est exposée au regard des nauigans, tant du costé d'Italie, que de Sicile.

La statue de Pelorus.

¶ Des Atheniens.

Les Atheniens se monstrent si folz & indiscretz, qu'ilz feirent couper la teste à dix de leurs capitaines rapportans vne belle victoire, pource qu'ilz n'auoyent fait ensepulturer les corps de leurs souldardz mortz en ce cōflict, à raison de la tourmente de la mer qui les en auoit empeschez : ainsi feirent ilz punition de la necessité & contrainte, au lieu d'honorer leur prouesse & vertu.

¶ C O M B I E N A D E P V I S S A N - ce ignorance.

CHAP. IX.

Ignorance est voisine de temerité, & n'apportent pas moins de dommage & nuisance l'une que l'autre : mais pource que temerité nuit tout à escient, on ne luy peult pardonner : ignorance nuit par inadvertance, par cela ou luy pardonne la coulpe plus facilement : car elle procede d'une imagination vaine, & mauuais iugement. Or si ie vouloye dire comme les humains sont largement detenuz en ceste ignorance, i'y tomberoye moy mesme. Donc il suffira de faire recit de peu qui y sont tombez, car ie ne scauroye comprendre tout.

¶ De l'ignorance du peuple Romain enuers Caius Heluius.

Caius Heluius tribun du peuple, faisant retour des funerailles, & pompe funebre

nebre de C. Cesar, en s'en allant à sa maison, fut mis en pieces par le peuple, pé-
sant que ce fust Cornelius Cinna, contre lequel il estoit fort mutiné, pource
que luy estant de l'affinité dudit Cesar, auoit fait vne harengue à la court des
Rostres, affermant qu'iceluy Cesar auoit esté iustement occy: ainsi ce peuple
seduit par ignorance, mit la teste de Heluius au bout d'un dard, comme si ce
fust celle de Cornille, & la porta au tour du feu de Cesar. qui estoit un misera-
ble sacrifice, & mauuaise desserte pour l'honneur qu'auoit fait ledit Heluius,
au corps du deffunct, procedant de l'ignorance d'autrui.

¶ De Caius Cassius.

Ignorance contraignit C. Cassius à se tuer soy mesme. Comme la bataille
fut donnée aux champs Philippiques, entre quatre exercites, c'est à sçauoir en-
tre l'ost d'Octouien & celui d'Antoine, qui estoient tout d'un party: alen-
contre des deux ostz de C. Cassius, & Brutus, qui estoient d'une alliance.
Ledit Cassius fut vaincu par Antoine, & Brutus vainquit Octouien. Apres la
deffaite de ses gendarmes Cassius se retira en vne coste, & pour ce qu'il estoit
incertain de l'adventure de son compagnon Brutus, enuoya de nuit un capi-
taine de gens de pié, nommé Titinius, pour sçauoir comme se portoit Bru-
tus: en cheminant se destournoit souuent de son chemin, & vauquoit ça & là,
car l'obscurité de la nuit ne luy permettoit de congnoistre si c'estoyent ses co-
pagnons, ou ses ennemis qui venoyent vers luy: parquoy reuint bien tard, pour
annoncer des nouvelles audit Cassius. Cassius pour ce long sejour, pensa que
ledit capitaine auoit esté prins des ennemis, & que Brutus fust tombé en leur
puissance, se hastia d'abreger sa vie, considéré que le camp d'Octouien auoit
esté prins par Brutus, & celui de Cassius par Antoine, ainsi auoyent ilz deffaict
l'un l'autre: & aussi les bandes de Brutus, pour plus grande partie estoient sau-
ues & entieres.

*Titinius capi-
taine de gens
de pié.*

*La grâde igno-
rance de Cas-
sius.*

¶ Du capitaine Titinius.

La foy & loyauté de Titinius n'est pas à mettre en oubly, lequel arresta un
peu son regard, & tout estonné de veoir Cassius, gisant mort, se print à lar-
moyer, disant: Haa seigneur capitaine, si par mon imprudence & ignorance i-
ay esté cause de ta mort, en faisant trop longue demourée à retourner vers
toy, ie ne vueil pas en demourer impuny, reçois moy compagnon de ta mort.
Adonc ledit Titinius se va donner de son espée en la gorge, iusques au man-
che, & se iecta sur le corps de Cassius mort, & fut melle le sang de l'un avec l'au-
tre. Ainsi Cassius & Titinius estoient comme deux bestes immolées deuant un
autel, pour faire sacrifice: l'un estoit sacrifié d'ignorance, & l'autre de pitié.

*L'amour & grâ-
de fidelité d'un
seruiteur.*

¶ Des satellites du roy des Veientois.

Ie ne sçay si ignorance & faulx credence fut point cause de plus grand tort
& oultrage, fait en la maison de Laertes Tolumnius, roy des Veientois. Or com-
me en iouant aux dez, cestuy roy veoit auoir fait un coup eureux, dit par ieu
à son compagnon, tue: & de hazard l'ambassade des Rommains estoit attriuee,
les domestiques dudit roy oyans ceste voix, & croyans que leur seigneur com-
mandast qu'on tuast ladicte ambassade, faillirent soudain, & occirent les am-
bassadeurs

Notes.

V v bassadeurs

baffadeurs par ignorance: ainſi creurent ilz que le roy euſt commadé, ce qu'il auoit dict par recreation.

¶ D E V E N G E A N C E.

¶ C H A P. X.



Ombien que la vengeance & punition ſoit iuſte, toute fois il eſt bõ de ne la prendre touſiours de ſon ennemy: car aucune fois vne paſſion & cholere perturbe l'entendement, & le denie de la raiſon. Je ne feray point pluſlong ce proheme.

¶ De la bende nommée Pollia.

Marcus Fuluius tribun du peuple, ſe fait partie enuers ledict peuple, contre les Tuſculans, qui par leur conſeil auoyent incité les Veliternes & Priuernates à rebellion: ce que ſachant leſdictz Tuſculans, auec leurs femmes & leurs enfans, tous en habit de dueil, palles & deſfigurez, vindrét à Romme demander pardon. Toutes les bendes Romaines furent d'opinion qu'on les prinſt à mercy, fors la bende Pollie, qui iugea qu'on les deuoit feſſer publicquemēt, puis leur couper les teſtes: quant aux femmes, enfans, & anciens les ſubhaſter & vèdre au pluſoffrant. Pour ceſte cauſe la bende Popilie, en laquelle eurent grande authorité les Tuſculans, par apres, quand furent receuz citoyens en noſtre ville ne permit du depuis qu'aucun de la bende Pollie euſt office, ny ne donna ſa voix à piece de ladiſte bende, pour eſtre à quelque honneur, pour ce que ceulx de la bende Pollie, de tout leur pouoir luy auoyēt cuidé oſter la vie, & la liberté. Le ſenat, & le conſentement de tous approuua ceſte vengeance qui enſuyt.

Anciennemēt les Rommains bailloyēt vne courōne à ceulx qvouloyēt vèdre, & eſtoit le ſigne.

¶ De la uengeance des Rommains alencontre d'Adrian.

Après qu'Adrian eut vexé les citoyens Rommains, qui pour lors ſe tenoyēt à la ville d'Vtique, & traité comme ſerfz, le bruſlerēt tout viſ: & n'en fut queſtion ne plainte en Romme par apres.

¶ Exemples des eſtrangers.

¶ Des royneſ Tomiris, & Beronice.

Vengeance de deux royneſ, con're leurs ennemis.

L'vne & l'autre royne vſa de manifeſte vengeance. Après que Tomiris eut faiſt couper le chef de Cyrus, elle commanda qu'on le meit dedans vn vaiſſeau plein de ſang humain, luy reprochant ſon inſatiable ſoif de meurtre: ainſi ſe vengea de la mort de ſon filz, qui auoit eſté occy par ledict Cyrus. Beronice auſſi, ou autrement nommée Laodice, eſtant fort courroucée pour ſon filz tué en trahiſon: ſ'arma, mōta en ſon chariot: & pourſuyuit vn ſatellite & domeſtique de Mithridates nommé Cneus, qui auoit faiſt ce maſſacre: & pour ce qu'elle anoit failly à le tuer d'un dard, elle l'abbatit d'un coup de pierre, & fait marcher ſes cheuaulx & ſon chariot par deſſus ſon corps: meſmes en la preſſe de ſes ennemys, puis alla & paſſa oultre iuſques en la maiſon ou elle péſoit que le corps de ſondict enfant fuſt caché.

¶ De

¶ De la mort de Iason.

On est en doubte si la vengeance qui fut faicte de Iason, roy de Theffalie, fut iuste, c'est à dire d'auoir tué vn si grád prince, pour si petite cause, qui estoit tout prest de faire la guerre au roy des Persans. Vn iour Taxillus maistre du lieu ou se faisoient les esbatemens, exercices, & ieuz publiques, fort aymé du dict Iason, alla faire ses plaintes audi& Iason comme aucuns ieunes compagnons l'auoyent fort mutilé & batu: Iason lors luy donna le choix de prendre pour recompense desdictz iuenceaux trente drachmes, ou de leur donner à chascú dix coups de verge. Or esleut il la derniere peine, & les fessa tous: mais ceulx qui auoyent esté fessez tuerent le roy Iason, ne mettans point deuant leurs yeulx la douleur de la peine, ains la honte. Certes ceste petite honte fut cause de faire mourir ledi& Iason, duquel on auoit grande esperance. Les Grecz n'auoyent pas moins de fiance en luy qu'ilz auoyent eu au roy Alexádre, qui auoit eu tant de belles victoires. Iason roy des Theffaliens.

¶ DES FAICTZ ET DICTZ
cruelz & iniques.

CHAP. XI.

¶ De Tullie fille de Seruius
roy de Romme.



Ource que nous auons promis au commencement donner à cōgnoistre par exemples les vertus & vices des hommes, c'est bien raison que maintenát pour satisfaire à nostre promesse, nous declarons des dictz cruelz, & faictz iniques, ou commencerós nous mieulx qu'à Tullie: pour ce que c'est vn exemple tresancien, & cruel, & semblable à vn monstre: car de le penser seulement, est quasi chose abominable. Ceste cy estant en vn chariot, le charretier qui menoit les cheualx s'arresta & tira la bride desdictz cheualx: lors luy demanda pourquoy si soudain demouroit. ledi& charretier luy respondit que c'estoit pour ce que le corps de son pere gysoit mort illec: adonc commanda qu'il feist passer le chariot par dessus, afin que plus legieremét, elle vint embrasser le meurtrier qui l'auoit tué, cestoit Tarquin l'orgueilleux son mary. Par ceste tát inhumaine & reprochable hastiueté, elle ne se souilla seulement de perpetuelle infamie, ains par sa cruauté fut cause qu'une rue de Romme fust appellée la rue pollue, qui estoit le lieu ou elle auoit faict passer son chariot par dessus le corps de son dict pere.

La cruauté de
Tullie enuers
le corps de son
pere.

¶ De Fimbria.

Le faict & le dict de Fimbria ne furent si cruelz: mais si on les cōsidere bien, on trouuera qu'ilz sont de gráde audace & temerité. Cestuy auoit procuré que Sceuola fust occy sur la tombe de Gaius Marius. Or comme il eust donné charge à quelque meurtrier de tuer le dict Sceuola, ledi& meurtrier luy donna vn coup peniant l'auoir tué: mais le coup ne fut donné assez viuement, parquoy se guerit: ce que voyant Fimbria, feist action à Sceuola, deuant le peuple. Lors le peuple

Le neuſieme Liure

le peuple interroguä Fimbria, que c'eſt qu'il vouloit dire de ce perſonnage, lequel on ne pouoit aſſez louer, pour ſon integrité de vie: adöc Fimbria vint oſer qu'il auoit trop lentement receu le coup de dard qu'il luy auoit fait donner pour le tuer. La republique triſte & affligée pour l'infortune dudiſt Sceuo la, deuoit faire grande plaincte de la licence furieuſe dudiſt Fimbria.

¶ De Luce Catilina.

Le diſt cruel
de Catilina.

Quand Marc Cicero reprocha en plain ſenat à Luce Catilin, que par la cöiuration qu'il auoit procuré contre le pays, il auoit allumé vn feu: il repliqua, ie l'entens bié. Certes ſi ie ne puis eſteindre ce feu par eaue, ie l'eſteindray par la mort d'entre vous autres. Qu'eſtimons nous de ces parolles, ſinon que ſon meſchant vouloir le contraignit à paracheuer la deſſaiſte du pays, & des bons ciſoyens qu'il auoit ia commencée?

¶ De Magius Chilon.

Magius Chilon ſe monſtra bien troublé de rage & follie, qui oſta la vie à Marc Marcel, qui luy auoit eſté donnée par Iules Ceſar. Ceſtuy Chilon auoit eſté de long temps amy dudiſt Marcel, & meſme ſon compagnon en la guerre de Pompée, contre Ceſar: mais fut malcontent que lediſt Ceſar traitoit aſſez humainement aucuns de ſes amys, & qu'il ne tenoit cöpte de luy, parquoy d'enuie, voyant que Marcel partoit de Mitylene, ou il ſ'eſtoit retiré, pour faire retour en Romme, par la cleméce de Ceſar, le tua d'un poignart, au port d'Athenes: puis par deſeſpoir ſ'occit luy meſme. Certes ceſtuy ſe monſtra ennemy d'amitié, diſturbateur du benefice diui, c'eſt à dire du bié qu'auoit fait Ceſar à ce perſonnage: & peſte d'un bien public, pour ce qu'il auoit fruſtré l'intention des amys de Marcel, qui auoyent impetré la recourance de ſa liberté.

¶ De C. Turanius.

Le fait cruel
de Turanius.

Lineamets font
lignes & traits
que peindres
font en pei-
gnant vn corps.

Caius Turanius par atrocité de meurtre vainquit la cruauté de Chilon, cöbien qu'elle fuſt accomplie, & qu'on n'y euſt ſceu rien adiouſter. Ceſtuy tenant le party des triumuires, qui auoyent proſcript ſon pere perſonnage honneſte, & qui autrefois auoit eſté preteur, donna à congnoiſtre aux capitaines qui le cherchoyent pour le tuer, le lieu ou il eſtoit caché, l'aage & les traits & ſignes de ſon corps. Or quäd leſdiſtz capitaines l'eurent trouué, le bon vieillard pres de ſa fin, pluſſoliciteux de l'acroiſſance & ſalut de ſon filz Turian, que du demourant de ſa vie propre, commença à demander auſdiſtz Satellites ſi ſon filz eſtoit ſain, & ſ'il faiſoit au gré de ſes ſeigneurs & cheſz. Lors l'un d'iceulx luy va dire: celuy que tu aymes tant t'a enſigné à nous, ainſi par ſon moyen & enſeignement il fault que nous te mettons à mort. Adonc print ceſtuy ſon eſpée & luy en donna en oultre par l'eſtomach: parquoy cheüt le pource maleureux, eſtant plus deſplaiſant de la trahiſon de ſon filz, que de la mort qu'il ſouffroit.

¶ Du filz de Tulles Hannal.

Luce Tulles Hannal en euſt de meſmes. comme ceſtuy eſtoit deſcendu au cháp Martial, pour dónner faueur à ſon filz qui briguoit pour eſtre queſteur, quelqu'un luy dit qu'il eſtoit proſcript: lors ſe retira ſoudain à la ſauuegarde d'un ſien client: mais ſon filz, qui eſtoit ieune, fut cauſe qu'il ne fuſt aſſeur en la fidelité

fidelité de sondict client par sa meschanceté & trahison abominable, luy mesme mena les soudards, qui auoyent commadement de le tuer, par ou il estoit allé, & leur liura pour estre mis à mort en sa presence. Certes il fut deux fois homicide: premierement par son conseil, & secondement pour ce qu'il le regarda meurtrir & occir.

La cruauté d'un filz envers son pere.

¶ *De la femme de Vectius Salassius.*

La fin de Vectius Salassius, qui estoit prosript, ne fut pas moins aigre & amere, lequel comme il estoit caché, sa femme l'enseigna, & le fait tuer. Que dirons nous de ce cas? ceste dicte femme le tua elle, ou si elle le liura à tuer? il me semble que c'est aussi grand crime d'estre cause de la mort d'autrui, comme de le tuer. Pour ce que cest exemple icy qui ensuit est des estrangers, nous le reciterons plusuoluntiers.

¶ *Exemples des estrangers.*

¶ *De deux freres, tous deux filz de roy.*

Comme Scipion l'African en l'honneur de son pere & son oncle defunctz, faisoit faire les ieuz funebres en la nouvelle Carthage en Espagne, ou on venoit de toutes sortes de combatz & iustes: deux filz de roy, apres que leur pere fut mort nouvellement, se trouuerent au camp, pour ce qu'ilz auoyent promis l'un à l'autre de combattre en ce lieu, à qui auroit le royaume, afin que par leur combat le spectacle, & les ieuz en fussent plus honorables. Ce que voyant Scipion, les admonesta courtoisement, qu'ilz finassent leur different par paroles, & non par armes: ce que l'ainné fut contet de faire: mais le puisné se confiant à sa force, persista à sa folle: parquoy commencerent le combat, & par le vouloir de fortune, celui qui estoit obstiné en son iniquité fut vaincu & puny de mort.

Digne d'estre noté.

Par l'arrest de fortune l'ainné filz regna.

¶ *De Mitbridates.*

Mithridates fait bien plus meschamment, qui ne combatit pas contre son frere, touchant le royaume, ains contre son pere. De trouuer vn personnage qui recourast des adiuteurs en tel affaire, c'est à scauoir en la bataille du filz contre son pere: & qui osast en ce cas reclamer les dieux, n'est ce pas chose monstrueuse, & admirable?

¶ *De Sariafter filz du roy Tigranes.*

On ne se doit point tant esmerveiller de la guerre qu'entreprint Mithridates contre son pere, veu que Sariafter fait le semblable, qui accorda avec ses allies & amys d'expugner Tigranes son pere roy d'Armenie, afin qu'ilz se mōstrassent plus fideles les vns envers les autres, par maniere de iurement se percerent les mains droictes, en feirent saillir du sang & le humerēt, qui estoit la coutume de ceste nation, quand vouloyent garder foy entierement, comme les Chrestiens quand iurent sus la sainte Euangile. S'il y auoit quelque peu d'humanité en vn personnage, il ne souffriroit iamais qu'un filz entreprinst telle conspiration envers son pere, comme fait ledict Sariafter alencontre de son pere Tigranes.

Les Armeniens en leur grand iurement prenoyēt du sang de leurs dextres, & en buoyēt avec du vin.

¶ *De*

Le neuſieme Liure

¶ De Seianus qui uoulut tuer l'empereur Tibere.

La cōspiratiō
de Seianus alē
contre de Ti-
bere empereur

Mais pourquoy recite ie ces choses, ou m'arreste ie en icelles, cōsideré que ie voy toutes ces cruauitez & meschâsetez sus alleguées estre vaincues par vn qui pensa faire vn meurtre? Donc ie suis constrainct hastiuement & avec le plus grand dueil du monde, ainsi que bonne amour & affection incite, à vituperer & blasmer le meurtrier, q uoulut faire la maleureuse entreprinse: qui est ce qui rendra assez detestable & execrable, par parolles, celuy qui s'efforça (la foy d'amytie violée & esteinte) enseuelir en senglantes tenebres l'empereur Tibere, auquel tout le genre humain auoit son espoir & confiance? O inhumain Seianus, surpassant l'enragée cruauté des nations Barbares, as tu osé entreprendre de mettre la main à la bride de l'empire Rommain, laquelle nostre prince & pere Tibere dirige, & contient de sa dextre tant salutaire? Certes si tu fusses paruenü à ta tant furieuse volonté, le monde eust esté destruit & ruiné. Tu as voulu par tes furieuses entreprinſes représenter & ramener deuant les yeulx des hommes vne vraye semblance & effigie de Romme, prinſe des Gaullois, de la iournée sanglante d'Allia, ou furent tuez trois cens gentilzhōmes tous de la race des Fabiens, des Scipions deſſaiſt en Espagne, de la iournée du lac Thrasimene, & de Cannes, & des batailles ciuiles, arrouſées du sang Rommain: mais l'oeil des dieux a veillé alencontre de ton effort. Iules Cesar, qui fut ſtelliſié empescha ton entreprinſe, les dieux du capitolé, autelz, temples toute diuinité s'est fortifiée pour la protection du sacré empereur Tibere, à present regnant. Brief on n'a rien omis, & negligence n'a eu lieu aux choses qui concernoyent le salut du pays, & la vie dudit Tibere. Mesmes Iuppiter, qui est nostre sauuegarde & patron, par dessus tous s'y est employé, & à pourueu par son conseil diuin, afin que par la ruine de tout le mōde, les bienſaiſt, c'est à ſçauoir la paix vniuerſelle, qui est en l'estat qu'elle estoit du regne d'Auguste, ne fust pareillement ruinée. Or donc la paix est en son entier, les loix ſont en vigueur, iuſtice regne, & chaſcū fait son deuoir, tant particulièrement que publiquement. Celuy qui feit effort de ſubuertir & destruire les ſuſdiſt biens, en violant & brisant la confederation d'amytie, a esté ſaccagé avec toute ſa lignée, par la puissance du peuple Rommain, & porte en enfer la peine qu'il a meritée pour ſa grande meschanceté, voire ſ'il est digne d'entrer en ce lieu: car plus grand tourment encore luy ſeroit deu que la peine des damnez.

¶ D E S M O R T Z N O N C O M M V N E S .

¶ C H A P . XII.



A vie de l'homme ſingulierement conſiſte entre le premier iour de ſa natiuité, & le dernier iour, qui est le iour du treſpas: & ſouuent y a grand different entre le commencement & la fin: car le commencement aucunes fois est bon, & la fin mauuaife: aucunes fois la fin bonne, & le commencement mauuais: pourtant iugeons celuy estre eureux qui

qui est bien nay, & fine sa vie honnestement. Le mylieu se dirige ainsi comme fortune en demene le gouuernail, maintenat en tourmente & aduersité, maintenant en tranquillité & hōneur. Quand nous desirons viure longuement, & que la vie se consume, sans prédre garde aux oeures: c'est vescu inutilement, & telle vie est tousiours pluscourte que nous n'esperons: mais si nous voulions bien viure, nous ne sçauriōs si peu viure, que ce ne soit beaucoup. Surmontons donc par pluralité de bonnes oeures, le nombre de noz ans. que proufiteroit il autrement se resiouyr de viure lōguemēt, & ne faire rien digne de memoire ains prolonger ses ans en paresse & oisueté: en ce poinct nous en aymeriōs mieulx la longueur que l'hōneur: mais afin que ie ne vague plus loing, ie feray mention de ceulx qui sont mortz de mort non accoustumée.

Eureux est ce-
luy qui est biē
né, & q meurt
bien.

Les aduētures
d'un chascun
sont tousiours
moindres qu'o
n'espere.

¶ De Tullus Hostilius roy de Romme.

Tullus Hostilius touché de foudre, fut bruslé avec toute sa famille. Ce fut vn merueilleux sort fatal, par lequel il aduint, que cestuy roy, qui estoit le sustē-
tacle & pillier de Romme, fust saccagé en icelle, sans pouoir auoir l'hōneur de sepulture par ses subiectz, il fut redigé en tel estat par la flamme du ciel que sa maison & son mesme palais luy fut sepulchre & feu.

¶ De deux femmes.

A grand peine pourroit on croire que ioye eust eu aussi grande puissance à oster la vie de la personne comme la foudre, toutefois nous le trouuons ainsi. Apres qu'on eut les nouuelles de la deffaite des Rommains au lac de Thrasi-
mene, vne mere s'en alla à vne des portes de Romme, audeuant d'un sien filz qui estoit retourné sain de ce conflict, & en l'embrassant mourut de ioye. L'autre femme ayant eu la nouuelle que son filz estoit demouré en ceste iournée, s'en alla à sa maison mener son dueil: mais quelque temps apres cestuy reuint, & incontinent qu'elle le veit elle mourut de ioye. Voyla vne sorte d'auenture bien estrange: douleur n'auoit peu esteindre celsdictes femmes, & ioye les feit mourir.

Femmes mor-
tes de ioye.

¶ De Marc Iuuentius Talua consul.

Je ne m'esbahi pas tant de ces susdictes femmes comme de Marc Iuuentius Talua, consul, compagnon de Tiberius Gracchus, lequel ainsi comme il fai-
soit sacrifice aux dieux en Corse, pour ce qu'il l'auoit de nouveau subiuguée, receut lettres du senat, ou il estoit comprins comme on auoit ordonné pro-
cessions generales estre faictes pour la victoire qu'il auoit eue. en lisant attenti-
uement lesdictes lettres, les yeulx luy commencerent à obscurcir, & deuant le feu cheut mort. Que pensons nous dequoy il mourust, sinon de grand ioye: mais qu'eust ce esté s'il eust destruiēt Numance & Carthage ainsi comme feit Scipion?

Marc Iuence
mort de ioye.

Irrifion.

¶ De Quintus Catulle.

Le capitaine Quintus Catullus, parsonnier par l'ordonnance du senat, au tri-
umphe Cimbrique avec Marius, fut de plusgrand coeur que le consul Talua: mais la fin de luy fut plus violēte. Marius quelque temps apres pour les dissen-
tions ciuiles commanda faire mourir ledict Catulle, ce que sçachāt Catulle, feit
mettre

Le neuſieme Liure

mettre de la chaux nouuelle dans ſa chambre & l'en arroſa, puis auec force feu ſ'enferma dedans, & ſe ſuffoqua: laquelle deſtreſſe tourna à grand honte audiſt Marius.

¶ De Lucius Cornille le Merle.

Vn preſtre de Iuppiter ſe feit ſeigner pour accele- rer ſa mort.

En ce miſerable téps des batailles ciuiles, Luce Cornille le Merle, qui auoit eſté conſul & preſtre de Iuppiter: de crainte qu'il ne viſt en l'irriſion de ſes ennemys vainqueurs, ſe feit ouurir les veines au téple dudiſt Iuppiter, & voulut ainſi mourir, pour fuir l'arreſt de la mort ignominieuſe que ſeſdiſtz ennemys luy deuoyent prononcer. Ainſi furent amoitz les trefanciens feuz de cediſt temple par le ſang de leur preſtre.

¶ De Herennias de Sicile.

La fin de la vie de Herennius Sicilien, qui eſtoit familier de C. Gracchus, & duquel Gracchus auoit vſé comme deuin, fut forte & courageuſe. Comme ceſtuy (pour ce qu'il auoit adheré à l'opinion dudiſt Gracchus contre le ſenat) eſtoit mené en la priſon pour eſtre executé, en entrant ſe donna ſi grand coup de la teſte contre le poſt ou on le deuoit faire mourir, qu'il ſe tua luy meſme: ſ'il euſt encore vn peu differé le bourreau eſtoit tout preſt d'en faire la iuſtice.

¶ De Caius Licinius.

Ceſtuy volun- tairement ſe rôpit la teſte contre vn poſteau.

C. Licinius Macer, autrefois preteur, pere de Caluus, mourut par ſemblable impetuofité. Ceſtuy accuſé de pillerie, & exactions, comme ſa cauſe cou- roit, môta en vn hault lieu en la court, qu'on appelloit Meuianus, que Meuius auoit faiſt baſtir: & ainſi qu'il veit Marc Cicero aſſemblant les iuges, & veſtât ſa robe iudiciale, enuoya vn meſſager audiſt Cicero, qui luy dit que Licinius luy mandoit qu'il eſtoit mort accuſé, & non condamné: & que ſes biens ne pouoyent eſtre conſiſquez. Lors tout ſoudain print vn mouchoier, qui eſtoit d'aduenture en ſa main, & ſ'en eſtrâgla, ainſi par mort fut preuenue ſa condé- nation. Ce que congnoiſſant Cicero, ne prononça rien de luy. Donc ſon filz Caluus orateur de noble eſprit, fut exempt de poureté, pource que les biens de Licinius ne furent conſiſquez: exempt auſſi de reproche, pource que ſon pere n'auoit attendu la condamnation: & tout par la mort inuſitée de ſondiſt pere. La mort dudiſt Licinius fut magnanime & forte: mais celle de ceulx qui en- ſuyuent eſt à deteſter.

¶ De Cornelius Gallus, & Titus Etheſius.

La mort de ceulx cy n'eſt poinſt à excuſer.

Cornelius Gallus, autrefois preteur, & Titus Etherius cheualier Romain, moururent en abuſant de quelques ieunes enfans: mais qu'eſt il queſtion de ſe ruſer de leur mort, leſquelz comme ie penſe, furent pluſtoſt conſumez par au- tre accident de fragilité humaine, que par leur luxure? La fin de noſtre vie eſt expoſée à diuers & ſecretz perilz & inconueniens, parquoy ſouuent on im- pute la mort, à vne choſe qui ne l'a pas meritée: comme ſi vn homme qui a acou- ſtumé de boire, & en beuuant il aduient quelque maladie occulte qui luy cau- ſe la mort, on dira que la boiſſon & yurong nie l'ont tué.

¶ Exemples des eſtrangers.

¶ De Come frere de Diogenes.

La mort auſſi qui aduient au eſtrangers eſt digne d'eſtre notée, comme celle de Come,

Come, qui estoit frere de Diogenes, capitaine & duc̃eur des volleurs & larrós. Cestuy Come fut prins & mené au consul Rutilius, en la ville d'Enna; que ledictz volleurs auoyent au parauant occupée: mais pour lors estoit reduite en nostre puissance: & comme on l'interroguoit de la force & entreprise des fugitifz, qui estoient seruiteurs; qui auoyent proposé de faire la guerre aux Romains, demanda quelque espace de temps à respondre: ce pendant, couure sa teste, s'appuye sus ses genoux, & estraint si fort ses espritz qu'il mourut, & acquiesça à seureté desirée, entre les mains de ceulx qui le gardoyét, & en la presence du consul. Le m'esbahi qu'aucuns maleureux, qui desirét plustost mourir que viure, ont tant de peine à chercher la maniere d'eulx occir: les vns aguissent bastons inuasibles, les autres meslent du venin, les autres disposent des cordes & laqz, les autres songét quelques haultz rochers, pour eulx precipiter, & font tout plein de grands appareilz, comme s'il y auoit grand affaire, & grande difficulté, de departir l'alliance & compagnie du corps & de l'ame, qui est la chose la plus aysee à faire du monde: considéré qu'un homme est aussi facile à tuer comme un poullet. Come n'eut point tant de peine à se faire mourir, car son ame enclose dedans sa poitrine, eust bien tost trouué la fin de soy. Certes on ne doit estre gueres curieux de retenir un tel bien, d'ou la possession en est si caduque, & qui si facilement se perd.

Come ayma mieulx se tuer que de reueler le conseil de ses compagnons.

Sentences dignes d'estre rememorées.

¶ Du poete Eschylus.

La mort du poete Eschylus ne fut pas volũtaire: mais pour la nouueauté du cas i'en feray recit. Cestuy cy partit hors les murs d'une ville de Sicile, ou il demouroit, puis se va mettre en vne plaine & lieu exposé au soleil, & au dessus de sa teste voloit un aigle, qui portoit une istre avec l'escale: cest aigle, ayant appetit de manger de la chair de ceste istre, voyant la teste de ce poete, qui estoit rasée, pour la blancheur, estimant que ce fust une pierre, laissa cheoir son istre dessus pour la casser: mais du coup tua ledict poete Eschylus, qui auoit trouué l'invention des tragedies.

Eschilus tué d'un aigle.

¶ Du poete Homere.

On dit aussi que la cause de la mort d'Homere ne fut pas cõmune. Il se trouua quelque fois en vne isle, & ainsi comme aucuns pescheurs estoient au riuage de la mer, à s'espouiller, luy demanderent qu'il solust leur question, disans: Nous chassons avec dix petis chiens, ce que nous prenons nous le perdons, & ce que nous cherchõs nous l'auõs, qui est à dire, nous chassons avec dix doigtz les poulx, ceulx que nous prenons nous les tuons, & ceulx que nous cherchõs nous les auons autour de noz habillemens. A raison qu'Homere ne sceut soul dre leur question, il mourut de dueil.

La mort de Homere.

¶ Du poete Euripide.

Eurides mourut plus cruellement. Comme cestuy venoit de soupper avec le roy Archelaus, en Macedoine, & retournoit en son hostellerie, fut deschiré des chiens, & mourut. La cruauté de ceste mort n'estoit pas deue à personnage de si grand esprit: ainsi comme le decès de ces nobles poetes ensuyuans, estoit indigne à leurs meurs, & leurs oeures.

Euripide fut deschiré des chiens.

Le neuuiesme Liure

¶ De Sopbocles.

Sophocles
mourut de
ioye.

Sophocles desia fort ancien, se trouua en vn combat de poëtes, & y presenta vne tragedie, fort soucieux, pour ce que les iuges furēt long temps à disputer à qui deuoit estre donnée la palme, ce neantmoins à la fin, par leur iugement luy fut donné le prix, de quoy se resiouyt tant qu'il en mourut.

¶ De Philemon.

Philemō mou
rut p trop rire

Philemon mourut par force de rire, on luy auoit accoustré des figues, & les luy auoit on mises pres de luy, lors vint vn asne qui les mägea: puis soudain appella vn ieune enfant qui se tenoit avec luy, disant qu'il chassast ledict asne. Or quād il fut venu n'y auoit plus riē de demourāt. Adōc Philemō cōmēça à dire à l'enfant: puis que tu as tant mis à venir & qu'il a tout mágé, baille luy du vin qu'il boiue: de ceste ioyeuse parolle il rit si immoderément qu'il perdit la vie.

¶ De Pindarus.

Doulce mort
de Pindarus.

Ainsi que Pindarus s'estoit transporté en vn spectacle & lieu public, pour veoir les ieuz & esbatz: aucunement trauaillé se meit la teste sus le gyron d'un enfant, ou il prenoit moult de plaisir, pour reposer, ou il mourut: & ne congneut on point qu'il fust mort iusques à ce que le maistre dudit lieu voulust fermer la porte: lors le cuidant esueillier perdit sa peine. Je pèse moy que la benignité des dieux permit que ce tant facond poete mourust ainsi doulcemēt.

¶ D'Anacreon.

Anacréō s'e-
strangla d'un
pepin de grap
pe.

Autant en aduint il à Anacreon, lequel ayant passé l'aage de cent ans, voulant refociler le reste de sa force senile, print des raisins, & en les mägeant s'estrangla d'un pepin. l'adioindray à cestuy cy deux autres ensuyuās, qui eurent vn propos, & vne mort pareille.

¶ De Milo de Crotone.

L'estrange
mort de Milo

Milo de Crotone cheminant parmi les champs, veit vn chesne qu'aucuns rustiques auoyent voulu diuiser avec des coings: mais n'en auoyent sceu auoir la raison, si que lesdictz coings y estoient encore, & la tronche à demy ouuerte: lors se confiant à sa force, vint tirer à belles mains la cuidant separer: adonc les coings tomberent de l'arbre, & ledict arbre se referme, en sorte que les mains luy demourerent enfermées entre les deux costez de ladicte boise. Ainsi celuy qui auoit tāt de fois réporté la palme, pour sa force aux ieuz publiques, mourut en cest endroit, & fut deuoré des bestes cruelles.

¶ De Polydamas.

La mort de
Polydamas.

Polydamas grand lucteur fut contrainct d'entrer en vne cauerne, pour laisser passer le mauuais temps. Adonc tomba tant d'eau du ciel sus ladicte cauerne qu'elle fut ruinée: ce que voyant les compagnons dudit Polydamas avant la ruine se retirerent hors. Polydamas demoura obstiné, soy cōfiant à sa force, & pensant soustenir de ses espaule icelle cauerne, qu'elle ne cheust, fut abbatu par ceste pesanteur, qui estoit plus forte que tout corps humain. Par ainsi mourut Polydamas, & la fosse qu'il auoit cherché, pour euitter la force de pluye; luy seruit de sepulchre. Ceulx cy peuuent donner exemple que cōmunément
ceulx

ceulx à qui nature dōne force corporelle, ne leur eslargit sagesse & prudence, Notez.
 si qu'on ne veoit gueres vn homme excellent en force & sagesse ensemble.

¶ DE CONVOITISE DE VIURE

CHAP. XIII.



Our ce que nous auons parlé de ceulx qui sont mortz de mort accidentelle & fortuite, comme Tullus Hostilius, de ceulx aussi qui sont decedez vertueusement & magnaniment, comme Catulle & Come, de ceulx qui ont prins fin temeraire, comme Milo & Polydamas, maintenant est conducible de faire mention de ceulx qui ont finé leurs iours effeminément & maleureusement, afin qu'en ceste comparaison on congnoisse qu'aucune fois le desir de mourir est estimé plus constāt & sage, que l'appetit de viure.

Note lecteur, que Valere appelle icy la mort vertueuse de ceulx qui se deffairoyēt, qui est contre nostre loy Chrestienne.

¶ De Marc Aquilius.

Marc Aquilius vaincu, se pouoit honnestement inferer la mort: mais par couitise de viure ayma mieulx estre fait serf de Mithridates honteusement & laidemēt. Qui est cestuy là qui ne diroit à iuste droit que ledict Aquilius n'eust mieulx meritē auoir esté affligé & tourmenté dudiēt Mithridates, que d'auoir eu la charge de lieutenant de l'armée des Rommains: pour ce que par son deshonneur & reproche souilla & pollut la dignité du senat, & du peuple Romain.

Il blasme la lascheté d'Aquilius.

¶ De Cneus Carbon.

C'est vne grāde honte pour les Rommains: de trouuer en leurs chroniques: comme Cn. Carbon consul pour la troisieme fois, estant mené en Sicile par le commandemēt de Pōpée pour estre executé, requis aux soudards dudiēt Pōpée humblement & piteusement, que deuant qu'il mourut, luy permissent de descharger son ventre, afin qu'il eust l'vsage plus longuement de ceste miserable vie: & ne partit du retraict iusques à ce qu'on luy allast couper la teste, en ce vil lieu. La chose repugne aucunement en soy: car il semble que ie deusse auoir fait recit de ceste lascheté, pour sa turpitude: & aussi il semble que i'aye bien fait de l'auoir recité, pour le reprendre & blasmer.

L'efame mort de Carbon.

¶ De Decius Brutus.

Que dirous nous plus? Combien acquit Brutus de deshonneur, en rachetāt sa vie, par vn momēt petit & maleureux: lequel estant prins par Furius, qu'Antoine auoit enuoyé pour occir ledict Brutus, ledict Brutus ne retira seulement sa teste, du coup qui luy estoit preparé: mais comme on l'admonnestoit de ne se mouuoir, afin que plus asscurémēt on luy couppast: pour prolonger sa vie, iura qu'il targerait tant qu'il pourroit, qui estoit pour vray vn iurement fol, car il s'en alloit mourir: mais appetit de viure a de coustume d'vsar de telles befferies, en expugnant le moyen de saine raison, qui nous commande d'aymer tellement nostre vie, que nous ne craignons la mort.

Notez.

¶ Du roy Xerxes.

Ce mesme appetit de viure contraignit Xerxes à larmoyer, quāt il veit toute la ieune cheualerie d'Asie en armes, & dit qu'en cēt ans n'y en auroit vn en vie.

X ii laçoit

Digne d'estre
noté.

Iaçoit ce que ledict Xerxes fust veu plaindre & regretter l'accidēt d'autrui: toutefois deplouroit il le siē parmy, parquoy se mōstroit pluſriche que ſage. Qui eſt ceſtuy (combien qu'il ſoit moyennement prudēt) qui deuſt ſe deſoler pour eſtre nay mortel?

¶ COMBIEN SE SONT GARDEZ SON-
gneuſement ceulx qui auoyent ſouſpeçon de leurs domeſtiques.

¶ CH A P. XIII.



Aintenant ie feray recit de ceulx qui ont eu autour de leurs corps diligente & exquiſe garde, pour ce qu'ilz ſe deſſioyēt de quelques vns: & commenceray à vn roy, non pas maleureux, ains entre peu des mieulx fortunez, qui ait eſté en ce monde.

¶ Du roy Maſiniſſa.

Maſiniſſa roy des Numides, grād amy du peuple Rommain, ſe cōfiant peu aux hōmes, eut garde de chiens. Cōbien qu'il fuſt ſeigneur d'un grand royaume: ou il pouoit trouuer gens aſſez fideles pour ſa garde: comme cinquāte ſiēs filz, qui eſtoyent viuans: & auſſi les Rommain, qui luy portoyent vne amytiē tant bonne & entiere: ce neantmoins ſe fia plus aux chiens qu'aux hommes.

¶ D'Alexandre Pbereus.

Alexandre fut plus infortunē que le roy Maſiniſſa, pour ce qu'amour & crainte le tourmenterēt continuellement l'un d'un coſtē l'autre de l'autre. Or comme ceſtuy aymaſt ſa femme nommée Thebe infiniment, ce neantmoins quand il partoit du ſoupper pour ſ'aller coucher avec elle, il eſtoit ſi ſouſpeçonneux, qu'il faiſoit marcher deuant vn ſatellite eſtranger, l'eſpēe nue (lequel auoit autrefois eſté condemnē à auoir d'un fer chauld ſus les eſpaules, au pays des Threiciens) & meſmes ainçois qu'il fuſt au liēt, faiſoit chercher par ſes ſeruiteurs ſi on trouueroit point quelque ferremēt autour de ladiēte Thebé. Certes c'eſtoit vne punition des dieux, qui eſtoyent courſez contre luy, de ne ſcauoir ſurmonter ceſte crainte, & ceſte folle amour qui eſtoit en luy: car il abuſoit de deux ieunes gentilzhommes freres de la royne. Certes ſouſpeçon eſtoit commencement de ſa crainte, auſſi fut elle fin: car pour ce qu'il ſe deſſioit de ſa femme, iamais n'approchoit d'elle ſans crainte, d'autre part à raiſon que ſa femme eſtoit ialouſe de luy, par courroux elle le tua.

Alexandre Pbereus
tué de ſa
femme.

¶ De Denys roy des Syracuſans.

Nous ferions trop long narrē de dire tout ce qu'on trouue par eſcript de la crainte & ſouſpeçon, qui tourmenterent Denys le tyrant roy de Syracuſe, qui regna trēte & huit ans en ceſte maniere. Premieremēt fait retirer de ſa cōpagnie ſes amys & familiers: & au lieu d'eulx eut vne garde de gens fortz & puiſſans cōme Thraciēs: & meſmes ſe munit de gros varletz robuſtes, eſleuz des familles des riches de ſon royaume. Craignant auſſi les barbiers fait apprēdre à ſes filles à faire la barbe, leſquelles quand eſtoyent grandes, ne ſouffroit qu'elles maniaſſent le raſouer: parquoy ordōna qu'elles luy bruſſaſſent la barbe

La crainte de
Denys le ty-
rant.

be & les cheueulx d'escalles de grosses noix flambantes. Cestuy ne s'osa non plus fier à ses femmes qu'à ses filles, il eust en vn mesme temps deux femmes, l'une nommée Aristomache Syracusane, l'autre, Doris de Locres: lesquelles ne se couchoyent iamais avec luy, qu'elles ne fussent toutes nues, de crainte de quelque ferremet. Sa chambre ou il couchoit, estoit enuironnée de fossez profondz comme vn chasteau, & y auoit vn pont leuis, qui se leuoit quād il estoit couché: ce qui ne luy suffisoit, quand sa garde auoit bien clos sa porte par dehors, encore la fortifioit il par dedans.

¶ DE CE V L X Q V I R E S S E M B L O Y E N T

l'un l'autre de uisage & de corporence.

CHAP. XV.

LEs philosophes qui sont plus profondz en science, disputeront plus subtilement, & donneront raison de la semblance du visage, & de tout le corps mieulx que moy. Les vns sont d'opiniō, & disent que la chose prouiet de nature, pource q̄ naturellemēt tout hōme crée son semblable: & fortifient leur argumēt alleguant l'exēple des bestes, qui produisent autres bestes semblables à elles: les autres disent l'opposite, affermans que la chose vient de hazard, & non par nature, se munissans de ce propos: c'est qu'on voit aucunes fois aduenir, qu'un bel homme, & une belle femme, engendreront vn enfant laid & difforme, vn puissant & robuste produira lignée foible, & de petite complexion: ainsi des bestes: mais pour ce que ceste question icy est en doubte, nous reciterons quelque peu d'exemples d'aucuns, qui estoient engendrez de diuers peres, nonobstant ressemblerēt l'un à l'autre.

Les opinions des philosophes touchāt la semblance d'un homme à l'autre.

Question en doubte.

¶ De Vibius homme de franche condition, & de Publicius serf, ressemblans au grand Pompée.

Vibius de lignée franche, & Publicius d'estat seruil, furent si semblables au grand Pōpée, que s'ilz eussent changé d'estat, on les eustaluez au lieu de Pompée, & Pompée au lieu d'eulx. En quelque endroit que se trouuassent Vibius & Publicius, le peuple les contēploit, & disoit que cōbien qu'ilz fussent moyens personnages, si auoyent ilz toute la semblāce de ce gros seigneur Pompée: lequel deshonneur accidentel, c'est à dire, cest opprobre icy qui aduint à Pompée, de ressembler à gens de basse cōdition, luy fut quasi cōme hereditaire: car le pere de luy ressembloit proprement à vn cuisinier nommé Menogenes.

¶ Du cuisinier Menogenes, semblable au pere du grand Pompée.

Le pere dudit Pompée ressembla si bien à Menogenes cuisinier, que ce personnage icy, qui estoit de grand coeur, & cheualereux à merueilles, ne sceut euer qu'on ne l'appellast Menogene.

Le soubriquet que bailla le peuple au pere du grand Pompée.

¶ De Cornelius Scipion surnommé Serapion.

Consideré que Cornile Scipion ieune gentilhomme Romain de race excellēte, portast beaucoup de surnoms fort nobles de la famille dont il estoit venu, nōobstant fut appellé du populaire Serapion, qui estoit vn seruiteur des

X.iii prestres

Le neuſieme Liure

preſtres)pource qu'il reſſembloit à cediſt ſeruiteur. Et cōbié que lediſt Scipiō fuſt de grande bonté & vertu, & de nobleſſe ſi approuuée: ce neantmoins cela ne luy aida à deſtourner ceſte iniure & infamie.

¶ De *Lentulus* & *Metellus*, reſſemblans à certains baſteleurs ou badins.

Les ſurnoms,
ou ſoubriq̃tz
donnez à *Lentulus* & *Metellus*.

La dignité conſulaire fut grâdement honorée lors que *Létulus* & *Metellus* furēt cōpagnons enſemble en icelle: toutefois ces deux quand venoyēt ſur les eſchauffaux veoir les ieuz, tout le peuple les regardoit, pour ce qu'ilz reſſembloyent fort à quelques badins & ioueurs de comedies: & pour certain euſſent eſté nōmez cōme leſdiſtz badins, ſ'ilz n'eūſſent deſia emporté le nom d'autres: car on auoit de lōg tēps appellé *Létulus Spinter*, pour ce qu'il reſſembloit à vn ſeruiteur de Rōme, qui ſe nōmcit ainſi: & *Metellus* euſt emporté le nom d'un ioueur d'eſpée (portāt pour deuſe ſus ſon heaume vne retz) nommē *Pāphile*, pour ce qu'il luy reſſembloit, ſ'il n'eūſt premieremēt eu le nom d'*Ilepos*, qui ſignifie diſſipateur, pour ce qu'il auoit eſté de vie diſſolue en ſa ieuneſſe.

¶ De *Marc Meſſala* reſſemblant à *Menogene*, & *Curio à Burbuleius*.

Grâdz perſon
nages reſſem-
blans à badins
en emporterēt
le nom.

Marc Meſſala, qui autrefois auoit eſté conſul & cenſeur, reſſembla de face à vn badin nommē *Menogenes*: *Curio* qui auoit eu tous les hōneurs de Rome, de degré en degré, reſſembloit à *Burbuleius*, vn autre badin, en geſtes & façon de faire. Pourtant ces deux grands ſeigneurs furent appelez en Rome du nom deſdiſtz badins. Suffiſe vous d'auoir produit ces exemples icy des Rōmains, qui ſont excellēs, à raiſon des perſonnes nobles dequoy nous auōs parlé, & pareillement furēt en Rome à vn chaſcun congneuz & manifeſtes.

¶ Des eſtrangers.

¶ Du roy *Antiochus* ſemblable à *Artenio*.

La fineſſe d'une royne.

Vn nōmé *Artenio*, de ſang Royal, fut ſi ſemblable de face & de parole au roy *Antiochus*, que *Laodice* femme d'*Antiochus* apres auoit tué lediſt roy, pour diſſimuler ſon meurtre meit ceſtuy *Artenio* dedans vn liſt, comme ſi ce fuſt *Antiochus* eſtāt malade: puis ſeit venir tous ſes ſubietz pour le veoir leſquelz furent decenz de ſa face & parole, car ilz penſoyēt que ce fuſt le roy qui parlaſt à eulx: pareillement auoit ſemblable trait de viſage, & en ſes propos recommandoit au peuple ſa femme *Laodice*, & ſes enfans, ainſi cōme faiſant ſon teſtament.

¶ D'*Hibreas Mileſien* reſſemblant à quelque ſeruiteur de ieuz gimniques, ou on auoit accouſtumé lucter le corps nu, & ſ' oindre d'huile.

Hibrias reſſemblant à vn varlet.

On dit qu'*Hibreas Mileſien* copieux & vehement orateur, reſſembloit ſi propremēt à vn varlet des ieuz gimniques, qui auoit la charge de ſerrer les ta-piſſeries, apres leſdiſtz ieuz finiz, que tout le peuple d'*Aſie* regardant cediſt varlet, eſtimoit eſtre frere dudiſt *Hibreas*, tant eiſoyent pareilz de ſemblance & pourtrait de face, & proportion de tous membres.

¶ De

¶ De quelque preteur Romain semblable
à un Sicilien.

Il fut vn pescheur en Sicile assez audacieux, qui ressembloit au procōsul Sura. Or quelque fois ledict Sura estant consul extraordinaire en ceste prouince, dit audict pescheur, ie m'esbahi comme tu es si semblable à moy, veu que mon pere n'entrā iamais en ce pays. lors respondit le Sicilien: Certes seigneur le mīe ^{loyeuse respō} fut maintefois en Romme. le proconsul le brocardeoit de l'impudicite de sa mere, & le pescheur luy rendit son change, reciproquāt ceste ioncherie enuers la mere dudit proconsul. Le pescheur me sembloit parler trop hardimēt, & se venger trop plus audacieusement qu'il n'appartenoit: car il estoit à la puissance du proconsul de luy faire donner le fouet, ou luy faire couper la teste, pour ce quil estoit son subiect.

¶ DE CEVLX QVI VINDRENT DE
bas lieu, & par menterie se uolurent allier
aux nobles familles.

¶ CHAP. XVI.

L'Audace & l'exemple precedent est tolerable, pour ce qu'elle touchoit seulement le peril d'un: mais l'impudence dequoy ie vueil parler ne doit estre aucunemēt tolerée, pour ce qu'elle n'apporte seulement dommage aux citoyens particulierement, ains à toute la republique. Or afin que i'omette Equitius, qui estoit vray monstre, & non homme, pour ses vices, natif de Firme, au territoire des Picētins: duquel a esté parlé au chapitre de sedition, pour ce qu'il voulut dire que T. Gracchus estoit son pere, par euidente menterie, fut supporté du tribun Saturnin, ce qui esmeut le peuple à mutinerie, & en fourdit tout plein de mal.

¶ D'Herophile medecin de cheuaux.

Herophile medecin de cheuaux, en s'attribuant pour oncle C. Marius, qui auoit esté sept fois cōsul, s'esleua en telle sorte en credit & authorité que maintes villes de conquest, grosses citez de la bourgeoisie Romaine, & communitez collegiales l'essloyēt pour leur defendeur & patron. Pareillemēt apres que C. Cesar eut opprimé le ieune Pōpée en Espagne, & qu'il eust mené le peuple en ses iardins, cestuy Herophile n'estant loing de Cesar, se pourmenant en vne allée, entre deux pilliers, ledict peuple luy fait quasi aussi grand careffe comme audict Cesar: & si ledict prince n'eust pourueu & resisté à ce honteux trouble, la republique eust receu semblable playe qu'elle receut du temps d'Equitius: mais par son ordonnance cestuy fut banni hors de l'Italie. apres qu'il eut quelque espace de temps erré par les champs comme vagabōd, sans estre receu d'aucun, reuint en Romme, & print conseil de mettre à mort le senat. Pour ceste cause, par le commandement des senateurs fut fait mourir en prison. Ainsi fut il puny (trop tard) pour ses promptes entreprinſes à tout mal.

¶ De quelqu'un qui se fait filz d'Octouienne
sœur d'Auguste.

Adulation.

Le sacré empereur Auguste, duquel la diuinité regit maintenant la terre, ne fut exempt de ceste sorte d'iniure. Quelqu'un osa feindre estre yssu du ventre de sa tresillustre & tresuertueuse sœur Octouienne, coulourât sa mésonge, & disant qu'il auoit ouy dire à sa nourrice, que pour ce qu'il estoit merueilleusement foible & debile de corps, ladicte nourrice l'auoit retenu pour sien: & auoit enuoyé son propre enfant, à raison qu'il estoit plusuif & fort, à Antoine & Octouienne, afin que la lignée royale fust exterminée, & qu'en son endroit on suscitast villenie. Or comme ce paysant persistoit de toute son impetuosité à ceste menterie & souueraine audace, par le commandement d'Auguste fut enchainé en vne galere, pour tyrer la rame avec les forçaires.

¶ De quelqu'un qui se disoit estre filz
de Quintus Sertorius.

On trouua vn qui se disoit estre filz de Quintus Sertorius: ce que congnoissant la femme dudit Sertorius ne peut estre induite par force aucune de le receuoir.

¶ De Trebellius Calca.

Iuste iugement.

Que dirons nous de Trebellius Calca, qui osa affermer hardiment estre filz de Clodius: & ce pendât qu'il pourchassa par procès les biens dudit Clodius, deuant les cent sénateurs, disant estre son vray heritier, fut tât fauorisé du peuple, que ledit peuple à grande peine peut souffrir (tant estoit troublé & hors du sens) que ceulx qui entédoyét la trôperie en dissent leur opiniô, & dônaissent iuste arrest: ce neantmoins en ceste enqueste l'equité des iuges ne dôna lieu à la fallace du demandeur, ny à la violence du peuple.

¶ De quelqu'un qui auoit controuué estre
filz d'Asidius.

L'equité d'Auguste.

Vn soudard de Sylla fait encore plushardiment. Lors que ledit Cornille Sylla tint la republique Rommaine en sa main, ledit soudard entra en la maison de C. Asidius, & iecta hors dudit logis le propre filz dudit Asidius, disant qu'il n'auoit esté engendré d'Asidius, mais que c'estoit luy. Mais apres que la bonne iustice d'Auguste Cesar eut ramené le regime de l'empire Rommain en bon ordre, & corrigé les violences & oultrages de Sylla, & qu'il fut fait empereur, pource qu'il estoit prince trop plus droicturier & iuste que ledit Sylla, cômanda mettre en prison publique le susdict soudard, & illec fina ses iours malheureusement.

¶ D'une femme qui se disoit estre
Rubria.

Du temps de l'empire du mesme Auguste, pour semblable méterie la temerité & audace d'une certaine femme fut reprimée à Milan. Vray est qu'une riche femme, nommée Rubria, par fortune de feu auoit esté bruslée, & ses biens desia

desia auoyét esté partiz entre ses heritiers: lors vint vne autre femme, qui se disoit Rubria, qui afin qu'elle iouist des biens qui ne luy appartenoyent, alleguoit que c'estoit mal pensé au peuple de croire qu'elle eust esté bruslée. Or nonobstant qu'elle ressembloit proprement à ladicte Rubria, & qu'elle eust des témoigns grâds personages, & qu'elle fust favorisée d'une des cohortes dudit empereur, toutefois son entreprinse fut vaine, pour l'inuincible constance dudit Auguste.

Auguste iuge
constant.

¶ D'un Barbare qui simula estre le
roy Ariarathes.

Cestuy mesme Auguste feit punir de iuste supplice vn barbare affectant le royaume de Capadoce, & soy disoit estre Ariarathes, pource que singulierement il luy ressembloit: lequel ce neantmoins estoit tout cler, qu'il auoit esté tué par Marc Antoine. Iacoit ce que ledit barbare pourchassant follement ceste dignité, fust favorisé & supporté des villes & nations presque de tout l'orient, pource qu'elles croyoyent iceluy estre veritablement Ariarathes: nonobstant ledit Auguste constamment congneut sa menterie, & le
feit corriger comme bien l'auoit
merité.

La correction
que feit Augu-
ste d'un men-
teur.

¶ Fin du neuſieme liure de Valere
le Grand.

EN plusieurs volumes, tant nouueaux, que de l'impression d'Alde, ie n'ay point trouué ce dixieme icy: toutefois ie l'ay veu en deux liures fort anciens. C. Titus probus nous l'a mis en lumiere comme ie pense, & pource qu'il estoit possible de praué, l'a reduit en abbrege: duquel voicy le petit proeme subsequant: s'il sent le stile de Valere, ie m'en rapporte aux doctes personages de bon iugement.

¶ L E P R O E M E D E C. T I T V S
Probus sur son abbrege.

LE dixieme liure de ce present oecture, qui est le dernier, a esté perdu, ou par la negligence, ou par la maluerillance des libraires: mais l'abbreuiateur, qui auoit parauenture les tiltres entierement, n'a fait mention que de l'abbrege d'un: c'est ascauoir du prenom, que nous disons en François surnom.

X v Abbrege

Abbregé du dixieme Liure

PAR C. TITVS

Probus.

¶ Du furnom.

Les contredi-
sans de Varro



Arro dit qu'en Italie premieremét on n'vsoit que de simples noms: & allegue pour ses raisons que Romulus, Remus & Faustulus n'eurent de furnom, ne de cognom, c'estadire en François sournom. Surnom, qui est au dessus du nom, & sournom, au dessous du nom. Ceulx q sont de contraire opinion à Varro, disent que la mere de Romulus & Remus, estoit appelée Rhea Syluia, leur grand pere Syluius Numitor, son frere Amulius Syluius: & les premiers Rois d'Albanie Capetus Syluius, Agrippa Syluius. les ducz d'apres, Metius Suffetius, Tutor Clodius. Les contredisans de Varro ne se contentent de ceulx cy, ains passent aux Sabins, & alleguent Titus Tatius, Numa Pompilius, & son pere Pompilius Pópilius. Les princes aussi de ceste region estoient dictz Putilianus Lauianus, Volesius Valensius, Metius Curtius, & Alius Simusileaticus. Des Hetrusques ou Toscans ilz recitent Laertes Porfena. Des Equicules, Septimius Medius leur premier roy, & Sertor Resius, qui le premier institua le droit des heraultz: ainsi voila comme l'opinion de Varro est confutée. Il fault croire que les Rommains ont prins leur coustume des Albanois & Sabins, de multiplier leurs noms, pource qu'ilz sont descenduz d'iceulx. Tous les noms qui ont esté inuentez pour diffinir vnchascun de nous, ilz ont vne mesme force de signifier l'homme: ce qui est dict par propriété differe, car par cestuy là on congnoit la race ou famille, pourtant est il dict nom gentil, c'estadire nom de race. Les autres noms sont varieez par ordre. Le nom qui est preposé, c'estadire mis deuant le nom de la race, est dict furnom: celui qui est mis apres, est dict sournom: & celui qui est mis le dernier, que les Latins appellent agnomen, en François plusieurs le nomment soubriquet. L'ordre de ces noms n'a pas tousiours esté gardé ainsi côme i'ay exposé. L'usage des furnoms & sournoms a esté mis l'un deuant l'autre aucunesfois, ainsi qu'on a peu voir aux annales des consulz. On nommoit Posthumus Cominius Aruntius, & Posthumus Ebutius Helua, & Vopiscus Iulius, & Opiter Virginus Tricoscus, & Paulus Fabius Maximus. Aussi quelques sournoms furent tournez en noms, comme Cepio: Brutus eut ce nom là.

Varro estime qu'en Romme il y auoit de noms & de furnoms de familles & races enuiron trente. On n'auoit point de coustume de doner furnoms aux ieunes enfans, ainçois qu'ilz vestissent la togue virile, ny aux filles, ainçois qu'elles fussent mariées: Quintus Scevola le dit ainsi: Les furnoms qui furent le temps passé, maintenant sont sournoms, comme Posthumus, Agrippa, Prœculus. Cesar Opiter estoit dict, qui estoit né depuis que son pere estoit mort, son grand pere encore vivant: comme Opiscus, qui estoit conceu genis au ventre

ventre de sa mere, & qui naquissoit vif & entier, son frere, ou sa seur n'ayant vie. Hospes fut vn surnom, & estoit dict de celuy qui estoit né chez son hôte en voyageant: ce qui aduint à Lucretius Tricipitius compagnon de Lucius Sergius. Volero fut aussi vn surnom, & estoit dict de ceulx qui estoient veuz naistre ainsi voulant leurs peres & meres, libres & francz: de quoy vsa Publius Philo. Laertes fut vn surnom deriué de Lares, qui est maison: & dit on qu' auparauant il estoit Toscan: & ce surnom eut vn consul. Heriminus fut le surnom de Titus Virginius Castus. Staius estoit dict de stabilité, Faustus, de faueur: Tullus par bon presage fut dict quasi tollendus, digne d'estre esleué sublimé. Sertor, qui estoit né durant les semaisons. Ancus, ainsi que pense Varro, a esté translaté des Toscans: mais Valere escrit qu'il est prins pour celuy qui estoit imparfait du coude, qui est dict en Grec ancon. Lucij estoient ceulx qui estoient nez au point du iour: ou ainsi comme disent les autres, qui estoient dictz des Lucumós peuple de Toscane. Mámiij, qui estoient nez au matin, ou par bon presage, quasi bons: car les anciens appelloient manum, bon. Cneus estoit ainsi appelé pour quelque singularité ou excellence, lequel surnom est escript diuersemét: les vns l'escruiuent Neus, les autres, Gneus, & les autres, Cneus. Ceulx qui y mettent vn g, suyuent les anciens, qui vsoient fort de ceste lettre g, qui disoient frugment & gnature. Celuy qui s'engendre en corps, est appelé Gneus: ceulx qui vsent de c, se resiouissent de corruption de syllabes: ceulx qui disent Neus, demonstrent la legereté de Gaius, pour la gayeté & ioyeuseté de ses parens: Gaius est dict celuy de quoy s'esgayent le pere & la mere. Auli, ceulx que les dieux nourrissoient en leur naissance. Marci, qui naissoient au mois de Mars. Publij, qui estoient orphelins ains qu'ilz eussent surnom: ou estoient dictz à Pube, qui est vne barbe follette. Tiberij, ceulx qui naquissoient iouxte le fleue du Tibre: Titus de Tito nom Sabin: Appius d'Acteus, surnom de ceste mesme region. Cesones, qui apres leurs meres mortes estoient tirez de leur ventre: Seruius, qui estoit gardé au ventre apres que sa mere estoit morte: Spuriij, desquelz on ne congnoissoit le pere: Numeri, dont vsa seulement la famille & race des Fabiens, pource que trois cens & six de ceste maison, furent occis au fleue de Trema, & n'en reschapa qu'un de ceste lignée, qui fut marié à la fille de Numerius Iotalicus Malemitanus, par ceste condition, que le premier filz qu'il auroit, seroit surnommé Numerius: ce qu'il accorda. Les femmes Romaines anciennement furent surnommées le plus souuent Rutilie, Cesellie, Rodocille, Mutrulle & Burre, à raison de la couleur & teinct qu'elles portoyent. Rutilie, blonde: Cesellie ayant les yeulx verdz: Rodocille, de couleur rosée, ou blâche: Mutrulle, brune: & Burre, rousse. Les surnoms des femmes qui ensuyuent, sont venuz des homes, come Caia, de Gaius: Lucia, de Lucius: Publia, Mereia. Quat au surnom de Caia, il fut plus en vsage, q tous les autres: pource qu'on dit que Caia Cecilia, femme du roy Tarquin l'ancie, estoit fort habille en outrage de laine: parquoy fut institué que les nouuelles mariées fussent interroguées deuant la porte de leurs maris, come elles auoyent nom: alors respondoyent qu'elles s'appelloient Caies.

F I N.

Es pere en mieulx.

Table alphetique des noms

DE TOVS CEVLEX QUI SONT DE

nommez en ce present uolume. De laquelle le premier

nombre signifie le liure auquel est l'exem-

ple dudit personnage, & le

dernier nombre, le

chapitre.

A



Cius poete	iii. vii
Admetus roy de Theſſalie	iiii. vi
Affranie femme de Licinius Brictio	viii. iii
African le premier	ii.ii. & iii.i. & ii.v. & v.iii. & v. vi. & vi.vi. & vi.ix. & viii. xv. & viii.xvi. & ix.vii. & iii. ii.
African le dernier	ii.ii. & iii.i. & v.i. & v.iii.
African & Tibere	iiii. ii
Agathocles roy de Syracuſe	vii. iii
Ageſilaus	vii. ii
Agrigentin Gillias	iiii. viii
Alcibiades	i.vii. & iii.i. & vi.xi
Alexandre roy	i.iiii. & iii.vii. & v.i. & ix.iii. & ix.v. & ix.xiii. & vi.iiii. & viii.xi. & viii.xv.
Alexandre ſeruiteur de Fannius	viii. iii
Alexandre roy de Macedone	i.vii. & v.i. & vii.iii. & vii.iiii. & iii.iii. & iii.viii.
Amilie	iiii. vii
Amilcar	i.vii. & ix.iii.
Amour d'un pere enuers ſon filz	vii. iii
Amour d'une fille enuers ſa mere	v. iii
Amour des peres & meres enuers leurs enfans, & du bandon qu'ilz leur ont donné	v. vii
Amphiaras	viii. xvi
Amphinomus frere d'Anape	v. iii
Anacharſis	vii. ii
Anacreutes	ix. ii
Anapus frere d'Amphinomus	v. iii
Anaxagoras philoſophe	v.x. & vii.ii. & viii.vii
Anaxarchus	iii. iii
Anaximenes regent d'Alexandre	vii. iii
Antigonus	v. i
Antiochus	iiii. i
Antiochus roy	ii.v. & iii.i. & ix.xv.
Anthiochus roy de Syrie	ix. i
Antius	

Table

Antius Restio seruiteur	vr. viii
Antipater poete	i. viii
Anciennes coustumes & manieres de viure	ii. i
Antoinette femme de Prusias	iiii. iii
Apolloniates	i. v
Apollo se vengeance de sacrilege	i. ii
Appius	viii. xiiii
Appius Clodius	vii.ii.& viii.i.& ix.iii.
Arcades	i. vii
Archilochus poete	vi. iii
Archimedes philosophe	viii. vii
Architas Tarentin	iiii. i
Areopagus	ii. i
Arganthomus Gaditanus	viii. xiiii
Argonantes	iii. vi
Ariobarzanes roy de Capadoce	v. vii
Aristides Athenien	vi. v
Aristides Rommain	vii.iii
Aristides	v. iii
Aristophanes	vii. ii
Aristogitones	ii. v
Aristoteles	v.vi.& vii.ii.& viii.xv
Arthemise	iiii.vi
Artisans	viii. xiii
Artorius medecin	i. vii
Asnier	vii. iii
Atheniens	ii.i.& v.iii.& vi.iii.& viii.xiii.& ix.ii.& ix.viii.& i.ii.& iii.v.
& vii.iii.	
Attalus roy	v. ii
Atterius le Roux	i. vii
Attilius	i. viii
Attilius Calatin	iii.iii.& viii.i
Attilius Philiscus	vi. i
Attilius Regulus	iiii. iii
Augustus Cesar	i. vii
Aulus Attilius Calatin	viii. i
Aulus Fuluius	v. viii
Aulus Gabinus	viii. i
Aulus Posthumus	i. viii

B.

Barbares	ix. ii
Bebius Pamphilus consul	i.i
Berence	viii. xvi
Bias de Prienne	vii.ii.& vii.iii
Biton	

alphabetique.

Biton frere de Cleobus	v. iiii
Blaise	iii. vii
Brutie femme de L. Menenius Agrippe	vii. vii
Brutus premier consul	v. vi
Brutus	ix. xiii
Bruse femme	iii. viii

C

Caius Blossius	iii. vii
C. Calpurnius Piso	vii. vii
C. Carbo	ix. vii
C. Cesar	vi. xi. & ix. viii
C. Claudius le Bel	ii. i
C. Cornelius Hispalus	i. iiii
C. Cassius	i. v. & iii. i. & ix. ix
C. Cotta	ii. ii
C. Cosconius	viii. i
C. Duellius	iii. vi
C. Eluius	ix. ix
C. Fabius	i. i. & i. viii
C. Fabritius	i. viii. & iii. iiii
C. Flaminius	i. vi. & v. iiii
C. Fescenninus triumvir	vi. i
C. Flavius	ii. i
C. Gracchus	i. vii. & vi. iii. & iii. vii. & viii. x
C. Hostilius	i. vi
C. Julius Cesar	iii. v
C. Junius	ii. iiii
C. Licinius	ix. xii
C. Mallius consul	ii. i
C. Marius	i. v. & ii. i. & ii. v. & iii. vi. & iii. v. & v. ii. & vi. i. & viii. ii. & viii. vi. & viii. xvi. & ix. ii.
C. Marius Candidatus	vi. xi
C. Marius le vieil	iii. ii
C. Martius	iii. iii
C. Meuius	iii. viii
C. Numenius Fabius	iii. iii
C. Plautius	iii. vi
C. Plotinus	vi. viii
C. Scipio	iii. viii
C. Sempronius	iii. ii
C. Sergius Orata	ix. i
C. Sulpitius Gallus	vi. iii
C. Turanius	ix. xi
C. Valerius Flaccus	vi. ix
C. Vatienus	

Table

C. Vatienus	vi. iiii
C. Visellius	viii. ii
C. Volumnius	i. vi
Calanus Indoïs	i. viii
Caliguritains	vii. vi
Callidius de Boulongne	viii. i
Calpurnius Piso	iiii.iii. & vii. vii
Cambyſes roy	vi. iiii
Camillus	i. v. & ii. iiii. & v. iiii
Campeñois	v. i. & ix. v
Caninius Gallus	iiii. ii
Carneades philoſophe	viii. vii
Carthaginiens	v. iiii. & ix. ii. & ix. v. & ix. vi
Cafilinales	vii. vi
Cafſius	v. viii
Catilina	ix. i
Cato	vi. ii
Cato inferieur	viii. vii
Cato poſterieur	iiii. i. & iii. iiii
Cato ſuperieur	iii. vii. & iii. iii. & viii. vii
Cato Vticenſe	iii. ii
Cecile femme de Metellus	i. v. & ii. i
Cecinna	ii. iiii
Celius Rufus	iiii. ii
Celius & ſes freres, filz de Titus Celius	viii. i
Celtiberes	ii. i
Ceres	i. i. & i. ii
Ceſar	v. i
Ceſellius	vi. ii
Ceſetus Rommain	v. vii
Charondas Tyrius	vi. v
Chlelie vierge	iii. ii
Chryſippus	viii. vii
Cicero	iiii. ii
Cimon Athenien	v. xi
Cimon enuers ſon pere	v. iiii
Cinna	vii. vi
Cité Rommaine	ii. iiii
Citez des Spartains	ii. i
Claude vierge Veſtale	v. iiii
Claude fille d'Aulus	viii. xiiii
Claude, aliàs Claudia	viii. i
Claude Marcel	vi. i
Claude Nero	ii. iiii
Cleantes philoſophe	viii. vii
Clearchus	

alphabetique.

Clearchus duc des Lacedemoniens	ii. ii
Cleopatra	ix. ii
Cn. Carbo	ix. xii
Cn. Cornelius Scipio, l'Asne	vi. xi
Cn. Cornelius Scipio	vi. iii
Cn. Cornelius Scipio, surnommé Scrapio	ix. xv
Cn. Domitius	ix. i. & ix. vi
Cn. Domitius tribun du peuple	vi. v
Cn. Fulvius Flaccus	ii. iii
Cn. Lentulus Marcellinus consul	vi. ii
Cn. Martius	iii. iii
Cn. Pifo	vi. ii
Cn. Pompeius	i. vi. & ii. i. & v. i. & viii. xvi. & ix. v
Cn. Pompeius gendarme	v. v
Cn. Popilius Lenates	v. iii
Cn. Scipio,	iii. vii. & iii. iii. & iii. v
Codrus roy d'Athenes	v. vi
Celies, qui sont deux freres, filz de Titus	viii. i
College des tribuns	vi. v
Coma frere de Diogenes	ix. xii
Coriolan	v. iii
Cornelie	iii. iii. & iii. vi
Cornelius Balbus	vii. ix
Cornelius Cascus	iii. ii
Cornelius Scipio	vi. iii
Cotta	viii. i
Coustumes anciennes & maniere de viure	ii. i
Coustumes des ieuz	ii. i
Crassus di& Riche	vi. xi
Cretenfes	vii. ii. & vii. vi
Cresus, & de son filz	i. vii. & v. iii
Curio	ix. xv
Gurions	ix. i
Curtius Rommain	v. vi
Cynegirus	iii. ii
Cypriens	ix. i
Cyrus	viii. vii
Cyrus superieur	i. vii
D.	
Damasippus	ix. ii
Damon	iii. vii
Dando	viii. xiii
Daphida	i. viii
Darius	v. ii
Darius roy	v. iii. & vii. iii
	Decius

Table

Decius Brutus	viii. xv
Decimus Lelius	iiii. vii
Demades	vii. ii
Democritus philosophe	viii. vii
Demosthenes	iii.iiii.& vii.iii.& viii.vii.& viii.x
Deiotarus roy	i. iii
Du cultiement des dieux	i. i
Diogenes	iiii. iii
Diomedon	i. ii
Dion Syracusan	iii.viii.& iii.i
Dionysius	i.ii.& i.vii
Dionysius roy de Syracuse	ix. xiiii
Dionysius Tyrant	vi. xi
Diphilus Tragedus	vi. ii
E.	
Egles Samien	i. viii
Egnatius Metellus	ix. iii
Eliens & de leur famille	iiii.iiii
Elius Mantia Formianus	vi. ii
Elius preteur	v. vi
Emilie vierge	i. i
Emilian Scipio	ii. v.& iii.ii
Emilius Lepidus	iii. i
Emilius Paulus	v. x
Empoisonnemens faitz à Romme	ii. i
Epaminundas	iii. ii
Ephialtes	iii. viii
Epimenides Cnosus	viii. xiiii
Epiens	viii. xiiii
Erus Pamphilus	i. viii
Eschilus poete	ix. ii
Eschines	viii. x
Esculape	i. viii
Ethiopes	viii. xiiii
Ebucie femme de L.Menenius Agrippe	vii. viii
Eumenes roy d'Asie	ii. i
Euporus seruiteur de Gracchus	vi. viii
Euripides	iii. iii
Euripides philosophe	iii. vii
Euripides poete	ix. xii
Exemple de vertu que donnoyent les anciens aux ieunes	ii. i
F.	
Fabius Labeo	vii. iii
Fabius Maximus	i.i.& iii.i.& iii.viii.& v.ii.& vii.iii
Fabricius Lucinus	ii.iii.& iii.iii
Femme d'Orgiagont	

alphabetique.

Femme d'Orgiagont Regule	vi. i
Femme qui tua son mary & son filz	viii. i
Femme qui beut vne potion morifere	ii. i
Femme de Naufimenes	i. viii
Figulus ou Potier	ix. iii
Fille de Mithridates roy	i. viii
Filz de Clodius le Bel	iii. v
Filz de Cresus	v. iii
Filz de P. Decius	v. vi
Filz de D. Fabius degener.	iii. v
Filz de Tulles Annal	ix. xi
Fimbria	ix. xi
Femme Punice	ii. i
Fortune & son simulachre	i. viii
Foy publique	vi. vi
Foy des seruiteurs enuers leurs maistres	vi. viii
Femme du premier African	vi. vii
Femme des Theutons ou Allemans	vi. i
Fuluius	v. ix
Fuluius Flaccus	iii. viii. & viii. iii
Furius Camillus	i. viii. & iii. i. & v. iii

G.

Gaullois & de leur maniere de faire	ii. i
Gemellus seruiteur des tribuns	ix. i
Gentilz hommes Rommains	ix. iii
Gemitius Cippus preteur	v. vi
Genitius	vii. vii
Gera	ii. iii
Gobria	iii. ii
Gorgias Epirota	i. viii
Gorgias Leontin philosophe	viii. xvi
Gratidius	ix. vii
Graues dictz & faitz	vi. iii
Gyges	vii. i

H.

Hala Sernilius	v. iii
Hannibal	i. vii. & iii. vii. & v. i. & vii. iii. & vii. iii. & ix. i. & ix. iii. & ix. v
Hanno	vii. ii
Harmodius	ii. v
Hegesia philosophe	viii. ix
Heremius Pontius Samnite	vii. ii
Heremius Siculus	ix. xii
Hetrusques	ix. ii
Herophilus equarius	ix. xvi
Hibrea Milefius	ix. xv

Table

Hiero Syracusan	iii. viii
Hippocrides	i. viii
Hippo femme	vi. i
Hipocratee femme de Mithridates	iii. vi
Homere poete	viii. viii
Horatius	vi. iii
Horatius Cocles	iii. ii
Horatius Puluillus	v. x
Hortensie fille de Q. Hortense	viii. iii
Hortense Corbio	iii. v
Humanité des Rommains	i. viii
I.	
Iafon	i. viii
Iafon mort	ix. x
Indiens	viii. xiii. & iii. iii
Indice femme	ii. i
Infames	viii. i
Ifocrates	viii. vii
Julie femme de C. Cesar	iii. vi
Julius	i. viii
Iules Cesar	viii. ix
Iunius Brutus	vii. iii
Jeunesse Rommaine	ix. iii
Jeune compagnon nommé Pluto	v. iii
L.	
Lacedemon	iii. vi
Lacedemoniens	vi. iii
Lelius	viii. viii
Le&torius	iii. vii
Lentulus	v. iii. & vii. ix
Lentulus & Metellus	ix. xv
Leonidas Spartain	iii. ii
Librement dictz & fai&tz	vi. ii
Licinia	vi. iii
Licinius Fimbria	vii. ii
Linceus	i. viii
Liuvia femme de Rutille	viii. xiii
Lwius Drusus	viii. vii
Luius le Saulnier	iii. vii. & ix. iii
L. Bibaculus	i. i
L. Brutus	v. viii
L. Calphurnius	ii. ii
L. Catilina	ix. xi
L. Cinna	iii. iii
L. Cornelius	

alphabetique.

L. Cornelius	v. i
L. Cornelius Merula	ix. xii
L. Crassus	iii. vii. & iii. v. & vi. ii. & vi. v. & viii. v. & ix. i. & ix. vii
L. Domitius preteur	vi. iii
L. Emilius Paulus	i. iii. & vii. v
L. Flaccus	ii. iii
L. Furius	ii. iii
L. Gellius	v. ix
L. Hortense	v. ix
L. Iunius	i. iii
L. Lentulus	i. viii. & vi. xi
L. Luculus	vii. ix
L. Manlius Torquatus	v. iii
L. Martius	i. viii. & viii. xvi
L. Marcus	viii. v
L. Martius tribun de la gendarmerie	ii. ii
L. Paulus	v. i
L. Paulus & sa fille	i. v
L. Petronius	iii. vii
L. Piso	viii. i
L. Pontius chevalier Rommain	viii. vii
L. Quintus Cincinnat	ii. ii. & iii. i
L. Rheginus	iii. vii
L. le Saulnier	ii. iii. & iii. vii
L. Scipio	iii. vi. & iii. vii. & viii. i
L. Sextilius	vii. i
L. Septimuleius	ix. iii
L. Sicinius le dentu	iii. ii
L. Sylla	i. ii. & i. vi. & iii. vi. & v. ii. & vi. v. & vi. ix. & vii. v. & viii. xv. & ix. ii. & ix. iii
L. Sylla consul	i. xvi
L. Tarquinius	i. iii
L. Valere	vii. ix
Lucretius	i. iii
Lucretius consul	ii. iii
Lucretia	vi. i
Lycurgus	v. iii
Lycurgus legislateur des Lacedemoniens	i. iii
M.	
Magius Chilo	ix. xi
Manlius	vi. iii
Manlius Torquatus	ii. ii. & v. viii. & vi. iii. & ix. iii
Manlius Torquat filz de L. Manlius Torquat.	vi. ix
Marcellus	i. i. & i. xvi
Marc Emilius Lepidus	iii. ii
Y iii	M. Emilius

Table

M.Emilius Porcina	viii. i
M.Emilius Scaurus	viii. i
M. Agrippe	iii. vii
M. Ancus Carseolanus	vii. vii
M. Antonius	ii. iii. & iii. vii. & vii. iii. & v. i. & viii. ix. & ix. v
M. Aquilius	ix. xiii
M. Attilius Regulus	i. i. & ii. iii. & iii. ii
M. Bibulus	iii. i
M. Brutus	i. iii. & i. v. & v. i. & vi. iii
M. Cato	iii. i. & iii. vi. & iii. iii. & viii. xvi
M. Castritius	vi. ii
M. Cicero	i. iii. & i. vii. & viii. v. & viii. x
M. Claudius Marcellus edile & son filz	vi. i
M. Clodius	vi. iii
M. Cornelius	i. i
M. Cotta	v. iii
m. Craffus	i. vi. & ix. iii
m. Curius	iii. iii
m. Curius consul	vi. iii
m. Drusus tribun	ix. xiii
m. Fabius	v. v
m. Flaccus	vi. iii
m. Fulvius Flaccus	ix. v
m. Horatius	viii. i
m. Iuuentius consul	ix. xii
m. Lepidus	viii. v
m. Licinius Stolo	viii. vi
m. Marcellus	i. vi. & ii. iii. & iii. ii. & iii. i. & v. i
m. Manlius	vi. iii
m. Maritus	ii. i
m. Messala	ix. xv
m. Menenius Agrippe	iii. iii
m. Militius. Cn. Lolius	viii. i
m. Palicanus	iii. viii
m. Perpenna	iii. iii. & viii. xiii
m. Plantius	iii. vi
m. Popilius	vii. ix
m. Portius Cato	vii. v
m. Rutilius Cenforin	iii. i
m. Sceua	iii. ii
m. Sceuola	iii. ii
M. Scaurus	iii. iii. & v. viii. & iii. viii
m. Torquat	i. vii
m. Valere	viii. xvi
m. Valere le Grand	ii. iii
	m. Valere

alphabetique.

m. Valere Meffalla	ii. iiii
m. Valerere Coruin	viii. xiiii
m. Volufius edile	vii. iii
Martius	i. vi
Martius Coriolan	v. ii
Mafiniffa roy	i. ii. & v. ii. & viii. xiiii. & ix. xiiii
Mafiliens	ii. i
Menogenes cuifinier	ix. xv
Metellus	i. i. & i. iiii. & ii. ii. & iii. viii. & v. ii. & viii. xiiii. & ix. iii
Metellus Celer	vi. i
Metellus Macedonien	i. iiii
Metellus Numidien	i. iiii
Metellus Pius	ix. i
Metellus grand preftre	i. i
Midas	i. vi
Milo Crotomates	ix. xii
Miltiades	v. iii
Minos roy de l'ifle de Crete	i. iii
Minutius conful	v. ii
Minutius maiftre de la gendarmerie Rommaine	v. ii
Mithridates	v. ii. & viii. vii. & ix. ii. & ix. xi
Munatius Flaccus	ix. ii
Mutius Sceuola	iii. iii

N.

Numa Pompilius	i. iii
Numantins	vii. vi
Numides	ii. i
Nopces & comme elles font celebrées	ii. i

O.

Oftaue fœur d'Augufte	ix. xvi
Oftavius Balbus	v. vii
Oftavius conful	i. xvi
Ochus, di&t Darius	ix. ii
Ochus Artaxerxes	ix. ii
Omen	i. v
Ordre de cheualerie	ii. i
Othrydes	iii. ii

P.

Panopion ferviteur	vi. viii
Papyrius	ii. ii
Papyrius Curfor conful	vii. ii
Papyrius Maffo	iii. vi
Paul Emile	ii. v. & iii. iii
Paufania cité	ii. i
Paufanias	ii. i. & viii. xv

Y

iii Pedanius

Table

Pedanius Centurion	iii. i
Pericles	iii. iii. & viii. ix. & viii. xi
Pericles prince d'Athenes	v. x
Persans	ii. i
Pestilence	i. viii
Petilins	vi. vi
Petilius	i. v
Peuple d'Egypte	ix. i
Peuple Rommain	iii. viii. & iii. v. & v. iii. & ix. vii. & ix. ix
Peuple des Cininienſes	vi. iii
Pherenice	viii. xviii
Phidias	iii. vii
Philenes freres Carthaginois	v. vi
Philemon	ix. xii
Philippe Macedo roy	i. viii
Philippe roy, pere d'Alexandre	vii. ii
Philippe roy	v. ii. & i. viii
Philocrates ſeruiteur de Gracchus	vi. viii
Philon	viii. xiii
Phocion	iii. viii. & v. iii
Pitié enuers ſes freres	v. v
Pitié enuers le pays	v. vi
Pindarus	ix. i
Pindarus ſeruiteur de Caſſius	vi. viii
Pirithous	iii. vii
Piſiſtratus	i. iii. & viii. ix. & v. i
Piſiſtratus tyrand d'Athenes	i. iii. & v. i
Pittachus	iii. i
Pittacus Mytilenien	vi. v
Platon	i. vi. & iii. i
Platon philoſophe	iii. i. & vii. ii. & viii. vii. & viii. xiii
Pleminius ambaffadeur de Scipion	i. ii
Pluto ieune compaignon	v. iii
Polemon philoſophe d'Athenes	vi. xi
Poliftratus	i. viii
Policrates tyrant de Samiens	vi. xi
Polydamas	ix. xii
Pompeius	i. v. & v. iii. & iii. v. & iii. vii. & viii. xv
Pompeius patient	iii. iii
Pompeius Rheginus	vii. viii
Pompilius ambaffadeur	vi. iii
Pontius	iii. viii
Pontius Aufidianus	vi. i
Portia fille de Caton	iii. ii. & iii. vi
Portius Caton	ii. iii. & iii. ii
	Posthumius

alphabétique.

Posthumus	ii. iiii
Posthumus Tyburtius	ii. ii
Potitius	i. ii
Prenestins	vii. vi
Preteur Rommain	ix. xv
Priennois	i. v
Prince de Priuerne	vi. ii
Prusie fille du roy de Bithymie	i. viii
Ptolomée roy d'Egypte	ix. i. & ix. ii
Ptolomée roy des Cypriens	ix. iiii
Publicains	v. vi
Publicie	vi. iiii
Publicius Libertain	ix. xv
Pub. Attilius Philiscus	vi. ii
P. Bilius triumuir	viii. i
P. Celi	i. i
P. Claudius	i. iiii
P. Cl. Pulcher	iiii. ii
P. Clodius	ix. i
P. Cornelius consul	i. i
P. Cornelius Scipio	ii. ii
P. Crassus	iii. ii. & viii. vii
P. Decius	i. vii. & v. vi
P. filz de Decius	v. vi
P. Furius	viii. i
P. Furius Philo	iii. vii
P. Lentulus	v. iiii
P. Licinius	i. i
P. Meuius	vi. i
P. Mutius	vi. iiii
P. Pulcher	iiii. ii
Publius Rutilius	ii. i. & ii. v. & vi. iiii
P. Scipio	iii. vi. & viii. viii
P. Scipio African	vi. ii
P. Scipio Nasica	iii. ii. & iii. v. & iii. vii. & vii. v
P. Sempronius Sophus	vi. iiii
P. Senator	viii. vii
P. Seruilius qui auoit esté consul	viii. v
P. Sextilius	v. iiii
P. Valere Publicole	ii. i. & iii. i
P. Vatinius	i. viii
P. Ventidius	vi. x
Pudicité	vi. i
Pyrrhus	iiii. iii. & v. i
Pythagoras	viii. vii. & viii. xvi
	Pythias

Table

Pythias		iiii. vii
Quatre tribuns du peuple	Q.	vi. v
Quelque aymant		viii. i
Quintus Elius Tubero		vii. v
Qu.Emilius		iiii. iiii
Qu. Antistius ancien		vi. iiii
Qu. Calsius		ix. iiii
Qu. Catulus		ii.i. & ii.iii. & vi.ix. & viii.xvi. & ix.xii
Qu. Cecilius		vii. ix
Qu. Cecilius Metellus		vii. v
Qu. Cepio		vi. xi
Qu. Cincinnat		iiii. iiii
Qu. Confidius		iiii. viii
Qu. Consul		v. ii
Qu. Cotius		iii. ii
Qu. Crispinus		v. i
Qu. Fabius		viii. xv
Qu. filz de Fabius degener		iii. v
Qu. Fabius Gurges		iiii. iiii
Qu. Fabius Labeo		vii. iiii
Qu. Fabius Maximus		i.i. & ii.ii. & iii.ii. & iii.viii. & iii.i. & iii.viii. & v.
ii. & vi.ix. & viii.xv.		
Qu. Fabius Maximus Seuilianus		vi. i
Qu. Flavius		viii. i
Qu. Fulvius		i.ii. & ii.ii. & iii.
Qu. Hortense		viii. x. & viii.v. & ix.iii
Qu. Marcus Lepidus		viii. iiii
Qu. Marius roy		v. x
Qu. Martius Philippus		vi. iiii
Qu. Metellus		ii.ii. & ii.v. & v.i. & vii.i. & vii.ii. & vii.viii
Qu. Metellus consul		vii. iiii
Qu. Metellus Pius		viii. v
Qu. Pompée mort		ix. vii
Qu. Scevola		iii.viii. & iii.i. & viii.xiii. & viii.xvi
Qu. Seruilius		viii. v
Qu. Seruilius Cepio		ix. vi
Qu. Sertorius		i. iiii
Qu. Sertorius qui se disoit estre filz d'Octaue soeur d'Auguste		ix. xvi
Qu. Tubero Catelio		iiii. iiii
Qu. Varius tribun		viii. vi
Qu. Vgolinus		iii. iiii
R.		
Reuerence des ieunes enuers les anciens		ii. i
Romulus		iii. ii
		Royne

alphabetique.

Royne de Thracie	ix. ii
Royne Tomiris	ix. x
S.	
Saguntius	vi. vi
Samiens	i. v
Sariaftes filz de Tigranis roy	ix. xi
Satellites du roy des Veientois	ix. ix
Saturnius Vetulio	vii. iii
Sceuola	viii. viii
Scipion	ii. ii. & iii. ii. & iii. iii
Scipion Emilian	ii. v. & iii. vii. & iii. iii. & vi. iii. & viii. xvi
Scipion African	i. iii. & ii. v. & viii. xv
Scipion Afiatique	v. iii
Scipion filz d'African	iii. v
Scipion le grand	v. iii. & v. v
Scipion Nafica	iii. vii. & v. iii. & viii. xvi
Scipion premier	vii. iii
Scribe Cicereius	iii. v
Seleucus	i. iii
Seleucus roy	v. vii
Semiramis royne de Babylone	ix. iii
Sempronie	iii. viii
Senat	vi. v. & vii. ii
Senat & Fabritius	vi. v
Senat & le peuple Rommain	vi. vi
Senat Rommain clement enuers plusieurs	v. i
Senat Rommain	iii. vii. & v. i
Sept fages	iiii. i
Septitie	vii. vii
Sergius Galba	viii. i
Serpent merueilleux & long	i. viii
Sertorius	vii. iii
Serviteur d'Antius Restio	vi. viii
Serviteur de M. Antoine	vi. viii
Sernius Galba	vi. ii. & ix. vi
Sertius Terence	iii. vii
Seruius Tullus	i. vi
Seruius Sulpitius	i. vi
Sextus Liuius le Saulnier	iii. ii
Sextus Tarquinius	vii. iii
Sidonius	i. viii
Simonides	i. viii
Simonides poete	i. viii. & viii. vii
Simulachre de Fortune	i. viii
Siphax roy	vi. xi
Socrates	

Table

Socrates	iii.iii.& iii.viii.& vi.iii.& vii.ii.& viii.viii
Solon	v.iii.& vii.ii.& viii.vii
Sophocles	iii.iii.& viii.vii.& ix.xi
Soudard	vii. vii
Soudards du capitaine Aulbin	ix. viii
Soudards de Cn. Pompée	v. v
Soudards de L. Sylla	ix. vii
Sparte cité	ii. i
Spartains	v.iii
Spartain quidam	vi. iiiii
Spartains, ii.	iii. vii
Spurina	iii.v.& viii.xi
Spurius Cassius	vi. iii
Spurius Melius	vi. iii
Spurius Posthumius Albinus	vi. iii
Stasippus Tegeates	iii. i
Statue premiere en Italie	ii. i
Sulpice	viii. xvi
Sulpice femme de Lentule	vi. vii
Sulpice Gaullois	viii. xi
Syracusane, vne femme	vi. ii
Syracusanes, deux pucelles	iii. ii

T.

Tarquin roy	i. i
Tarquin Prisque	iii. iiiii
Tatius Sabinus	ix. vi
Tetius filz de Tetius	vii. vii
Temple de Venus	ii. i
Temple d'honneur & de vertu	i. i
Terentie femme de Cicero	viii. xiiii
Terence Culeo	v. ii
Terence Varro	iii.v.& viii.vii
Thales philosophe	vii. ii
Themistocles	v.iii.& v.vi.& vi.xi.& vii.ii.& viii.vii.& viii.xv
Theodore	iii. iii
Theodore Cyrenéen	vi. ii
Theopompus	iii. i
Teramenes	iii. ii
Theseus	iii. vii
Thracia	ii. i
Thraſybulus	iii.i.& v.vi
Thymasiteus prince des Liparitains	i. ii
Tibere Cesar	v. v
Tibere Gracch ⁹ .	i.i.& i.xiiii.& iii.i.& iii.ii.& iii.vi.& iii.vii.& vi.iii.& vi.v
Timantes	

alphabetique.

Timantes peindre	viii. xii
Tirinius centurion	ix. ix
Titius Sextus	viii. i
Titus Etherius	ix. xii
Titus Aufidius	vi. x
T. Barrulus	vii. ix
T. filz de Celius	viii. i
T. Gracchus	i. vi. & iii. vi
T. Iulius Campanus	iii. ii
T. Manlius Torquatus	iii. ii
T. Marius Vrinus	ix. vii
T. Publius Rutilius	vi. x
T. Quinctius Flaminius	iii. viii
T. Veturius, filz de Veturius	vi. i
Tribun du peuple Romain.	vi. i
Tribuns du peuple	ii. i
Tullius Servius roy	iii. iii
Tullus capitaine des Volsques	vii. iii
Tullus Hostilius	vii. iii. & ix. xii
Turie femme de Qu. Lucretius	vi. vii
Turulus	i. ii
Tusculans	vii. iii

V.

Valere	viii. ix
Valere Coruin	viii. xiii
Valere Flaccus	iii. ii
Valere Publicole	i. viii. & iii. iii
Valefrus	ii. i
Varro	iii. iii
Varro contre les Carthaginois	i. ii
Venus Praxitelis	viii. xi
Vetilius Leno	vii. vii
Vibius	iii. ii. & ix. xv
Vin defendu aux femmes	ii. i
Virginus homme de basse maison	vi. i
Vierge Emilie	i. i
Viriplaque	ii. i
Volsimenes	ix. i
Vsage des dardz premierement trouué	ii. i
Vulcan d'Alcamenes	viii. xi

X.

Xenocrates	ii. v. & iii. iii. & vii. ii
------------	------------------------------

Z

Table

Xenophilus Chalcidense Pythagorique
Xenophon
Xerxes

viii. xiiii
v. x
ix. i. & ix. v. & ix. xiii

Z

Zaleucus Locrensis
Zenon Eleates
Zenon
Zeusis peintre.

vi. v
iii. iii
iii. iii
iii. vii

SENSVIT AVTRE TABLE DES CHOSES

*faictes & dictes, contenues en ce present uolume : lesquelles
on n'a peu mettre en la precedente table, d'cause qu'elles
sont confuses, & ne peuuent observer l'ordre
alpbabetique en François.*

Et premierement,

La maniere d'appaiser la deesse Cerés	i. i
De la religion des Persans enuers Apollo.	là mesme.
De la religion des Atheniens disputans irreuermmment de ladiete religion,	là mesme.
La vengeance de Cerés contre les soudardz d'Alexandre.	i. ii
Le lac Albanois	i. vi
D'une iument qui poulena vn lieure	i. vi
De deux Arcades amys	i. vii
De pestilence	i. viii
Des dieux Troyens cas merueilleux.	là mesme.
De la femme de Nansimenes.	là mesme.
De quelque mathelot estant au riuage du Thir.	là mesme.
De la fille de Mithridates roy de Pont.	là mesme.
De la merueilleuse grandeur d'un serpent.	là mesme.
Des nopces	ii. i
Du premier diuorce	là mesme.
De l'usage du vin defendu aux femmes Rommaines.	au mesme.
De la chapelle de la deesse Viriplaque.	là mesme.
De l'honneur que faisoient les ieunes aux anciens.	là mesme.
Des anciens donnans exemple de vertus aux ieunes.	là mesme.
La coustume que gardoyent les anciens en la ville de Romme.	au mesme.
La merueilleuse constance des ambassadeurs Rommaines	au mesme.
Ordonnance contre les tribuns du peuple.	au mesme.
L'ordre de la cheualerie.	au mesme.
L'usage des dardz trouué premierement.	au mesme.
La coustume des ieuz.	au mesme.
	D'un pai

Table.

D'un paissant nommé Valois, & d'ou vindrent les ietuz seculiers.	ii. i
Des lucteurs.	là mesme.
Des empoisonnemens faictz à Romme.	là mesme.
Des menestriers, & inuention des masques.	là mesme.
La maniere de boire & manger des anciens.	là mesme.
De deux coffres ou bieres.	là mesme.
De rit & coustumes des Marfylliens.	là mesme.
La maniere de faire des Gaullois	là mesme.
Les meurs & coustume des Lyciens.	là mesme.
Des femmes d'Inde.	là mesme.
La louable coustume des Persans.	là mesme.
Les signes & cōiectures de bonté & vertu future qu'on veoit à vn enfant.	iii. i
De deux pucelles Syracusanes.	iii. ii
De quelque seruiteur.	iii. iii
Du filz de Qu. Fabius degenerant des meurs de son pere.	iii. v
Du filz de Clodius le Bel.	là mesme.
Du parlement de Romme.	iii. vii
Des capitaines des gens de pié.	là mesme.
La vertu de temperance.	iiii. i
Des sept sages de Grece.	là mesme.
La famille des Eliens.	iii. iiii
De quelque vieillard d'Athenes.	iii. v
La clemence du senat Rommain.	v. i
De ceulx qui font mestier d'enseuelir les corps des mortz.	v. ii
L'ingratitude des Rommains.	v. iii
L'ingratitude de Atheniens.	là mesme.
L'amour d'une fille enuers son pere.	v. iiii
La pitié d'une fille enuers son pere.	là mesme.
De deux freres.	là mesme.
Publicains ou receueurs de deniers publics.	v. vi
Des maistres de certains seruiteurs de cheualiers & capitaine de ges de pie.	v. vii
De deux freres Carthaginois nommez Philenes.	là mesme.
De quelque pere ignoble.	v. ix
D'un tribun de la communauté, ou du peuple Rommain.	vi. i
D'une femme nommée Hippone.	vi. vii
De la femme du roy Orgiagont.	là mesme.
Des femmes des Allemans.	vi. i
D'un prince de Priuerne.	vi. ii
D'une femme Syracusane.	là mesme.
D'une certaine femme.	là mesme.
Des citoyens de Cinanie en Portugal.	vi. iiii
De quelque Spartain ou Lacedemonien.	là mesme.
De quatre tribuns.	vi. v
La communauté des tribuns.	là mesme.
Des seruiteurs de plusieurs personnages.	vi. viii

Table.

Le parlement Rommain	vii.ii
De quelque roy	vii.ii
De quelque prelat Rommain	vii.iiij
La cité Rommaine	vii.vi
De quelque soudard	vii.vii
Du filz de M. Ancus Carseolan	là meisme
De deux freres nommez Celies	viii.i
D'une femme qui tua sa mere	ivii.i
D'une autre femme qui tua son mary & son filz	là meisme
D'un condamné pour larcin	viii.ii
D'un vieillard	viii.ix
D'un peindre	viii.xii
D'un autre peindre	viii.xii
D'un quidam qui voulut brusler le temple de Diane pour avoir bruit & honneur.	viii.xv
Des femmes Rommaines	ix.i
Du peuple d'Egypte	ix.i
De ceulx de Cypre	ix.i
Vne royne de Thrace	ix.ii
L'inventeur du taureau d'arain	ix.ii
Des gentilz hommes Rommaines	ix.iii
Carthaginois & Campenois	ix.v
Certains crediters.	ix.vii
Des soudardz de Lucius Sylla, & de la mort de Gratidius	ix.vii
Des soudardz de Cn. Pompée, & de la mort de Qu. Pompée	là meisme
Des soudardz du capitaine Aulbin	ix.viii
L'ignorance du peuple Rommain enuers Caius Heluius	ix.ix
Des satellites du roy des Veientois	ix.ix
De deux freres filz de roy	ix.xi
De deux femmes	ix.xii
Du cuisinier Menogenes semblable au pere du grand Pompée	ix.xv
De plusieurs qui pour ce qu'ilz estoient de bas lieu se disoyent estre autres qu'ilz n'estoyent afin d'estre aliez aux nobles familles	ix.xvi
Du nom, surnom, & sournom.	x.fol.clxv.

¶ FIN DE LA TABLE.

LES FAULTES TROVVEES APRES

l'impression.

a, signifie la premiere page du feuillet, & b, la seconde.

Fuillet.	Ligne.	Faulte.	Lisez.
xx.b.	xli.	afflayé.	afflué
xli.b.	ii.	ciniques	ciuicques
li. b.	xxxvii.	en delauant	en dilayant
lix.b.	xxxi	des coeus	des coeurs
lxiii.a.	xxvi.	son capitaine en	vn capitaine en
		vn lieu.	son lieu.
lxvi.b.	xxxviii.	Mansole	Mausole
au mesme.b.	xl.	anma	ayma
lxvii.a.	iiii.	Mansole	Mausole
au mesme.a.	v.	Mansole	Mausole
au mesme.a.	xv.	si pourmener	se pourmener
lxviii.b.	xxxviii.	doibt est	doibt estre
lxix.a.	xxii.	a quel	au quel
au mesme.b.	ii.	corutoisie	courtoisie
lxx.b.	v.	ecefsité	necesite
lxxix.b.	xvii	coustume	constance
lxxxi.a	xl.	exercerent	exerceroyent
lxxxiii.b.	iii.	prouulgué	promulgué
lxxxiii.a.	x.	pieté	pitié
au mesme.a.	xv.	de la pieté	de la pitié
au mesme.a.	xxvii.	de la pieté	de la pitié
au mesme.b.	ix.	la punition	& la punition
au mesme.b.	xi.	iurent	iugerent
au mesme.b.	xxv.	la pieté	la pitié
xc.i.a.	xxxviii.	possessions	passions
xcvii.b.	xlii.	coulpe	couple
ci.a.	ix.	restituerent	restituerent
ciii.b.	xxx.	peuple Rommain	& peuple Rô- main.
cxi.b.	i.	desdictz mon.	desdictz mon- dains.
au mesme.b.	xxiii.	desirent	desirant
cxii.a.	x.	commettoient	commettent
cxxxiii	xviii	Architas	par Architas
cxxxiiii.	xvi.	Oepidus	Oedipus
cxxxviii.	xix.	vn chascun	ou vn chascun
cxlv.b.	i.	de istres	des istres
cxlvi.a.	xxviii.	guerroyent	guerroyoyent.

Z iii

Fueillet.	Ligne.	Faulte.	Lisez.
cxlvi.b.	xii.	vne region.	en vne region.
au meisme.b.	xxxix.	ou de celuy	ou celuy.
clii.b.	xlui.	à elles	entre elles.
clvi.b.	xxxviii.	recit de peu	petit recit de
			ceulx.
clvii.a.	xxxvi.	sacriſié	sacriſice.
au meisme.b.	vii.	denié	deſuie.
clx.b.	xi.	de Herennias	de Herennius.
clxiii.b.	xliii.	d'Ilepos	de Nepos.
au meisme.b.	xxii.	ſuffiſe vous	ſuffiſe nous.
clxvi.a.	xxxii.	Iotalicus	Iotalicius.

¶ *Faultes trouuées à la table.*


Affranie femme de Licinius Brictio, lisez Bruſtio.

Berence, lisez Berenice.

Buſe, lisez Buſe.

C.Numerius, lisez Numerius.

Cecinna, lisez Cinna.



1



